


# ওথেনো

উইলিয়াম সেক্সপীয়ার প্রণীত

[ ফার রঙ্গমঞ্চে অভিনীত ৮ই মার্চ, ১৯১৯ ]

শ্রীদেবেন্দ্রনাথ বসু অনূদিত



সাঁহান্ন পদাঙ্ক অনুসরণে

আমি এই অনুবাদ-কার্যে অগ্রসর হইয়াছি,

সেই মহাকবি গিরিশচন্দ্রের

পুণ্যস্মৃতির উদ্দেশে

আমার এই নগণ্য প্রয়াস

উৎসর্গীকৃত হইল



## প্রথম সংস্করণের ভূমিকা

এই অনুবাদের যদি কিছু গুণ থাকে, তাহা, আমার ভায় গুরু মুংপিঙকে রসাইয়া যিনি. গঠনোপযোগী করিয়া গিয়াছেন—সেই নট-কবি-চুড়ামণি গিরিশচন্দ্রের। ইহার দোষ-ভাগ সমস্ত আমার—নিজস্ব আমার।

নাটক—অভিনয়ের জ্ঞাত। সেই নিমিত্ত এই অনুবাদের ভাবে ভাষায় আমি সর্বত্র অভিনয়-সৌকর্য্যের উপর দৃষ্টি রাখিতে চেষ্টা করিয়াছি। যে যে গর্তাঙ্ক এবং অংশ [ ] চিহ্নিত, তাহা অভিনয়ে পরিত্যক্ত হইয়াছে।

আর আমার কিছুই বলিবার নাই, কেন না, এই অনুবাদে বাঁহার। আমাকে উৎসাহ দিয়াছেন এবং মুদ্রাক্ষনের তত্ত্বাবধান করিয়াছেন, তাঁহাদের ঋণ কথায় শেষ হইবার নহে। বিশেষতঃ আমার সোদরপ্রতিম, সহায়, স্বহৃদ—জলধর দাদার! আমার যেমন মরুভূমির তৃষ্ণা, তাঁর দয়ারও তেমনি অজস্র বর্ষণ। আর এক কথা—ষ্টারের বর্তমান সুদক্ষ অধ্যক্ষ আমার স্নেহাঙ্গীকৃত শ্রীমান্ অপরেসচন্দ্রের উৎসাহ, যত্ন, সংসাহন এবং ত্যাগ-স্বীকার ব্যতীত বঙ্গ-রঙ্গমঞ্চে দেশপীড়ার পুনরভিনয়ের কোন সম্ভাবনাই ছিল না।

মার্চ ১৯১৯ }

বিনীত

শ্রীদেবেন্দ্রনাথ বসু

দেশ—ভেনিস ও সাইপ্রাস দ্বীপ

কাল—খ্রীষ্টীয় ষোড়শ শতাব্দীর শেষভাগ

## পাত্র-পাত্রীগণ

### পুরুষগণ

ভেনিসের সামন্তরাজ

ব্রাবান্সিয়ো ... মন্ত্রণা-সভার বৃদ্ধ সদস্য

অগ্রাত্ত সদস্যগণ

গ্রাটিয়ানো! ... ব্রাবান্সিয়োর ভ্রাতা

লডোভিকো! ... ঐ আত্মীয়

ওথেলো ... সম্ভ্রান্তবংশীয় মুর

ও ভেনিসের রাজ-সেনাপতি

কেশিয়ো ... ঐ সহকারী

ইয়োগো ... ঐ পতাকাবাহী

রভারিগো ... ডেজ্‌ডিমোনার পাণিপ্রার্থী যুবক

মন্টানো

... সাইপ্রাসের ভূতপূর্ব শাসনকর্ত্ত

নাবিক, দূত, বোষক, রাজকর্ণটারী, ভদ্রলোক ও

নাগরিকগণ, গ্রহরী ও অশুচরবর্গ,

রত্নদার ও বাদকদল

### স্ত্রীগণ

ডেজ্‌ডিমোনা... ব্রাবান্সিয়োর কন্যা ও ওথেলোর স্ত্রী

এমিলিয়া ... ইয়োগোর স্ত্রী ও ডেজ্‌ডিমোনার সহচ

বিয়ান্কা ... কেশিয়োর রক্ষিতা

নাগরিকাগণ

## নাটকীয় ঘটনার নির্দিষ্ট সময়

প্রথম অঙ্ক—এক রাত্রি। প্রথম ও দ্বিতীয় অঙ্কের মধ্যবর্তী কাল অনির্দিষ্ট। দ্বিতীয় অঙ্ক—এক দিন এক রাত্রি। তৃতীয় অঙ্ক প্রথম হইতে তৃতীয় দৃশ্য অবধি—এক দিন এক রাত্রি। তৃতীয় অঙ্ক—তৃতীয় দৃশ্য ও চতুর্থ দৃশ্যের মধ্যবর্তী কাল প্রায় এক সপ্তাহ। তৃতীয় অঙ্ক—চতুর্থ দৃশ্য হইতে সমুদয় চতুর্থ ও পঞ্চম অঙ্ক—এক দিন এক রাত্রি।

# ওথেলো

## প্রথম অঙ্ক

### প্রথম দৃশ্য

ভেনিস—পথ

(রডারিগো এবং ইয়োগোর প্রবেশ)

রডা। আরে যাও—মিছে বোকো না। আমার প্রাণ ভারি চটে গেছে! আমার টাকা—যেন তোমার—জলের মত খরচ করছ! আর এই কাণ্ডটা ঘটে গেল, তুমি জেনেও ঘৃণাক্ষরে আমাকে একবার—

ইয়া। কি বিপদ! বললে তুমি শুনছ কই? এ কাণ্ড ঘটবে, যদি স্বপ্নেও আভাস পেয়ে থাকি ত তুমি আর কখন আমার মুখ-দর্শন কোর না।

রডা। তোমার কথার আমি বুঝেছিলুম, সেনাপতি তোমার বিষম শত্রু—এ হাবস্‌টার ওপর তোমার বিজাতীয় ঘৃণা।

ইয়া। এখনই বা উন্টে বুঝছ কিসে? সে ঘৃণা যাবার নয়। সহরের তিন তিনটে মাথা আমার সহকারী সেনাপতির পদে বাহাল করবার জন্ত হুজুরের কাছে টুপী খুলে কত সেলাম বাজালেন! তুমি ঠিক জেনো, ভায়া, আমার নিজের কদর আমি বিলক্ষণ জানি, ওঁর সহকারী হবার যোগ্যতা আমার যথেষ্ট আছে, সে কথা খুব বুঝি। কিন্তু লাট দেমাকে খাতির নাদার, যা ধরবে, তাই করবে। খুব বাচ্‌চাতুরী ক'রে সবাইকে টেলে দিলেন। সে বক্তৃতার ধুমই বা কি, আর তার ঘোরফের কত! মাঝে মাঝে ঘোরঘটা ক'রে লড়াইয়ের বুকনি দেওয়া হলো। কিন্তু তার সার এই—আমার জন্তে যারা সুপারিশ করতে গিয়েছিলেন, তাঁদের সুপারিশ নামঞ্জুর। বললেন, আমার সহকারী আমি আগেই পাকা নিযুক্ত করেছি। নিযুক্ত করেছেন কাকে? সে কি একটা লোকের মত লোক! মাইকেল্ কেশিয়ো নাম—অঙ্কের গুণ্ডার, আর গুণের ভেতর সুন্দরী নাগরীর নাগর। লড়াইএ

কেমন ক'রে সৈন্ত সাজাতে হয়, বাঁটা করতে হয়, সে দিকে একটা খিউড়ি ছুঁড়ীর যা বিত্তে, যেমন জান, এরও তাই! [যুদ্ধবিত্তা যদি কিছু জানা থাকে ত সে কেবল পুঁথিগত। তা নিয়ে তেমন পাণ্ডিত্য প্রকাশ করতে আমাদের বক্তৃতাবাজ মন্ত্রীমশায়রাও খুব ওস্তাদ। ইনি বীর বটেন, কিন্তু কার্যে নয়—বাক্যে। আমাদের কর্তার মতে ইমিই হলেন যোগ্য। আর যার—স্বদেশে, বিদেশে, স্বধর্মী বিশ্বদ্বীপ সঞ্চে হাজার হাজার লড়াইয়ে বীরত্বের নিদর্শন কর্তা স্বচক্ষে দেখেছেন—সেই আমি রইলুম এক পাশে প'ড়ে আর এই অজমুহুরি পালভরে উঠলেন বন্দরে!] কেশিয়ো হলেন সেনাপতির সহকারী, আর আমি—এই কালাচাঁদ কালমাণিকের নিশানধারী!

রডা। আমি হলে নিশেন ধরবার আগে তার কাঁসীর দড়িটি বেশ বাগিয়ে ধরতুম!

ইয়া। তা কি আমিই পারিনি, কিন্তু চারা কি? এ রোগের ওষুধ নেই। গোলামীর এই ঝুঁকমারি। আগে ছিল পদোন্নতি পর-পর হত, পরবার পর দোসরা; এখন হয়েছে, কেবল সুপারিশ আর আশ্রয়তা। এখন তুমিই বিচার ক'রে বলা, কালাচাঁদের উপর ত্রায়তঃ কি ক'রে আমার প্রাণের টান থাকবে?

রডা। আমি হ'লে এমন গোলামী করতুম না।

ইয়া। সবুর করো ভাই, ঠাণ্ডা হও! গোলামী কচ্ছি, আপনার মংলব হাঁসিল করবার জন্ত। মনিব হওয়া সকলের ভাগ্যে ঘটে না, আর নেমকের গোলামও সব মনিবের অদৃষ্টে জোটে না। [একদল গোলাম আছে, তারা মনিবের সামনে ভক্তিভরে হাঁটু গেড়ে ব'সে থাকে, তাদের ছাঁদন-দড়ি যেন গলার হার! এক মুঠো অন্নের জন্ত জীবনভোর গাধার বোঝা বয়ে মরে, তার পর বুড়ো হ'লে বরখাস্ত। এমন সব সাধু ব্যক্তিদের কেবল চাবুকই ঠিক ব্যবস্থা। কিন্তু আর একদল লোক আছে, তারা গোলামীর সাজ-পোষাক মুখোশ পরে লোক-দেখানো সেলাম করে, কিন্তু

মনে মনে আপনাকে ছাড়া আর কাউকে মনিব বলে জানে না। এরা গোলামীর ভাণ ক'রে আপনার দিন কামিয়ে নেয়। তারপর যখন মনিবের অর্থে গদিয়ান্ হয়ে বসে, তখন কেবল সেলাম বাজায়—আপনাকে। এরাই মাহুঘের মত মাহুঘ, আর আমিও এই দলের একজন! কথাটা কি জানো? অবস্থার মত ব্যবস্থা। ঠিক জেনো, আমি যদি সেনাপতি হতুম, এ রকম শঠতা করবার দরকার হতো না।] এই যে সেলাম বাজাচ্ছি দেখচো, সে কাকে? সে সেনাপতিকে নয়—আপনাকে। কর্তব্য কাজ বল, শ্রদ্ধা-ভক্তি বল, যা কিছু কচ্ছি, কেবল আমার মংলব হাঁসিল করবার জন্ত মুখোস পরেছি বই ত নয়! যে দিন দেখবে, আমার সে মুখোস নেই, ভেতর-বার এক হয়েছে, সে দিন জানবে, আমার মনুষ্যত্বটুকুও গিয়েছে। ভায়া, আমার বাইরে যা দেখছ, ভেতরে আমি তা নই। বিষকুন্ত—পর্যোমুখ!

রডা। যা হোক পুরু-ঠোঁটের খুব জোর বরাত বলতে হবে, নির্ভিয়ে অমন সুন্দরীটা হস্তগত করলে!

ইয়া। করতে দিচ্ছ কেন? তার বাপকে ডেকে তোলা—খুব চোঁচাও, ছপুর রাতে ঘুম ভাঙ্গিয়ে দাও। সেনাপতির পেছনে জ্বরদস্তি ক'রে লাগো! তার আমোদে বিষ ঢেলে দাও, সজ্জাত ঘরের মেয়ে নিয়ে পালিয়েছে ব'লে পথে পথে সোরগোল ক'রে বেড়াও! ছুঁড়ীর আত্মীয়-স্বজন যে যেখানে আছে, সকলকে তাতিয়ে তোলা! এদনি উৎপাত লাগাও যে, টের পাক—মধু খেতে গেলে মাছির কামড়ও সহিতে হয়। বেপরোয়া ফুর্টি করতে দিয়ে না। যত রকমে পারো, জ্বালাতন করো। আর কিছু না হয়, স্বখে থাকতে ভুতে কিল্ক।

রডা। এই ত তার বাপের বাড়ী—আমি চোঁচাই।

ইয়া। হাঁ, প্রাণপণে চোঁচাও। বোর রাত্রি অসাবধানে সহরে আগুন লাগলে যেমন দারুণ শঙ্কায় লোক চাঁৎকার করে, তেমনি গলা ক'রে চোঁচাও!

রডা। মশায় গো! ওগো মশায়! মল্লীমশায়!

ইয়া। জাগুন—জাগুন—চোর—ডাকাডাকা—বাড়ীতে ডাকাডাকা পড়েছে! ঘর-বাড়ী সব সামান্য! আপনার মেয়ে কোথায়; খোঁজ করুন! টাকাকড়ি কিছু গেছে কি না দেখুন—উঠুন, জাগুন! বাড়ীতে চোর পড়েছে!

ত্রাবান্। (দ্বিতলের গবাক্ হইতে) কিসের জন্ত এমন গোলমাল, হাঁকাহাঁকি? হয়েছে কি?

রডা। মশায়, আপনার পরিবারবর্গ সব বাড়ীতে আছেন ত?

ইয়া। ঘর-দরজা সব চাবি-তালা বন্ধ আছে ত?

ত্রাবান্। সে সব খোঁজে তোমাদের দরকার কি?

ইয়া। বলে, খোঁজে দরকার কি? সর্বনাশ হয়েছে,

মশায়—আপনার বাড়ীতে চুরি হয়েছে।

আপনার বুকের ভেতর সিঁদু-কেটে কলুজের হাড়

চুরি ক'রে নিয়ে গেছে! কি বিষম কাণ্ড

ঘটেছে, তা জানেন না। নীচে নেমে আসুন!

নিশ্চিন্ত হয়ে ঘুমুচ্ছেন কি? সহর স্তব্ধ তোলা-

পাড় ক'রে আগিয়ে তুলুন। নইলে আর দুদিন

পরে দৌতুরের মুখ দেখতে হবে। আসুন,

নেমে আসুন।

ত্রাবান্। তোমরা পাগল হয়েছ না কি?

রডা। মশায়, আমার গলার আওয়াজ শুনে চিন্তে

পারছেন কি?

ত্রাবান্। না, কে তুমি?

রডা। আমি রডারিগো।

ত্রাবান্। ও নাম আমি শুনে চাই না। আমি

তোমাকে বারবার বলেছি না, আমার বাড়ীর

ত্রি-সীমানায় তুমি এসো না? তোমাকে স্পষ্ট

ক'রে ব'লে দিয়েছি, তোমায় আমি কথা দান

করবো না—তাই এখন সেই গায়ের বাল

ঝাড়তে নেশার কোঁকে এখানে এসে আমার

ঘুম ভাঙ্গিয়ে বীরত্ব প্রকাশ কচ্ছ।

রডা। মশায়, মশায় কি বলছেন!

ত্রাবান্। দেখ, আমি যে-সে লোক নই। আমার

ক্ষমতাও আছে, সাহসও আছে। তোমায় এমন

দণ্ড দিতে পারি যে, তোমার আমোদ শেষে

তেতো বিষ হয়ে উঠবে।

রডা। মশাই, একটু ধৈর্য ধরে আমার কথাগুলোই

শুনুন না!

ত্রাবান্। কি শুনবো? চুরি-ডাকাতির কথা কি

বলতে এসেছ? মনে রেখো, এটা সহর; আমার

বাড়ী মাঠের মাঝখানে নয়।

রডা। মহাশয়, আপনি বুদ্ধ, আপনার সঙ্গে আমি

দমবাজী করতে আসিনি।

ইয়া। আপনি ত দেখছি বেশ লোক, মশায়!

সয়তান বলছে ব'লে আপনি ধর্মকথা শুনবেন

না? আমরা এসেছি আপনার উপকার

করতে, আপনি ঠাওরাচ্ছেন আমরা বদমায়েস,

ওণ্ডা ; আর ওদিকে যে বংশ-বৃদ্ধির পথ প্রশস্ত হচ্ছে, তা একবারও ভাবছেন না।

ব্রাবানু। এ পাষণ্ডটা কে রে ?

ওণ্ডা। আজ্ঞে, আমি আপনার কত্তা-সহজে বিশেষ সুসংবাদ দিতে এসেছি।

ব্রাবানু। তুই অতি নরাধম, নীচাশয়।

ওণ্ডা। আর আপনি—মন্ত্রী মহাশয়!

ব্রাবানু। এ লোকটাকে আমি চিনি, কিন্তু তোমায় আমি চিনি, রডারিগো, তোমাকে এ অপমানের জবাবদিহি করতে হবে।

ওণ্ডা। অবশ্য করবো। আমি আপনার সব কথারই জবাবদিহি করতে রাজি আছি। [কিন্তু নিবেদন করি, এই নিশ্চিন্তি রাতে আপনার স্তন্যদরী মেয়ে যে একলা একজন মাল্লার সঙ্গে বেরিয়ে গিয়ে একটা লম্পটের অঙ্কশায়িনী হয়েছে, সেটা বোধ হয় কতকটা আপনার মনের মতন, আর অনু-মতি-অনুসারেই হয়েছে! তা যদি হয়, তা হ'লে আমরা আপনার সঙ্গে খুব অত্যাচার ব্যবহার করেছি। মাপ করবেন। আর যদি আপনার কত্তা সত্যই আপনাকে লুকিয়ে চ'লে গিয়ে থাকে, তা হ'লে আমি ত বৃদ্ধি, রাগে অন্ধ হয়ে আপনি আমাদের সঙ্গে যে ব্যবহার করছেন, সেটা অসঙ্গত। মশায়, আমিও ভদ্রলোক, ভদ্র ব্যবহার জানি। আপনি বৃদ্ধ, আপনাকে থামকা তুচ্ছ-তাচ্ছিল্য ক'রে কৌতুক করতে আসিনি। আপনার কত্তা যদি জ্ঞানশূন্য হয়ে লুকিয়ে লুকিয়ে নিজের রূপ-যৌবন, ভাগ্য, ধর্ম, সব একজন অজ্ঞান, অচেনা ভবঘুরের হাতে সমর্পণ ক'রে থাকে, তা হ'লে সে যে পিতৃদ্রোহী হয়ে নিতান্ত গর্হিত কাজ করেছে—এ কথা মানেন ত? ] আমি সত্যি বলছি কি মিছে বলছি, এখনই পরীক্ষা ক'রে দেখুন না! যদি আপনার মেয়েকে এখন এ বাড়ীতে কি তার ঘরে দেখতে পান, আমাকে জোঁচোর ব'লে দণ্ড দেবেন।

ব্রাবানু। কে আছিল? শীগগীর আলো জ্বাল! আমাকে একটা বাতি দে, আমার লোকজন সব জাগিয়ে তোলা। এমনি একটা ছুঁটনা আমি স্বপ্নে দেখেছি। সে স্বপ্ন এখন সত্য ব'লে আমার বিশ্বাস হচ্ছে। আলো, শীঘ্র আলো

[ উপর হইতে নিষ্কাশ্য।

। নমস্কার। আমি এই বেলা স'রে পড়ি। এখানে থাকলে আমার সাক্ষী মানবে। আমি

তীব্রদার, সেনাপতির বিপক্ষে দাঁড়ানো আমার পক্ষে ভাল হবে না। মন্ত্রিসভা এখন কালাচাঁদকে বরখাস্ত করতে সাহস করবে না—এ ত জানা কথা। না হয় গুরুতর তিরস্কার ক'রে ছেড়ে দেবে। সাইপ্রাস-দীপে লড়াই বেধেছে, সেনাপতিকে সেখানে পাঠাতেই হবে, নৈলে ঘোর বিপদ। ওর মত দক্ষ লোক এখানে আর কেউ নেই। কাজেই মনে মনে কালাচাঁদের ওপর আমার যত আক্রোশই থাক, স্বার্থের স্বাভাবিক আপাততঃ সম্ভাব রেখে সন্ধির নিশান দেখাতে হবে—কিন্তু সে কেবল বাইরে-বাইরে। জমায়েত লোকজন সব বড়-সরাইয়ের দিকে নিয়ে যেয়ো, সেইখানেই সে আছে। আমার সঙ্গেও সেই-খানে দেখা হবে। আমি কর্তার কাছেই থাকব। এখন চললুম।

[ প্রস্থান

(ব্রাবানুসিয়ো এবং প্রজ্জলিত মশাল হস্তে ভূতগণের প্রবেশ)

ব্রাবানু। সত্যই সর্দনাশ হয়েছে! আমার মেয়ে পালিয়েছে! কি হবে! ওঃ, আমার সব ফুল্লো! এখন শেষ দশায় আমার জীবনে আমার বরাতে বিষ উঠল! বাপু, তুমি কোথায় তাকে দেখেছিলে? আরে হতভাগিনি! কি বললে? সেই কালা হাব্‌সীটার সঙ্গে? বাপ হওয়া কি ঝক্‌মারী! বাপু, আমার মেয়ে ব'লে তুমি চিনলে কেমন করে? সে যে আমার সঙ্গে এমন চাতুরী করবে, এ অভাবনী—অচিন্ত্য-নীচ! তোমায় কি কিছু বলেছিল? এই ক'টা আলোয় কি হবে? আরো নিয়ে আয়! আত্মীয়-স্বজন যে যেখানে আছে, সকলকে জাগা! তোমার কি মনে হয়? বিবাহ হয়ে গেছে কি? রডা। সত্যি তাই ত বোধ হয়।

ব্রাবানু। হা ভগবানু! কেমন ক'রে, কোথা দিয়ে পালালো? ওঃ, আমার বুকের রক্ত বিদ্রোহী হল! কত্তার সরল ব্যবহার দেখে আর কেউ যেন না ভোলে! এ নিশ্চয় যাহ! বাপু! এমন কখন শোনোনি কি যে, যাহ্নময়ে যুবতী কুমারীকে বশ করে? এমন মস্তুর-তন্তুরের কথা কোন বইয়ে পড়নি কি?

রডা। আজ্ঞে হাঁ, ঢের পড়েছি।

ব্রাবানু। আমার ভাইকে জাগাও। হায়, হায়, কেন তোমার সঙ্গে তখন বিবাহ দিলুম না!

## সেক্সপীয়র-গ্রন্থাবলী

এক দল এক এক পথে যাও। বাপু, খায় গেলে তাদের ধরতে পারব, জান কি? খুব সম্ভব, আমি তাদের ধরিয়ে দিতে ব। আপনি বেশ মজবুত লোকজন জোগাড়। আমার সঙ্গে আসুন।

চল, চল বাপু, নিয়ে চল! যেতে যেতে বাড়ী লোক যোগাড় করব। আমার তাক্সি করতে কে সাহস করবে! অস্ত্র-শস্ত্র। রাত্রের চোঁকিদারদের ডাকো। চল, আমার জন্ত অনেক ক্লেশ করছ, তোমার আমি যেমন ক'রে পারি, পরিশোধ করব।

[সকলের প্রস্থান]

### দ্বিতীয় দৃশ্য

ভেনিস নগরের অপর এক রাস্তা

মশালধারী পরিচারকগণ সহ ওথেলো  
এবং ইয়োগোর প্রবেশ)

ধুক-ব্যবসায়ে অনেক নরহত্যা করেছি বটে, মংলব এঁটে খুন করতে হাত ওঠে না—খুঁৎখুঁৎ করে। একটু সয়তানী থাকা ভাল—ত সময় সময় অনেক কাজ হয়! কতবার করেছি—দি বুড়োর পাঁজরায় একটা ঢা!

দাওনি, ভালই করেছ।

বলেন কি! বুড়ো কি না মুখ নেড়ে কথা! যখন-তখন খুঁচিয়ে খুঁচিয়ে আপনার দ করে। আমাদের রক্ত-মাংসের শরীরে বরদাস্ত করা শক্ত! কিন্তু একটা কথা গাঙ্গা করি, আপনি বিবাহ ক'রে ফেলেছেন? জানেন, আপনার খণ্ডর এখানকার একজন হ লোক। অনেকেই তাঁকে শ্রদ্ধা-ভক্তি করে, ওপর মস্তিসভার সভ্য, সেখানেও তাঁর খুব পোত্তি। তাঁর কথার দর, ধরতে গেলে, স্ত-রাজেরই তুল্য মূল্য। হয়, এ বিবাহ খত করবার চেষ্টা করবেন, আর নয় তানার প্রতাপশালী খণ্ডর আপনাকে দণ্ড আইন-কাহ্ননের দিক দিয়ে যত রকমে জব্দ তে পারেন, তার ক্রটি করবেন না।

তাঁর যত দূর আক্রোশ, করুন। আমি জ্যেদর জন্ত অনেকবার বুকের রক্ত দিয়েছি,

তাতে তাঁর সব অভিযোগই ভেসে যাবে। আমি গর্বও কচ্ছি, দীনতাও দেখাতে চাইনি; তবে সত্যি কথা বলতে, আমারও জন্ম রাজ-বংশে। সৌভাগ্য-বলে আমি যে নারীর হস্ত লাভ করেছি, আমি তার সম্পূর্ণ ঋণী। তুমি স্থির জেনো, ডেজ্‌ডিমনাকে আমি যদি আন্তরিক ভাল না বাসতুম, রত্নাকরের সমস্ত রত্ন পেলেও আমার স্বাধীন জীবন বিসর্জন দিয়ে সংসারে বদ্ধ হতুম না। দেখ ত, দেখ ত! কিসের অত আলো আসছে?

ইয়া। ঐ আপনার খণ্ডর ঘুম থেকে উঠে, তাঁর দল-বল নিয়ে আসছেন, আপনি একটু গা-ঢাকা হ'লে ভাল হয়।

ওথেলো। কখনো না। আমি লুকোবো কেন? আমার মনে কোন পাগ নেই। আসুক না, আমার কি গুণের কোন মর্যাদা নাই? পদ-মর্যাদা নাই? আমার নিষ্পাপ মন আমার সমস্ত ক্রটি ক্ষালন করবে। তাঁরাই আসছেন নাকি?

ইয়া। না, তাঁরা ত ন'ন।

(কেশিয়ো এবং প্রজ্জলিত মশাল হস্তে  
কতিপয় রাজ-কর্মচারীর প্রবেশ)

ওথেলো। এ কি! এ যে রাজকর্মচারী, আর আমার সহকারী। এস, এস, সংবাদ কি? কেশি। সেনাপতি, সামন্তরাজ আপনাকে অভিবাঁদন জানিয়েছেন। বলেছেন, এখনই আপনাকে তাঁর কাছে যেতে হবে।

ওথেলো। কেন? কি দরকার—কিছু জানো? কেশি। সাইপ্রাস দ্বীপের কোন ব্যাপার আমার আঁচ। খুব জরুরী কাজ। [নৌ-বাহিনী থেকে এই রাত্রই ক্রমান্বয়ে পর-পর দশ-বারো জন দূত এসেছে। মন্ত্রণা-সভার অনেক সভ্যদের ঘুম থেকে তুলে নিয়ে যাওয়া হয়েছে। তাঁরা সকলে এখন সামন্তরাজের নিকট উপস্থিত।] মন্ত্রণা-সভায় সকলে এসেছেন। আপনিও শীঘ্র চলুন, সামন্তরাজের আদেশ। আপনি বাড়ী ছিলেন না ব'লে তিন দল লোক আপনাকে চারিদিকে খুঁজতে বেরিয়েছে।

ওথেলো। তোমার সঙ্গে দেখা হয়ে ভালই হ'ল। বাড়ীর ভেতরে একটা কথা বলেই আমি তোমার সঙ্গে যাচ্ছি।

[প্রস্থান]

কেশি। ভায়া, কর্তা এখানে করছেন কি?

ইয়া। জানো না? কর্তা আজ ডাঙ্কায় এক রত্ন-  
ভরা জাহাজ লুঠ করেছেন। এখন যদি তা  
আইনসঙ্গত হজম করতে পারেন, তা হ'লে এবার  
তাঁর মোখাম্ বরাত ফিরলো!

কেশি। কি? কি? ব্যাপার কি?

ইয়া। বিবাহ করেছেন।

কেশি। কাকে?

ইয়া। বিবাহ—(ওথেলোর পুনঃ প্রবেশ) আসুন  
সেনাপতি! এখনই যাবেন ত?

ওথেলো। চল, আমি প্রস্তুত।

কেশি। আপনাকে খুঁজতে এই আর একদল  
আসছে।

ইয়া। না, না, এই আপনার খুন্সর আসছেন।  
সেনাপতি, সতর্ক হ'ন। বুড়োর মংলব ভাল নয়!

(ত্রাবান্‌সিয়ো, রডারিগো এবং প্রজ্জলিত মশাল  
হস্তে অল্পচর ও প্রহরিগণের প্রবেশ)

ওথেলো। কে তোমরা? দাঁড়াও।

রডা। মশায়, এই আপনার আসামী।

ত্রাবান্‌। বাঁধ বেটাকে, চোর!

(উভয় পক্ষের অসি-নিষ্কাশন)

ইয়া। কি! রডারিগো! তুমি! এস, আমি  
তোমার প্রতিদ্বন্দী।

ওথেলো। স্থির হও। অস্ত্র-শস্ত্র ঢেকে রাখ, নইলে  
শিশির লেগে মরচে ধরবে! মহাশয়, অস্ত্র-ভয়  
দেখাবার প্রয়োজন নাই, আপনার অধিক  
মর্যাদা—বার্কিক্যে।

ত্রাবান্‌। স্ফোর বেটা! চোর বেটা! আমার  
মেয়েকে কোথায় লুকিয়ে রেখেছিস, বল! সয়তান,  
তুই তাকে যাহ্ ক'রে বশ করেছিস! কে না  
বলবে, তুই মস্তে-তস্তে তার মন বিগড়ে দিয়েছিস?  
নইলে বিবাহের নামে যে বিরূপ ছিল, সে  
স্বদেশের সব সুন্দর সম্বন্ধ ভাগ্য ক'রে আমার  
অমতে তোকে বরমাল্য দিয়ে লোকের  
উপহাসভাজন হ'তে যাবে কেন? [অমন  
সুন্দরী, সুকুমারী কণ্ঠা, স্ত্রুথে থাকতে তোর  
মত কাল কিন্তু-কিমাকার বিভীষিকা মুণ্ডিকে  
বরণ ক'রে স্বেচ্ছায় হুঃখ আলিঙ্গন করবে কেন?  
তোর আচরণে স্পষ্ট প্রকাশ—তুই কুৎসিত যাহ্-  
বিদ্যায় তাকে অভিভূত করেছিস? দ্রব্যগুণ ক'রে  
কি খাইয়ে তুই সে কোমলা বালিকাকে জ্ঞানশূন্য  
করেছিস? আমি তোর বিরুদ্ধে বিচার প্রার্থনা

করব। প্রমাণ-প্রয়োগের প্রয়োজন নাই, একটু  
বুঝে দেখলেই এ কথা সকলে বুঝবে।] রক্ষিগণ!  
বন্দী কর। তোর মতন লোকের আচরণেই  
মহুগু-সমাজ হয় হয়। কুৎসিত যাহ্‌বিদ্যার অমু-  
ঠান—আইনের নিষেধ। সেই জন্ত আমি তোকে  
বন্দী করছি। প্রহরিগণ, ধর। যদি বাধা দেয়,  
বধ কর!

ওথেলো। আমার স্বপক্ষ বিপক্ষ সকলে স্থির হও!  
যদি বিরোধ করা আমার অভিপ্রায় হ'ত, উদ্বে-  
জন্য প্রয়োজন ছিল না। আপনার অভি-  
যোগের উত্তর দেবার জন্ত আমাকে আপনি  
কোথায় নিয়ে যেতে চান?

ত্রাবান্‌। আপাততঃ কারাগারে। তার পর যে  
সময় যেখানে তোর আইনসঙ্গত বিচার হবে, সে  
সময় সেখানে জবাবদিহি করতে হবে।

ওথেলো। যদি আপনার আদেশ আমি পালন করি,  
সামন্ত-রাজ কি তাতে খুশী হবেন? বিশেষ রাজ-  
কাফ্যের জন্ত আমাকে নিয়ে যেতে তাঁর দূত  
এখানে উপস্থিত।

১ম কন্ধ্য। সদাশয় মন্ত্রী মহাশয়, এ কথা সত্য।  
সামন্ত-রাজ এখন মন্ত্রণা-সভায়। আপনাকেও  
ডাকবার জন্ত নিশ্চয় এতক্ষণ দূত গিয়েছে।

ত্রাবান্‌। সে কি! সামন্ত-রাজ মন্ত্রণা-সভায় এই  
গভীর রাতে! বেশ, সেইখানে একে নিয়ে চল।  
আমারও অভিযোগ তুচ্ছ নয়। সামন্ত-রাজ স্বয়ং  
বা মন্ত্রণা-সভার সকল সভাই আমার সর্বনাশ  
নিশ্চয় নিজেদের সর্বনাশ ব'লে বিবেচনা  
করবেন। এরূপ অত্যাচারের প্রশ্রয় দিলে  
শীঘ্রই বিদ্রোহী ক্রীতদাস সর্ব আমাদের রাজ্য  
শাসন করবে।

[সকলের প্রস্থান]

দ্বিতীয় দৃশ্য

ভেনিস নগর—মন্ত্রণা-সভা

(সামন্ত-রাজ এবং সভাসদগণ আসীন,  
রাজকন্ধ্যচারিগণ উপস্থিত)

সা-রাজ। যখন এক একজন এক এক রকম বলছে,  
তখন কারুর সংবাদে বিশ্বাস স্থাপন করা যায়  
না।

১ম সভা। সত্যই কোনরূপ ঐক্য নাই। আমার  
পরে উল্লেখ রয়েছে, একশত সাতখানা জাহাজ।

## সেক্সপীয়র-গ্রন্থাবলী

৮। আর আমার পত্রে—একশত

৯। আর আমার পত্রে—দু'শ। কিন্তু হিসেব  
কি না মিললেও—আর এরূপ স্থলে যেখানে  
মহম্মানের উপর নির্ভর, সেখানে মেলেও না—  
জ্যোত সকলের কথা থেকে এটা নিশ্চিত প্রমাণ  
হচ্ছে যে, তুরস্কের নৌ-বাহিনী সাইপ্রাস্-দ্বীপের  
দিকে চলেছে।

১০। তাই বটে। এই কথাই যুক্তিসঙ্গত। রণ-  
চরীর সংখ্যা-নির্দেশে যে ভুল-ভ্রান্তি ঘটেছে, তা  
ঘটা সম্ভব। আক্রমণ-সম্বন্ধে মূল কথাটা যে  
ঠিক, তার আর সন্দেহ নাই, এবং সেইটেই  
আমাদের উদ্বেগের কারণ।

১১। (নেপথ্যে) কে আহ? কে আহ?

১২। নৌ-বাহিনী থেকে যুঁতে এসেছে।

(নাবিক-দূতের প্রবেশ)

জ। সম্প্রতি সংবাদ কি?

১৩। তুরস্কের নৌ-বাহিনী রোডস্-দ্বীপের অভি-  
প্রায়ে যাচ্ছে। এজেন্সীর আদেশে আমি রাজসভায়  
সহী সংবাদ নিবেদন করতে এসেছি।

জ। এরূপ গতি-পরিবর্তনে শত্রুর অভিপ্রায়  
কি আপনারা বুঝছেন?

১৪। এরূপ পরিবর্তন অসম্ভব—কদাচ যুক্তি-  
নস্তু নয়। আমাদের সতর্ক দৃষ্টিকে ভোলাবার  
কল্প শত্রুর এ হল। ভেবে দেখুন, সাইপ্রাস্-দ্বীপ  
তুর্কীদের কত প্রয়োজনীয়। একে রোডস্  
অপেক্ষা সাইপ্রাস্-দ্বীপ অধিকার করাই তুর্কীর  
বেশী স্বার্থ, তার উপর এই দ্বীপ রোডস্‌র জায়  
দৃঢ় অশ্ব-শস্ত্রে সুরক্ষিত নয়। সুতরাং শত্রুর  
অভিপ্রায় এখানে সহজে সিক হ'তে পারে। আপ-  
নারা চিন্তা ক'রে দেখুন, তুর্কীরা এত নিরীক্ষণ  
নয় যে স্থল তাদের বেশী প্রয়োজনীয় এবং  
অপেক্ষাকৃত অরক্ষিত, দুর্বল,—সহজে যা অধি-  
কার ক'রে লাভবান হতে পারবে—তা পরি-  
তাগ ক'রে, যাতে কোন লাভ নেই, এরূপ  
বিপদে তারা ঝাঁপ দেবে!

১৫। ঠিক কথা, রোডস্ অধিকার কখনই  
তাদের অভিপ্রায় নয়।

১৬। আরও কি সংবাদ আসছে?

(জনৈক দূতের প্রবেশ)

১৭। মহানুভব সম্রাট সভাগণ, তুরস্কের দল রোডস্  
দ্বীপের অভিমুখে যেতে যেতে এক দল নৌ-  
বাহিনীর সঙ্গে মিলিত হয়েছে।

১ম সভা। ঠিক, আবারও তাই অনুমান। এ  
বাহিনীর কত সংখ্যা—তুমি বলতে পার?

দূত। ত্রিশখানি জাহাজ। এখন তাদের অভিপ্রায়  
স্পষ্ট বোঝা যাচ্ছে, সাইপ্রাস্ অভিমুখে প্রত্যা-  
বর্তন কচ্ছে। সামন্ত-রাজের বিশ্বস্ত বীর কর্মচারী  
সাইপ্রাসের শাসনকর্তা মন্ত্রণাসভাকে অভিবাধন  
ক'রে এই সংবাদ নিবেদন করতে বলেছেন, আর  
সবিনয় মিনতি জানিয়েছেন যে, মন্ত্রিসভা যেন  
এ সংবাদ বিশ্বাস করেন।

[স-রাজ। সাইপ্রাস্ আক্রমণ অভিপ্রায়ই শত্রুর  
স্থির-নিশ্চয়। মার্কাস্ লুকিকস্ এখন কোথায়?

১ম-সভা। তিনি এখন ক্রোয়েন্স নগরে।

স-রা। অতি সহর পত্রে তাঁর কাছে এ সংবাদ  
প্রেরণ কর।]

১ম সভা। এই যে, বৃদ্ধ মন্ত্রীর সহিত আমাদের বীর  
সেনাপতি আসছেন।

(ত্রাবানুসিয়ো, ওথেলো, ইয়োগো, রডারিগো এবং  
রাজকর্মচারী সকলের প্রবেশ)

স-রাজ। বীরবর ওথেলো! তুর্কীদের বিরুদ্ধে  
এই মুহূর্তে যুদ্ধযাত্রা করবার জন্তে তোমায় নেতৃত্ব-  
পদে বরণ করছি। ওঃ আপনাকে দেখিনি।  
আমুন, আমুন! অজ্ঞ রাষ্ট্রে আপনার সং-  
পরামর্শ এবং সহায়তা আমাদের অতীব  
প্রয়োজন।

ত্রাবানু। সে প্রয়োজন আমারও। মহানুভব  
সামন্ত-রাজ, আমার মার্জনা করুন! সাধা-  
রণের কার্যে মন্ত্রণা-সভায় আসন গ্রহণ করবার  
জন্ত আমি এত রাতে নিদ্রাত্যাগ করে এ ত্রা  
উপস্থিত হইনি। সাধারণের চিন্তা এখন  
মন হতে বহু দূরে। নিজের ছুঁখে এখন  
হৃদয় পরিপূর্ণ—সে দুঃখ বস্তার মত প্রবল বেগ  
ধারণ করে অজ্ঞ সকল চিন্তা গ্রাস করেছে; সেই  
এখন প্রবল।

স-রাজ। কি—কি হয়েছে?

ত্রাবানু। আমার কণ্ঠ! হায়, আমার হতভাগিনী  
কণ্ঠ!

স-রাজ ও সভাসদগণ। কি, তার মৃত্যু হয়েছে না কি?

ত্রাবানু। হাঁ, আমার পক্ষে বটে। তাকে যাহ  
ক'রে ভুলিয়ে আমার কাছ থেকে চুরি ক'রে  
নিয়ে গেছে। [যাহুবলে একেবারে অন্ধ না  
হ'লে যার তিলমাত্র বুদ্ধি-বিবেচনা আছে, তার  
অভাবের এরূপ বিকার কখনই সম্ভব নয়।]

সা-রাজ। যে এরূপ হীন, অবৈধ উপায়ে আপনার কণ্ঠকে ভুলিয়ে আপনাকে বঞ্চনা করেছে, সে যে-ই হোক, আপনি স্বয়ং তার বিচারক হয়ে আইন অনুসারে তার প্রতি কঠোর দণ্ডবিধান করুন। আপনার অভিযোগের পাত্র এ রাজ্যের যুবরাজ হলেও তার নিষ্কৃতি নাই।

বাবানু। সামন্তরাজ! আমার বিনীত ধন্যবাদ গ্রহণ করুন। আমার অভিযোগের পাত্র এই কদাকার কৃষ্ণমূর্তি হাবসী। রাজকার্য্যের জ্ঞাত বিশিষ্ট আদেশে যে এখানে উপস্থিত রয়েছে।

।কলে। অভিযয় দুঃখের বিষয়।

।-রাজ। (ওথেলোর প্রতি) আত্মপক্ষ সমর্থনে তোমার কিছু বলবার আছে?

।বাবানু। কিছুই না। অপরাধ স্বীকার করা ব্যতীত ওর আর কি বলবার থাকতে পারে?

ওথেলো। মহাবল, মহামতি, মহিমা-আধার,

সদাশয়, বাঞ্ছিত-আশ্রয়-দাতা মম,

নিবেদন সভাজন চরণে সবার—

সত্য, এই বুদ্ধের বচন।

সত্য সঙ্গোপনে পিতৃগৃহ হ'তে

লয়ে গিয়ে দুহিতায়

বরিয়ছি পরিণয়ে তারে।

এইমাত্র গুরু অপরাধ—

নাহি জানি অত আর।

কর্কশ বচন মম,

নহি পটু শিষ্ট মিষ্টভাষে।

রণক্ষেত্রে শিবির-নিবাসে

মুগ্ধবর্ষ বয়ঃক্রম হ'তে—

যবে ক্ষীণকায় এই ভুজবয়—

নয়মাস পূর্বাধি, নিরবধি

যুদ্ধ-ব্রতে করিয়াছি জীবনযাপন।

নাহি জানি সংসার-ব্যাভার,

নাহি মম বচন-কৌশল

জ্ঞাত মাত্র রণ-কোলাহল,

আত্মপক্ষ-সমর্থনে অসমর্থ আমি।

যদি-বৈধব্য ধর, হও হে সদয়,

যেইরূপে ঘটিল প্রণয়,

করি সত্যাশ্রয়,

কব সরল কাহিনী সভাস্থলে—

খণ্ডিবারে অভিযোগ কলঙ্ক আমার—

কোন ইন্দ্রজালে, কি কুহকবলে,

কিবা মন্ত্রে, কোন দ্রব্যগুণে,

জিনিয়াছি কুমারী-হৃদয়।

বাবানু। ভীক বালিকা, চলতে গেলে যার পা জড়িয়ে যায়, সে কি না জাতি, কুল-মর্যাদা, স্বভাব, বয়স, সব ভুলে, যাকে চোখে দেখলে ভয়ে কাঁপত, তার গলায় বরমাল্য দিলে! [তার মত আদর্শ স্ত্রীশীলা কুমারী যে স্বেচ্ছায় এমন কদাচার করতে পারে, অতি নির্বোধ না হ'লে সে কথা কেউ বিশ্বাস করবে না। তাইতে বলতে হয়, এর ভিতরে সয়তানী ব্যাপার আছে।] আমি অসঙ্কোচে বলতে পারি, মন্ত্র-পুত ঔষধ কি দ্রব্যগুণে তার দেহের রক্ত পর্য্যন্ত বিকৃত করেছে—তাকে মতিচ্ছন্ন করেছে।

সা-রাজ। অসঙ্কোচে বলাই প্রমাণ নয়। [অপরাধ প্রমাণ করতে হ'লে কেবল কতকগুলো যা-তা অসার কথার সাজ আর তুচ্ছ সম্ভাবনার চেয়ে দৃঢ়তার প্রমাণ প্রয়োগ প্রয়োজন।]

১ম সভা। সেনাপতি স্বয়ং বলুন না। [কোনরূপ ভয় প্রদর্শন কি অবৈধ উপায় অবলম্বন ক'রে কুমারীকে বশ কি বিকৃত করেছিলেন? না, তাকে আপনার অন্তরের অনুরাগ জানিয়ে তার পানিপ্ৰার্থী হয়েছিলেন?]

ওথেলো। আমার নিবেদন, আমার জীকে আপনারা এখানে আহ্বান করুন। সে এসে তার পিতার সমক্ষে আমার সম্বন্ধে সব কথা বলুক। যদি তার কথায় আমার কোনরূপ কলঙ্ক প্রমাণ হয়, যে বিশ্বস্ত কর্তৃত্বের আমার উপর গুস্ত করেছেন, তা প্রত্যাহার ক'রে আপনারা আমার প্রাণদণ্ড করবেন।

সা-রাজ। তোমরা যাও, সেনাপতির জীকে এখানে নিয়ে এস।

ওথেলো। (ইয়োগের প্রতি) ইয়োগো, আপাততঃ কোথায় সে আছে, তুমি জানো, সেখানে এদের নিয়ে যাও। যতক্ষণ না সে আসে, [মার্জনা প্রত্যাশায় দেবতা-সমক্ষে অপরাধী যেমন অকপটে আপনার মনের পাপ ব্যক্ত করে] এই প্রবীণ সভায় আমার পরিণয়-কাহিনী আমি তেমনি সরলভাবে ব্যক্ত করি।

[ইয়োগো ও অনুচরগণের প্রস্থান।]

সা-রাজ। উত্তম! বল!

ওথেলো। হয় নাই বিবাহ যখন

কুমারীর সহ,

পিতা তার স্নেহ-চক্ষে দেখিতেন মোরে।

নিমন্ত্রণ করি ঘন ঘন,



প্রলঙ্ঘলে পুনঃ পুনঃ,  
 শুনিতেন মম মুখ  
 অদ্বুত কথন মম জীবন-কাহিনী।  
 যুদ্ধ, অবরোধ-কথা, ভাগ্য-বিপর্যয়,  
 বালা হ'তে বর্ষে বর্ষে ঘটয়াছে যাহা,  
 বর্ণিতাম বর্ণনার মুহূর্ত্ত অবধি।  
 [ কভু,  
 নিপতিত অতর্কিত আপদ-কবলে,  
 জলে স্থলে—হৃদিকম্প রোমাঞ্চ আখ্যান,  
 সত্তা প্রাণহর  
 রক্ত-মুখে দৈবে পরিভ্রাণ—যথা  
 কেশমাত্র ব্যবধান জীবনে মরণে।  
 কভু হৃদয় সমরে, বন্দী শত্রুকরে—  
 জয়োল্লাসে উৎফুল্ল হৃদয়—  
 দাপটে বিক্রয়, মুক্তি-লাভ,  
 নিরাশ্রয় মেদিনী ভ্রমণ,  
 দরশন দৃষ্ট অগণন  
 নয়ন-বিস্ময়কর!  
 কোথা অন্তঃশূন্য বিশাল গহ্বর,  
 তৃণহীন মরু ভয়ঙ্কর,  
 বজ্রুর আকর, উন্নত ভূধর,  
 তুঙ্গ-শৃঙ্গ গগন চুষিত।  
 এইমত কহিতাম কত  
 চিত্তহর বিশ্বয়ের বিচিত্র কাহিনী।  
 কোথা নর-রাক্ষস বিকট  
 ভক্ষে নর হিংসি পরম্পর,  
 শিরোপরি স্বল্পদেশ কার—  
 বক্ষ-মুখ-করাল আকৃতি। ]  
 শুনিত যুবতী বসি ভয়ঙ্গর অন্তরে।  
 কিন্তু ব্যস্ত সদা—গৃহকর্ম্মতরে  
 গৃহান্তরে করিলে গমন,  
 স্বরায় আসিয়ে পুনঃ প্রাসিত শ্রবণে—  
 বুভুক্ষুর ভক্ষ্য সম কাহিনী আমার।  
 হেরি আগ্রহ তাহার,  
 একদিন শুভক্ষণে তুষিহু বচনে।  
 কথায় কথায় কৌশলে আমার,  
 আন্তরিক অভিলাষ করিল প্রকাশ,  
 মম জীবনের ইতিহাস—  
 অন্তমনে আংশিক শুনেছে যাহা—  
 শুনিতে বাসনা তার পূর্ণ বিবরণ।  
 হইলু সঙ্গত। কহিতাম যত, শুনি  
 মম যৌবনের কোন দুঃখের কাহিনী,  
 হুণায় কোমলা বালার

নীরধার ঝরিত নয়নে।  
 মম আখ্যানের পুরস্কাররূপে  
 অজস্র উত্তপ্ত শ্বাস দিত উপহার।  
 'কি আশ্চর্য্য ইতিহাস'—কহিত কুমারী—  
 'এ হ'তে আশ্চর্য্য কিছু শুনিব কখন,  
 নিদারুণ, কি করুণ এ দুঃখ-কাহিনী,  
 কেন, হায়, করিলু শ্রবণ!'   
 কিন্তু বালা কহিত তখনি পুনঃ  
 'সদয় বিধাতা যদি হেন নর-মণি  
 স্বজিতেন তার তরে!' পুনঃ যুগ্মস্বরে  
 কৃতজ্ঞতা জানায়ে আমারে  
 কহিত সুন্দরী—'মম বহুগুণমাঝে  
 থাকে যদি হেন কেহ অলুরাগী তার,  
 শিখাইয়ে দিই যদি তায়—  
 মম সম কহিতে কাহিনী মম,  
 অনায়াসে জিনিবে সে কুমারী-হৃদয়।  
 পাইয়ে ইঙ্গিত  
 প্রেম মম করিলু প্রকাশ।  
 সঙ্কট-সঙ্কুল মম বিচিত্র জীবন  
 করিয়াছে উদ্দীপন অলুরাগ তার,  
 সে মম ব্যথার ব্যথী তাই ভালবাসি।  
 এইমাত্র তত্ত্ব মন্ত্র যাহুবল মম।  
 পত্নী মম সমাগত—  
 সত্য-মিথ্যা নিজমুখে করিবে প্রকাশ।

( ডেজ্ ডিমোনা সহ ইয়াগো এবং  
 অলুরাগের পুনঃ প্রবেশ )

সী-রাজ। এ কাহিনী শুনে আমার কত  
 হয়ে আশ্চর্যমর্পণ করত। মন্ত্রিবর, মন্দের  
 ভিতর যেটুকু ভাল পাওয়া যায়, সেটুকু গ্রহণ  
 করাই বুদ্ধিমানের পরিচয়। [ নিরন্তর হয়ে  
 ঘোঁষবার চেয়ে ভাঙ্গা তলোয়ারখানাও কাজের  
 নয় কি ? ]  
 ব্রাবানু। আমার মিনতি, আমার কন্ঠার কথা  
 আগে সকলে শুনুন। [ সে যদি স্বীকার করে,  
 তার পাণি-প্রার্থনা করবার জন্তে এই ব্যক্তিকে  
 সে উৎসাহিত করেছে, আমার সর্বনাশ হলেও  
 এর উপর আমি কোন দোষারোপ করব না। ]  
 এগিয়ে এস দেখি, মাঠাকরুণ। এই সভাস্থ  
 সকলকে দেখছ ? বল দেখি, সকলের চেয়ে কার  
 উপর তোমার অধিক কর্তব্য ?  
 ডেজ্। পিতঃ,  
 দ্বিভাগে বিভক্ত হেরি কর্তব্য আমার।

তুমি জন্মদাতা, দানি এ জীবন  
সুশিক্ষিত করেছ আমার।  
সেই হেতু খণী আমি তব কাছে।  
তব দানে, তোমারি শিক্ষায়  
শিখিয়াছি শ্রদ্ধা ভক্তি দিতে তব পায়—  
এই মাত্র কর্তব্য আমার তোমা প্রতি।  
মাত্র কত্যা তব ছিন্ন এত দিন।  
কিন্তু হের, বিচ্যুত পতি হেথা মম।  
জননী আমার তব প্রতি  
যে কর্তব্য করিত পালন,  
আপন জনক হ'তে শ্রেষ্ঠ মানি তোমা,  
স্বামী, প্রভু মম,  
সেই সেবা অধিকার তাঁর—  
মুক্ত-কণ্ঠে কহি আমি।

ব্রাবান্। ভগবান্ তোমাদের কল্যাণ করুন। সভাগণ,  
আমার কার্য শেষ হয়েছে। সামন্তরাজ রাজ-  
কার্যে মনোনিবেশ করুন। আজ আমি জ্ঞান-  
লাভ করলেম, আত্মজ সন্তানের চেয়ে পোষ্যপুত্র  
ভাল। ওহে কালো বীর! এ দিকে এস।  
আমার অনিচ্ছায় যা তুমি নিয়েছ, স্বেচ্ছায় আমি  
তোমায় তা দান করলুম। [কিন্তু রাখতে  
পারলে তোমায় দিতুম না। আর তুমি কত্নারত্ন!  
তোমার আচরণে মনে হয়, স্ত্রের বিষয় আমার  
আর সন্তান নাই। থাকলে তোমার এই বিদ্রো-  
হের জন্ত অত্যাচারী হয়ে তাদের পায় বেড়ী  
দিতুম। প্রভু, আমার কার্য শেষ হয়েছে।

সা-রাজ। মন্ত্রিবর, তোমার বিচার তুমি করেছ।  
এখন যাতে কত্নাজামাতার প্রতি তোমার মন না  
বিকল্প হয়, সেজন্ত আমিও গোটাকতক কথা  
বলি। যে দুঃখের প্রতিকার নাই, বড় আশায়  
নিরাশ হলেও, তার জন্ত শোক করা বৃথা।  
অতীত আপদের জন্ত অহুশোচনা করলে, নূতন  
আপদ ডেকে আনা হয়। যা নিয়তির কবল  
হ'তে রক্ষা করবার উপায় নাই, তার জন্ত  
ধৈর্য্য ধারণ ক'রে অনিষ্টকে উপেক্ষা করাই  
শ্রেয়ঃ। অপহৃত হয়ে যে হাসতে পারে, তার  
কাছে অপহারীও হারে; আর সেজন্ত যে নিষ্ফল  
খেদ করে, সে আত্মপহারী হয়।

ব্রাবান্। তবে তুরস্কবাসীরা সাইপ্রাস-দ্বীপ  
অধিকার করুক, অপহৃত হয়ে আমরা খুব হাসতে  
থাকি। তা হ'লে আর আমাদের ত কোন ক্ষতি  
বোধ হবে না। যে দুঃখে যার সম্পর্ক নেই,  
ঐজন্ত সান্ত্বনাবাক্য ধৈর্য্য ধ'রে শোন তার পক্ষে

সহজ। কিন্তু দুঃখ যখন অনিবার্য্য, ধৈর্য্য নিষ্ফল,  
সেখানে দুঃখও যেমনি দুর্ব্বহ, উপদেশও তেমনি  
দুঃসহ। নির্লিপ্ত হয়ে উপদেশ দেওয়া সহজ,  
কিন্তু সে উপদেশের ফল অনির্দিষ্ট—অবস্থাগুলো  
কখন কটু, কখন মিষ্ট। কথা—কথা।  
বিধাতা যার হৃদয়ে যা দিয়েছেন, কথা তার  
কর্ণরজ্জ ভেদ ক'রে হৃদয় স্পর্শ করে না।]  
আমার মিনতি, রাজকার্য্যের আলোচনা আরম্ভ  
হোক।

সা-রাজ। তুর্কীরা বিপুল বল নিয়ে সাইপ্রাস  
অভিমুখে গমন কচ্ছে। সেনাপতি, সে স্থানের  
বল তুমি বিশেষ অবগত। [যদিও সেখানে  
আমাদের এক জন সুযোগ্য প্রতিনিধি আছেন,  
কিন্তু জন-সাধারণের মতে তুমিই এখন সে  
স্থানের যোগ্যতর প্রতিনিধি। কার্য্য-  
পরিচালনায় সাধারণের মতামতই সর্ব্ব-নিয়ন্তা।]  
সে জন্ত তোমার প্রতি আদেশ—তুমি বিবাহের  
আমোদ-প্রমোদ সম্প্রতি পরিত্যাগ ক'রে কঠোর  
শত্রু-দমন কার্য্যে অগ্রসর হও।

ওথেলো। উদারমতি সভাগণ, অভ্যাসে অস্ত্র-সকল  
কঠিন রণক্ষেত্র আমার কাছে কোমল কুসুমশয্যা  
হতেও স্বকোমল। [আমি মুক্তকণ্ঠে স্বীকার  
কচ্ছি যে, সুখ অপেক্ষা সঙ্কটে আমার প্রকৃতির  
স্বাভাবিক আকর্ষণ।] তুর্কীদের বিপক্ষে এই  
যুদ্ধে আমি নেতৃত্ব-পদ গ্রহণ করলেম। কিন্তু  
আমার বিনীত নিবেদন, আমার জীবর সত্বকে  
সেনাপতির ভার্য্যার যেরূপ লোকজন, পদমর্য্যাদা,  
অর্থ, বসবাস প্রয়োজন, সেইরূপ বিধানের  
আদেশ দিন।

সা-রাজ। ইচ্ছা কর ত সে'তার পিতৃ-গৃহে বাস  
করতে পারে।

ব্রাবান্। আমি কখনও তা অল্পমোদন করব না।

ওথেলো। আমিও না।

আমিও না। নিরন্তর অপ্রীতিকর স্মৃতি  
পন ক'রে আমার শিতার চক্ষুঃশূল হয়ে  
আমি পিত্রালয়ে বাস করতে ইচ্ছা করি না।  
মহামতি সামন্ত-রাজ, সদয় হয়ে অধীনীর  
প্রার্থনায় কর্পাত ক'রুন। [আমি অশিক্ষিত  
নির্ব্বোধ রমণী, এই মহাসভার উৎসাহ পেলে  
আমার প্রার্থনা নির্ভয়ে প্রকাশ করি।]

সা-রাজ। কি প্রার্থনা তোমার, ভদ্রে?

ডেজ্। ধীর অমুরাগে আমি সর্ব্বভাগিনী হয়েছি, স্নেহে  
দুঃখে তাঁর সঙ্গ আমি কদাচ পরিত্যাগ করব না।

[ভাগ্যকে উপেক্ষা করে আমার বিদ্রোহাচরণ সংসারে সে কথা স্পষ্টাক্ষরে প্রচার করেছে। আমার হৃদয় একান্তই আমার পতির গুণমুগ্ধ। আমি তাঁর বাহুরূপ দেখিনি, অন্তরের রূপ দেখে মোহিত হয়েছি। তাঁর বীরত্ব-গৌরবের পক্ষপাতিনী হয়েই তাঁর পায় আমার ভাগ্য, হৃদয়, সব সমর্পণ করেছি। তিনি যখন বীর-কার্যে যুদ্ধে গমন করবেন, শান্তি-সুখাভিলাষী পতঙ্গের মত যদি আমি হেথা অবস্থান করি, তা হ'লে আমি আমার সহধর্মিণীর অধিকার হ'তে বঞ্চিত হব। তাঁর নিদারুণ অদর্শনে কালঘাপন করা আমার পক্ষে দুঃস্বপ্ন হ'বে। আমায় তাঁর সহগামিনী হ'তে অনুমতি দিন।]

ওথেলো। সভাস্থলে আমারও নিবেদন, আমার পত্নীর প্রার্থনা পূর্ণ হ'ক, [ ভগবান্ সাক্ষী, নারীর সঙ্গ-লালসায় আমি এরূপ প্রার্থনা করছি না। আমার দেহে উষ্ণ যৌবনের প্রভাব এখন অভাব। প্রৌঢ় বয়সে যৌবনের ভোগবিলাসে বা আত্মতৃপ্তিসাধনে আর আমার অনুরাগ নাই। আমার জীবন ইচ্ছা পূর্ণ করবার জন্মেই আমি আপনাদের অনুনতি ভিক্ষা করছি। যে গুরুতর মহৎ কার্যে আপনারা আমায় নিয়োগ করছেন, আমার জীবন সঞ্চে থাকলে সে সম্বন্ধে যে কোন বিষয় ঘটবে, সে আশঙ্কা নাই। যদি কামদেবের ক্রৌড়া-পুত্তলি নিয়ে আমি তুচ্ছ আমোদ-প্রমোদে অক্ল হয়ে থাকি, বিলাসে আমার কার্যশক্তি ক্ষয় হয়, স্বেচ্ছাচার কর্তব্য কলুষিত করে, তা হ'লে এই বীরভূষণ শিরস্ত্রাণে যেন রমণীর রন্ধনপাত্র নিষ্পত্তি হয়। আর যেন অতি হেয়, জবজ্বল দুর্গতি আমার স্মরণ কলঙ্কিত করে।]

II-রাজ। তোমার জীবন যাওয়া বা থাকা সম্বন্ধে যেক্ষণ ইচ্ছা, তোমরা আপনারা স্থির করো। কার্যের যেক্ষণ সম্মত আস্থান, অবিলম্বে তার কাছে উপস্থিত হওয়া কর্তব্য।

১ম সভা। আজ রাতেই তোমায় যাত্রা করতে হবে। ওথেলো। সর্বাস্তঃকরণে আপনাদের আদেশ শিরোধার্য।

II-রাজ। কাল প্রাতে ন'টার সময় আবার আমরা সকলে এখানে একত্রিত হব। সেনাপতি, তোমার এক জন কর্মচারীকে রেখে যেয়ো, তার দ্বারা তোমার নিয়োগপত্র আর তোমার সম্মত-মর্যাদার জন্ত যা কিছু আবশ্যক, সব পাঠিয়ে দেব।

ওথেলো। প্রভু, এই আমার যুদ্ধ-পতাকাবাহী, এ অতি বিশ্বাসী আর সজ্জন। আমার জীকে এই সঙ্গে ক'রে নিয়ে যাবে, আর সেই সঙ্গে আপনারা আমার জন্ত যা কিছু আবশ্যক বিবেচনা করবেন, তাও নিয়ে যাবে।

সা-রাজ। বেশ, তাই হবে। এখন বিদায়, মন্ত্রিবর! গুণ যদি হৃদয়ানন্দকর সৌন্দর্যের আধার হয়, তা হ'লে কে বলে তোমার জামাতা কদাকার? ১ম সভা। বীরবর, বিদায়! তোমার ভবিষ্যৎ আচরণ যেন তোমার জীবন সুখকর হয়।

ব্রাবান্। যুট,—

থাকে যদি চক্ষু তব, তবে অনুক্ষণ রেখে তব পত্নী-পরে সতর্ক নয়ন। পিতৃ মনে প্রতারণা করে যেই নারী, পতি-প্রবঞ্চনা নহে অসম্ভব তারি।

[ সামন্তরাজ, সভাসদগণ এবং

রাজকর্মচারিগণের প্রস্থান।

ওথেলো। অসম্ভব কথা! এই সরলা বিশ্বাসঘাতিনী হবে! কখনও না—আমার জীবন-পণ! ইয়োগে, আমার জীকে সাই প্রাসে নিয়ে যাবার ভার তোমার উপর। আর আমার অনুরোধ, তোমার জীবন যেন তার সঙ্গে সঞ্চে থাকে। যাতে ছ'জনের কোন কষ্ট না হয়, তেমনি সমস্ত সু-বন্দোবস্ত ক'রে নিয়ে যেয়ো। এস, প্রিয়ে! এক ঘণ্টা পরেই আমায় যাত্রা করতে হবে। প্রেমলাপ বা সাংসারিক ব্যবস্থা করবার এই ক্ষণিক সময় মাত্র অবকাশ। কালো-আদেশ অলঙ্ঘনীয়।

[ ওথেলো ও ডেজ্‌ডিমোনার প্রস্থান।

রডা। বন্ধু!

ইয়া। কি শুকুম, দেল্দার?

রডা। এখন কি করা যায় বল দেখি?

ইয়া। কেন বন্ধু? বরাবর বিছানায় গিয়ে গা ঢাল গে—তার পরে ক'বে নাক ডাকাও।

রডা। না। আমার আর সহ্য হচ্ছে না। আমার এখনই জলে ডুবে মরাই ভালো।

ইয়া। তা যদি কর, তুমি ম'লে তোমার পীরিতে একেবারে এস্তবা দেব! তুমি এমন আহাম্মুক! কেন বল দেখি, কি ছুখে মরবে?

রডা। আহাম্মুক! যন্ত্রণার ভার নিয়ে বেঁচে থাকাই আহাম্মুকি। যম যেখানে চিকিৎসক, সেখানে এমনই ব্যবস্থাপত্র।

ইয়া। দুর্দশা আর কি! চার সাতে আটাশ বছর আমার বয়স হয়েছে—এত দিন ধরে সংসার দেখে আসছি। যত দিন থেকে ভালমন্দ এই ছুঁটোর ভেদ বুঝবার মত বুদ্ধি হয়েছে, এমন একটা লোক দেখলুম না, যে জানে নিজেকে কেমন করে পেরার করতে হয়! একটা বেণ্ডার পীরিতে জলে কাঁপ দেব, এ কথা বলবার আগে আমি মনুষ্য থেকে নাম খারিজ করে বাদরের দলে ভিড়তুম।

রডা। আর উপায় কি বল? স্বীকার করি, পীরিতে এত পাগল হওয়া লজ্জার কথা। কি করব ভাই, এ থেকে যে শোধরাব, তা আমার ধাতের নেই—ধর্মের নেই।

ইয়া। ধর্ম! বাজে কথা! ভাল হওয়া মন্দ হওয়া সব আমাদের নিজেরই হাতে। [এই যে শরীর-খানি দেখছ, এটি একখানি বাগান, আর তার মালী হচ্ছেন—ইচ্ছা। এতে কাঁটা-বাস রোও, আনাজ-তরকারী কর, গন্ধী গাছ-গাছড়া লাগাও, আগাছা নিড়োও, এক রকম, কি রকম রকম শাক-সবজী পোতা, আলিসা করে পতিত ফেলে রাখো, বা যত্নের সার দিয়ে জমিখানিকে হাঁসিল কর, সব সেই ইচ্ছা মালীর হাত। যদি পীরিতের চেয়ে বুদ্ধির পালাটা ওজনে বেশী ভারি না হ'ত, তা হ'লে আমাদের কি দুর্গতিই হ'ত? কেবল এই বুদ্ধি-বিচার-শক্তি আছে বলেই আমাদের গরম রক্ত ঠাণ্ডা হয়, স্বভাব থেকে কুপ্রবৃত্তির কাঁটা তুলে ফেলা যায়, আর এই পীরিতের পক্ষি-রাজটিকে মুখে লাগাম কষা থাকে। তুমি যাকে বলছ প্রেম, তা হয় কাম-রক্ষের কলম, নয় চারা।

ডা। তা কি হয়?

ইয়া। এই যে প্রেম প্রেম যাকে বলছ, রক্তের ব্যামো ছাড়া আর কিছুই নয়। এর জন্মদাতা খেয়াল।] শোন, ছেলেমানুষী করো না। জলে ডুববে! ডোবাতে হয়, কুকুর বেড়াল ধরে ডুবিয়ে মার গে! [আমি তোমাকে বন্ধ বলেছি। তোমাকে যোগ্য লোক মনে করে খুব শক্ত শেকল দিয়ে আপনার সঙ্গে আঁট করে বেঁধেছি। তোমার বিশেষ উপকার করতে পারব, এত দিন পরে এমন সময় সুযোগ এসেছে। কিন্তু টাকা যোগাড় কর। আমাদের সঙ্গে যুদ্ধে চল। পর-চুলো লাড়ি প'রে চেহারাটা বদলে ফাল! কিন্তু আগে টাকা যোগাড় কর। ঐ সন্দরী নাগরী যে ঐ ছদ্মন চেহারা নাগর নিয়ে খুব বেশী দিন

ভুলে থাকবে, তা মনেই কোর না। তুমি টাকা যোগাড় কর দিকি! ও হাবসীটাও ঐ সন্দরী কাছে বেশী দিন বাঁধা থাকবে না। এ পীরিতে তেউড় যেমন আচম্কা গজিয়েছে, তেমনি এর ঝটকায় তার মুলোচ্ছেদ হবে। তুমি টাকা যোগাড় কর। এই যে হাবসীর জাত দেখছ এদের খেয়াল আজ একরকম, কাল একরকম খালি টাকা—টাকার যোগাড়ই হ'ল মূল [অমৃত ব'লে আজ যা খাচ্ছে, কাল তা তিতকুটে ব'লে থুখু করে ফেলে দেবে! সন্দরী যুবতী ঐ আধবুড়োটাকে নিয়ে কদিন থাকবে?] তার পর ঐ সন্দরী যুবতী, নতুন বোঁক একটু কাটলেই আপনার ভুল বুঝবে, আর সঙ্গে সঙ্গে এক জন বুঝকে খুঁজবে। এ হতেই হবে, সেই জন্তে বলছি, টাকার যোগাড় কর। বাহান্নমে যাবার জন্তে যদি কোমর বেঁধেই থাক ত জল-পথে যাবে কেন? পীরিতের পথ ধরে যাও, কিন্তু টাকা চাই। যদি আমার বুদ্ধি আর সত্যতানের ফন্দী ব্যর্থ না হয়, তা হ'লে ঐ বর্বর ভববুরের সঙ্গে ঐ বিষম চতুরা স্ত্রীলোকের ধর্মবন্ধন টেকবে না। তুমি ধরেই রাখ, ও মেয়েমানুষ তোমার মুঠোর ভেতর। কিন্তু টাকা চাই। খামখা জলে কাঁপ দিতে যাবে কেন? তোমার শত্রু জলে কাঁপ দিক। মরবে ত পীরিতের দড়ি গলায় দিয়ে ঝোলো।

রডা। বেশ! তুমি যা বলছ, তা পরীক্ষা করবার জন্তে যদি আপাততঃ আমি মরবার সঙ্কল্প ছেড়ে দি, তুমি আমার সহায় হবে?

ইয়া। তার সন্দেহ আছে? সে তুমি নিশ্চিত থেকে। তুমি টাকার যোগাড় কর। তোমাকে বারবার করে বলেছি, আর এখনও বলছি, এই হাবসীটার উপর আমার বিজাতীয় আক্রোশ! সে আক্রোশ আমার বুকে জাঁতার মত জেঁতে ব'সে আছে; ধরতে গেলে তোমারও ত তাই। ছ'জনে একজোট হয়ে বেটার সর্বনাশ করব। যদি ওর পরিবারটিকে তুমি হস্তগত করতে পার, তাতে তোমার যেমন সুখ, আমার তেমনি আনন্দ। [ভবিষ্যতের গর্ভে অনেক ব্যাপার রয়েছে, ক্রমে বাচ্চা বিয়োবে।] নাও, কুচ কর! টাকার যোগাড় করা চাই। কাল এ সম্বন্ধে আরও কথাবার্তা হবে, এখন বিদায়।

রডা। কাল সকালে কোথায় দেখা হবে?

ইয়া। আমার বাসায়।

রডা। আমি ঠিক সময় যাব।

ইয়া। বেশ! ভায়া, শুনছ?

রডা। কি বল?

ইয়া। জলে ঝাঁপ দেওয়া কি, জলের ধার দিয়ে যেয়ো না, বুঝলে?

রডা। আবার! তুমি আমাকে আক্কেল দিয়ে দিয়েছ। আমি এখন নতুন মানুষ। যাই, জায়গা-জমিগুলো বেচে ফেলে টাকার যোগাড় করি গে।

ইয়া। হাঁ—টাকা চাই—যত পার, যোগাড় কর।

[ রডারিগোর প্রস্থান। ]

ইয়া। এমনি সব আহাম্মুকগুলো আমার টাকার থলি। সংসারে যেটুকু জ্ঞান লাভ করেছি, তাতে বুঝি, এ সব আহাম্মুকদের জন্তে সময় নষ্ট করাও আহাম্মুকী! তবে কি না, এতে আমোদ, লাভ—দুই-ই আছে। এই হাবসীটার ওপর আমার বিজাতীয় ঘৃণা। কানা-যুধো গুনতে পাই—ইনি আমার শয্যায় আমার স্থান অধিকার করেছেন। সত্যি মিথ্যে কে জানে সন্দেহ! কিন্তু হ'ক সন্দেহ, সন্দেহকেই আমি সত্যি ব'লে ধ'রে নেব। সেনাপতি আমাকে খুব সংলোক ব'লে জানে। উত্তম! তাতে আমার মংলব আরও সহজে সিদ্ধ হবে। সহকারীর চেহারাটি চমৎকার! বেশ, বেশ! তার পর? তার পদটি অধিকার করতে হবে। শুধু তাই নয়, বাহাদুরী ক'রে দুটো মংলব খাটাতে হবে। কেমন ক'রে? কেমন ক'রে? রোস, রোস, দেখি! সময়ে সেনাপতির কাণে বিষটালতে হবে, তার সুন্দরী স্ত্রীর সঙ্গে সহকারীর একটু মাখামাখি বেশী। সহকারীর চেহারা, চোখ হাবভাব, সবই সন্দেহ করবার মত। সবই যেন মেয়েমানুষকে মজাবার জন্তেই সৃষ্টি হয়েছে। সেনাপতি সাদাসিধে, প্রাণ-খোলা লোক। নিজের মনে কোরকাপ নেই, লোকের মনের কোরকাপও বুঝতে পারে না। ভগুকে ভাবে সাধু। গাধার মতন নাকে দড়ী দিয়ে ঘোরাবার জন্তে যেন একেবারে ঠিক তৈরী হয়ে রয়েছে। ঠিক হয়েছে—ঠিক হয়েছে! মংলব পেয়েছি! মংলব পেয়েছি! ঠিক হয়েছে!

এবে, জ্ঞানরূপে জাত মস্তিষ্কে আমার—

যবে, বাহিরিবে নারকী নিশায়—

চমকিবে লোক হেরি বীভৎস আকার।

[ প্রস্থান। ]

## দ্বিতীয় অঙ্ক

### প্রথম দৃশ্য

সাইপ্রাস্ বন্দর

( মন্টানো এবং দুই জন ভদ্রলোকের প্রবেশ )

মন্। সমুদ্রের উপর কিছু দেখতে পাচ্ছ কি?

১ম ভদ্র। কিছুই না, কেবল বড় বড় ঢেউ; জল ওয়ার আকাশ ধু-ধু কচ্ছে। পালের চিহ্নও দেখা যাচ্ছে না।

মন্। কাল রাত্রে কি ভীষণ ঝড়! ঝটকাগুলো যে ঝাকম তর্জ্জন-গর্জ্জন ক'রে আমাদের কেল্লাটাকে ঝাঁকুনি দিয়েছিল, যদি সমুদ্রের ওপরও তেমনি হাঙ্গামা ক'রে থাকে, তা হ'লে একখানাও জাহাজ টেক্বে না। ঢেউ ত নয়, মাথার উপর পাহাড় ভেঙ্গে পড়লে কার্ঠেরা প্রাণ কতক্ষণ টেকে? কি সংবাদ আসে, কে জানে!

২য় ভদ্র। সংবাদ আসবে, তুর্কীদের নৌ-বাহিনী এই ঝড়ে ছোড়ভঙ্গ হয়ে গেছে। [ ফেনিল সাগর-তীরে দাঁড়িয়ে একবার দেখ দিকি! মনে হবে যেন হাওয়ার তাড়নায় নৌগুলো মেঘের গায় ঘা মাঝে! সাগর যেন ফুঁপিয়ে উঠে জটা নেড়ে তাল ঠুকে চলেছে—উজ্জল সপ্তাশ্রমগুলোকে ভাসিয়ে দিতে। মংলব—যেন অটল ধ্রুবলোকটাও নিবিয়ে দেয়। সমুদ্রে এমন সর্বত্র নশে রাগের ঘটনা, লগুতও কাণ্ড আমার জ্ঞানে নেশ্বর্ষনি! ]

মন্। তুর্কীদের জাহাজ যদি কোন নিরাপদ বন্দরে না ঢুকতে পেরে থাকে, নিশ্চয় ডুবেছে। এই দুর্ভিক্ষ ঝড়ের ধাক্কা কখনই সামলাতেক পারবে না।

( তৃতীয় ভদ্রলোকের প্রবেশ )

৩য় ভদ্র। সু-খবর, ভায়া! যুদ্ধ শেষ! ঝড়ের উৎপাতে তুর্কী-বাহিনীর এমন দুর্দশা ঘটেছে যে, তাদের মংলব হাঁসিল হবার আর উপায় নাই। ভেনিস্ থেকে একখানি জাহাজ আসছিল, সে দেখে এসেছে, তুর্কীর ভাল জাহাজগুলিই ভেঙ্গে চুরমার হয়ে গেছে।

মন্। বল কি? খবর ঠিক ত?

৩য় ভদ্র। খুব ঠিক! সে জাহাজ আমাদেরই বন্দরে লেগেছে। সহকারী সেনাপতি কেশিয়ে তাতে এসেছেন। কিন্তু সেনাপতি ওখেলোর

জাহাজ এখনও পৌঁছেনি। তিনিই এই দ্বীপের শাসনকর্তা নিযুক্ত হয়েছেন।

মন্। অতি সুখের সংবাদ! ওথেলো ঘোণা লোক। ৩য় ভদ্র। সহকারী সেনাপতি তুর্কীদের সম্বন্ধে আশঙ্ক হলেও, তাঁর মনে ক্ষুণ্ণ নেই। সেনাপতির সম্বন্ধে নিশ্চিত হ'তে পারছেন না। ছ'জনের জাহাজ একসঙ্গে আসছিল। তার পর, এই দুর্দান্ত ঝড়ে ছাড়াছাড়ি হয়ে ওথেলোর জাহাজ যে কোথায় গেল, তার পাত্তা নেই।

মন্। ভগবান্ সেনাপতিকে রক্ষা করুন! আমি তাঁর অধীনে কর্ম করছি, যথার্থ বীর বটে! চল, সাগরের ধারে যাওয়া যাক। যে জাহাজ এসেছে, সেখানাও দেখব আর সেনাপতির জাহাজের প্রতীক্ষায় সকলে চোখ পেতে থাকব—[যতক্ষণ না জলে আকাশে মিশে একসা হয়ে আমরা ঝাপসা দেখি।]

৩য় ভদ্র। চলুন, তাই যাওয়া যাক। [প্রতি মুহূর্তেই মনে হচ্ছে, নতুন জাহাজ আসছে।]

(কেশিয়োর প্রবেশ)

কেশি। এই বীরভূমির বীর জাভিকে শত সহস্র ধন্যবাদ! আমাদের বীর সেনাপতির কদর এরা জানে! ভগবান্ ভীষণ দুর্ঘ্যোগে তাঁকে রক্ষা করুন। ঝড়ে আমি তাঁকে দারুণ সঙ্কটাপন্ন দেখে এসেছি।

মন্। তাঁর জাহাজ বেশ মজবুত ত?

কেশি। জাহাজও মজবুত, আর তার নাবিকও দক্ষ—এই বিশেষ ভরসা। (নেপথ্যে—ঐ দূরে মাঙ্গল দেখা দিয়েছে! পাল দেখা যাচ্ছে।)

(চতুর্থ ভদ্রলোকের প্রবেশ)

কেশি। কিসের গোল?

৪র্থ ভদ্র। সহর উজাড় ক'রে সব লোক সাগরকূলে গিয়ে দাঁড়িয়েছে। মাঙ্গল দেখা যাচ্ছে ব'লে তারাই গোল করছে।

কেশি। বোধ হয়, এই সেনাপতির জাহাজ এল।

(তোপধ্বনি।)

২য় ভদ্র। তোপের আওয়াজ ক'রে আমাদের অভিবাদন করছে। তা হ'লে নিশ্চয়ই আমাদের বন্ধু জাহাজ।

কেশি। মহাশয়, কেউ অল্পগ্রহ ক'রে যান, আমায় সঠিক সংবাদ এনে দিন—কে এসে পৌঁছল।

২য় ভদ্র। যে আজ্ঞে, আমি চললুম।

[প্রস্থান]

মন্। মহাশয়, আমাদের সেনাপতি কি বিবাহিত? কেশি। হাঁ, তাঁর সে সৌভাগ্যের কথা আর কি বলব! যে নারীর দ্বি তিনি লাভ করেছেন, তার আর তুলনা নাই।

[রূপের আদর্শ!—যারে বর্ণিবারে বাক্য হারে, যে সব রূপের কথা রূপকথা কয়— তুলনায় মানে পরাজয়। স্তুতি মৌন স্তুতি গানে, শিল্পী নাহি পায় ধ্যানে, তুলিতে তুলিতে মুখ অধোমুখ হয়।]

(২য় ভদ্রলোকের পুনঃপ্রবেশ)

২য় ভদ্র। সেনাপতির পতাকাধারী ইয়াগো এসে পৌঁছলেন।

কেশি। ভাগ্যে-ভাগ্যে খুব শীঘ্র এসে পৌঁছেছেন।

[প্রবল ঝড়, প্রমত্ত বাতাস, উত্তাল তরঙ্গ, চোরা বালি, গুপ্ত পাহাড়, জাহাজের যত রকম বিশ্বাসঘাতক শত্রু আছে, তারাও যেন সৌন্দর্যমুগ্ধ হয়ে, হিংস্র-স্বভাব ভুলে দেবী-প্রতিমা ডেজ্-ডিমোনাকে নিরাপদ পথ দিয়েছে।]

মন্। কাকে, মশাই? কে তিনি?

কেশি। যার কথা আমি এতক্ষণ বলছিলুম। যিনি আমাদের সেনাপতির সেনাপতি। একে আনবার ভার রাজ-পতাকা-বাহক ইয়াগোর উপর দেওয়া হয়েছিল। এত শীগগীর যে এ জাহাজ এসে পৌঁছবে, আশা করিনি। আমি ভেবেছিলুম, অন্ততঃ সপ্তাহ পূর্বে কিছুতেই আসতে পারবে না। [ভগবান্ সেনাপতিকে নিরাপদে রক্ষা করুন, অল্পকূল বাতাসে তাঁর দ্রুত জাহাজ শীঘ্র এখানে এসে উপস্থিত হোক! নববিবাহিতা স্ত্রীকে প্রেমপাশে বন্ধন ক'রে সুখী হ'ন, আর আমাদের নিজীব হৃদয়ে নবীন উৎসাহ সঞ্চার করুন। যেন তাঁর আগমনে এখানকার ছোট-বড় সকল প্রজার সুখ-স্বচ্ছন্দ বৃদ্ধি হয়! দেখুন! দেখুন!—]

(ডেজ্ ডিমোনা, এমিলিয়া, ইয়াগো, রডারিগো এবং পরিচারকবর্গের প্রবেশ)

দেখ, দেখ! রত্নাকর কি উজ্জল রত্ন বহন ক'রে এনেছে। সাইপ্রাস্বাসিগণ, সকলে

নতজানু হয়ে এই দেবীকে অভ্যর্থনা কর! দেবী,  
দেব-করণ! রক্ষা-কবচের তায় অভেদ্য আবরণে  
আপনাকে রক্ষা করুক!

ডেজ্। বীরবর, তোমায় সহস্র ধন্যবাদ! তোমার  
প্রভুর কোন সংবাদ জান কি?

কেশি। প্রভু এখনও এসে পৌঁছান নাই। কিন্তু  
তিনি কুশলে আছেন। বোধ হয়, শীঘ্রই এসে  
পৌঁছুবেন।

ডেজ্। কিন্তু আমার মন কিছুতেই শান্ত হচ্ছে না।  
তোমাদের জাহাজ ত একসঙ্গে আসছিল?  
ছাড়াছাড়ি হ'ল কেনম ক'রে?

কেশি। বড়ো। কিন্তু ঐ গুলুন—জাহাজ পৌঁছেছে  
ব'লে কোলাহল উঠছে!

(নেপথ্যে—ঐ মাস্তুল দেখা যাচ্ছে—ঐ মাস্তুল  
দেখা যাচ্ছে।)

(তোপধ্বনি)

২য় ভদ্র। তোপধ্বনি ক'রে আমাদের দুর্গকে  
অভিবাदन করছে। সম্ভব, এও আমাদের বন্ধু  
জাহাজ।

কেশি। কে এল, খবর নি!—

[দ্বিতীয় ভদ্রলোকের প্রস্থান।]

নমস্কার, ভায়া! নমস্কার! ঠাকরুণ, আপনিও  
ভালোয় ভালোয় পৌঁছেন দেখে খুব খুসী  
হয়েছি! ভায়া, আমাদের দেশাচারমত  
তোমার পরিবারের সঙ্গে এখানে অসঙ্কোচে  
আলাপ করছি ব'লে বিরক্ত হয়ে না। এ মুখু  
শিষ্টতা, কোন ছুই অভিপ্রায় নেই।

ইয়া। বন্ধু, আমি ওঁর রসনার যতটুকু অসঙ্কোচ  
আলাপ পেয়েছি, তুমি যদি ততটুকু পেতে,  
তোমার আলাপের সখ একেবারে মিটে যেত।

ডেজ্। বিলক্ষণ, ও ত বোবা বললেই হয়! মুখে  
কথাই নেই!

ইয়া। আজ্ঞে, ক্ষমা করবেন, কথাই নেই—নয়,  
কথার কামাই নেই। যখনই আমার ঘুম  
আসে, তখনই তার বেশ পরিচয় পাই। তবে  
আপনার সান্নিধ্যে এখন জীবটির লাগাম কষেছেন  
বটে, কিন্তু রাগে মনে মনে আমার উপর কষ-  
কষ করছেন

এমি। মিছে বোঁক না!

[ইয়া। চেপে যাও না! গুণাগুণ প্রকাশ  
কোরব? তোমরা সাধারণের চক্ষে দেখতে

যেন শাস্ত-শিষ্ট ছবিখানি! মজলিসে মিষ্টভাষিণী,  
দাসদাসীরা শাসনে বিভালরূপিণী—আঁচ-ডাতে  
কামড়াতে খুব খরতর! রাগলে সয়তানী,  
আর লোকের সর্বনাশ করবার সময় দেখাও  
যেন একটি তপস্বিনী! ঘরের কাজ-কর্মে  
কুড়ে, কিন্তু মশারির ভিতর গিন্নীপনা কর তুড়ে।

ডেজ্। ছি, ছি, তুমি এমন বিশ্ব-নিন্দুক!

ইয়া। দোহাই বলছি, আমার একটি কথাও মিথ্যে  
নয়! এঁদের গিন্নীপনা যত বিহানায়, আর  
জেগে উঠে দিনটা কাটান কেবল খেয়াল আর  
খেয়াল।

এমি। আমার মৃত্যুর পর যেন তোমার উপর  
আমার গুণকীর্তন করবার ভার না পড়ে।

ইয়া। না, তাতে বড় সুবিধে হবে না।

ডেজ্। আচ্ছা, সত্যি বল! তোমায় যদি আমার  
যশোগান করতে হয়, তা হ'লে কি লেখ?

ইয়া। ভদ্রে, সে ভারটা আমার দেবেন না। আমি  
সমালোচকের জাত, কেবল খুঁত ধরা হাত—  
নইলে ধাত-ছাড়া হই।

ডেজ্। ভাল, একটু চেষ্টাই কর না! বন্দরে  
কেউ খবর আনতে গেল কি?

ইয়া। হাঁ দেবি!

[ডেজ্। আমার মনে ক্ষুণ্ণি নেই। কিন্তু মনের  
অসুখ ঢাকবার জন্তে লোক দেখান একটু  
আমোদ করি। চুপ ক'রে রইলে কেন?  
আমার যশোগান কি করবে কর।]

ইয়া। চেষ্টা করছি, কিন্তু আটকাটির আটার মত  
কথাগুলো মগজের ভেতর জড়িয়ে যাচ্ছে,  
বেরুতে পাচ্ছে না। আচ্ছা, এইবার স্মরণ  
করি। নারী যদি হয় স্মরনী আর বুদ্ধি  
মতী, সেই বুদ্ধিবলে করতে পারে আপনার  
সদগতি।

ডেজ্। চমৎকার! কিন্তু যদি হয় বুদ্ধিমতী আর  
কালো?

ইয়া। বুদ্ধিমতী আর কালো? ধলো খুঁজে এনে,  
কালোয়-ধলোয় জোড় মেলাবে ভালো।

ডেজ্। ক্রমেই নিম্নের ভাগ বেড়ে যাচ্ছে!

এমি। আর রূপসী যদি হয় আহাম্মুক?

ইয়া। রূপসী কখন কি হয় আহাম্মুক! যদি হয়,  
আহাম্মুকি ক'রে দেখতে পায় সোণার-টাদের  
মুখ।

ডেজ্। এ সব মদের মজলিসে বেকুব হাসাবার  
মত সেকেলে হেঁয়ালি। যে আহাম্মুক আর

কুৎসিত, তার জন্ত তোমার কি স্তুতিবাদ তোলা আছে ?

ইয়া। কুরূপা হ'লেও এত আহাঙ্গুক কিংকেউ হয়—  
যার কুকীর্তি রূপসী বুদ্ধিমতীর সমান নয় ?

ডেজ্। কি নির্দোষ ! যে সকলের চেয়ে মন্দ,  
তুমি তাকেই বলছ ভাল। আচ্ছা, ধর, যদি  
এমন দ্রোলোক হয় যে, যথার্থই নারীনামের  
গৌরব, হিংসা-সম্মতান স্বয়ং কুৎসা করতে পারে  
না, তার কথা কি বল ?

ইয়া। যার রূপ আছে, দেমাক নাই ; করলে  
করতে পারে, তবু করে না বড়াই ; ধনী হয়ে  
গেরস্তের মত সাজ-পোষাক পরে ; উপায়  
থাক্তে যার মনের সাধ মনেভেই মরে ; শত্রুকে  
হাতে পেয়েও যে জল করতে চায় না ; কেউ  
ক্ষতি করলেও যার মনে রাগ থাকে না ; যে  
এতটুকু বুদ্ধি ধরে, যে তাজা-মুড়োর তফাৎ বুঝতে  
পারে ; মনের কথা মনে রাখে, মুখ ফুটে বলে না  
কাকে ; যারা ভেড়োর মত পাছে ফেরে, তাদের  
পানে চায় না ফিরে। এমন যদি কেউ থাকে,  
ত সে খুব মজ্জ্বত।

ডেজ্। কি করতে ?

ইয়া। ছেলে পালতে আর বর-খরচার হিসাব  
রাখতে।

ডেজ্। কথার না আছে মৃগু, না আছে মাথা !  
কোথা থেকে গড়াল এসে কোথা। সখি,  
তোমার গুরুজন হলেও এমন গুরু-মশায়ের  
পোড়ো হয়ো না। তুমি কি বল, সহকারী  
সেনাপতি ? এর যতগুলি উপদেশ, সব অশিষ্ট  
• আর সম্মতানের মত কি না ?

কেশি। দেবি, এমনি আঁতে যা দিয়ে কথা বলা  
এঁর স্বভাব। পড়া নয়, লড়া এঁর বিজ্ঞা।]

ইয়া। (স্বগত) বাঃ বাঃ ! কেমন হাতখানি  
বাগিয়ে ধরলে ! কেমন কাণের কাছে ফুসফুস  
করলে ! তোকা ! কর বাবা ফুসফুস !  
মাকড়সার এই ছোট জালে ফেলে সহকারী-  
সেনাপতির মত রাজ্যমাছি শীকার করব।  
হাসো—হাসো—আরও হাসো। দোহাই  
বলছি—হাসো। বাবা, এই নাগরালিই তোমার  
চোরাবালি হবে, ডুববে ! যা বলছ—বল না,  
ঠিকই ত বলছ ! তাই বটে ! জানতে যদি,  
চাঁদ ! এই আটকাটি তোমাকে কি রকম ক'রে  
এঁটে ধরবে ! তোমার সহকারীর পদ, সাজ-  
পোষাক পাখীর পালকের মত ঝবুবে। তা হ'লে

ফিটফাট নাগরটির মত অমন ক'রে চুমুড়ি  
দিতে না। [বাঃ ! তারিক ! তারিক ! এই ত  
চাই ! আবার চুমুড়ি ! আবার ! বাবা, কোথায়  
গড়াবে, জানলে এ মজা ওড়াতে না ! এই  
পিরোতের বেনো জল ঢুকিয়ে তোমার ঘরের জল  
বেরুবে !]

(নেপথ্যে তুলী-রব।)

(প্রকাশে) নিশ্চয় সেনাপতি, আমি তাঁর তুরীর  
আওয়াজ চিনি।

কেশি। সত্য। তাঁরই তুরীর বটে।

ডেজ্। চল, আমরা এগিয়ে গিয়ে তাঁকে অভ্য-  
র্থনা ক'রে আনি।

কেশি। আর যেতে হবে না, দেখুন, তিনি আপনিই  
এসে উপস্থিত !

(ওথেলো এবং পরিচারকর্নের প্রবেশ)

ওথেলো। সুলোচনা, বীরঙ্গনা মম।

ডেজ্। প্রভু, দাসী ভব।

ওথেলো। প্রিয়ে, মম অগ্রে তব আগমনে

মম আমি আনন্দ-বিস্ময়ে।

আনন্দরূপিনি,

যদি প্রতি ঝটিকার অন্তে

হেন রমণীয় শান্তি হয় সমাগত,

ক্ষতি কিবা,

বহু প্রলয়-ঝড় জাগিয়ে মরণ !

উত্তাল তরঙ্গমালা,

উৎপীড়িত ক্ষুদ্র পোত লয়ে

খেলুক কল্লুক-খেলা স্বর্গে রসাতলে।

কি সুখ মরণে প্রিয়ে,

মৃত্যু যদি আসে এইক্ষণে !

মনে হয়,

জীবনের পরম সময় এই মম—

চরম আনন্দময় !

তাই বাসি ভয়, স্নাহাসিনি,

অনিশ্চিত ভবিষ্যতে অদৃষ্টে আমার,

অহুল আনন্দ হেন নাহি বুঝি আর !

ডেজ্। না—না—

দেবতার বরে বয়সের সনে

প্রেমপ্রীতি বৃদ্ধি হবে দিন দিন, প্রভু !

ওথেলো। যেন তাই হয়—

আশীর্বাদ কর, দেবগণ !

প্রাণ মম আনন্দে বিভোর আজি প্রিয়ে,

কেমনে বর্ণিব ?



যুক যদি—ভাষা না যোয়ার।  
অতি—অতি সুখে সুখী আমি আজি।

সতি, যেন এই প্রীতি  
কভু নাহি হয় অবসান।

ডে

চুখন-কলহ বিনে  
নাহি জানি অশান্তি কখন।

কে

ইয়া। (স্বগত) প্রাণে প্রাণে একতানে বাজে ছই  
তার।

ডে

কিন্তু রহ রহ। করি শিথিল কীলক  
যুচাইব যন্ত্রধনি  
সত্য যদি সত্যসম্ম আমি।

কে

ওথেলো। চল, সকলে হুগে যাই। হাঁ, সুসংবাদ।  
আমাদের যুদ্ধ শেষ হয়েছে। তুর্কী-বাহিনী  
এখন অভল-ভলে। আমার এখানকার পুরাতন  
বজ্রবান্ধবরা সব কেমন আছেন? [প্রিয়ে,  
আমি এখানকার প্রজাবর্গের খুব প্রিয়। আমার  
আদরে তুমি হেথা সকলের সমাদর পাবে। আজ  
আমার এত আনন্দ যে, সদাচার-বিরুদ্ধ কেবল  
নিজের সুখ-স্বাচ্ছন্দ্যের কথাই কইছি] বীরবর!  
তুমি জাহাজে গিয়ে আমার জিনিষপত্র নামিয়ে  
নিয়ে এস, অমনি কাণ্ডে নকে সমাদর করে  
কেল্লায় নিয়ে যেরো। সে খুব উপযুক্ত লোক,  
সমাদর পাবার যোগ্য।

২য়

৩

এস প্রিয়ে, পুনঃ কহি—  
কি সুখের মিলন হে আজি!

(ওথেলো, ডেজডিমোনা এবং পরিচারকগণের প্রস্থান)

ইয়া। একটু পরে আমার সঙ্গে বন্দরে দেখা  
কোরো। আর শোনো, শুনেছি—প্রেমের  
উত্তেজনায় অতি হীন নিশ্চর ব্যক্তিও উদার  
গুণশালী হয়—তাতে তোমার যদি সাহস  
এসে থাকে, যা বলি, মন দিয়ে শোন।  
আজ রাত্রে সহকারী সেনাপতি কেল্লার  
প্রধান শাস্ত্রী-মহলে পাহারায় থাকবে। কিন্তু  
প্রথম কথা, তোমার প্রণয়িনী সহকারীর  
প্রেমে পড়েছেন।

রড। সহকারী? অসম্ভব!

ইয়া। মিছে বোক না। চোঁট ছটোয় কুলুপ দাও  
—এমনি করে। তার পর যা বলি, শাস্ত-শিষ্ট  
পোড়োর মত চুপ করে শুনে যাও। কথাগুলো  
বেশ করে বোঝ, ঐ কাল। হাবসীটার পিরীতে  
বাড়মোড় শুজে পড়েছিল; কেবল কতকগুলো  
পাহাড়-পর্বত মিথ্যে কথা আর বাজে আফালন

শুনে! তুমি কি ঠাওরাও, কেবল যা তা বলে  
সেই পিরীত বরাবর জীয়ে রাখতে পারবে?  
মনের কোণেও ঠাঁই দিও না, বেশ করে বুঝে  
দেখ। ভায়া, মেয়েমানুষের চোখের খোরাক  
চাই, তা কি ঐ কাল। পিশাচটার মূর্তি দেখে-ওর  
চোখে জুড়বে! [ভূরি ভোজনের প্রথম  
খোঁকটা কাটলেই মুখ বদলাবার জন্তে কুচিকর  
চাটুনি খুঁজবে]। রূপ, যৌবন, হাবভাব—এ সব  
কি ঐ পোড়াকারের আছে? মেয়েমানুষের  
মন ত? এ সব না পেলে ক্রমেই নিরাশ হয়ে  
মনে করবে, ঠকেছি। তার পর পিতি জলে  
গিয়ে পোড়া কাঠে অরুচি ধরবে, শেষে চক্ষুশূল  
হবে। মেয়েমানুষের স্বভাব যাবে কোথায়?  
তার ক্ষিধে জাগান চাই, মুখের তার বদলানো  
চাই-ই চাই। কেমন, এর উপর ত আর কথা  
নেই? এ যুক্তি যেমন স্বতঃসিদ্ধ, তেমনি  
অকাট্য। এখন বোঝো, মেয়েমানুষের মনজরে  
পড়বার মত সৌভাগ্য সহকারীর চেয়ে আর  
কার আছে? শঠ, লম্পট, বাইরে বেশ কেতা-  
দোরস্ত—যেন কত সং, কত উদার! কিন্তু এ  
সব কেবল চাকরীট বজায় করবার, আর পিরীত  
রোগটি চাকবার জন্তে। এখন, তুমিই বল,  
পীরিতে পড়তে হলে ও ছাড়া আর এখানে কে  
আছে? কেউ না, কেউ না। ধৃত, বিশ্বাস-  
ঘাতক স্বেযোগ পেলে ছাড়ে না, আর নাও যদি  
পায়, ত'যেমন করে পারে, স্বেযোগ করে নেয়।  
পাক্সা সম্মতান। রূপ, যৌবন, চেহারা—কাঁচা  
বয়সে পিরীতবাজ মেয়েমানুষ বা চায়, সহকারীর  
তা সবই আছে। নথ থেকে মাথার চুল অবধি  
পেজোমোতে ভরা, আর এরই উপর  
তোমার প্রণয়িনীর সত্তা চোখ পড়েছে।]

রড। এ কথা আমি কিছুতেই বিশ্বাস করতে  
পারলুম না। তার মত সত্যী দ্বীলোক জগতে  
অতুল।

ইয়া। অতুল না—ডুমুরের ফুল! তারও রক্ত-  
মাংসের শরীর। তার পর খাম-খেয়ালী  
মেয়েমানুষ না হ'লে ঐ পোড়াকারকে পছন্দ  
করে? জগতে অতুল—না প্রতুল! কুচির  
খোরাক! সোহাগ করে হাতে হাতে দেওয়াটা  
একবার দেখনি নাকি? চোখ দুটো ছিল  
কোথা?

রড। কেন দেখব না, সে সৌজন্য ছাড়া আর কিত  
নয়।

ইয়া। সৌজন্ম নয়, সেই পিরীতের চিহ্ন—নিশ্চয়।  
মনে মনে গুপ্ত পিরীতের পত্তন। [হুস্ হুস্ করলে,  
ঠোটে ঠোটে ঠেকল না বটে, নিখেসে নিখেসে  
প্রেমালিঙ্গন হলো। বদ্মারেসি মংলব, বন্ধু!  
গোড়ায় যখন এমনি ক'রে সুরু হয়, তখন  
জেনো, গড়াতে আর বড় বেশী দেরী থাকে না।]  
কিন্তু তোমার এত কথায় দরকার কি? তোমায়  
যা বলি, শোন! তোমার জন্ম আমি দায়ী—  
আমি তোমায় দেশ থেকে বিদেশে এনেছি।  
আজ রাত্তিরে তুমি তাকে চোঁকি দেবে। যা  
করতে হবে, পরে ব'লে দেব। সহকারী তোমায়  
চেনে না। আমি তোমার কাছেই থাকব।  
যেমন তেমন একটা ছুতো ক'রে সহকারীকে  
রাগিয়ে দিতে হবে। চেষ্টামেচি ক'রেই হ'ক,  
আর তার জঙ্গী আদব-কায়দার নিন্দে ক'রেই  
হোক—যে উপায়ে হোক, যেমন সুযোগ পাবে,  
তেমনি করবে।

রডা। বেশ, আমি রাজি।

ইয়া। লোকটা কাণ্ডজ্ঞানশূন্য, হঠাৎ চ'ড়ে উঠে চাই  
কি তোমায় ঘা-কতক দিয়ে দিতে পারে। তুমি  
খুঁচিয়ে মার খাবে। সেই তিলটুকুকে আমি  
ভাল ক'রে তুলব। এখানকার লোকদের  
বিদ্রোহী ক'রে বেগ্‌ড়াব। কেশিয়াকে পদচ্যুত  
না করলে তাদের রাগ কিছুতেই পড়বে না। ও  
স'রে গেলে আমি অনেক উপায় করতে পারব।  
[যাতে তোমার বাঞ্ছিত ফল আরও হাতের কাছে  
আসবে। তোমার প্রেমের পথে এই বাধা  
সরীসৃশ-না পারলে আমাদের মংলব সিদ্ধ  
হবে না।]

রডা। সে রকম সুযোগ যদি পাই, তবে ত!

ইয়া। নিশ্চয় পাবে, তুমি শীঘ্র কেজায় আমার সঙ্গে  
দেখা করো। জাহাজ থেকে আমার সেনা-  
পতির জিনিস-পত্র আনতে যেতে হবে; এখন  
তুমি যাও।

রডা। আচ্ছা, বিদায়—

[প্রস্থান।

ভেজডিমোনো রূপসী রমণী—

অনুরাগী কেশিয়ো নিশ্চয়।

স্বন্দরের অনুরাগী হইবে স্বন্দরী,

আশ্চর্য্য নহে ত'কিছু—

প্রভাতের যোগ্য এই কথা।

সেনাপতি—হ'ক মম বিরাগভাজন—

কিন্তু

দৃঢ়চেতা, উচ্চমতি, অতি স্নেহশীল,

প্রাণপণে ভূষিবে বনিতা—

সংশয় নাহিক তার।

এই নারী—আমারও প্রেমসী,

নহে শুধু তীব্র লাগসায়—

( যদিচ নিষ্পাপ নহি আমি )

কিন্তু প্রতিশোধ বৃত্তক্ষায়

সমধিক প্রিয় গণি তারে।

হেতু তার—সন্দেহ আমার,

মম শয্যা অধিকার

করিয়াছে কামুক হাবসী।

এ সংশয় অহরহ

জারিছে অন্তর মম—

বিষময় তীব্র ক্ষাররূপে।

ঋণশোধ, তৃপ্তি বোধ না হবে তাহার

ভাৰ্য্যা পরিবর্তে ভাৰ্য্যা বিনা।

কিন্তু যদি হয় সফল বিফল,

প্রেমপাত্রে দিব হলাহল,

প্রবল রিষের বিবে

ছন্নমতি হবে সেনাপতি—

হিতাহিত বিবেক-বিহীন।

অপদার্থ রডারিগো—

আমিষ-লোলুপ কুকুর সমান,

যদি অঐধর্য্যের বশে

নাহি ধায় শীকার উদ্দেশে,

চলে বলে উপদেশে মম,

প্রতিফল পাইবে কেশিয়ো।

সন্দ মনে, মম ভাৰ্য্যা সনে

নিশীথ-নটের লীলা করে এই জন।

ব্যভিচার কুৎসিত কুৎসায়,

লেপিব কেশিয়ো নাম—

যাহে বাম হবে সেনাপতি

সহকারী প্রতি,

কিন্তু কৃতজ্ঞতাভরে

দিবে মোরে প্রীতি আলিঙ্গন—

নিরোধ গর্দভ বনি দিবে পুরস্কার—

সুখশান্তি বিসর্জনে উন্নত হইয়ে।

এখনও বদ্ধ হেথা মূর্ত্তি জড়িমার

ব্যাভারে শঠতা ধরে সুস্পষ্ট আকার।

[প্রস্থান

দ্বিতীয় দৃশ্য

হুর্গ-সম্মুখ

(ঘোষণাপত্র হস্তে দুতের প্রবেশ, পশ্চাতে জনমণ্ডলী)  
দুত। মহামহিম প্রতাপশালী সাইপ্রাসের শাসন-  
কর্ত্তা ও সেনাপতি মহাশয়ের আদেশ যে, শত্রু  
নৌ-বাহিনী সম্পূর্ণরূপে ধ্বংস হইবার সংবাদ  
আগমনে নগরবাসী প্রজা সকলে নৃত্য, গীত,  
আনন্দ ও আতসবাজী প্রভৃতির আয়োজন  
করিয়া নিজ নিজ অভিরুচি অনুসারে আমোদ  
আহ্লাদ করেন। এই আনন্দের আয়োজন  
কেবল যুদ্ধ-শান্তির জন্ম নয়, তৎসঙ্গে সেনাপতির  
বিবাহ-উৎসবও সংশ্লিষ্ট। এখন এটা হ'তে রাত্রি  
একাদশ ঘটিকা পর্য্যন্ত হুর্গে আহাৰ্য্য প্রস্তুত  
 থাকবে। সর্বসাধারণের নিমন্ত্রণ, সকলে তথায়  
গিয়ে পান-ভোজন করবেন। ভগবান্ এই  
দ্বীপবাসী প্রজাপুঞ্জের এবং আমাদিগের বীর  
সেনাপতির কল্যাণবিধান করুন।

[প্রস্থান।

১ম নাগ। \* ওহে, আমাদের বিশ্ববিজয়ী সেনাপতি  
আজকের যুদ্ধজয় করতে পারেন, তবে বলি বীর।  
২য় নাগ। আজ আবার যুদ্ধ কোথা? শত্রু ত  
পাতালপুরে।  
৩য় নাগ। পাতালপুরে নয়—অন্তঃপুরে। আজ-  
কের রণ হুঙ্কার! রণস্থল—বাসর! ভুবন-  
বিজয়িনী নারী—বিপক্ষ, আর অস্ত্র—কটাক্ষ।  
৪ম নাগ। কন্দর্পের কাছে কারুর বীরদর্প খাটে না।  
ঐ দেখ না, মন্মথের সেনা সব দিগ্বিজয়ে  
বেরিয়েছে।

(স্বসজ্জিতা নাগরিকাগণের প্রবেশ ও গীত)

নয়নে নয়নে—

সোহাগ রংগ হাসি মাখা বদনে—

খেলে ছজনে।

আবেশে আপনহারা,

যৌবন মাতুরারা,

আদর করে কর, অবশ কলেবর,

পিয়াস-কাতর অধর ব্যাকুল মিলনে।

\* মূল গ্রন্থের অতিরিক্ত।

তৃতীয় দৃশ্য

হুর্গাভ্যন্তর—কক্ষ

(ওথেলো, ডেজ্‌ডিমোনা, কেশিয়ো এবং  
পরিচারকবর্গের প্রবেশ)

ওথেলো। কিছুতেই অতিমাত্রা ভাল নয়। আমোদও  
সংযম প্রয়োজন। কেশিয়ো, তুমি আজ প্রহরী-  
দের উপর লক্ষ্য রেখো।

কেশি। ইয়োগোকে আৰম্ভকীয় আদেশ দেওয়া  
হয়েছে। তবু আমি স্বয়ং সব তদারক করব।  
ওথেলো। ইয়োগো অতি সং লোক। আমি এখন  
চলুম। কাল যত সকালে পার, আমার সঙ্গে  
দেখা কোর, কথা আছে। এস প্রিয়ে!

[ক্রয় মাত্রে নাহি হয় ফল আশ্বাদন,  
সমতনে প্রেম-সুখা ভুঞ্জিব হুঁজন।  
এস, বিদায় এখন।]

(ওথেলো, ডেজ্‌ডিমোনা ও পরিচারকগণের প্রস্থান)

(ইয়োগোর প্রবেশ)

কেশি। চল, বন্ধু, আর দেবী নয়, পাহারায় যাই।  
ইয়া। এখন কি? এখনও রাত দশটা বাজেনি।  
নূতন প্রেমের তাড়নায় কর্ত্তা আমাদের তাড়া-  
তাড়ি বিদায় করলেন। তাতে তাঁকে দোষ  
দেওয়া যায় না। [বিবাহের পর একদিনও  
আমোদ-আহ্লাদ করেননি—আর এমন দেব-  
ভোগ্য রমণী।]

কেশি। রমণীর মণি!

ইয়া। আর পিৰীতের খনি!

কেশি। একেবারে টাটকা সুকোমল ফুলটি!

ইয়া। কি চোখ! নিঃশব্দে যেন প্রেম-যুদ্ধে সন্ধি  
প্রার্থনা করছে।

কেশি। চোখ ছুঁটি স্নন্দর, লোভনীয়, কিন্তু আমার  
মনে হয়, দৃষ্টি অতি সলজ্জ!

ইয়া। কথা কয়, মনে হয়, যেন ঘুমন্ত পীরিওকে  
চেতিয়ে তুলছে!

কেশি। সত্যি নারী-রত্ন!

ইয়া। ভগবান্ এঁদের স্তম্ভী করুন! এস বন্ধু,  
কিঞ্চিৎ সরাবও যোগাড় ক'রে রেখেছি। আর  
ছুটি এ-দেশী যুবা বাইরে দাঁড়িয়ে রয়েছে।  
তাদেরও ইচ্ছা, সেনাপতির কল্যাণে কিঞ্চিৎ  
মধুপান করে।

কশি। না ভায়া, আজ রাতে আর নয়। মদ আমার নয় না। আমার মাথা ভারি দুর্বল। সভ্য জগৎ থেকে নেশার আমোদটা উঠে যাওয়াই ভাল।

মন্। কিছু না, কতটুকুই বা খে ইয়া। এই! সরাব ঢালো।

গান

ইয়া। যুবক ছুটি আমাদের আলাপী বন্ধু। তাদের কি অমনি-মুখে ফেরানো ভালো দেখাবে? তুমি একটুখানি খাবে, তার পর আমি তোমার হয়ে চালাব।

চম্ চম্ চমকে লালী পিয়লা।  
বাঞ্চে হুন্ হুন্ হুন্, নাচে কিরণ অরুণ রঙ্গীলা।  
কে জানে কখন নিবে জীবন-বাতি  
এলে আঁধারী রাত্তি, হবে হিম হাতি,  
পিয়ো আমোদে মাতি—  
বীর রুধির মাতোয়াল।

কশি। আজ এক পান্ডুর খেয়েছি, তাও খুব জল মিশিয়ে। তাইতেই দেখ, আমাকে যেন বদলে ফেলেছে। আর আমার লোভে পড়তে সাহস হয় না।

চালাও, চালাও, ক্ষুধা কর!

ইয়া। আরে কও কথা! আমোদ-প্রমোদের দিন, তাতে হুঁজন ভদ্রলোক আমোদ করতে এসেছে।

কেশি। ভগবান্ সাক্ষী, চমৎকার গান!

কশি। কোথায় তাঁরা?

[ইয়া। এ গান আমি ইংরেজের দেশে প্রথম শিখি। মদ খেতে ইংরেজের মতন মজবুত পাত্র আর নাই। দিনেমার বল, জাম্বাণ বল, আর নাদাপেটা ওলন্দাজই বল—পিয়লা ভরো—তোমার ইংরেজের কাছে কেউ নয়।

ইয়া। বাইরে দাঁড়িয়ে আছে। তুমি ভেতরে ডেকে নিয়ে এস।

কেশি। তোমার ইংরেজ কি নেশায় এমনি লায়েক?

কশি। তা আনছি। কিন্তু আমার, ভাই, মন লাগছে না।

[প্রস্থান।

ইয়া। লায়েক বলে লায়েক! ইংরেজের গোলাপী নেশা না হ'তে হ'তে তোমার দিনেমার মুদোর হয়ে পড়ে। জাম্বাণকে ত তুড়ি মেরে কাৎ করে। আর ইংরেজ এক পান্ডুর শেষ করতে না করতে তোমার ওলন্দাজ বমি ক'রে ঘর ভাসিয়ে দেয়।]

ইয়া। ইয়ার যা টেনেছেন, তার ওপর যদি আর এক পান্ডুর চড়িয়ে দিতে পারি, তা হ'লে খেঁকী কুকুরের মত খামকা খেয়ো-খেয়ি ক'রে আঁচড়াবে কামড়াবে—ওর স্বভাব আমি জানি। তার পর হতাশ প্রেমিক রডারিগো একে ত পীরিতে ওলোট-পালোট, তার ওপর নেশায় তবু —জাবী মিলন-আশায় পিপেকে পিপে ওজড় করেছে—এও থাকবে পাহারার জায়গায়। আর তিনজন এখানকার সার সম্ভ্রান্ত বংশের ছোকরা; মন্ত তেজীয়ান, বংশ-গরিমার দেমাকে ফেঁপে রয়েছে—সামান্য ছুতো পেলে হয়! এদেরও বেশ ক'রে নেশায় তাতিয়ে রেখেছি—এরাও রডারিগোর পাহারার সাথী। জোট-পাট সব ঠিক হয়েছে। সহকারীকে এই মাতালের দলে ছেড়ে দিয়ে এমন একটা ফ্যান্সাদ বাধাতে হবে—যাতে সহরশুদ্ধ ক্ষেপে ওঠে। এই যে সব আসছে।

কেশি। আনুন, সেনাপতির কল্যাণে সকলে পান করি।  
মন্। বেশ, ওতে আমি কখন কুপণতা করি না।  
[ইয়া। আহা, ইংলণ্ডের মতন দেশ কি আছে?

গান

গুণের পাঁজা, রাজার রাজা, কেছা মজাদার।  
পাঁচ পরসার খরিদ করে পাঁজামাটা তার।  
দর যাচাতে বুঝলে সাঁচা দরজীচাচা জোঁক।  
আখলা গোটা ঠকায় বেটা—এমনি ছোটলোক!  
দিন-হুনিয়ার মালিক সে—তার মূলক-জোড়া নাম।  
কাঠ-কুড়নীর বেটা তুমি—দিনমজুরী কাম।  
সোণার দেশটা ডুবে গেল হাম্-বড়ামী দোবে।  
গরদা কালী আবরু করে ফুটি কর কোদে ॥

ফলে যদি ফল, মনে যেইরূপ গণি,  
অমূল্য শ্রোত বায়ু—চলুক তরলী।

সরাব ঢালো।

(কেশিয়ো, মন্টানো ও ভদ্রলোকদ্বয়ের প্রবেশ)

কেশি। ভগবান্ সাক্ষী! এ গান আরো চমৎকার! ইয়া। আবার গাইব, শুনবে?

কেশি। সত্যি বলছি, আমার মাত্রা একটু বেশী হয়ে গিয়েছে।

কেশি। না, যে ও-রকম করে, তাকে আমি ভারি অপদার্থ মনে করি। জৈশ্বর সবারই মাথার ওপর রয়েছেন বটে, কিন্তু সবাই কি স্বর্গে যাবে? কতকগুলি লোক তবুবে, আর কতক প'ড়ে থাকবে।

ইয়া। ঠিক বলেছ, বন্ধু!

কেশি। আমার নিজের কথা বলতে পারি—কেউ মনে করবেন না, আমি সেনাপতিকে কি সম্মানযোগ্য কোন ব্যক্তিকে তাক্ষিল্য করছি—কিন্তু আমি স্বর্গে যাবার বিশেষ ভরসা রাখি।

ইয়া। আমিও রাখি, ভায়া!

কেশি। ঠিক! কিন্তু মাপ কর ভায়া, আমার আগে নয়, কিছুতেই নয়! আগে সহকারী, তার পর পতাকাধারী! সহকারীর আগে পতাকাধারী? কিছুতেই না! ও কথা থাক বন্ধু, চল, যে যার আপনার আপনার কাজে যাই! ভগ্নবান্ ক্ষমা করুন! কাজে চলুন! মহাশয়রা মনে করবেন না যে, আমি মাতাল হয়েছি!—এই দেখুন—এই আমার পতাকাধারী—আর দেখুন, এই আমার ডান হাত—এই আমার বাঁ হাত—দেখলেন? এখনও আমার একটু নেশা হয় নি। আরও প্রমাণ চান? এই দেখুন, বেশ দাঁড়াতে পারছি। বেশ কথা কইতে পারছি!

সকলে—বাঃ বাঃ! তারিফ! তারিফ!

কেশি। এখন বুলুন। আপনারা কিছুতেই মনে করতে পারবেন না যে, আমার নেশা হয়েছে।

[প্রস্থান।]

মন্। চলুন সবাই, পাহারার বন্দোবস্ত ক'রে দিই গে।

ইয়া। এই যে ব্যক্তি চ'লে গেল, ওকে দেখলেন ত? জগৎবিজয়ী বীরের পাশে দাঁড়িয়ে সৈন্ত চালনা করুতে পারে—এতবড় ক্ষমতা রাখে, কিন্তু দেখুন কি দুর্দশা! যত গুলি আছে, এই এক দোষ—তার সমান পাল্লা কি আপ'শোষ! সেনাপতি এর উপর যেকোন বিখ্যাসের ভার দিয়েছেন, আমার ভয় হয়, মাতাল হয়ে কোন দিন একটা বিষম কাণ্ড বাধিয়ে বসে।

মন্। সর্দেহাই কি এই অবস্থা হয় নাকি?

ইয়া। মদ না খেলে ওর ঘুম আসে না। দিনে-রোতে চকিষ বণ্টার ভেতর এক মুহূর্ত চোখ বুজতে পারবে না।

মন্। তা হ'লে এ কথা ত সেনাপতিকে বলা উচিত। বোধ হয়, তিনি এটা লক্ষ্য করেন নি। আর নয় ত নিজে স্বজন ব'লে ওর দোষ বুঝতেই পারেন নি—গুণেই মুগ্ধ, কি বল?

(রডারিগোর প্রবেশ)

ইয়া। (জনান্তিকে) এখানে এলে কেন? সহকারীর পেছনে পেছনে যাও—যাও!

[রডারিগোর প্রস্থান।]

মন্। যার এমন দুর্বল চিত্ত, সদাশয় সেনাপতি তাকে সহকারীর পদ দিয়েছেন—বড়ই দুঃখের বিষয়! তাঁকে এ সব কথা আমাদের বলা উচিত।

ইয়া। আমা হ'তে সে কাজ হবে না। [এই দ্বীপটা যদি আমার কেউ লেখাপড়া ক'রে দেয়, তা হ'লেও নয়।] সহকারীকে আমি ভারি ভালবাসি। যাতে ওর এ স্বভাব শোধ'রায়, তার জন্ত আমি সব করতে পারি।

(নেপথ্যে গোলমাল)

কিন্তু—ও কি! কিসের গোলমাল!

(নেপথ্যে—খুন—খুন—রক্ষা কর—রক্ষা কর!)

(রডারিগোকে অনুসরণ করিয়া কেশিয়োর প্রবেশ)

কেশি। পাজি—বদমায়েস!

মন্। কি হয়েছে? কি হয়েছে?

কেশি। ভগ্ন বেটা, আমার গুরুগিরি করতে এসেছে! বেটার এত বড় আপ্পদ্রা! বেটাকে থুড়ে হাড় এক জায়গায় মাস এক জায়গায় করব!

রড। মারবে নাকি?

কেশি। আবার কথা কচ্ছিস, নছার!

(রডারিগোকে আঘাত)

মন্। আহা, করেন কি? করেন কি? (কেশিয়াকে বাধা প্রদান) মশায় রক্ষে করুন, আর হাত চালাবেন না!

কেশি। ছেড়ে দাও আমাকে, নইলে তোমারও মুণ্ডপাত করব!

মন্। যান—যান—আপনার বেজায় নেশা হয়েছে।

কেশি। কি! আমার নেশা! (উভয়ের যুদ্ধ)

ইয়া। (জনান্তিকে) দেরি কোর না, এই বেলা ছুটে যাও! বিদ্রোহ বিদ্রোহ ব'লে চীৎকার কর গে।

[রডারিগোর প্রস্থান।]

আহা! সহকারী মশাই! আপনারা করছেন  
কি? ভায়া, ভায়া, মশাই, মন্টানো,  
মশাই—ওখানে কে আহ? শীগ্গির এস,  
আমি যে একলা সামলাতে পারছিনি।  
খুব পাহারার বন্দোবস্ত হচ্ছে। (ঘন্টাধ্বনি)  
ভাল বিপদ! আবার ঘন্টা বাজিয়ে দিলে কে?  
এ কোন সয়তানের কাজ! এখুনি সহর-গুদ  
জ্বপে উঠবে! দোহাই সহকারী-মশাই, রক্ষে  
করুন! থামুন! এমন করলে আপনাকে  
ভারি অপদস্থ হ'তে হবে!

(ওথেলো এবং পরিচারকগণের প্রবেশ)

ওথেলো। গুণগোল কি হেতু হেথায়?  
মন্। আমার গা দিয়ে এখনও ভয়ঙ্কর রক্ত পড়ছে।  
সাংঘাতিক আঘাত—

(মূর্ছা)

ওথেলো। ক্ষান্ত হও, জীবনে যতপি থাকে মায়া!  
ইয়া। ক্ষান্ত হও! সহকারী মশাই—মন্ট্যানো—  
মশাই, মশাই! আপনাদের পদমর্যাদা, কর্তব্য  
সব ভুলে গেছেন? করেন কি? সেনাপতি  
কি বলছেন, শুনুন! ক্ষান্ত হ'ন! ক্ষান্ত হ'ন!  
কি হুজ্জা!

ওথেলো। এ কি,

বিসদৃশ ব্যবহার তোমা স্বাকার!  
কেমনে কি হেতু এই অনর্থ সৃজন!  
পরিণত অসভ্য বর্ষরে সবে?  
হানাহানি হিংসা পরস্পরে—  
দেবতার বরে,  
শত্রু-করে নহিল যে কাজ!  
ধিক্ ধিক্, ধার্মিক আচার!  
হেয় দ্বন্দ্ব কর পরিহার!  
আপন জীবন তুচ্ছ করি,  
আত্মক্ৰোধ তুষ্টি-হেতু  
যে করিবে অস্ত্রের চালনা,  
এক পদ হবে অগ্রসর—  
নিশ্চয় মরণ তার!

(নেপথ্যে ঘন্টাধ্বনি)

নিবার বিকট ঘন্টাধ্বনি!  
প্রজাপুঞ্জ জাগিবে এখনি,  
হবে মতিচ্ছন্ন সবে অনর্থ-শঙ্কায়।  
কহু কি ব্যাপার?  
ইয়োগো, সজ্জন তুমি,

অন্যকৃষ্টি হেরি ক্ষোভে মৃতপ্রায়,  
পাণ্ডুগুণ্ড রয়েছে দাঁড়ায়ে!  
প্রভুভক্তি যদি তব থাকে—  
তুমি কহ, কে করিল এ অনর্থপাত?

ইয়া। কেমনে জানিব প্রভু!

বাসগৃহে বন্ধু সবে মুহূর্তেক আগে,  
গলাগলি চলাঢলি ভাব—  
যেন বাসরের বর-ক'নে!  
পুনঃ, অ'খি পালটিতে,  
ক্ষিপ্ত-গ্রহ-কোপে যেন,  
মতিচ্ছন্ন স্বাকার!

কোষমুক্ত তরবার,

বক্ষে হানাহানি—প্রাণপণ প্রাণনাশে!

নাহি জানি কেমনে উদ্ভব

অকস্মাৎ রক্তপাত—বন্দ নিরর্থক!

[হায় কেন না হইল বিচ্ছিন্ন চরণ

গৌরব আহবে কোন,

হেন অপকীর্তি মাঝে

কে আনিত বহন করিয়ে তবে!]

ওথেলো। ছিঃ ছিঃ কেশিয়ো, কি ক'রে তুমি এতদূর  
আত্মবিশ্বস্ত হ'লে?

কেশি। প্রভু, মার্জনা করুন! আমি কথা কইতে  
পারছি নি!

ওথেলো। (মন্ট্যানোর প্রতি) আর তুমি,—  
মন্ট্যানো! তুমি ত কখন এমন উচ্ছৃঙ্খল ছিলে  
না! তোমার যুবা বয়সের গাভীর্ষ্য, শাস্ত স্বভাব  
—লোক-বিখ্যাত। বিচক্ষণ ব্যক্তির তোমার  
অপরিমিত প্রশংসা করেন। কিসের জ্ঞান সুষম,  
সুনাম, সব বিসর্জন দিয়ে এই মৃত্যুর ছানাম  
কিন্হ? আমার কথার উত্তর দাও।

মন্। সেনাপতি, আমার বিষম আঘাত লেগেছে।  
আপনার কর্মচারী ইয়োগোর মুখে সব শুনবেন।  
রক্তপাতে আমি অত্যন্ত দুর্বল। যা জানি, সব  
কথা বলা আমার পক্ষে কষ্টকর হবে। আজ  
রাত্রের এই ব্যাপারে কথায়, কাজে—আমি  
কোনই অত্যাচার করিনি। তবে আঘাতের  
বিরুদ্ধে আত্মরক্ষা যদি অপরাধ হয়, তা হ'লে  
আমি অপরাধী।

ওথেলো। ওঃ, দুঃসহ এ আচরণ!

ধৈর্যের বন্ধন

শিথিল করিছে ক্রমে উত্তপ্ত শোণিত—

হিতাহিত বিবেচনা পরাজিত ক্রোধে।

আরে হীনমতি সবে,

শূর, বীর যে আছ হেথায়,  
পাণ্ডুগুণ হবে মম অঙ্গুলি হেলনে !  
কহ, কে ঘটালে,  
কেমনে ঘটিল এই জঘন্ত ব্যাপার ?  
হবে সপ্রমাণ অপরাধ যার—  
হয় যদি সহোদর যমজ আমার—  
তাজ্য হবে মম—নিশ্চিত এ কথা।  
কি আশ্চর্য্য !  
রণ-বিভীষিকা এখনও নগরে,  
আক্রমণ-ভয়ে—

শঙ্কায় আকুল প্রজাকুল, হেনকালে,  
গৃহ-বন্দ, হানাহানি ছুর্গের মাঝারে—  
শান্তি-রক্ষক-মহলে—নিশাভাগে !  
বর্বরতা অধিক কি আর !  
ইয়াগো,

শীঘ্র কহ, কে করিল অনিষ্ট স্থচনা ?

মন্। কোন পক্ষে পক্ষপাত ক'রে সহযোগীর খাতিরে  
প্রকৃত কথা যদি গোপন কর, তা হ'লে জানুব—  
তুমি কাপুরুষ।

ইয়া। দেখুন, আঁতে যা দেবেন না। কেশিয়ো  
আমার বন্ধু। এ মুখে তার বিরুদ্ধে কোন কথা  
উচ্চারণ হবার আগে জিব কেটে ফেলে দেব।  
কিন্তু আমার বিশ্বাস, সত্যি কথায় তার কোনই  
ক্ষতি হবে না। হুজুর, আমি যা জানি, নিবেদন  
করছি। এতে আর আমাতে ব'সে গল্প-গুজব  
করছিলুম, হঠাৎ “খুন খুন” ব'লে একটা লোক  
ছুটে এল, আর পেছনে পেছনে তলোয়ার খুলে  
শাসাতে-শাসাতে সহকারী-সেনাপতিও ছুটে  
এলেন। এই ভদ্রলোক মধ্যবর্তী হয়ে কেশি-  
য়াকে নিরস্ত হবার জন্তে অনেক অহনয়-বিনয়  
করতে লাগলেন। যে লোকটা “খুন খুন” ক'রে  
ছুটে পালালো, আমি তার পেছনে-পেছনে ছুটে  
গেলুম—পাছে তার চাঁৎকারে সহরে একটা  
আতঙ্ক উপস্থিত হয় ! তাকে ধরবার অভিপ্রায়ে  
দৌড়লুম, কিন্তু ধরতে পারলুম না,—প্রাণপণে  
দৌড়ে পালালো। তার পর এদিকপানে সহকারী  
সেনাপতি মহাশয়ের তর্জ্জন-গর্জ্জন আর অস্ত্রের  
ঝনঝন শুনে আমি ছুটে এলুম। পূর্বে আর  
কখনও তাঁকে এমন ধারা দেখিনি। তখনই  
ফিরে এসেই দেখি, ছ'জনে লড়াই হচ্ছে।  
তার পর আপনি সবই জানেন। আপনি এসে  
থামিয়ে দিলেন। আর আমি বেশী কিছু জানি  
না। কিন্তু স্নাতক—মাগুয। যদিও কেশিয়োর

একটু অত্যাচার হয়েছে, তা সৎলোকেরও কখন  
কখন বুদ্ধিজ্ঞান হয়—আর রাগে অন্ধ হ'তে  
বন্ধুকেও শত্রু মনে ক'রে আঘাত করে। আমার  
বিশ্বাস, হুজুর, যে পালিয়েছে, সে সহকারী  
সেনাপতি মহাশয়কে নিশ্চয় ভয়ানক অপমান  
করেছিল, তাই রাগ বরদাস্ত করতে পারেন নি  
ওথেলো। আমি বুঝেছি। ইয়াগো, তুমি অতি  
সৎলোক, তাই কল্পস্নেহে এত বড় অপরাধকে  
লঘু ক'রে বলছ। কেশিয়ো, তুমি আমার অতি  
স্নেহের পাত্র, কিন্তু আজ থেকে তুমি আর  
আমার সহকারী নও।

(ডেজ, ডিমানো এবং পরিচারিকাগণের প্রবেশ)

এই দেখ, অত্যাচার শান্তিভঙ্গে আমার প্রিয়তম  
পত্নীও ভয়ে ছুটে এসেছে। লোক-শিক্ষার জন্ত  
তোমার দণ্ডের প্রয়োজন।

ডেজ। কি হয়েছে ?

ওথেলো। ভয় নেই, তুমি যাও প্রিয়তমে, শয়ন  
কর গে। মন্টানো, তোমার কোথায় আঘাত  
লেগেছে, আমি স্বয়ং গুণ্ধবা করব। একে নিয়ে  
এস। (ইয়াগোর প্রতি) খুব হুঁসিয়ার হয়ে  
নগর ভ্রমণ করে দেখ, এই জঘন্ত ব্যাপারে যার  
উত্তেজিত হয়ে উঠেছে, তাদের ঠাণ্ডা কর গে  
এস প্রিয়ে,

সৈনিক-জীবন হার, অশান্তি প্রবল,

স্বধন-বিদ্রাভঙ্গ করে দ্বন্দ্ব কোলাহল।

[ ইয়াগো এবং কেশিয়ো ব্যতীত সকলের প্রস্থান।

ইয়া। তোমার কোথাও চোট লেগেছে ?

কেশি। লেগেছে, কিন্তু তা চিকিৎসার অতীত।

ইয়া। অ্যা, বল কি !

কেশি। স্নানাম—স্নানাম—স্নানাম ! ওঃ, আমি  
স্নানাম হারিয়েছি। আমার দেবদ্ব চ'লে গেল,  
রইল কেবল পশুত্ব। আমার স্নানাম, বন্ধু,—  
আমার স্নানাম !

ইয়া। ধর্ম্ম রক্ষা ! তোমার কথা শুনে আমার  
ভয় হয়েছিল ; বুঝি, তোমার শরীরে কোথাও  
আঘাত লেগেছে ! বন্ধু, স্নানামের চেয়ে শরীরের  
চোটটাই বেশী লাগে। স্নানাম একটা কথার  
কথা—বাজে পোষাক বৈতন নয়। কোন গুণ  
না থাকলেও হয়, আবার বিনা দোষেও খোঁয়  
যায়। তুমি নিজে যদি হারিয়েছ—হারিয়েছ ব'লে  
আপশোষ না কর, তা হ'লে তোমার স্নানাম  
নষ্ট হবে কেন ? ভাবছ কেন, বন্ধু ! ঢের উপা

আছে, যাতে তুমি আবার সেনাপতির প্রিয়পাত্র হতে পারবে। [রাগের মাথায় তোমায় জবাব দিয়েছেন, তার ভেতরে একটা অভিপ্রায় আছে—তোমার ওপর জাতক্রোধ নয়। পশুরাজ সিংহকে ভয় দেখাবার জন্তে লোকে কখন-কখন বিনা-দোষে-কুফুরকে প্রহার করে।] একটু ধরাধরি কর, যেমন ছিল, ঠিক তেমনি হবে। ভয় কি? তুমি ক্ষমা চাইলেই পাবে।

কশি। চাইলে যদি পাওয়া যায়, তাহলে আমার ঘৃণা ভিক্ষা করা উচিত। আমার মত অপদার্থ, মাতাল, কাণ্ডজ্ঞানশূন্য কন্দকারী, তাঁর মত সদাশয় প্রভুর কাছে দয়া ভিক্ষা করলে তাঁকে প্রতারণা করা হবে। আমি তাঁর দয়ার যোগ্য নই। [ওঃ, মাতলামো, দিবি-দিলেসা, ইতরমো, তোতার মত নিরর্থক বকা, তর্জন, গর্জন, আফালন, বীর-রসের অভিনয়—আপনার ছায়ার সঙ্গে। সুরা, তোমার অশরীরী শক্তি সয়তান নামেরই যোগ্য! মানব-ভাষায় তোমার উপযুক্ত নাম আর নাই।]

য়া। তলোয়ার নিয়ে যাকে তাড়া করেছিলে, সে লোকটা কে? তোমার কি করেছিল?

কশি। আমার কিছুই মনে নাই।

য়া। কও কথা! মনে নেই কি?

কশি। সুস্পষ্ট কিছুই মনে করতে পারছিনি। সব ঝাপসা। কেবল কতকগুলো এলোমেলো গোলমেলো কথা মনে আসছে। একটা বিবাদ হয়েছিল, কিন্তু কেন, তা কিছুই মনে হচ্ছে না। [ই। ভগবান! মানুষের কি দুর্বুদ্ধি! জ্ঞান, বুদ্ধি, বিবেচনা, হরণ করবার জন্তে এই শত্রুকে মানুষ মুখ দিয়ে মস্তিষ্কের প্রবেশদ্বার দেখিয়ে দেয়! আমোদ করে, আফ্লাদ করে, উৎকট উল্লাস করে, বাহাদুরী মনে করে আপনাকে পশুও পরিণত করে।]

য়া। আচ্ছা, এখন ত দেখছি, তোমার নেশা নেই! এখনই ছুটে গেল কেমন করে?

কশি। সুরা শয়তানীর স্থানে ক্রোধ শয়তান এসে বসেছে! [একটাকে দিয়ে আর একটা দুর্বলতার পরিচয় পাচ্ছি—আর মনে মনে আপনার ওপর বুকপোরা ঘৃণার উদয় হচ্ছে।]

য়া। ভায়া, তোমার যে ভারি কঠোর নীতিজ্ঞান দেখছি, স্থান, কাল, আর এখানকার বর্তমান অবস্থায় অবশ্য কাণ্ডটা না ঘটলেই ভাল ছিল;

কিন্তু যখন ঘটেছে, তখন আর চারা কি! প্রতিকারের উপায় কর।

কেশি। আমি আর কোন মুখ নিয়ে তাঁর সামনে দাঁড়াব। আমার কণ্ঠ আমি যেমন ফিরে পাবার প্রার্থনা করব, তিনি মুখের ওপর বলবেন—তুমি মাতাল। যদি আমার অনন্ত মুখ থাকে, এই এক কথায় সব চূপ হয়ে যাবে। [কি আশ্চর্য্য, মানুষ কি! এই যেন কত জ্ঞানবান, কত বুদ্ধিমান—এই নির্দোষ, তখনি তখনি আবার একটা জানোয়ার! যে পাত্র পান করে মানুষ অভিভূত হয়—সে সুরাপাত্র নয়, সয়তান-প্রদত্ত অভিশপ্ত বিষ-পাত্র!]

ইয়া। না, না, অমন কথা বোল না! ব্যবহার করতে জানলে উত্তম সুরা আমাদের দোস্ত। তার অত করে নিন্দা কোর না।] আচ্ছা, ভায়া, বিশ্বাস কর ত, আমি তোমায় আন্তরিক ভালবাসি?

কেশি। আমি তার যথেষ্ট পরিচয় পেয়েছি। উঃ, আমি মাতাল!

ইয়া। তুমি একলা কি! শরীর ধারণ করলেই মাঝে মাঝে এমন মাতলামো হয়ে পড়ে। এখন তোমার কি করা উচিত, তাই শোনো। আমাদের সেনাপতিমহাশয়ের দ্বীই এখন প্রকৃত সেনাপতি। [কেন জান? সুন্দরী পত্নীর রূপগুণ ভ্রম-ভ্রম করে দেখা আর ধ্যান করা ভিন্ন সেনাপতির মনে এখন আর অল্প কোন চিন্তা স্থান পায় না।] তুমি কত্রীকে গিয়ে সব কথা খুলে বল। বারবার কাকুতি-মিনতি করে ধর, যাতে তোমার সহায় হয়ে তিনি তোমাকে বজায় করেন—তাই কর। কত্রী আমাদের খুব উদার, পরহুংকাতর, দিলদরিয়া, খোসমেজাজী। যে যা চায়, তার অতিরিক্ত দিতে না পারলে তাঁর মন খুঁৎখুঁৎ করে। একগুণ চাইলে দশগুণ পাবে। [তোমার ওপর সেনাপতির এই যে মনভঙ্গ—“আমায় জুড়ে দাও” বলে নিজেই সে জোড় করে তাঁকে মিনতি করবে। জোড়া কি, বন্ধু? আমার যথাসম্ভব বাজি, জোড়া ত লাগবেই, বরং আরও রেক্তার গাঁথুনি হবে।]

কেশি। তোমার পরামর্শ অতি উত্তম বটে।

ইয়া। আমি যে তোমায় আন্তরিক ভালবাসি। তোমার ব্যথার ব্যথী, বন্ধু!

কেশি। আমি প্রাণেপ্রাণে তা জানি। আমি কালই খুব সকালে গিয়ে কত্রীকে অল্লরোধ



করব। আমার হয়ে তাঁকে প্রভুর কাছে ছ'কথা  
বলতেই হবে। এই আমার উন্নতির মুখ,  
এখানে ধাক্কা খেলে সর্বনাশ! আমার উন্নতি  
মুখ, আশা-ভরসা সব যাবে।  
ইয়া। ঠিক বুঝেছ! এখন তবে পাহারায় যাই,  
নমস্কার!

[ কেশিয়োর প্রস্থান। ]

ইয়া। হা—হা—হা—

কে বলে পাষাণ আমি, দুর্গতি, দুর্জন!  
এই সন্দেহ সাধু উপদেশ—  
সজ্জন-সম্মত,  
কষ্ট প্রভু তুষ্ট-হেতু নহে কি অমোঘ?  
ডেজ্ ডিমনো  
সহজে সম্মত হবে পর উপকারে,  
সংকার্যে স্বাভাবিক প্রবৃত্তি তাহার।  
উদার-প্রকৃতি এই গুণবতী নারী,  
মুক্তহস্ত দানে—সুফলা প্রকৃতি সম,  
অসীম প্রভু তার সেনাপতি পরে।  
সেও,  
পত্নী-তরে অনায়াসে দিতে পারে  
ধর্ম, কর্ম, পরকাল-আশা বিসর্জন।  
প্রেমের নিগড়ে বদ্ধ দুর্বল পতিরে  
ডেজ্ ডিমনো ইচ্ছামত করিবে চালনা—  
দেবতা যেমতি  
মানব-নিয়তি লয়ে খেলে।  
তবে কিসে আমি দুর্ভাগ্য দুর্জন?  
বিপন্ন কেশিয়ো—  
দানিয়াছি হেন উপদেশ, যাহে  
মম সম স্বার্থ তার হবে ফলবতী।  
নারকী বিধান!  
নরকের পতি সয়তান যবে  
ঘোর প্রলোভন-পাপে মজায় মানবে,  
মম অনুরূপ—  
দেবদূত সম ধরে আকৃতি স্তম্ভর।  
সরল-স্বভাব এই নিকোথ যখন  
প্রতিকূল ভাগ্যের সংস্কার-হেতু  
করিবে করুণা-ভিক্ষা প্রভুপত্নী পাশে,  
মার্জনার আশে সদয়া মহিলা যবে  
করিবে মিনতি পতি-পদে,—সেই ক্ষণে  
চালিব প্রবণে তার তীব্র বিষরাশি—  
পরপ্রেম-অভিলাষী পত্নী তব,  
তাই যাচে তব কাছে দোষীর মার্জনা।

কেশিয়োর হেতু  
পত্নীর আগ্রহ যত,  
পতির সংশয় তত হবে দৃঢ়তর।  
গুণ হবে দোষের আকর—  
অমল চরিত্র ব্যাপ্ত করিবে কালিমা।  
গুণ-হুত্রে বিনাইল জাল  
যাহে বদ্ধ হবে সবে সমভাবে।

( রডারিগোর প্রবেশ )

কি হে, তুমি এমন সময়?  
রডা। এই যে শীকার চলেছে, আমি তার অনুচর  
মাত্র। আমি তাতে শিকারী নই, কেবল দলে  
ভিড়ে সোরগোল করছি। টাকাগুলি ত প্রায়  
নিঃশেষ হয়ে এল। তার উপর আজ রাজ্যে  
বেশ উত্তম-মধ্যম আহারও হল। ফল যা হবে,  
তা ত বুঝতেই পারছি! বিস্তর কষ্ট পেয়ে যৎ-  
কিঞ্চিৎ শিক্ষালাভ। তার পর সর্ব্বশয় দিয়ে কিঞ্চিৎ  
জ্ঞান অর্জন করে দেশে ফেরা।

ইয়া। হা ভগবান! একটু ধৈর্য্যও যাদের নেই,  
তারা বাস্তবিকই নিঃশ্ব। দাদা, কোন চোটি  
কোথায় তখনি তখনি জুড়েছে? আমার ত  
যাহুবল নয়, কেবল বুদ্ধি-বল—তাতে একটু  
দেবী হবে বৈ কি, বন্ধু! তোমার ভারি ক্ষতি  
হয়েছে, না? যা কতক মার খেয়েছ, তাতে  
তুমি মরনি, মরেছে কেশিয়ো। হৃদয়ের ভেজে  
যে গাছ যতই বাড়ুক না, যার আগে ফুল ধরবে,  
তারই ফল আগে পাকবে। দু'দিন সবুর কর।  
তাই ত, ফরসা হয়ে এল যে! আমোদেই হ'ক,  
আর কাজের তোড়েই হ'ক, সময় যে কোথা  
দিয়ে যায়, টেরই পাওয়া যায় না। যাও, যাও,  
শোও গে, বাসায় যাও! যাও হে, এর পর  
কথাবার্তা হবে এখন! আরে যাও না, দাঁড়িয়ে  
রইলে কেন? [ রডারিগোর প্রস্থান। ]

দু'টো চাল একসঙ্গে চালতে হবে। আমার  
জীকে দিয়ে কেশিয়োর জন্তে কর্তীর কাছে  
অনুরোধ করাব, সেই সময় একটা অহিলে করে  
সেনাপতিকে সরিয়ে নিয়ে যেতে হবে। তার পর  
কেশিয়ো যখন কর্তীর কাছে অনুন্নয়-বিনয় করতে  
থাকবে, কর্তাকে ঠিক সেই সময় সেখানে এনে  
খাড়া করে দেব।

অগ্রসর হও স্বরা, এইমাত্র পথ,  
বিলম্বে বিফল নহে হবে মনোরথ। [ প্রস্থান। ]

উপা

## তৃতীয় অঙ্ক

### প্রথম দৃশ্য

সাইপ্রাস দুর্গ-সম্মুখে

(কেশিয়ো এবং বাদকগণের প্রবেশ)

কেশি। এইখানে বাজাও। বেশ খুসী ক'রে বখশিস দেব। লম্বাচওড়া নয়, একটা ছোটখাট কিছু বাজাও। আগে সেনাপতির জয়গান কর।

(বাদন)

(রঙ্গদারের প্রবেশ)

রঙ্গ। কোন্ গম্ভীরা-দার দেশ থেকে এ খোনা আওয়াজ আমদানী করেছে, বাপন? বাবা, যন্ত্রধ্বনি ত নয়, যেন একঝাড় ভূত-পেঙ্গী নাকী সুরে প্রেমালাপ করছে!

বাদক-দলপতি। কেন মশায়, কেন?

রঙ্গ। বলি, এগুলি কি সব ফুঁয়ের যন্ত্র? ফুঁ দিয়েই বাজে?

দলপতি। আজ্ঞে, হাঁ মশায়।

রঙ্গ। তবে ত আর বালাই নাই! এই নাও তোমাদের বখশিস। জাঁদরেলসাহেব তোমাদের বাজনা শুনে এত মশগুল হয়েছেন যে, আর বেশী বাজালে সব গুলিয়ে যাবে। তাই বলছেন, আর গোলমালে কাজ নেই। আর বাজাও যদি, তাঁর কাণের ছাঁদাটুকু বুজে যাবে। তা হ'লে ভূরিস্রোতে আর তোমাদের বাজনা তাঁর কাণে চুকবে না।

দলপতি। যে আজ্ঞে, যে আজ্ঞে, তবে আর বাজিয়ে কাজ কি?

রঙ্গ। কাজ নেই কেন? তোমাদের যদি এমন কোন যন্ত্র থাকে যে, আওয়াজ না ক'রে বেশ নিঃশব্দে বাজে, তা শুনে জাঁদরেলসাহেবের কোন আপত্তি নেই। তোমরাও তা প্রাণভরে বাজাতে পার! লোকে বলে, জাঁদরেলসাহেব এ সব বাজনা শুনে ভালবাসেন না।

দলপতি। আজ্ঞে, বে-আওয়াজে বাজে, এমন যন্ত্র ত আমাদের কাছে নেই।

রঙ্গ। তবে যেগুলি আছে, সেগুলিকে খলিতে গুটিয়ে নিয়ে গুটি গুটি সরে পড়। সেনাপতি খুব খুসী হবেন।

[বাদকদলের প্রস্থান।]

কেশি। বন্ধু, বন্ধুলোকের একটা কথা শুনবে?

রঙ্গ। বন্ধুলোকের কথা কেন খামকা শুনে যাব? তবে আপনার যদি কিছু কথা থাকে ত শুনে রাজি আছি।

কেশি। মস্তুরা রাখ! এই যৎকিঞ্চিৎ ধর। আর এক কাজ কর, কেমার ভিতর যাও। তোমাদের কত্রী ঠাকুরাণীর সহচরী যদি উপস্থিত থাকেন, বল গে, বাইরে কেশিয়ো ব'লে একজন ভদ্রলোক তাঁকে একটা কথা বলতে এসেছে। কেমন, পারবে?

রঙ্গ। পারব না কেন মশায়! বেশ পারব। এখানে তিনি যেমন উপস্থিত হবেন, অমনি তাঁকে আপনার কথা বলব।

কেশি। তাই যাও, বন্ধু।

[রঙ্গদারের প্রস্থান।]

(ইয়াগোর প্রবেশ)

ঠিক সময় এসেছে, ভায়া!

ইয়া। একটুও শোওনি তবে?

কেশি। শুনুম আর কখন বল? আমাদের মজলিস ভাঙবার আগেই ত রাত পুইয়ে গেল। তোমাকে না ব'লে একটা কাজ করেছি, ভায়া। তোমার পরিবারকে এখানে একবার ডেকে পাঠিয়েছি। সে যদি দয়া ক'রে কত্রীর সঙ্গে আমার একবার দেখা করিয়ে দেয়।

ইয়া। আমি এখন গিয়ে তাকে পাঠিয়ে দিচ্ছি। আর আমি একটা রকম ক'রে সেনাপতিকে সরিয়ে নিয়ে যাব, যাতে তুমি নির্বিন্দে কত্রীকে হুকথা কথা বেশ শুছিয়ে বলতে পার।

কেশি। আমার বিনীত ধন্যবাদ গ্রহণ কর।

[ইয়াগোর প্রস্থান।]

এত দয়া সততা আমাদের জাতে নাই।

(এমিলিয়ার প্রবেশ)

এমি। নমস্কার, সহকারী সেনাপতিমশায়! কত্রী আপনার ওপর বিরক্ত হয়েছেন শুনে, আমার ভারি কষ্ট হয়েছে। কিন্তু কোন চিন্তা নাই, সব মঙ্গল হবে। সখীর সঙ্গে সেনাপতির সেই সব কথাই হচ্ছিল। সখী খুব দৃঢ়ভাবে আপনার পক্ষ অবলম্বন ক'রে কথা বলতে লাগলেন। সেনাপতি বড় মুস্তিলে পড়েছেন। বললেন, আপনি থাকে মেয়েছেন, তিনি এখানকার একজন জানিত লোক। বড় ঘরোয়ানা। দেশকালপাত্র

বিবেচনায় আপনাকে আপাততঃ 'না' বলা ছাড়া উপায় নাই। আপনার জন্তে কাউকে ওকালতি করিতে হবে না। তিনি বারবার ক'রে বলেছেন, আপনি তাঁর স্নেহের পাত্র। একটু নিরাপদ স্মরণ পেলোই, তিনি আপনি আপনাকে ডেকে নেবেন।

কেশি। সে ঠিক। তবু আমার মিনতি, যদি অজ্ঞায় বিবেচনা না করেন, আর অসম্ভব না হয়, কত্রীর সঙ্গে আমার একবার নির্জনে দেখা করিয়ে দিন।

এমি। অমুগ্রহ ক'রে ভেতরে আসুন। আমি নিরিবিলা তাঁর সঙ্গে দেখা করিয়ে দেব। আপনি বেশ ধীরে-স্নেহে আপনার মনের কথা খুলে বলবেন।

কেশি। আপনাকে কি ব'লে কৃতজ্ঞতা জানাব!

[উভয়ের প্রস্থান।]

## দ্বিতীয় দৃশ্য

হুর্গমধ্যস্থ কক্ষ

(ওথেলো, ইয়োগো, কতিপয় সজ্জাত লোকের প্রবেশ)  
ওথেলো। এই পত্রগুলি মালিমকে দাও গে। ব'লে দিও, আমার অভিবাদন জানিয়ে এগুলি যেন রাজ-সভায় দেয়। আমি হুর্গপ্রাসাদে একটু বেড়াতে যাচ্ছি। তুমি কাজটা সেরে, সেইখানে আমার কাছে এস।

ইয়া। যে আজ্ঞে।

ওথেলো। আসুন, সকলে মিলে হুর্গটি পরিদর্শন করি।

ভদ্র। যথা অভিরুচি, প্রভু!

[সকলের প্রস্থান।]

## তৃতীয় দৃশ্য

হুর্গস্থ উদ্যান

(ডেজ্‌ভিমোনা, এমিলিয়া এবং কেশিয়োর প্রবেশ)

ডেজ্‌। তুমি নিশ্চিত থাক। তোমার জন্ত আমি সাধ্যমত ক্রটি করব না।

এমি। সখি, এ দয়াটুকু তোমায় করতেই হবে! তোমায় সত্যি বলছি, আমার স্বামীর মনেও

ভারি ব্যথা লেগেছে। সহকারী-মশায়ের লাঞ্ছনায় যেন তিনি নিঃশেষে লাঞ্ছিত।

ডেজ্‌। ওঃ, তোমার স্বামীর মত সজ্জন কি আর হয়! আমি তোমায় কথা দিচ্ছি, কেশিয়ো, তুমি নিশ্চিত থাক। তুমি যেমন প্রভুর প্রিয়-পাত্র ছিলে, আবার তেমনি হবে, তবে আমি নিশ্চিত হব।

কেশি। দেবি, আপনার অসীম দয়া! আমার ভাগ্যে যা-ই হ'ক না কেন, মনে রাখবেন, আমি চিরদিন আপনাদের দাস।

ডেজ্‌। তা কি জানিনি! তুমি সেনাপতিকে কি রকম শ্রদ্ধা কর, তাও জানি। আর তোমাদের পরিচয় ত দুদিনের নয় যে, চিরদিন তোমায় পর ক'রে রাখবেন। তুমি ভেব না, সে জন্ত আমি দায়ী। তবে, দেশকাল-পাত্র বুঝে যেটুকু কাল-বিলম্ব প্রয়োজন, তার আর চারা কি?

কেশি। দেবি, সে কথা ঠিক! কিন্তু সেই দেশ-কাল-পাত্র বুঝতে বুঝতে এত রকমের খেয়াল, আমার উপকরণ, কি দৈবঘটনা সব এসে জুটবে যে, অকারণ বিলম্ব হ'তে থাকবে। ক্রমে কার্যগতিকে আমিও হয় ত দূরে থাকব, আমার জায়গায় আর একজন এসে বসবে, আর সেনাপতি আমার এত দিনের শ্রদ্ধা, ভক্তি, কাজ-কর্ম সব ভুলে যাবেন।

ডেজ্‌। না, না, তাও কি কখনও হয়! আমার এই সখীর সাক্ষাতে তোমায় কথা দিলাম। তুমি মনে ঠিক দিয়ে রাখ যে, তোমার কাজ ফিরে পেয়েছ। তুমি নিশ্চয় জেনো, আমি যখন কথা দি, অক্ষরে অক্ষরে তা পালন করি। তুমি কি মনে কর, সেনাপতিকে আমি এক মুহূর্ত্ত বিশ্রাম করতে দেব? খেতে গুতে, নড়তে চড়তে ফেবল তোমারই কথা কইব। যতক্ষণ না পোষ মানো, ঘুমতে দেব না, কেবল তোমারই পড়া পড়াব। তুমি আমোদ-আহ্লাদ ক'রে বেড়াও। তোমার পক্ষে যতক্ষণ না জয়লাভ হয়, তোমার উকীল প্রাণপণ করবে।

এমি। সখি, এই যে প্রভু এদিকে আসছেন!

কেশি। দেবি, তবে আমি এখন বিদায় হই।

ডেজ্‌। কেন কেন? তুমি দাঁড়াও না। শোন না, আমি কি ক'রে তোমার ওকালতী করি।

কেশি। ক্ষমা করুন। এখন আমি চললাম। আমার মন ভাল নেই, কি ক'রে বিশ্রাম নেব।

উপা

ডেজ্। বেশ, তুমি যা ভাল বোঝ।

[ কেশিয়োর প্রস্থান।

(কাগজের ভাড়া-হস্তে ওথেলো এবং ইয়োগোর প্রবেশ)

ইয়া। এ কি। এত ভাল নয়।

ওথেলো। কি বললে?

ইয়া। আজ্ঞে না, কিছু না—তবে কি না—আমি—  
ও কিছু না।

ওথেলো। কে ও? কেশিয়ো চলে গেল না?

ইয়া। কেশিয়ো? না, তিনি কখনই ন'নু। তিনি  
আপনাকে দেখে অমন চোরের মত পাশ-কাটিয়ে  
পালাবেন কেন?

ওথেলো। না, আমি ঠিক দেখেছি, সে-ই বটে।

ডেজ্। কি হয়েছে, প্রভু? এইমাত্র একজন ভিক্ষুক  
এসেছিল। কে জানো? তোমার অপ্রিয় হয়ে  
যে মনস্তাপে দিন-দিন শুকিয়ে যাচ্ছে।

ওথেলো। কে, কার কথা বলছ?

ডেজ্। কেন? তোমার সহকারী। প্রভু, আমার  
ওপর যদি তোমার এতটুকু দরদ থাকে, আমার  
কথার কোন দর থাকে, তোমার দয়া উদ্বেক  
করবার অণুমাত্র শক্তি থাকে, আমার মুখ চেয়ে  
অনুতপ্তকে ক্ষমা কর! আমি সত্যি বলছি, সে  
সজ্জন, আর তোমায় আন্তরিক শ্রদ্ধা করে।  
তার মুখ দেখে তাকে কখনই কুটিল ব'লে মনে  
হয় না। সে যা দোষ করেছে, স্বৈচ্ছায় নয়—  
না বুঝে দৈবাৎ ক'রে ফেলেছে। তুমি তাকে  
মাফ কর, ডেকে পাঠাও।

ওথেলো। এইমাত্র সে এসেছিল না?

ডেজ্। হাঁ। এইমাত্র চ'লে গেল। প্রভু, সে  
গেছে, কিন্তু তার বুকভরা বেদনা আমার কাছে  
রেখে গেছে—তার হয়ে কাঁদবার জন্ত। প্রভু,  
দাসীর মিনতি রাখ, তাকে ডাক।

ওথেলো। প্রিয়ে, এখন নয়! আর এক সময়  
ডাকাব।

ডেজ্। বল, বিলম্ব হবে না? শীগ্গীরই ডাকবে?

ওথেলো। এমন সুভাষিণী যার উকাল, তার আর  
ভাবনা কি! শীগ্গীরই তাকে ডাকাব।

ডেজ্। ঐ ব'লে ফাঁকি দিলে হবে না! বল, কখন  
ডাকবে? আজ সন্ধ্যার পর—কেমন? খাবার  
সময়?

ওথেলো। আজ থাক, আজ আর নয়।

ডেজ্। তবে কাল—কেমন? কাল খাবার-দাবার  
সময়।

ওথেলো। কাল এখানকার সৈন্যাদ্যক্ষেরা সব আমার  
সঙ্গে দেখা করতে আসবে। কাল ত আমি  
বাড়ীতে খাব না। তাদের সঙ্গে একত্রে আহা  
করব—দুর্গে।

ডেজ্। বেশ, তবে কাল রাত্রিবেলা, কি বল?  
আচ্ছা, না হয় পরগু সকালবেলা—না হয় দুপুর-  
বেলা? আচ্ছা, আচ্ছা, রাত্রিরে—কেমন?  
তাতেও কথা কইছ না? আচ্ছা, বুধবার  
সকালে। তবু চূপ ক'রে রইলে? একটা সময়  
ঠিক ক'রে বল। কিন্তু তিন দিনের বেগী না হয়।  
[তুমি বিশ্বাস করছ না। কিন্তু আমি নিশ্চয়  
জানি, তুচ্ছ অপরাধ হ'লেও, তার পরিতাপের  
সীমা নেই। কিন্তু আমরা ত মনে করি, সে  
দোষ সামান্য তিরস্কারেরও যোগ্য নয়। তবে  
এখন যুদ্ধবিগ্রহের সময়—এই যা বল। লোকে  
বলে, এ সময় ভাল লোকও সামান্য দোষ করলে  
গুরুদণ্ড দিতে হয়। তা হ'ক্—কখন তাকে  
আসতে বলব, বল! চূপ ক'রে আছ কেন?  
অবাক করলে! এত কি ভাবছ? তুমি যদি  
আমার কাছে কিছু চাইতে, আমি কি 'না'  
বলতে পরতুম, না, এত ক'রে ভাবতুম?  
আশ্চর্য্য! তোমরা দুজনে একই সময়ে আমার  
সঙ্গে আলাপ করতে গিয়েছিলে। যখনই আমি  
তোমার কোন দোষের কথা তুলেছি, কেশিয়ো  
তখন তোমার হয়ে আমায় কত বুঝিয়েছে।  
কি আশ্চর্য্য! তার জন্তে এত সাধ্য-সাধনা  
করতে হবে? আমি হ'লে তার জন্তে কি না  
করতুম!

ওথেলো। প্রিয়ে, এ সব কথা এখন থাক। তার  
যখন ইচ্ছে, আসবে। তোমাকে আমার অদেয়  
কি আছে?

[ডেজ্। কেন, আমি কি ভিক্ষে চাইছি না কি?  
তোমারই কর্তব্য তোমায় মনে করিয়ে দিচ্ছি।  
তোমার নিজের শরীররক্ষার জন্তে যদি বলি,  
ভাল ক'রে খাও, ঠাণ্ডা লাগিয়ে না—তাতে কি  
এমন ক'রে সাধাসাধি করতে হবে! এও ত  
তেমনি। এ তোমারই কাজ। হুঁ—আমার  
নিজের জন্ত যখন কিছু আব্দার করব, তখন কি  
এত সোজায় পার পাবে? তখন জেন, তোমার  
ভালবাসার পরীক্ষা—এমন দারুণ আব্দার করব  
যে, রাখা তোমার পক্ষে হুস্ত হবে।

ওথেলো। বেশ, তা কোর। বলেছি ত, তোমাকে  
অদেয় আমার কিছু নাই।] এখন আমার

একটা আব্দার শোন। আমায় একটু এখন  
বিশ্রাম করতে দাও।

ডেজ্। আমি তোমার কোন আব্দার না শুনি।

এই আমি চলুম।

ওথেলো। এস, প্রিয়ে, আমিও একটু পরেই যাচ্ছি।

ডেজ্। সখি, এস, আমরা যাই! তোমার যখন  
যেমন মনের সাধ, তাই কর। আর যাই কর,  
আমি তোমার চিরদাসী।

[ ডেজ্ ডিমোনো ও এমিলিয়ার প্রস্থান। ]

ওথেলো। নিরুপমা, নিরুপমা তুই,  
আরে ভিখারীর ধন।  
যেই দিন ভুলিব তোমায়,  
নিবিড় নিরয়-নিশা আচ্ছাদিবে মোরে!  
যেইক্ষণ ভুলিব প্রণয়,  
প্রলয় উদয় হবে পুনঃ!

ইয়া। প্রভু!

ওথেলো। কি—কি বলছ?

ইয়া। হজুর, কত্রীর সঙ্গে যখন আপনার প্রথম  
পরিচয়, কেশিয়ো কি সব কথা জানতেন?

ওথেলো। জানত বৈ কি! আগাগোড়া সব কথাই  
জানত। কেন, এ কথা জিজ্ঞাসা করছ কেন?

ইয়া। না—তাই বলছি। কথাটা এমনি মনে হ'ল  
—তাই, আর কিছু নয়।

ওথেলো। এমনি মনে হ'ল কেন বল দিকি?

ইয়া। আমার ধারণা ছিল, কত্রী ঠাক্কণের সঙ্গে  
তার পূর্ব-পরিচয় ছিল না।

ওথেলো। ছিল বৈ কি! কতবার সে আমারও দূত  
হয়েছে, তারও দূত হয়েছে।

ইয়া। বটে!

ওথেলো। বটে! বটেই ত। কেন, তাতে হয়েছে  
কি? কেশিয়ো কি সৎলোক নয়?

ইয়া। সৎলোক—হজুর!

ওথেলো। হাঁ, হাঁ—সৎ—সৎ—

ইয়া। হজুর, আমি যতটা জানি—

ওথেলো। কি—তোমার মনের কথাটা কি?

ইয়া। মনের কথা, হজুর?

ওথেলো। মনের কথা হজুর! (স্বগত) আমার  
প্রতি কথার প্রতিধ্বনি করছে, যেন অন্তরে কি  
ভীষণ ভাব লুকানো রয়েছে, অতি কুৎসিত ব'লে  
প্রকাশ করতে পারছে না। (প্রকাশ্যে) অবশ্যই  
তোমার কথার কিছু গূঢ় অর্থ আছে। এই মাত্র  
কেশিয়ো যখন আমার দ্বীর কাছ থেকে চ'লে

গেল, তুমি ব'লে উঠলে—‘এ কি! এত ভাল  
নয়!’—কি ভাল নয়? তার পর যখন আমার  
কাছে গুলে যে, বিবাহের পূর্বে সে আমার  
মনের কথা সব জানত, আমায় পরামর্শ দিত,  
তুমি বললে—‘বটে!’ এমনি ভাবে কপাল  
সিঁটকে জ্বা কুঁচকে রুলে, যেন তোমার মাথার  
ভেতরে কোন কুদর্শ্য ভাব লুকিয়ে রয়েছে।  
আমার উপর যদি তোমার একটুও শ্রদ্ধা থাকে,  
আমায় এতটুকু স্নেহ কর, তোমার মনের কথা  
স্পষ্ট ক'রে বল!

ইয়া। শ্রদ্ধা করি কি না, হজুর, আপনি তা  
জানেন।

ওথেলো। তা ত জানি—তুমি সৎ, আমার ওপর  
তোমার অগাধ শ্রদ্ধা। তুমি বিশেষ বিবেচনা  
না ক'রে কোন কথা কও না—তাও জানি।  
সেই জন্যই ত তোমার বাধ-বাধ ভাব দেখে  
আমার এত ভয় হচ্ছে। যারা অকৃতজ্ঞ, শঠ,  
প্রতারণক। তারা এমনি সব চাতুরী করেই  
থাকে। কিন্তু তোমার মত ধর্মভীরু নির্ভিকার  
লোকের এরূপ কুণ্ঠিত ভাব দেখলে মনে হয় যে,  
মনের রুদ্ধ কথা বেশ ক'রে ওজন না ক'রে হঠাৎ  
প্রকাশ করতে পারছে না।

ইয়া। কেশিয়োর কথা আমি হলপ্ প'ড়ে বলতে  
পারি, হজুর, তাঁকে ধর্মভীরু সজ্জন ব'লে আমার  
ধারণা।

ওথেলো। আমরাও ত সেই ধারণা।

ইয়া। হজুর, মানুষের ভেতর-বার দুই এক হওয়া  
উচিত। নইলে দেখতে বেশ মিষ্টি, কিন্তু হৃদয়ে  
টক, সে ত লোক-ঠকানো মাখাল ফল। বাইরের  
মানুষটির যেমন ভাবভঙ্গী, ভেতরের মানুষটির  
প্রকৃতি ঠিক তেমনি হওয়াই উচিত। এর  
অন্থা হওয়া ভাল নয়, হজুর! যে দেখায় ভাল,  
তার সত্যি ভাল হওয়াই ভাল।

ওথেলো। সে ত ঠিক। বাইরে ভেতরে এক  
হওয়াই উচিত।

ইয়া। তা হ'লে ত আমার অহুমান ঠিক, হজুর,  
কেশিয়ো বাইরে যেমন, ভেতরেও তেমনি খুব  
ভাল লোক।

ওথেলো। তোমার এ কথারও কোন গূঢ় অভিসন্ধি  
আছে। আমি তোমায় মিনতি করছি, আমার  
কাছে কিছু গোপন কোর না। তোমার মনে  
যে ভাবের উদয় হচ্ছে, নিজের মনের সঙ্গে যেন  
ক'রে কথা কও, তেমনি ক'রে আমার সৎলোক

বল। তোমার মনের ভাব যেমন কুৎসিত হোক,  
তেমনি কুৎসিত ভাষায় তা প্রকাশ কর।

।। এ আদেশ করবেন না, হুজুর, এ আদেশ  
করবেন না। আমার মাপ করুন। যদিও  
আমি আপনার অধীন, আপনার আদেশ-পালন  
আমার কর্তব্য; কিন্তু হুজুর, একজন ক্রীতদাসের  
যে স্বাধীনতা আছে, সে স্বাধীনতাই কি  
আমার নাই? মনের কথা প্রকাশ করতে  
ক্রীতদাসের ওপরও কেউ জোর করতে পারে  
না। মনের কথা খুলে বলব? ধরুন, আমার  
মনে যদি কোন কুৎসিত মিথ্যা ভাবেরই উদয়  
হয়ে থাকে! প্রভু, কোথায় এমন পবিত্র প্রাসাদ  
আছে, যেখানে অপবিত্র পদার্থ একেবারে প্রবেশ  
করতে পারে না? কার এমন নির্মল অন্তর—  
যেখানে সূচিক্তার সঙ্গে কুচিক্তা একাসনে বসে  
না? এমন সাদা মন কার আছে, যেখানে  
কালির দাগ কখন পড়ে না, কখন ময়লা জমে

।। তুমি বন্ধুদ্রোহী—যদি তার অনিষ্ট হচ্ছে,  
সন্দেহমাত্র করেও নীরবে থাকো।

। প্রভু, আমি মুক্তকণ্ঠে স্বীকার করি, আমার  
কুটিল মন কেবল দোষ অন্বেষণ করে। সংশয়  
কখন কখন নির্দোষীকেও দোষী মনে করে।  
তাই, হুজুর, আমার মিনতি, আপনি বিচক্ষণ,  
আমার মত খুঁতে লোকের কথা ধরবেন না।  
কখন কি দেখেছি না দেখেছি, তার উপর বিশ্বাস  
স্থাপন করে আপনার মনকে অনর্থক যন্ত্রণা  
দেবেন না। হুজুর, তাতে আপনার কোন ইষ্ট  
হবে না, কেবল অশান্তি বাড়বে, আর আমার  
পক্ষেও তেমন কথা বলা ভদ্রতা ত নয়ই, বুদ্ধি-  
মানের কাজও হবে না, আর মনুষ্যত্বও নয়।

।। কি বলছ? এ সব কথার অর্থ কি?

। প্রভু,

জীবনের সার রত্ন স্ত্রী নাম সংসারে।  
অর্থ হরি' লয় যেই জন,  
হরে মাত্র জঞ্জাল কেবল,  
মূল্য কিছু নাহি তার।  
ছিল অধীন আমার,  
আজি তার—  
এই ভাবে সেবে অর্থ শত শত জনে।  
কিন্তু হায়, হরে যেই স্ত্রী নাম রতন,  
মম ধনে ধনী নাহি হয় সেই জন,  
স্বস্ত্যস্ত্রী তার মোর দীন হাত দীন।

ওথেলো। যে উপায়ে পারি, তোমার মনের কথা  
আমি জানবই।

ইয়া। কথ'খনো পারবেন না। আমার মনটা  
আপনার মূঠোর ভেতর পূরে দিলেও নয়। আর  
যতক্ষণ আমার অধিকারে থাকবে, ততক্ষণ ত  
নয়ই।

ওথেলো। ও—ও—

ইয়া। সাবধান, সাবধান, প্রভু,  
সংশয় বিষম শত্রু দাম্পত্য-জীবনে!  
এই ছরস্ত্র রাক্ষস  
সর্বনাশ করি—শেষে করে উপহাস।  
কুলটার পতি  
জানি' আপন দুর্গতি—  
অন্ধপ্রায় আঁধি মুদে হাসে,  
যারে ভাল নাহি বাসে  
অনায়াসে সহে তার প্রতারণা।  
কিন্তু হায়,  
নরক-যন্ত্রণা পলে পলে সহে—  
ভালবেদে যেই জন দহে ঈর্ষানলে!

ওথেলো। ও: কি দারুণ!

ইয়া। সন্তোষ যতপি রহে দারিদ্র্যের সনে,  
দীন—সে ত রাজরাজেশ্বর।

হারাই—হারাই শঙ্কা সদা মনে যার,  
অসীম সম্পদ তার  
নিষ্ফল বক্ষ্যার প্রায়—  
দীন হ'তে দরিদ্র সে জন।  
ভগবান, কর ত্রাণ  
ছরস্ত্র ঈর্ষার গ্রাস হ'তে!

ওথেলো। কেন? কেন? ভেবেছ কি মনে  
সংশয়ের সনে যাপিব জীবন চির?  
প্রতিদিন নবীন সন্দেহ  
পালিব হৃদয়মাঝে—ভেব না তেমন।  
সংশয় উদয় মাঝে  
পরীক্ষায় করিব নিশ্চিত।  
গুরুতর চিন্তা পরিহারি,  
তব অহুমান সম—  
বায়ুপৃষ্ঠে অসার কল্পনা  
যেই দিন দূঢ় করি' করিব আশ্রয়,  
কামাতুর ছাগপশু সনে  
তুলনা করিয়ো মোর!  
পত্নী মম রূপবতী,—  
আহার-বিহারে,

নৃত্যগীত হাশু-পরিহাসে  
ভালবাসে বঞ্চিত সময়,—  
নয় সে ত সংশয়-কারণ ?  
নিষ্কলঙ্ক নির্মল অন্তর বার,  
এ সকল গুণ হয় অলঙ্কার তার ।  
নাহি রূপ মম রমণী-বাহিত,  
নাই—নাই, সে কারণে  
সন্দিগ্ধ বা ভীত নহি আমি ।  
অন্ধ সম সে ত  
পতি ব'লে বরেনি আমার !  
না, না, চাক্ষুষ-প্রত্যক্ষ বিনা,  
কুলটা বলিয়ে  
সংশয়ে না হৃদে দেব স্থান ;  
পরে পরীক্ষায় করিব নির্ণয় ।  
পাব যবে নিশ্চিত প্রমাণ  
সত্য মিথ্যা অপরাধ তার,  
জেনো স্থির,  
হয় প্রেম, নয় ঈর্ষা দিব বিসর্জন ।

ইয়া। আঃ—বাঁচনুম, হজুর! প্রভুর প্রতি  
আমার কত ভক্তি, কেমন অমুরাগ, কিরূপ  
কর্তব্য, অসঙ্কোচে এখন তার পরিচয় দিতে  
পারব। আমার হৃদয়, মন, সব আপনার  
সামনে উন্মুক্ত ক'রে ধরব। ধরব কেন, এখনই  
ধরছি। কিন্তু মনে থাকে যেন, হজুর, আমি  
আপাততঃ প্রমাণের কোন কথাই বলছি না।  
আমার কেবলমাত্র অমুরোধ, কর্তার উপর একটু  
সতর্ক লক্ষ্য রাখবেন। কেশিয়োর সঙ্গে কিরূপ  
ব্যবহার করেন, ভাল ক'রে দেখবেন। নিশ্চিন্ত  
থাকবেন না, কিন্তু সাবধান হবেন, আপনার  
দৃষ্টিতে কোনরূপ সন্দেহের লক্ষণ না প্রকাশ পায়।  
আপনার উদার হৃদয়, মহৎ প্রকৃতি, তাই বলেই  
যে কেউ আপনাকে ঠকাবে, এ কি আমি সহ্য  
করতে পারি! খুব তীক্ষ্ণ দৃষ্টি রাখবেন। আমি  
আমাদের দেশের নারী-প্রকৃতি খুব ভাল রকমই  
জানি। ও দেশের মেয়েদের স্বভাব কিরূপ  
জানেন? ধর্মের দায়ে খালাস হোক না হোক,  
স্বামীর চোখে ধুলো দিতে পারলেই হ'ল! পাপ  
কাজ ক'রে ছাপাতে পারলে আর তাকে পাপ  
ব'লে মনে করে না।

ওথেলো। বল কি? এ কি সত্য!

ইয়া। আপনাকে বিবাহ ক'রে বাপের সঙ্গে  
প্রতারণা করলেন। আপনাতে যখন তিনি  
সত্য মুক্ত হয়েছিলেন, তখন ভাবে দেখাতেন

কেমন,—যেন আপনাকে দেখলে তাঁর হৃৎকম্প  
হয়।

ওথেলো। ঠিক! সেই রকম ত দেখাত!

ইয়া। এই তবেই বুঝুন। মশাই, সেই কাঁচা বয়সে  
তিনি বুড়ো বাপের চোখে ধুলো দিয়েছিলেন!  
আপনার শবুর মশাই ত ভেবেছিলেন, কোন  
যাচবিচ্যাবলে আপনি তাঁর কন্যাকে বশ  
করেছেন। হজুর, আপনাকে খুবই শ্রদ্ধা-  
ভক্তি করি, যদি তা অপরাধ হয়, আপনার  
পায়ে ধ'রে মিনতি করি, আমার মার্জনা  
করবেন।

ওথেলো। আমি তোমার এ উপকার কখন বিশ্বৃত  
হব না।

ইয়া। প্রভু, দেখছি, আপনার মন বিচলিত হয়ে  
উঠেছে।

ওথেলো। কিছু না—কিছু না।

ইয়া। না, হজুর, আমার ভয় হচ্ছে, আপনি সত্যই  
বিচলিত হয়ে পড়েছেন। শুধু আপনার প্রতি  
আমার অমুরাগ ব'লেই মনের কথা ব'লে  
ফেলেছি; কিন্তু দেখছি, প্রকাশ ক'রে ভাল  
করিনি, আপনি বিচলিত হয়ে পড়েছেন। আমার  
মিনতি রাখুন, যা সব বললুম, সহসা তার কোন  
দৃষ্ট সিদ্ধান্ত করবেন না। মনে রাখবেন, এখনও  
আমার সন্দেহ মাত্র, আপনি আর গুরুতর কিছু  
ভাববেন না।

ওথেলো। না—কিছু ভাবব না।

ইয়া। তা যদি ভাবেন, তা হ'লে মহা অনিষ্টপাত  
হবে। আমার সেরূপ উদ্দেশ্য নয়, হজুর।  
কেশিয়ো আমার একজন বিশিষ্ট বন্ধু। এ কি  
প্রভু, আপনাকে যথার্থই বিচলিত দেখছি।

ওথেলো। না না, তেমন কিছু নয়। তারকি  
আমি কুলটা ব'লে ভাবতে পারি।

ইয়া। ভগবান করুন, তিনি চিরদিনই আপনার  
বিশ্বাসের পাত্রে হয়ে থাকুন, এবং আপনারও  
মনে চিরদিন এমনি ভাব থাকুক!

ওথেলো। কিন্তু তবু এমন অস্বাভাবিক প্রবৃত্তি  
ত—

ইয়া। ঠিক ঠিক! এই কথা—অস্বাভাবিক  
প্রবৃত্তি—প্রভু, সাহস ক'রে একটা নিবেদন  
করি—এই ধরুন না কেন—স্বদেশী, স্ববর্ণ, সমান  
অবস্থার লোকের সঙ্গে কত সখ্য এল গেল,—  
সমানে সমানে মিল হয়, এই। ত্রো মনুষ্যের  
স্বাভাবিক ধর্ম—কিন্তু হিংসা, এ কি লিখা

প্রকৃতি, অসামঞ্জস্য ভাব, অস্বাভাবিক খেয়াল—  
এতে কি মনে হয়?—আমায় ক্ষমা করুন, আমি  
কর্ত্রীর সম্বন্ধেই যে এ সব কথা বিশেষ ক’রে  
বলছি, তা নয়। কিন্তু আমার ভয় কি  
জানেন—যদি কখন ভুল বুঝতে পেরে আপনার  
সঙ্গে স্বজাতি স্তনের সব যুবাদের তুলনা ক’রে  
ঠাঁর মনে অত্যাধিক হয়? যদি ভাবেন—  
আপনাকে বিবাহ ক’রে অতি গর্হিত কাজ  
করেছেন—

ওথেলো। থাক থাক—এ সব কথা এখন থাক!  
যদি কখন কিছু তোমার নজরে পড়ে, আমাকে  
জানিয়ে। তোমার স্ত্রীকেও ব’লে দিয়ে, যেন  
সেও ভাল ক’রে লক্ষ্য রাখে। আচ্ছা, আচ্ছা,  
এখন তবে তুমি যাও।

ইয়া। নমস্কার, প্রভু! (গমনোচ্ছন্ন)

ওথেলো। হায়, কেন আমি বিবাহ করলুম! এ  
লোকটা অতি সজ্জন। যা দেখেছে, যা জানে,  
তা, সব আমায় বললে না।

ইয়া। (ফিরিয়া) দোহাই প্রভু, এ বিষয় নিয়ে আর  
বেশী ভোলাপাড়া করবেন না। সময়ে আপনি সব  
প্রকাশ হবে। আর এক কথা, কেশিয়ে যদিও  
অতি কার্যদক্ষ লোক, তার পক্ষে তাকে এখনই  
বাহাল করা উচিত, তবু কিছুদিন টালমাটাল  
ক’রে রাখলে হয় না? তা হ’লে তার সম্বন্ধে  
অনেক কথা বোঝবার সুযোগ হবে! দেখাই  
যাক না, সে কি করে! দেখুন না, তাকে  
বাহাল করবার জ্ঞান কর্ত্রীই বা আপনাকে কতটা  
জোর-জবাবদত্তী করেন। এই সব থেকে অনেক  
কথা বোঝা যেতে পারবে। ইতিমধ্যে আপনি  
আত্মহারা হবেন না। আপাততঃ ধ’রে নেবেন  
যেন আমি ভয়ে সংশয়ে একটু-বেশী ব্যস্ত হয়ে  
পড়েছি। আর সম্ভবত তাই। সে জ্ঞান আমার  
মিনতি, কর্ত্রীর সঙ্গে আপাততঃ নির্দোষীর মত  
ব্যবহার করবেন। কোন বিষয়ে কোন রকম  
বাধা দেবেন না।

ওথেলো। তোমার ভয় নেই, আমি ঠিকমত চলব।  
ইয়া। তবে নমস্কার প্রভু!

[প্রস্থান।]

ওথেলো। অতি সাধু, সরল-প্রকৃতি এই জন,  
বিচক্ষণ সম বুঝে লোক-ব্যবহার।  
দ্বিচারিণী বলি  
জীবাঁই যদি নিশ্চিত প্রমাণ,

হিন্ন করি হৃদিতল্লী মোর  
উড়াইয়ে দিব বিহঙ্গিনী—  
স্বৈচ্ছাচার স্বৈরিণীর গতি।  
নিশ্চয় হইয়ে  
কুলটায় করিব বর্জন।  
কুৎসিত আকৃতি মম,  
বিলাসী যুবর সম নহি মিষ্টভাষী,  
বয়স পড়েছে চলি’—

নহি তবু স্থবির এখনো—  
সম্ভবত এই হেতু প্রতারিত আমি,  
কুলটা অঙ্গনা

প্রবঞ্চনা করেছে আমায়—

স্বপ্নাই এখন মম পরম সাধুনা।

নিদারুণ অভিশাপ বিধাতার—

পরিণয়ে হয় মাত্র দেহের বন্ধন।

স্বৈচ্ছাচারী লালসা নারীর

বুড়ুক্ষায় ভঞ্জে অতঃকালে।

বরঞ্চ বীভৎস ভেকরূপে

বিষময় অন্ধকূপে করিব বসতি—

পুতি-বাপে পুষ্টি করি বপু—

তবু প্রেমরাজ্যে মম

এক তিল অধিকার না দিব কাহারে।

[কিন্তু হায়,

এই ব্যাধি প্রবল সম্ভ্রান্ত ঘরে;

দরিদ্র সংসার

নাহি জানে হেন ব্যভিচার।

উচ্চ বংশে জন্মিবার দুরদৃষ্ট হেন!

ভাগ্যের বিধানে আজন্ম-চিহ্নিত

কুলটার পত্নিরূপে ঘোরা।]

ভাৰ্য্যা মম এই যে আগত।

দ্বিচারিণী—এই দেবী!

যতপি সম্ভব,—স্বর্গ-পবিত্রতা

পরিহাস ক’রে আপনায়।—

কখন না, কভু নাহি কুরিব প্রত্যয়।

(ডেজ্‌ডিয়োন এবং এমিলিয়ার প্রবেশ)

ডেজ্‌। এখানে একলাটি কি ভাবছ? আহা  
প্রস্তুত। তোমার নিমন্ত্রিত সব উপস্থিত—  
তোমার প্রতীক্ষা করছে।

ওথেলো। আমার অপরাধ হয়েছে।

ডেজ্‌। কেন এমন মনমরা হয়ে কথা কচ্ছ? কিছু  
অস্বস্থ করেছে নাকি?

ওথেলো। হুঁ—মাথাটা বড্ড ধরেছে।



ডেজ্। হবেই ত, যে কাজের ভিড়! তা হোক, ও  
এখনি সেরে যাবে। এস দেখি, ভাল ক'রে  
বৈধে দি, এখ'খনি ভাল হবে।

ওথেলো। তোমার রুমাল যে একটুখানি।

(রুমাল খুলিয়া কেলিলেন এবং উহা  
নীচে পড়িয়া গেল)

ওথেলো। থাক থাক, চল আমরা শীঘ্র যাই।

ডেজ্। তোমার শরীর ভাল নেই, আমারও মনে  
ক্ষুধা নেই।

[ওথেলো এবং ডেজ্ ডিমোনার প্রস্থান।

এমি। ভালই হ'ল, রুমালখানা পড়ে পাওয়া গেল।  
এইখানিই সেনাপতির প্রথম প্রণয়-উপহার।  
কর্তাটি আমার যা ধুববেন, তা চাই। এইখানি  
চুরি করবার জন্তে কত সোহাগ, কত আদর,  
কত সাধাসাধি। এ দিকে সেনাপতিরও মাথার  
দিব্যি, রুমালখানি যেন না হারায়। সেই জন্তে  
সখীর এখানি যেন প্রাণের প্রাণ। দিন-রাত  
বুকে ক'রে থাকে, এর সঙ্গে কথা কয়, একে  
সোহাগ ক'রে কত চুমু খাওয়া হয়। ঠিক এমনি  
আর একখানা রুমালের পাড় বুনিয়ে নিয়ে  
কর্তাকে দেব। এ নিয়ে যে তার কি হবে,  
ভগবানু জানেন! আর আমার জানবারই বা  
দরকার কি? যেমন ক'রে হোক, কর্তাটিকে  
খুশী করতে পারলেই হল।

(ইয়োগোর প্রবেশ)

ইয়া। কি! তুমি একলা হেথায় কি করছ?

এমি। ধমকাবেন না মশায়! আপনাকে একটি  
জিনিষ দেব ব'লে দাঁড়িয়ে আছি।

ইয়া। কাকে? আমাকে? জিনিষ? তা হলেই  
বোঝা গেছে, সে জিনিষের কোন দাম নেই!  
যেখানে সেখানে মেলে।

এমি। কি, বল দিকি?

ইয়া। এই তোমার মত, একটি নির্কোষ জীলোক।

এমি। তাই না কি? সেই রুমালখানা যদি তোমায়  
দিতে পারি, তবে কি বক্শিস দাও?

ইয়া। কোন্ রুমাল?

এমি। কোন্ রুমাল? জানেন না যেন! সেনাপতির  
সেই প্রথম উপহার, যা চুরি করবার জন্তে উঠতে  
বসতে ছ'বেলা আমার জ্বালাতন করেছ।

ইয়া। চুরি করেছে না কি?

এমি। গোড়া কপাল! চুরি করতে যাব কেন?

গিন্নীর হাত থেকে অসাবধানে পড়ে গেল, স্বযোগ  
পেয়ে আমিও তুলে নিলুম। এই দেখ।

ইয়া। বাহা বা ধনি! কই দাও, দাও।

এমি। সেটি হচ্ছে না! আগে বল, এ রুমাল নিয়ে  
কি করবে? চুরি করবার জন্তে আমাকে অত  
মাথার দিব্যি দিয়েছিলে কেন?

ইয়া। (রুমালখানা সহসা কাড়িয়া লইয়া) সে  
খবরে তোমার কাজ কি, চাঁদ?

এমি। দেখ, যদি তোমার বিশেষ দরকার না থাকে  
ত আমার কিরিয়ে দাও। এ রুমাল না দেখতে  
পেলে আমার সখী পাগল হবে।

ইয়া। তুমি ভাব দেখিয়ে, যেন কিছু জান না, এ  
রুমালে আমার ভারি দরকার। তুমি আর  
এখানে দাঁড়িয়ে থেক না, যাও।

[এমিলিয়ার প্রস্থান।

রাখিব রুমাল ল'য়ে কেশিয়ার বাসে—  
যাহে অন্যায়সে করগত হয় তার।

অত তুচ্ছ বায়সম অসার প্রমাণ—  
সংশয়ীর মন

শাস্ত্রবাক্য সম গণে গুরুতর করি।

কে জানে এ হ'তে—হ'তে পারে কিছু কাজ।

ঢেলেছি যে বিষ সেনাপতির শ্রবণে,

ক্রিয়া তার প্রত্যক্ষ এখনি হেরি।

মর্শাস্তিক হুশিস্তাপ্রভাব—

স্বভাবতঃ বিষময়,

প্রথমে বিশ্বাস তার নহে অমুভূত?

ক্রমে ধীরে মিশিলে রুধিরে,

অধীর করিয়ে

জ্বলে যেন গন্ধকের খনি—

বলেছি এ কথা।

হের, দেখ আসিতেছে সেনাপতি হেথা!

নাহি হেন মহৌষধি মাদক ধরায়,

তন্দ্রা-আকর্ষণকারী পানীয় এমন,

যাহে স্তনিদ্রা আনিবে চক্ষে তব—

কল্য যাহা ভুঞ্জিয়াছ,

এ জীবনে আর না ভুঞ্জবে!

(ওথেলোর পুনঃ প্রবেশ)

ওথেলো। ওঃ, আমার সঙ্গে প্রতারণা!

ইয়া। সেনাপতি, এখনও সেই সব মনে করছেন?  
আর কেন?

ওথেলো। দূর হও, দূর হও তুমি,  
কণ্টক-শযায় নিশ্বেপ করেছ মোরে !  
সত্য কহি,  
হেন অস্পষ্ট ধারণা হ'তে  
শতগুণে সত্যের কলঙ্ক ভাল।

ইয়া। কি বলছেন প্রভু ?  
ওথেলো। ছিল কি গোচর মম  
গুপ্ত প্রেম-ব্যবহার তার ?  
দেখি নাই, ভাবি নাই মনে কোন কথা,  
এ দারুণ বাধা ছিল না অন্তরে মম—  
কি অনিষ্ট ছিল মম তায় ?  
বন্ধিতাম আমোদে প্রমোদে,  
সুনিদ্রায় হ'ত মম সুপ্রভাত নিশি।  
প্রণয়ীর গোপন চুপন—  
পাই নাই পরিচয় অধরে তাহার।  
হৃত ধন বার, যদি সেই জন  
নষ্ট-দ্রব্য অভাব না করে অল্পভব,  
চৌর্য্য কথা না শুনিলে কাণে—  
অপহৃত নহে সে ত আর ?

ইয়া। আপনার কথায় আমি মন্মাহত হচ্ছি।  
ওথেলো। [ ওহো।

সমগ্র শিবির সনে পাপ আচরণে  
ভাৰ্য্যা মম কলঙ্কিত হ'ত যদি,  
না জানিলে আমি,  
রহিতাম অজ্ঞতা-আধারে স্মৃতে। ]  
হায় ! ফুরাইল—  
চিরতরে সুখ-শান্তি সন্তোষ আমার !  
ফুরাইল মহাহব, ভৈরব উৎসব—  
বৈরিনাশ-অভিলাষ পূণ্য ব্রত বার !  
রণস্থল—সুসজ্জিত চতুরঙ্গ দল,  
তুরঙ্গ উল্লাস, ভেরীর উজ্জ্বল,  
শ্রবণ-বিদারী তুরী'রব  
দ্রুমুভির উন্মাদিনী ধ্বনি,  
আর কি দানিবে আনন্দ অন্তরে মোর !  
বিজয়-পতাকা—  
বীরগর্ক অরিখর্ককর,  
মহামার মহা আড়ম্বর—  
সমর-গৌরব সব ফুরাইল হায় !  
জিনি কোটি বজ্রের ঝঙ্কার  
কঠোর হুঙ্কার বার,  
জীবঘাতী মহা অস্ত্রচয়,  
অস্ত্রাধায় দেহ চিরবিদায় এখন,  
জীবনের ব্রত মম সাক্ষ্য এত দিনে !

ইয়া। এ কি সম্ভব প্রভু ?  
ওথেলো। নরাদম ! জেনো স্থির,  
( ত্রীবাদেশ ধারণ )

কুলটা বলিয়ে  
দিতে হবে, দিতে হবে নিশ্চিত প্রমাণ—  
চাক্ষুষ প্রমাণ চাহি, নহে সত্য কহি,  
ছিল ভাল হতে যদি স্থগিত কুকুর।  
নরাকারধারী হয়ে  
নাহিক নিস্তার তব  
প্রজ্জ্বলিত ক্রোধানলে মোর !

ইয়া। শেষ এই হ'ল।  
ওথেলো। চাহি চাক্ষুষ প্রত্যক্ষ,—নহে,  
অকাট্য প্রমাণ—  
যাহে সংশয়ের স্থান  
তিলমাত্র নাহি রহে।  
নহে—জেনো, তব নিকট শমন ?

ইয়া। প্রভু—প্রভু—  
ওথেলো। যদি মম নির্যাতন-যন্ত্রণা-কারণ  
ক'রে থাক অলীক এ কুৎসার সৃজন—  
জেনো স্থির,  
যদি পরিহর দেব-উপাসনা,  
দয়া-মায়্যা দাও বিদর্জ্জন ;  
যদি প্রকট ধরায়—  
দানবীয় কল্লনায় তব  
আছে যত বিভীষিকা ছবি—  
ভয়ঙ্কর হ'তে ভয়ঙ্কর,—  
হেরি যাহে শুক হব লোক,  
দেব-চক্ষে বহিবে প্রবাহ,  
তবু এই নারকীয় কুৎসার অধিক  
সৃজিতে নারিবি কিছু,  
মজিবারে অনন্ত নরকে।

( ইয়াকে ভূপাতিতকরণ )

ইয়া। ভগবান, রক্ষা কর ! মশায়, আপনি মাছুষ,  
না হিতাহিতৈচ্চৈতত্ত্ববজ্জিত জড়পদার্থ ? আপনার  
মঙ্গল হোক ! আর নয়, আমার ইস্তাফা নিন্।  
হা রে হতভাগ্য মূঢ় ! অকপট ব্যবহার সেখানে  
পাপ, সেখানে তোর জীবন-ধারণ করাই দিক্।  
হুঁসিয়ার ! হুঁসিয়ার ! সরলতা, স্পষ্টকথা,  
সংসারে নিরাপদ নয় ! মহাশয়, আপনাকে অগণ্য  
ধন্যবাদ ! আপনি আজ আমার মহা উপকার  
করুলেন। এখন থেকে সাবধান হব, কাউকে  
আর বন্ধু ব'লে গণ্য করব না। ভালবাসা দেখছি  
মহা অপরাধ।

ওথেলো। যেয়ো না—দাঁড়াও। আমার মনে হয়, তুমি সজ্জন; কিন্তু তোমার অকপট সত্য বলা উচিত।

ইয়া। তার চেয়ে আমার শিক্ষা হওয়া উচিত, যে সরল ব্যবহার করে, সে বোর মূর্খ। যার জন্তে চুরি করে, শেষে সেই বলে চোর। যার কার্যে প্রাণপণ করে, শেষে সেই বিমুখ হয়।

ওথেলো। এ কি দ্বন্দ্ব অন্তরে আমার!

ঘূর্ণ্যমান মতি—

এই মনে হয় সতী, এই দ্বিচারিণী

ভাবি সত্য দোষারোপ তব,

মনে হয় মিথ্যা বলি পুনঃ!

প্রমাণ—প্রমাণ চাহি।

নির্মল চন্দ্রমাসম ছিল যার নাম,

এবে কলঙ্ক-কালিমামাখা—

কুৎসিত বদন সম মোর।

তীক্ষ্ণ অঙ্গ, রজ্জ্ব, কিংবা বহি, হলহল,

খাসহর সলিলপ্রবাহ—

শত শত প্রতিশোধ উপায় থাকিতে

অপমান সহিব না কভু।

হায়,

এই দণ্ডে হয় যদি সংশয়-মোচন!

ইয়া। দেখছি, আগনি সর্বনাশী ক্রোধে অভিভূত হয়েছেন। আমার আক্ষেপ হচ্ছে, কেন আপনাকে সব কথা বল্লুম!—সংশয়ের হাত থেকে মুক্তি পেতে চান?

ওথেলো। চাই কি? নিশ্চিত হব।

ইয়া। ইচ্ছা করলে হতে পারেন। কিন্তু কি প্রকারে কেমন ক'রে? কি রকমে সংশয়মুক্ত হতে চান?

[স্বচক্ষে তাদের প্রেমালোপ দেখে?]

ওথেলো। ওঃ, কোথা মৃত্যু, কোথায় নরক?

ইয়া। আমার মনে হয়, তেমন ক'রে তাদের ধরা স্ককঠিন। [এক শয্যা শয়ন, তাদের নিজের চক্ষু ছাড়া আর কোন নরচক্ষুর গোচর হওয়া সম্ভব নয়।] এত বর্বর তারা নয়। তা হ'লে উপায়? কি ক'রে ধরা যায়? কি বলব? সংশয়মুক্তির তা হ'লে কি কোন উপায় নাই? [মাতাল, মূর্খ, কি জন্তুর মত নিভান্ত লজ্জাহীন হলেও এরূপ স্থলে তাদের হাতে-নাতে ধরবার কোন সম্ভাবনা নাই।] তবু বলি যদি আগাগোড়া সকল অবস্থা বিবেচনা ক'রে এই দোষারোপের সত্যাসত্য নিরূপণ করা যায়, আর তাতে যদি আপনার সংশয়মুক্তি হয়, সে প্রমাণ দিতে পারি।

ওথেলো। সে যে ভ্রষ্টা—তার জীকন্ত প্রমাণ চাই।

ইয়া। দেখুন, কার্যটি আমার মনোগত নয়, তবে নির্বোধের মত সত্যের খাতিরে, আর আপনাকে বিশেষ শ্রদ্ধা করি বলেও বটে, স্বখন এতটা এগিয়ে পড়েছি, তখন ফিরব না। শুধুন, সম্প্রতি এক-দিন আমি কেশিয়োর সঙ্গে এক বিছানায় গুয়ে-ছিলুম। শুধুম বটে, মশায়, কিন্তু দাঁত-গুলুনির জন্তে সারা রাত ঘুম হ'ল না। আপনার বোধ হয় জানা আছে, কতকগুলো লোক আছে, যাদের মনের মোটে আঁটসাঁট নেই। কোথায় কবে কি করেছে না করেছে, ঘুমতে ঘুমতে সেই সব কথা বিড়ি বিড়ি ক'রে বক্তৃতা থাকে। আমাদের সহকারীটিও এই ধাতের। মশায়, ঘুমিয়ে ঘুমিয়ে বললে কি—‘প্রিয়তমে ডেজ-ডিমোনা, খুব সাবধান, আমাদের এ’ গুপ্ত প্রেম যেন প্রকাশ না হয়!’ তার পর ঘন ঘন দীর্ঘ-নিশ্বাস ফেলতে-ফেলতে বলতে লাগল, ‘হায় রে, অভিশপ্ত নিয়তি কেন তোমায় ঐ কালো ভূতের হাতে অর্পণ করলে?’

ওথেলো। ওঃ, অসহ্য! অসহ্য!

ইয়া। বিচলিত হবেন না, স্বপ্ন বৈ ত নয়।

ওথেলো। হোক স্বপ্ন, এ স্বপ্ন সত্যের পুনরভিনয়।

এ স্বপ্ন মনে বোর সন্দেহের উদয় করে।

ইয়া। তা বটে। আর পরে যদি কোন প্রমাণ পাওয়া যায়, তাও কতদূর সত্য মিথ্যা বোঝা যেতে পারে। আর ক্ষীণ প্রমাণকে ত দৃঢ়তর করেই।

ওথেলো। আমি সে কুলটাকে খণ্ড খণ্ড ক'রে হিঁড়ি ফেলব।

ইয়া। স্থির হোন, বিশেষ বিবেচনা ক'রে কাজ করতে হবে। চাক্ষুষ প্রমাণ এখনো কিছু পাওয়া যায়নি। এখনো প্রমাণ হতে পারে, হয় ত তিনি নির্দোষ সতী। একটা কথা জিজ্ঞেস করি, আপনার জ্বর হাতে কখনো কি একখানা রুমাল দেখেছেন? বেশ সুন্দর কাজ করা, লতাপাতা ফুলতোলা।

ওথেলো। সে রুমাল ত আমিই তাকে দিয়েছি। আমার প্রথম গুণ্য-উপহার।

ইয়াগো। সে কথা আমি জানিনে মশাই, কিন্তু তেমন একখানা রুমাল—সেখানা আপনার জ্বরই বটে—আজ দেখলুম, তা দিয়ে কেশিয়ে দাড়ি সাক করছেন!

ওথেলো। যদি সত্য সেই রুমাল হয়—

ইয়া। সেইখানাই হোক, কি আপনার জীব আর  
কোন ক্রমালই হোক, অস্ত্রাশ্র প্রমাণের সঙ্গে  
এটাকে ত খুব গুরুতর বলেই ধরতে হবে।

ওথেলো। হায়, থাকিত যতপি  
শত সহস্র জীবন ছরাবার,  
ক্ষুদ্র এক প্রাণ, মম প্রতিহিংসানলে  
অতি তুচ্ছ আহুতি সে।  
সত্য অপরাধ,  
নাহিক সংশয়মাত্র আর।

হে স্বহৃদ,  
হের, এই দণ্ডে হৃদি হতে মম  
সব প্রেম, বাতুলতা  
করি দূর একই ফুৎকারে।  
অস্তিত্ব নাহিক মাত্র তার।  
ওঠ, ওঠ জিঘাংসা করাল  
নরকের শূন্যগর্ভ হতে!  
এস ঘৃণা অত্যাচার সনে  
মম হৃদি-সিংহাসনে,  
মুকুটিত প্রেমরাজ্য কর অধিকার!  
বিস্ফারিত হও হৃদি হলহল-তেজে,  
বক্ষ মম সর্পের বিবর!

ইয়া। স্থির হোন, স্থির হোন!

ওথেলো। রুধির—রুধির—রুধিরপিপাসী প্রাণ!

ইয়া। ধৈর্য ধরুন, আপনার মন এখনও পরিবর্তন  
হতে পারে।

ওথেলো। কখনো না।

প্লাবন-প্রবাহ যবে প্রচণ্ড বেগেতে

ছোটো ধ্বংস লক্ষ্য করি,

• মমতায় ফিরে নাহি চায়,—

জেন, সেইরূপ রুধির-পিপাসা মম।

• পুনঃ প্রেম-মমতায় ফিরে না চাহিবে,

যতদিন প্রতিশোধ বিশাল কবলে

নাহি প্রাসে ছই জনে!

শোন শপথ আমার—

(হাঁটু গাড়িয়া)

সাক্ষী হও উজ্জল গগন,

বাক্য মম কভু নাহি হইবে লঙ্ঘন!

ইয়া। (হাঁটু গাড়িয়া) তিষ্ঠ ক্ষণকাল এই ভাবে  
মহাশয়!

সাক্ষী হও চিরোজ্জল তারকামণ্ডল,

জল স্থল পবন গগন—

ভুবন বেষ্টন করি বিরাজিত যারা—

আজি হতে প্রাণ মন বুদ্ধি-বল মম  
ব্যথিত প্রভুর কার্য্যে করিছু নিয়োগ।  
দিগে বিসর্জন

দয়া মায়া হিতাহিতজ্ঞান,  
আজি হ'তে অসঙ্কোচে করিব পালন  
রুধিরাক্ত আদেশ তাঁহার।

ওথেলো। তব অল্পরাগে  
পাইলাম পরম সন্তোষ।  
ধন্যবাদ যুথের কথায় নহে,  
কৃতজ্ঞতা করিব জ্ঞাপন—  
বিশৃঙ্খল কার্য্যের ভার করিয়ে অর্পণ  
এই দণ্ডে তব পরে।

আজি হ'তে তৃতীয় দিবসে  
দিতে চাও নিশ্চিত সংবাদ—  
বিশ্বাসঘাতক প্রতারক  
জীবিত নাহিক আর।

ইয়া। তব আজ্ঞা করিব পালন—  
নিশ্চিত মরণ বন্ধুর আমার।  
কিন্তু, প্রভু, নারীবধে নাহি প্রয়োজন

ওথেলো। উচ্ছন্ন, উচ্ছন্ন যাক্ কামুকী প্রেতিনী  
চল যাই, নির্জনে করিব স্থির—

দেবীকৃপা পিশাচীর

দ্বরা মুহূ সাধিব যেরূপে।

আজি হ'তে

মম সহকারিপদে বরিষু তোমাতে।

ইয়া। আমি তব ক্রৌতদাস চিরদিন তরে।

[ উভয়ের প্রস্থান ]

## চতুর্থ দৃশ্য

দুর্গ-সমীপে

( ডেজ্‌ডিমনা, এমিলিয়া এবং রত্নদারের প্রবেশ )

ডেজ্‌। ওরে, তুই সহকারী-সেনাপতির ঠিকানা  
জানিস?

রত্ন। ওরে বাপ রে, আমার তেমন বুকের পাটা  
নয়, মাঠাকুরুণ!

ডেজ্‌। কেন রে, কেন?

রত্ন। তিনি সেপাই মানুষ, তাঁর ঠিকানা করতে  
গেলে আমাকে একেবারে ঠিকানায় পৌছতে  
হবে।

ডেজ্‌। আহা, বল না, তিনি থাকেন কোথায়?

রঙ্গ। আজ্ঞে, যেখানে তিনি থাকেন, ঠিক সেইখানে।

ডেজ্। তার মানে তুই জানিস নে।

রঙ্গ। আজ্ঞে, ঠিক বলেছেন। ঠিকানা জানিও না, ঠিকানা করতেও পারব না।

ডেজ্। শোন না, কাউকে জিজ্ঞাসা করেও ঠিক করতে পারবি না?

রঙ্গ। আজ্ঞে, জিজ্ঞাসা করতে পারব, ঠিক করতে পারব না।

ডেজ্। শোন, তুই তাঁর ঠিকানা খুঁজে তাঁর সঙ্গে দেখা ক'রে বলবি, একবার এখানে আসতে। আর বলিস, সেনাপতিকে তাঁর কথা বলেছি; ভয় নেই, সব ঠিক হয়ে যাবে। পারবি?

রঙ্গ। আজ্ঞে, মনে হচ্ছে পারব। চেষ্টা ক'রে দেখি।]

[প্রস্থান।

ডেজ্। রুমালখানা কোথা ফেললুম, বল দেখি?

এমি। তাই ত সখি!

ডেজ্। রাশি-প্রমাণ অর্থ হারালে আমার অত দুঃখ হ'ত না। আমাকে বড় ভালবাসেন তাই, নইলে সন্দিগ্ধ লোকদের মত তাঁর যদি নীচ মন হত, তিনি কি ভাবতেন! হয় ত কত কি সন্দেহ করতেন!

এমি। কর্তার মনে সংশয়-বিষ নাই না কি?

ডেজ্। কার? তাঁর? না, সে বিষ তাঁর খাতে নেই। তিনি যে দেশে জন্মেছেন, সে স্থানে সর্বপাপহর সূর্য্যদেবের প্রথর প্রভাব। তাঁর নির্মল করে তাঁকেও নির্মল করেছে।

এমি। ঐ যে প্রভু আসছেন।

ডেজ্। আসছেন না, আজ কেশিয়াকে যতক্ষণ না ডাকিয়ে আনাচ্ছেন, ততক্ষণ আমি ছাড়ছি নে।

(ওথেলোর প্রবেশ)

এখন কেমন আছ?

ওথেলো। বেশ আছি। (স্বগত) ওঃ—কেমন ক'রে এর সঙ্গে ছলনা করি!—কি ছক্কর!

(প্রকাশ্যে) তুমি কেমন আছ?

ডেজ্। বেশ আছি।

ওথেলো। দেখি, তোমার হাত দেখি—বাঃ, এ যে দিব্যি রসাল হাত—খুব সরস!

ডেজ্। বার্কিক্য কি শোক-তাপের সঙ্গে ত এখনো এ হাতের পরিচয় হয় নি।

ওথেলো। এ হাত খুব মুক্তহস্ত! যার এমন হাত, তার হৃদয় খুব উদার—যেমন নরম, তেমনি গরম! এ হাতকে তোমার অতি কঠোর সংযমে রাখা উচিত। কঠোর তপ, পূজা অর্চনা, উপবাস এর বিধান। চঞ্চল উদ্দাম লালসার বশে সহজেই এ হাত প্রলোভনে ভুলতে পারে। বেশ হাত তোমার, খুব দরাজ!

ডেজ্। এ কথা তুমি বলতে পার। এই হাতখানি ত তোমাকে আমার হৃদয় দান করেছে।

ওথেলো। হাঁ, হাতখানি উদার বটে! সে কালে হৃদয়ই দাতার কাজ করত—হৃদয়ই পানি দান করত; এ কালের নূতন বিধান। হাতে কেবল পানিই দান করে, হৃদয় নয়।

ডেজ্। এখনকার বিধান আমি জানি না। এখন তোমার কথা রাখো।

ওথেলো। কি কথা, প্রিয়ে?

ডেজ্। আমি কেশিয়াকে ডেকে পাঠিয়েছি, তার কথা সে এসে বলবে।

ওথেলো। আমার সর্দি হয়ে চোখ দে জল পড়ছে। ভারি কষ্ট হচ্ছে! তোমার রুমালখানা দাও দিকি।

ডেজ্। এই নাও।

ওথেলো। না, না, ও রুমাল নয়। যেখানা আমি তোমায় দিয়েছিলুম।

ডেজ্। সেখানা এখন আমার কাছে নেই।

ওথেলো। নেই?

ডেজ্। না, সত্যি নেই।

ওথেলো। কি সর্বনাশ! সে রুমাল এক বুদ্ধা-

আমার মাকে দিয়েছিল। সে যাহুকরী ছিল।

[লোকের মনের কথা বুঝতে পারত। সেই

যাহুকরী] আমার মাকে বলেছিল, যতদিন

রুমাল তাঁর কাছে থাকবে, ততদিন তিনি আমি-

সোহাগিনী হয়ে থাকবেন, আর আমার

পিতাকেও সম্পূর্ণ বশে রাখতে পারবেন। কিন্তু

রুমালখানি হারালে কি ইচ্ছা ক'রে কাউকে

দিলে মা পতির বিরাগ-ভাগিনী হবেন, আর

আমার পিতাও নূতন প্রেমে আসক্ত হবেন।

মৃত্যুকালে মা আমাকে রুমালখানি দিয়ে ব'লে

গিয়েছিলেন, যদি কখন বিবাহ করি, আমার

স্ত্রীকে সেখানি দিতে। আমি তোমায় সেখানি

দিয়েছি। খুব সাবধান! সেখানি অতি প্রিয়

বস্তুর মত চোখে-চোখে রেখো। যদি হারাও,

কি কাউকে দাও, তা হলে ঘোর অমঙ্গল হবে।

ডেজ্। বল কি? একি সম্ভব?

ওথেলো। সম্ভব কি? সত্য। [সে রুমালের স্মৃত্যের স্মৃতির পাকে পাকে কুহক জড়ানো।

দুশ বৎসরের এক বৃদ্ধা কুহকিনী—তার ওপর যখন দেবতার ভর হয়েছিল, সেই সময় সে রুমাল বুনছিল; মস্ত-পুত কীট থেকে তার রেশম তৈরী হয়। আর সে রেশম মৃত্যু কুমারীর জুপিও-রসে রঞ্জিত।]

ডেজ্। বাস্তবিক, একি সত্য?

ওথেলো। সত্য—সত্য—সত্য—খুব সত্য! সে রুমাল সাবধানে রেখো, যেন কখন হারায় না।

ডেজ্। এমন জিনিষ আমার হাতে কেমন দিলে?

ওথেলো। কেন বল দেখি? হয়েছে কি?

ডেজ্। তুমি এমন উগ্র, উত্তেজিত হয়ে কথা কইছ কেন?

ওথেলো। সত্যি করে বল, লুকিয়ে না! তুমি সে রুমাল নিশ্চয় হারিয়েছ—আর পাওয়া যাবে না।

ডেজ্। ভগবান রক্ষা কর!

ওথেলো। তবে সত্যিই হারিয়েছ?

ডেজ্। না, হারায় নি। আর যদিই বা হারিয়ে থাকে—

ওথেলো। কেমন করে হারাল?

ডেজ্। হারায় নি ত বলছি—

ওথেলো। কই, নিয়ে এস, আমি দেখি।

। মনে করছে, আমি খুঁজে আনতে পারব না? পারি—কিন্তু কখন ত আনব না। বুঝেছি, বুঝেছি—এই হল করে আমার কথা চাপা দিচ্ছ! তা হবে না! তুমি এখন কেশিয়াকে তার কাছে নিযুক্ত কর।

ওথেলো। তুমি যাও, আগে রুমাল এনে আমাকে দেখাও। আমার মনে নানা আতঙ্ক হচ্ছে।

ডেজ্। যাও, আর অত ভয় দেখাতে হবে না।—কেশিয়োর মত অমন উপযুক্ত লোক আর পাবে না।

ওথেলো। রুমাল—

। আমার কথা রাখ, কেশিয়োর কথা কও!

ওথেলো। রুমাল—]

। যে তোমার আন্তরিক প্রদাভক্তি করে, ভালবাসে; যে মনে জানে তোমার আশ্রিত; যার ভালমন্দ সব তোমার ওপর নির্ভর; এক-সঙ্গে দুজনের মাথার ওপর দিয়ে কত আপদ বিপদ গিয়েছে—

ওথেলো। রুমাল—

ডেজ্। দেখ, সত্যি কথা বলতে দোষ তোমারই—

ওথেলো। দূর—

[ওথেলোর প্রস্থান।

এমি। সখি, তুমি বলেছিলে না, এঁর ঘাতে রিষ নেই?

ডেজ্। কখনই ত এ রকম দেখিনি। নিশ্চয়ই সে রুমালের কোন গুণ আছে। হায়, কেন হারালুম! আমার ভারি দুঃখ হচ্ছে!

এমি। [হৃদয় ধর করেই মানুষ চেনা যায় না। আমরা যেন এদের ক্ষিদের খোরাক। যতক্ষণ ক্ষিদে, ততক্ষণ আদর; তার পর পেট ভরলে ওগরাবার পালা।] এই যে কেশিয়ো এসে হাজির, আমার কণ্ঠাটও সঙ্গে।

(কেশিয়ো ও ইয়োগোর প্রবেশ)

ইয়া। আর অল্প উপায় নেই, কর্ত্রীকে দিয়েই কাজ বাগিয়ে নিতে হবে। বাঃ বাঃ, তোমার বরাত সুপ্রসন্ন! কর্ত্রী এখানে উপস্থিত। যাও, একটু জোর করে বল।

ডেজ্। কেশিয়ো, সংবাদ কি?

কেশি। দেবি, নূতন সংবাদ আর কি, সেই পুরানো কথা। আমরা দয়া করুন! আপনার প্রভুত সহায়তায় যাতে আমি আমার পূর্ব পদ ফিরে পাই, তার উপায় করুন। আন্তরিক প্রদাভক্তি দিয়ে থাকে আমি পূজা করে থাকি, তাঁর দয়া থেকে যাতে না বঞ্চিত হই, এ আপনাকে করতেই হবে। [কিন্তু যা-হয় হোক, কাল-বিলম্ব আমার অসহ্য হয়েছে। যদি আমার অপরাধ এমন সাজবাতিকই মনে করেন যে, প্রভুর কার্যে আমার এতদিনের অহুতাগ, আমার তীব্র অহুতাপ, ভবিষ্যৎ উন্নতির আশায় আমার প্রাণপণ সজ্জন সব নগণ্য হয়, কিছুতেই তাঁর দয়ার উদ্রেক হবে না, কি করব, আমি নাচার! তবে সে কথা আমার জানাই ভাল। তা হলে মনকে কোন রকমে প্রবোধ দিয়ে, আর নিয়তির রূপার ওপর নির্ভর করে নূতন পন্থা অবলম্বন করিতে পারি।]

ডেজ্। কেশিয়ো, তুমি অতি বিনয়ী, অতি নম্র! কিন্তু কি করব। প্রভুর কাছে আমি এখন কোন কথা বললে ফল হবে না। আমার প্রভু আর সে প্রভু নাই। চোখে দেখলে মনে হয় সেই মানুষ, কিন্তু ভাব সম্পূর্ণ বিপরীত। ধর্ম

সাক্ষী! তোমার সম্বন্ধে যতদূর বলবার, বলেছি। কিন্তু আমার জেদে কেবল অসন্তোষভাগিনী হয়েছি মাত্র। আর কিছুদিন ধৈর্য্য ধরে থাক, আমি এখনও ছাড়ব না, সময় পেলেই আরও বলব। নিজের জন্তে যে সাহস না করি, তোমার জন্তে তা করব। এ ছাড়া এখন আর আমি কি করতে পারি।

ইয়া। সেনাপতি কি রাগ করলেন না কি?

এমি। এই মাত্র ত দেখলেম, ক্রোধে অধীর হয়ে এখান থেকে চলে গেলেন।

ইয়া। কি আশ্চর্য্য! সেনাপতির রাগ! আমি স্বচক্ষে দেখেছি, কামানের গোলায় তাঁর সৈন্যদল ছিন্নভিন্ন হচ্ছে—একটা গোলা সয়তানের মত এসে তাঁর সহোদর ভাইকে যেন তাঁর হাত হতে ছিনিয়ে নিয়ে গেল—কিন্তু সেনাপতির চক্ষে একবার পলক পড়েনি। সেই মানুষের রাগ! যদি হয়ে থাকে ত নিশ্চয়ই কোন গুরুতর কারণ আছে। আমি সন্ধান নিচ্ছি। সেনাপতির ভাবান্তর কখন তুচ্ছ কারণে হয় নি।

ডেজ্। তাই যাও। অনুগ্রহ করে তুমি একবার সন্ধান নাও, কি হয়েছে।

[ ইয়োগোর প্রস্থান। ]

নিশ্চয় ভেনিসের রাজকার্য্যে বিঘ্ন ঘটেছে। আর নয়, এখানকার কোন গুপ্ত যড়যন্ত্র হঠাৎ প্রকাশ হয়ে তাঁর স্থির চিত্ত বিচলিত করেছে। পুরুষ মানুষের এই স্বভাব—মন যখন উচ্চ ব্যাপার নিয়ে হুচিন্তায় মগ্ন, তখন তুচ্ছ বিষয়ে মিছে রাগরঙ্গ করে। [একটা আঙুলে ব্যথা হলে মন হয় যেন সর্ব্ব-শরীর টন টন করছে। দেবতা ত আর নয় যে, একেবারে নির্বিকার হবে! আর চিরকালই কি বরের মত বাসরের সোহাগ করবে? সে যে আশা করাই ভুল! ধিক্ আমায়! হি, হি, তার একটু কঠোর ব্যবহারে মনে মনে কত অভিমান করছি! এই আমি “স্বলোচনা বীরাস্ত্রনা”—একটুতেই নিষ্ঠুর বলে এত অভিযোগ! সত্যি বলছি, সখি, আমার মন তাঁর বিপক্ষে কত কথাই বলেছিল। এখন বুঝেছি, তাঁর সব কথাই মিছে।]

এমি। তাই হোক, সখি! ভগবান্ করুন যেন রাজকার্য্যই হয়। তোমার ওপর মিছে সন্দেহ করে যেন স্নাত্যয় রিষের আঙুল না জ্বালেন!

ডেজ্। আমি ত সন্দেহের কাজ কখন কিছ করিনি।

এমি। কিন্তু যারা সংশয়ী, তারা কি তা শোনে। করা-করিতে কি আসে যায়, সখি! সন্দেহের স্বভাবদোষে—ও একটা বাই। রিষ—রাফ্‌স। ও স্বয়ম্ভু—আপনা হতে জন্মায়।

ডেজ্। ভগবান্ করুন যেন সে রাফ্‌স কখন না আমার প্রভুর মনকে অধিকার করে!

এমি। ভগবান্ তাই করুন!

ডেজ্। যাই, একবার দেখি, কি কচ্ছেন। কেশিয়ো, তুমি এইখানে একটু অপেক্ষা কর যদি সুযোগ পাই, তোমার কথা ভুলব। আমার সাধ্যমত কোন ক্রটি হবে না।

কেশি। দেবি, আমার বিনীত ধন্যবাদ গ্রহণ করুন।

[ডেজ্ ডিমোনো এবং এমিলিয়ার প্রস্থান।]

(বিয়াক্ষার প্রবেশ)

বিয়া। বৈচে থাক, বন্ধু!

কেশি। বাড়ী ছেড়ে এখানে কি মনে করে? কেমন আছ, সুন্দরি। সত্য বলছি, ‘আমি তোমারই কাছে যাচ্ছিলুম।’

বিয়া। আমিও তোমার বাসায় যাচ্ছিলুম। একেবারে এক হপ্তা দেখা নেই—সাত দিন সাত রাত! আট কুড়ি আট বাড়ি! যাকে বসে-বসে এমনি করে সময় গুণতে হয়, সেই জানে, সময় ফুরাতে চায় না—একদিন মনে হয়, এক যুগ!

কেশি। রাগ কোর না, ভাই! একদিন ভারি দুর্ভাবনায় দিন যাচ্ছে। তা হোক, সুদিন পেলে এ বিরহ-ঝগ্ন সুদ-সুদ শোধ দেব, সুন্দরি, (রুমাল প্রদান করিয়া) এইখানির মত একখানি রুমাল আমায় বুনে দাও দিকি।

বিয়া। বন্ধু, এ রুমাল কোথা থেকে এল? ও, বুঝেছি, বুঝেছি! কার সঙ্গে নৃতন ভাব হয়েছে—এ তারই উপহার। ও, তাই ত বলি, এত দিন দেখা নাই কেন? আমিই কেবল ভেবে মরেছি। শেষ এই হল! বেশ, বেশ!

কেশি। যাও, আর জালিয়ে না। নৃতন প্রণয়িনীর উপহার মনে করে তোমার রিষ হচ্ছে ও সব সয়তানের ফোসলানি গুন না। এ সয়তানী বুদ্ধি সয়তানের মুখের ওপর ছুড়ে ফেলে দাও। তোমার দিবি, তোমার সন্দ মিছে!

বিয়া। এ রুমাল তবে কার?

কেশি। তা ত জানিনি, ভাই, আমায় ঘরে পড়ে ছিল—পড়ে পাওয়া ধন। কিন্তু যে ফেলে গেছে,

সে আজ না হয় কাল সম্ভবতঃ ফিরে চাইবে।  
এক কাজটি আমার ভারি পছন্দ হয়েছে, তাই  
ফিরে দেবার আগে এমনি একখানি তোমায়  
দিয়ে বুনিয়ে নেব, ঠিক করেছি। তুমি এখানি  
নিয়ে যাও। দেখে, একখানি আমায় বুনে  
দিয়ে। আর এখন এখান থেকে সরে পড়।

বিয়া। সরে পড়ব—কেন?

কেশি। আমি এখানে সেনাপতির সঙ্গে দেখা  
করব বলে অপেক্ষা করছি। তিনি আমাদের  
যুগলরূপ দেখতে পান, সেটা ইচ্ছা করিনি।  
তাতে আমার যে খুব সম্মানবৃদ্ধি হবে, তাও  
মনে করিনি।

বিয়া। তার মানে?

কেশি। তার মানে এ নয় যে তোমায় ভালবাসিনি।

বিয়া। অর্থাৎ—ভালবাস না। বুঝেছি। তা না  
হয়, আমায় হুঁপা এগিয়ে দাও না। তাও  
পারবে না? আজ রাত্রেই দেখা পাব কি না,  
বল।

কেশি। আমি ত তোমার সঙ্গে বেশী দূর যেতে  
পারব না। এখানে আমায় সেনাপতির জন্তে  
অপেক্ষা করতে হচ্ছে। আমি শীগ্গিরই  
তোমার ওখানে যাবি।

বিয়া। বেশ! যখন পারবেই না, তখন আর  
চালা কি!

[উভয়ের প্রস্থান।]

## চতুর্থ অঙ্ক

### প্রথম দৃশ্য

সাইপ্রাস দ্বীপ—দুর্গ-সম্মুখ

(ওথেলো ও ইয়্যাগো)

ইয়া। এতে কি মনে হয়?

ওথেলো। মনে হয়? মনে আর কি হতে পারে?  
গোপন-চুষন নির্দোষ? এ যে সব সত্যতানের  
ওপর সত্যতানী। মন নিষ্পাপ হলেও এরূপ  
ব্যবহার প্রলোভনের উদ্দীপক। সে প্রলোভন  
থেকে স্বয়ং ভগবান্ও রক্ষা করতে অক্ষম।

ইয়া। মনে পাপ না থাকলে নিশ্চয় ক্ষমার যোগ্য।  
কিন্তু, ধরুন, আমার জীকে যদি আমি একখানা  
রুমাল দি—

ওথেলো। তাতে কি?

ইয়া। তাতে আর কি—তা হলে ত সেখানা তার  
জিনিস—সে যাকে ইচ্ছে তাকে দিতে পারে না  
কি?

ওথেলো। তার ধর্মও তার নিজস্ব সম্পত্তি। তাই  
বলে তাও কি সে বিলিয়ে দিতে পারে?

ইয়া। ধর্মের কথা, হুজুর, আলাদা। সে বস্তু  
অশরীরী—চোখে দেখা যায় না। যাদের নেই,  
প্রায়ই তারা দেখায় যেন কত আছে! ধর্মের  
কথা নয়। কিন্তু রুমালখানা—

ওথেলো। আঃ, আবার সেই রুমাল? ভগবান্,  
একেবারে যদি মন থেকে মুছে ফেলতে পারতুম!

হাঁ, তুমি বলেছিলে বটে—যত্নাচ্ছায়াচ্ছন্ন গৃহে  
অমঙ্গলের অগ্নিদূত বায়সের মত আমার স্মৃতিকে  
অভিভূত ক'রে আসছে।]—সেই রুমাল  
কেশিয়াকে দিয়েছে।

ইয়া। তা দিলেই বা, হুজুর!

ওথেলো। বেস্বর, বেস্বর! এ সুর আগেকার মত  
নয়।

ইয়া। যদি বলেই থাকি, আমি স্বচক্ষে দেখেছি, সে  
আপনার সর্বনাশ করেছে। যদি স্বকর্ণে শুনে  
থাকি, সে নানা কথা রটাচ্ছে। [এমন পাশও  
অনেক আছে—যারা, হয় প্রেমের ধান্দায়  
জীলোককে নাছোড়বাদা হয়ে ভজে, আর নয়  
গায়-পড়া জীলোকের পায়-ধরায় মজে,—এরা ত  
দায় পড়ে নানা কথা রটাবেই।]

ওথেলো। কিছু বলেছে?

ইয়া। বলেছে। কিন্তু, প্রভু, নিশ্চয় জানবেন, যা  
উগরেছে, তা ফের গিলে ফেলবে।

ওথেলো। কি রটাচ্ছে?

ইয়া। আজ্ঞে, রটাচ্ছে যে—[সে—যে—কত কি—  
জানিনি কি—]

ওথেলো। কি—কি?

ইয়া। নির্জনে আমোদ-প্রমোদ—

ওথেলো। আমার জীর সঙ্গে?

ইয়া। সঙ্গে বলুন, আর যা-ই বলুন, আপনার যা  
অভিরুচি।

ওথেলো। কি—কি—আমোদ-প্রমোদ—রুমাল  
স্বীকার—রুমাল—কবুল—কাসি—আগে বলুক,  
তার পর প্রমাণ! না—না—সর্বশরীর ধর  
ধর করে কাঁপছে—হাওয়ায় কাঁপে না—হাওয়ায়  
কাঁপে না—কারণ নইলে কার্য্য হয় না। শুধু  
কথায় কাঁপছি নি—আদর—চুষন—ধিক! নাক



—কাণ—ঠোট—এতদূর! সত্যি কি সম্ভব?  
কবুল—স্বীকার—রুমাল—সয়তান—সয়তান—  
(মুচ্ছা)

ইয়া। ধরেছে—ঔষধ—

বহ বহ গরল-প্রবাহ শিরে শিরে—  
সরল বিশ্বাসী নির্বোধ এমনি মজে!  
সাধবী সতী নির্দোষ রমণী  
হয় মিথ্যা কলঙ্ক-ভাগিনী।  
মহাশয়, মহাশয়—

(কেশিয়ার প্রবেশ)

কেশিয়ো, এ সময়?

কেশি। এ কি ব্যাপার?

ইয়া। সেনাপতির মুচ্ছা হয়েছে। মৃগী-রোগ—কালও  
একবার এমনি হয়েছিল।

কেশি। রগের কাছটা বেশ ক'রে বসে দাঁও দিকি।

ইয়া। না, না। জোর করে মুচ্ছা ভাঙলে মুখ দিয়ে  
গাঁজলা ভাঙতে থাকবে। দেখতে দেখতে বিকট  
উন্মাদের লক্ষণ সব দেখা দেবে। এই নড়ে  
উঠেছেন। তুমি একটু সরে যাও। এখনি বেশ  
জ্ঞান হবে। সেনাপতি স্তম্ভ হয়ে এখান থেকে  
উঠে গেলে তোমার সঙ্গে আমার একটা বিশেষ  
পরামর্শ আছে।

[কেশিয়ার প্রস্থান।

হুজুর, কি ব্যাপার বলুন দিকি? [আপনার  
মাথায় আবাত লাগেনি ত?

ওথেলো। ঠাট্টা করছ?

ইয়া। ঠাট্টা, হুজুর? দোহাই বলছি—না। আমি  
চাই—নিয়তির বজ্রাঘাত আপনি মাথায়ের মত  
মাথা পেতে নিন।

ওথেলো। মাথায়! কুলটার পতি মাথায় নয়—  
কিছুতকিমাকার পশু।

ইয়া। তাহলে, হুজুর ঠক বাছতে গাঁ ওজড় হয়।  
এই সহরের ঘরে ঘরে সব পশু।]

ওথেলো। কেশিয়ো সব কথা স্বীকার করেছে?

ইয়া। মশায়, মনুষ্য বিসর্জন দেবেন না। [ভেবে  
দেখুন, যার জী আছে, তারই আপনার মত দশা  
ঘটেতে পারে। কলঙ্কিত শয্যা পবিত্র মনে করে  
কত লোক আরামে শয়ন করছে। আপনার ত  
বরাত ভাল! সতী ভেবে কুলটাকে নিঃসংশয়ে  
সোহাগ করা—সয়তানের নারকীয় উপহাস।  
না, হুজুর, এমন ভেড়ো আমি হতে চাইনে।

আমি ঠিক জানতে চাই, আমার জী সতী কি  
অসতী। আমার সঙ্গে সে যে রকম ব্যবহার  
করবে, তেমনি ঠিক কড়ায় গণ্ডায় শোধ  
পাবে।

ওথেলো। তুমি অতি বিচক্ষণ! ঠিক বলেছ!]  
ইয়া। আপনি একটু আড়ালে যান দিকি। মনের  
চারিদিকে বেশ করে ধৈর্যের বেড়া দিন।  
আপনি যখন নির্দারুণ মনঃকণ্ঠে—আর তাও  
বলি, এতটা বাড়াবাড়ি দেখানো আপনার মত  
লোকের পক্ষে ভাল নয়—মনঃকণ্ঠে এখানে  
অজ্ঞান হয়ে পড়েছিলেন, সেই সময় কেশিয়ো  
এসেছিল! কি করি! আপনার মৃগীরোগ  
বলে কোনরকমে তাকে সরিয়ে দিয়েছি। কিন্তু  
পরামর্শ আছে বলে এখনি আবার তাকে ফিরে  
আসতে বলেছি! সেও বলে গেছে, আসছি।  
আপনি এইখানটায় একটু লুকিয়ে থাকুন। তার  
ভাবভঙ্গী বেশ করে লক্ষ্য করুন। দেখবেন,—  
ঠাট্টা, বটকেরা, টিটকিরি, হেনস্তার ভাব স্পষ্ট  
যেন সমস্ত মুখখানা জুড়ে বসে রয়েছে। আমি  
কৌশল করে আবার তার পেটের কথা সব বের  
করে নেব। কোথায় কখন, কেমন করে, কতদিন  
ধরে, কতবার আপনার জীব সঙ্গের তার গুপ্তলীলা  
চলছে, আবার কবে ছুজনের দেখাশোনা হবে!  
আপনি খালি তার ভাবভঙ্গীতে বেশ ক'রে লক্ষ্য  
করবেন। কিন্তু সাবধান—সহিষ্ণুতা! নৈলে  
বুঝব, প্রতিহিংসায় আপনার মনুষ্যত্বকে একে-  
বারে জেরে ফেলেছে।

ওথেলো। শোন শোন,—শৃংগলের সহিষ্ণুতা,

কিন্তু বুঝিয়াছ?

ধৈর্যে ঢাকা সাংঘাতিক ক্রোধ-পিপাসা!

ইয়া। মন্দ কথা নয়—বেশ। কিন্তু হঠাৎ—কিছু  
করে বসবেন না যেন! এখন লুকন।]

[ওথেলোর অন্তরালে গমন।

ইয়া। (স্বগত) কেশিয়ার সঙ্গে তার সেই রকিমতা  
বেশাটার কথা কইব। [দেহ বেচে বিবির পেট  
চলে, কিন্তু কেশিয়ার জ্ঞা পাগল। বেশাদের এই  
রোগ—অনেককে মজায়, কিন্তু একজনের জ্ঞা  
মজে।] প্রণয়িনীর কথায় ছোকরা একেবারে  
হেসে লুটোপুটি খায়। এই যে ইয়ার আসছেন।  
কেশিয়ো যত হাসবে, সেনাপতি তত ক্ষেপবে।  
এর ভাবভঙ্গী, হাসি, ছাব্লাম সব বেকুব  
সংশয়ী মত উলটো বুঝবে।

(কেশিয়োর পুনঃ প্রবেশ)

হন, সহকারী-সেনাপতি মহাশয়, খবর কি বলুন?

কেশি। সহকারী-সেনাপতি! একে ত মরেই আছি, তার উপর আবার তুমি ঠাট্টা করছ—ভাল থাকি কি ক'রে বল?

ইয়া। কর্তাকে বেশ করে বাগাও না, তোমার সহকারিপদ যায় কোথায়? (অনুচ্চ স্বরে)  
- আচ্ছা ভায়া, বাহালু করবার ভার যদি তোমার প্রণয়িনীর একতারে থাকত, কত শীগ্গির কাজ আদায় হত, বল?

কেশি। আঃ—সে হতভাগীর কথা আর বোল না!

ওথেলো। (স্বগত) ওঃ, প্রসঙ্গ উদয়মাত্রে হের হাশ্বঘটা!

ইয়া। মেয়েমানুষ যে পুরুষমানুষকে এত ভালবাসে, তা আমি ত কখন দেখিনি।

কেশি। আহা, বেচারী বোধ হয় সত্যিই আমার ভালবাসে।

ওথেলো। (স্বগত) মুখে অস্বীকার—  
যেন হাসিয়া উড়াতে চায় কথা!

ইয়া। ভায়া, শুনছ?

ওথেলো। (স্বগত) এইবার গোপন ব্যাভার—  
প্রকাশিতে করে অনুরোধ।

চমৎকার, চমৎকার!

ইয়া। বিবি ত চারদিকে রটিয়ে বেড়াচ্ছে, তুমি তাকে বে করবে। তোমার মংলব ঠিকি বল

• ত ভায়া?

কেশি। হা—হা—হা—

ওথেলো। (স্বগত) বটে, বটে! এত দস্ত, এত আশ্ফালন!

কেশি। আমি বে করব তাকে? সেই বেষ্ঠাকে?

ভায়া, আমাকে এতটা বর্বর ভেব না। একটু বুদ্ধি-বিবেচনা আছে বলে মনে কোর। হা—

হা—হা—

ওথেলো। (স্বগত) বটে, বটে, বটে, বটে!

জিত ষার, সেই হাসে!

ইয়া। সে কি? চারদিকে চেউ উঠেছে, তুমি তাকে বে করবে।

কেশি। দোহাই দাদা। অমন আবোল-তাবোল বোক না।

ইয়া। যদি মিথ্যে বলি ত আমি পাজির পাজি।

ওথেলো। (স্বগত) লেপিয়াছ কলঙ্কের কালি মম ভালে—ভাল! ভাল!

কেশি। এ সেই বাদরীর কাজ—সেই রটিয়ে বেড়াচ্ছে। [নিজের অন্ধ ভালবাসায় আত্ম-প্রতারিত হয়ে মনে করে, আমি তাকে বে করব। আমি তাকে কোন কথাই বলিনি।

ওথেলো। (স্বগত) ইয়াগো ইঙ্গিত করে—  
এইবার বলিবে আমূল বিবরণ।

কেশি। এই খানিক আগে এইখানে এসেছিল। যেখানে যাব, পেছনে পেছনে ছুটেবে! সেদিন সমুদ্রের ধারে দাঁড়িয়ে জন কয়েক ভদ্রলোকের সঙ্গে কথা কছি, ও মশায়! আহ্লাদি সেইখানে গিয়ে হাজির! গিয়েই আমার গলা জড়িয়ে ধরা—

ওথেলো। (স্বগত) হের রঙ্গ অভিনয়,—  
যেন হাবভাবে কয়—  
'প্রিয়তম, প্রাণপ্রিয়' মম।

কেশি। তার পর, মশায়, এই সোহাগ, এই কান্না, এই টানাটানি, হা—হা—হা—

ওথেলো। (স্বগত) কহিছে কি ভাবে  
হের লয়ে গিয়েছিল কক্ষে মোর।  
আরে দুর্লভ পামর।  
হেরি নাসিকার আশ্ফালন তোর—  
কিন্তু কোথা সে কুঙ্কর,  
হবে স্মৃতি-ভঙ্গ্য ষার!]

কেশি। নাঃ, ওর সঙ্গে আমার ত্যাগ করতে হবে—  
ইয়া। আর ত্যাগ করতে হবে! ঐ দেখ কে আসছে!

কেশি। [আর কে! কামাতুর গন্ধ-গোকুল! তবে, এর গন্ধে দিক্ আমোদিত!]

(বিয়াক্ষার প্রবেশ)

তোমার মতলবটা কি? আমার পেছনে এমন করে ঘুরে মর কেন?

বিয়া। আমার দায়! যম সপ্তটি তোমার পেছনে ঘুরুক! এ রুমালখান! আমাকে দেবার তোমার মংলবটা কি? আমাকে বোকা পেয়ে বোকা বুঝিয়ে দিলে, আমি তেমনি নিয়ে গেলুম! বললে, আমার রুমালে এমন ফুল তুলে দিতে হবে! সব ভাঁওতা! ঘরে পড়ে ছিল! কে ফেলে গেছে—জানেন না! নিশ্চয় এ কোন সুন্দরীর উপহার! আমি এর নকল তুলব!

এই নাও, তোমার পেয়ারের রুমাল-ওয়ালীকে  
রুমাল ফিরে দাও গে! যেখান থেকেই পাও,  
আমি এর একটা বুটুও তুলব না।

কেশি। আরে ছি ছি, সুন্দরি, রাগ করলে!

ওথেলো। (স্বগত) ভগবান, এই সেই রুমাল  
নিশ্চিত!

বিয়া। আজ সন্ধ্যার পর তোমার খাবার তৈরি  
থাকবে, খেতে ইচ্ছা হয়—খেয়ো। আর না যাও  
ত তোমার সঙ্গে এই পর্যন্ত। আবার যখন  
আয়োজন করব, তখন খেয়ো।

[বিয়াক্ষার প্রস্থান।

ইয়া। যাও, যাও, রাগ করে চলে গেল।

কেশি। ভাই ত! কাজেই যেতে হ'ল, নইলে  
চেষ্টায়ে রাস্তা মাং করবে।

ইয়া। আজ রাত্তিরে ঐখানেই খাওয়া-দাওয়া হবে  
না কি?

কেশি। হাঁ, তাই ত মনে করেছি।

ইয়া। বেশ, আমিও গিয়ে জুটে পারি। তোমার  
সঙ্গে একটা পরামর্শ আছে।

কেশি। দেখো ভাই, আশা দিয়ে নিরাশা কোর  
না যেন! আসবে?

ইয়া। আরে যাও, অত করে বলতে হবে না।

[কেশিয়ার প্রস্থান।

ওথেলো। (প্রকাশ ইয়া) বল, কি উপায়ে এই  
ছুরাত্মকে বধ করব?

ইয়া। দেখেছিলেন, কি নির্লজ্জ! অপকার্য করে  
আবার হাসির ধুম কি!

ওথেলো। ওঃ!

ইয়া। রুমালখানা লক্ষ্য করেছিলেন ত?

ওথেলো। আমারই রুমাল ত?

ইয়া। তার আর সন্দেহ আছে?—আমি হলপ করতে  
পারি। আর আপনার আহাম্মুক জীবী ওপরও  
ছোকরায় ভাব-ভক্তিতা বুঝুন, হজুর! রুমাল-  
খানা তিনি দিলেন ওকে, আর ও দিলে ওর  
রক্ষিতা বেণুকে।

ওথেলো। এক যায় নাহি হবে শোধ!

তিলে তিলে দীর্ঘকাল ধরি

মৃত্যু আশ্বাদন করাইব ছুরাত্মার!

আর পত্নী মম?—নারীরত্ন—সুধার আধার!

ইয়া। আর কেন? তার গুণের কথা ভুলে যান।

ওথেলো। সত্য! সে জাহান্নমে থাক, নরকে পচুক।

আজ রাজ্জেই তার জীবনের শেষ। এই দেখ,

আমার বুক প্রস্তরের মত কঠিন, আমি আঘাত  
করছি, আমার হাতে লাগছে! ওঃ! কিন্তু কি  
রূপ! কি মাধুরী! অতুলনা নারী! সম্রাটের  
অঙ্কশায়িনী হবার যোগ্য! রাজরাজেশ্বর তার  
দাসত্ব করে ধন্ত হতে পারে!

ইয়া। হজুর, সে সব ভুলে যান, নেনলে মনুষ্য  
হারাবেন!

ওথেলো। ভুলেছি। পাপিষ্ঠার গলায় দড়ি! কিন্তু  
যা সত্য, তাই বলছি! কি কারুকার্যনিপুণ! কি!  
মিষ্ট স্বর! গান শুনলে ক্ষিপ্ত পশুও শান্ত হয়! হাঁত  
পরিহাসে কথায়-বার্তায় কি অপরিমিত প্রতিভা!

ইয়া। এত গুণ আছে বলেই ত হজুর, সাদায়  
কালোর দাগ আরও বিস্তীর্ণ দেখায়—

ওথেলো। সহস্রবার, সহস্রবার! আর স্বভাব এতই  
মধুর—

ইয়া। আজে হাঁ, অতি মধুর!

ওথেলো। যা বলছ ঠিক! কিন্তু, হায়, হায়, ওঃ!  
বুক ফেটে যায়!

ইয়া। হজুর, আপনার স্ত্রীর অপরাধ যদি আপনার  
এতই মিষ্ট লেগে থাকে, তা হলে একখানা  
পরোয়ানা দিন, তিনি নির্ভয়ে যা

তা-ই করুন। আপনার যদি না কিছু মনে লাগে  
তা হলে অল্প কারুর কি ক্ষতি!

[ওথেলো। পাপীয়সীকে কুচিকুচি করে কাটব!  
আমার ঘরে ব্যভিচার!

ইয়া। ছি ছি, কি কুৎসিত কথা!]

ওথেলো। আমার কণ্ঠচরীর সঙ্গে!

ইয়া। উঃ আরও কুৎসিত!

ওথেলো। আমার কোন রকম বিষ এনে দাও—  
আজই রাত্রে। এসব কথা নিয়ে তার সঙ্গে  
আর আলোচনা করব না। কি জানি-যদি  
মায়াবিনীর মায়ায় মন টলে যায়! বিষ—বিষ  
এনে দাও। বিলম্ব নয়, আজই রাত্রে।

ইয়া। বিষ নয়, বিষ নয়, যে শয্যাসে কলঙ্কিত  
করেছে, সেই শয্যায় তাকে গলা টিপে মারুন

ওথেলো। চমৎকার! চমৎকার! অপরাধের  
উপযুক্ত দণ্ড! অতি চমৎকার।

ইয়া। আর কেশিয়ার ভার আমার। দুপুর রাত্রে  
এসে সব কথা আপনাকে জানাব

(নেপথ্যে তুরীরব)

ওথেলো। বেশ! বেশ! কিসের এ তুরীরব?

ইয়াগো। নিশ্চয় রাজ্যের কোন সংবাদ হবে

এই যে রাজদূত আসছেন কর্তীও সঙ্গে  
রয়েছেন দেখছি।

(লগোভিকো, ডেজ্‌ডিমনো এবং পরিচারকগণের  
প্রবেশ)

ডো। সেন্সার, সেনাপতি! ভগবান আপনার  
মঙ্গল করুন!

ওথেলো। নমস্কার, আমিও সর্বাস্তঃকরণে আপনার  
কুশল কামনা করি।

ডো। সামন্তরাজ আর পাত্র-মিত্র সকলে আপনাকে  
অভিবাদন জানিয়েছেন, আর এই পত্র দিয়েছেন।  
(পত্র প্রদান)

ওথেলো। রাজলিপি আমার শিরোধার্য।

(পত্র পাঠ)

ডেজ্‌। সেখানকার কি খবর দূতবর?

ইয়া। নমস্কার, আপনার দর্শনে বিশেষ আপ্যায়িত  
হলুম।

লডো। ধন্যবাদ! নমস্কার! সহকারী সেনাপতি  
কেমন আছেন?

ইয়া। এই একরকম বেঁচে আছেন।

ডেজ্‌। সেনাপতির সঙ্গে সহকারীর মনান্তর হয়েছে,  
আপনাকে সেটি মিটিয়ে দিতে হবে।

ওথেলো। ঠিক জানো?

ডেজ্‌। আমার কি কিছু বললে?

ওথেলো। (পত্র পাঠ) “ইহাতে যেন ক্রা না হয়।

যে হেতু ভূমি”—

লডো। আপনাকে নয়—পত্র পড়েছেন সহকারীর  
সঙ্গে সেনাপতির মনান্তর?

ডেজ্‌। হাঁ, শোচনীয় মনান্তর। সে মনান্তর দূর  
করবার জন্তে আমি সাধ্যের অতিরিক্ত কর্তব্যেও  
। কেশিয়াকে আমি সভাই ভালবাসি।

ওথেলো। ওঃ, নরকের আগুন!

ডেজ্‌। কি—কি?

ইয়া। আপনি কি উন্মাদ হয়েছেন?

ডেজ্‌। কেন, কেন? কি হয়েছে? রাগ করেছেন?

লডো। বোধ হয়, পত্র পড়ে বিচলিত হয়েছেন।

আমার অনুমান, পত্রে একে দেশে ফিরে যাবার  
জ্ঞাত আদেশ হয়েছে আর সহকারী এখানকার  
শাসনকর্তা নিযুক্ত হয়েছেন।

সুসংবাদ! আমি যথার্থই সুখী হলুম।

ওথেলো। বটে!

ডেজ্‌। প্রভু!

ওথেলো। তোমার বাতুলতায় আমিও খুব সুখী।

ডেজ্‌। প্রিয়তম—

ওথেলো। পিশাচী—(প্রহার)

ডেজ্‌। প্রভু, প্রভু, দাসী নিরপরাধ—

লডো। মহাশয়, আজ যা স্বচক্ষে দেখলুম, দেশে  
গিয়ে এ কথা হলপ্ করে বললেও কেউ বিশ্বাস  
করবে না। ওঃ, দারুণ লাঞ্ছনা। আশ্চর্য্য!  
এই মর্মান্তিক রোদন দেখেও আপনি নিশ্চিন্ত  
রয়েছেন! অন্ততঃ একটা মিষ্টি কথা বলে একে  
শান্ত করুন।

ওথেলো। প্রেতিনী, সয়তানী! নারীর কপট অশ্রু—  
প্রতিবিন্দু প্রতারণাময়! আমার সমুখ হতে  
দূর হও!

ডেজ্‌। প্রভু, শিরে ধরি আদেশ তোমার—  
নাহি রব তব চক্ষুশূল হয়ে!

(গমনোত্তর)

লডো। আহা, যেন ক্রীতদাসী! মশায়, মিনতি  
করি, ওঁকে ফিরে ডাকুন।

ওথেলো। ফিরে এস, ঠাকুরণ!

ডেজ্‌। কি আদেশ প্রভু?

ওথেলো। এই এসেছে—আপনার কি প্রয়োজন,  
বলুন।

লডো। আমার প্রয়োজন?

ওথেলো! কার তবে? ফিরিয়েছি তব অনুরোধে।

মহাশয় আশ্চর্য্য প্রকৃতি এই নারী—

গভাগতি বিচিত্র শক্তি!

ফিরে বার বার, তবু যায়।

আর নয়ন-ধারায়

ভাসাইতে পারে ধরা রোদন-নিপুণা!

আর অলুগত—

সত্য তব অনুমান—অতি অলুগত।

কাঁদ, কাঁদ, না হও বিরত!

মহাশয়,—এই পত্রের বিষয়—

কি সুন্দর অশ্রু-অভিনয়।—

রাজ্যদেশ মম প্রতি ফিরে যেতে সেথা—

যাও হেথা হতে, সত্তর ডাকিব পুনঃ—

মহাশয়, রাজ্যদেশ শিরোধার্য্য মম—

যথা-আজ্ঞা করিব গমন।

যাও, দূর হও!

[ডেজ্‌ডিমনোর প্রস্থান]

মম পদে মনোনীত কেশিয়ো হেথায়।

মহাশয়,

কৃপা করি নিমন্ত্রণ করুন গ্রহণ,

আজি রাত্রে একত্র করিব পানাহার।  
তব আগমনে আপ্যায়িত আমি।  
জঘন্ত পাশবাচার!

[ওথেলোর প্রস্থান।

লডো। আদর্শ-চরিত্র ব'লে আমাদের রাজসভায়  
এই মহাত্মার এত আদর! ইনি অক্রোধ, রিপু-  
পরবশ নন? [আর হৃদেবের প্রহরণ,  
হুনিমিত্তের শরাঘাত এঁর ধর্ম-বর্ষ ভেদ করতে  
পারে না?]

ইয়া। আর মশায়, সেনাপতির এখন বিস্তর  
পরিবর্তন ঘটেছে!

[লডো। ক্ষেপে যান নি ত? মাথা ঠিক আছে ত?  
ইয়া। ও, মশায়, ঠিক-বেঠিক এখন যেমন দেখছেন  
তাই। পূর্বের কথা—আমার কোন মতামত  
প্রকাশ করা উচিত নয়। বেঠিক যদি হয়ে থাকে,  
ভগবান করুন যেন ঠিক হয়!]

লডো। জীর গায় হাত তোলা?

ইয়া। সত্যই কাজটা বড় ভাল হয় নি। তবু যদি  
ঠিক বুঝতুম এই হাত-তোলাই চরম—তা হলে  
নিশ্চিন্ত হতে পারতুম!

লডো। এঁর কি এমনি স্বভাব, না, পত্র পড়ে  
মেজাজ গরম হয়ে এই কাণ্ড ঘটল?

ইয়া। আহা, আহা, আমায় আর জড়ান কেন?  
আমি যা দেখেছি, যা সব জানি, তা প্রকাশ করা  
আমার উচিত নয়। আপনি ওঁকে লক্ষ্য করলে  
ওঁর ব্যাভারেই বুঝতে পারবেন। কি করেন না  
করেন, আমায় কিছু বলতে হবে না। আপনি  
যান না, দেখুন না, এর পর কি করেন।

লডো। বড় দুঃখের বিষয়, লোকটাকে যা ভাবতুম,  
তা নয়।

[উভয়ের প্রস্থান।

## দ্বিতীয় দৃশ্য

দুর্গাভ্যন্তরে কক্ষ

(ওথেলো ও এমিলিয়ার প্রবেশ)

ওথেলো। তোমার চোখে কখন কিছু পড়েনি?

এমি। না। পড়েনি, কখন কিছু শুনিও নি!

সন্দেহও করিনি।

ওথেলো। আচ্ছা, তুমি ত অনেকবার দুজনকে একত্র  
দেখেছ?

এমি। দেখেছি, কিন্তু তাতে কখন কিছু দৃশ্য  
দেখিনি। দুজনে যা কথাবার্তা হয়েছে, আমি  
অন্ধরে অন্ধরে শুনেছি।

ওথেলো। কখন চুপি চুপি কথা হয়নি?

এমি। কখন না।

ওথেলো। কখন কোন ছলে তোমাকে—বর থেবে  
চলে যেতে বলেনি?

এমি। কখন না।

ওথেলো। এই, ধর, হাত-পাখাখানা কি এমনি  
কোন তুচ্ছ সামগ্রী আনবার জন্তে?

এমি। কখন না, কখন না।

ওথেলো। আশ্চর্য্য!

এমি। প্রভু, আমি সত্য বলছি, ঠাকুরাণী নিষ্পাপ।  
মিছে বলি ত আমার যেন ইহ-পরকাল নষ্ট হয়।  
যদি আপনার কোন সন্দ হয়ে থাকে, তা দূর  
করুন। আপনার নিশ্চল হৃদয়ে তা স্থান পাবার  
যোগ্য নয়। যদি কোন মন্দ লোক আপনার  
অন্তরে এ সন্দ তুলে দিয়ে থাকে, সে যেন নরকস্থ  
হয়! [ঠাকুরাণী যদি কপট, অবিবাসী, ধর্মভ্রষ্টা  
হন, তা হলে জানবেন, পুরুষমাত্রেয়ই কপাল  
পোড়া—স্বখের ভাগ্য কার নয়! সতী-সাক্ষীর  
মধ্যে যে হীরের টুকরো, সেও জানবেন—কয়লা।]  
ওথেলো। আচ্ছা, তোমার কত্রীকে এখানে একবার  
ডেকে দাও। যাও।

[এমিলিয়ার প্রস্থান।

বাক্য সুপ্রচুর—আশ্চর্য্য কি!

অতি অল্পবুদ্ধি দূতী নিপুণা এ কাজে,

ছলনা-প্রবীণা এ ত চতুরা কুলটা...

গুপ্ত পাপ-কথা।

অন্তরে আবদ্ধ রাখে চাবি-তালা দিয়ে!

তবু আচরণ করে ধার্মিকার মত—

দেখিয়াছি কতবার।

(এমিলিয়া ও ডেজ্‌ডিমোনার প্রবেশ)

ডেজ্‌। প্রভু, ডেকেছ আমায়?

ওথেলো। এস, প্রিয়ে, এস মোর কাছে।

ডেজ্‌। কেন, কেন?

ওথেলো। দেখি, দেখি অঁখি তব—

চাহ মুখ তুলে মম পানে।

ডেজ্‌। এ কি অনাস্থি খেয়াল তোমার!

ওথেলো। (এমিলিয়ার প্রতি) তুমি দরজার বাইরে  
থাক গে—কেউ যেন এসে আমাদের বিরক্ত না

করে। দরজা ভেজিয়ে রেখো ; কেউ এলে  
কেউ কেসো, কি কোন রকম ইঙ্গিত কোর।  
ফল্ফাল্য করে চেয়ে দেখছ কি ? তোমাদের  
যে পশা—আর কিছু নয়। শীঘ্র যাও।

[এমিলিয়ার প্রস্থান।]

ডেজ্। তোমার পায় ধরি, বল, এ সব কি বলছ ?  
তোমার কথা শুনে আমার ভয় হচ্ছে, কিন্তু কি  
বলছ, বুঝতে পাচ্ছিনি।

ওথেলো। বলতে পার, তুমি কি ?

ডেজ্। আমি তোমার স্ত্রী—সহধর্মিণী—দাসী।

ওথেলো। ধর্ম সাক্ষী করে বল—সহধর্মিণী।  
নরকের পথ পরিষ্কার কর, নৈলে তোর এই  
দেবীমূর্তি দেখে নরকের দূত তোকে স্পর্শ করতে  
ভীত হবে! পাপাচার ছলনায় আবরণ করে  
তোর পাপের মাত্রা বৃদ্ধি কর! শপথ করে  
বল—তুই নিরপরাধ!

ডেজ্। প্রভু, আমার অন্তর্যামী জানেন।

ওথেলো। হাঁ, তোর অন্তর্যামী জানেন, তুই ভ্রষ্টা।

ডেজ্। ভ্রষ্টা! কিসে আমি ভ্রষ্টা, প্রভু? কার সঙ্গে?

ওথেলো। আরে অভাগিনী, যাও, যাও, গেক না  
হেথায়।

ডেজ্। কি দুর্দিন আজি!

প্রভু, কেন কাঁদ অধীর হইয়ে?

হায়, হায়, দাসী কি এ অশ্রুপাত-হেতু?

যদি সন্দ মনে, মম পিতার কারণে,

ঘটে থাকে পদচ্যুতি-অপমান তব,

গঞ্জনার ডালি

কেন দেহ মম শিরে তুলি?

যেই শত্রু তব—হক পিতা—অরি সে  
আমার।

ওথেলো। বিধাতা যদি কেবল কঠোর হৃৎক দিয়ে  
আমায় পরীক্ষা করতেন; যদি হৃদয়ের ক্ষত,  
অপমান, লাঞ্ছনা-গঞ্জনা অবাধে আমার অনাবৃত  
মস্তকের উপর জলধারার মত বর্ষিত হত;  
দারিদ্র্যে আকণ্ঠ নিমজ্জিত হয়ে থাকতুম; কারা-  
বাসে হতাশাসে আমার দিন যেত,—সে সব সহ্য  
করবার জ্ঞান অন্তরে কোথাও না কোথাও এক-  
বিন্দু ধৈর্য থুঁজে পেতুম! কিন্তু হায়, কালপটে  
ঘণার অঙ্গুলি-নির্দিষ্ট স্থির প্রতিমূর্তি হয়ে একটি  
একটি দিন গণনা—তাও অনায়াসে সহ্য হত, সুখ-  
সৌভাগ্যের মত! কিন্তু যেখানে আমার হৃদয়ের  
আশ্রয়, জীবন-মরণের নির্দিষ্ট স্থান, যে উৎস

হ'তে আমার প্রাণের প্রাণ প্রবাহিত, নয় শুকিয়ে  
যায়—সে আশ্রয়ে বঞ্চিত হব, নয় স্বচক্ষে দেখব  
সে বঞ্চিত আশ্রয় জ্বলন্ত কুমিকীটের স্থতিকালয়—  
এতে ধৈর্যেরও ধৈর্যচ্যুতি হয়! [সে দেব-  
শিশুর কুসুমকান্তি নরকের কালিমায় ব্যাপ্ত  
করে!]

ডেজ্। প্রভু, আশা করি, তুমি আমায় পতিব্রতা বলে  
জান।

ওথেলো। হাঁ, হাঁ, আমিষ-লোলুপ নিদামমক্ষিকা।

তখনি প্রসবে পুনঃ তখনি গুরুদ্বিগী—

অবসাদ নাহি জানে যথা—

সেইরূপ পতিব্রতা তুমি।

হা রে অভাগিনী বিযলতা—

মুঞ্জরিত মাধুরী-আধার!

অতি উগ্র মদির সৌরভ যার—

পশি শিরায় শিরায়

পীড়ে ইঞ্জির-নিকর—

ছিল ভাল না জন্মিতে যদি!

ডেজ্। হায়,

অজ্ঞাতে কি অপরাধ করেছে অধীনী!

প্রভু, কি করেছি আমি?

ওথেলো। সুন্দর এ গ্রন্থ, এই শুভ্রপত্র

সজ্জিত কি লিখিবারে

কুৎসিত কুলটা নাম?

কি করেছি?—করেছি?

আরে আরে সামান্য বনিতা!

কহিতে কুকীর্তি তোর—

অগ্নি-দীপ্ত গণ্ডে মোর

লজ্জা হবে লাজে ভস্মীভূত!

কি করেছি? পেলে তব অপরাধ-ঘ্রাণ

দেবলোক ফিরাবে বদন যুগাভরে!

কলঙ্কের ভয়ে শশাঙ্ক মৃদিবে অঁথি!

লম্পটের শিরোমণি নিরুৎসাহ পবন—

বিলাস চুখন যারে-তারে—

লুকাইবে মেদিনী-জঠরে,

পাছে পশে কাণে জঘন্ত কাহিনী তোর!

কি করেছি? নির্লজ্জ গণিকা!

ডেজ্। ধর্ম সাক্ষী মম—মিথ্যা তব দোষারোপ!

ওথেলো। নহিস গণিকা তুই?

ডেজ্। কখন না—শপথ তোমার!

যদি কায়মন

পতিপদে করিয়ে অর্পণ,

পরস্পর্শ-পাপ হতে রক্ষিতে শরীর—

গণিকা-লক্ষণ নাহি হয়,  
নহি আমি দ্বিচারিণী কভু।  
ওথেলো। [নহি দ্বিচারিণী?  
ডেজ্। কভু নহে। মিথ্যা কহি যদি  
স্বর্গ-পথ রুদ্ধ হক মম!]  
ওথেলো। এ কি সম্ভব?  
ডেজ্। ভগবান্ ক্ষমা কর, প্রভু!  
ওথেলো। তবে ক্ষমা কর, পুণ্যবতী সতী!  
ভেবেছিহু তুমি সেই চতুরা গণিকা  
যেই,  
বরেছিল পতিরূপে এক অভাগারে।  
শুন প্রহরিণি,  
স্বর্গদ্বার-রক্ষকের  
বিপরীত আচরণে  
রক্ষা যেই নিরয়-তোরণ  
শোন, শোন!

(এমিলিয়ার পুনঃ প্রবেশ)

হাঁ, হাঁ—তুমি—তুমি—তোমারেই কহি—  
কার্য্য শেষ, লহ পুরস্কার,  
রুদ্ধ কর দ্বার—কোর না প্রকাশ কথা।

[ওথেলোর প্রস্থান।

এমি। কর্তার আজ এ কি ভাব! এ কি সখি!  
এমন হয়ে রয়েছ কেন? কি হয়েছে?  
ডেজ্। ওঃ, আচ্ছন্ন ঘুমের ঘোরে।  
এমি। কর্তার আজ কি হয়েছে?  
ডেজ্। কার?  
এমি। প্রভুর?  
ডেজ্। কে তোমার প্রভু?  
এমি। যিনি তোমার প্রভু—তিনিই আমার প্রভু।  
ডেজ্। আমার প্রভু কে? আমার কেউ নেই।  
আমাকে এখন কিছু বোল না। আমার বৃকের  
ভিতর কেবল কেঁদে কেঁদে উঠছে! কিন্তু কাঁদতে  
পারছিনি। চোখের জল ছাড়া আর আমার  
কোন উত্তর নেই। সখি, আজ রাত্রে আমার  
বিছানায় আমার সেই বাসরের চাদরখানি  
পেতে দিয়ে। ভুল না। তোমার স্বামীকে  
একবার ডেকে আন।  
এমি। কি হল! কেন এমন হল। এ কি ওলোট-  
পালোট!

[এমিলিয়ার প্রস্থান।

ডেজ্। সমুচিত যোগ্য ব্যবহার—  
কিন্তু সম্ভব নহে ত তবু—  
শুরু অপরাধ যদি করে লঘু জ্ঞান।  
(ইয়াগো সহ এমিলিয়ার প্রবেশ)

ইয়া। কি আদেশ, দেবি! আপনি কেমন আছেন?  
ডেজ্। বলতে পারি না! যারা ছোট ছেলেদের  
শিক্ষা দেয়, তারা কি কর্তার শাসন করে? তবে  
আমায় শাসন করতে এত লাজনা কেন? ভীক-  
শিশু সামান্য শাসনে বশ হয়, আমিও তেমনি।  
ইয়া। কি হয়েছে, দেবি?  
এমি। প্রভু আজ সখীকে গণিকা বলে অপমান  
করেছেন। আরও যে সব কদর্যা কথা বলেছেন,  
নির্দোষী হয়ে কখন তা সহ করা যায় না।  
ডেজ্। ঐ কি আমার নাম?  
ইয়া। কি নাম, দেবি?  
ডেজ্। যা তিনি বলেছেন?  
এমি। বলেছেন—দ্বিচারিণী। ছোটলোক মাতালও  
জঘন্য গণিকার সঙ্গে এমন ব্যাভার করে না!  
ইয়া। কেন এমন বললেন?  
ডেজ্। আমি কিছুই জানিনি—কেবল এইমাত্র  
জানি, আমি নিরপরাধ।  
ইয়া। আহা, আর কাঁদবেন না, কাঁদবেন না, শান্ত হ'ন।  
এমি। কত উৎকৃষ্ট সম্বন্ধ ত্যাগ করে, বাপ, স্বজন,  
স্বদেশ সর্বস্ব ছেড়ে আসা কি এই লাজনার জ্ঞান?  
এতে কাঁদবেন না!  
ডেজ্। সখি, তাঁর অপরাধ নেই, সবই আমার  
অদৃষ্টের দোষ।  
ইয়া। ষিক তাঁকে। তাঁর মাথায় এমন অনাস্থি  
খেয়াল উঠল কেমন করে?  
ডেজ্। ভগবান্ জানেন!  
এমি। এ যদি কোন কুটিল, কুচক্রী, নারকী  
সম্মতানের কাজ না হয় ত আমি গলায় দড়ি  
দেব! কোন নীচ, প্রতারণা, তোষামোদ করে  
সেনাপতির কাছ থেকে কাজ আদায় করবার  
জ্ঞান এই কুৎসা সৃষ্টি করেছে।  
ইয়া। পাগল না কি! এখানে এমন কে আছে?  
অসম্ভব!  
ডেজ্। যদি থাকে, ভগবান্ তাকে রূপা করুন।  
এমি। ভগবান্ রূপা করুন! কাঁসীকাঠ তাকে রূপা  
করুক। গণিকা! গণিকার মত কি দেখেছে যে  
বলবে? কার সঙ্গে নির্ভজের মত আলাপ করে?  
কোথায়? কবে? কুলটার লক্ষণ কি দেখেছে

যে সন্দ করবে? এ নিশ্চয় কোন নীচ, নরাধম,  
ঠক, বদ্মায়েস সেনাপতির চোখে ধুলো দিয়েছে।  
ভগবান করেন, এই সব পাশুদের মুখের মুখস-  
ঙুলে খসে পড়ে—আর তাদের বিবস্ত্র করে  
কম্পাতে পৃথিবীর একপ্রান্ত হতে আর একপ্রান্ত  
অবধি স্কন্ধ করান হয়!

।। আরে চোঁচাও কেন? আস্তে কথা কও  
না।

এমি। এদের শত ষিক! এমনি এক ভদ্রলোকই  
আমার নামে নানা কথা বলে তোমার মাথা  
গুলিয়ে দিয়েছিল। তুমি সেনাপতিকে পর্য্যন্ত  
সন্দ করেছিলে।

ইয়া। আরে যাও, যাও! কোথাকার আহাযুক!  
ডেজ্। হায় মতিমান, কহ মোরে,

কি উপায়ে করি দূর প্রভুর বিরাগ?

হও তুমি সুহৃদ আমার,  
যাও তাঁর কাছে।

হায়, অভাগিনী আমি, সত্য কহি,  
নাহি জানি কোন অপরাধে  
হারিয়েছি গুণমণি ময়!

বোল তাঁরে—

কহি জাহ্নু-পাতি—

ধ্যানে জ্ঞানে কিংবা আচরণে

যদি পতিপ্রেম বিনে

করে থাকি পর-আকিঞ্চন,

নয়ন, শ্রবণ, অণু ইন্দ্রিয় আমার

যদি স্নখ-আশে

পতি বিনা অণু কারে ভজে থাকে কভু—

যেন স্নখ-শান্তি

না পাই জীবনে কোন দিন!

ভালবাসি—

দাসী তাঁর জীবনে মরণে—

অকুল পাথারে

দেন যদি ভাসাইয়া মোরে,

ঘটবে বিচ্ছেদ,

কিস্ত—

প্রেম মম অবিচ্ছেদ রবে চিরদিন।

মর্গভেদী নির্দয় আচার—

নিষ্ঠুর ব্যাভার

হরে যদি জীবন আমার,

মম প্রেম পুণ্য পারাবার

কলুষিত নহিবে কখন।

[ জড়িত রসনা মম কহিতে ‘কুলটা’—

নাম উচ্চারণে

ঘৃণার উদয় হয় মনে,

হেন প্রলোভন কিবা ধরে এ ধরনী

যার তরে হব দ্বিচারিণী। ]

ইয়া। দেবী, শান্ত হ’ন! এ ক্ষণিকের বিকার  
শীঘ্রই দূর হবে। বোধ হয়, রাজাদেশের অণু  
সেনাপতির মন উত্তপ্ত হয়েছে, তারই কতকটা  
ঝাঁপ আপনার ওপর পড়েছে।

ডেজ্। ভগবান্ করুন, যেন তাই—

ইয়া। তাই বৈ আর কিছুই নয়। আমি নিশ্চিত  
জানি। [ঐ গুরুন, তৃত্যধ্বনি হচ্ছে! রাজ-  
দূতগণ ভোজনের অপেক্ষা করছেন।] যান,  
চোখের জল মুছে অতিথি-সংকারে প্রস্তুত হ’ন।  
যেমন ছিল, আবার সব তেমনি হবে।

[ ডেজ্/ডিমোন এবং এমিলিয়ার প্রস্থান।

( রডারিগোর প্রবেশ )

আরে, এস বন্ধু, খবর কি?

রড। তুমি আমার সঙ্গে অভ্যন্ত কুব্যবহার করছ।

ইয়া। কি কুব্যবহার করছি?

রড। কেবলই একটা না একটা অহিলে করে  
আমায় দিন দিন স্তোক দিচ্ছ। তোমার ব্যবহারে  
আশাপূর্ণ হওয়া ত দূরের কথা, বরং মনে হচ্ছে,  
যেন দিনে দিনে সব ভারসা ফরসা হয়ে আসছে।  
আর আমার বৈধ্য মানছে না। তোমার  
চাতুরীতে ভুলে এতদিন চূপ করে সহ্য করছি,  
আর করব না।

ইয়া। আমার একটা কথা শুনবে?

রড। তোমার কথা ঢের শুনেছি। তোমার  
কাজে-কথায় কোন সম্বন্ধ নেই—আসমান-জমিন  
তফাত।

ইয়া। তুমি আমার ঘাড়ে অন্টার দোষ চাপাচ্ছ।

রড। একটুও অন্টার নয়, সব সত্য। টাকাকড়ি  
সর্বস্ব খুঁয়েছি। ডেজ্/ডিমোনাকে উপহার  
দেবে বলে আমার কাছ থেকে যে সব হীরে-  
জহরৎ আদায় করেছ, তাতে একজন তপস্বিনীর  
মন টলটল হয়। তুমি আমায় বলেছ যে, সে  
আমার উপহার সব গ্রহণ করে আশা দিয়েছে,  
শীগ্গীরই আমার সঙ্গে আলাপ আপ্যায়ন  
করবে। কই, কাজে ত কিছু দেখছিনি।

ইয়া। বেশ ত! তুমি নিশ্চিত থাক।

রড। বেশ? নিশ্চিত থাকো। এ ফাঁকা  
আওয়াজে আর মন মানছে না। বেশ কি?



মোটাই বেশ নয়, বরং তোমার নীচতা।  
আমার ক্রমে ধারণা হচ্ছে, আমি ঠকেছি।  
ইয়া। বেশ!

রডা। আবার বলে, বেশ! বেশ কোন্‌খানটা?  
ডেজ্‌ডিমনার কাছে আমি সব কথা প্রকাশ  
করে দেব। আমার হীরে-জহরৎ যা নিয়েছে,  
সে যদি ফিরে দেয়, আমিও তার আশা ছেড়ে  
দেব। পরদ্বীপ লোভ করে যে পাপ করেছে,  
তার জন্তে ঘরে বসে অনুতাপ করব। আর  
সে যদি না দেয়, তা হ'লে তোমার কাছ থেকে  
সব আদায় করে নেব—বলে দিচ্ছি।

ইয়া। এখন এই ত তোমার কথা?

রডা। কথাও এই, কাজেও তাই দেখতে পাবে,—  
নিশ্চয়।

ইয়া। আরে বাঃ! এতদিন ধরা দাওনি, বন্ধু, যে  
তোমার ভেতর এত তেজ আছে! দেখ, আজ  
থেকে তোমার ওপর আমার ধারণা এই এত-  
খানি উঁচু হয়ে গেল। হাতখানা দাও, বন্ধু।  
ঠিক বলেছি, ভায়া, তুমি অত্যাশ্চর্য দাওনি।  
কিন্তু আমিও তোমার দিবা বলছি, বন্ধু, আমিও  
বাঁকা পথে চলিনি। তোমার সম্বন্ধে ঠিক সিধে  
পথে চলেছি।

রডা। এ পর্যন্ত ত তা বোঝা যাচ্ছে না।

ইয়া। বোঝা যাচ্ছে না, স্বীকার করি। আর  
তোমার সন্দেহও যে খুব যুক্তিসঙ্গত, তাও স্বীকার  
করি। কিন্তু, ভায়া, আজ যে সাহস বীর্য প্রতী-  
জ্ঞার আভাস দিচ্ছি, তা যদি সত্য হয়, তা হলে  
আজই রাত্রে তার পরিচয় দাও। তারপর  
কাল রাত্রে যদি না তোমার প্রণয়িনী সঙ্গে  
আলাপ করতে পাও, তা হলে আমাকে পৃথিবী  
থেকে সরাবার যত রকম কলকৌশল, ফন্দি  
করতে হয়, কোর।

রডা। কি, কথাটা কি? অত্যাশ্চর্য, অসম্ভব কিছু  
নয় ত?

ইয়া। সামন্তরাজের গুরুম এসেছে, কেশিয়ো এখান-  
কার শাসনকর্তার পদে নিযুক্ত হয়েছে।

রডা। বল কি! তা হলে ত তোমার সেনাপতি  
জীকে নিয়ে এখান থেকে আমাদের দেশে ফিরে  
চলল।

ইয়া। উহু! সেনাপতি যাবে তার জন্মভূমিতে।  
জীকেও নিয়ে যাবে—অবশ্য যদি একটা পাকচক্র  
করে না আটকানো যায়। তার একমাত্র  
নিশ্চিত উপায়—কেশিয়োকে সরানো।

রডা। সরানো! তার মানে?

ইয়া। মানে—শাসনকর্তা হবার সুকৃতি থেকে  
তাকে নিষ্কৃতি দেওয়া—অর্থাৎ তার গুপাত  
করা।

রডা। সেই গুপার কাজ তুমি আমাকে করতে  
বল?

ইয়া। নিশ্চয়—যদি নিজের হিত করতে চাও  
আপনার অাধ্য অধিকার স্থাপন করবার ইচ্ছে  
থাকে। শোন, আজ রাত্রে সে এক বেগ্‌য়ার  
বাড়ী খাওয়া-দাওয়া, আমোদ-আহ্লাদ করবে  
তার সৌভাগ্যের কথা সে এখনও শোনেনি।  
আমি তার সঙ্গে সেই বেগ্‌য়ার-বাড়ী দেখা করতে  
যাব। যাতে রাত দুপুর থেকে একটার ভেতর  
সে বাড়ী ফিরে, সেই রকম ব্যবস্থা করব। তুমি  
পথে ওৎ পেতে থাকবে, অন্যায়সে কাজ ফতে  
হবে। আমি তোমায় গুচি দেবার জন্তে  
তোমার কাছেই থাকব। দুজনের একজনের  
হাতে পড়বেই। হয় তুমি, নয় আমি, একজন  
কাজ হাঁসিল করতে পারব। এস, হাঁ করে  
দাঁড়িয়ে থাকলে কি হবে! আমার সঙ্গে চল।  
কেশিয়োকে সরানো দরকার। আমি যখন বেশ  
করে তোমাকে বুঝিয়ে দেব, তখন বুঝবে, এ  
কাজ তোনার না করলেই নয়। রাত হচ্ছে,  
খাবার-দাবার সময় হয়ে এল। এখন যাও,  
তব্বির করগে।

রডা। আমাকে কিন্তু ঠিক করে বুঝিয়ে দিতে হবে।

ইয়া। নিশ্চয়। একেবারে নিখুঁত করে বুঝিয়ে  
দেব।

[ উভয়ের প্রস্থান। ]

## তৃতীয় দৃশ্য

সাইপ্রাস—দুর্গ-কক্ষান্তর

(ওথেলো, লডোভিকো, ডেজ্‌ডিমনা, এমিলিয়া  
ও পরিচারকবর্গের প্রবেশ)

লডো। আর কেন আপনি কষ্ট করে আসছেন?  
ওথেলো। তা হ'ক, তা হ'ক। বেড়ালে আমি  
ভাল থাকি।

লডো। তবে বিদায় হই, ভদ্রে, নমস্কার!  
ডেজ্‌ডি। আপনি এসে পর্যন্ত খুব আনন্দে দিন  
কেটেছে।

ওথেলো। মশায়, চলুন তবে। এই যে ডেজ্-  
সিমানা!

ডেজ্। প্রভু?

ওথেলো। তুমি এখনি যাও, শোওগে, আমি এলেম  
বন্ধু। এমিলিয়াকে আজ ছুটি দিয়ে। দেখো,  
ভুল না।

হু। না, প্রভু!

[ওথেলো, লডোভিকো ও পরিচারকবর্গের প্রস্থান।]

আমি। কি ব্যাপার বল দিকি? এখন যেন সে-  
মানুষই নয়, বেশ ঠাণ্ডা মূর্তি!

ডেজ্। বলে গেল, এখনই ফিরে আসবে। আমার  
বললে, শয্যায় যেতে আর তোমায় ছুটি দিতে।

এমি। সে কি, আমার ছুটি দিতে!

ডেজ্। তাই বলে গেল। সখি, আমার শয্যার  
পরিচ্ছদ দিয়ে তুমি ধরে যাও। এখন কিছুতে  
ওকে বিরক্ত করা হবে না।

(প্রস্থানরতা) এমি। তুমি যাই বল, সখি!  
আমার মনে হয়, এমন লোকের সঙ্গে তোমার  
সাক্ষাৎ না হলেই ভাল হত।

ডেজ্। আমার তা মনে হয় না। আমি ওকে  
এত ভালবাসি যে, ওর মন্দ ব্যাভার, তিরস্কার,  
ক্রোধ, সবই—সখি, এই বাঁধনটা খুলে দাও—  
সবই আমার সুন্দর, সুমিষ্ট মনে হয়।

এমি। বিছানায় যে চাদর পাতে বলেছিলে, তাই  
আজ পেতেছি।

ডেজ্। সবই মিছে! সত্য, মনে কখন কি যে  
খেয়াল-ওঠে! সখি, যদি তোমার আগে আমার  
মৃত্যু হয়, সেই বাসরের চাদরে আমার শবদেহ  
ঢেকে দিয়ে।

এমি। ছিঃ, ও কথা বলতে আছে!

ডেজ্। আমার মায়ের একজন দাসী ছিল,—তার  
নাম বারবারা—সে তার স্বামীকে বড় ভাল-  
বাসত। তার স্বামী পাগল হয়ে তাকে ছেড়ে  
কোথায় চলে যায়। সেই দাসী একটি গান  
শিখেছিল। গানটি অতি প্রাচীন, কিন্তু শুনলে  
মনে হত যেন তার জীবনভরা ব্যথার কাহিনী।  
অস্তিম্বাৎ পর্যন্ত সে গানটি তার মুখে লেগে ছিল।  
সেই গান আজ কেবলই আমার মনে পড়ছে।  
কেবলই ইচ্ছে হচ্ছে, সেই দাসীর মত নিরালায়  
বসে, ভেমন করে হাতের ওপর মাথা রেখে  
কেবলই গানটি গাই। সখি, শীঘ্র সেরে নাও।

তোমার শয্যার পরিচ্ছদ আনিগে?

ডেজ্। না, এই বাঁধনটা খুলে দাও যে রাজদূত  
এসেছিল, সে অতি সুশ্রী পুরুষ।

এমি। খুব সুপুরুষ।

ডেজ্। কথাবার্তাগুলিও চমৎকার!

এমি। আমি একটি যুবতীকে জানি, যে একবার-  
মাত্র তাঁর চুখন-লালসায় নগ্নপদে সমস্ত পৃথিবী  
পর্যটন করতে পারত।

ডেজ্ (গীত)

তরুতলে একাকিনী বসি বামা বিমলিনী—  
অনিলে মিলায় ঘন শ্বাস।

হৃদিভরা দারুণ নিরাশ।

নতশির জাহ্নপর হৃদয়ে অর্পিত কর

যেন শোক-প্রতিমা প্রকাশ—

হৃদিভরা দারুণ নিরাশ।

রোদন বেদনা ভরে নদী প্রতিধ্বনি করে,

মরমর স্বরে তার মরম উজ্জ্বল।

হাহাকার দারুণ নিরাশ।

কমল নয়ন জলে, কঠিন পাষণ্ড গলে,

মলিন পল্লবজালে বেড়া কেশপাশ—

এগুলি রেখে দাও— (গীত)

হৃদে জ্বলে দারুণ নিরাশ।

সখি, বিলম্ব কোর না, এখনি সে আসবে।—

(গীত)

ছেড়ে গেছে সে আমারে, গঞ্জনা দিয়ে না তারে,  
কণ্ঠহার মম তার ঘৃণা উপহাস।

না, না, তা ত নয়—কে ও? দ্বারে কে আশ্বাত  
করে?

এমি। ও কেউ নয়, বাতাস।

ডেজ্। (গীত)

কপট কহিয়ে, হায়, বিদায় দিয়েছি তায়,  
চলে গেছে সে আমার ছিঁড়ি প্রেমকান্দ—

হৃদিভরা দারুণ নিরাশ।

বরি যদি অশু নারী, হবে তুমি স্বেচ্ছাচারী,  
প্রাইতে প্রেমের পিয়স—

এইবার তুমি যাও। আমার চোখ যেন করুক  
করছে, বোধ হয় জলের তারে—অনেক কান্দতে  
হবে।

এমি। না, না, ও সব বাজে কথা।

। সেইরকম ত প্রবাদ শুনেছি। ছি ছি, পুরুষমানুষের মন—সখি, সত্য করে বল দেখি— অধর্ম করে স্বামীর মনে ব্যথা দেয়, এমন স্ত্রী-লোক কি আছে?

এমি। আছে বই কি।

ডেজ্। যদি পৃথিবীর ঐর্ধ্য পাও, তুমি কি এমন অত্যাঁয় কাজ করতে পার?

এমি। তুমি কি পার না, সখি?

ডেজ্। না—এই চন্দ্রদেবকে সাক্ষী করে বলতে পারি—

এমি। আমিও সখি, চাঁদের আলোয় পারিনি, কিন্তু অন্ধকারে বেশ পারি।

ডেজ্। যদি পৃথিবীর সম্পদ পাও, তুমি এমন অধর্ম করতে পার?

এমি। সখি! পৃথিবী একটা প্রকাণ্ড জিনিষ, একটুখানি অধর্মের তুলনায় মস্ত প্রলোভন।

ডেজ্। আমার বিশ্বাস, তুমি কখনই অধর্ম করতে পার না।

এমি। আমারও বিশ্বাস, আমার করা উচিত। সে অধর্মের প্রতিকার আছে। আমি অবশ্য খুব কম দরে বিকৃত চাইনি। কিন্তু পৃথিবী পেলে! কেন! স্বামীর চোখে একটু ধূলা দিয়ে যদি তাকে পৃথিবীর সম্রাট করে দিতে পারি—ভালই ত! তার জন্যে আমি নরকে যেতেও রাজি।

ডেজ্। আমি কিন্তু কিছুতেই পারিনি—পৃথিবী পেলেও নয়।

এমি। কেন? পাপ ত পৃথিবীর চক্ষে? সেই পৃথিবী তোমার হলে, তখন অধর্মটুকুও মুছে ফেলবার উপায় হবে।

ডেজ্। না সখি, আমার মনে হয়, এমন স্ত্রীলোক নেই।

এমি। আছে, বিস্তর। এত আছে যে, পাপে পৃথিবী অর্জন করে আবার পাপের ফলে তা ভরিয়ে দিতে পারে! কিন্তু, তাও বলি, স্ত্রী অধর্ম করে স্বামীর দোষে। ধর, যদি স্বামী আপনার ধর্ম না রাখে; আমাদের প্রাপ্যটুকু পরকে বিলোয়; মিছেমিছে সন্দ করে পায় বেড়ি পরায়; এই ধর—মারলে; আক্রোশ করে খরচপাতি বন্ধ করলে; আমাদেরও কি রাগ আক্রোশ নাই? স্ত্রীলোকের মন যেমন গলে, তেমনি জলে। পুরুষদের ভাবা উচিত যে, আমরাও মাটির পুতুল নই। আমাদেরও চোখ আছে, নাক আছে। আমাদেরও জিবের তার

আছে—টক-মিষ্টি বুঝি। একটাকে ছেড়ে যখন তারা আর একটাকে নিয়ে মজে, সেটা কি? খেলা? খেলাই ত! সেটা কি ঝোঁক? তাই বটে! মনের দুর্বলতা? নিশ্চয়! আর আমাদের বুঝি তাদের মতন খেলার সাধ নাই? ঝোঁক, মনের দুর্বলতা নাই? তবেই পুরুষ হয় স্ত্রীর সঙ্গে ভাল ব্যাভার করুক, বুঝুক, স্ত্রীলোক মন্দ হয় তাদেরই মন্দ ব্যাভারে।

ডেজ্। যাও, সখি, বিদ্রূপদে করি আকিঞ্চন, মন্দ হতে মন্দ কভু না করি গ্রহণ, মম ক্রটি যেন তায় হয় সংশোধন।]

## পঞ্চম অঙ্ক

### প্রথম দৃশ্য

সাইপ্রাস—দুর্গসম্মুখ

(ইয়োগো এবং রডারিগোর প্রবেশ)

ইয়া। এই কানাচের আড়ালে লুকিয়ে থাক। কেশিয়ো এল ব'লে। তলোয়ার খুলে রাখ। একেবারে মোখাম্ কোপ ঝাড়বে, যেন এক ঘায়েই সাবাড় হয়। যাও, যাও, লুকাও। নাহি! আমি কাছেই আছি। মনে রেখো, আজ—হয় জয়, নয় ক্ষয়। এই মনে করে বুক বাঁধ।

রডা। তুমি কাছেই থেকো। আমার হাত থেকে যদি ফসকে যায়!

ইয়া। আমি কাছেই আছি। কোন ভয় নেই! যাও।

(ইয়োগো লুকায়িত হওন)

রডা। ও ত বেশ বোকাগলে দোষ নেই। কিন্তু তবু কেন বিধা হচ্ছে? এমন কি ক্ষতি! এই বৃহৎ সংসারে একটা লোক রইল আর গেল—তাতে ক্ষতি কি!—যম এসে বস অসি-মুখে!

(লুকায়িত হওন)

ইয়া। ঘষে ঘষে এ ছোকরাকে বেশ করে তাতিয়ে তুলেছি। এখন ও কেশিয়োকে মারুক, কি কেশিয়োই ওকে খুন করুক, আর নয়—হুটতেই কাটাকাটি করে ধ্বংস হ'ক, আমার ক্ষতি সব দিকে। ডেজ্ ডিমোনাঙ্কে দেব বলে র

কাছ থেকে যে সব হীবে-জহরং হাতিয়েছি, ও না  
মলে সেগুলো ফিরে দাবী করবে। তা কিছুতেই  
হবে না। আর কেশিয়ো যদি জীবিত থাকে,  
ও মহাশয় আমায় চিরদিন হীন, যুগ্ম হয়ে থাকতে  
হবে। তা ছাড়া সেনাপতিও সব ঘটনা প্রকাশ  
করে দিতে পারে, তাতেও বিপদ সমূহ।  
কেশিয়োর মৃত্যু অতি আবশ্যিক। কিন্তু চূপ!  
তার পায়ের শব্দ পাচ্ছি।

(কেশিয়োর প্রবেশ)

রডা। কেশিয়োর পদশব্দ—আমি ঠিক চিনি—  
সেই। নরাদম, তোর যম নিকট।

(কেশিয়োকে আক্রমণ ও আঘাত)

কেশি। যম নিকট হয়েছিল বটে, কিন্তু আমার  
অঙ্গত্যাগ আমাকে রক্ষা করেছে। এখন পরীক্ষা  
করি, তোমার রক্ষক কেমন।

(অস্ত্রাঘাত)

রডা। খুন করলে! খুন করলে!

(পশ্চাৎ হইতে ইয়াগোর দ্রুত আগমন ও কেশিয়োর  
পায় আঘাত করিয়া পলায়ন)

কেশি। ওঃ, জন্মের মত পা গেল কে আছ, রক্ষা  
কর, খুন—খুন—খুন!

(পতন)

[ (ওথেলোর প্রবেশ )

ওথেলো। কেশিয়োর আর্ন্তস্বর—ইয়াগো সত্যবাদী। ]

রডা। ওঃ, আমি মহাপাপী, নরাদম!

[ ওথেলো। নিশ্চয়। ]

কেশি। কে আছ, কে আছ, আলো, আলো! শীঘ্র  
কেউ একজন ডাক্তার ডাক।

[ ওথেলো। কেশিয়োর স্বর!

সাবাস, ইয়াগো! সাধু তুমি, ত্রায়বান!

মহৎ প্রকৃতি তব,

সখার ব্যথার ব্যথী, সখা,

ভাল শিক্ষা দিলে মোরে!

আরে রে স্বৈরিনী,

দেখ আসি প্রাণশূন্য প'ড়ে ধরাভলে

প্রাণের প্রণয়ী তব!

তোরেও ডাকিছে স্বরা নরকে নিয়তি।

রহ, রহ রে কুলটা, আসিতেছি আমি!

চিন্ত হতে গেছে মুছে কুহক তোমার—

আর নাহি মজাবে নয়ন।

কলঙ্কিনী রক্তধারে আজি স্নানশ্রিত,  
কলঙ্কিত শয্যা তব হবে স্মরজিত।

[ প্রস্থান।

(লডোভিকো এবং গ্রাটিয়ানোর প্রবেশ)

[ কেশি। একি! এখানে পাহারা, লোকজন  
কেউ নেই! কে আছ—খুন—খুন—ওঃ!  
গ্রাটি। নিশ্চয় কোন ছুঁতনা ঘটেছে—গুনছ  
আর্ন্তনাদ। ]

কেশি। আমার মৃত্যু নিকট, কেউ আমায় দেখ।

[ লডো। ঐ শোন!

রডা। হতভাগ্য, নরাদম আমি!

লডো। ছুঁতিন জনের আর্ন্তস্বর! ঘোর অন্ধকার!

কি ভয়ঙ্কর রাত্রি! এই সব আর্ন্তস্বর ছলনা হতে

পারে। লোকজন সংগ্রহ না ক'রে এগুনো

নিরাপদ নয়। ]

রডা। কেউ এল না? যে রক্ত ছুটেছে—তাতেই  
মারা যাব।

লডো। ঐ শোন!

গ্রাটি। এই যে শোবার পোষাকেই অস্ত্র-শস্ত্র আলো  
নিয়ে কে আসছে। ]

(ইয়াগোর প্রবেশ)

[ ইয়া। কে ওখানে? খুন—খুন ক'রে কে ঘন  
ঘন চাঁৎকার করছে?

লডো। জানিনি, মশায়।

ইয়া। আপনারা চাঁৎকার গুনতে পাননি?

কেশি। এই দিকে, এই দিকে। দোহাই তোমাদের,  
আমায় রক্ষা কর!

ইয়া। কি, ব্যাপার কি?

গ্রাটি। লোকটাকে মনে হচ্ছে যেন সেনাপতির  
পতাকাধারী—ইয়াগো।

লডো। সেই বটে। ও খুব সাহসী। ]

ইয়া। কে তুমি? এমন করে আর্ন্তকণ্ঠে চোঁচাচ্ছ  
কেমন?

কেশি। কে, ইয়াগো? আমায় ভারি জখম  
করেছে—কতকগুলো বদমায়েস মিলে। আমাকে  
রক্ষা কর।

ইয়া। কি সর্বনাশ, কেশিয়ো! এ কোন্  
ছুঁতদের কাজ?

কেশি। বোধ হয়, তাদের একজন এইখানেই  
কোথাও লুকিয়ে আছে—পালাতে পারেনি।

[ ইয়া। আরে বিশ্বাসঘাতক নরাদম সব! ওখানে

দাড়িয়ে তোমরা কারা? এগিয়ে এস, আমার সাহায্য কর।]

রডা। ওঃ! এ দিকে এসে আমাকে সাহায্য করুন।  
কেশি। ঐ সেই দলের একজন।

ইয়া। আরে নরঘাতী ছুরাঝা, আরে নরাধম!

(অস্ত্রাঘাত)

রডা। আরে বেইমান, নর-পিশাচ!

(মৃত্যু)

ইয়া। অন্ধকারে নরহত্যা! বদমায়েস চোর বেটারা  
লুকাল কোথায়? উঃ, কি নিস্তরঙ্গ, সহরে টু  
শব্দ নেই! কে আছ? খুন—খুন হয়েছে!

তোমরা কারা? এদেরই দলের না ভদ্রলোক?

লডো। আমাদের ব্যাভারেই বুঝতে পারবেন!

ইয়া। দূতবর!

লডো। আজ্ঞে হাঁ।

ইয়া। চিন্তে পারিনি, মাপ করবেন মশায়!

কতকগুলো বদমায়েস কেশিয়াকে জখম করেছে!

গ্রাটি। কেশিয়াকে!

ইয়া। কোথায় লেগেছে, ভায়া?

কেশি। আমার পা একেবারে ছুঁখানা করে দিয়েছে।

ইয়া। কি সর্বনাশ! [আপনারা একটা আলো

আনতে পারেন? আপাততঃ আমার জামা

ছিঁড়ে পা বেঁধে দি।

(বিয়াক্ষার প্রবেশ)

বিয়া। কিসের গোলমাল! চোঁচাচ্ছিল কে?

ইয়া। হাঁ। চোঁচাচ্ছিল কে!

বিয়া। এ কি! কেশিয়ো! কেশিয়ো! প্রিয়তম!

কি হল! কি হল! কি হল!

ইয়া। আরে জঘন্য গণিকা! ভায়া, তোমার

কাউকে সন্দেহ হয়, কে জখম করেছে?

কেশি। না।

গ্রাটি। আপনার ঐ দুর্দশা দেখে আমার বড়ই কষ্ট  
হচ্ছে। আমি আপনাকে খুঁজতেই গিয়েছিলুম।

ইয়া। কেউ আমাকে একটা বাঁধবার কিছু  
দিতে পারেন? আপাততঃ এই রকম থাক্।

এইবার একখানা চোঁকি—তা হলেই ধীরে ধীরে  
তুলে নিয়ে যাওয়া যায়।

বিয়া। রোস, রোস! আহা, মুর্ছা গিয়েছে! ওগো,

কথা কও, কথা কও!

ইয়া। সকলে শুমন, আমার ঘোর সন্দেহ, এই ভ্রষ্ট  
এ ব্যাপারে লিপ্ত আছে। ভায়া, একটু স্থির

হয়ে থাক।] আলো, আলো! এ কি! এ মুখ  
কি চেনা? না,—হ্যাঁ—অ্যাঁ—এ কি! আমাদের  
দেশের লোক! এ যে আমার বন্ধু রডারিগো!  
না—হ্যাঁ—সেই ত বটে! কি সর্বনাশ!  
রডারিগোই ত বটে!

গ্রাটি। কে, ভেনিসের রডারিগো?

ইয়া। আজ্ঞে হাঁ, সে-ই। আপনি একে চিনতেন?

গ্রাটি। চিনতুম বৈ কি!

[ইয়া। ওঃ, আপনি—গ্রাটিয়ানো! চিনতে পারি  
নি, মাপ করবেন, মশায়! এই সব রক্তারক্তি—  
কাণ্ড দেখে আমার মাথা গুলিয়ে গেছিল।  
নমস্কার!

গ্রাটি। নমস্কার!

ইয়া। ভায়া, এখন কেমন বোধ হচ্ছে? ওরে,

কে আছিস? একখানা চোঁকি নিয়ে আয়?

গ্রাটি। রডারিগো!

ইয়া। আজ্ঞে হাঁ; সে-ই বটে—সে-ই। এই যে খাটিয়া  
এনেছিস—বেশ করেছিস। কেউ সাবধানে একে  
এখান হ'তে উঠিয়ে নিয়ে যাও। আমি সেনা-  
পতির চিকিৎসককে ডেকে আনছি। আর তুমি,  
ঠাকরুণ, তোমার গলাবাজি এখন রাখ!  
ভায়া, যার মৃত-দেহ এখানে পড়ে রয়েছে, সে  
আমার বিশেষ বন্ধু ছিল। তোমাদের ভেতর  
কোন রেবারেবি ছিল?

কেশি। কিছুই না। আমি ওকে চিনিই না।

ইয়া। (বিয়াক্ষার প্রতি) এই যে, ঠাকরুণের মুখ  
একেবারে পাণ্ডাস হয়ে গেছে! একে ঘরে উঠিয়ে  
নিয়ে যাও।

(কেশিয়ো ও রডারিগোকে স্থানান্তরিত করা)

আপনারা অনুগ্রহ করে একটু দাঁড়ান ত। তারপর  
রজ্জিবি, মুখে যে এক ফোঁটা রক্ত নেই! মশায়রা  
চোখ দেখছেন—মড়ার মত! শুধু ফ্যালফ্যাল  
করে চাইলে কি হবে! আসল কথা বেশীক্ষণ  
চাপা থাকবে না। মশায়রা দেখুন, অনুগ্রহ  
করে ওর মুখের ভাবখানা একবার দেখুন,  
দেখছেন! ধর্মের ঢাক আপনি বাজে। জিবকে  
লাগাম কব্লে কি হবে! পাণ চোখ দিয়ে কথা  
কয়।]

(এমিলিয়ার প্রবেশ)

এমি। গোলমাল কিসের? কি হয়েছে?

ইয়া। একদল বদমায়েস ঘুটিয়ে রডারিগো কেশিয়াকে  
অন্ধকারে আক্রমণ করেছিল। বদমায়েসগুলো

পালিয়েছে। রডারিগো খুন হয়েছে, আর  
কেশিয়ো আধমরা।

এমি। অ্যা, সর্বনাশ! আহা, কেশিয়ো আধমরা,  
রডারিগো খুন!

ইয়া। বেখ্যাসক্তির এই পরিণাম। তুমি যাও,  
কেশিয়োক জিজ্ঞাসা করগে ত আজ রাত্রে  
কোথায় খাওয়া-দাওয়া হয়েছিল। কি! কথা  
শুনে যে হৃৎকম্প হচ্ছে!

বিয়া। খাওয়া-দাওয়া আমার বাড়ীতেই করেছিল,  
কিন্তু সেজন্ত ত আমার কাঁপুনি ধরেনি।

ইয়া। বটে, বটে! তোমার ওখানেই খাওয়া-  
দাওয়া করেছিল? এ কাজ তুমিই করেছ—  
পালিয়ে না, আমার সঙ্গে এস।

[এমি। ধিক্, ধিক্ তোকে, কুলটা!

বিয়া। আমি কুলটা নই। যিনি আমাকে গাল  
দিচ্ছেন, তিনি যেমন—আমি তেমনি সত্যী।

এমি। আমার মতন সত্যী! ধিক্, ধিক্ তোকে!]

ইয়া। মশাররা, অল্পগ্রহ করে চলুন। কেশিয়ো  
বেচারার পা বাঁধবার ব্যবস্থা করা যাক গে।  
এস রত্ন, প্রেমের পালা ছেড়ে এমন আর এক  
পালা গাইতে হবে! (এমিলিয়ার প্রতি) তুমি  
শীঘ্র দ্রুগে গিয়ে সেনাপতি আর কত্রীকে খবর  
দাও। আপনারা অল্পগ্রহ করে এগোন,  
আমি চিকিৎসক নিয়ে যাচ্ছি। (স্বগত)  
আজ রাত্রে আমার ভাগ্য-পরীক্ষা—হয় জয়,  
নয় ক্ষয়।

[সকলের প্রস্থান।

## দ্বিতীয় দৃশ্য

শয়নকক্ষ—ডেজ্ ডিমোনা নিদ্রিত।

একটি দাঁপ-প্রজ্জলিত।

(ওথেলোর প্রবেশ)

ওথেলো। যেই হেতু—

জান তুমি অন্তর্ধামী মম—যেই হেতু  
এ কঠিন ব্রত আজি করেছি গ্রহণ।  
কহিতে সে কলঙ্ক-কাহিনী,  
নির্মল তারকামালা নিবিবে গগনে—  
অনিবার্য যেই হেতু তায়-দণ্ডান।  
তবু.  
না করিব রক্তপাত, না দিব আঘাত

তুষার-ধবল শিলা জিনি  
সুচিকণ, শুভ্র অঙ্গে তার।

কিন্তু মৃত্যু সুনিশ্চিত—

নহে মায়াবিনী আরও মজাবে মানবে।

আগে নিবাই আলোক—

জীবন-আলোক তব নিবাব পশ্চাতে।

নিবাইয়ে তোরে, ক্ষোভ যদি হয় মনে,

রে উজ্জল কিরণ-শরীরি,

জালিবারে পারি তব আলোক আবার!

কিন্তু হায়, স্তম্ভা-প্রতিমা!—

নিপুণ সৃজনে যার আপনার সীমা

লজ্জিয়াছে আপনি প্রকৃতি,—

নিবিলে আলোক তব,

হেন বহ্নি নাহি কোন স্থলে,

যার বলে জলিবে জীবন-দীপ পুনঃ।

বৃন্তচ্যুত করিলে গোলাপ—

মঞ্জীবনী শক্তি দিতে কেবা পারে ফিরে?

না শুকাতো শ্রেয়ঃ তব

জীবন্ত তরুর পরে ভুজিতে স্তবাস।

কি সুরভি স্বাস—(চুশন)

স্পর্শে যার কঠিন হৃদয় গলে,

তায়দণ্ড খসে পড়ে দৃঢ় মৃষ্টি হতে!

তৃপ্তি নাহি চিতে—আর একবার

আরও একবার।

যদি মালিগা তোমার—মৃত্যু পরে

নাহি হরে পবিত্র স্তম্ভা তব,

বধি তোরে, আদরে ধরিব হৃদে পুনঃ।

আর একবার—শেষ বিদায়-চুশন।

কে জানিত প্রাণহর মধুর এমন!

বহে অশ্রু—

কিন্তু বজ্রসম নির্মম সে ধার।

পবিত্র এ শোক—

প্রিয়জনে দণ্ড দিয়ে ব্যথা করুণার।

জাগে এইবার—

ডেজ্। কে? প্রভু?

ওথেলো। হাঁ।

ডেজ্। শয়ন করবে?

ওথেলো। আজ শয়নের পূর্বে ভগবানকে স্মরণ  
করেছিলে?

ডেজ্। অবশ্য, প্রভু!

ওথেলো। যদি তাঁর চরণে সম্ভ্রতি এমন কোন  
অপরাধ করে থাক, যার জন্য মার্জনার  
প্রয়োজন, এখন তা ভিক্ষা কর।

ডেজ্। একি কথা, প্রভু?

ওথেলো। বুধা বাক্য। যদি ক্ষমা-ভিক্ষার প্রয়োজন থাকে, শীঘ্র কর। আমি ততক্ষণ অপেক্ষা করছি। মৃত্যুর জ্ঞা প্রস্তুত হও। মৃত্যুর পরে তোমার অধোগতি হয়, আমার তা ইচ্ছা নয়।

ডেজ্। মৃত্যু?

ওথেলো। হাঁ।

ডেজ্। কৃপাময়, কৃপা কর অবলায়!

ওথেলো। বেশ, সর্বাস্তঃকরণে আমিও বলি, কৃপাময় কৃপা কর অবলায়!

ডেজ্। প্রভু, কৃপাপাত্রী যদি বুঝে থাক মোরে, তবে কেন বধিবে অধীনী?

ওথেলো। হুঁ।

ডেজ্। কিন্তু তবু ভয় বাসি হেরিয়ে তোমায়।

ঐ মত ঘূর্ণিত নয়ন—

সাজ্বাতিক লক্ষণ তোমার!

নিষ্পাপ অন্তর মম, নহি অপরাধী,

তবু হৃদি আতঙ্কে শিহরে!

ওথেলো। ভাব তব অপরাধ।

ডেজ্। মনে প্রাণে ভালবাসে অধীনী! তোমায়

এই যদি অপরাধ হয়—

ওথেলো। সেই অপরাধ আর দণ্ড তার—মৃত্যু।

ডেজ্। হায়, কে কোথায় শুনেছে এমন

মৃত্যু-দণ্ড ভালবাসা অপরাধে!

এ কি ভয়ঙ্কর রুদ্ধ-মূর্ত্তি তব!

ক্ষণে ক্ষণে অধর চাপিছ দাঁতে,

সাজ্বাতিক উত্তেজনা-বশে—

কম্পমান কলেবর তব।

সর্বনাশ সৃষ্টনা এ সব!

প্রভু, প্রভু,

মম শির লক্ষ্য করি গজ্জ্বলি কি অশনি?

ওথেলো। চূপ! স্থির হও!

ডেজ্। হব স্থির, কিন্তু কিবা অপরাধ মম?

ওথেলো। যে আদরের বস্তু তোমায় আমি আদরে উপহার দিয়েছিলুম, সেই ক্রমাল তুমি কেশিয়াকে প্রণয়োপহার দিয়েছ।

ডেজ্। না, কখন না। তুমি তাকে ডেকে জিজ্ঞাসা কর।

ওথেলো। সাবধান, সাবধান, সুধামুখি! মিথ্যা

বোল না—জেন, এ তোমার মৃত্যুশয্যা।

ডেজ্। হোক, কিন্তু আজই নহে মৃত্যু উপস্থিত।

ওথেলো। এই দণ্ডে—

তাই কহি অকপটে ব্যস্ত কর পাপ।

জেন-স্থির,—

দারুণ শপথে—প্রতি কথা

অক্ষরে অক্ষরে যদি কর অস্বীকার,

নারিবে চালিতে সেই হৃদয় প্রত্যয়—

যাহে ভারাক্রান্ত অন্তর আমার।

মৃত্যু অনিশ্চিত তব।

ডেজ্। অন্তর্যামী ভগবান

কৃপা কর নিরুপায় অবলায়, প্রভু!

ওথেলো। উত্তম।

ডেজ্। তুমি প্রভু মম,

তুমিও কর হে কৃপা হয়ো না নিদয়।

ধ্যানে জ্ঞানে শ্রীচরণ বিনে নাহি জানি,

কহি সত্য বাণী—

নির্দোষ নির্মল স্নেহ বিনা

প্রেম কিবা প্রেম-নিদর্শন

কভু নাহি দিছি তারে।

ওথেলো। আরে ছলনাকল্পিনী,

স্বচক্ষে দেখেছি নিদর্শন তার করে।

[ছিল মনে, নির্ভরতা করি পরিহার

তায়-দণ্ডে দণ্ড দিব তোরে—

বলিরূপে করিয়ে অর্পণ;

কিন্তু তোর প্রতারণা ভাষে

শিলাময় হৃদয় আমার

জিবাংশা করিছে উত্তেজনা।]

কেশিয়োর হাতে দেখেছি ক্রমাল আমি।

ডেজ্। নহে দান মম—পেয়েছিল কোনরূপে।

প্রের দূত আনিবারে তারে,

সত্য কথা করিবে স্বীকার।

[ওথেলো। করেছে স্বীকার।

ডেজ্। কি?

ওথেলো। তোর সঙ্গে ব্যবহার তার—

ডেজ্। পাপ ব্যবহার?

ওথেলো। নিশ্চয়।

ডেজ্। কখন না। হেন কথা কখন না কবে।]

ওথেলো। না।

বাক্যের ছায়ার তার রুদ্ধ চিরতরে—

বিখস্ত ইয়াগো তার করেছে বিধান।

ডেজ্। প্রভু, প্রতারণিত তুমি হয়েছ নিশ্চয়—

কহে অন্তরাঙ্গা মম।

নাহি জীবিত কেশিয়ো?

ওথেলো। প্রতি কেশ হত যদি পরমায়ু তার—

মম প্রতিহিংসা বিশাল কবলে

স্বচ্ছন্দে লভিত স্থান সবে।

ডেজ্ হায়, প্রভারণা মজায়েছে তায়,  
সর্বনাশ সাধিয়াছে মোর।

ওথেলো। নিলজ্জ কুলটা,  
প্রণয়ীর হেতু  
কর শোক সন্মুখে আমার?

ডেজ্। মের না, মের না প্রাণে—  
দেহ চির-বিদায় আমারে।

ওথেলো। আরে দ্বিচারিণী—

ডেজ্। কর ক্ষমা আজিকার মত—  
বধো কালি—

ওথেলো। আরে যদি কর বল—

ডেজ্। দেহ অর্দ্ধ দণ্ড মোরে—

ওথেলো। অনেক দিয়েছি—  
আরক্ৰিয়ায় বিলম্ব না সয় আর।

ডেজ্। ক্ষণমাত্র—স্মরি ভগবান্।

ওথেলো। গেছে বহুক্ষণ—

(ডেজ্ ডিমোনার স্বাসরোধ করণ)

(নেপথ্যে এমিলিয়া) প্রভু, প্রভু, নিরন্তর কেন?

প্রভু, প্রভু!

[ওথেলো। কোথা হতে আসে শব্দ?

নহে স্তব্ধ? এখনও জীবিত?

দুর্বল হস্তের ক্রিয়া

নহে সম্পূর্ণ এখনও!

প্রস্তরে বেঁধেছি বুক,

তবু পূর্ণ কোমলতা?

নিবারিব যন্ত্রণা তোমার—যাও, যাও।]

(নেপথ্যে—এমিলিয়া) প্রভু, প্রভু!

ওথেলো। 'কে ও?

(নেপথ্যে এমিলিয়া। প্রভু, মিনতি করি, আমি

একটা বিশেষ সংবাদ দিতে এসেছি।

ওথেলো। ওঃ, এমিলিয়া, একটু অপেক্ষা কর।—

ফুরায়েছে!—

বুঝি, আসে দিতে

কেশিয়োর হত্যা সমাচার—

গুনেছি এইখানে স্বর—

এবে নিষ্পন্দ নিখর—

সমাধির অভ্যন্তর নিস্তব্ধ যেমন।

নড়ে বুঝি—না, না,—

খুলে দিব দ্বার?—

এমিলিয়া

আসি হেথা কবে কথা পত্নী সনে মম।

পত্নী মম? পত্নী মম! কে সে?

নাহি পত্নী মম!

ও হো, দুর্বল সময় ভার!

কি বিকার—বিকট আঁধার!—

যেন রাহ বিশাল কবলে

গ্রাসে রবি শনী,

কক্ষচ্যুত হবে ধরা—

আতঙ্কে শিহরে!

(নেপথ্যে এমিলিয়া) দোহাই প্রভু, দ্বার খুলে

দিন, একটা কথা বলব।

ওথেলো। ও, তুমি?—ভুলেছি।

রহ রহ, দিব খুলে।—

করি আবরণ।—

কোথা তুমি?

(দ্বার মোচন)

(এমিলিয়ার প্রবেশ)

কি সংবাদ?

এমি। প্রভু, কেল্লার বাইরে খুন হয়েছে।

ওথেলো। সে কি! এখন?

এমি। এইমাত্র।

[ওথেলো। পথলাস্ত স্রধাকর—মত্ততা আকর—

হয়ে ভবে ধরা সন্নিহিত

উদ্ভাদ করিয়ে সবে

খেলে এই সংঘাতিক খেলা।]

এমি। কেশিয়ো রডারিগোকে হত্যা করেছে।

ওথেলো। রডারিগো কেশিয়ো হুজনেই হত?

এমি। না, প্রভু, কেশিয়ো জীবিত।

ওথেলো। কেশিয়ো জীবিত! নহে হত?

বেস্তুর হত্যার স্বর!

[স্রমধুর প্রতিহিংসা গান

কঙ্কশ বায়স স্বর সম!]

ডেজ্। ও—ও—মিথ্যা অপবাদ—হত্যা—

এমি। এ কি আর্ডস্বর!

ওথেলো। স্বর? কি স্বর?

এমি। নিশ্চয়—নিশ্চয় আমার সখীর স্বর! কে

আছ? রক্ষা কর, রক্ষা কর! শীঘ্র এস!

সখি, প্রিয়সখি, কথা কও! আর একবার কথা

কও!

ডেজ্। নিরপরাধ—মৃত্যু—

এমি। হায়, কে এ সর্বনাশ করলে!

ডেজ্। কেউ না—আমি আপনি। সখি, বিদায়।

প্রভুকে বোল, যেন অভাগিনীকে কখন স্বরণ

করেন—সখি, চিরবিদায়! (মৃত্যু)

ওথেলো। সে কি! হত্যা কি করে সম্ভব?



এমি। অন্তর্যামী জানেন !  
 ওথেলো। শুনেছ ? বললে—আমি না।  
 এমি। শুনেছি। যা সত্য, আমাকে তাই বলতেই হবে।  
 ওথেলো। সত্য নয়, মিথ্যাকথা। যত্নকালে  
 মিথ্যা ব'লে জলন্ত নরকে গেছে। আমিই  
 হত্যা করেছি।  
 এমি। নরাদম, তোমার জ্ঞান মিথ্যা ব'লে সে স্বর্গে  
 গিয়েছে। [সে দেবী, আর তুমি নর-পিশাচ !  
 ওথেলো। পাপিষ্ঠা কুলটা ছিল।  
 এমি। তুমি মিথ্যাবাদী সয়তান !  
 ওথেলো। চপল প্রকৃতি—নীচগামী জলের মতন—  
 এমি। তুমি উগ্রমতি—আগুন যেমন,  
 তাই কহ নীচগামী—  
 সান্দ্রী সতী দেবীর মতন ! ]  
 ওথেলো। অতল নরকে হবে না আমার স্থান,  
 যদি প্রাণদণ্ড ক'রে থাকি অস্ত্রার কারণে।  
 —স্বামী তব জানে সব কথা।  
 এমি। আমার স্বামী !  
 ওথেলো। হাঁ, তোমার স্বামী।  
 এমি। আমার স্বামী জানে ভ্রষ্টা ব'লে ?  
 ওথেলো। হাঁ, কেশিয়োর সঙ্গে। [ভ্রষ্টা যদি না  
 হ'ত—ভগবান্ স্বরূহৎ হীরকখণ্ড দিয়ে আমাকে  
 আর একটা পৃথিবী গড়ে দিলেও আমি সে রত্ন  
 'বিনিময় করতেন না।]  
 এমি। আমার স্বামী ?  
 ওথেলো। হাঁ, সেই সর্বাগ্রে আমায় বলে।  
 [নির্মল প্রকৃতি, সাধু—পাপাচার চক্ষুঃশূল তার]  
 এমি। আমার স্বামী !  
 ওথেলো। বারবার এক কথা—বলুছি তোমার স্বামী।  
 এমি। সখি, সখি ! প্রবঞ্চক  
 প্রবল প্রণয়-মত্ত  
 দুর্বল হৃদয় লয়ে  
 করিয়াছে খেলা।  
 আমার স্বামী বলেছে অসতী ?  
 ওথেলো। হাঁ, তোমার স্বামী, তোমার স্বামী,  
 বুঝেছ—তোমার স্বামী।  
 [মম পরম সুহৃৎ—সাধু সজ্জন ইয়াগো।]  
 এমি। যদি সেই ক'রে থাকে হুর্নাম রটনা,  
 দগ্ধ হ'ক তিল তিল নরক-দাহনে !  
 ঘোর মিথ্যা কথা !  
 সখী মম  
 প্রাণ বিনিময়ে যুগ্ম আবর্জনা  
 অমূল্য রতন সম ধরেছিল হৃদে।

ওথেলো। এতদূর !  
 এমি। যতদূর শক্তি তব, কর মম প্রতি,  
 নাহি ডরি—কব উচ্চ করি—  
 নহ তুমি যোগ্য পতি তার,—  
 স্বর্গ-যোগ্য নহে যথা এ কুকীর্তি তব !  
 ওথেলো। নিজ হিত বাঞ্ছ যদি  
 কর সংঘত রসনা।  
 এমি। নাহি জান সহি কি যন্ত্রণা—  
 নাহি শক্তি তব, দণ্ড দিতে তা হ'তে অধিক।  
 আরে কাণ্ডজ্ঞানহীন মূঢ়,  
 প্রতারিত আরে রে বর্বর,  
 অপদার্থ আবর্জনা সম !  
 করেছ যে কাজ—  
 অজ্ঞভয় কি দেখাও মোরে ?—  
 মুক্তকণ্ঠে করিব প্রচার,  
 যায় যদি বিংশতি জীবন !  
 এস শীঘ্র কে আহ কোথায়,  
 কদাকার রাক্ষস হেথায়—  
 বধিয়াছে ঠাকুরাণী মম !  
 এস শীঘ্র—খুন—খুন।  
 (মন্টানো, গ্রাটিয়ানো এবং ইয়াগোর প্রবেশ)  
 মন্। কি—কি হয়েছে ? সেনাপতি !  
 এমি। স্বামী মম, আসিয়াছে তুমি ?  
 করেছ উত্তম কার্য—  
 যাহে আততায়ী জন  
 নিজকৃত হত্যা করে আরোপ তোমায় !  
 গ্রাটি। কি—ব্যাপার কি ?  
 এমি। কহে এই নরাদম,  
 ভ্রষ্টা জায়া জেনেছিল তোমার কথায়।  
 প্রত্যয় না হয়—  
 হবে তব এ হেন দুর্ন্যতি।  
 যদি তব মনুষ্যত্ব থাকে এক রতি,  
 কহ এই দুরাচারে—‘মিথ্যাবাদী তুমি’  
 নীরব কি হেতু ? বল, বল,  
 ওঃ, গুরুভার অন্তরে আমার !  
 ইয়া। আমার যেমন মনে হয়েছিল, তেমনি বলেছি।  
 সেনাপতি আমার কথার যেটুকু চাক্ষুষ প্রমাণ  
 পেয়েছেন, আমি তার এক তিল বেশী  
 বলি নি।  
 এমি। তুমি কখন বলেছ কি না—সে ভ্রষ্টা ?  
 ইয়া। হাঁ, বলেছি।  
 এমি। তুমি মিথ্যাবাদী। ঘোর নারকী মিথ্যাবাদী।  
 ধর্ম সাক্ষী, আমার অন্তরাত্মা সাক্ষী ! তোমার—

কথা মিথ্যা—জঘন্ত মিথ্যা! ভ্রষ্টা? কেশিয়োর  
নাম করেছ?

ইয়া। হাঁ, কেশিয়ো। চূপ—

নাহি কর রসনা চালনা।

এমি। চূপ? কখন না।

কর্তব্য আমার

শত রসনায় করিবে চালনা।

অস্তিম শয্যায় ঠাকুরাণী মম—

চিরস্থির আততায়ী করে!

সকলে। কি সর্বনাশ! কি সর্বনাশ!

এমি। আর তুমি সেই সর্বনাশের কারণ।

ওথেলো। আপনারা বিস্মিত হবেন না—মিথ্যা

নয়—সত্য কথা।

গ্রাটি। যদি সত্য হয়—অদ্বিত সত্য!

মন্। কি ভয়ঙ্কর কার্য!

এমি। প্রতারণা, প্রতারণা—নারকী ছলনা!

সন্দ নাহি আর—

স্মৃতি-ভরি জাগে সব কথা!

বুকেছি এখন!—অন্তর্যামী মন—

হয়েছিল সংশয় তখন।

ও হো। অনুতাপে হব আত্মবাতী—

হায়, হায়, নিদারুণ প্রতারণা!

ইয়া। কি বলছ? পাগল হয়েছ? কথা শোন,  
গৃহে যাও।

এমি। দয়া করি দেহ অনুমতি সবে—

সমক্ষে সবার

হৃদি-ভার করিব মোচন।

উচিত পালন স্বামীর আদেশ মম—

কিন্তু গুরুতর কর্তব্য সম্মুখে।

বুঝ স্বামি-গৃহে আর না ফিরিব!

ওথেলো। ও—ও—ও—

এমি। কঁাদ, কঁাদ—নুটায়ে অবনী!

বিলাপের ধ্বনি উঠুক গগন ভেদি!

আরে রে অভাগা!

বধিয়াছ যারে—

ছিল মধুময় নির্মল কুসুম—

সজোজাত শিশু সম নিষ্পাপ অন্তর!

ওথেলো। কখন না—কে বলে এ কথা!

ছিল ভ্রষ্টা হুস্কারিণী।

(গ্রাটিয়ানোর প্রতি) মহাশয়,

দেখি নাই এতক্ষণ!

অদূরে আত্মীয়্য তব নিদ্রায় মগন,

প্রাণ-বায়ু-পথ সত্ত্ব রুদ্ধ মম করে।

ভয়ঙ্কর বীভৎস এ কাজ

জানি আমি ভাল মতে।

আরে অভাগিনি, তোমার পিতা জীবিত  
নাই, পরম সুখের বিষয়! [ তোমার বিবাহে  
তিনি মগ্নাহত হয়েছিলেন। নিদারুণ শোক  
 তাঁর আয়ু-সূত্র ছিন্ন করেছে। আজ জীবিত  
 থাকলে এই হৃদয়ভেদী দৃশ্য দেখে ধর্ম, নরকের  
 ভয় তুচ্ছ ক'রে নিশ্চয় তিনি আত্মঘাতী হতেন। ]

ওথেলো। হৃদয়ভেদী ঘটনা—কিন্তু আমার এই  
কর্মচারী জানে যে, আমার স্ত্রীর চরিত্র কলুষিত  
হয়েছিল। কেশিয়ো নিজস্ব মুখে সে কথা স্বীকার  
করেছে! আমার স্ত্রীকে আমি যে প্রথম  
প্রণয়োগপহার দিয়েছিলুম, সেই রুমাল এই হুস্কারিণী  
সেই পাপাত্মাকে প্রণয়োগপহার দিয়েছিল। আমি  
স্বচক্ষে তার হাতে সে রুমাল দেখেছি। [ সে  
রুমাল অতি প্রাচীন নিদর্শন। আমার পিতা  
আমার মাকে উপহার দিয়েছিলেন। ]

এমি। হায়, ভগবান!

ইয়া। শোন, চূপ কর!

এমি। চূপ!—

উত্তপ্ত অন্তর করে জিহ্বায় তাড়না—

বাণ্য মম বক্ষাসম অবোধে বহিবে—

স্বর্গ, মর্ত্য, রসাতল যদি

সমস্বরে করিয়ে চীৎকার,

ছিছি বলি করে তিরস্কার—

না রব নীরব তবু!

ইয়া। শোন, অবুঝ হয়ে না, বাড়ী যাও।

এমি। কখন যাব না।

(ইয়োগো এমিলিয়াকে অস্ত্রাঘাত করিতে উদ্যত)

গ্রাটি। ছিছি নারীদেহে অস্ত্রাঘাত?

এমি। আরে মূঢ়! সে রুমাল আমি দৈবাৎ

কুড়িয়ে পেয়ে আমার স্বামীকে দিয়েছিলুম।

এই তুচ্ছ জিনিস হস্তগত করবার জন্তে ওর বিষম

জেদ হয়েছিল। চুরি করবার জন্তে বারবার

আমায় সাধ্যসাধনা করেছে!

ইয়া। পাপিষ্ঠা কুলটা!

এমি। ঠাকুরাণী কেশিয়োকে রুমাল দিয়েছিল!

মিথ্যা কথা! আমি কুড়িয়ে পেয়ে আমার

স্বামীকে দিয়েছিলুম!

ইয়া। হুনিয়ার ইল্লৎ! তোর মিথ্যা কথা!

এমি। তিল মিথ্যা নয়, কর প্রত্যয় সকলে।

আরে নারীঘাতী আত্মঘাতী মূঢ়!

দেবীর আদর কিবা বৃদ্ধিবে বর্কর!

(ওথেলো ইয়োগোকে আক্রমণ—ইয়োগো পশ্চাৎ  
হইতে এমিলিয়াকে অজ্ঞাঘাত করিয়া পলায়ন)  
ওথেলো। আকাশের অজ্ঞাগার হ'তে কি অসময়ে  
বজ্রাঘাত হয় না? আরে নর-প্রেত! নরকের  
অমূল্য রতন!

গ্রাটি। দেখ, দেখ, এ জীলোক চলে পড়ল!  
নিশ্চয় সাংঘাতিক আঘাত পেয়েছে।

এমি। হাঁ। ঠাকুরাণীর পাশে আমায় শুইয়ে দাও।

গ্রাটি। হুরায়া জী-হত্যা ক'রে পালাল।

মন্। [ও একটা ডাকসাইটে বদমায়েস।] এই  
অস্ত্র নিন্! সেনাপতির হাত থেকে কেড়ে  
নিয়েছি। কেউ দ্বার রক্ষা কর। একে বাইরে  
ষেতে দিয়ে না। যাবার জন্ত জোর করেন,  
বধ কোর। আমি সে দুর্বৃত্তকে ধরবার জন্ত  
চললুম। নরকের ক্রীতদাস!

[মন্টানো ও গ্রাটিয়ানোর প্রস্থান।]

ওথেলো। লাজ্জনার অধিক লাজ্জনা!

কাপুরুষ আমি—

নহে, বীরকরে অসি হরে তুচ্ছ জন!

গেছে সুনাম সৌরভ,

বীরত্ব-গৌরব মিছে!

কিবা ক্ষোভ—হ'ক সব অবসান।

এমি। [সখি,

করেছিলে মরণ-সূচনা মৃত্যুগানে

মানব-বচন যদি পশে তব কাণে—

শোন সখি,

আমিও গাইব সেই গান—

গানে প্রাণ হ'ক অবসান!]

রে নির্ধর! সতী ছিল জায়া তব—

তোমা বিনা জানিত না কারে।

কহি সত্য কথা—করি সত্যাত্ম

স্বর্গধামে করিব গমন।

মৃত্যু করি আলিঙ্গন—

সত্য ব্যক্ত করি মনোভাব। (মৃত্যু)

ওথেলো। ছিল অস্ত্র অসি এই কক্ষে—

অতি তীক্ষ্ণধার। এই যে হেথায়।

মহাশয়,

কক্ষান্তরে আছে মম প্রয়োজন।

(নেপথ্যে) গ্রাটি। যদি মৃত্যুকে আলিঙ্গন করবার

ইচ্ছা থাকে, তবে বেকুবের চেষ্টা কোর। মনে

থাকে যেন তুমি নিরস্ত্র।

ওথেলো। ভিতরে এসে আমায় দেখে কথা ক'ন,

নইলে নিরস্ত্র আমি আপনাকে আক্রমণ করব।

(গ্রাটিয়ানোর পুনঃ প্রবেশ)

গ্রাটি। ব্যাপার কি?

ওথেলো। হের অসি—বীরকরে বীরের ভূষণ।

ছিল দিন—

যবে এই ক্ষুদ্র করে

ক্ষুদ্র অসি ধ'রে হলে অগ্রসর,

তোমা সম শত শত জন

রোধিতে নারিত মম পথ।

কিন্তু হায়, রুখা গর্ব! কে বারে নিয়তি।

নাহি সেই দিন—

নাহি ভয়, অস্ত্র হেরি না হও শঙ্কিত।

ক্লান্ত পান্থ—পর্যটন শেষ আজি মম।

জীবন-তরলী—

উপনীত মহাকাল-সাগর-সীমায়।

পাণ্ডু-গণ্ড কেন হেরি তব?

রুখা ভয়!

তৃণদণ্ড করিলে উত্তত,

এ ভগ্ন হৃদয়

না স্পর্শিতে লহবে বিদায়।

পত্নীঘাতি, মৃত্যু অস্ত্রে কোথা যাবে তুমি?

হা হতভাগিনি,

মহানিদ্রাঘোরে ধরেছ কি রূপ, বালা?

ওহো, তুষার-পাপুর মুখ!

যবে পরলোক-বিচার-ভবনে

মিলিব হৃদয়ে,

হেরি এ মুরতি তব

তখনি হইব স্বর্গচ্যুত!

নরকের দূত

ক্ষিপ্ত করে তাড়িবে আমায়!

হিম—হিমকায়—

তুষার সমান অমল ধবল,

নির্মল সতীত্ব তব যথা।

আরে নরকের ক্রীতদাস!

হেন স্বর্গদৃশ্য দরশনে

নাহি তব অধিকার।

পিশাচনিচয়

কশাঘাতে কর মোরে দূর!

দুরন্ত ঝঞ্ঝায় কর তাড়না আমায়!

দগ্ধ কর উত্তপ্ত গন্ধকে!

সুগভীর অগ্নিহুদে রাখ ভুবাইয়ে!

ওহো, প্রিয়তমে!

কোথা তুমি! নাই—নাই—নাই!.

ও—ও—ও—

(লডোভিকো, মনটানো, চেয়ারে উপবিষ্ট কেশিয়ো,  
কস্মুচারিগণ এবং বন্দিবেশে ইয়োগোর প্রবেশ)

লডো। হঠকারী সে অভাগা কোথায়?

ওথেলো। ওথেলো আছিল যার নাম—এই যে  
হেথায়।

লডো। আর সে কালসর্প কৈ? ছরাদ্বাকে সম্মুখে  
নিরে এস।

ওথেলো। শুনিয়াছি,

সয়তান—পশুসম খণ্ডিত চরণ,

কিন্তু সত্য নহে—গল্প কথা।

সত্য যদি ছারাদেহী প্রেত ভুই,

মম অস্ত্রে না হবি নিধন।

(ইয়োগোকে অজ্ঞাবাহত)

লডো। অস্ত্র কেড়ে নাও।

ইয়া। মহাশয়, আমার সাজ্জাতিক আঘাত লাগেনি।

কেবল রক্তপাত হচ্ছে।

ওথেলো। নহি ক্ষুর আমি, রহ দীর্ঘজীবী হয়ে।

বুঝিয়াছি ভালমতে,

জীবন যন্ত্রণাময়, মৃত্যু সুখকর।

লডো। ছি ছি, সেনাপতি! তোমার মত বিচক্ষণ  
সজ্জন এই নরাধমের চক্রান্তে জড়িত হ'ল?

তোমাকে আর কি বলব!

ওথেলো। যথা অভিরুচি তব।

হত্যাকারী—শ্রায়-দণ্ডধারী—

ইচ্ছা যদি মনে।

করি নাই নারীহত্যা হেয় ঈর্ষাবশে।

ধর্মজ্ঞানে করেছির শ্রায়দণ্ড দান।

লডো। এই নরাধম কতকংশে নিজের দোষ স্বীকার  
করেছে। কেশিয়োর হত্যার জন্ত তোমরা  
কি ছুজনে ষড়যন্ত্র করেছিলে?

ওথেলো। হাঁ।

কেশি। প্রভু, প্রভু, আমি আপনার চরণে কোন  
অপরাধ করিনি!

ওথেলো। সে কথা এখন আমি সম্পূর্ণ বুঝেছি।

তুমি আমায় মার্জনা কর। আর তোমায়

মিনতি করি, এই নরপিশাচকে জিজ্ঞাসা কর,

আমার ইহপরকাল কেন এমন ক'রে নষ্ট করলে?

ইয়া। আমাকে মিথ্যা জিজ্ঞাসা। যা জেনেছ, তা'  
জেনেছ। এই মুখ বন্ধ করলুম, আর একটা

কথাও বেরুবে না।

লডো। ভগবানের নামও নয়?

প্রাটি। দণ্ডের যন্ত্রণায় তোমার মুখ খুলবে।

ওথেলো। নীরব থাকাই তোমার পক্ষে ভাল।

লডো। যা ঘটেছে, আপনি শুনুন। বোধ হয়, এর  
ভিতরকার চক্রান্ত আপনি কিছুই জানেন না।  
রডারিগোর যখন মৃত্যু হয়, তার কাছে  
ছথানি পত্র ছিল। তার একখানিতে প্রকাশ,  
রডারিগো কেশিয়োকে হত্যা করবে।

ওথেলো। নরাধম!

কেশি। নৃশংস পামর!

লডো। আর এই পত্রখানি রডারিগো এই দুর্বৃত্ত  
পাষণ্ডের কাছে পাঠাবার উদ্দেশ্যে লিখেছিল।  
এতে ইয়োগোর দুর্ব্যবহার সম্বন্ধে অনেক কথা  
আছে। তার পর, সম্ভব, ইয়োগো তাকে হত্যা  
করে সকল কথার চরম উত্তর দিয়েছে।

ওথেলো। আরে দুষ্ট হীনমতি! কেশিয়ো, আমার  
স্বীয় রুমাল তুমি কোথায় পেয়েছিলে?

কেশি। আমার ঘরে পড়েছিল। এই পাষণ্ড এই-  
মাত্র স্বীকার করেছে, যে উদ্দেশ্যে সে রুমাল  
আমার ঘরে রেখেছিল, তা সিদ্ধ হয়েছে।

ওথেলো। ওঃ—মূঢ়—মূঢ়—মূঢ়!

কেশি। রডারিগোর পত্রে আরও প্রকাশ যে,  
ইয়োগোই তাকে আমার সঙ্গে ঘৃণ্ডে উত্তেজিত  
করেছিল। তার জন্ত এই পত্রে বিস্তারিত বিবরণ  
আছে। সেই ঘৃণ্ডের কারণে আমি পদচ্যুত হই।  
রক্তপাতে রডারিগো অনেকক্ষণ মুর্ছিত হয়েছিল।  
চেনন হবার পর মুখেও সে স্বীকার করেছে যে,  
আমাকে হত্যা করবার জন্ত ইয়োগোই তাকে  
উত্তেজিত করেছিল। আর তাকেও আঘাত  
করেছে এই নরপ্রেত!

লডো। ওথেলো, এক ক্ষণ পরিত্যাগ ক'রে তুমি এখন  
আমাদের সঙ্গে চল। তোমার পরিবর্তে কেশিয়ো  
এখানে শাসনকর্তা নিযুক্ত হ'ল। যদি এমন  
কোন নির্ধূর দণ্ড থাকে, যাতে এ পামরের  
যন্ত্রণারও অবধি থাকবে না, অথচ জীবনও শীঘ্র  
শেষ হবে না—এর জন্ত সেই দণ্ড নির্দিষ্ট রইল।  
ওথেলো, রাজদ্বারে তোমার অপরাধ যত দিন না  
জ্ঞাপন করা হয়, তুমি কারাগারে আবদ্ধ থাকবে,  
নিরে এস।

ওথেলো। তিষ্ঠ ক্ষণকাল, মহাশয়!

আছে কিছু বক্তব্য আমার।

মম সাধ্যমত সাধিয়াছি রাজহিত কিছু,  
জানে সব—

আলোচনা নাহি প্রয়োজন তার।

এক মাত্র মিনতি আমার—

যবে নিদারুণ সমাচার

রাজ্যে করে করিবে প্রেরণ—  
 অবিকল যথাযথ করিয়ে বর্ণনা,  
 নাহি কর দোষ আবরণ, কিংবা  
 ঘেঁষ-ভরে রঞ্জিত কাহিনী অভাগার।  
 বোল, প্রেমাস্ক বাতুল—কিন্তু  
 ভালবাসা ছিল তার অতুল জগতে।  
 নহে স্বভাবের দোষে,  
 কুচক্রীর ছলে পড়ি সংশয়-কবলে  
 হয়ে মতিচ্ছন্ন—  
 হারিয়েছে হিতাহিতজ্ঞান।  
 তাই না করি যতন  
 ছল্লভ সে মুকুতা-রতন—  
 জঞ্জাল যেমন,  
 দেছে ফেলে বর্ষরের মত !  
 বোল—অশ্রুহীন নীরস নয়ন  
 গলে নি কখন যার,  
 আজি নিদারুণ ষায় বর্ষে বারিধার,  
 বনস্পতি রস যথা অজস্র ধারায় !  
 রাজগদে নিবেদিয়ে এ সব বারতা।  
 আর এক কথা—  
 একদিন আলিপো নগরে,  
 উষ্ণীষ-মণ্ডিত ছুঁই তুর্কী একজন,  
 অপযশ ঘোষিয়ে রাজার,  
 করেছিল রাজভক্ত প্রজার প্রহার।  
 ধরি গ্রীবা তার—  
 উপেক্ষিয়ে নিশ্চিত মরণ—  
 দিছি সে কুকুরে আমি দণ্ড এই মত।

( বক্ষে অসি বিদ্ধকরণ )

[ লডো । হায়, হায় কি নিদারুণ পরিণাম !

আমাদের সকল অভিপ্রায়ই ব্যর্থ হ'ল !  
 ওথেলো । চুষনে দিয়েছি শেষ বিদায় তোমার,  
 জীবনে মরণে সমভাব—  
 এই মাত্র পথ—  
 মৃত্যুর মিলনে দেহ, সতি, চুষন আমার !  
 ( ডেজ্‌ডিমনার মৃতদেহের উপর পতন  
 ও মৃত্যু )

কেশি । আমার এই আশঙ্কাই ছিল। সেনাপতির  
 হৃদয় অতি উচ্চ, অতি উদার ! কিন্তু এঁর কাছে  
 যে অস্ত্র ছিল, সে কথা একবারও মনে হয় নি।  
 লডো । আরে নারকী কুকুর !

শোক সর্বনাশী বুভুক্ষা রাক্ষসী,  
 কিংবা সর্বগ্রাসী সাগর হইতে  
 হরস্ত শোণিত-ভূষা তোর।  
 দেখ্ কীর্তি তব—  
 শবভারে শয্যা নিপীড়িত।  
 দৃশ্য বিষময়—শীঘ্র কর আচ্ছাদন।

( গ্রাটিয়ানোর প্রতি )

মহাশয়, তব ভার রক্ষিতে আগার।  
 মৃত সেনাপতি ছিল আত্মীয় তোমার,  
 বিষয়-লম্পদ তার অধিকার তব।

( কেশিয়ার প্রতি )

রাজ-প্রতিনিধি !  
 দুরাগ্নার দণ্ডভার  
 তব করে করিহু অর্পণ।  
 স্থান, কাল, নির্ধাতন,  
 বিধিমত করিবে বিধান।  
 রাজ-সম্মিধানে আমি চলিহু এখনি,  
 শোকাভুর চিতে দিতে শোকের কাহিনী।

স্ববনিকা

সেক্সপীয়র-গ্রন্থাবলী

# ভেনিসের বণিক

( *The Merchant of Venice* )

উইলিয়াম সেক্সপীয়র প্রণীত

শ্রীসৌরীন্দ্রমোহন যুগোপাধ্যায় অনূদিত

## চরিত্র

পুরুষ	ল্যাম্বলট্ গবো	ভাঁড়
ভেনিসের ডিউক	বুদ্ধ গবো	ঐ পিতা
মরকোর রাজপুত্র	লিয়োনার্দো	বাসানিয়োর ভৃত্য
আরাগনের রাজপুত্র	বালথাসার	পোর্শিয়োর ভৃত্য/ষয়
আন্তনিয়ো	ষ্ট্রফানো	
বাসানিয়ো		নারী
গ্রাসিয়ানো		... ধনাঢ্য কুমারী
শালানিয়ো	পোর্শিয়া	... ঐ সহচরী
শালারিনো	নেরিসা	.. শাইলকের কন্যা
গরেন্জো	জেশিকা	ভেনিসের ওমরাহবর্গ ; বিচারালয়ের কর্মচারীগণ ;
শাইলক		কারাধ্যক্ষ ; গ্রহরী ; ভৃত্য ও অনুচরগণ ।
তুবাল	ভেনিসের ওমরাহবর্গ ;	সংস্থান :—কিয়দংশ ভেনিসে ; অবশিষ্ট অংশ বেলমণ্টে
	জেশিকার প্রণয়-পাত্র	
	ইহুদী	
	ঐ বন্ধু ; ইহুদী	

# ভেনিসের বণিক

## প্রথম অঙ্ক

### প্রথম দৃশ্য

ভেনিস—রাজপথ

(আন্তনিয়ো, সালারিনো ও শোলানিয়োর প্রবেশ)  
আন্তনিয়ো। সত্য, মনে কেন এই বিষাদের ছায়া  
বুঝিতে পারি না বন্ধু! বিষাদে মলিন  
হেরি মোরে তোমরাও হয়েছ কাতর!  
কিন্তু কেন বিষাদের এ মলিন মেঘ,  
কোথা হতে এলো, তার কিছু নাহি বুঝি।  
মনের এরূপ দেখি, সত্য কহি সখা,  
নিজেরে চিনিতে—যেন তাও পারি নে কো।  
সালারিনো। দোলে মন সাগরের তরঙ্গ-দোলায়—  
যে-তরঙ্গ বহি তব বাণিজ্য-তরঙ্গী  
বাতাসে পুরিয়া পাল চলে রঙ্গ-ভরে!  
ধনাঢ্য-সম্ভ্রান্ত কোনো নাগরিক পথে  
চলে যবে উচ্চশিরে শ্রমন্ত গৌরবে—  
দীন-জন সমস্বমে নোয়াইয়ে মাথা  
পথ ছেড়ে সরে যায়; ক্ষুদ্র তরী করে  
বাণিজ্য-তরীয়ে তব তেমনি সজ্জম!  
শোলানিয়ো। আমি তবে সত্য কহি, শুন হে  
পণ্য মোর জল-পথে থাকিত যতপি  
এমনি সঙ্কট-শঙ্কা-সংশয়ে জড়িত,  
আমার সকল চিত্ত প্রীতি-আশা সহ  
সুদূর সাগর-বক্ষে বেড়াতে ভাসিয়া;  
আমি হেথা নিরাশায় বসিয়া নীরবে  
তৃণপত্র উপাড়িয়া বাতাসে উড়ারে  
দেখিতাম, বায়ু বহে কোন্ দিক্ দিয়া!  
মানচিত্র খুলি কভু তার পানে চাহি  
খুঁজিতাম, কোথা পথ, কোথায় বন্দর,  
কোথায় বর্তিকা-ঘর, সেতু, সিঙ্ক-তীর!  
ঝড়-বৃষ্টি-বজ্রাঘাত—যে-কোনো বিপদে  
পণ্যের অহিত-শঙ্কা জাগিত এ-মনে;  
তাদের কল্পনা মাত্র জাগিলে হৃদয়ে  
হতেম চিন্তায় ক্লিষ্ট, বিষাদে কাতর।

সালারিনো। যে-বায়ু উত্তপ্ত ভোজ্যে করে স্থনীতল,  
করে রক্ষা, সুরসাল অমিয়-পরশে—  
সেই বায়ু আনে ঝঞ্ঝা সিঙ্কবক্ষ'পরে  
পণ্যভার-সহ তরী ডুবায় নিমেঘে,  
এ চিন্তায় ব্যথা মোর হতো নিদারুণ!  
বালু-ঘটি-যন্ত্র পানে পারি না চাহিতে—  
মনে হয়, জল-তলে গুপ্ত বালু-চর—  
সে বালুর চরে বুঝি বাণিজ্য-সম্ভার-  
পূর্ণ মোর পোত 'এণ্ড্রু' লভিল সমাধি—  
উচ্চ শির ডোবে তার মরণের পাকৈ!  
মনিরে যাইতে ডরি—আছে শিলা-বেদী,  
সে শিলা-বেদিকা হেরি ভয়ে বুক কাঁপে,  
কোথা সিঙ্ক-বক্ষে আছে প্রচ্ছন্ন এমন  
পাষণ-গিরির দেহ—পরশে তাহার  
চূর্ণ হয়ে যাবে মোর বাণিজ্য-তরঙ্গী  
বক্ষে লয়ে কত শত মহার্ঘ্য সম্ভার—  
মণি-রত্ন, সুকোমল কোষেয় বসন,—  
তরী-ভঙ্গে তরঙ্গের অঙ্গে রঙ্গে সব  
কোথায় ডুবিবে হায়, কিছু রহিবে না।  
সাগরের বৃক্ষে ছিল এতেক ঐশ্বর্য  
চকিতে কোথায় গেল! সকল হারাহু!  
এ চিন্তা নিয়ন্ত মনে রহিলে জাগিয়া"  
কেমনে প্রসন্ন রবো? ডুলিব বিষাদ?  
জুশ্চিন্তার রাশি...কিন্তু মোর কথা থাক।  
বুঝিয়াছি, কেন বন্ধু, ম্লান, সকাতির,  
এমন মলিন-মুখ তব আন্তনিয়ো—  
বাণিজ্য-তরঙ্গী লয়ে যত মাথা ব্যথা!  
আন্তনিয়ো। না, না, না—প্রত্যয় করো। সে  
কারণ নয়।

ভাগ্য মানি, আমার এ বাণিজ্য-বেসানি  
হু'একটি তরী লয়ে—হু'এক প্রদেশে  
নিবদ্ধ সে কভু নয়। একক বর্ষের  
ইষ্টানিষ্ঠে ব্যবসায় লাভ-ক্ষতি নাই।  
বৎসরের ফলাফলে সম্পত্তি-নির্ভর  
রাখি নাই কোনো দিন; এ সংশয় লয়ে  
চিত্ত তাই কোনো দিন নহে বিচলিত।  
সালারিনো। তাহলে এ প্রেম-ব্যাধি!

আন্তনিয়ো হাঁসি কো বাতুল।

সালারিনো। টি প্রেম নয়? তাহলে এ বিবাদের তব

একটি কারণ আছে। অর্থাৎ তোমার

মন খুশী নয়, তাই রয়েছ অসুখী।

কিন্তু হাসি-খেলা—সে তো সহজ সুলভ।

খুশী হও;—বুঝি, গেছে মনের বিবাদ!

দ্বি-শির জেনাশ দেব ভীষণ খেয়ালী!

মানুষ গড়েছে, দেখি, বেয়াড়া অদ্ভুত!

কেহ চায় মিটি-মিটি নয়নের আড়ে;

তোতা-পাখী সম কেহ হাসে অটহাসি

যেন বা বাজায় ভেঁপু! কেহ বা আবার

কাঁচু-মাচু মুখ সদা যেন কালি-ঢালা—

হাসি পেলে দাঁতে দাঁত জোরে চেপে থাকে—

দশন বা দেখে কেউ! গাভীর্ঘা-ঠাকুর—

সেও যদি বলে, হাসো,—তবু হাসেনা কো!

(বাসানিয়ো, লরেঞ্জো ও গ্রাসিয়ানোর প্রবেশ)

শোলানিয়ো। আসে বাসানিয়ো—তব প্রাণের স্বজন।

সঙ্গে তার গ্রাসিয়ানো, লরেঞ্জোও আছে।

আমরা বিদায় লই, যোগ্যতর সঙ্গী—

তাহাদের সাহচর্য্যে রাখিয়া তোমায়।

সালারিনো। নিরানন্দ এই তব অবসাদ-ভাব

যে-অবধি না ঘুচিত, রহিতাম হেথা—

যোগ্যতর কাম্য বন্ধু না আসিত যদি।

আন্তনিয়ো। তব সঙ্গ সম-কাম্য চিরদিন মোর।

বুঝিয়াছি, আছে বুঝি, কোথা অল্প কাজ,

যেমন সুযোগ পাও, করো পলায়ন।

সালারিনো। স্তপ্রভাত, বন্ধুগণ!

বাসানিয়ো। বহু স্তপ্রভাত!

বলো তো হাসিব কবে? করিব প্রমোদ?

বলো, বলো, তোমাদের সকলি অদ্ভুত!

একসঙ্গে হাসি-গল্প—অবসর নাই!

হাসি-খুশী বন্ধ রবে—সে কি ভালো কথা?

সালারিনো। আসিব যেমনি পুনঃ পাই অবসর।

[সালারিনো ও শোলানিয়োর প্রস্থান]

লরেঞ্জো। ওগো বন্ধু বাসানিয়ো, পেয়েছো যখন

আন্তনিয়ো-বান্ধবের, মোরা দেখি পথ।

কিন্তু মনে আছে, রাজে ভোজনের লাগি

সকলে মিলিব কোথা?

বাসানিয়ো। মিলিব নিশ্চয়।

গ্রাসিয়ানো। আন্তনিয়ো, তোমারে দেখিয়া মনে হয়,

সুস্থ নহে দেহ-মনে; খ্যাতিমান তুমি,

ধরণীয়ে ছাথো বহু সম্মদের চোখে।

বেশী মূল্য দিয়া হেথা যা কিছু কিনিব,

খ্যাতি বলো, পণ্য বলো,—তার ক্ষয় বাজে!

করহ প্রত্যয়, হেরি রূপান্তর তব।

আন্তনিয়ো। ধরণী যেমন, তারে দেখি সেই-মত

সাদা চোখে। এ ধরণী যেন নাট্যশালা!

জনে-জনে অভিনয় নানা ভূমিকায়।

করণ ভূমিকা মোর—তাই স্নান ছাথো।

গ্রাসিয়ানো। তাই যদি, দিয়ো মোরে মূর্খের ভূমিকা।

মূর্খ ভাঁড়—হাস্তে রঞ্জে কেশ যেন পাকে!

বার্দ্ধক্য ঘনায় যেন সে হাস্য-কৌতুকে!

দিবানিশি হা-হতাশ, গুমরিয়া কাঁদা—

তার চেয়ে শতগুণে আমি ভালো মানি

সুরা-রসে তত্ত্ব যদি হয় এ বন্ধু!

দেহে যবে তত্ত্ব রক্ত, রহিবে মানুষ

পাথরের মত জড় পিতামহ প্রায়?

জাগিয়া ঘুমাবে? রাগে সদা খিটি-মিটি—

পাণ্ডুরোগ দেহে শেষে করিবে আশ্রয়?

ভালোবাসি আন্তনিয়ো; তাই বলি, বন্ধু,

একদল লোক আছে—তাহাদের মুখ

বন্ধ জলাশয় সম শ্রাওলায় ঢাকা—

গাভীর্ঘ্যে গুমত সদা—রহে চুপচাপ!

সে মুখে সরে না ভাষা! জানাইতে চায়

শুধু সেই মৌনতায় বুদ্ধির জ্বলশ—

ভারী যেন জ্ঞান—মুগ্ধমান অহঙ্কার!

কভু যদি মুখ খোলে, এক ভাষা সরে,

এক মাত্র বলি—“হাঁ হাঁ, মস্ত জ্ঞানী আমি!

এ মুখে ক্ষরিলে ভাষা—সাবধান ওরে,

একটা কুকুর যেন কোথাও না ডাকে!”

জানি ভালো আন্তনিয়ো, এই লোকগুলো—

মোনী, কথা কহে না কো, তাই বিজ্ঞ-খ্যাতি!

জানি স্থির—মুখে ভাষা যদি কভু সরে—

সে ভাষায় ছনিয়ার কানে ধরে তাল!

যে শুনিবে সেই ভাষা, তখনি কহিবে,

হস্তিমূর্খ এই ব্যক্তি! এ জ্ঞানীর তত্ত্ব

কহিব আরেক-দিন অবসর-মত!

কিন্তু শোনো, কথা রাখো, দোহাই তোমার—

বিরাত এ স্নান মৌন ভাষাহীন টোপে

এমন বিজ্ঞতা-খ্যাতি কুড়াতে চেয়ো না।

এসো হে লরেঞ্জো। থাকো আরামে সকলে।

আহারের শেষে পুনঃ এ দীর্ঘ-বক্তৃতা

ধরিয়া করিব শেষ—টানি পূর্ণচ্ছেদ।

লরেঞ্জো। আসি তবে—দেখা হবে ভোজনের কালে।



এত কথা কয়ে গেল এই গ্রাসিয়ানো—

তিলেকের অবসর দিল না আমারে

বলিতে একটি কথা ! মৌন-বাবা সাজি

এই মূৰ্খ বিজ্ঞদলে বুদ্ধি, বিজ্ঞ বনি !

গ্রাসিয়ানো । দু'বছর মোর সাথে রহ অবিরাম—

ভুলে যাবে আপনারে কথার ঠালায় ।

আন্তনিয়ো । বেশ, তবে আজ হতে হইব বাচাল ।

গ্রাসিয়ানো । ধন্যবাদ । জানো বন্ধু, এ মৌনতা সাজে

গাভীর বিগুহ জিতে ; আর সাজে, জেনো,

ঘোড়শী সে কুমারীরে । অপরে সাজে না ।

[ গ্রাসিয়ানো ও লরেঞ্জোর প্রস্থান

আন্তনিয়ো । তারপর—কি খবর ?

বাসানিয়ো । আজ্ঞে-বাজ্ঞে এত বকা গ্রাসিয়ানো বকতে

পারে ! বাপ ! বাজ্ঞে বকুনিতে সারা ভেনিসে

ওর ঞ্জোড়া যদি আর একটি লোক খুঁজে পাবে !

এমন যা-তা বকে যে, ওর কথায় যুক্তি খোঁজার

মানে, যেন এক ঞ্জোড়া তুষের মধ্যে ছু দানা যব

বেছে বার করা । সারা দিন বসে খোঁজো—

কোনো যুক্তি পাবে না ! যদি-বা এক-রতিটাক্

পাও—তা পেয়ে আর তখন কোনো লাভ নেই ।

আন্তনিয়ো । ভালো কথা, বলোছলে, আমারে কহিবে,

{ কোন্ নারী-তীরে তুমি গেছিলে গোপনে ।

সে কথা খুলিয়া বলো । এখনি শুনিব ।

বাসানিয়ো । আন্তনিয়ো, জানো তুমি, নহে তা গোপন,

অবস্থার অতিরিক্ত আচার-ব্যভারে

কেমনে করেছি নাশ আমার বিভব ।

আয় হতে ব্যয় বেশী—অল্পচিত কাজ !

কষ্ট পাই । বুদ্ধি । তবু নাহি প্রতিকার !

অল্পচিত-ব্যয় আজো পারি না ছাড়িতে !

কিন্তু সত্য কহি, এই ঋণ-ভার আর

বহিতে পারি না শিরে ; ঋণে মুক্তি চাই ।

আর চাহি—যে-বিহনে শাস্তি নাই মনে !

এ দুই শৃঙ্খলে চিত্ত স্বাচ্ছন্দ্য-বিহীন ।

তুমি বন্ধু—ঋণ তব পরিশোধ্য নয়—

অর্থে আমি চির-ঋণী আছি তব পাশে ।

সে ঋণের মুক্তি নাই ; মোচনে অক্ষম ।

এত দোষে দোষী—তবু ভালোবাসো মোরে ।

মনে তাই যে-বাসনা জাগে, সবিশেষ

তোমারে কহিতে আসি । ভেবেছি যা মনে,

যটে যদি, ঋণে মুক্তি পাবো, মনে হয় ।

আন্তনিয়ো । কি বাসনা প্রকাশিয়া বলো বাসানিয়ো ।

তোমারে সঙ্গম করি আজো—জেনে রাখো ।

যে-বাসনা মনে তব—হীন নাহি হে

দেহ দিয়া, মন দিয়া, অর্থ মোর দিয়

আমার সর্বস্ব দিয়া করিব পূরণ ।

বাসানিয়ো । বাল্যে যবে বিদ্যালয়ে করিত গম পাঠ

খেলা-চ্ছলে কত তীর ছুড়িতাম তবে,

সে-তীরের কোনোটা সে খুঁজে নাহি পেলে

সম-লক্ষ্যে হানিতাম যুগ্ম-তীর পুনঃ,—

প্রথম তীরের পিছে শেষ দুই তীর—

তা দিয়া প্রথম তীরে পেতাম ফিরায়ে ।

বাল্যের কাহিনী বলি—হাসিবে তা শুনি—

তেমনি সরল ভাবি আজি এ প্রয়াস ।

ঋণী আমি তব পাশে । সে ঋণ শুধিব,

কোনো আশা নাহি তার । যে-অর্থ দিয়াছ,

ফিরায়ে পাইবে তাহা, হেন আশা নাই !

তবু বলি, যেই তীর করেছ নিক্ষেপ—

সে-তীরের সম্মুখনেতে অত্র তীর পুনঃ

যদি বা ছুড়িতে পারো—শৈশব-খেলায়

মোর সেই তীরক্ষেপ—তাহারি মতন,

হয়তো সে হারা-তীরে পুনঃ ফিরে পাবে !

ছুটি ঋণ শুধিবারে যদি নাহি পারি --

শেষ-ঋণে ঋণী কভু রহিব না । ঋণী

রহিব প্রথম ঋণে ; এ-ঋণ শুধিব ।

আন্তনিয়ো । মোরে তুমি জানো ভালো—

সখ্য-প্রীতি লয়ে

দ্বিধা-তর্ক—তাহে শুধু বৃথা কালক্ষেপ !

সে দ্বিধা-সংশয়ে আমি মনে ব্যথা পাই ।

বাক্য-জাল বুনবার প্রয়োজন নাই ।

স্পষ্ট ভাবে কহ মোরে—কি-বা তুমি চাও ?

কি করিতে হবে মোরে ? কহ প্রকাশিয়া ।

আমি কি করিতে পারি,—তুমি তাহা জানো ।

করিব তা । বলো শুধু কি করিতে হবে ।

বাসানিয়ো । বেলমন্টে আছে বালা ধনীর ছহিতা—

অতুল ঐশ্বর্যময়ী—রূপে আর গুণে !

রূপের তুলনা নাই । 'রূপ'-কথাটুকু

সে-রূপের পাশে যেন স্নান, অর্থহীন ।

রূপসীর নয়নের দৃষ্টির ইঙ্গিতে

পেয়েছি নীরব ভাষা । নাম পোশিয়া ।

কেটো-কত্থা, ক্রটোশের প্রিয়তমা জায়া

সে-পোশিয়া হতে ননু তিল-মাত্র আন !

মূল্য তাঁর বিধে কারো নহে অবদিত ।

নিখিলের চারিদিক হতে নিত্য আসে

প্রাণিয়া তাঁহার পাণি বহু যোগ্য পাত্র ;

রবি-রশ্মি-সমুজ্জ্বল সোনালি অলক

তাঁহার লগাটে দোলে—যেন স্বর্ণ-তরী !  
বেলমন্ট হইয়াছে পুণ্য-পীঠ আজি—  
গুধু সে তাঁহার লাগি । জেশনের দল  
স্বর্ণ-তরী-বক্ষে আসে লভিতে তাঁহারে ।  
আন্তনিয়ো, সত্য সখা,—থাকিলে বিভব,  
তাহাদের প্রতিদ্বন্দী সাজিয়া যেতাম  
সে পুণ্য-মন্দিরে আমি সে লক্ষ্মী লভিতে ।  
কি জানি, কে কহে যেন অস্তরে আমার—  
ভাগ্য মম স্তূপসর—সেথা যেতে পেলে  
নিমেষে অতীষ্ট মম হইবে পূরণ ।  
আন্তনিয়ো । জানো বন্ধু—যত কিছু সম্পদ আমার-  
ভাসিছে সাগর-বক্ষে । গৃহে অর্থ নাই ।  
পণ্য নাই—যাহে ভর করি লই ঋণ ।  
যাও তুমি—দ্যাখো, যদি কর্জ কোথা মেলে ।  
আছে মান, ইজ্জৎ আমার—এ ভেনিসে ।  
ছাখো যদি, করিয়া বিশ্বাস তার'পরে  
অর্থ কেহ কর্জ দেয়—প্রয়োজন-মত !  
যদি কেহ দেয় ঋণ,—সে অর্থ তোমার ।  
সে অর্থ লইয়া তুমি যাও বেলমন্টে  
রূপসী পোর্শিয়া যথা কামনার ধন ।  
স্বরা করো । অর্থ পেলে সন্তে বাধিবে না ।  
সে ঋণে আমার দায় ! নহে, বলো তুমি  
এ ঋণ আমার—অর্থ কর্জ লবো আমি ।  
[ উভয়ের প্রস্থান

### স দৃশ্য

বেলমন্ট- -পোর্শিয়ার গৃহের কক্ষ

পোর্শিয়া ও নেরিসার প্রবেশ

পোর্শিয়া । সত্যি বলচি নেরিসা, ছনিয়ার ভার আমার  
অসহ্য হয়ে উঠেচে ।  
নেরিসা । অসহ্য হতো সখি—যদি ঐশ্বর্যের মত  
তোমার দুঃখও প্রচুর হতো ! ছনিয়ার ঋণজী এই,  
যার অনেক আছে, সে যেমন ; আবার যার কিছু  
নেই—সেও তেমনি । অর্থাৎ দুজনেই সমান-দুঃখে  
দুঃখী ! কাজেই দুয়ের মাঝামাঝি যারা থাকে,  
তারাই আরাম পায় । বাড়াবাড়িতে চিরদিন  
বিপত্তি ঘটে । যাদের অনেক আছে, ভাবনায়  
তাদের চুল শীগগির পাকে—যাদের দশা মাঝা-  
মাঝি, তারাই বেশী দিন বাঁচে ।  
পোর্শিয়া । কথার মত কথা বলেচিস নেরিসা ।  
সত্যি, তোর কথার দাম আছে ।

নেরিসা । কথার দাম আরো বাড়তো, সে-কথা  
মেনে মাহুষ যদি চলতে পারতো ।  
পোর্শিয়া । কি উচিত তা জানা—আর তা মেনে  
চলা—ছুটো কাজ যদি সমান হতো, তাহলে  
বক্তৃতামঞ্চগুলো আজ মন্দির হয়ে উঠতো, আর  
গুরীবের ঝুঁড়ে হতো রাজার প্রাসাদ । যিনি শিক্ষা  
দেন, তিনি নিজে যদি সে শিক্ষা-উপদেশ মেনে  
চলতে পারতেন, তাহলে বটে তাঁকে বলভেম—  
সাধু ! বিশজনকে ডেকে খুব ভালো শিক্ষা আমিও  
দিত পারি ; কিন্তু সে বিশজনের একজন হয়ে  
আমার সে-উপদেশ আমার পক্ষে মেনে চলা  
ভয়ঙ্কর শক্ত—বুঝলি ! রক্ত ঠাণ্ডা রাখতে মগজ  
খাটিয়ে খাশা বিধি-নিয়ম তৈরী করতে পারি,  
নেরিসা, কিন্তু মেজাজ যদি বিগড়ায় তো সে  
বিধি-নিয়ম মানা সম্ভব হবে না । আমাদের  
যা বয়স,—সে-বয়সটা যেন খরগোশ—বিধি-  
নিয়মের বেড়া টপ্কাতে তার কোথাও  
বাধে না ! কিন্তু থাক, এসব তর্কে তো  
আমার বর মিলবে না । বর মিলবে কি ?  
নিজের মন বুঝে পছন্দ'করবারো উপায় আমার  
নেই ! মন যাকে চাইবে, তাকে নেবার  
যেমন উপায় নেই, তেমনি আবার মন যাকে  
বিষ দেখবে, তাকেই স্বীকার করে মেনে নিতে  
হবে । বাবা মারা যাবার সময় এমন উইল  
করে গেছেন, যে বিয়ের ব্যাপারে আমার ইচ্ছা-  
অনিচ্ছায় কিছু এসে-যাবে না ! এ কি কম কষ্ট  
নেরিসা ? বর—তাও নিজে আমি পছন্দ করতে  
পাবো না ! আবার অপছন্দ হলে তাকে  
বিদায় দেবো, সে শক্তিও আমার নেই ।  
নেরিসা । বাবা ছিলেন ধার্মিক মাহুষ । মরবার  
সময় সাধু-পুরুষদের দিব্য-জ্ঞান হয় । সেই জ্ঞান  
হওয়ার দরুণই না তিনি ঐ সোনার রূপোর  
আর সীসের ভিনটে কোঁটো তৈরী করিয়ে  
গেছেন । সেই কোঁটো ভিনটে পরখ করে আসল  
কোঁটোটটির সন্ধান যিনি পাবেন—হবেন তিনি  
তোমার মালা নেবার যোগ্য অধিকারী । তুমি  
নিশ্চিত থাকো সখি—যিনি তোমাকে স্বার্থ  
ভালোবাসবেন, তিনি ছাড়া আর কেউ তোমায়  
পাবেন না !...কিন্তু না, সত্যি, বলো তো, এই যে  
নিত্য এত হোমরা-চোমরা পাত্র এসে উদয়  
হচ্ছে, এদের মধ্যে কাকে তোমার মনে  
ধরে ?  
পোর্শিয়া । এক-এক করে তুই সকলের নাম বল—

আমি চীকা করে বুঝিয়ে দেবো! তা থেকে  
তুই আমার মনের সন্ধান পাবি।

নেরিসা। বটে! আচ্ছা, প্রথমে ধরো—ঐ  
নেপোলিটান রাজপুত্রটি।

পোর্শিয়া। কে? ঐ বোটক-রাজ! বোড়া ছাড়া যার  
মুখে আর কোনো কথা নেই! মস্ত জাঁক,—  
নিজের হাতে তিনি ঘোড়ার পায়ের নাল বেঁধে  
দেন! আমার ভয় হয় নেরিসা,—ও-ভদ্রলোকটির  
মায়ের সঙ্গে হয়তো কোনো কামারের নিগূঢ়  
সম্পর্ক ছিল!

নেরিসা। আচ্ছা, তার পর ধরো ঐ গের্মো  
জমিদার পালাটিন...

পোর্শিয়া। তিনি! কপাল তিনি ঝুঁচকেই আছেন  
দিবা-রাত্রি! মনের ভাব—আমায় যদি না  
পাও তো করবে কি? হাসির গল্প বলো—  
গম্ভীর! হাসতে জানেন না! এই বয়সে এমন  
গুমট-মুখ—আর একটু বয়স হলে তো কেঁদেই  
দিন কাটাবেন—ঠিক সেই দার্শনিকদের মত!  
হুনিয়াকে ভুয়ো ভেবে ভেবে যারা একেবারে  
অস্থির হয়ে আছেন! এঁদের কাকেও বিয়ে  
করার চেয়ে কঙ্কালের গলায় মালা দেওয়া  
চের ভালো নেরিসা!

নেরিসা। তাহলে ঐ ফরাসী ওমরাওটি?

পোর্শিয়া। মানুষের মত হাত-পা-মুখ এঁটে বিধাতা  
মানুষ সৃষ্টি করেছেন—কাজেই তাঁকে মানুষ  
বলতে হয়।...মানুষকে ঠাট্টা-বিদ্রূপ করলে  
পাপ হয়, জানি—তবু সখি, সত্য বলচি,  
এঁরও ঘোড়া-রোগ আছে—সে-ঘোড়া নেপোলি-  
টান রাজপুত্রের ঘোড়ার চেয়ে বড়। ইনিও  
কপাল কৌচকান—সে-কৌচকানো জমিদার  
পালাটিনের চেয়ে অনেক বেশী। এক কথায় বলতে  
কি, মানুষ হয়েও ইনি মানুষ নন। শালিক পাখী  
কিচির-মিচির করলে ইনি উঠে নাচতে সুরু করেন  
—নিজের ছায়া দেখে তার সঙ্গে করেন তলো-  
য়ার খুঁলে লড়াই! এঁকে বিয়ে করা আর বিশ-  
জন পুরুষকে একসঙ্গে ভজনা করা—ভূই সমান।  
ইনি যদি আমায় দেখে নাক কৌচকান তো  
আমি ভাগ্য বলে মানবো। আর যদি আমায়  
ভালোবেসে উদ্ভাদ হন, তবু ওঁর সে ভালোবাসা  
আমি নিতে পারবো না, সখি।

নেরিসা। আচ্ছা, ঐ ইংরেজ ব্যারন ফকনব্রিজ?

পোর্শিয়া। জানিস্ তো, তাঁর সঙ্গে আমার কোনো  
কথা হয়নি। তিনি আমার কথা বুঝতেও পারেন

না। না জানেন তিনি লাতিন ভাষা—না ফরাসী  
ভাষা, না ইতালীয়ান ভাষা। আর আদালতের  
মত হৃদয় পড়তে হলে, হৃদয় পড়ে  
তোকেও এ কথা মানতে হবে যে আমি  
ইংরেজি জানি না। জানি না—হয়তো লোকটি  
ভালো কিন্তু আমার কাছে ভাষাহীন ছবির  
মানুষ! কেউ কারো কথা বুঝবে না।  
তাছাড়া ওঁর পোষাক দেখেচিস? মনে হয়,  
কোটাটা কিনেচেন ইতালীতে, মোজা জোড়া  
কিনেচেন ফ্রান্সে, টুপি জার্মানীতে; আর  
আদব-কায়দা, চাল-চলন,—সে-সব জোগাড়  
করেচেন নানা রাজ্য থেকে!

নেরিসা। আচ্ছা, ওঁর প্রতিবেশী ঐ স্কচ লর্ড  
বাহাদুরটি?

পোর্শিয়া। যোগ্য প্রতিবেশী বটে! ইংরেজের কান-  
মলা খেয়ে উনি রুখে আছেন, সময় পেলে সে  
কানমলার শোধ দেবেন। আমার মনে হয়, ঐ  
ফরাসী ভদ্রলোকটি ওঁর জামিন হতে পারেন।

নেরিসা। সাক্ষিনির ডিউকের ভাইপো ঐ জার্মান  
যুব—তাঁর কথা কি বলো?

পোর্শিয়া। সকালে যখন জ্ঞান থাকে, তখন রীতি-  
মত বর্বর; বিকেলে যখন মদের নেশায়  
অজ্ঞান, তখন একেবারে অপদার্থ! যখন ভালো  
থাকেন, তখন মানুষ নন; যখন বেগড়ান,  
তখন জানোয়ারের চেয়ে একটু উঁচু-ধাপে থাকেন।  
আমার ভাগ্য যদি নেহাৎ বিদ্রূপ হয়—তবু  
ওঁকে না পেলেও দিন-আমার আরামে কাটবে,  
নেরিসা।

নেরিসা। উনি যদি ঠিক কোটোটি বেছে নিতে  
পারেন, তাহলে তুমি বাবার উইল অমান্য  
করবে? ওঁর গলায় মালা দেবে না?

পোর্শিয়া। সেই ভয়েই তোকে মিনতি করচি  
নেরিসা, ও-পাত্রটিকে তুই রেনিশ-মদে টেটুস্থল  
করে চুবিয়ে রাখ। ঠিক বলতে পারি, পাত্রে যদি  
মদ থাকে তো মদের লোভে সেই মদের পাত্রই  
বেছে নেবে। ঐ মদের পিপের হাত থেকে  
বাঁচবার জ্ঞান আমি বোধ হয় সব-কিছু  
করতে পারি।

নেরিসা। ভয় নেই সখি—এ মহাপুরুষদের মধ্যে  
কাকেও তোমায় বরণ করতে হবে না। ওঁদের  
যা বাসনা, আমায় তা জানিয়েচেন। অর্থাৎ  
ওঁরা বলেচেন,—তোমায় বিরক্ত না করে  
যে যার দেশে ফিরবেন! তোমায় বাবার সর্ব

তৃতীয় দৃশ্য

ভেনিস—সাধারণ স্থান

বাসানিয়ো ও শাইলকের প্রবেশ

শাইলক। তিন হাজার ড্যাকট! বেশ!

বাসানিয়ো। তিন মাসের কড়ারে।

শাইলক। তিন মাসের কড়ারে! বেশ!

বাসানিয়ো। হ্যাঁ। আর আপনাকে আগে থেকেই বলে রাখছি, এ ঋণের জ্ঞাত আন্তনিয়ো খং লিখে দেবেন।

শাইলক। হাঁ! আন্তনিয়ো নিজে খং লিখে দেবেন! বেশ!

বাসানিয়ো। টাকা দিতে পারবেন? দিয়ে আপ্যায়িত করবেন? জবাব পাবো?

শাইলক। তিন হাজার ড্যাকট—তিন মাসের কড়ারে—আর আন্তনিয়ো নিজে খং লিখে দেবেন!

বাসানিয়ো। হ্যাঁ, কি বলেন? দেবেন টাকা?

শাইলক। আন্তনিয়ো একজন মহাশয়-ব্যক্তি!

বাসানিয়ো। তাঁর চর্যাম কখনো শুনেচেন না কি?

শাইলক। এঁ্যা! না, না, না। তা নয়! তাঁকে যে মহাশয়-ব্যক্তি বলছি, এর মানে, আপনাকে বোঝাবার জ্ঞাত—তিনি একজন খাঁচী লোক—

তাঁর কথার দাম আছে—যদিও তাঁর বিষয়-আশয় আছে কাগজে-কলমে অর্থাৎ কল্লোকে! তাঁর একখানি জাহাজ গেছে ত্রিপোলিতে, আর একখানি গেছে ভারতবর্ষে। তা ছাড়া বাজারে

শুনছিলাম তিন নখর জাহাজ গেছে মেক্সিকোয়; চার নখর জাহাজ গেছে ইংলণ্ডে। তা ছাড়া আরো ক'খানা জাহাজ এদিকে-ওদিকে ছড়িয়ে আছে।

কিন্তু জাহাজ! সে তো কখনো মাত্র তত্ত্ব—তার মাঝি-মাল্লাও মানুষ! তা ছাড়া ডাক্কায় যেমন ইদুর আছে, জলেও তেমনি ইদুরের উৎপাত!

ডাক্কায় চোর-ডাকাত, জলেও তেমনি চোর-ডাকাত—যার নাম বোথটে। তার উপর আছে তোমার জল-ঝড়, ঢেউ, চোরা

পাহাড়ের ধাক্কা! তা হোক, তা হলেও হ্যাঁ, আন্তনিয়ো লোকটি খাঁচী। তাঁর সংস্থানও আছে বেশ ভালো রকম—এ কথা স্বীকার করবো বৈ কি!

হ্যাঁ—তা কত বললে? তিন হাজার ড্যাকট...? আমি বোধ হয় তাঁর হাতের খং পাবো!

মানা ছাড়া অল্প কোনো উপায়ে যদি তোমায় পাওয়া যায়, তাহলে ওঁরা সেই উপায় দেখবেন।

পার্শিয়া। বাবার উইলের সর্ব অমাত্য করে আমি বিয়ে করবো না—এতে যদি শিবিলার মত আইবুড়ো হয়ে মরি—ডায়েনার মত সতী-নিষ্ঠা নিয়েই মরবো। কিন্তু যা শুনলেম, এ সব পাত্রের এমন স্ববুদ্ধি হয়েছে,—শুনে আরাম পেলেম! সত্যি নেরিসা, এদের মধ্যে এমন কেউ নেই, যে-বিহনে বুক আমার বেদনায় উথলে উঠবে! ভগবানের অনুগ্রহে এঁদের যাত্রা-পথ শিব হোক, শুভ হোক—কায়-মনে বিধাতার কাছে প্রার্থনা জানাচ্ছি।

নেরিসা। আচ্ছা, তোমার মনে পড়ে, বাবা তখন বেঁচে, ভেনিস থেকে একটি ভদ্রলোক...সেই যে গো, আমাদের বয়সী—মানে, অল্প বয়স—খুব পণ্ডিত, ভয়ঙ্কর যোদ্ধা—ম'তফোরাতের সঙ্গে এখানে এসেছিলেন?

পার্শিয়া। ও—হাঁ। তাঁর নাম বোধ হয় বাসানিয়ো!

নেরিসা। সত্যি সখি, এ পর্য্যন্ত যতগুলি লোক দেখলেম, তাঁদের সকলের চেয়ে তিনি ভদ্র—সুন্দরীর মালা পাবার যোগ্য!

পার্শিয়া। তাঁকে মনে আছে নেরিসা। তোর এ স্মৃতি তাকে সাজে।

জনৈক ভৃত্যের প্রবেশ

কি রে?

ভৃত্য। বিদেশী সে চারজন ভদ্রলোক বিদায় নিচ্ছেন। যাবার আগে আপনার সঙ্গে দেখা করতে চান। আর মরক্কো রাজকুমারের দূত এসেছে। খবর এনেছে, তার মনিব আজ রাতে এখানে এসে পৌঁছবেন।

পার্শিয়া। এ চারজনকে যে-ভাবে বিদায় দিচ্ছি, এটিকে যদি তেমনি খুশী-মনে অভ্যর্থনা করতে পারতাম! এর মন যদি হয় সাধুর মত, আর চেহারা দৈত্যের মত, তা হলেও যেন আমার মালা না নিয়ে তিনি ছুটি দেন। আর নেরিসা, তুই আগে আগে চল...

একটি করে বিদায় দিয়ে আঁটিছি দোরের খিল;

আবার একটি দোরের হাজির—এ যে মুসল!

[সকলের গ্রস্থান

বাসানিয়ো। হ্যাঁ, তাঁর খৎ পাবেন—সে বিষয়ে নিশ্চিত থাকতে পারেন।

শাইলক। ভালো, ভালো! তা খৎ পেলে নিশ্চিত হবো বৈ কি। নিশ্চিত হবো বলেই চিন্তা করছি! তা, হ্যাঁ, আন্তনিয়োর সঙ্গে এ সম্বন্ধে কথা হতে পারে?

বাসানিয়ো। যদি অনুগ্রহ করে আমাদের ওখানে আজ ভোজের নিমন্ত্রণ রক্ষা করেন!

শাইলক। কি—শূর্যের মাংসের গন্ধ শুঁকতে! তোমাদের মহাত্মা প্রভু শৈশুরের দেহ ভূতের আন্তানা করে তুলেছিলেন!...বাপু হে, তোমাদের সঙ্গে দেনা-পাওনার কারবার করতে পারি, আর তা করবো; তোমাদের সঙ্গে কথাবার্তাও কইবো, বেড়াবো-চেড়াবো...সব কিছু করবো! কিন্তু খাওয়া? উহ, ঐটি নয়। খেতে পারবো না! খাওয়া-দাওয়া চলবে না! কোনো কালে নয়—পুজো-আর্চাও চলবে না!...কি হলো? বাজারের খবর? এ দিক পানে কে আসে যেন...

#### আন্তনিয়োর প্রবেশ

বাসানিয়ো। ভদ্র আন্তনিয়ো।

শাইলক। (স্বগত) চোখের চাহনি ঢাখো! যেন চাটুকার

৬ সরাই-ওয়ালা আমি! ঘৃণা করি কীরীন্তানে—তাই ঘৃণা করি এ কাফেরে। আরো ঘৃণা—কর্জ দেয় অধমর্ণ-জনে বিনা-স্বদে...সারল্যের মন্ত আবরণ! মোদের স্বদের হার অল্প ভেনিসেতে শুধু ওর বিনা-স্বদে ধার-দেওয়া হেতু। একবার পাই যদি কবলে এ জনে পুরানো আক্রোশ যত মিটাই আমার। আমার পবিত্র জাতি—তারে ঘৃণা করে; পণ্যশালে সম্মিলিত বণিকের দল—সেথা মোরে গালি পাড়ে,—গালি কারবারে! সত্ৰপায়ে উপার্জন—অর্থ করি লাভ—‘হেয় স্বদ’ বলি দুষ্ট বিধে ব্যঙ্গ-বাণে! এ-জনে করিলে ক্ষমা, মোর কুল-মানে যেন অভিশাপ লাগে! দুষ্ট কটুভাষী!

বাসানিয়ো। শোনো শাইলক...

শাইলক। পুঞ্জির হিসাব কষি, মনে পড়ে যতখানি। দেখি, পারি কি না তিন হাজার দিতে আজি ত’বিল হইতে। নিজের না থাকে যদি—না, না, চিন্তা নাই—

স্বজাতি তুবাং আছে—ধনাঢ্য ইহুদী—সেই দিবে অবশিষ্ট! কিন্তু হ্যাঁ, কি বলিলে? ক’মাসের মেয়াদ কর্জের?

(আন্তনিয়োর প্রতি) আপনার কুশল মশায়? হেঁ-হেঁ—মশায়ের কথা—তাই নিয়ে আমাদের চলে বাক্যালাপ।

আন্তনিয়ো। অর্থ লয়ে লেন-দেন—শোনো শাইলক, করিনে কো আমি—স্বদে, কিম্বা বিনা-স্বদে।

তথাপি বন্ধুর আজি অর্থ-প্রয়োজন—তারি লাগি বিধি ভাঙ্গি।

(বাসানিয়োর প্রতি) জানে শাইলক কত মূঢ়া প্রয়োজন?

শাইলক। হেঁ-হেঁ...তিন হাজার

ড্যাকট...না?

আন্তনিয়ো। ঋণের মেয়াদ তিন-মাস।

শাইলক। হ্যাঁ, হ্যাঁ, ভুলেছি! তিন মাসের কড়ার!

হ্যাঁ, হ্যাঁ—তাও বলেছেন ইনি। আরো শুনি, আপনি দিবেন খৎ! বটে! বটে! দেখি...

কিন্তু কি বলিতেছিলেন? হ্যাঁ—শুনি যেন, দরে-দূরে সুবিধা সে যতই মিলুক—

নিজে কর্জ নাহি দেন—নাহি লন কভু।

আন্তনিয়ো। কভু নহে।

শাইলক। কাহিনী পড়িল মনে,—বলি।

জেকবের খুড়া ছিল লাবান। সে বুড়া।

লাবানের মেঘ ছিল—সংখ্যায় প্রচুর;

ভাইপো জেকব তাঁর সে মেঘ চরাতে;

পূজা আত্রামের ইনি নাতি...হ্যাঁ, নাতিই!

আত্রামের নাতি এই জেকব স্বজন—

তাঁহার মাতার পুত্র—তৃতীয় গর্ভের।

আন্তনিয়ো। সে কথার হেতু? জেকব নিতেন স্বদ!

শাইলক। না, না—স্বদ নয়। মানে, স্বদ যারে বলো

তাহা নয়! শোনো,—দাঁহে কি সর্ভ সে ছিল

জেকব চরাতে মেঘ—শ্রম-মূল্য লাগি

মেঘের শাবক হতো,—নিত তাহা হতে

বিচিত্র বর্ণের গুলা—সর্ভ জেকবের।

জেকব করিল কি? না, শাখাপত্র ভাঙ্গি

ক্ষেতে রাখে বিছাইয়া; যত মেঘ-মেঘী

আহারের লোভে আসে—মেলে কুতূহলে;

মিলনের ফলে মেঘী প্রসবে শাবক,—

জেকবের মহা-লাভ চলে সমারোহে।

বুদ্ধি যার—উন্নতির দ্বার মুক্ত তার—

মিতব্যয়ে জয়—যদি চুরি বাদ থাকে।

আন্তনিয়ো। ইহাতে কৃতিত্ব কি-বা? বিধির বিধান

মেঘের শাবক হয়—বিধাতার হাত !  
মানুষের হাত তাহে এতটুকু নাই !  
সোনালী-রূপা ধার দিয়া—ধারে স্তম্ভ লওয়া—  
তার সাথে—মেঘ হতে শাবক-সংগ্রহ—  
এ উপমা সাজেনা কো !

শাইলক । স্তম্ভে টাকা বাড়ে ;  
পশু-পক্ষী হতে যথা বাচ্চা হয় লাভ ।  
তবু বলি, শোনো...

আন্তনিয়ো । মজা ছাখো বাসানিয়ো,  
অভিসন্ধি-প্রয়োজনে শাজ্ঞ-বাক্য-শত  
উচ্চারণে কতখানি পটু হুষ্ট জন !  
দেবতারে সাক্ষ্য ডাকে ছুরাওয়া যখন—  
তখন দৈত্যের মুখে যেন হাসি দেখি !  
স্বপক অপেল যথা ভিতরেতে পচা,  
কপট্য ঢাকিতে চায় ভদ্র আবরণে !

শাইলক । ড্যাকট—হাজার তিন ; অনেকটা টাকা—  
তিনটি মাসের ম্যাদ—স্তম্ভ কথি কত ?

আন্তনিয়ো । গুনিছ হে শাইলক, দোহে দায়ী রবে ।

শাইলক । আন্তনিয়ো, সাধু, ভদ্র, মহাশয় তুমি—

বারে-বারে র্যালটোয় করিয়াছ মোরে  
তিরস্কার রূঢ় ভাষে—মোর অর্থে গ্লানি ।  
স্তম্ভ লই, সেই স্তম্ভে করে নিন্দাবাদ !  
নীচবে সে-অপমান সহিয়াছি আমি ।  
সহ্য করা—সে আমার জাতের স্বভাব ।

\* কহিয়াছ, ভণ্ড আমি, অবিষাদী আমি !

কহিয়াছ, গলা কাটি কুকুরের মত !  
ইহুদী—পরনে মোর ইহুদীর বেশ—

• সে-বেশে করেছ তুমি নিষ্ঠীবন ত্যাগ !

• আমার যাকিছু, তায় অতি-স্বগা তব ।

আজ দেখি, চাহো মোরে, দায়ে রক্ষা করি !

আমার প্রসাদ চাও । খুব ভালো কথা !

আজ আসি কহো মোরে—শোনো হে শাইলক,

টাকা চাই আমাদের ! ওই মুখে বলো—

যে-মুখের নিষ্ঠীবন দেছ শব্দে পরে !

তারে কহো—কুকুরের মত পায়ে যারে  
নিভা ঠ্যালো দ্বারে পেয়ে,—টাকা ধার চাই !

বলো, কি উত্তর দিব ? বলিব তোমায়—

কুকুর যে—তার কি হে অর্থ কভু থাকে ?

কুকুর কি দিবে ঋণ তিনটি হাজার

ড্যাকট ? সম্ভব কি তা ? কিবা নত শিরে

অনুগত ভৃত্য সম, নিরুদ্ধ নিশ্বাসে

বিনয়ের নম্র ভাষে কহিব তোমায়—

“ওগো ঈষ্ট ভদ্র সাধু, গত বৃধবারে

গায়ে মোর থুতু দেছ ; আর-একদিন  
কুকুর বলেছ মোরে ! এত শিষ্টাচার !  
তার বিনিময়ে আমি অর্থ ধার দিব ?”  
আন্তনিয়ো । এ-আচারে কোনোদিন হবে না অন্তথা,—

পুনঃ নিষ্ঠীবন দিব—করিব এ স্বগা ।

যদি মোরে ঋণ দাও—ভাবিয়ো, সে ঋণ

বন্ধুরে না দিয়া দাও পরম-শত্রুরে ।

সখ্য যথা—ধাতুখণ্ড অতি তুচ্ছ সেথা—

স্তম্ভ চলে নাকো সেথা ; এ ঋণ শত্রুরে !

যদি সত্ত্ব ভঙ্গ হয়—রবে না সঙ্কোচ—

হাসি-মুখে খেশারৎ গুণে লবে তুমি !

শাইলক । আহা, আহা, চটো কেন ? তিরস্কার কেন ?

আমি চাই, সখ্য করি তোমাদের সাথে ।

স্নেহ চাই ; প্রীতি চাই ; চাই ভুলিবারে

যে-স্বগা, যে-অপমান করিয়াছ মোরে ।

প্রার্থনা পূর্য্যো তব—লইব না স্তম্ভ ।

গুনিছ আমার কথা—আমার প্রস্তাব ?

আন্তনিয়ো । এত রূপা !

শাইলক । সেই রূপা দেখাবো তোমারে ।

গুণ্ড মোর সাথে যাবে উকীলের বাড়ী—

খং লিখে সহি দিবে রহস্তের ছলে—

নির্দিষ্ট তারিখে যদি নিরুপিত স্থানে

ঋণ তুমি না করিতে পারো পরিশোধ—

অর্থ-বিনিময়ে তবে অস্ত্র হতে তব

যথা-ইচ্ছা অর্দ্ধ সের মাংস লবো কাটি ;

তাহে ঋণ শোধ হবে ।

আন্তনিয়ো । রাজী আছি সত্ত্বে ।

এ খং লিখিয়া দিব । কহিব সব্বারে,

ইহুদীর প্রাণে আছে মহত্ব, কংকণা !

বাসানিয়ো । না, না, হেন খং তুমি কভু লিখিবে না ।

অভাব রহক মোর—চাহি না মিটাতে ।

আন্তনিয়ো । কোনো ভয় নাই । মাংস

যাবে না কো কাটা !

খতের তারিখ, জেনো, বুঝা কাটিবে না ।

ছ’মাসে—অর্থাৎ ম্যাদ ফুরাবার আগে—

তারো এক মাস আগে, এ ঋণের টাকা

তিন গুণ হয়ে ফিরে আসিবে আমার ।

শাইলক । হায় পিতা আব্রাহাম ! খুষ্ঠানরা কী !

নিজেরা যেমন রূঢ়, সন্দিগ্ধ সদাই—

অপরের সাধুতায় তাই এ সংশয় !

ভালো কথা, আমারে বুঝাও দেখি, বাপু,

এ সত্ত্বে—এ খেশারতে আমার কি লাভ ?

মানুষের অস্ত্র হতে আধ সের মাংস—

মেষ নয়, ছাগ নয়,—গোমাংসের দাম  
 ঢের বেশী—তাও নয়! মাছষের মাংস!  
 কাটিয়া কি হবে, বলো? মিছা এ সংশয়।  
 এ সন্তের অর্থ, আমি চাই ওঁর প্রীতি—  
 সখ্য চাই—তার বেশী অত্ সাধ নাই।  
 এ সন্তে সম্মত থাকো, অর্থ দিতে পারি;  
 নচেৎ বিদায় লহ! এক কথা বলি,  
 দোহাই, সঙ্কল্পে মোর ভুল বুঝিয়ে না।  
 আস্তানিয়ে। শাইলক, শোনো, তব সন্তে রাজী আছি।  
 এ খং লিখিয়া দিব—পরম আনন্দে।  
 শাইলক। তাহলে এখন এসো উকীলের বাড়ী।  
 তাঁহাকে বলিবে এসো এ খং লিখিতে।  
 এ ভারী মজার খং! আমি অর্থ আনি  
 গৃহ হতে! গৃহ মোর সেখা রক্ষা করে  
 ভয়ে ভয়ে মৃঢ় ভৃত্য—ভারী অকর্মণ্য!  
 অর্থ লয়ে হেঁ-হেঁ আমি এখনি ফিরিব।  
 আস্তানিয়ে। সাধু, সাধু, হে ইহুদী!

[ শাইলকের প্রস্থান ]

আজ দেখিতেছি  
 ইহুদীর চিত্তে মায়া! খৃষ্টান বনিবে!  
 বাসানিয়ে। শঠের কপট চিত্ত—মুখে মধু ভাষা—  
 প্রাণে বড় শঙ্কা জাগে—খারাপ লক্ষণ!  
 আস্তানিয়ে। এসো, এসো—কোনো চিন্তা  
 রাখিয়ে না মনে,—  
 ফিরিবে জাহাজ মোর মাসেক সময়ে!  
 [ উভয়ের প্রস্থান ]

## দ্বিতীয় অঙ্ক

### প্রথম দৃশ্য

বেলমন্ট—পোর্শিয়ার গৃহের কক্ষ

অল্পচরবর্গ সহ মরক্কো-রাজপুত্রের প্রবেশ;

পোর্শিয়া, নেরিসা ও সহচরীগণ

( যন্ত্র-বাজ )

মরক্কো। অন্ধের এ কালো বর্ণে ফিরায়ো না মুখ।  
 তপনের তীব্র তাপ—তার প্রতিবেশী;  
 সে-তপন-স্পর্শে হেন কালো বর্ণ মোর।  
 উত্তর-রবির কর তুষারের দেখে  
 পশিতে না পারে যথা, সেথায় জনম,  
 তুষারের গুল্ম-কান্তি—হেন-জনে আনো—

যারে খুশী—ছাখো তার বক্ষ-তল ভেদি,—  
 তার রক্তে, মোর রক্তে করো পরিমাপ—  
 কার রক্ত তব প্রেমে বেশী রাঙা—ছাখো!  
 এ আমার কালো বর্ণে, শোনো! লো স্তন্যরি,  
 ব্রহ্ম বহু শূর-বীর! তোমার শপথ,  
 দেশে মোর দেশীয়ালী শ্রেয়সী কুমারী  
 যতেক ষোড়শী—তারা এ রূপে বিহবল!  
 তোমারে না পাই পাছে—সেই হেতু; নয়  
 এই কালো বর্ণে মোর কোনো ছুংখ নাই।  
 অত্ বরণতে মোর তিল নাহি লোভ!  
 কালো বর্ণে তুষ্ট আছি—কহি সত্য বাণী।  
 পোর্শিয়া। মন মোর বশে নয়। বরণ করিব  
 কুমারী-নয়নে যারে হেরিব স্তন্যর,—  
 হেন অধিকার নাহি! ভাগ্য লয়ে খেলা—  
 স্বেচ্ছায় বরিতে নারি মনোমত জনে।  
 পিতৃ-পণে বদ্ধ আমি। পিতার সে-পণে  
 যেই জন জয়ী হবে, সে আমার পতি।  
 ঐ-পণে আবদ্ধ যদি নাহি রহিতাম,  
 সত্য কহি স্পষ্ট ভাষা—কীৰ্ত্তিমান রাজা,  
 অপর কাহারো চেয়ে হীন নহ তুমি—  
 প্রেম-অর্থ্য দিতে নাহি ইতাম স্নাতর।  
 মরক্কো। চলো তবে, কোথা আছে সে যাত্র-সম্পূট?  
 অদৃষ্ট পরীক্ষা করি। অসি সাক্ষ্য থাক্—  
 যে-অসিতে হত সফি—পারস্ত-কুমার;  
 সুলতান সে সুলেমানে তিন-তিন বার  
 যে-অসি হারালো—সেই অসি সাক্ষ্য রবে।  
 তীব্র তীক্ষ্ণ দৃষ্টি দিয়া—যে-দৃষ্টির বাণে  
 শূর-হৃদি কেঁপে ওঠে,—ঋক্ষ-মাতা-বক্ষে।  
 ঋক্ষ-শিশু কাঁপিত সে, মত্ত পশুরাজ  
 আফ্রালি গরজে—তারে বন্দী করি যথা—  
 তোমার পিতার কুট-পণ ভেদ করি  
 তোমারে তেমতি আজি লভিব নিশ্চয়।  
 কিন্তু মহা বিড়ম্বনা! হাকু'লিশ যদি  
 পাশা খেলে লিচাশের সনে—ভাগ্য-বশে  
 অকুশল হস্তে তার ভালো দান পড়ে—  
 শ্রেষ্ঠ হবে পরাজুত! দৈবের কোঁতুক!  
 তাই ভৃত্য-পাশে হারে পটু আলসেতিনা।  
 ভয় হয়—অদৃষ্ট সে অন্ধ চিরদিন!  
 তার বশে যোগ্য আমি—হবে পরাজয়—  
 আমা হতে শতগুণে অযোগ্য যে-জন  
 হয়তো সে জয়ী হবে—অসম্ভব নয়!  
 পোর্শিয়া। ভাগ্য যথা, ফল তার হয় অকল্পিত।  
 নহে বুধা কেন এ-উত্তোগ-আয়োজন!

ভাগ্য-পরীক্ষার পূর্বে সত্য করো রাজা,  
পরাজয় হয় যদি, কহিবে না মোরে  
প্রণয়ের কোনো কথা। উচিত যা ভাবো,  
করো তাহাই এখন।  
মরকো। মতো বদ্ধ হই—  
প্রণয়ের কোনো কথা কবো না এ-মুখে,  
হুদৈব তেমন যদি ভাগ্যে ঘটে মোর !  
লয়ে চলো—নিজ-ভাগ্য করিব পরখ।  
পোশিয়া। তার আগে মন্দিরেতে চলো যুবরাজ !  
ভাগ্যের পরীক্ষা হবে ভোজনের পরে।  
মরকো। ভাগ্য বলবান,—দেখি, কি আমার হয় !  
মহা-সুখী, কিম্বা চির-অভিশপ্ত ক্ষোভে !  
[সকলের প্রস্থান। বাস্তফরনি।

ভেনিস—পথ

ল্যানসিলট গোবোর প্রবেশ

ল্যানসিলট। আমার মন বলচে, তোর ইহুদী মনি-  
বের কাছ থেকে তুই সরে পড় ! আবার  
ছুটি হাত ধরে মন এ-কথাও বলচে—“গোকো,  
ল্যানসিলট গোকো, সাধু গোকো, ধর্ম্মিষ্ঠি গোকো,  
চরণ ছুখানির গতি করো বাবা, লক্ষ দাও—  
‘মানে, পালাও।’ একবার মন বলে, যা !  
আবার বলে,—না সাধু ল্যানসিলট, হুশিয়ার !  
খবদার ! পালিয়ে না ! গোড়ালি যদি ছুটে  
চায় তো তাদের চেপে ধরে এই মাটিতেই  
পড়ে থাকো।...বিপদে পড়েছি ! একবার  
মন বলচে, গুটোও তল্লী, তল্লী গুটিয়ে সরে  
পড়ো ! চান্স হও, চান্স হও—হয়ে পালাও !  
যদি বাপের বেটা হও তো পালাও ! এক মিনিট  
আর এখানে থেকে না। কানে দেখছি যেন ছুটো  
দত্তি বাসা বেঁধেচে। একটা বলচে, সরে পড়ো  
এখন। আর একটা তখন কান টেনে বলচে—  
না, খবদার, পালাস্ নে। ইহুদী হলেও মনিব !...  
আমি বলি, ভালো রে ভালো, খুব শলা দিচ্ছ  
বটে ! মনিব যে এ দিকে সাক্ষাৎ শরতান ! এই  
শরতানের কাছে থাকবো ?...কিন্তু না, যখন  
একটা দত্তি বলেচে, সরে পড়ো—তখন ভাবচি,  
তার কথাই শুনি ; শুনে দি লম্বা।

(বুড়া গোকোর প্রবেশ ; তার হাতে বুড়ি)

গোকো। ওগো ছোকরা বাবুসায়ের, বলতে পারো,  
আমাদের ইহুদী-সাহেবের বাড়ীতে কোন্ দিকে ?

ল্যানসিলট। (স্বগত) আরে বাস—এ যে দেখছি  
স্বয়ং আমার গর্ভধারিণী পিঠে-ঠাকুর ! ঐ্যা !—  
চোখে ছানি পড়েছে—দেখতে পায় না—  
আমায় চিনতে পারবে না। মজা করি একটু।  
গোকো। বলি ও ছোকরা-সায়ের, বলো না বাবু,  
হুজুর-ইহুদী-সাহেবের বাড়ীটা কোন্ পথে ?

ল্যানসিলট। ভাইনে যাও। তারপর মোড় নেবে—  
নিয়ে চলে যাবে বাঁ হাতি—তার পরের মোড়ে  
আর কোনো হাতে ফিরতে হবে না—একেবারে  
সোজা-সুজি ঢুকে পড়বে ইহুদী সাহেবের বাড়ী।  
গোকো। এ তো ভারী কঠিন হলো, দেখছি।  
আচ্ছা, বলতে পারো বাপু, সে বাড়ীতে ল্যানসিলট  
বলে কেউ থাকে ?

ল্যানসিলট। ও ! আমাদের ল্যানসিলট দাদাবাবুর কথা  
বলচো ! (স্বগত) এবারে মজা করা যাক—চোখে  
বন্ধা বইয়ে দেবো’খন। (প্রকাশে) আমাদের  
ভাই-সাহেব ল্যানসিলট ?

গোকো। হুজুরের দোস্ত বুঝি ? হ্যাঁ, সেই  
ল্যানসিলটের কথাই বলচি।

ল্যানসিলট। আঃ—পষ্ট করে থলে বলো না বাপু,—  
আমাদের ভাই-সাহেব ল্যানসিলট তো ?

গোকো। হ্যাঁ। ল্যানসিলটের কথা বলচি, সাহেব।

ল্যানসিলট। ঐ হুজুর-ল্যানসিলট ?—ল্যানসিলটের  
কথা আর বলো না। বরাত ! আহা, যাকে বলে,  
নিয়তি ! সেই নিয়তির ফেরে সে বেচারী  
সরে পড়েছে। অর্থাৎ সাদা কথায় তিনি স্বগুণে  
গেছেন।

গোকো। বলো কি ! না, না—ঘাট ! সে যে  
আমার বুড়ো-বয়সের যষ্টি—সে যে আমার  
ভর করে দাঁড়াবার খুঁটা !

ল্যানসিলট। আমায় দেখলে ভাই মনে হয় ? আমি  
খুঁটা ? লাঠি ? ডাঙা ?...আমায় চিনতে  
পারচো না বাবা ?

গোকো। আমি অন্ধ, বাবা—কি করে তোমায়  
চিনবো ?

ল্যানসিলট। তোমার চোখ থাকলেও আমায় চিনতে  
পারবে না। যে-বাপের বুদ্ধি আছে, সেই শুধু  
নিজের ছেলেকে চিনতে পারে।...আচ্ছা শোনো,  
তুমি বুড়ো মানুষ—তোমার ছেলের খপর  
তোমায় আমি বলচি। (নতজানু হইয়া) আমায়  
আশীর্বাদ করো। মানুষের ছেলের খোঁজ বচনে  
না মিললেও, খুন-খারাপীর খপর ছাপা থাকে  
না। যা সত্যি, সোজা-সুজি তা কাঁশ হয়ে যায়।



গোকো। তুমি ওঠো তো বাপু—দাঁড়াও দিকিনি।

আমার মনে হচ্ছে, তুমিই আমার ছেলে।

ল্যানসিলট। আর চালাকি নয়—বাবা, সত্যি বলচি, আমি ল্যানসিলট—তোমার ছেলে। মানুষের যেমন ছেলে হওয়া উচিত, আমি তোমার তেমন ছেলে।

গোকো। কিন্তু আমার যে পেত্যয় হচ্ছে না বাবা, তুমি আমার ছেলে।

ল্যানসিলট। এ কথাটা কাণে ভালো শোনাচ্ছে না, বাবা। তুমি যদি পেত্যয় না করো, তাহলে আমি সে-কথা কি করে পেত্যয় করাবো?...আচ্ছা, দেখি চেষ্টা করে... ভালো প্রমাণ দি। আমি তোমার ছেলে—কেমন তো? আমার নাম ল্যানসিলট—তোমার ছেলে আমি—ইহুদী-মনিবের কাছে চাকরি করি। আমার মা-ঠাকরুণ অর্থাৎ তোমার ইস্তিরী গো,—আমার জননী—তঁার নাম হলো মার্জারী।

গোকো। ঠিক বলেচিস—তার নাম মার্জারীই বটেক! তাহলে পেত্যয় হচ্ছেক,—তুই আমার ছেলে ল্যানসিলট বটেক—আমারি রক্ত-মাংসয় বটেক নিছক গড়া! বিধেতার ইচ্ছেয় তাই হোক। কিন্তু ইং—তোমার মুখে এত দাড়ি গজিয়েচে—এঁা! আমার বোড়া ডবিন—তার ল্যাজেও যে এত বালামচি নেই রে, এই ম্যাতোখানি তোমার দাড়ি লম্বা।

ল্যানসিলট। ডবিনের ল্যাজ গজিয়েছে তার মুখের উষ্টো—মানে, পিছন দিকে। তবে আমি যখন এখানে আসি, তখন দেখে এসেচি, তার ল্যাজে ঢের বেশী বালামচি—আমার এই দাড়ির মত—চাই কি, দেখে এসেছি আমার দাড়ির চেয়ে তার ল্যাজ যেন ঢের-বেশী লম্বা আর পুরু!

গোকো। তুই তাহলে ভয়ঙ্কর বদলে গেছিস্ তো বটেক! তারপর মনিবের সঙ্গে কেমন বনচে? তাঁর জন্তে কিছু ভেট এনেছিলেম! দেখা হবে ডেনার সাথে?

ল্যানসিলট। বটে! বটে!...কিন্তু আমি যে মতলব করেচি, এখন থেকে পিটুটান দেবো। যত-দূরে পারি। মাঠ-বন পেরিয়ে গিয়ে তবে থামবো—তার আগে নয়।...মনিব আমার—যাকে বলে, হাড়-ইহুদী! তাকে দেবে তুমি ভেট! আরে ছোঃ! তার চেয়ে তার গলায় ফাঁশির রশি টেনে দাও যে, ঠিক হবে। তার চাকরিতে ঢুকে ইন্তক শুকিয়ে

চিমসে হয়ে গেছি! আমার হাড়-পাঁজরাগুলো কি রকম ঝিক তুলে খাড়া হয়ে উঠেচে—তা হাত দিলেই মালুম করবে'খন।—সত্যি বাবা, তুমি এসেচো, এতে আমি ভারী খুশী হয়েছি। ভেট এনেচো—বেশ, সে ভেট দাও তুমি ঐ বাসানিও সাহেবকে। মানুষের মত মানুষ! বনেদী ঘরের ছেলে—কি বকশিশ যে দেন তাঁর চাকর-বাকরদের! চাকর-বাকররা কেমন রকমারী দামী পোষাক পরে! হুঃ! তাঁর কাছে যদি চাকরি মেলে, তাহলে এ-তজাট ছেড়ে এখনি লম্বা দি!...ঐ তিনি আসচেন। বাবা, বাবা, তুমি এগোও...যাও একেবারে ওঁর সামনে—সত্যি বলচি বাবা, আমি যদি আর ইহুদীর কাছে আর একটি দিন চাকরি করি—তাহলে—তাহলে আমি ইহুদী...আমার বাপ ইহুদী...আমার চোন্দপুরুষ ইহুদী হয়ে যাবে। হ্যাঁ।

( বাসানিয়ো, লিয়োনার্ডো প্রভৃতির প্রবেশ )

বাসানিয়ো। বেশ, তাই করে। কিন্তু একটু চটপট—বুঝলে। পাঁচটার মধ্যে খাবার-দাবার যেন তৈরী থাকে!—আর এ চিঠিগুলো বিলি করে দিয়ে...চাকর-বাকরদের কাপড়-চোপড় তৈরী করিয়ে দিয়ে। আর গ্রাসিয়ানোকে খপর দিয়ে। সে যেন আমার ওখানে নিশ্চয় আসে—বুঝলে!

[ ভূতোর প্রস্থান ]

ল্যানসিলট। বাবা, বাবা—ইনিই...বুঝলে...

গোকো। সেলাম সাহেব! বিধেতা-আগনার মজল করুক।

বাসানিয়ো। ধন্যবাদ! সেলাম। আমার সঙ্গে কোনো কথা আছে?—কি চাও?

গোকো। এটি আমার ছেলে হজুর—বেচারী।

ল্যানসিলট। বেচারী নই হজুর। ঐ মন্ত পয়সাওলা ইহুদী—তার বাড়ীতে আমি চাকরি করি—বাবার সে কথা বলা উচিত ছিল।

গোকো। ওর বড্ড ছোঁয়াচে রোগ আছে, হজুর—যার নাম, চাকরি করা।

ল্যানসিলট। মানে, আমার বাবা বলতে চাইছে,—আমি ইহুদীর কাছে চাকরি করি কি না, তা আমার ইচ্ছে—সেই ইচ্ছের কথাই বাবা বলতে চায়।

গোকো। মনিবের সঙ্গে ওর গোষাচ্ছে না। আপনাকে ও ভারী খাতির করে হজুর।

ল্যান্সিলট। মানে, আসল কথা—ইহুদী মনিব আমার সঙ্গে ভারী খারাপ ব্যাভার করছে—তার দরুণ...মানে, যা হয়ে থাকে, বাবা আপনাকে বলবে'খন...

গোকো। আমি হুজুর এক-ঝুড়ি ঘুঘু পাখী এনেছি—ভেট—হুজুরের পায়ে দিতে চাই। মানে, আমি চাই কি...

ল্যান্সিলট। এক কথায় বলতে গেলে, হুজুর—আমি যা চাই, তা আমার নিজের মুখে বলা সাজে না। তাই আমার বাবা—মানে, আমার বাবা ভারী ভালো লোক...বুড়ো মানুষ...বাবা নিজেই আপনাকে সে-কথা বলবে। বুড়ো হলে হবে কি, বাবা আমার ভারী গরীব।

বাসানিয়ো। হুজুনেই একসঙ্গে বকবে? কি চাও?

ল্যান্সিলট। আপনার কাছে চাকরি করতে চাই, হুজুর।

গোকো। এই আর কি আসল কথা, হুজুর।

বাসানিয়ো। তোমায় আমি চিনি,—বেশ,—তোমার চাকরি মঞ্জুর করলেম। আজই তোমার মনিব শাইলক আমার কাছে তোমার কথা বলছিল—তোমার স্মৃতি করছিল। তবে, শাইলকের মত বড়মুহুর মনিবের চাকরি ছেড়ে আমার মত গরীবের কাছে চাকরি—তোমার পছন্দ হয় যদি, বেশ, করো আমার কাছে চাকরি।

ল্যান্সিলট। আপনি আর আমার মনিব শাইলক—হুজুনের সম্বন্ধে সেই কথাটা চমৎকার খাটে, হুজুর। আপনি পেয়েচেন ভগবানের রূপা হুজুর—আর শাইলক পেয়েচে টাকা।

বাসানিয়ো। ভালো কথা বলিয়াছ। যাও হুজুনায পিতা-পুত্র—পুরাতন প্রভুর নিকট; বিদায় লইয়া এসো। করিয়ো সন্ধান, কোথায় আমার গৃহ।

(ভূতোর প্রতি) দিবে তুমি এরে অপরের চেয়ে ভালো উজ্জল বসন।

এ মোর আদেশ তুমি পালিবে নিশ্চয়।

ল্যান্সিলট। বাবা—না...তুমি যাও। চাকরি করা আমার পোষাবে না। আমার বুদ্ধি একেবারে অষ্টরস্তা! (কর-তল দেখিয়া) অথচ সারা সহরে সকলের হাতের সঙ্গে হাত মিলিয়ে দেখলে হলফ নিয়ে সকলকে বলতে হবে, আমার বরাতের জোর সন্ধ্যার চেয়ে বেশী! বরচো... এই যে দেখচো—সাদা দাগ—এটা হলো আমার আয়ু-রেখা। আর এই যে কতকগুলো হিজিবিজি,

এগুলোর মানে ইস্তিরী! মানে, আমার পনেরোটি ইস্তিরী লাভ হবে। তা, পনেরোটি ইস্তিরী আর কত-কটি! তার মধ্যে এগারোটি বিধবা ইস্তিরী; নটি কুমারী! একজন মানুষের পক্ষে তো শাকের আঁটি;—তবে ও ইঁ্যা, তিনটি ফাঁড়া আছে জলে ডোবার—পেরনটার বিপদ-আপদও ঘটবে!—অদেষ্টি ঠাকরুণ যদি মেয়ে নোক হয় তো নোকটিকে ভালো—তা বলতে হবে। বাবা, বাবা, ইহুদীর কাছ থেকে চাকরি চুকিয়ে এখন আমি আসবো নতুন মনিব সাহেবের কাছে।

[ল্যান্সিলট গোকোর প্রস্থান  
বাসানিয়ো। শোনো তুমি লিওনার্দো, রাখিয়ো খেয়াল।

জিনিষ-পত্তর যেন কেনা হয় ঠিক,  
যেমন যা বলিয়াছি। ত্বরান্বিত করো তুমি।  
রাত্রে আজ ভোজ আছে—যতক বান্ধব  
সে ভোজে আসিবে। তুমি বিলম্ব করো না।  
লিওনার্দো। যথাসাধ্য তব আজ্ঞা করিব পালন।

(গ্রাসিয়ানোর প্রবেশ)

গ্রাসিয়ানো। কোথা প্রভু তব?  
লিওনার্দো। পথে এই রয়েছেন।  
[প্রস্থান

বাসানিয়ো। গ্রাসিয়ানো!  
গ্রাসিয়ানো। একটি প্রার্থনা আছে।  
বাসানিয়ো। বলো।

প্রার্থনা পূর্যবো তব।  
গ্রাসিয়ানো। পূরণো তা চাই।  
তব সাথে বেলমণ্টে হবে সহগামী।

বাসানিয়ো। বাসনা যখন, তাহা মিটিবে নিশ্চিত।  
কিন্তু এক কথা বন্ধ—শোনো গ্রাসিয়ানো,  
স্পষ্ট তব ভাষা হয় অপ্রিয়, কঠিন,  
রুঢ় কভু—মোরা জানি—অন্তর তোমার—  
আমাদের কাছে তাই সেই রুঢ় ভাষা  
মানিয়া সাজিয়া যায়; কিন্তু অল্প জন—  
তোমার মনের সাথে নাহি পরিচয়—  
ও কঠিন ভাষা তব অমন উদ্দাম  
তাদের আবার দিবে; সে আঘাত হেতু  
তোমারে বৃষিবে ভুগ! তাই অরুরোধ,  
উদ্দাম বচন তব করিবে সংযত;—  
যারে বখা ইচ্ছা, তথা কহিবে না কথা;  
বিনয়-নম্রতা-রেশ মাথায়ো বচন—

নহে তব সে ভাষায়, যদি বা অপরে—  
আমারেও বোঝে ভুল, যেথা চলিয়াছি  
তথাকার কোনো 'প্রাণী'—চূর্ণ হবে আশা।  
গ্রাসিয়ানো। বাসানিয়ো, ভদ্র, তবে শোনো মোর কথা।

যদি মোর চিত্ত আমি শান্ত নাহি করি,  
ভাষায় সঙ্গম ভরি' বিনয়ে ভূষিত—  
মাঝে মাঝে অতি মুহুঃ শপথের বাণী—  
পকেটে না রাখি মোর ধর্ম-পুঁথি-পত্র,  
গভীর না যদি রই—পুণ্য-কথা শুনি  
শির-আবরণ খুলি 'আমেন' না বলি,  
ভদ্রতার বিধি যদি না করি পালন,  
বিরাট গান্ধীর্ষ্য মুখে ছুরস্ত বালক  
ঠাকু'মারে করে যথা অভি-পুলকিত—  
কখনো বিশ্বাস তবে করো না আমারে।

বাসানিয়ো। ভালো, ভালো, দেখা যাবে তব আচরণ।  
গ্রাসিয়ানো। আজিকার রাত্রিটুকু শুধু বাদ দিয়ে।

আজি রাত্রে যাহা করি, তাহা দিয়া তুমি  
বিচার কোরো না যেন মোর আচারের।  
বাসানিয়ো। সে বিচার করিব না। হবে নিষ্ঠুরতা।

বন্ধুদলে আজি রাত্রে—এ মোর প্রার্থনা  
কোঁতুকে প্রমোদ-বস্ত্র বহাইয়া দিয়ে।;  
যেহেতু বান্ধব-জন আমোদ-পিয়াসী।  
কিন্তু আর কথা নয়...বিদায় এখন।  
কাজ আছে।

গ্রাসিয়ানো। যাই আমি লরেঞ্জোর পাশে;  
সেথায় বিশ্রাম লবো। পরে যথা-কালে  
ভোজ-পর্বে পুনরায় ভেটিব সবারে।

[ সকলের প্রস্থান ]

### তৃতীয় দৃশ্য

ভেনিস—শাইলকের গৃহ-কক্ষ

( জেশিকা ও ল্যান্সিলটের প্রবেশ )

জেশিকা। মনে সত্য ব্যথা পাই, ছেড়ে চলিয়াছ।

এ গৃহ নরক যেন! তুমি হেথা ছিলে  
হাসি-মুখ দৈত্যসম! নিরানন্দ পুরী—  
সে পুরীতে ছিলে তুমি আনন্দের জ্যোতি!  
আজিকে বিদায় চাও—হউক কুশল।

লহ এ ড্যাকট মুদ্রা, পুরস্কার তব।  
ভালো কথা, ল্যান্সিলট—ভোজের আসরে  
নূতন প্রভুর গৃহে দেখা পাবে তুমি

লরেঞ্জোর...এই পত্র দিয়ে। তাহে তথা,  
গোপনে। বুঝিলে কথা! এসো এবে তুমি।  
এই কথা—ইজিত-ভঙ্গীতে পিতা যেন  
নাহি জানে!...

ল্যান্সিলট। চললেম দিদিমণি! কি আমি বলবো,  
জানি না। আমার কান্না পাচ্ছে। ইহুদীর  
ঘরে এত স্নেহ-মমতা, এমন ভালো মন—রূপে-  
গুণে এমন মেয়ে জন্মায়, কে তা বিশ্বাস করবে  
দিদিমণি, তোমায় না দেখলে! কীরীস্তানের ঘর  
তোমার রূপে-গুণে—তুমি যদি না আলো করো  
...তো কি বলেছি! চললেম দিদিমণি—চোখের  
জলে সত্যি ভুলে যাচ্ছি যে আমি পুরুষ মানুষ—  
আমার চোখে জল সাজে না। আসি দিদিমণি।  
জেশিকা। এসো ল্যান্সিলট!

[ ল্যান্সিলটের প্রস্থান ]

কি জ্বালায় অহর্নিশি জলে মোর মন!  
করিয়াছি কত পাপ! স্বপ্না হয় মনে,  
এমন পিতার পুত্রী আমি! বিড়ম্বনা!  
পিতৃ-রক্তে জন্ম, মন তাঁর মন-ছাড়া!  
লরেঞ্জো...লরেঞ্জো যদি কথা রাখে তার—  
সত্য যদি কহে, থাকে সত্য নিষ্ঠা প্রেমে,  
অস্তরের দাহ-প্রাণি করিব মোচন...  
ইহিব খুঁধান তব প্রেয়সী বনিতা।

[ প্রস্থান ]

### চতুর্থ দৃশ্য

ভেনিস—রাজপথ

( গ্রাসিয়ানো, লরেঞ্জো, সালারিনো ও শোলানিয়োর  
প্রবেশ )

লরেঞ্জো। মা—না, ঠিক ভোজ-ক্ষণে পহুঁছিব তথা;  
তার পর গৃহে ফিরি ধরি ছদ্মবেশ  
প্রহরার্কালে পুনঃ আসিব ফিরিয়া।

গ্রাসিয়ানো। আয়োজন প্রাপ্ত হইয়া মোদের।

সালারিনো। মশাল-বাহীর লাগি করিব উত্তোগ!

শোলানিয়ো। বিধি-মতে কার্য যদি না হয় সাধন,

সে বড় কদর্য হবে। তার চেয়ে বলি,

কাজ নাই। ব্যর্থতায় বহু বিড়ম্বনা!

চারিটা বেজেছে মাত্র। ছুটি বণ্টা বাকী।

ছ'বণ্টায় আয়োজন খুব পাকা হবে।

(পত্র লইয়া ল্যানসিলটের প্রবেশ)

এসো, এসো, ল্যানসিলট, কি তব সংবাদ ?

ল্যানসিলট। এর শীলমোহর ভেঙ্গে দেখুন, সব ঝপর পাবেন।

(পত্র দিল)

লরেঞ্জো। জানি, কার হস্তাক্ষর ! সুপ্রী স্কুসুমার—

যে কাপজে লিখিয়াছে তার চেয়ে বেশী

সুন্দর অগ্নান কিবা সে হাতের লেখা !

গ্রাসিয়ানো। প্রেমের সন্দেশ—তায় নাহিক সংশয়।

ল্যানসিলট। তা'হলে আমার ছুটি মঞ্জুর, হুজুর ?

লরেঞ্জো। কোথায় চলেছ তুমি ?

ল্যানসিলট। আজ্ঞে, পুরোনো ইহুদী মনিবের কাজে

জবাব দিতে,—তার পর সেখান থেকে যাবো

নতুন ক্রিস্তান মনিবের ভোজে পাত পাড়তে।

লরেঞ্জো। রহ ! কথা শোনো, তুমি বলো জেশিকারে—

যেমন হয়েছে কথা—কাজ ঠিক হবে।

কোনো ক্রটি হবে না কো—বলিয়ে গোপনে।

বুঝিয়াছ ? যাও এবে।

[ল্যানসিলটের প্রস্থান]

আজি রাত্রে অভিনয়-দৃশ্য-আয়োজন

করিতে প্রস্তুত আছ ? মশাল-ধারীর

পেয়েছি সন্ধান আমি। প্রস্তুত সকলে ?

সালারিনো। অচিরে যাইব তথা

শোলানিয়ো।

আমিও যাইব।

লরেঞ্জো। তাহলে আসিয়ো দৌঁহে গ্রাসিয়ানো-গৃহে

মিলিতে মোদের সনে ক্ষণ-কাল পরে।

সালারিনো। সেই ভালো। সেথা হবে নিশীথ-

ভোজন।

[উভয়ের প্রস্থান]

গ্রাসিয়ানো। রূপসী জেশিকা বুঝি চিঠি লিখিয়াছে ?

লরেঞ্জো। সব কথা বলিব তোমারে। লিখিয়াছে।

করেছে নির্দেশ,—কেমনে তাহারে আমি

পিতৃ-গৃহ হতে তার করিব উদ্ধার !

কত মণি-মুক্তা-ধন রাধিবে মজুৎ

কিশোর বালক-বেশে রহিবে সাজিয়া।

বড় ভালো মেয়ে এই সুন্দরী জেশিকা—

যদি তার ইহুদী এ বাপ স্বর্গে যায়,

যাবে সে মেয়ের পুণ্যে। দুর্ভাগ্য কখনো

জেশিকার পাশে জেনো, পশিতে নারিবে।

তবে যদি কখনো সে ডাকে কোনো হলে

ডাকিবে সে ইহুদীর তনয়া বলিয়া !

চলে এসো। পথে যেতে পড়ো তুমি নিজে

এই চিঠি। জেশি হবে মশাল-ধারিণী।

[উভয়ের প্রস্থান]

শব্দগুচ্ছ দৃশ্য

ভেনিস—শাইলকের গৃহ-সম্মুখ

শাইলক ও ল্যানসিলটের প্রবেশ

শাইলক। ভালো, ভালো—চোখ আছে ! সে চোখে দেখিসু—

বাসানিয়া-শাইলকে কত সে তফাত !

কৈ ? কোথা কত জেশি ? শোনো মোদা বাপু,

হেথায় উদর-পুষ্টি করিতে যেমন,

তেমন হবে না নব মনিবের ঘরে।

জেশিকা—ওরে, ও জেশি,—তাও বলি বাপু,

নাসিকা-গর্জনে আর চলিবে না ঘুম !

জেশিকা ! জেশিকা ! আঃ, ডেকে খুন হই !

ল্যানসিলট। কোথায় জেশিকা দিদি ? ওগো দিদিমণি !

শাইলক। কে তোরে হুকুম দেছে ডাকিতে রে পাজী ?

আমি বলি নাই কভু—ডাক জেশিকারে।

ল্যানসিলট। হুজুর আমায় বলতেন—কোনো কাজ

না বললে আমি করতে পারি না...

জেশিকার প্রবেশ

জেশিকা। আমায় ডাকিছ বাবা ? কিবা প্রয়োজন ?

শাইলক। শোন—আজি ভোজে মোর নিমন্ত্রণ আছে।

এই নে আমার চাবি। (চাবি দিল)

কিন্তু কেন যাবো ?

স্নেহ-প্রীতি-বশে নহে মোর নিমন্ত্রণ।

আজ ভারী খোসামোদ—তুষ্টি মিষ্ট ভাষে !

যাবো মনে ঘৃণা লয়ে—উজ্জ্বল-মেজাজ

লক্ষ্মীছাড়া খুষ্টানের অন্ন ধ্বংসিবারে !

জেশিকা—শোন কথা, খু-উ-ব হুঁশিয়ার,

ঘর-ঘর চোকি দিবি। মন নাহি চায়,

ঘর ছেড়ে যেতে। মনে, কি জানি, কি ভয়,

মনে হয়, কি যেন কি বিপত্তি ঘটবে—

মনের যা সুখ-শান্তি সব হবে লোপ।

সোনার থলির স্বপ্ন দেখিয়াছি রাতে।

ল্যানসিলট। যান, হুজুর, যান। আমার নতুন মনিব

সেখানে আপনার পথ চেয়ে আছেন।

শাইলক। আমিও তাঁর পথ চেয়ে আছি।

ল্যানসিলট। ওরা সকলে মিলে শলা করছিল হুজুর,

মুখোস-পরা যাদের দেখবেন, তারা বহুরূপী...  
কিন্তু থাক, আমি বলবো না। যদি না দেখেন,  
তাহলে সেই অমাবস্তার সোমবারে মিছি মিছি  
কি আমার নাকে রক্ত পড়েছিল! তবে গিয়ে চার  
বছর আগে সেই ধোঁরাটে বুধবার—সেদিনও  
বেলা চারটের সময় আর একবার...

শাইলক। বটে! আছে ছদ্ম-মুখোসের অভিনয়!

জেশিকা—শোনু মা, দ্বারে এঁটে দিস্ তালো—  
পথে যেই শুরু হবে চাকের আওয়াজ  
কিবা কাণ-ফুটো-করা বাঁশীর ফুৎকার—  
আসিসনে খবর্দার জানালার ধারে—  
মাথাটি বাড়িয়ে পথে দেখিস নে চেয়ে—  
রঙ মেখে রাঙা যত ক্রীতানের মুখ  
দেখা ভালো নয়! তাতে মহা পাপ হয়।  
ঢাক-ঢোল আওয়াজের ডামাডোল শুনে  
আমার বাড়ীর কাণ দিবি বন্ধ করি—  
কাণ মানে, দ্বার-জান্না ফোকর-নর্দামা—  
কবে বন্ধ করে দিস্—কথাটা বুঝিলি!  
আমার ধর্মের ঘরে সে শব্দ না ঢোকে!  
জেকবের লাঠি—তার শপথ আমার,  
রাক্তি-ভোজে যাইবার মোটে ইচ্ছা নাই।  
তবু যাই। যেতে হবে। তুই আগে চল—  
ল্যঙ্গিলট, গিয়ে বন্ য়েতেছি এখন।

ল্যঙ্গিলট। আমি আগেই যাচ্ছি। দিদিমণি,  
জানলা দিয়ে মুখ বাড়িয়ে পথের বাগে চেয়ো,  
চাইলে দেখবে...

পথে একজন কীরীস্তান লোক—  
দেখে খুশী হবে ইহুদিনার চোখ!

[গ্রহান]

শাইলক। গো-সাপের বাচ্ছাটা বিড় বিড় করে' ও  
কি ছড়া বলে গেল রে?

জেশিকা। বলে গেল—“দিদিমণি,—চনহু তবে  
আমি।”

ছড়া আর আমারে সে কি বলিবে, বলো?

শাইলক। বোকা ভাঁড়—মন্দ নয়! কিন্তু খেতো খুব।

কচ্ছপের মত চলে। সারা দিন ঘুম—

কুস্তকর্ণ হার মানে ঘুমের বহরে!

কুড়ে গরু—এ গোয়ালে ঠাই নাই তার!

তাই আমি ছেড়ে দিচ্ছি। ছাড়ার কারণ,

লক্ষী-ছাড়া বাউতুলে ক্রীতান ব্যাটার

খশাক পঁটের কড়ি! ধার-লওয়া কড়ি

খশাক যতটা খশে! স্বস্তি আছে তাতে।  
জেশিকা, ঘরেতে যা। এখনি ফিরিব।  
যা বলিছ, মনে আছে?—খুব হুঁশিয়ার!  
সদর করে দে বন্ধ, ঘরে আঁট তালো—  
বন্ধ ঘরে নিরাপদে থাকে টাকা-কড়ি।  
কথা আছে,—এঁটে যদি বন্ধ রাখো ঘর—  
টাকা বেঁচে থাকে লক্ষ-কোটি বছর!  
শাস্ত্র-কথা—এ কথার দাম খুব বেশী!  
এ কথা যে মানে, তার জীবনে অভাব  
টাকার হয় না কভু! হুঁঠাই দুজনে  
হবো—তায় নাহি ভুল।

[গ্রহান]

জেশিকা। এসো তুমি।

ভাগ্য মোর যদি নাহি হয় প্রতিকূল...

তরী বেয়ে যাবো দৌহে—নাহি তায় ভুল।

[গ্রহান]

## ষষ্ঠ দৃশ্য

ভেনিস—পূর্বদৃশ্য

(ছদ্মবেশে গ্রাসিয়ানো ও সালারিনোর প্রবেশ)

গ্রাসিয়ানো। এই সে বারান্না—যার তলে আমাদের  
লরেঞ্জো বলিয়া দেছে, দাঁড়িয়ে থাকিতে।

সালারিনো। সাক্ষাতের কাল—তাও উত্তীর্ণ হলো যে!

গ্রাসিয়ানো। আশ্চর্য্য বিলম্ব তার! প্রেমিকের দল

সময়ের আগে আগে চলে—এই শুনি।

সালারিনো। নব প্রেম-প্রতিশ্রুতি করিতে পালন

অতনুর দূত যত পারাবতগুলা

নক্ষত্রের বেগে ওড়ে। তবু এ বিলম্ব?

গ্রাসিয়ানো। দারুণ সমস্তা! কহ, যেই ক্ষুধা লয়ে

মাংস ভোজনে বসে—সেই তীব্র ক্ষুধা

থাকে কি ভোজন-শেষে? যে উদ্দাম বেগে

যাত্রা শুরু করে অশ্ব, সে বেগ তাহার

ফিরবার কালে কভু রহে না তেমন।

তেমনি সকল বস্তু পাবার আগেতে

বাসনা সে অতি-তীব্র হয় চিরদিন—

যেমন তা পাওয়া, বলো, ভোগ-স্বত্ব তায়

কতটুকু মিলে আর? বিধির বিধান!

তীর ছাড়ি তরী যবে পাড়ি দেয় জলে

পালে বাতাসের মোলা—চলে চেউ ভাঙ্গি,—

কি মধুর গতি-ভঙ্গী! ফিরে আসে তরী—

জীর্ণ পাল কাষ্ঠ-অস্থি করে নড়বড়  
চেঁটে খেয়ে বিমলিন শীর্ণ দেহ লয়ে—  
বাঁতাসে শিহরি কাঁপে, বুঝি প্রাণ যায় !

লরেঞ্জোর প্রবেশ

সালারিনো । এই যে লরেঞ্জো আসে । পিছনে তাহার  
দেখি ক্রমে আরো কিবা হয় বা প্রকাশ !

লরেঞ্জো । বহু ধৈর্য্যে প্রতীক্ষিয়া আছ মোর পথ—

এ বিলম্ব ক্ষমা করো হে প্রিয় স্নহদ—

ঘটনার পাকচক্রে বিলম্ব ঘটিল ।

হরণে প্রেয়সী-লাভ করিবে যখন,

আমিও এমনি রব প্রতীক্ষিয়া পথ !

কে ? কে ? কে আছ এ গৃহে ? ওগো...

( কিশোর-বেশে জেশিকার প্রবেশ )

জেশিকা । কে ডাকিছে ?

সত্য পরিচয় কহ । স্বরে অল্পমানি—

এ কণ্ঠ আমার পরিচিত ।

লরেঞ্জো । প্রিয়তমে,

আমি...আমি লরেঞ্জো তোমার...আসিয়াছি ।

জেশিকা । লরেঞ্জো ! আমার তুমি ! সত্য বলিতেছ ?

এত ভালো আর-কারে বাসিনি কো কভু !

তুমি মোর—ভালো কথা ! কিছু নাহি জানি,

তুচ্ছ জেশি—সে তোমার—তোমার সে সত্য ?

লরেঞ্জো । দেবতা জানেন, তুমি একান্ত আমার ।

জেশিকা । ধরো এই পেটি ডবে ! খুব বেশী দাম ।

রাত্রি-কাল—খুশী আমি । দেখিবে না চোখে

আমারে এ বেশে তুমি । বেশে লজ্জা পাই ।

কিন্তু কি করিব ? প্রেম অন্ধ দৃষ্টিহীন—

• যে-ভুল প্রেমিকে করে, দেখিতে না পায়

সে ভুল প্রেমিক নিজে । তা যদি দেখিত,

মোর এ পুরুষ-বেশে হেরিয়া মলিন

লজ্জায় হতেন নিজে অত্যন্ত-দেবতা !

লরেঞ্জো । নেমে এসো দীপ হাতে—হবে আলো-ধারী ।

জেশিকা । আমি ধরি আলোক-বস্ত্রিকা ! সে কি কথা !

লজ্জা-হীন লজ্জা'পরে ধরিব এ আলো !

আপন-আভায় লজ্জা আপনি বিকাশে !

আলো সে আমারে ভালো করিবে প্রকাশ !

গোপনে থাকিতে আমি চাহি প্রিয়তম !

লরেঞ্জো । গোপন হয়েছ প্রিয়ে এই ছদ্মবেশে !

কিশোর বালক-সাজে কে চিনে তোমারে ?

এসো স্বরা—যামিনী যে হয় অবসান !

আমাদের যেতে হবে বাসানিয়ো-গৃহে,

নিমন্ত্রণ আছে সেথা ।

জেশিকা ।

যার বন্ধ করি ।

আরো বহু স্বর্ণমুদ্রা ডাক্ট লইয়া

অচিরে মিলিব আসি তব সনে, প্রিয় ।

[ বারান্দা হইতে প্রস্থান ]

গ্রাসিয়ানো । সত্য কহি, এ বালিকা ইহুদিনী নয় ।

লরেঞ্জো । প্রত্যয় করিবে ? আমি বড় ভালোবাসি ।

বুঝিয়াছি যত দূর,—বালা বুদ্ধিমতী ।

আঁখি যদি সত্য কয়—রূপসীর মণি !

প্রেমে নিষ্ঠাবতী সত্য—পেয়েছি প্রমাণ ।

আমার অন্তরময়ী—জীবন-রূপিনী !

জেশিকার প্রবেশ

এই যে এসেছ, প্রিয়ে । চলো, যাই সবে ;

যত রত্ন-সদ্বী সেথা চেয়ে আছে পথ ।

[ জেশিকা, লরেঞ্জো ও সালারিনোর প্রস্থান ]

( আন্তনিয়ার প্রবেশ )

আন্তনিয়া । কে আছ হেথায় ?

গ্রাসিয়ানো । এ কি ! ভদ্র আন্তনিয়ো !

আন্তনিয়ো । ছি হি গ্রাসিয়ানো !—

আর সব কোথা গেল ?

ন'টা বাজে—প্রতীক্ষায় বসিয়া সকলে !

রত্ন-অভিনয় আর হবে না কো আজি ।

বায়ু বহে ; বাসানিয়ো চড়িবে জাহাজে—

বিশ জন অনুচরে পাঠায়েছি আমি

দিকে দিকে তোমাদের করিতে সন্ধান ।

গ্রাসিয়ানো । গুনিয়া হলেম খুশী । তুলে দিক পাল—

এই রাত্রে যদি পাড়ি দিতে-পারি জলে,

তার বেশী স্নেহ বলো, কিসে আর পাই ?

[ সকলের প্রস্থান ]

সম্ভ্রম দৃষ্টা

বেলমণ্ট—পোশিয়ার কক্ষ

(পোশিয়া, মরক্কোর রাজপুত্র ও অনুচরবর্গের প্রবেশ)

পোশিয়া । যাও হোথা—যবনিকা কর উন্মোচন—

সম্পূট-আধার তিন । আসল সম্পূট—

বিচারে বাছিয়া লহ কুমার ধীমান ।

মরক্কো । প্রথম সম্পূট দেখি স্ববর্ণে রচিত ।

লেখা তায়—“আমারে যে করিবে গ্রহণ

পাবে সে যা বহু-জন-বাহিত ধরায় ।”  
 দ্বিতীয়টি রোণ্যে রচা—লেখা ক্ষোদা তায়—  
 “মোরে নিলে পাবে তুমি যোগ্য যা পাবার ।”  
 তৃতীয় সীসায় গড়া । বাঁকা লেখা দেখি—  
 “আমারে চাহিলে, যাহা আছে, তা হারাবে ।”  
 তাইতো, এ তিন পেটি—কেমনে জানিব ?  
 আসল সম্পুটটরে কি দিয়া বাছিব ?  
 পোশিয়া । এ তিন সম্পুট আছে—একটির মাঝে  
 আছে মোর চিত্র ; যদি বেছে নিতে পারো  
 সে সম্পুটে, আমি তবে হইব তোমার ।  
 মরক্কো । দেবতারে ডাকি মোর সহায় হইতে !  
 দেখি—তিন লেখা পড়ি—করিব বিচার ।  
 সীসার সম্পুটে লেখা—এ কথা অদ্ভুত !  
 “আমারে চাহিলে যাহা আছে, তা হারাবে ।”  
 হারাবো ? কিসের লাগি ? সীসা তুচ্ছ অতি—  
 যা আছে, তা হারাইব ? এ যে বিভীষিকা !  
 সর্বস্ব হারাতে যদি চাহে কোনো জন—  
 তার বিনিময়ে—চাহে লভ্য সেই-মত ।  
 তুচ্ছ সর্বস্ব-ত্যাগ—সে যে প্রচণ্ড মৃত্যু !  
 উঁচু সে নজর যার—হীনে নাহি ভোলে !  
 তুচ্ছ সীসাখণ্ড লাগি কিছু দিতে নারি ।  
 যা আছে, করিব ত্যাগ তুচ্ছ সীসা-লোভে—  
 এমন বেকুব নহি ! রূপার সম্পুট—  
 এই যে নির্মল-দীপ্তি—এতে লেখা আছে,  
 “মোরে নিলে পাবে তুমি যোগ্য যা পাবার ।”  
 যোগ্য যা পাবার ? ধীরে ধীরে হে মরক্কো,  
 আপনায় মূল্য আগে করো নিরূপণ ।  
 নিজ-মূল্যে পরিমাপ করো যদি ভব—  
 সে মূল্যে কুমারী-লাভ—সে মূল্য যদি-বা  
 অগ্রচুর হয়ে যায় কুমারী লাভিতে—  
 নিজ-মূল্য হবে হ্রাস—কত্যা নাহি পাবে ।  
 এই তো রূপসী বধু—কুলে-নীলে-ধনে  
 রূপে-গুণে সর্ব অংশে যোগ্য তার আমি—  
 তারো চেয়ে বড় মূল্য মোর ভালোবাসা—  
 সে ভালোবাসার মূল্যে কেন নাহি পাবো ?  
 কিন্তু মিছা এই তর্ক ! আমার বিচারে  
 আমি যোগ্য এক-কতার । যোগ্যে যোগ্য লাভ ।  
 বিচারে কিসের দ্বিধা ? কেন বা সংশয় ?  
 তবু দেখি আর-বার স্বর্ণপেটি-লেখা—  
 এই যে,—“আমারে যে করিবে গ্রহণ,  
 পাবে সে যা বহু-জন-বাহিত ধরায় ।”  
 বহু জনে বাঞ্ছা করে এই রূপসীরে—  
 চতুর্দশ বিশ্ব হতে দলে দলে আসে

কত না বিচিত্র পাত্র—তীর্থ-ঈশ্বরী প্রায়  
 এ পুণ্য-মন্দিরে চাহি জীবন্ত প্রতিমা !  
 কোথায় সে হাশিনিয়া মরুর প্রান্তর—  
 হৃদয় আরব কোথা ঘন বনে ঘেরা—  
 কত রাজা-রাজপুত্র পোশিয়ার পাণি  
 প্রার্থিয়া হেথায় নিত্য আসে আশা লয়ে !  
 হস্তর জলধি-বক্ষ তরঙ্গ-সঙ্কুল—  
 বরুণের পাশ-অস্ত্রে বরষিছে জল  
 ঝরঝরিয়া বিদীর্ণ অধরে—বাধা নাই—  
 সে জলধি পার হয়ে অবহেলা-ভরে  
 পোশিয়ার রূপে মুগ্ধ আসে দলে দলে ।  
 এ তিন সম্পুট—এর একটিতে আছে  
 ত্রিদিব দেবীর চিত্র ! সম্ভব কি কভু  
 কদম্ব সীসায় ঢাকা রহিবে সে ছবি ?  
 এ চিন্তা নীচের—ছি ছি—তা কি হতে পারে ?  
 রূপসীর ছবি রবে নীচ সীসা-তলে !  
 রূপার পেটিতে ছবি ? কিন্তু হীন রূপা—  
 স্বর্ণ হতে মূল্য তার দশগুণ কম !  
 এ চিন্তায় লাগে পাপ ! অমূল্য রতন—  
 স্বর্ণ হতে নীচ ধাতু-পাত্রে—তার ছবি  
 কভু না রহিতে পারে ! না, না, অসম্ভব !  
 গুনিয়াছি, ইংলণ্ডে স্বর্ণমুদ্রা চলে—  
 তার প’রে ক্ষোদা থাকে দেবতার ছবি !  
 হেথায় উপরে নয়—সম্পুটের তলে  
 স্ববর্ণ-শয়নে আছে পুণ্য-দেবী-ছবি ।  
 দাও চাৰি । স্বর্ণপেটি আমি বাছিলাম ।  
 দেবতা, কামনা মোর পূর্ণ করো প্রভু !  
 পোশিয়া । লহ চাৰি । পেটি-দ্বার মুক্ত করো ; রাজা—  
 ছবি মোর পাও যদি, পাইবে আমারে ।  
 মরক্কো । ( চাৰি দিয়া পেটি খুলিল )  
 এ কি—এ কি ! এ যে হেরি প্রত্যক্ষ নরক !  
 মৃত-শির-কঙ্কাল ! হেথায় অক্ষি-কক্ষে  
 লিখন রয়েছে আঁটা ! পড়ি এ লিখন—  
 ( লিখন-পাঠ ) :—  
 “এ কথা কি কানে হয়নি শোনা ?  
 চক্-চকালেই হয় না সোনা !  
 বহুং বেকুবে বেচেছে প্রাণ  
 দেখতে আমার ঢাকনি খান !  
 গোরের সোনা—পোকার খাঁচা—  
 জোয়ান দেহ ; বয়স কাঁচা—  
 বুদ্ধি-সাহস হলে তুল্য তার—  
 পড়তে হতো না এ লিখন আর !  
 এখন সরে পড়ো—না-মজুর !

বধূর আশা তব কাঁশিয়া চুর !  
খাটুনি হলো মিছে—অসার প্রাণ ।  
গরম ঘুচে শীতে কাঁপলো জান্ন !”

পোর্শিয়া, বিদায় দাও—মন বড় ভার !  
ব্যথায় বিদায় লই—হলো মোর হার ।

[সাহুচর প্রস্থান

পোর্শিয়া । নিশ্বাস ফেলি ! ঘুচেছে দায় !  
রাখ্ সস্পুট ঢেকে পদ্যায় ।  
আর যারা গড়া এরির হাঁচে—  
বাছে যদি হেন পরাণ বাঁচে !

[প্রস্থান

## অষ্টম দৃশ্য

ভেনিস—পথ

সালারিনো ও শোলানিয়োর প্রবেশ

সালারিনো । তবু তুমি শুনিবে না ? স্বচক্ষে দেখেছি,  
পাল-ভরে চলে তরী ; সে তরীর 'পরে  
বাসানিয়ো চলিয়াছে ; সাথে গ্রাসিয়ানো ;  
লরেঞ্জো নাহিক সেই তরী'পরে—স্থির ।

শোলানিয়ো । পাজী সে ইহুদী বুড়া চীৎকারের চোটে  
ব্যতিব্যস্ত ডিউকেরে আনিল টানিয়া—  
যে-তরীতে বাসানিয়ো বায় তৃপ্ত-ভরে ;  
ডিউক তালাশী নিল নিজে সে-তরীর ।

সালারিনো । বিলম্বে আসিল সেখা স্মৃতি ডিউক—

• তরী সে পাল-ভরে জলে ভেসে যায় ।  
কিস্ত কে কহিল ? ডিউক শুনিল কোথায়—  
জেশিকারে লয়ে এক-গণ্ডালোয় চড়ি  
লরেঞ্জো দিয়াছে পাড়ি ? দেখিয়াছে লোকে  
হুজনারে গণ্ডালোয় ? বিশেষ আবার,  
আন্তনিয়ো আসি কহে বুঝায়ে ডিউকে—  
লরেঞ্জো-জেশিকা—দোহে তরী-বক্ষে নাই ;  
আন্তনিয়ো নিজে তাহা জানে ভালো-মতে ।

শোলানিয়ো । এমন চণ্ডালে রাগ দেখিনিকো কতু !

হেন বুদ্ধি-বিপর্যয় ! এমন চীৎকার !  
রূঢ় ভাষা—ক্ষণে ক্ষণে উলটি-পালটি  
আরো রূঢ়তর হয় ! বাপ্ কি ভীষণ !  
কখন যেন ফেটে যায়—কোথা লাগে ঢাক !  
জানো, পথে বুড়া সেই ইহুদী-কুকুর  
ভগ্ন কাংস্ত-কণ্ঠে কহে কি ভাষা চীৎকারি—

বলে, “ওরে লক্ষ্মীহাড়ী—হতভাগী মেয়ে !”  
বলে, “ওরে টাকা মোর—সোনার ডাক্যট !”  
“মেয়ে—মেয়ে” ! “ওরে মোর সোনার মোহর !”  
“ক্রীস্তানের সাথে সব হলো জলাঞ্জলি !”  
“ক্রীস্তান ডাক্যট মোর ! বিচার ! বিচার !”  
“আইন ! আইন চাই !” “ডাক্যট, কতায় !  
খলি-ভরা টাকা—বাবা, ছুটো খলি-ভরা !”  
“গোটা খলি একেকটা মোহরেতে ভরা !  
মোহরের কাঁড়ি নিয়ে ভোগে গেছে, বাবা !  
মণি-মুক্তা—এক কাঁড়ি গহনা ! মণিক !  
বড় বড় ছটা হীরা—লক্ষ টাকা দাম ।  
বাপের সর্বস্ব—হা রে, মেয়ে করে চুরি !  
বিচার—বিচার চাই ! আইন ! কাহারি !  
ধরে আনো মেয়েটাকে—করোরে গ্রেফতার !  
সব নিয়ে গেছে, বাবা—সব টাকা-কাড়ি !  
এত মণি, এত হীরা—গহনার কাঁড়ি !”

সালারিনো । ভেনিসের ছেলে-মেয়ে—সবে পাছু নেছে

চীৎকার করিছে—টাকা-মণি-রত্ন-মেয়ে !

শোলানিয়ো । উচিত—সতর্ক হোক আন্তনিয়ো এবে ।

কথার খেলাপ হলে, ইহুদীর রোবে

এ-সবের খোশাং করিবে আদায় ।

সালারিনো । ভালো কথা বলিয়াছ ! কাল অকস্মাৎ

সে এক ফরাশী মনে হইল আলাপ ;

কহিল সে,—ফরাশী ও ব্রিটিশ-মুল্লুক—

ছু'দেশের মাঝে আছে ছোট যে-সাগর—

সে-সাগর-জলে এক জাহাজ ডুবেছে—

বহু পণ্য-ভরা না কি ইতালীর পোত !

এ কথা শুনিয়া যবে, মনে হলো মোর—

বন্ধু আন্তনিয়ো—তার জাহাজের কথা !

পরক্ষণে কোন-মতে প্রবোধিলুম মনে,—

কেন অমঙ্গল-চিন্তা ? এ পোত সে নয়—

বন্ধু আন্তনিয়োর সে পণ্যে ভরা তরী !

শোলানিয়ো । শুনেছ যা—উচিত তা বলা আন্তনিয়ো ।

কিস্ত ভাবি, অকস্মাৎ এ বারতা বলা

উচিত কি ? ইহাবে সে চিন্তায় কাতর ।

সালারিনো । এমন দরদী প্রাণ বিশেষ দেখি নাই !

বাসানিয়ো আন্তনিয়ো—হুজনে বিদার—

সে দৃশ্য দেখেছি চোখে । বাসানিয়ো কহে,

স্বরায় ফিরিতে বলা ? আন্তনিয়ো বলে,

“না, না, মোর লাগি মিছা করিয়ো না ক্ষতি !”

কার্য-সিদ্ধি যতদিন না হয়, তথায়

রহিবে ; অথবা তার করিয়ো না কতু ।

ইহুদীর ধ্বংস—তার চিন্তা মনে



আনিয়ো না প্রণয়ের স্বপনের মাঝে ।  
 চিন্তাহীন খুশী-মনে—প্রেম-সাধনায়  
 চিন্তা তব রেখো মগ্ন । এক চিন্তা শুধু—  
 প্রিয়ার প্রাণের প্রীতি—কিসে লাভ হবে !  
 কেমনে প্রিয়ারে পাবে—সেই ধ্যান-জ্ঞান !  
 অথ চিন্তা মনে কভু নাহি দিয়ো ঠাই ।”  
 বলিতে বলিতে কথা—দেখিয়াছি আমি,—  
 ছুটি চক্ষু জলে ভরে । ফিরায় বদন ।  
 পিছু হতে হাত রাখি বাসানিয়ো-হাতে,—  
 স্নমধুর মিষ্ট ভাবে বিদায়-সম্ভাষ !  
 কি করণ সে বিদায়-ক্ষণের আলাপ !  
 শোলানিয়ো । ভাবি আমি,—ধরশীরে  
 ভালোবাসে, তাই  
 সর্ব মর্ত্য-জীবে আস্তনিয়ো ভালোবাসে !  
 চলো, খুঁজি, দেখি, কোথা আছে আস্তনিয়ো ।  
 চিন্তায় আচ্ছন্ন মন, বেদনা-কাতর—  
 মিষ্ট বাক্যে যদি তারে তৃপ্তি দিতে পারি ।  
 সালারিনো । ভালো কথা বলিয়াছ ! চলো,  
 তাই যাই ।  
 [ উভয়ের প্রস্থান ]

### নবম দৃশ্য

বেলমন্ট—পোশিয়ার কক্ষ

নেরিসা ও একজন ভৃত্যের প্রবেশ

নেরিসা । ওরে, ওরে, দ্বরা কবু ! পর্দাখানা তোল ।  
 আরাগন-রাজপুত্র পড়েছে হৃৎক—  
 এখন আসিবে পেটি করিতে বাছাই ।  
 ( আরাগন-রাজপুত্র, পোশিয়া ও অনুচরগণের প্রবেশ )

[ বাতধ্বনি ]

পোশিয়া । যুবরাজ, ওই হোথা তিনটি সম্পূট ।  
 যার মাঝে ছবি মোর—সেটি যদি তুমি  
 বাছিয়া লইতে পারো,—জানিবে নিশ্চিত,  
 আমাদের পরিণয় হবে সম্পাদিত ।  
 না বাছিতে পারো যদি, কোনো কথা নয়,  
 নিঃশব্দে এখান হতে লইবে বিদায় ।  
 আরাগন । তিনটি শপথে আমি বদ্ধ হইলাম ।  
 প্রথম, কারেও নাহি করিব প্রকাশ  
 কোন্ পেটি বাছি আমি । দ্বিতীয় শপথ,  
 ঠিক-মত বেছে নিতে যদি নাহি পারি,

এ জীবনে কারেও না করিব বিবাহ ।  
 শেষ পণ—যদি হয়, বিধির নিগ্রহে  
 ব্যর্থ হয় মনোরথ, লইব বিদায়—  
 এখানে তিলেক আর বিলম্ব না করি ।  
 পোশিয়া । মোর সম অযোগ্য-জনের চাহি যে-বা  
 আসে হেথা, সেই করে এ পণ গ্রহণ ।  
 আরাগন । বুঝিয়াছি । মনেয়েও তাই বুঝিয়েছি ।  
 এখন ললাট-লিপি ! হৃদয়ের আশা  
 যদি মুঞ্জরিত হয় ! সোনা, রূপা, নীসা—  
 ‘আমারে চাহিলে যাহা আছে, তা হারাবে ।’  
 হারাবো কি ? তার আগে হও চাকুরতর—  
 নহে কে হারাতে চায় তুচ্ছ-পরিবর্তে !  
 স্বর্ণ-পেটি কি বা বলে ? দেখি, ভালো করে—  
 বক্ষে লেখা, “আমারে যে করিবে গ্রহণ,  
 পাবে সে যা বহুজন-বাস্তিত্ব ধরায় ।”  
 ‘বহু-জন’ ? তার অর্থ, ‘নির্দোষের দল’—  
 সংখ্যা যার অফুরাণ বিপুল ধরায় ।  
 বাহিরের রূপে ভোলে ! চোখে দেখে ভালো,  
 ভিতরে কি আছে বোঝে, হেন বুদ্ধি নাই ;  
 হেন শিক্ষা পায়নিকো ! যথা মূঢ় পাখী  
 মার্জলেত্ বাঁধে নীড় বাহির-প্রাচীরে !  
 বৃষ্টি-ঝড়ে সে নীড়ের কি হ্রগতি হবে,  
 কভু সে বোঝে না, হয়—নিতান্ত নির্দোষ !  
 বহু জনে যেই বস্তু করে অভিল্য,  
 তাহে মোর রুচি নাই ! সাধারণ জন  
 লাঞ্ছন-লাঞ্ছন—তাহাদের দলে আমি নই ।  
 মূঢ় তারা, হীন তারা, বর্বর,—তা জানি ।  
 দেখা যাক, রোপ্যে-রচা রতন-ভাণ্ডার...  
 তার বুকে কোন্ ভাষা, কি বারতা লেখা—  
 “মোরে নিলে পাবে তুমি, যোগ্য যা পাবার ।”  
 বেশ কথা ! ভালো কথা ! মনের মতন !  
 যোগ্যতা নহিলে হেথা কোন্ স্ত্রী-জন  
 ভাগ্য-পরীক্ষার লাগি বা’র হয় পথে ?  
 যোগ্যতা নহিলে কার আছে অধিকার  
 গৌরব-অর্জনে, কিম্বা সম্পদ-বিজয়ে !  
 অযোগ্য যে, গৌরব সে পায়নি জগতে !  
 উচ্চ রাজপদ, মান, কার্য বা উপাধি  
 অসাধু উপায়ে যেন কেহ নাহি পায়—  
 অযোগ্য না করে বাঞ্ছা সম্মান-গৌরবে !  
 তা যদি সম্ভব হতো, মানে-উচ্চ শির  
 কত যে আনত হতো ! শিরোপা-ভূষণ  
 কত শির হতে আজি পড়িত খশিয়া ।  
 আদেশ করিছে যারা—মানিত আদেশ—

হীনজন সাথে আজি গণ্য বহু জন  
সম্মান-ভূষায় হতো সমাজ-ভূষণ !  
কালচক্রে জীর্ণ ভয় কত স্ত প হতে,  
ধূলি-আবর্জনা হতে কত হুঁ-ধুঁড়া  
গৃহে আজি পেতো ঠাই মহিমা-রঞ্জিত !  
কিস্ত থাক্ সেই কথা ! পেটি লই বাছি !  
“মোরে নিলে পাবে, তুমি যোগ্য যা পাবার !”

আমার বাঞ্ছিত যাহা—যোগ্য যা পাবার !  
যোগ্যে যোগ্য—তাই লবো ! দাও মোরে চাবি  
সম্পূর্ণের সাথে খুলি সৌভাগ্যের দ্বার  
(রোপ্য পেটিকা উন্মোচন করিল)

পোর্শিয়া। পাবে যা—আমারে তাহা করিবে ছলভ ।  
আরাগন । এ কি দেখি ! এ যে এক নির্ঝোষের ছবি—

আমারে শুনাতে চায় কয় ছত্র লেখা !  
কি লেখা এ ছত্রে দেখি...করি তাহা পাঠ ।  
পোর্শিয়া। হইতে চিত্রে কতখানি ভেদ !  
মোর আশা-বাসনার বিপরীত ছবি !  
“মোরে নিলে পাবে তুমি যোগ্য যা পাবার !”

বিমূঢ় জনের মাথা—তার যোগ্য আমি ?  
এই মোর পুরস্কার ? এর চেয়ে যোগ্য—  
নাহি অধিকার তাহে ? হায়, দগ্ধ ভাগ্য !

পোর্শিয়া। দোষ-ক্রটি আলোচনা ; এবং বিচার—  
সম্পূর্ণ বিভিন্ন বস্তু ; স্বভাব-বিরোধী ।  
আরাগন । (লিখন-পাঠ) লেখা কি এ ?

“আগুনে দেদার খেয়েছে পোড়—  
অটুট যুক্তিতে চলে না কৌড় !  
এ কথা সাবুদ—নাই তার ভুল,  
আছে রহ লোক,—ছায়ায় মশগুল !

• ছায়ায় চায় স্বথ—ছায়ায় কায়—  
দেখে সে পৃথিবীকে বেবাক্ মায় !  
অনেক বোকা আছে—বাহিরে তার  
রূপার জৌলুশ—ভিতরে ক্ষার ।  
যারে খুশী—বিয়ে করো সাঁতের পাক—  
আমায় পাবে ? আশা মাথায় থাক !  
বুদ্ধি বোঝা গেছে ঘরেতে ফেরো ।  
আশার গলে ফাঁশ—দড়ির গেরো !”

এর পরে থাকি যদি হেথায় আর—  
বনিব আরো বোকা, ভুল নাই তার !  
নিরেট একটি মাথা বইতো ঘাড়—  
নিরেট হুঁমাথায় ভাসবে হাড় ।  
বিদায় সুন্দরি—আসি । রাখি মোর পণ—  
দারুণ নৈরাশ্র বহি নিঃশব্দে গমন ।

[অনুচরণ সহ আরাগনের প্রস্থান

পোর্শিয়া । পতঙ্গ এমন পোড়ে দীপের শিখায় ।

এই মুচ-দল করে বিচার-প্রয়াস—

বুদ্ধিহীনতায় চূর্ণ হয় সর্ব-আশ !

নেরিসা । সেই যে গো কথা আছে—নহে মিথ্যা ছল

—ধন আর পত্নী-লাভ,—বরাতের ফল ।

পোর্শিয়া । পর্দা ফেলে দে নেরিসা । আয় ।

(একজন অনুচরের প্রবেশ)

অনুচর । কোথা দেবী ?

পোর্শিয়া । এই যে ! কিবা আজ্ঞা, কহ ।

অনুচর । দ্বারে উপনীত দেবি, জনেক তরুণ ;

ভেনিসে তাঁহার বাস—দূত-মুখে শুনি ;

বার্তা আনে, প্রভু তার তরুণ সৃজন

আসে পিছে ; আপনার কুশল-সম্ভাষে ।

বিনয়ে বচনে ভব্য—আনে উপহার—

চের বেশী মূল্য তার । দেখি নাই আমি

প্রণয়ের হেন শিষ্ট বার্তাবহ কভু ।

এ তরুণ অগ্রদূত খেমেন মধুর—

এমন মধুর বেশে কান্ডন-প্রভাত

কখনো আসেনি বিধে বহিয়া পুলক—

হেন সুখ-হর্ষাভাস আনে অগ্রদূত !

পোর্শিয়া । থাক্, থাক্—বহু বাক্য বলিয়াছ তুমি ।

ভয় হয়, বলিবি বৃথি, এ অগ্রদূত

তোর সে আপন-জন ! হেন স্ততি-ভাষা—

আত্মজন ভিন্ন কেহ কহে না অপরে ।

আয় তো নেরিসা, দেখি, মদনের দূত

কেমন সে—এত শিষ্ট বাহার আচার !

নেরিসা । হে অতুল, এ যেন সে বাসানিয়ো হয় !

[সকলের প্রস্থান

## তৃতীয় অঙ্ক

### প্রথম দৃশ্য

ভেনিস—পথ

শোলানিয়ো ও মালারিনোর প্রবেশ

শোলানিয়ো । রায়াল্‌টোর খপর কি ?

মালারিনো । কেন,—অনেক টাকার জিনিষপত্রগুচ্ছ

আন্তনিয়োর জাহাজ ডুবি হয়েছে বলে’ যে খপর

রটেছে, সে খপর মিথ্যা গুজব বলে মনে

হচ্ছে না । যেখানে জাহাজ ডুবেছে, সে জায়গার

নাম নাকি গুডউইন্স—সে জায়গা ভয়ানক

বিশী। গুলচি, এর আগেও নাকি সেখানে অনেক বড় বড় জাহাজ ডুবেছে। গুজব মিথ্যা বলে তো মনে হচ্ছে না।

শোলানিয়ো। গুজব অমন অনেক রটে! সেই যে গুজব রটলো—তিন নম্বর খশমের জন্তে তার দ্বী চীৎকার তুলে কেঁদে পাড়া-পড়শীদের উদ্বাস্ত করে তুলেচে—শেষে দেখা গেল—তেজপক্ষের স্বামী গট্ট হয়ে দেশে ফিরলো! তবে এ গুজব সম্বন্ধে... ভাবনার কথা বটে! এত ভালো আস্তানিয়ো... এমন ভালো যে, তার নামের সঙ্গে খাপ খায়, এমন বিশেষণ অভিধানে খুঁজে পাই না...

সালারিনো। থাক, ও-কথার এইখানেই ইতি করো।

শোলানিয়ো। কিন্তু কোনো কথা যে আজ আর মনে আসচে না। অর্থাৎ মোদ্রা কথা হলো—আস্তানিয়োর জাহাজ জলে ডুবেছে, সত্যি।

সালারিনো। এইখানেই যদি লোকসানের শেষ হয়...

শোলানিয়ো। আহা, তাই হোক! এই যে সশরীরে মূর্তিমান দৈত্য একেবারে সামনে উদয় হচ্ছেন।

#### শাইলকের প্রবেশ

খপর কি শাইলক? কারবার-পত্তর কেমন চলছে?

শাইলক। সে খপর তোমাদের চেয়ে আর কেউ বেশী জানে না কি? আমার মেয়েটা যে এই ভেগে গেল, জানো না বাপু, সে খপর?

সালারিনো। তা জানি বৈ কি! যে পাখায় ভর করে তোমার মেয়ে উড়েচে, সে-পাখা যে কারিগর তৈরী করেছে, সে কারিগরকে পর্য্যন্ত জানি।

শোলানিয়ো। শাইলক নিজে না কি জানতো,—তার পাখীটির ডানা গজিয়েছে এবং পাখা গজালে বাচ্চা-পাখী ধাড়ির কাছ-ছাড়া হয়, এ কথা কে না জানে!

শাইলক। সে-পাখীর সর্কনাশ হোক!

সালারিনো। ভূত-প্রেতে যদি বিচার করে, তাহলে তোমার এ মন্নি তাকে লাগবে বৈ কি!

শাইলক। আমার নিজের রক্তে জন্ম—সেই মেয়ে এমন হলো! বুকের হাড়-পাঁজরাগুলো যেন জলে যাচ্ছে।

সালারিনো। থামো! তোমারাও বড়ো হাড়ে কি আছে যে জ্বলে! পচা ঘূণ-ধরা হাড়!

শাইলক। আমার মেয়ে—আমার রক্তে তার জন্ম নয়?

সালারিনো। তোমার রক্ত আর তার রক্ত—তুই আকাশ-পাতাল তফাৎ, বাপু! কালো ঘুঁি আর হাতীর দাঁতে যে তফাৎ—ঠিক ততখানি তফাৎ। রাঙা মদে আর ধেনোয় যত তফাৎ তেমনি তফাৎ। কিন্তু সে কথা যাক—জন্মে জাহাজ ডুবে আস্তানিয়োর যথাসম্বন্ধ নাবি গেছে—এমন কথা তুমি শুনেচো?

শাইলক। ঐ ছাখো না, বরাতে আর এক বিভ্রাটলো। উড়নচণ্ডী. দেউলে...বাজারে তার আর মুখ দেখাবার উপায় আছে! পথের ভিখারী! সেজেগুজে বাহার দিয়ে বাজারে আসতেন, এখন একবার খংখানা উটে দেখিয়ে! আমায় বলতেন, হৃদখোর চামুণ্ডী! খংখানা পড়ে দেখুন! বদাত্ত কীরীন্তন! টাক ধার দিতেন লোককে দয়া-ধর্ম করে!—খংখানা এখন একবার ভালো করে উটে দেখুন!

সালারিনো। ঠিক-তারিখে যদি টাকা দিতে না পারে, তুমি তার গায়ের মাংস কেটে নেবে না কি—সত্যি? তাতে তোমার লাভ?

শাইলক। মাছ ধরবার টোপ করবো গো—টোপ! তার মাংসয় টোপ! আর কোনো লাভ না হোব—শোধ নেওয়া তো হবে!...আমায় কম অপমান করেছে। আমার প্রায় পঞ্চাশ লাখ মোহর লোকসান করিয়েছে—করিয়ে সে-লোকসানে দাঁত মেলে হেসেছে! আমার লাভে গাল পেড়েছে—আমি ইহুদী বলে জাত তুলে নাক সিটকেচে! তামাসা করেছে! আমার বন্ধুদের করেছে হুশমন—হুশমনদের দিয়েছে ভাতিয়ে। কেন? না, জাভে আমি ইহুদী। কেন রে বাপু,—ইহুদীর কি চোখ নেই? নাক নেই? ইহুদীর কি হাত নেই? পা নেই? মাথা নেই? পেট নেই? বুক নেই? শরীর নেই? কান নেই? মাথা নেই? স্নুখ নেই? হুঃখ নেই? স্নেহ নেই? মমতা নেই? তোমাদের মত সিন্দে পেলে সে খায় না? যে অস্ত্রে তোমরা জখম হও, সে অস্ত্রে সে জখম হয় না? যে শীতে তোমাদের হাড়ে কাঁপুনি ধরে, সে শীতে ইহুদীর হাড় কাঁপে না? যে গ্রীষ্মে তোমরা ভাজাভাজা হও, সে গ্রীষ্মে সেও ভাজাভাজা হয় না? আমার গায়ে যদি কাঁটা ফুটোও, রক্ত পড়বে না? কাঁড়কুড়ু দিলে আমরা হাসি না? আমাদের

যদি বিষ খাওয়াও, আমরা মরি না? আমাদের যদি অনিষ্ট করে—তার শোধ আমরা নেবো না? তোমাদের সঙ্গে সবতাতে যদি মিল থাকে তো এতেও থাকবে। কোনো ইহুদী যদি কোনো কীরিস্তানের মন্দ করে—তার সঙ্গে তোমরা কি ব্যবহার করো? তার শোধ নাও! যদি কোনো কীরিস্তান কোনো ইহুদীর মন্দ করে—তাহলে কীরিস্তানী কেতায় তার শোধ কেন না নেবো, বলতে পারো? যে পেজোমি তোমাদের করতে দেখি, সে পেজোমি তোমাদের সঙ্গে কেন করবো না বাপু? যে-শিক্ষা তোমাদের কাছে পেয়েছি, —তার চেয়ে ঢের বেশী শিক্ষা তোমাদের দেবো...দেখে নিয়ো।

জর্নেক ভৃত্যের প্রবেশ

ভৃত্য। আমার প্রভু আন্তনিয়ো আপনাদের ডাকচেন—জরুরি কথা আছে। তিনি বাড়ীতেই আছেন।

সালারিনো। আমরাও তাঁকে খুঁজছি!

শোলানিয়ো। এই যে আর একটি সগোত্র আসচে— তা তেরস্পর্শ-যোগ পাবে না—অবশ্য শয়তান নিজে ইহুদীর বেশে যদি এসে এখন উদয় না হয়।

[ শোলানিয়ো, সালারিনো ও ভৃত্যের প্রস্থান

(তুবালের প্রবেশ)

শাইলক। খপর কি তুবাল? জেনোয়া থেকে কোন খপর এলো? আমার মেয়ের সন্ধান?

তুবাল। যেখানে তার এতটুকু খপর পেয়েছি,

সেইখানেই গিয়ে হাজির হয়েছি—কিন্তু কোথায় খপর পেলুম না।

শাইলক। কেন? এখানে—ওখানে—সেখানে— সব জায়গায়! একখানা দামী হীরে গেল ফ্রান্সফোর্টে—দাম পড়েছিল দু'হাজার মোহর। এমন গেরোর কখনো পড়ি নি। এর আগে এমন দুর্গহ কখনো ভোগ করিনি। দু'হাজার মোহর দাম—ইয়া পেল্লার মন্ত হীরে—তার সঙ্গে দামী এক-কাঁড়ি মণি-জহরৎ! এর চেয়ে মেয়েটা মরে আমার পায়ের উপরে যদি মুখ গুঁজড়ে পড়তো—হীরে-জহরৎ কাণে গুঁজে! আরে, এর চেয়ে সে মলো না কেন? ও সব হীরে-জহরৎ আমি তার সঙ্গে তার গোরের মাটিতে গেড়ে দিভুম যে! পাত্তা নেই! ব্যস্ রে! ব্যস্ রে— এই পাত্তা নিতে কম পরস্য খরচ হলো! ও:

জানো—লোকসানের উপর লোকসান! চুরি করে সম্পত্তি নিয়ে গেল এত—তার উপর সে চোরের সন্ধান করতে তার পিছনে খরচ হলো কাঁড়ি-কাঁড়ি মোহর। তবু পাত্তা নেই—চিহ্ন নেই! আমার বাড়ে বসে সব মজা করছে! কারো নিখাস পড়বে না—কারো চোখে জল ঝরবে না—আমিই শুধু বুক চাপড়ে কঁদে ককিয়ে মরবো!

তুবাল। না হে—অচ্ছ লোকের বরাতেও সর্বনাশ ঘটছে! ঐ যে আন্তনিয়ো—জেনোয়ায় গুনে এলেম...

শাইলক। কি? কি? কি? বলো তো! তার আবার কি সর্বনাশ ঘটলো?

তুবাল। ত্রিপোলি থেকে তার একখানা জাহাজ আসছিল; জাহাজে বহু দামী মাল...

শাইলক। আঃ—ভগবান তাহলে আছেন!... কিন্তু সত্যি? সত্যি খপর?

তুবাল। কজন মাঝি-মাল্লার মুখে এ খপর শুনলেম। তারা সেই জাহাজে ছিল—কোনো মতে প্রাণে বেঁচে ডাক্কাই উঠেছে।

শাইলক। আঃ! বেঁচে থাকো—বেঁচে থাকো তুবাল! ভারী জবর খপর এনেছো!...ই্যা, ভালো কথা, এ খপর কোথায় পেলো, বললে? জেনোয়ায়?

তুবাল। ই্যা। শুনলেম, তোমার মেয়ে জেনোয়ায় ছিল। এক রাত্রে কত খরচ করেছে, জানো? আশী মোহর।

শাইলক। এ্যা—বলো কি তুবাল! আমার বুকে তুমি ছুরি গুঁজে দিলে, দাদা! আশী মোহর! এক রাত্রে খরচ করেছে! ওরে বাবা, আশী মোহর! উঃ! আমার সে মোহর কি আর ফিরে পাবো? হায়, হায়, হায়, হায়, হায়!

তুবাল। সেখান থেকে আমার সঙ্গেই এলো— আন্তনিয়োর যত পাওনাদার...এক-কাঁক, একে-বারে। তারা বলছিল—এ দায় থেকে আন্তনিয়ো রক্ষা পাবে না—মাথা গুঁজে পড়বে নির্ধাত।

শাইলক। আঃ—খুশী...ভারী খুশী হলেম এ খপরে! তার সর্বনাশ হোক! নিপাত যাক ব্যাটা! তাকে আমি ছাড়বো না। যে-হাল করবো— ওঃ! ভারী খুশী—সত্যি, ভারী খুশী হয়েছি এ খপর শুনে।

তুবাল। একজন আমায় একটি আংটি দেখালে। তোমার মেয়ে সেই আংটি দিয়ে একটা বানর কিনেছে তার কাছ থেকে।

শাইলক। সর্কনাশ হোক হতভাগা মেয়ের!  
তুবাং, ওঃ, মনে ভারী চোট পেলেম এ খপরে।  
আমার সেই নীলার আংটি নিশ্চয়। তখনো  
আমার বিয়ে হয়নি...ও আংটি লিয়া আমার  
দিয়েছিল। জঙ্গল-ভরা রাজ্যের বানর পেলেও  
ও আংটি আমি দিতেম না, দিতেম না।

তুবাং। আস্তনিয়ো কিন্তু এবার গেল!

শাইলক। জ্বর কথা বলেছো তুবাং। জ্বর কথা!  
আঃ, এ খপরের দাম লাখ টাকা! তুমি এখন  
এসো তুবাং। কাছারির কোনো অফিসারকে ফী  
দিয়ে এনুগেজ্ করে রাখো। হু হুগা আগে থেকে  
তৈরী হওয়া যাক। ঠিক তারিখে আস্তনিয়ো  
যদি টাকা দিতে না পারে—নেবো তার গায়ের  
মাংস খেশারৎ। হ্যাঁ!...আমার নাম শাইলক...  
আমি ইহলী! একবার যদি তাকে এই ভেনিস-  
ছাড়া করতে পারি, তাহলে আমার কারবার  
ফলাও করে তুলতে কতক্ষণ! হুঃ! তুবাং,  
কাছারির দিক থেকে এসে আমার সঙ্গে তুমি  
দেখা করো। যাও, যাও, দেরী নয়। মন্দিরে  
ফিরে এসো। সেখানে আমার সঙ্গে দেখা হবে।  
যাও, যাও তুবাং! দেরী করো না।

[ উভয়ের গ্রন্থান

## দ্বিতীয় দৃশ্য

বেলমন্ট—পোর্শিয়ার কক্ষ

বাসানিয়ো, পোর্শিয়া, গ্রাসিয়ানো, নেরিসা  
এবং অলুচরগণের প্রবেশ

পোর্শিয়া। ধরো এ মিনতি—করো ছ'দিন সবু  
কি জানি, অজানা লক্ষ্যে যদি ভুল হয়!  
পণে যদি হার হয়, চলে যেতে হবে।  
হারাবো তোমার মিষ্ট মধু সজ্জটুকু।  
ছদিন বিলম্ব করো। এত দূর কেন?  
কে যেন অন্তর-মাঝে কহিছে আমারে—  
প্রেম নয়! তবু আমি হারাতে না পারি  
তব সজ্জ; হারাইতে নাহি চাই আমি।  
তুমি ভালো জানো, মন হইলে বিকল্প  
এ ভাষা কহিব কেন? কহে কভু মন?  
তবু পাছে ভুল বোঝো (হায়, যে কুমারী  
মুখে ভাষা নাহি ফোটে মনে রয় সাধ!)  
জানো, মন চায় কি সে? আমারে লভিতে

ভাগ্য-পরীক্ষায় তুমি-নামিবার আগে  
রহ হেথা এক মাস কিবা মাস ছই।  
কত-বার মনে হয়, বলি স্পষ্ট ভাবে  
বাছিলে সম্পূর্ণ কোন্ পাইবে আমারে!  
কিন্তু স্মৃতি ন পণ—তাহে বদ্ধ আমি—  
ইঙ্গিতে স্মৃতে নারি। ভাগ্য অকরণ!  
সে কথা প্রকাশে হবে মহা-প্রত্যবায়।  
আখি মেলি ভালো করি চাহো মোর পানে—  
দৃষ্টি তব দ্বিখণ্ডিত করিয়াছে মোরে;  
এক খণ্ডে আমি, অল্প শুধু তোমায়।  
এই যে আমার খণ্ড—এ তোমার হলে  
তাহে আমি খুশী হবো! খুশী কায়-মনে!  
হুই খণ্ড তোমারি সে। আমিও তোমার।  
এমনি কালের লীলা! নাহি রবে ভেদ  
অধিকারী-অধিকারে! আমি যে আমার  
আমিত্ব সঁপিয়া তোমা' হবো তোমায়—  
তোমার-আমার মাঝে যেই ব্যবধান—  
দৌহা-মাঝে ব্যবধান চূর্ণ করে দাও!  
ভাগ্য সে নিরয়ে ষাক্—চাহি নাকো আমি—  
তোমারে না পেলে পাবো নিরখ-যাতনা!  
কিন্তু বহু কথা কহি—বাহিতে সময়;  
অতি-দীর্ঘ বিলম্বিত হোক অবসর  
ভাগ্য-পরীক্ষায় তব ষটুক বিলম্ব!  
অধ্বব-অশুভে যত পারি, করি রোধ।

বাসানিয়ো। ভাগ্য পরীক্ষিতে দাও। এ যেন রয়েছে  
অস্থির ভঙ্গুর কাষ্ঠ-পাটাতন 'পরে!

পোর্শিয়া। কাষ্ঠ-পাটাতনে আছ অস্থির-ভঙ্গুর?  
বলো তবে বাসানিয়ো, তোমার এ প্রেমে  
কতখানি ছল মেশা?

বাসানিয়ো। এক তিল নহে।

এ শুধু সংশয়ে-ভয়ে আমি বাক্য-হার।  
প্রকাশিতে নারি প্রেম—হৃদয়ের ভাষা!  
জীবনে-মরণে জেনো ভেদ যতখানি,  
হিমে ও অনলে ভেদ আছে যতখানি—  
আমার প্রণয়ে আর বচনে ছলনা—  
ততখানি ভেদ জেনো, অগ্নি স্মৃচরিতে!

পোর্শিয়া। বদ্ধ কাষ্ঠ-পাটাতনে, বলিলে না তুমি!  
সেখা হতে নর শুধু কহে শেখা বলি  
নিতান্তই দায়ে পড়ি—অন্তরের যোগ  
সে-সব বচনে কভু রহে নাকো তিল!

বাসানিয়ো। দিবে প্রাণ, সত্য করো।

বলি সত্য বাণী।

পোর্শিয়া। তাই হবে। সত্য বলো। আয়ু দীর্ঘ হবে।

বাসানিয়ো। একমাত্র সত্য জানি মনে ও বচনে—

আলোবাসো ! ভালোবাসি ! অল্প সত্য নাই ।  
যাতনা এ—তবু সুখ ! যাতনা যে পাই—  
যাতনার মুক্তি কিসে—মন তা শিখায় !  
কিন্তু মন নাহি মানে—নয়ে চলো মোরে—  
কোথায় সম্পূট ! চাহি ভাগ্য পরখিতে ।

( সম্পূট-সম্মুখস্থ যবনিকা উন্মোচিত হইল )

পোর্শিয়া। এসো তবে ত্যাগে চোখে সে তিন সম্পূট ।

একটির মাঝে আমি রয়েছি বন্দিনী ।  
ভালো যদি বাসো মোরে, খুঁজে বার করো ।  
নেরিসা, তোরাও সবে আয় হেথা, দাঁড়া ।  
গান হোক । পরে হবে সম্পূট-বিচার ।  
যদি পরাজয় হয়, সঙ্গীতের তানে  
মরালের মত হবো সুরে অবসান ।  
উপমা মিলাতে মোর নয়নের চিঠি  
অশ্রুর সলিলে ভরি বরিবে স্বর্ধর—  
সে অশ্রু-সলিল-বাপে মিশাইবে প্রিয়  
সুচির কালের অন্তরালে ! কিন্তু কেন ?  
জয় ! জয় ! নিশ্চয় হইবে জয় !  
সে বিপুল জয়ে এই সঙ্গীতের সুর  
ভক্ত প্রজা-কণ্ঠে যেন জানাবে বন্দনা  
বিজয়ী মুকুট-শিরে আনন্দ-গৌরবে !  
ছন্দে-সুরে এ সঙ্গীত প্রেমস্বপ্নাতুর  
বরের বিমুক্ত কণ্ঠে তোলে জয়ধ্বনি—  
পুলকের বার্তা ঘোষে ! চলিয়াছে বর—  
উচ্চ শিরে প্রেমে প্রাণ পূর্ণ করি অই—  
বলির লাগিয়া সেই বন্দিনী কুমারী—  
উদ্ধার করিতে তারে তরুণ স্নন্দর  
আলসাইডিশ গেল যথা কোন্ পুরাকালে  
কুমারীর প্রেম-প্রীতি অন্তরে বহিয়া !  
না, না, তারো চেয়ে ঢের বেশী প্রেম-প্রীতি  
অন্তরে বহিয়া চলে প্রিয় বাসানিয়ো ।  
আমি সে বলির কণ্ঠা—আমিই আহুতি !  
অপরে দেখিছে দৃশ্য কল্পিত হৃদয়ে—  
দার্দানিয়া-নারীদল দেখিল যেমতি—  
সজল নয়ন, মুখ বিষাদে মলিন  
সুদূর অতীত যুগে সে মত্ত সংগ্রাম !  
যাও বীর হাকু লিশ,—বাঁচিলে বাঁচিব ।  
যেই কস্ত্র বক্ষে ভূমি ভাগ্যে দাওরণ—  
তারো চেয়ে কস্ত্র বক্ষে আমি তা নিরখি ।  
( সম্পূটগুলি দেখিয়া বাসানিয়ো মনে মনে  
চিন্তা করিতে প্রবৃত্ত । গান চলিল )

গান

তোমরা বলো গো বলো,

প্রেমের জনম কোথায়, কোথায় ?

হিয়ার গোপন তলে কি ?

না, সে জাগে শিরে শির-ভূষায় ?

প্রেমের জনম কোথা গো ?

তার লালন কোথা সে হলো ?

বলো, বলো গো, বলো, বলো

বলো, তোমরা বলো !

প্রেমের জনম নয়নে—

দিষ্টি-দিষ্টিতে ওঠে সে ভরি ;

তার নয়নে-নয়নে লালন—

নয়ন-দিষ্টিতে মরে সে ঝরি !

যেথা উদয়, বিলয় তথা সে !

গাহো প্রেমের গাহো গো গান—

আমি সুরতে ধরি এ তান—

প্রেমের উদয়-বিলয়—স্বর-ছায় ।

রিনি-রিনি-ঝিনি-ঝিনি-ঝিনি-ঝিনি !

ঝিনি-ঝিনি-ঝিনি-ঝিনি-ঝিনি রে !

বাসানিয়ো। বাহিরের আড়ম্বর নিতান্ত অসার ।

চটকে আজিও বিশ্ব মরে বঞ্চনায় !

আইনের কুটতর্ক—যুক্তিহীন হেতু

মিষ্ট মধু বাক্যভরে হয় বিমিশ্রিত—

সে বাক্য নাশিতে চায় যুক্তির দীনতা ।

নিজ-ক্রটি ধর্মতত্ত্ব—কঠিন গম্ভীর

বাক্য-আবরণে রাখে করিয়া ভূষিত,

ধূলি দিতে চায় মনে ! হেন পাপ নাহি

বাহিরে নাহিক যার ধর্মের নিশান !

ভীকু কাপুরুষ যারা—কাপট্য অন্তরে,

চোরাবালি—তাহাদের মুখে শব্দ রাজে—

যেন শূর হাকু লিশ ! ভ্রু কুঞ্চিত করে—

যেন মার্ক-সম জ্ঞানী বহু বিচক্ষণ,—

সন্ধান করহ যদি অন্তরে তাহার—

দেখিবে স্বকৃৎ ক্ষীণ, হৃৎ-শুল্ল যেন !

বাক্যে ইহাদের কিবা বীরত্ব-দাপট—

ভাবে চায় বুঝাইতে অতুল বিক্রম ।

রূপ ? তাও ভাবে চায় আপনা বিকাতে ।

প্রসাধন-ভার অঙ্গে যে যত চাপায়,

তত তার খ্যাতি রটে শ্রেয়সী রূপসী !

আভরণ-হীন রূপে কে করে আদর ?

অথচ রূপসী সে-ই—আভরণ যার ;

রূপের ছটায় দীপ্তি কিছুমাত্র নাই !

কুক্ষিত কেশের রাশি দোলে বায়ু-ভরে  
 লীলাছন্দে স্বর্ণময়ী নাগিনীর প্রায়  
 রমণীর শিরে দেখি—পর-কেশ-ভার  
 নিজ-শিরে আঁটিয়াছে রূপসজ্জা লাগি,—  
 কক্ষালে সে কেশ দিলে সাজিবে তেমতি ।  
 উজ্জল সে আবরণ—ভিতরে দীনতা ।  
 উত্তাল সাগর—তীরে দিব্য আচ্ছাদন—  
 ভয়াল সাগরে করে কাস্ত-রমণীয় !  
 স্বন্দর গুণ-তলে থাকে কালো-মুখ ।  
 বাহিরের সমুজ্জল আবরণে ভুলি  
 যুগে যুগে মর্ত্যজন হয়েছ বঞ্চিত—  
 সত্য-বস্তু-লাভে সদা—জানি ভালো মতে ।  
 বাহিরের চাকচিক্য ভুলাবার কঁাদ !  
 অতএব তুমি স্বর্ণ, খাচা গুরুপাক  
 মিডাস-দেবেরও ! তোমা করি প্রত্যাখ্যান !  
 কাঞ্চনের আবরণে আমি ভুলিব না ।  
 রূপা, তুমি মালুঘের হাতে হাতে দেখি  
 নিত্য হও বিমলিন বিবর্ণ বিরূপ—  
 তোমাতেও নাহি সাধ, নাহি অভিশাষ ।  
 তুমি সীসা, কালো সীসা, অতি-দীন সীসা,  
 মানবে প্রলুব্ধ তুমি কখনো না করো,  
 আশার উজ্জ্বল কারো না ছাড়াও মন,  
 বাক্য-ছটা নাহি জানো,—না জানো বঞ্চনা—  
 মলিন স্বদীন—তুমি অতি সাদা-সিধা—  
 তোমারে গ্রহণ করি ! হোক মোর জয় !  
 পোশিয়া । সর্ব মনোবৃত্তি যেন মিলায় বাতাসে ।  
 সকল সংশয়-বিশ্বা আশায়-নিরাশা ।—  
 কস্ত্র ভীতি, ষেধ-হিংসা—সবার বিলয় ।  
 ওরে প্রেম, শাস্ত করু—নিরুদ্ধ উজ্জ্বল !  
 পুলকে সংযত করু,—গতি স্মরহর ।  
 করুণা-আশীষে প্রাণ পরিপূর্ণ মোর—  
 এত নয় । ভয়, পাছে বিপরীত ঘটে !  
 বাসানিয়ো । এ কি দেখি ?

( সীসার সম্পূট উন্মোচন )

পোশিয়া—পোশিয়ার চিত্র !  
 কে-বা এই দেব-শিল্পী—হুবহু একেছে  
 তুলির লেখায় দিব্য মোহিনী প্রতিমা !  
 আঁখির পল্লব দোলে ? আঁকা চোখ চায় ?  
 কিথা মোর দিগ্টি ছুঁয়ে জাগিল নয়ন ?  
 ছুটি ঠোটে ব্যবধান—স্মরতি নিশ্বাস—  
 প্রণয়-বিপুল ছুটি সাগরে বিভাগ  
 করিয়া রেখেছে যেন ! দীর্ঘ কেশরাশি—

সোনালি তারেতে রচা উর্গত-জাল—  
 পুরুষ-পতঙ্গে চাহে গ্রাস করিবারে ।  
 আর এই আঁখি ছুটি—কি করিয়া দেখি ?  
 এ চোখ আঁকিল শিল্পী ? এক চোখ আঁকি  
 সেই আঁকা চোখে কি সে শিল্পীর নয়ন  
 আচ্ছন্ন হয়নি মোহে ? কিসে তা পূরিল ?  
 তবু হায়, ছায়া দেখি এমন আকুল !  
 ছায়া বার,—তার পানে কিরিয়া না চাই !  
 ছায়ারে বন্দনা করি—কায়্য তুচ্ছ করি !  
 আসলে নকল করি খঞ্জ-সম চলি !  
 এই যে কি লেখা পত্রে ! মোর ভাগ্য-ফল  
 বুঝি, তার মর্শ্ব এই লিখনে মিলিবে !

( পাঠ )

“চটক দেখে করো না পছন্দ—  
 আসল পাবে—পাবে না মন্দ ।  
 পেলে যা, তাহে খেকো হে খুশী—  
 অস্ত্রে চেয়ে মনে করো না দুষী !  
 এ পেয়ে খুশী যদি হয়ে থাকে মন—  
 জেনো হে পেয়েছ সব-সেরা ধন !  
 তাহলে ছাখো ফিরে প্রিয়ার মুখে—  
 প্রণয়-চুমু দিয়ে নাও তারে বুকে ।”

সরল লিখন ! প্রিয়ে, দাও অনুমতি !

( চুপন )

পত্রে লেখা আছে—প্রিয়ে, এই দেয়া-নেয়া—  
 আসিয়াছি নিতে প্রেম, দিতে ভালোবাসা ।  
 হৃজনে বাধিলে রণ পুরস্কার লাগি—  
 তখন পরাণ-পণে চলে যে সংগ্রাম—  
 সকলে সভয়ে দেখে ; জয়ী হলে কেহ  
 বোঝে জয়—জনতার জয়-কলরবে ।  
 চারিদিকে সবে দেয় ঘন করতালি ;  
 মুখে বলে জয়-জয়—তবু মত্ত মন  
 সংশয়ে আকুল, সে যে বুঝিতে না পারে,  
 সত্যই হয়েছে জয়ী ? মুর্ছাতুর মন !  
 তেমনি আমরাও মন ছলিছে সংশয়ে—  
 চেয়ে আছি সম্পূটের পানে অবিচল—  
 হয়েছে কি জয় ? তুমি, তুমি বলো প্রিয়ে,—  
 তুমি না বলিলে মনে হবে না প্রত্যয় !  
 পোশিয়া । আমাদের দেখিছ তুমি,—ভদ্র বাসানিয়ে  
 যা লয়ে আমার আমি—স্বরূপ আমার—  
 এর চেয়ে বড় হতে নাহি অভিশাষ ।  
 তবু তুমি চাহো যদি আরো বড় হই,

রূপে আরো রূপময়ী,—সে সাধ মিটাতে  
এর চেয়ে লক্ষগুণ হইব সুন্দরী—  
লক্ষগুণ হবো আরো ঐশ্বর্যাশালিনী—  
তব তৃপ্তি হেতু হবো সত্যীত-নিষ্ঠার,  
রূপে-গুণে কায়ে-মনে সকলের সেরা !  
নিজ্ঞে আমি কিছু নহি—শূণ্য সুবিপুল ।  
আমি যা—আমার মূল্য তাই ! অতি তুচ্ছ ।  
এর বেশী মূল্য হোক—চাহি না কখনো !  
শিক্ষা নাই, দীক্ষা নাই, না জানি আচার—  
বালিকা ! নিতান্ত মূর্থ । আশা এইটুকু—  
শিক্ষার বয়স মোর হয়নিকো পার ।  
আরো আশা, একেবারে বুদ্ধিহীন নহি ;  
তার চেয়ে বড় আশা, তোমার চরণে  
নিজেরে সঁপিয়া দেবো । লইয়ো শিক্ষায়ে—  
তোমার মনের মত হবো সব দিকে ।  
তোমারে মানিব গুরু,—তুমি প্রভু, রাজা ।  
আমি,—মোর বাহা আছে—সে-সব তোমার ।  
আজ্ঞো আমি এ গৃহের ছিন্ন অধিকারী—  
দাস-দাসী-অনুচর মানিছে আদেশ—  
আমি ইহাদের রাণী । এই ক্ষণ হতে  
এই গৃহ, দাস-দাসী—আমি, তার রাণী—  
সকলি তোমার হলো । তুমি রাজ্যেশ্বর ।  
এ সব তোমার হাতে দিলাম তুলিয়া  
• এই অঙ্গুরীয়-সহ । এই অঙ্গুরীয়  
আজীবন সাথী হয়ে রহুক তোমার ।  
যদি কভু অন্তরিত করচ্যুত হয়,—  
কিন্মা ফ্যালো হারাইয়া—জেনো, প্রেম তব  
• অঙ্গুরী-হারানো সাথে—প্রেম-অবসান ।  
সেদিন গঞ্জনা বহু শুনাইব আমি ।  
বাসানিয়ো । নির্ঝাঁক করিলে মোরে অগ্নি স্ফটরিত,—  
ধমনী বহিয়া মোর বহে রক্তস্রোত—  
সেই রক্ত জানে ভাষা দানিতে উত্তর ।  
মনে মোর বিপর্যয়—ঘোর কলরব ।  
বক্তৃত-সভায় কোনো রাজপুত্র যথা  
চাক্র-ভাষে করে সর্ব-মানস-রঞ্জন—  
মুগ্ধ জনতার স্ততি ওঠে উচ্চ রোলে—  
স্ততিরোলে রাজপুত্র যথা বাকহীন,  
বক্ষেতে চপল স্রোত আনন্দে বিশ্বয়ে  
বিজড়িত—প্রকাশিতে পারে না উল্লাস,—  
প্রচণ্ড উল্লাসে তথা বাক্যহারি আমি !  
অঙ্গুরী ? অঙ্গুরী এই হলে কর-চ্যুত,  
জেনো, তার পূর্বে প্রাণ এ দেহ তাজিবে—  
বাসানিয়ো যরিয়াছে—জানিবে সেদিন ।

নেরিসা । প্রভু, প্রভুপত্নী—দৌহে কর অবধান—  
এখন মোদের পালা করি নিবেদন,—  
নীরবে এতেক কাল দেখিয়াছি বাহা,  
বাসনা পুরেছে—সাধ পূর্ণ সবাকার ।  
উল্লাসে উজ্জ্বলি কহি, জয় দৌহাকার !  
গ্রাসিয়ানো । ভদ্র বাসানিয়ো—দেবি, হউক কুশল !  
অন্তরের গুণ ইচ্ছা করি নিবেদন !  
অর্থাৎ দৌহার সাধ-আশা পূর্ণ হোক !  
আমা হতে জানি কোনো আশা মিটিবে না—  
কিন্তু যবে দৌহাকার প্রীতি ভরা প্রাণ  
এক হস্তে বদ্ধ হয়ে দ্বয়ে এক হবে—  
সেই গুণক্ষেণে ঠিক আমিও করিব  
জেনো, গুণ-পরিণয়—নিতান্ত-নিশ্চিত !  
বাসানিয়ো । বধু যদি মেলে বদ্ধ, বড় খুশী হবো—  
অন্তরের অভিনায় কহি অকপটে ।  
গ্রাসিয়ানো । কৃতার্থ হলাম । লহ ধন্যবাদ মোর—  
জুটাইয়া দেহ তুমি বধু মনোমত !  
তোমার মতন মোর দীপ্ত তীক্ষ্ণ দৃষ্টি !  
দেখেছ কত্রীয়ে তুমি—আমি দেখিলাম  
প্রিয়-সখীটির তাঁর ! তুমি ভালোবাসো ;  
আমিও বাসিছ ভালো ! সহিল না দেবী ।  
প্রাণ দেয়া-নেয়াটুকু শুধু বাকী ছিল—  
দেয়া-নেয়া পক্ষ তুমি চুকালে যেমন,  
ও-পক্ষ চুকাতে মোর বিলম্ব হলো না ।  
সম্পূর্ণ তোমার ভাগ্য ছিল বদ্ধ হয়ে—  
মোর ভাগ্য তার সাথে ! গাছে বাজ পড়ে ।  
জানো ভালো, প্রেম আর সোহাগ-সাধনে  
বারে বারে কত শ্রম বাম-জল ঝরা—  
চাটুবাণী কত জনে—কতই শপথ—  
চিরদিন প্রেম-আশে নিরাশার স্থাস !  
শেষে এই রূপময়ী সখী দিল আশা ।  
তব ভাগ্যে ঠাকুরাণী যদি মিলে যায়—  
অমনি সঁপিবে মোরে জীবন-যৌবন  
শ্রীশ্রীমতী সহচরী !  
পোর্শিয়া । সত্য লো, নেরিসা ?  
নেরিসা । সত্য কথা । কি করিব ? ছাড়িল না  
মোরে ।  
বাসানিয়ো । গ্রাসিয়ানো,—এ কথার হবে না  
খেলাপ ?  
গ্রাসিয়ানো । রাম ! রাম ! কভু নয় ।  
বাসানিয়ো । শুনে খুশী হই ।  
এ বিবাহে আমাদের বিবাহ-উৎসব—  
আরো সে উজ্জল হবে—হর্ষ তীব্র আরো ।



গ্রাসিয়ানো। কার সুখ বেশী—এসো, বাজি খেলে দেখি।

হাজার মোহর পণ!

নেরিসা। এ যে জুয়াখেলা!

গ্রাসিয়ানো। জুয়া নয়—জানি, হবে আমাদের হার।

বেশী টাকা বাজি নয়! কিন্তু ও কে আসে?

লরেঞ্জো! তাহার সাথে পৌত্তলিকী প্রিয়া!

ভেনিসের বন্ধু প্রোচ শোলানিয়ো—সে-ও!

(লরেঞ্জো, জেশিকা ও শোলানিয়োর প্রবেশ)

বাসানিয়ো। লরেঞ্জো, শোলানিয়ো! এসো, এসো, বন্ধু!

হেথা মোর আগমন সজ্জ; তবু পাইয়াছি

হেথায় যে-অধিকার—তার বলে করি

সাদর সম্ভাষ সব—শুভ অভ্যর্থনা!

ভালো কথা, পোশিয়া, দাও অল্পমতি,

স্বদেশের বন্ধু-জনে করি সন্মিলন।

পোশিয়া। আমিও সম্ভাষ করি, প্রভু। সুস্বাগত মোদের ভবনে।

লরেঞ্জো। তোমাদের ধন্যবাদ।

মোর কথা—হেথা আসি করিব সাক্ষাৎ,

সে সঙ্কল্প ছিল না কো! পরে অকস্মাৎ

শোলানিয়ো-সাথে দেখা—তুলিছ আপত্তি।

শুনিল না। বার বার করে অল্পরোধ,—

সাথী হয়ে তার সনে হেথায় আসিতে।

শোলানিয়ো। সত্য কথা। করিয়াছি বহু অল্পনয়।

(বাসানিয়োকে পত্র দিল)

বাসানিয়ো। পত্র পড়িবার আগে কহ শোলানিয়ো, বন্ধুর কুশল সন্ধানী?

শোলানিয়ো। দেহ সুস্থ!

মনে সুখ নাই। দেহে নাহিক অসুখ।

কিন্তু পত্রে পাবে তুমি সব সমাচার!

(বাসানিয়োর পত্র পাঠ)

গ্রাসিয়ানো। নেরিসা—বিদেশী বন্ধু। করো তার সেবা।

করো শুভ সম্ভাষণ! বন্ধু শোলানিয়ো,

হাতে হাত দাও। খবর কি ভেনিসের?

বণিক-দলের রাজা রাজ-আন্তনয়ো—

কি তাঁর সংবাদ? জানি, হবে খুব খুশী,

হেথা মোরা জয়ী—শুনি বিজয় বঙ্গুর।

যুগল জেশন আসি জিনিয়াছি তরী।

শোলানিয়ো। সব ভালো হতো! কিন্তু আন্তনির ভরা সে তরীর যদি দৌহে করিতে উদ্ধার।

পোশিয়া। পত্রে লেখা কিবা হেন অন্তত বারতা!

কপোলের বর্ণ দেখি হইল মলিন!

প্রিয়-জন-মৃত্যু-বার্তা? হেন বার্তা বিনা

সহজ ও সুস্থ জনে এমন বিকল

অন্তে না করিতে পারে! কি ঘোর বিপত্তি?

বাসানিয়ো, প্রিয়তম, তব স্নেহ-বশে

আমি তব অর্দ্ধাঙ্গিনী—দাও মোর প্রাণ্য

তোমার হৃৎকের অর্দ্ধ-ভাগ! কি বারতা

আনে পত্র হৃৎসহ ভীষণ? বলা মোরে।

বাসানিয়ো। পোশিয়া, পোশিয়া, স্ববদনি,—  
স্বকঠিন

নির্মম ভীষণ বার্তা আনিল পত্রিকা।

এর চেয়ে অপ্রিয় অন্তত বার্তা, প্রিয়ে,

কোনো লিপি বহিয়াছে কভু কি—জানি না।

স্বভাষিনি, যেইক্ষণে দিয়াছি তোমায়

আমার প্রেমের পরিচয়, অকপটে

বলিয়াছি, আমার সম্পদ-ধন সব—

আছে ধমনীতে—মোর পুণ্য রক্ত-ধারা!

ভদ্রবংশ-জাত ভদ্র আমি! বলিয়াছি

সত্য কথা। তবু সে নিজের দৈত্য—

কত তুচ্ছ অপদার্থ—বলা হয় নাই!

বলেছি যবে, মোর নাহি আত্মজন,

বিভব-সম্পত্তি নাই—নিঃস্ব রিক্ত আমি—

তখন উচিত ছিল বলিতে তোমায়—

নীচ হতে কত নীচ, কত হেয় আমি—

সত্যে বদ্ধ রাখিয়াছি উদার বান্ধবে—

আমার স্বার্থের লাগি—বদ্ধ ক্রুর সত্যে,

শত্রু-পাশে শুধু আমার স্বার্থের লাগি!

পত্র আছে। পত্র নয়! বান্ধবের দেহ—

পত্রের প্রত্যেক ছত্র—এর প্রতি বাণী—

সে দেহের ক্রুর ক্ষত—প্রাণ-রক্ত-ঝরা!

—কিন্তু এ কি সত্য কথা, বন্ধু শোলানিয়ো?

সব পণ্য পণ্ড হলো? একটিও নাই?

ত্রিপোলি, মেক্সিকো, দূরে ইংলণ্ড দ্বীপ,—

লিশ্বন, বার্বারি—আর সূদুর ভারত—

বণিকের সর্বনাশ সাগর-গিরির

কঠিন আঘাত হতে পায়নি নিস্তার

একখানি পণ্য-ভরী? মুক্তি কোনো দিকে?

শোলানিয়ো। একখানি—একখানি পায় নি

নিস্তার!

তাহাড়া শুধিতে ঋণ যত অর্থ দাও—

ইহুদী একটি মুদ্রা স্পর্শ করিবে না !  
 দেখি নাই কোনো জীব মানুষের চর্মে—  
 হেন লোভী গৃহ সম চাহে বিড়ম্বিতে !  
 ডিউকের গৃহে গিয়া সকালে সন্ধ্যায়  
 উদ্বাস্ত করিছে তাঁরে—শত ক্রটি ধরি  
 স্বাধীন রাজ্যের কাজে ধরে শত দোষ !  
 বিচার না পায় যদি রাজ্যে ক্ষুদ্র জন—  
 কিসের স্বাধীন রাজ্য ? কহে উচ্চ রোলে ।  
 বিশজন সদাগর, ডিউক আপনি,  
 নগরের আরো বহু সম্ভ্রান্ত সজ্জন—  
 কত তারে বুঝিয়েছে ! কত অহুরোধ !  
 কিন্তু কেহ পারিল না—নিষ্ফল মিনতি !  
 ঋণের তারিখ গত—খতে সর্ব লেখা—  
 সে সর্ব-পালন চায়—আয়ের বিচার !  
 অর্থ নয়, স্তম্ভ নয়, খেশারং নয়—  
 বুঝাতে কেহ না বাকী রাখিল তাহারে—  
 নিরস্ত হবার নয়—নিরস্ত হবে না ।  
 জেশিকা । ছিন্ন যবে পিতৃ-গৃহে, শুনেছি পিতার  
 আত্মীয় ভূবাল, আর টুশের সকাশে—  
 শপথ গ্রহণ করি বলিয়াছে ভাষা—  
 যে-অর্থের ঋণ আছে—তার বিশগুণ  
 অর্থ পেলেও ভায় নাহিক বাসনা !  
 ক্রীস্তান দেহের মাংস-খণ্ড—সে মাংসের  
 টের দাম মুদ্রা হতে—সেই মাংস চায় !  
 • মুদ্রা সে অসংখ্য দাও—তাহে নাই লোভ !  
 পিতারে তো জানি ভালো । জানিয়ে নিশ্চিত,  
 আইন, এক্তিয়ার, শাস্তি—অত্যা না হবে ।  
 আস্তানিয়ার বড় বিষ ! বিপত্তি ভীষণ !  
 পোর্শিয়া । এ তব বন্ধুর কথা ? তাঁর এ বিপত্তি ?  
 বাসানিয়ে । মোর প্রিয়তম বন্ধু পুরুষ-উত্তম  
 মানব-সমাজে করুণার অবতার ।  
 অতুল ঐশ্বর্যশালী—মোর সর্ব-শুভ—  
 তার লাগি সদাই উদ্ভূত ! একমাত্র প্রাণী—  
 প্রাচীন রোমান মান-মহত্বে ভূষিত ।  
 সারা ইতালীতে নাই হেন জন আর ।  
 পোর্শিয়া । কত ঋণ ইহুদীর পাশে ?  
 বাসানিয়ে । তিন হাজার ড্যাকাট ।  
 পোর্শিয়া । এই মাত্র ? এর বেশী নয় ?  
 দাও তারে ছ' হাজার—যাক সব চূকে ।  
 না হয় দ্বিগুণ আরো—দ্বাদশ হাজার ;—  
 তাতে নাহি খুশী হয়, আরো তিনগুণ ।  
 তার লাগি হেন বন্ধু উদার মহানু—  
 কেশাণে না হয় নাশ ! চলো, তার আগে

মন্দিরে বিবাহে করো পত্নীত্ব বরণ—  
 পরে যাও ভেনিসেতে বান্ধবের পাশে ।  
 যে-অবধি মন রবে চঞ্চল বিকল,  
 পোর্শিয়ার শয্যা 'পরে পাবে না আরাম !  
 ঋণ শুধিবারে তুমি সাথে লয়ে যাও  
 বিশগুণ স্বর্ণমুদ্রা—ঋণ শোধ হলে  
 প্রিয় সে-বান্ধবে লয়ে হেথা এসো দ্বরা ।  
 সঙ্গিনী নেরিসা-সনে বিরহ-রজনী—  
 বিধবা বা কুমারীর বেশেতে যাপিব ।  
 এসো, এসো, যাত্রা করি বিবাহ-বাসরে ।  
 খুশী-মনে বন্ধুজনে করো আপ্যায়িত,  
 চিন্তায় মগ্ন নয় ! মুখে হাসি আনো—  
 বহু মূল্য-দিয়ে, প্রিয়, পেয়েছি তোমারে—  
 আদরে-যতনে সীমা রহিবে না, জেনো ।  
 তার আগে ভালো করে পত্র-বার্তা শুনি ।  
 বাসানিয়ে । ( পত্রপাঠ ) “প্রিয় বাসানিয়ে—  
 আমার সমস্ত জাহাজ বান্চাল নিরুদ্দেশ হইয়াছে ;  
 একখানিরও সন্ধান নাই । পাওনাদারদের দল  
 নিগ্ৰম । পুঁজি সামান্য । ইহুদীর খতের তারিখ  
 পার হইয়াছে ! খতের টাকা শোধ করিবার  
 পর আমার পক্ষে বাঁচা আর সম্ভব হইবে না ।  
 তোমার আমার মধ্যে সমস্ত ঋণ শোধ হইল ।  
 মরিবার আগে তোমার সঙ্গে একবার যদি দেখা  
 হইত ! যাই হোক, যা ভালো বুঝিবে, করিয়ো ।  
 নূতন প্রেমের জ্ঞাত আসিতে যদি না পারো—  
 উপায় কি ! চিঠির জবাব দিবার দরকার নাই  
 পোর্শিয়া । সব কাজ ফেলে রাখো । যাত্রা করো প্রিয়,  
 এইক্ষণে, এই দণ্ডে ।  
 বাসানিয়ে । বিদায় সন্তোষ করো  
 প্রিয়-ভাষে স্তম্ভাধিনি,—লগ্ন বহে যায় !  
 এখনি চলিছে ; দূরে রহি যত দিন—  
 মোর স্পর্শে কোনো শয্যা হবে না কলুষ,  
 হুজনে জানিব না কো বিরাম অন্তরে ।  
 .[ সকলের প্রস্থান

## তৃতীয় দৃশ্য

ভেনিস—পথ

( শাইলক, শোলানিয়ে, আস্তানিয়ে ও  
 কারাধ্যক্ষের প্রবেশ )

শাইলক । রক্ষী, ঠাখো, ঠাখো এই লোকটিকে তুমি !  
 দয়া, মায়া...না, না...যেন ভুলেও করো না !

জানো, ইনি...ভারী সাধু  
বিনা-স্বদে ধার ছানু টাকা—যে-তা চায়।  
শোনো রক্ষী, ছাখো, ছাখো, ভালো করে ছাখো—  
বেশ করে মোতায়ন রাখিয়ো পাহারা!

আন্তনিয়ো। তবু শোনো কথা মোর  
হে সাধু শাইলক...  
শাইলক। খৎ! খৎ! আমার খতের সর্ন্ত শুধু—

ছত্রে ছত্রে মিলাইয়া লবো সেই সর্ন্ত।  
সে সর্ন্তের বিপরীত কথা বলিয়ো না।  
কশম খেয়েছি আমি—খতে যেই সর্ন্ত—  
সে সর্ন্ত করিব রক্ষা—এক-চুল ভেদ  
হবে না খতের সর্ন্তে। মনে নাই বাপু,  
অকারণে মোরে তুমি বলেছ কুকুর?  
কুকুর যখন, কেন দাঁত ফুটাবো না?  
সে দাঁতের ধারে বিষ—রয়ো ছ'শিয়ার!  
বিচার চেয়েছি ছাখ্য। পাবো স্ত্রবিচার  
স্বযোগ্য ডিউক-হস্তে! কিন্তু কি আশ্চর্য্য,  
তুমি রক্ষী—কড়া জানু!—ইহার কথায়  
একেবারে গলে' গলে! প্রাণে মায়া জাগে!  
হাজতের বন্দী এই আসামীরে লয়ে  
বাহিরে চলিয়া এলে বেমালুম সাফ!

আন্তনিয়ো। শোনো কথা—কি বলিতে চাই আমি!  
শাইলক। খৎ! খৎ! খতে লেখা সর্ন্ত শুধু জানি।

সেই সর্ন্ত বুঝে লবো। শুনিব না কথা।  
খৎ! খৎ! মিছা কেন বকে মরো বাপু!  
সাদা চোখে বোকা-হাঁদা বনিতে নারিব।  
মাথা নেড়ে, খাস ফেলে, বোকা বনে' আমি  
বিনয়ে ঝুঁকি দিয়ে ক্রীতান্তরে মধ্যস্থ  
মানিয়া চরণে তার নোয়াবো না শির।  
মিছা পাছু নেছ, বাপু—মিছা মোরে ডাকো।  
কোনো কথা শুনিব না। খৎ! খৎ বুঝি!

[প্রস্থান]

সালারিনো। মানব-সমাজে এ যে নিয়ুর্গ্য কুকুর!  
কোনো কথা শুনিবে না! জানে না টলিতে।  
আন্তনিয়ো। যেতে দাও। কাজ নাই নিফল বচনে।  
পিছে ওর ফিরিয়ো না। চাহে মোর প্রাণ;  
জানি তার হেতু সবিশেষ। বহুবীর  
উহারি দেনার ভারে জর্জরিত প্রাণী  
কৈদে আসিয়াছে কাছে উদ্ধার-কারণে,—  
সে-ঋণ শুধিয়া দিছি মুক্তি তাহাদের।  
তার লাগি ঘৃণা করে আমারে ইহুদী।  
সালারিনো। আমার বিশ্বাস,—ওর এ খৎ মঞ্জুর  
ডিউক না করিবেন বিচারে বসিয়া।

আন্তনিয়ো। আইন অমান্য করা—সে যে অসম্ভব!

কেমনে ডিউক তার গতি রুখিবেন!  
এ ভেনিসে যে-সব বিদেশী করে বাস,—  
ভেনিসের বিধি হতে হইলে বঞ্চিত,  
বিচারে লাগিবে দোষ। ভেনিস-সমৃদ্ধি  
বাণিজ্যে করিছে ভর—সে বাণিজ্য-ভার  
ভেনিসের অধিবাসী বহু জাতি বহে।  
এসো তুমি। এই ক্ষতি, এতেক দুশ্চিন্তা—  
আমারে করেছে শীর্ণ—দেহ রক্ত-হীন!  
দেহ হতে অর্দ্ধসের মাংস দি কেমনে  
রুধির-পিয়াসী মোর খাতকে—না বুঝি!  
চলো রক্ষী!—দেবতারে জানাই প্রার্থনা—  
বাসানিয়ো এসে যেন ছাখে নিজ-চোখে  
তার ঋণ শোধ করি! কোনো ক্ষোভ নাই!

[সকলের প্রস্থান]

## চতুর্থ দৃশ্য

বেলমন্ট—পোশিয়ার কক্ষ

(পোশিয়া, নেরিসা, লরেঞ্জো, বালখাশারের প্রবেশ)

লরেঞ্জো। সাফাতে পারিনে কণ্ঠ করিবারে রোধ—  
এ কথা বলিব দেবি, অন্তরে তোমার  
অসীম করুণা—দেখি দেবতার মত!  
স্বামী কাছে নাই; দেখি, স্বামীর বিরহ—  
কি অতুল ঐর্ষ্যে তুমি সহ সেই ক্রেশ!  
কিন্তু যদি জানিতে—সে কত-বড় মন—  
কি উদার, কি মহৎ—যারে এ সন্ত্রম  
করিতেছ—যার লাগি সহায় প্রেরণ—  
আর মোর বন্ধু, তব স্বামী বাসানিয়ো—  
কত তারে ভালোবাসে—এই আন্তনিয়ো!  
এ ব্রত-পালনে কত লভিবে গৌরব—  
তুচ্ছ নয় এ করুণা—তাহাও বুঝিবে—  
যে করুণা সর্বজনে এমন সহজ!

পোশিয়া। শুভকার্য্যে মনস্তাপ কখনো ঘটেনি—  
আজো না ঘটবে মোর। যারা বন্ধুজন,  
শ্রীতি-সখা-ভোরে বাঁধা থাকে এক সাথে—  
এক ছন্দে এক কথা—একই আলাপে  
যাদের সময় কাটে—অন্তরে-অন্তরে  
শ্রীতির উজ্জ্বল বহে সমানে সমান,—  
আচারে-ব্যাভারে নাহি রহে তিল ভেদ!

ভাবি ভাই, স্বামীর এমন অন্তরঙ্গ,  
আন্তনিয়ো—কায়-মনে স্বামিতুল্য হবে।  
তাই যদি হয়, তবে তাঁহার কল্যাণে  
এ আমার শ্রম, মোর এই অর্থব্যয়—  
দুঃসহ যাতনা হতে তাঁর মুক্তি লাগি  
আপন-ছায়াতে রক্ষা করিতে এ মূল্য  
কতটুকু! কতটুকু! কিন্তু কথা থাক—

এ যেন নিজের মুখে নিজ-স্তুতি-গান!  
এ কথায় কাজ নাই—অন্ত কথা কহ।  
লরেঞ্জো, তোমার হাতে গৃহের কর্তৃত্ব  
অর্পণ করিছ আমি, যে-অবধি না মোর  
স্বামী হন প্রত্যাগত; আমি ছুটি চাই!  
দেবতা মানত করি' লইয়াছি ব্রত—  
বিদেশেতে যত কাল রহিবেন স্বামী,  
নেরিসার সনে আমি একান্তে বসিয়া  
গোপনে করিব জপ—ধ্যানে মগ্ন রবো।  
হেথা হতে এক ক্রোশ দূরে মঠ আছে...  
সেই মঠে রবো দৌহে। এ দীন প্রার্থনা,—  
আশা করি, করিবে না তাহারে নিষ্ফল।  
স্নেহ-প্রীতিবশে, আর প্রয়োজনে বটে,  
তোমা'পরে এই ভার করিছ অর্পণ।

লরেঞ্জো। অন্তরের নিষ্ঠা-ভরে পালিব আদেশ।  
কোনো ক্রটি হইবে না, জেনে রাখো দেবি।  
পোর্শিয়া। জানে মোর পরিজন এ মোর বাসনা।  
স্বামী আর মোর স্থলে, তুমি ও জেশিকা  
রহিবে প্রতিভূ। সবে করিবে সন্মান,  
এ গৃহের অধিকারী মানিবে দৌহায়;  
আসি তবে, দেখা হবে অচিরে আবার।  
লরেঞ্জো। চিন্তা-জ্ঞান-লগ্ন হোক কল্যাণে ভূষিত!  
জেশিকা। পূর্ণ হোক অন্তরের অভীষ্ট তোমার!  
পোর্শিয়া। এ শুভ কামনা-তরে বহু ধন্যবাদ।  
তোমা-দৌহাকার হোক কুশল-কল্যাণ,  
আসি বন্ধু। জেশিকা, বিদায় দাও বোন!

[জেশিকা ও লরেঞ্জোর প্রস্থান]

ভালো কথা, বালশাখার—  
চিরদিন পালো তুমি আমার বচন,  
আজ্ঞো তা পালিবে, জানি। এই পত্র মোর,  
যত শীঘ্র পারো লয়ে যাও পাছায়।  
ভ্রাতা মোর আছে সেথা। নাম বেলারিয়ো—  
এ পত্র তাঁহারে দিবে। দিবেন উত্তর;  
উত্তরের সাথে তিনি দিবেন যে-বেশ—  
সে-বেশ-উত্তর লয় অতি দ্বরা ফিরি

আসিবে নদীর ঘাটে; সাধারণ ঘাট—  
যে-ঘাটে ভেনিস-পণ্য বহি খোলে তরী।  
বিলম্ব করো না তিল বুখা বাক্য-জালে!  
দ্বরা যাও। বহু পূর্বে পহুছিবে সেথা।  
বালশাখার। দ্বরায় চলিছ দেবি।

[প্রস্থান]

পোর্শিয়া। আয় লো নেরিসা। হাতে বহু কাজ আছে—  
সে কাজের কণামাত্র জানিস্ না তুই।  
স্বামী সনে দৌহাকার হইবে সাক্ষাৎ—  
অচিরে বুঝিলি! আয়, আয় দ্বরা তুই।  
নেরিসা। দেখিতে পাইবে তারা মোদের দুজনে?  
পোর্শিয়া। দেখিবে নিশ্চয়; কিন্তু যে-বেশে দেখিবে—  
স্বভাবে অভাব যেথা, সে ভাবে দেখিবে।  
বাজি রাখ...দুজনেতে সাজিব যখন  
কিশোর পুরুষ বেশে, আমি স্ত্রীতর—  
কি সাহসে বক্ষে মোর ধরিব রূপাণ—  
বালক-যুবায় মেশা নব কণ্ঠস্বরে  
কবো কথা, চরণের গতি পুরুষালি  
হৃন্দেতে ধরিবে কি সে নূতন আকার...  
বাক-সার যুবা-সম মুখের কথায়  
বীরত্বের আশ্রয়ালন, শত মিথ্যা-বাণী,  
কেমনে সম্ভ্রান্ত যত কিশোরীর দল  
প্রণয় যাচিয়া হয়, নিরাশ-বেদনে  
ব্যধিগ্রস্ত মরে সব পটাগট করি!  
দেখিস্, বলার চণ্ড! কি দোষ আমার?  
আহা-উছ করি ছুটা দৌধদ্বন্দ্ব ফেলি  
কহিব—আমার দোষে তারা মরে নাই।  
এমনি শতেক মিথ্যা কথা কয়ে যাবো  
পুরুষে যেমন বলে; লইয়া শপথ  
কহিব,—স্বপ্ন ছাড়ি—হলো বারো মাস  
মনে আছে বাক্য-বীর যুবকদলের  
হাজার হাজার কথা, মিথ্যা-ফন্দা-ভরা—  
ভালো বুঝি' হেন কথা কহিব বিস্তর।

নেরিসা। কিন্তু অকস্মাৎ কেন পুরুষের বেশ?  
ও মা! শেষে বনিব পুরুষ!

পোর্শিয়া। ছি, ছি, লাজে মরি!  
এ প্রশ্ন শুধালি—যেন করিতে চলিস্  
হেয় দ্বিতীয়ালী, কোনো হীন অভিনয়ে!  
কিন্তু আর কথা নয়—আয়, দ্বরা করি।  
মনে গুচ অভিসন্ধি, বলিব তা সব,  
গাড়ীতে উঠিয়া বসি। গাড়ী আছে হোথা  
বাগানের ফটকেতে...যাত্রায় উদ্ভূত।

দেবী নয়। আয় স্বরা। জানিস কি তুই,  
দিতে হবে আজ ঠিক দশ-ক্রোশ পাড়ি?

[ উভয়ের প্রস্থান

### শব্দগুণ দৃশ্য

বেলমন্ট—পোর্শিয়ার গৃহ-সংলগ্ন উদ্যান

ল্যানসিলট ও জেশিকার প্রবেশ

ল্যানসিলট। সে কথা সত্যি, বাপের পাপের ছোঁয়াচ  
ছেলেমেয়েদের লাগে বৈ কি! খুব লাগে। তাই  
না, আমার তোমার জন্তে ভয় হয় দিদিমণি।  
তোমার সামনে চিরটা কাল আমি পষ্ট কথা  
কয়েচি, কেমন তো দিদিমণি, ভয়ঙ্কর পষ্ট কথা—  
কাজে কাজেই এখনো সেই পষ্ট কথাই ফের  
বলচি। কিন্তু ভয় নেই—সত্যি—তোমার আশা  
নেই, তুমি গেছ! তবে কি না, এর মধ্যে  
একটু আশা দেখছি এই যে—মানে, তোমার  
ভালো হবে—এমন আশা সত্যি নেই—তবু  
ঐ যে বনু, একটুখানি আশা...

জেশিকা। সে আশা কি—বলে ফ্যাল্। শুনি।

ল্যানসিলট। মানে,—তুমি মনে মনে ভাবো, তুমি  
তোমার বাপের মেয়ে নও দিদিমণি—মানে,  
ঐ ইহুদীর মেয়ে তুমি নও। বুঝলে?

ল্যানসিলট। তাহলেও তোর আশায় আমার কি  
মাউপকার হবে—শুনি। বাপের মেয়ে না  
বিনলোও মায়ের পেটে জন্মেছি—মায়ের মেয়ে  
মানিয়া আমি বটে। মায়ের পাপেও তো আমার  
মিছা যাচ লাগতে পারে!

কোনেট। তাই না কি! তাহলে তোমার আর  
কোনো ভরসা দেখচিনে দিদিমণি। মা-বাপ

সালার। হৃদিক থেকে যদি এমন পাপের ছোঁয়াচ—নাঃ,  
তোমার আর তাহলে রক্ষা নেই। এই ছাখো  
না, তোমার বাপ—গনুগনে তপ্ত কড়া—  
সেটিকে যদি ছাড়লেম তো সঙ্গে সঙ্গে তার নীচে  
তোমার মা—বাপ রে, বানুগনে উলুনের মধ্যে  
খেলে ঝাঁপ! এ যে দেখচি এগুলো নির্বংশ,—  
পেছলে নির্বংশ! হৃদিকে চাপ! নাঃ, তুমি  
গেছ, দিদিমণি—একদম গেছ!

জেশিকা। গেলেও আমায় উদ্ধার করবেন আমার  
স্বামী। তিনি খুঁটান। তাঁর ধর্ম নিয়ে আমি  
খুঁটান হয়েছি।

ল্যানসিলট। ও! বটে! বটে! বটে! তাহলে তো  
মন্ত দোষ হয়েছে তোমার ঐ স্বোয়ামীর।  
আমরা অনেক খুঁটান রয়ে গেছি—নিজেদের  
মধ্যে একরকম তালগোল পাকিয়ে যা হোক  
বস-বাস করছি,—আমরা হাজার হাজার লক্ষ  
লক্ষ ক্রীতান মিলে। সে-দলে আবার একজন  
ক্রীতান গেল নম্বরে বেড়ে। এতে আর কিছু ন  
হোক, শূয়রের মাংসের দাম চড়ে যাবে। সত্যে  
যদি শূয়রের মাংস খেতে লেগে যাই, তাহলে যে  
কয়লা কেনবার কড়িটিও ট্যাকে বাড়ন্ত হয়ে  
উঠবে!

জেশিকা। আমার স্বামীকে আমি বলচি তোর  
কথা। ঐ তিনি আসচেন।

লরেঞ্জোর প্রবেশ

লরেঞ্জো। আমার স্বামীর সঙ্গে তুই যদি অষ্টপ্রহর এমন  
কোণে বসে ফিশির-ফিশির করে কথা কোস  
ল্যানসিলট, তাহলে আমার মনে ভয়ঙ্কর হিংসা  
হবে কিন্তু।

জেশিকা। তোমার ভয় নেই গো। আমাদের  
দুজনে ঝগড়া হচ্ছিল। ও আমায় বলছিল,  
স্বর্গের দোর না কি আমি খোলা পাবো না—  
ইহুদীর মেয়ে বলে। আর তুমিও ভালো খুঁটান  
নও—ধরে ধরে ইহুদীদের খুঁটান করে বাজারে  
শূয়রের মাংসের দাম চড়িয়ে দিচ্ছ!

লরেঞ্জো। তার জবাব খুঁটান-সজ্জ্ব আমি দেবো।  
কিন্তু সে মুর-মাগীর পেটে যে ছেলে জন্মেচে,  
তুই সে ছেলের বাপ—না, ল্যানসিলট?

ল্যানসিলট। মুর-জাতের যেমন বুদ্ধি! সে মাগীর  
রীত-চরিত্রের ভালো নয়, সাহেব—তার কেয়ার  
আমি খোড়াই করি।

লরেঞ্জো। বোকার সঙ্গে কথা কাটাকাটি করে লাভ  
নেই। এখন তুই যা তো,—খাবার-দাবারের  
কতদূর কি হলো, খপর নিয়ে আয়।

ল্যানসিলট। আজ্ঞে, খাবার-দাবার সব তৈরী।  
সকলেরই পেট আছে—সে পেট পূরণ করতে  
সকলেই চায়।

লরেঞ্জো। ব্যাটা কথার জাহাজ! যা—খাবার  
দিতে বল গিয়ে।

ল্যানসিলট। খাবার তৈরী সাহেব—শুধু ঠাই করতে  
যেটুকু দেবী।

লরেঞ্জো। ঠাই কবু তবে।

ল্যানসিলট। ঠাই তো আমি করবো না। আমার হলো দোশরা ডিউটি।

লরেঞ্জো। সেদিকে ভারী ছ'শিয়ার, দেখচি। ডিউট-জ্ঞান বেজায়!—শোন্ তুই, তোর ডিউট তুই করুগে যা। গিয়ে বায়ুর্জি-খানশামাদের বলে দে,—ঠাই করে ডিশ-পেয়ালা যেন টেবিলে সাজায়—তারপর মাংস-টাংস যা রান্না হয়েচে... ল্যানসিলট। আজ্ঞে হ্যাঁ, সে সব তৈরী। টেবিলে এসে খেতে বসলেই হয়। আহ্নন, আমি তাদের বলতে চলনুম।

[প্রস্থান]

স্বামিকুলে তেমনি আদর্শ জেনো প্রিয়ে,  
তোমার এ লরেঞ্জোয়। তুল্য নাই তার।  
জেশিকা। মোর কথা শুনিতে না চাও?  
লরেঞ্জো। খুব চাই—  
তার পূর্বে খেতে চাই। পেটে বড় ক্ষুধা।  
জেশিকা। মোর ক্ষুধা নাই? বটে! খাশা স্বামী তুমি!  
লরেঞ্জো। দুজনেই খেতে যাবো। ভোজনে বসিয়া  
যত কথা পারো, বলো। ভোজের সহিত  
দেখো সব কথা করি হজম কেমন।  
জেশিকা। শুনে খুশী! অতি-ভোজ করাবো আজিক।  
বচনে-ভোজ্যতে পেট হবে আঙ্গ ঠাশা।

[উভয়ের প্রস্থান]

লরেঞ্জো। নিখোট নির্বোধ!

তবু ঢের কথা জানে।

মনে বহু কথা আছে—গুছিয়ে সে-সব  
বলিতে জানে না শুধু—পারে না বলিতে।

এর মত বহু মূর্থ ভদ্র বেশে সাজি

সমাজে জটলা করে—বহু কথা জানে—

সে-কথার যথা-তথা-প্রয়োগে মজবুৎ!

অর্থ শুধু জানে না কো—কি কথা কখন

কি কথার পিঠে দিলে হইবে শোভন!

কথার চটকে স্বৰ্ণ হাসাইয়া মারে—

অহেতুক করে গোল! কিন্তু বলি প্রিয়ে,

আছো ভালো? আনন্দে উতল তব প্রাণ?

বলো দিকি, দেখিলে তো পোর্শিয়ারে হেথা—

কেমন লাগিল তারে?

জেশিকা। বচন-অতীত।

বাসান্নিয়ো বন্ধু তব—শোনো যাহা বলি—

মানুষ যতপি হন—উচিত তাঁহার

এ ভাষ্যার যোগ্য ভর্তা হন যেন তিনি!

শুশ্রুত করা চাই জীবনের গতি।

এমন বনিতা—এ যে বিধির আশীষ!

মলিন এ মর্ত্যে যেন স্বরগের স্মৃতি!

এঁরে পেয়ে স্বর্গ-সুখ না পেলে ধরায়,

স্বর্গে তব বান্ধবের দ্বার রুদ্ধ রবে।

স্বর্গের ছ'দেবতায় যদি বাজি চলে,—

ধরার রমণীকুলে শ্রেয়সী-সন্ধান—

পোর্শিয়া হইবে শ্রেষ্ঠ। সমতুল তার—

পোর্শিয়ার রূপ—যদি তিল তার পায়,

তবু তার সমুখেতে দাঁড়াবে, যোগ্যতা

কোনো রমণীর কভু হবে না ধরায়।

পোর্শিয়ার তুল্য নারী মিলিবে না খুঁজি।

লরেঞ্জো। পত্নীর আদর্শ যথা জানো পোর্শিয়ারে—

## চতুর্থ অঙ্ক

### প্রথম দৃশ্য

ভেনিস—বিচারালয়

(ডিউক, অমাত্যবর্গ, আন্তনিয়ো, বাসান্নিয়ো,  
গ্রাসিয়ানো, শোলান্নিয়ো, সালারিনো ও অল্প  
বহু ব্যক্তির প্রবেশ)

ডিউক। আন্তনিয়ো আছে হেথা?

আন্তনিয়ো। হজুরে হাজির।

ডিউক। দুঃখিত তোমার লাগি। আসিয়াছ তুমি

প্রতিবাদী-রূপে আজ দানিতে জবাব

স্বকর্তন অভিযোগে। বাদী যে তোমার—

পাষণেতে গড়া প্রাণ—মহুয়াত-হীন,

দয়া-মায়ী-বিবর্জিত—করুণার বিন্দু

নাহি মনে, শূন্য অসার অন্তর।

আন্তনিয়ো। গুনিয়াছি করুণার বশে তুমি প্রভু

করিয়াছ বহু শ্রম। তবু দুর্বিনয়

দুর্বীর অটল ক্রুর অভিসন্ধি-বশে

তার এই দুষ্ট হিংসা হতে মুক্তি পাবো—

হেন যুক্তি-বিধি নাহি আইনে নজীরে।

মিছা আর বাক্য-ব্যয়। সহিব সকলি—

তার হিংসা, রোষ-দেষ, সর্ব-কুটিলতা।

দৈর্ঘ্যে বাধিয়াছি বুক। হবো না বিকল।

যত ক্রুর হোক সে-বা নিশ্চয় নির্দুর—

অবিচল সহিব হে, সর্ব-বর্ধরতা!

ডিউক। যাও কেহ—আনো হেথা ইহুদীরে ডাকি।

সালারিনো। দ্বারে সে দাঁড়ায়ে আছে। ওই দুষ্ট আসে।

(শাইলকের প্রবেশ)

ডিউক। ঠাঁই দাও। আনুক সে সমুখে আমার।

শাইলক, শোনো কথা—ভাবে সর্বজননে,  
তোমার হিংসার রীতি নিষ্পন্ন কর্তোর  
ভাণ-অভিনয় মাত্র! শেষ অঙ্কে এবে  
অবসান হবে তার—সবার বিশ্বাস।  
এবারে মমতা হবে—করুণায় গলি  
বিচিত্র খতের সর্ভে করিব বর্জন।  
হতভাগ্য বণিকের অঙ্গ হতে কাটা  
অর্দ্ধ সের মাংস তার—প্রাপ্য যা তোমার—  
সে প্রাপ্যই ছাড়িবে না; প্রাপ্য অর্থ হতে  
অর্দ্ধ-অংশ করিবে মার্জনা—কারণ,  
মানুষ তুমি। মানুষের মন চিরদিন  
মমতা-করুণা-স্নেহে হয় বিগলিত।  
বণিকের সব গেছে—সেই ক্ষতি বুঝি  
করুণা দেখাবে তারে। তবে ধন্য কবে।  
তরী ডুবে যে অনিষ্ট হলো বণিকের—  
বেচারার প্রাণ তায় জীর্ণ ভগ্ন অঞ্জি।  
সে ক্ষতি-স্বরণে মূব, তুর্কি ও তাতার—  
সভ্যতা-শিক্ষার যারা ধারে না কো ধার—  
তাদেরো পরাণ গলে, অশ্রু ঝরে চোখে।  
সব কথা প্রকাশিয়া বলিছ তোমারে—  
হে ভদ্র ইহুদী, চাহি উত্তর তোমার।

শাইলক। বলিয়াছি—জানো প্রভু, বাসনা আমার?

পর্কের পবিত্র দিনে লয়েছি শপথ,—  
খৎ-সর্ভ শিরোধার্য—টলিবে না মন।  
বিচার প্রার্থনা করি বিচার-সভায়।  
বিচার না করো যদি, সর্ব বিধি তব  
রসাতলে যাক্—যাক্ আইনের মান...  
ভেনিসের স্বাধীনতা-গর্ব লোপ হোক!  
প্রশ্ন তব—হেন সর্ভ কেন করিলাম?  
গাঁটের হাজার তিন সোনার ড্যাকট—  
তার বিনিময়ে কেন কদর্য মলিন  
অঙ্গ হতে অর্দ্ধসের মাংস কাটি লবো—  
মুদ্রা-পরিবর্তে? আমি দিব না উত্তর।  
এ আমার অভিক্রটি! ইচ্ছা! এ খেয়াল!  
উত্তর পাইলে মোর? ধরো, গৃহে মোর  
একটা মুখিক করে মহা-উপদ্রব,  
বিষে তারে মারিবার লাগি, খুশী-মনে  
যদি আমি দিই দশ হাজার মোহর—  
কাহার কি এসে যায়? পেয়েছ উত্তর?  
পৃথিবীতে এমন তো বহু লোক আছে—  
শূকর কাটিতে দেখি আতঙ্কে আতুর—

প্রমত্ত বিড়ালে দেখে কৌতুকের ভরে।

বাণী শুনে কেহ নাহে মুখে রোধ করে!

মানুষের মন—তার বিচিত্র খেয়াল...

কারে সে বা! স্নেহ করে, কারে করে ঘেঘ!

এ-সবের প্রত্যুত্তর দিব তা সবার—

কেন কেহ সহ্য না কো খণ্ডিত বরাহে,

অথচ কৌতুকে দেখে রঙ্গ বিড়ালের!

কেন বাণী শুনে কেহ আকুল অধীর!

ঘণা লাগে, তাই মোর ঘণা সেই-মত।

আঘাত পেয়েছি, চাই দিতে প্রত্যাঘাত।

এর বেশী হেতু-যুক্তি দিতে নাহি পারি।

আন্তরিক'পরে মোর আছে অতি-ঘণা

সুদীর্ঘ-সঞ্চিত—তাই এত ক্ষতি মানি

কাছারিতে পেশ করি আমার নালিশ।

শুনিলে তো—কেন? কেন? আমার উত্তর?

বাসানিয়ে। দয়া-মায়ারীন ওরে দ্রুত ছুজ্জনে,

এ বর্বর নির্ভরতা! এ নহে উত্তর।

ক্রুরতার তুচ্ছ ছল খুঁজে বার করা!

শাইলক। উত্তরে তুমি ব তোমা—এমন বাধ্যতা

আমার তো নাই বাপু!

বাসানিয়ে। যারে ঘেঘ আছে—

তারেই মানুষ মারে—বলিতে কি চাও?

শাইলক। যারে মারে নাকো, তারে ঘণা করে কেহ!

বাসানিয়ে। অপরাধ,—পূর্বাবধি হয় নাহি হয়।

শাইলক। চাহো তুমি হুইবার দংশিবে ভুজ্জ?

আন্তরিয়ে। ক্ষমা করে।

ইহুদীয়ে যুক্তিতে বুঝাবে?

তার চেয়ে যাও তুমি সাগরের কূলে

উত্তাল ভরঙ্গ-দলে কহো,—বেগ তার

তীর ও উজ্জ্বল সিদ্ধ করো তুমি রোধ!

ব্যাস্ত্রে গিয়া প্রশ্ন করো, কান্দে মেঘ-মাতা

কেন অবিরাম ধারে শাবকের লাগি?

গিরি-বক্ষে উচ্চ তরু পবন-দোলায়

ঘন-ঘন তোলে শির—পারো কি কথায়

সশব্দ সে আন্দোলন রোধ করিবারে?

পৃথিবীতে স্ফুটন যত কাজ আছে—

যদি বা সাধিতে পারো—পারিবে না কভু

ইহুদীর স্ফুটন ও-মন গলাতে।

দোহাই, মিনতি করি—করো না প্রার্থনা,

সামুদ্রের অনুরোধ এ দ্রষ্ট ছুজ্জনে।

হে স্মৃতি-বিচারক, বিচারে যা বোঝো,

যোগ্য ভাবো যে আদেশ—তরার প্রদানি

করো মোরে ধন্য—পূর্ণ ইহুদীর আশা।

বাসানিয়ো। তিন হাজারিত জগতে  
লহু এই ছ'হাজারী বাহিত সম্পদ !  
শাইলক। ছ'হাজারী নিত্য করিতেছি,  
হয় গুণ বেশী নাহি, তাই শিখিয়াছি  
আরো দাও ছপারে ! যে-কথা বলিলু,  
তথাপি না লভব লবু করিবারে ;  
খৎ—খৎ— যদি চাহো নিষ্করণ—  
ডিউক। মার্জ্জনি জেনো, চলিবে বিচার  
মার্জ্জনার ক ধরি ; হুর্ভাগা বণিকে  
শাইলক। সর্ব-মত—অতথা না হবে।  
কোনো কর্ম করেছি আমি, তার সর্ব ফল  
তোমরা থায় থাক্। বিচার—সে চাই,  
কত নর ! সর্ব—সেই সর্ব রক্ষা হোক !  
তাদের ঋণ-মুদ্রা দিতে পারিবে না ?  
শাইলক। আছে মুদ্রা।  
বিচার-সভায় মুদ্রা করিতেছি পেশ।  
সমস্ত দ্বিগুণ মুদ্রা দিতে। আরো চায়—  
দাও দিব। মুদ্রা দিব আরো দশ গুণ—  
হেজর এ মাথা, হাত—প্রাণ রাখি বাঁধা—  
তো এ ইহুদী যদি সম্মত না হয়—  
খেতে কুর কাল-হিংসা সেই বড় হবে ?  
সে কয়—এত দ্রেষ, কুর হিংসা যদি—  
বলিবে মনতি—বিধি রুদ্ধ করে। তুমি  
শক্তি-বলে—পদ-অধিকারে ;  
ভেমনি ত্যের মান রাখিতে বারেক  
সজ্জন এ'ট করে যদি—পাপ নাহি হবে।  
এ'র এ' হিংস্র আশা দাও ব্যর্থ করি'।  
বহু মুখে অসম্ভব বিধি-ভঙ্গ, অমাত্য আইনে।  
ওই মা' শ্রমিন শক্তি—কাহারো সে নাই,  
ভেনিস-লীত বিধি রোধ করে হেন।  
বিচার ! তখন সে রচিবে নজীর—  
ডিউক। বিচার বলে, বহু দোষ-ক্রটি  
আছে মের হয়ে বাড়াবে জঞ্জাল—  
আইনেবে বহু। তাহা হইবে না।  
বেলারিয়েসেয়েল ! দানিয়েল বসেছে বিচারে !  
দূত পাঠায়ে দানিয়েল ! বিজ্ঞ বিচারক !  
সে আসি—কিসে জানাই সম্মান !  
সালারিনো। ব দেখি খৎ—  
বেলারিয়েসেয়েল লেখা আছে।  
এখন আসি, এই যে খৎ, মাত্ত বিচারক !  
ডিউক। গুণ মুদ্রা কিন্তু দিতেছে শাইলক।  
ডাকো সেই কশম খাই দেবতার নামে—  
বাসানিয়ো। গরি যাবো কি নরকে !

পাপে মগ্ন হবো ? না, না, পেলে এ-ভেনিস,  
আমারে কশম ভেঙ্গে পাপ করিব না।  
পোশিয়া। শোধের তারিখ গত ! খতে সর্ব আছে—  
আইনে ইহুদী করে সেই সর্ব দাবী—  
বণিকের বক্ষ-পার্শ্ব হতে কেটে লবে  
অর্দ্ধ সের মাংসখণ্ড ! কিন্তু দয়া করো,  
করুণা—করুণা, বুদ্ধ—তিনগুণ মুদ্রা  
লগ্নে খুশী হও। আমি ছিঁড়ে ফেলি খৎ।  
শাইলক। ছিঁড়ো—আগে সর্ব-মত ঋণ হোক শোধ !  
বচনে বুদ্ধিতে পটু, বিচার-নিপুণ—  
আইনে এমন জ্ঞান—যুক্তি-ব্যাখ্যা শুনি  
বুঝি যে কুশলী তুমি ! আমি বলি, শোনো—  
আইনের স্তম্ভ তুমি বিরাট, অটল—  
আইনের মতে তুমি বিচার করিয়া  
রায় দাও বিধি-মতে। পণ করিয়াছি,  
কঠিন শপথ—কারো রসনায় নাই  
হেন সাধ্য পণ হতে আমাদের টলাবে !  
খৎ আছে, সেই খতে আমার নির্ভর।  
আন্তনিয়ে। বিচারক-পার্শ্বে মোর একান্ত মিনতি,  
বিচারে হউক দণ্ড—বহিত আদেশ।  
পোশিয়া। আদেশ পড়িয়া আছে। বেশ, তাই হোক !  
বক্ষ তব মুক্ত করো ছুরিকার লাগি।  
শাইলক। মাত্ত—মাত্ত—বজ-মাত্ত বিচারক ! জয় !  
খাশা-বুদ্ধি ! চমৎকার—যদিও বালক !  
পোশিয়া। কঠিন আইন। সেই আইনের বলে  
খতের এ সর্ব-মত তুল্য আদেশ,  
বক্ষ-পার্শ্ব হতে লবে মাংস অর্দ্ধ সের।  
শাইলক। সত্য কথা। গ্রাঘ্য কথা ! গ্রাঘের বিচার !  
দেখিতে বালক—বয়স সত্যই কি বেশী ?  
পোশিয়া। অতএব, বক্ষ-বাস মুক্ত করো তব।  
শাইলক। হৃদয়ঙ্গ—তার পার্শ্ব হতে মাংস চাই।  
খতে তাই লেখা আছে। নয় বিচারক ?  
ঠিক হৃদয়ের পাশে—এই ছাখো লেখা।  
পোশিয়া। তাই বটে ! নিক্তি আছে মাংস  
মাপিবার ?  
শাইলক। এই যে প্রস্তুত।  
পোশিয়া। অর্থ ব্যয় করে এক বৈজ্ঞানিক ডাকি—  
একজন ! নহে এই ক্ষত-রক্তস্রাবে  
বেচারার প্রাণ যাবে। বোঝো শাইলক !  
শাইলক। সে সর্ব কি লেখা আছে আমার  
এ খতে ?  
পোশিয়া। নাই লেখা থাক্। তাতে কিবা এসে যায় !  
কৃপা ! এক করুণা—এটা দেখাইবে ভালো।



শাইলক। না-না, রূপা,—বৈজ্ঞ—এ তো খতে  
লেখা নাই।

পোশিয়া। হে বণিক, শেষ কথা আছে বলিবার ?  
আন্তনিয়ো। হুট হোট কথা শুধু! আমি তো

প্রস্তুত।

সত্য কহি, চিতে মোর নাহি ভয়-ধ্বিগা।  
বাসানিয়ো, হাতে দাও হাত—বিদায়!  
তোমা লাগি মোর মৃত্যু, ভেবে যেন তুমি  
ক্ষোভ করিয়ো না বন্ধু। প্রসন্ন অদৃষ্ট।  
বাম নহে সনাতন বিধি-বশে মোরে।  
সে বিধি এমন—হতভাগ্য কোনো ধনী  
অর্থনাশ হেতু হলে বিপন্ন দরিদ্র,  
কোটর-প্রবিষ্ট-নেত্র, কুক্ষিত ললাট—  
হত-সর্বমানগর্স রহে সে পড়িয়া;  
প্রাণে নাহি মারে ভাগ্য, বাঁচাইয়া রাখে।  
ভাগ্য বাম নয় মোরে, তাই দেখি আজ  
দীর্ঘ এ দারিদ্র্য-দুঃখ করালো না ভোগ—  
মানে মানে মুক্তি দিল সেই গ্লানি হতে।  
মাননীয়া পত্নী তব—কহিয়ো তাঁহারে  
আমার বিদায়-বাণী—বিদায়ের কথা।  
বলো, ভালোবাসিতাম কতখানি তোমা,  
এ বিদায়-কথা যবে বলিবে তাঁহারে।  
সেই সঙ্ক্ষে-আরেকটি কথা তাঁরে বলো,  
তোমার বান্ধব এক ছিল প্রীতিময়।  
হারালে একটি বন্ধু—দুঃখ করিয়ো না,  
তব ঋণ শুধিল সে! দুঃখ করিয়ো না।  
এ ইহুদী-বেশী মাংস কাটিল আমার;  
আমার সর্বস্ব দিয়া—শুধি তব ঋণ।

বাসানিয়ো। আন্তনিয়ো—আছে পত্নী—প্রাণ হতে  
প্রিয়—

কিন্তু মোর এই প্রাণ, প্রাণের প্রেয়সী—  
সমগ্র নিখিল-বিশ্ব—না হয় তুলনা  
তোমার প্রাণের সাথে! মোর প্রাণ, প্রিয়া—  
তোমাতে পাইতে ফিরে—সে-সব এখনি  
হাসি-মুখে দিতে পারি বিসর্জন, জেনো।  
সব বলি দিতে পারি দ্রুত নিঃস্ব  
ইহুদীর রূপা-মূল্যে, সত্য কহি সখা।

পোশিয়া। পত্নী তব হেথা বসি এ কথা

শুনিলে

খুশী হয়ে করিতেন তব সাধু-বাদ।

গ্রাসিয়ানো। মোর এক পত্নী আছে। তারে

আমি খুব

ভালোবাসি প্রাণাধিক—সে কথা বলি না।

মনে হয়, মোর পত্নী আজ যদি মরে  
স্বর্গে যায়—গিয়া সেখা হেন শক্তি পায়,  
যে-শক্তির বশে এই প্রেত-ইহুদীর  
মনটা টলাতে পারে!

নেরিসা।

খুব বেঁচে গেলে

সে নাই হেথায়—তাই হেন কথা বলি!  
তোমার ইচ্ছার এই পরিচয়টুকু  
পেতো যদি—গৃহ হতো অশান্তি-আবাস।

শাইলক। এমন ক্রীতদাস স্বামী বটে! মেয়ে আছে  
বারাবাস বংশের কেহ স্বামী হতো যদি  
ক্রীতদাস না স্বামী হয়ে—চের ভালো ছিল।  
কিন্তু বুখা বাপি কাল! আমার মিনতি,—  
বিচার-কাজের এবে হোক সমাপন।

পোশিয়া। বণিকের দেহ হতে অর্কি সের মাংস—  
তোমারি সে। আদালত দিতেছে তোমারে;  
আইনও তা দিবে, জেনো। নাহিক অত্থা।

শাইলক। বিচার! বিচার বটে—নিষ্কির ওজনে!

পোশিয়া। এ মাংস কাটিতে তুমি পারো বন্ধ হতে  
ভেনিস-আইন করে সে দাবী মঞ্জুর।

শাইলক। মহা-মহা-পণ্ডিত হে ভীষণ বিদ্বান  
হাকিম! হাকিম বটে—হাতে গ্রাস-তৌল!  
এসো তবে—হাকিমের হুকুম তো পাকা!

পোশিয়া। ক্ষান্ত হও ক্ষণ-কাল! কিছু কথা আছে।

মাংস তো কাটিবে, সর্ব খতে লেখা আছে।

রক্ত-বিন্দু পড়িবে—তা খতে লেখা নাই।

লেখা আছে, অর্কি সের বক্ষ-মাংস শুধু!

মিলায়ে খতের সর্ভে লহ মাংস তব

অর্কি-সের পরিমাণ! কিন্তু সাবধান,

এ মাংস কাটিতে যদি বিন্দু রক্ত পড়ে

ক্রীতদাসের অঙ্গ হতে, জেনো তার ফলে

বিভব-সম্পত্তি-ধন যা আছে তোমার—

ভেনিসের রাজকোষে বাজেয়াপ্ত হবে।

গ্রাসিয়ানো। আয়নিষ্ঠ বিচারক! তখ্ রে ইহুদী,  
কত জ্ঞান, কত বুদ্ধি!

শাইলক। এই কি আইন?

পোশিয়া। স্বচক্ষে পড়িয়া রাখো আইনের লেখা।

নিষ্ঠা-ভরে চাহো। তুমি শুধুই বিচার—

সে বিচার পাবে তুমি—চূড়ান্ত-রকম।

গ্রাসিয়ানো। বিচক্ষণ বিজ্ঞ জ্ঞানী পটু বিচারক!

তখ্ রে ইহুদী, তখ্ জ্ঞানের বহর!

শাইলক। পুরানো প্রস্তাব তবে করিহু গ্রহণ।

তিনশত টাকা পেলে ঋণ হবে শোধ—

এ-ক্রীতদাসে দিব মুক্তি।

## ভেনিসের বণিক

বাসানিয়ো ।

এই লহ মুদ্রা ।

পোশিয়া । চূপ !

ইহুদী বিচার চায় ; বিচার সে পাবে ।

স্বরা নয় ! ধীরে ! শোনো, বিচার ! বিচার !

আর কোনো-কিছুতেই নাহি ভব দাবী ।

খৎ-সর্ত্ত-মতে পাবে মাংস আধ সের ।

গ্রাসিয়ানো । ইহুদী, ইহুদী, ওরে বোঝ্ ভালো করে—

জ্বায়ের জাগ্রত মূর্ত্তি স্মৃতি বিচারক !

পোশিয়া । প্রস্তুত—প্রস্তুত হও মাংস নিতে কাটি—

রক্ত-পাত করিবে না ; কিম্বা কাটিবে না

কম-বেশী—অর্দ্ধ সের কাটা চাই ঠিক ।

অর্দ্ধ সের হতে যদি বেশী মাংস কাটা—

অতি-তুচ্ছ এক রতি যদি হেলে তৌল—

রতির বিংশতিতম মাত্রা বেশী হয়—

এক চুল ওজনেতে যদি বেশী হয়—

তোমার সম্পত্তি হবে রাজকোষ-জাত !

প্রাণ দিতে হবে, জেনো ।

গ্রাসিয়ানো । দানিয়েল ! দানিয়েল মূর্ত্তিমান, দেখি !

রে বিধর্ম্মী, ধন্বাদ—দেহিস শিখায়ে

খুব ভালো কথা ! দানিয়েল ! দানিয়েল !

শাইলক । যে অর্থ দিয়াছি, বেশ, দাও । যাই চলে ।

বাসানিয়ো । সে অর্থ মজুত—লও । এখন দিতেছি ।

পোশিয়া । বিচার-সভায় স্পষ্ট কহেছ তখন ।

অর্থ নয়—বিচার যে চাহ সর্ত্ত মত ।

গ্রাসিয়ানো । দানিয়েল—মূর্ত্তিমান দানিয়েল যেন !

রে ইহুদী, ধন্বাদ—শিখালি এ কথা !

শাইলক । যে অর্থ দিয়াছি ঋণ—তাও কি পাবো না ?

পোশিয়া । খৎ-সর্ত্ত বিনা আর কিছু নাহি পাবে ।

সে সর্ত্ত-পালনে সর্ব দায়িত্ব তোমার ।

শাইলক । বেশ ! তবে, যাক্ সব দানবের পেটে !

আমি হেথা এক পল রহিব না আর ।

পোশিয়া । থামো, থামো—বিচারের কিছু

বাকী আছে ।

আইনের পাকে বদ্ধ—কোথায় যাইবে ?

জানো ভেনিসের বিধি ? বিধর্ম্মী যে-কেহ

মিথ্যা অভিযোগ যদি করে দরবারে

খুষ্টধর্ম্মী নাগরিক জনের বিরুদ্ধে—

প্রাণ নিতে চায় যদি অভিযোগ-ফলে

প্রত্যক্ষে বা পরোক্ষতে ; সেই অভিযোগ

মিথ্যা প্রমাণিত হলে—জানো দণ্ড কি-বা ?

ভূমি, ধন—যাহা কিছু রহিবে তাহার—

অর্দ্ধ তার বাজেয়াপ্ত হবে রাজকোষে,—

বাকী অর্দ্ধ পাবে সেই—মিথ্যা অভিযোগে

কলঙ্কে লাক্ষিত যারে মারিবারে চায় ।

এমন যে অপরাধী—তাহারে মার্জনা

করিবার অধিকার ডিউকের শুধু ;

আর কারো শক্তি নাই করিতে মার্জনা ।

আজিকে বিচার-সভা করিল বিচার—

অপ্রত্যক্ষভাবে তুমি আস্তানিয়ো প্রাণ

লইতে আনিয়াছিলে মিথ্যা-অভিযোগ !

প্রতিপক্ষ প্রাণ নিতে এ তব প্রয়াস—

শাস্তি তার প্রাণ-দণ্ড—ভূমি-ধন-নাশ ।

বাঁচিবারে চাহো যদি—নতজন্ম হয়ে

ডিউকের পায়ে করো মার্জনা প্রার্থনা ।

গ্রাসিয়ানো । প্রার্থনা জানাও, যেন নিজ হস্তে তব

ফাঁশি-রজ্জু-গলে টানি পারো হে মরিতে ।

তবে মহাবিঘ্ন দেখি—ভূমি-ধন সব

রাজকোষে বাজেয়াপ্ত ! হেন কড়ি নাই,

কিনিবে গলার দড়ি !—ভাবনার কথা !

ভাবনা কি ? ফাঁশি-কাঠে হবে না কো ব্যয়—

রাজার খরচে দড়ি মিগে যাবে ঠিক ।

ডিউক । তোমাতে আমাতে ছাখো মনের প্রভেদ !

প্রাণ তুমি ভিক্ষা চাহিবার আগে আমি

মার্জনা করিহু—প্রাণদণ্ড হইবে না ।

ভূমি-ধন যাহা তব,—অর্দ্ধেক তাহার

সদাগর-আস্তানিয়ো পাবে খেশায়ৎ ;

বাজেয়াপ্ত বাকী-অর্দ্ধ—প্রার্থনায় তব

অর্থদণ্ডরূপে হবে রাজকোষে জমা ।

পোশিয়া । সেই অর্দ্ধ বাজেয়াপ্ত—তাহা অর্থদণ্ড ;

আস্তানিয়ো-অর্দ্ধে নয় জরিমানা, জেনো ।

শাইলক । ওরে বাবা ! তাই না কি !

নাও নাও, তবে

আমার এ প্রাণখানা—চাহি নেকো মাপ !

স্বর নেবে, বাড়ী নেবে, জমি-জোং সব—

যা আছে যেখানে—মানে,

যাহা কিছু আছে—

কড়ি-কাঠ বরগাটা ! প্রাণ রেখে লাভ ?

প্রাণ যেথা রক্ষা পাবে—সেই অর্থে পাবে—

সে সব কাড়িলে যদি—প্রাণ রাখো কেন ?

পোশিয়া । করুণার কতটুকু, তুমি আস্তানিয়ো,

পারো করিবারে দান এই ইহুদীরে ?

গ্রাসিয়ানো । গল-রজ্জু দান—তার মূল্য

চাহি না কো ।

তাছাড়া কিছুই নয় । দোহাই ধর্ম্মের !

আস্তানিয়ো । ডিউক ও তাঁর সাথে বিচার-সভার

রূপা-বলে অর্থদণ্ড যদি রোধ হয়,

## সেক্সপীয়র-গ্রন্থাবলী

অপরাক্ত তৃপ্তি-ভরে আমি দিতে পারি,  
শাইলকের মৃত্যু হলে সে ভদ্র স্বজনে  
হরণ করিয়া যে-বা কত্যা জেশিকায়  
গৌরবে বরণ করে পত্নীত্বে আপন।  
আরো দুটি সন্ত আছে—বলি স্পষ্টভাবে—  
এই যে মার্জানা—এই মার্জনীর তরে  
এ ইহুদী খৃষ্টধর্ম করিবে গ্রহণ;  
দানপত্র লিখে দেবে বিচার-সভায়—  
মৃত্যু-অন্তে তার যত বিষয়-বিভব—  
অধিকারী হবে কত্যা-জামাতা সে-সবে।

ডিউক। নিশ্চয় করিবে তাহা; নহে প্রত্যাহার  
আমার মার্জানা আমি করিব এখন।  
পোশিয়া। খুশী হলে শাইলক? কি বলিতে চাও?  
শাইলক। খুশী, খুশী, খুব খুশী।  
পোশিয়া। লেখো দানপত্র।  
শাইলক। দোহাই! দোহাই! চলে যাই।  
শরীর অস্থস্থ বড়। দানপত্র লিখে  
পাঠাইয়া দিয়ো; আমি করিব স্বাক্ষর।  
ডিউক। যাও চলে—কিন্তু সহি করা চাই ঠিক।  
গ্রাসিয়ানো। খৃষ্টান হইলে পাণি ছুটো ধর্ম-বাপ!  
আমি যদি বিচারের দণ্ড ধরিতাম—  
বিচারে দিতাম তোরে আরো দশ বাপ  
নিয়ে যেতে কাঁশি-কাঠে; মন্দিরেতে নয়।

[ শাইলকের প্রস্থান ]

ডিউক। মহাশয়, রূপা করি আমার কুটীরে  
আসি যদি করো ভোজ...  
পোশিয়া। ক্ষমা মাগি, আজি  
রাত্রি মোরে পাছায় হইবে পঁহুঁহিতে।  
এখন উচিত যাত্রা।

ডিউক। ব্যথা পাই মনে—  
তিল-অবসর নাহি আসিতে তোমার।  
আন্তনিয়ো—পরিভ্রষ্ট করো এই ভদ্রে—  
জানি আমি, এঁর কাছে মহা খণী তুমি।  
[ অল্পচরণগণসহ ডিউকের প্রস্থান ]

বাসানিয়ো। ধন্য তব জ্ঞান-বুদ্ধি, যুক্তির কোশল!  
মরণের গ্রাস হতে করেছ উদ্ধার।  
যে-শ্রম করেছ তুমি,—সম্মান-স্বরূপ  
ইহুদীর প্রাপ্য তিন হাজার ড্যাকাট—  
তুমি লহ। তৃপ্ত হবো সবাক্ষে আমি।  
আন্তনিয়ো। সখ্য-প্রীতিপাশে বদ্ধ রবো আজীবন।  
পোশিয়া। সফল হইলে ব্রত—যেই তৃপ্তি মেলে,  
সে তৃপ্তির বহু মূল্য—নাহিক তুলনা।

তোমারে যে পারিয়াছি মুক্ত করিবারে—  
তাহাতেই তৃপ্ত আমি! মূল্য মিলিয়াছে।  
অর্থের পিপাসা মোর কোনো কালে নাই।  
পরে দেখা হলে পাবে আরো পরিচয়।  
সবার কুশল মাগি। আসি এবিবে আমি।  
বাসানিয়ো। কিন্তু গুনিব না ভদ্র,—লইতেই হবে,  
পারিশ্রমিক নয়—কিছু উপহার—  
এ দিনের স্মৃতি-চিহ্ন—এই রূপা করো।  
দুটি কথা শোনো শুধু—ক্ষুদ্র নিবেদন—  
প্রত্যাখ্যান করিয়ো না; করো হে করুণা।  
পোশিয়া। এতেক মিনতি-অনুন্নয়! বেশ, রাজী।  
( আন্তনিয়োর প্রতি )  
তোমার দস্তানা দাও—স্মৃতি রবে হাতে;  
( বাসানিয়োর প্রতি )  
তোমার প্রীতির স্মৃতি—এই অঙ্গুরীয়  
লই এ অঙ্গুলি হতে; সরায়ো না হাত।  
আর কিছু চাহিব না, লইব না, জেনো।  
এত প্রীতি—এই দানে আছে তো স্বীকার?  
বাসানিয়ো। এই অঙ্গুরীয়! কিন্তু...এ যে তুচ্ছ অতি!  
দিতে বড় লজ্জা পাই।

পোশিয়া। কোনো লজ্জা নাই!  
এটি ছাড়া আর কিছু লইব না—পণ!  
তুচ্ছ বলো! পণ তায় আরো দৃঢ় হলো।  
বাসানিয়ো। দাম কিছু নয়—তবে অল্প হেতু আছে;  
সে কারণে এ অঙ্গুরীয় দিতে আছে বাধা!  
বিজ্ঞাপনে বাছি লয়ে শ্রেষ্ঠ অঙ্গুরীয়—  
ভেনিসে যেথায় আছে—দিব উপহার।  
মিনতি,—মার্জানা করো, এটি দিতে নারি।  
পোশিয়া। বচনে উদার দেখি দানের ব্যাপারে!  
তুমিই শিখালে মোরে ভিক্ষা মাগিবারে—  
এখন শিখাও ভালো, ভিখারীর কভু  
সাজে না নিজের রুচি! পেয়েছি উত্তর।  
বাসানিয়ো। শোনো ভদ্র,—এ অঙ্গুরীয় দেখেন

আমায়  
প্রিয়া মোর; পণে বদ্ধ করায়ছে মোরে,  
বেচিব না, হারাবো না, দিব না কাহারে।  
পোশিয়া। জানি, বহু লোকে করে এমনি ওজর  
দানে কিছু দিতে হলে। এ দান লইতে  
যোগ্য আমি কতখানি, জানিতেন যদি  
পত্নী তব—জ্ঞানহীন, উন্মাদিনী নন!  
এ দানে তিলেক তাঁর হতো না বিরাগ!  
থাক! ভয় ঘুচিয়াছে! তৃপ্ত! আসি আমি।  
[ পোশিয়া ও নেরিয়ার প্রস্থান ]

আন্তনিয়ো। বাসানিয়ো, দাও বন্ধ, অঙ্গুরীট এঁরে।  
জ্ঞানি, প্রেমসীর তব দিতে মানা আছে ;  
তবু এঁর উপকার—মোরে প্রেম স্মরি—  
সে নিষেধ না মানিলে ক্ষতি হইবে না।  
বাসানিয়ো। গ্রাসিয়ানো, যাও দ্বারা—আখো, কোথা গেল  
কত দূরে ! যাও, ছুটে—লয়ে এ-অঙ্গুরী  
দিয়ো তাঁরে—পারো যদি ধরে নিয়ে এসো  
আন্তনিয়ো-গৃহে। যাও, দ্বারা পিছে যাও।  
[ গ্রাসিয়ানোর প্রস্থান

এসো দৌড়ে এক সাথে তব গৃহে চলি।  
কালিকে প্রত্যুষে পরে হুজনেই যাবো  
বেলমন্টে নব গৃহে। এসো আন্তনিয়ো।

[ উভয়ের প্রস্থান

পোর্শিয়া। পারিবে—তা মনে হয়। ঘটাবো প্রমাদ  
হুজনে কহিবে সত্য—মামুলি প্রথায়  
করিবে শপথ কত—দেছে পুরুষেরে।  
তর্কে মোরা দিব ধাঁধা ; কহিব,—দিয়াছ  
যুবতী নারীরে ঠিক—নাহি তায় ভুল।  
কিন্তু আর দেবী নয়। দ্বারা কাজ সারু।  
জানিস তো—রবো কোথা তোর পথ চেয়ে ?  
নেরিসা। আন্তন মশায়, মোরে দেখান আগনি  
বুদ্ধ ইছদীর বাস কোথা কোন্ গৃহে।

[ সকলের প্রস্থান

## পঞ্চম অঙ্ক

### দ্বিতীয় দৃশ্য

ভেনিস—পথ

পোর্শিয়া ও নেরিসার প্রবেশ

পোর্শিয়া। তব লও কোথা সেই ইছদীর গৃহ।  
দিবে তারে দানপত্র—লইবে স্বাক্ষর।  
আজ রাত্রে যেতে হবে।—স্বামী পছন্দ হবে,  
তার একদিন পূর্বে গৃহে ফেরা চাই।  
দানপত্র দেখে খুসী হইবে লরেঞ্জো।

গ্রাসিয়ানোর প্রবেশ

গ্রাসিয়ানো। মশায়, মশায়—আঃ ! খুব ধরিয়ছি।  
বাসানিয়ো বন্ধ মোর—ভালো বুঝে শেষে  
পাঠায়েছে অঙ্গুরীয় স্মৃতি-উপহার।  
অহুনয় জানায়েছে, একান্ত মিনতি—  
রাজিভোজ তাঁর সাথে—রাখো নিমন্ত্রণ।

পোর্শিয়া। সম্ভব তা নয়। বলা বন্ধুরে তোমার—  
বহু-মানে উপহারে লই হাত পাতি।  
ধন্যবাদ তাঁরে। হাঁ, হাঁ, ভালো কথা, যদি  
মোর এই অল্পচরে দেখাইয়া দেন  
শাইলকের গৃহ কোথা !

গ্রাসিয়ানো। এখন দেখাবো।

নেরিসা। দ্বারায় কহিব কথা।  
(পোর্শিয়ার প্রতি) দেখা যাক, আমি  
ফদীতে কেমনে পাই স্বামীর হাতের  
অঙ্গুরীট—দিছি যাহা। দিবার সময়  
শপথ করেছ, তারে করিবে না ত্যাগ,  
জাঙুলে রাখিবে ধরি যাবৎ জীবন।

### প্রথম দৃশ্য

বেলমন্ট—পোর্শিয়ার গৃহ-সম্মুখস্থ কানন-পথ

লরেঞ্জো ও জেশিকার প্রবেশ

লরেঞ্জো। জ্যোৎস্নাময়ী নিশীথিনী ! এমনি নিশীথে  
মৃদু-মন্দ সমীরণ পল্লবে-লভায়  
চুমিয়া বহে সে যবে নিঃশব্দ-সঞ্চারে—  
মনে হয়, সেই দিন এমনি নিশীথে  
ট্রয়লাশ লজ্জিয়া সে দ্রোজান-প্রাকার  
শ্বাস ফেলে চাহি সেই গ্রীসের শিবিরে—  
রাত্রে যথা ঘুম যায় ক্রেসিডা স্তম্ভরী !  
জেশিকা। এমনি নিশীথে আসি হিম-সিক্ত তুণে  
মিশরী লভয়ে দেখে সিংহ-পদ-ছায়া—  
কোথায় পীতম তার ? ক্ষোভে যায় সরে।

লরেঞ্জো। এমনি নিশীথে কবে প্রেমাকুলা দিদো  
উইলো-পল্লব হাতে দাঁড়ায় আসিয়া  
মত্ত সাগরের কূলে,—তরঙ্গে চাহিয়া  
পল্লব ছলায়ে ডাকে তার প্রিয়তমে—  
এসো এসো কারখেজে,—এসো, ফিরে এসো !  
জেশিকা। মিদিয়া সংগ্রহ করে এমনি নিশীথে  
লতা-পাতা, শিকড় সে কত মজ-পুত—  
যার গুণে স্থবির ঈশন পুনঃ তার  
ফিরে পেলো নবীন যৌবনে।

লরেঞ্জো। বলি তবে,

এমনি নিশীথে ধনী পিতৃ-গৃহ ছাড়ি  
ভেনিস হইতে আসে জেশিকা হেথায়  
বেলমন্টে—দীন প্রেমী পরে নির্ভরিয়া।

জেশিকা। এমন নিশীথে তার সে-প্রেমী লরেঞ্জো

কত না শপথ করে, ভালোবাসি বলে—

সোহাগের শত ভাষে চিত্ত করে চুরি—

সে ভাষার একটিও হয়, সত্য নয়!

লরেঞ্জো। এমন নিশীথে সেই রূপসী জেশিকা

প্রেমে ধরে শত ছল; কঠিন ভাষায়

প্রেমে অপমান করে! তবু সে লরেঞ্জো

ক্ষমা করে রূপসীরে—নাহি করে মান।

জেশিকা। যদি কেহ না আসিত—নিশীথের কথা

তুলে তর্কে হারাতাম—কোনো ভুল নাই।

কিন্তু কে আসিছে বুঝি, শুনি পদধ্বনি।

ষ্টীফানোর প্রবেশ

লরেঞ্জো। স্তব্ধ রাতে কে এমন আসে দ্রুত পায়ে?

ষ্টীফানো। বন্ধু-জন।

লরেঞ্জো। বন্ধু-জন! কেমন সে বন্ধু?

কি-বা নাম? তোমার কি নাম, কহ।

ষ্টীফানো। নাম

মোর ষ্টীফানো। শুভ সমাচার আনি।

উষার উদয়-পূর্বে আসিবেন ফিরি

কর্ত্তী মোর বেলমন্টে! মন্দিরে মন্দিরে

পুণ্য ক্রমশে নতজান্ন জানায় প্রণতি,

পূজা দেয় তীর্থে তীর্থে, বহু শ্রম গণি—

বিবাহ-বাসর হবে কল্যাণের লাগি।

লরেঞ্জো। সঙ্গে তাঁর আসে কে-বা?

ষ্টীফানো। শুনি, এক সাধু—

আর তাঁর সঙ্গিনী বেরিসা। ভালো কথা,

প্রভু মোর এসেছেন ফিরে?

লরেঞ্জো। ফিরে? তাঁর পাই নাই কোনো সমাচার।

এসো গৃহ-মধ্যে যাই, জেশিকা, আমরা

গৃহের কর্ত্তীয়ে যোগ্য সমাদরে লবো

বরণ করিয়া গৃহে পূর্ণ-আয়োজনে।

ল্যানসিলটের প্রবেশ

ল্যানসিলট। কে গো—কে হেথায়? বলি ওগো—

কে আছ এখানে?

লরেঞ্জো। কি চাই?

ল্যানসিলট। ওগো—বলি, দেখেচো তুমি হজুর

লরেঞ্জো সাহেবকে আর তাঁর হজুরাইন

ঠাকরুণকে? বলি, শুনচো গা?

লরেঞ্জো। তোমার গো-গো-গা-গা ব্যাঙানি ছাড়া,

ল্যানসিলট! আছি, আমরা এইখানে আছি।

ল্যানসিলট। আছ এখানে! কোথায় গো? কোথায়?

লরেঞ্জো। এইখানে—তোমার সামনে।

ল্যানসিলট। তাহলে তাঁকে বলো, আমার মনিবে:

কাছ থেকে চিঠি এসেছে—সে তো চিঠি নয়—

ভালো খপরের একটি বস্তা বললে চলে। খপরের

গাঁটে ঠাশ। আমার হজুর ভোরের আগেই

এসে পৌঁছুবেন। [প্রস্থান

লরেঞ্জো। এসো প্রিয়ে গৃহে ফিরি। রহিব সেথায়

সাদর-সম্ভাষে দিব মিষ্ট অভ্যর্থনা।

কিন্তু কেন ফিরি গৃহে? কি-বা এসে যাবে?

ষ্টীফানো, এ বার্তা তুমি গৃহমধ্যে দাও—

কর্ত্তী তব ফিরে আসে। ডেকে আনো হেথা

যত্নীদের—তালে গানে ভরুক বাতাস!

[ষ্টীফানোর প্রস্থান

আবেশে ঘুমায় যেন চাঁদিমা-কিরণ

এ কানন-তীরে মায়া-স্বপনে বিবশ!

হেথা মোর রবো বসি—সঙ্গীতের সুর

তুঘিবে শ্রবণ-মন; নাহি কলরব,

স্তব্ধ এ নিশীথ রাত্রি—সুরে সাজে ভালো,

দিকে দিকে চারুতার নব-ছন্দ গাঁথা!

বসো প্রিয়ে—চেয়ে ঝাখো, গগন-ললাট

উজল-কনক-চাঁপে সেজেছে কেমন!

লক্ষ লক্ষ স্বর্ণবিন্দু—তার মাঝে যেন

এক-একটি পরী বসি গাহিতেছে গান!

ধরণী-আকাশে গেছে ঘুচে ব্যবধান—

এক-ছন্দে এক সুরে স্বর্ণ-মর্ত্তা বাঁধা!

অমর যে আত্মা আছে-হৃদয়ের মাঝে,

ঐ সুর সে-আত্মায় বাজে চিরদিন;

ধরণীর ধলা-মাটি, শত পাপ-তাণ্ডে

আচ্ছন্ন থাকে এ মন—শুনিতে না পাই

অমর সঙ্গীত তাই শ্রবণে বা মনে!

(গীত-বাণ-কারগণের প্রবেশ)

এসো, এসো, তোলা কণ্ঠে স্রমধুর তান—

স্তব্ধ রজনীর নিদ্রা দাও ভেঙ্গে দাও!

এ মধুর সুর যেন বাতাসে উজ্জ্বলি

কর্ত্তীয়ে শুনায় গৃহ-আগমনী-গান,—

পথ হবে মধুময়—পুলক-ঝঙ্কারে।

(গীত-বাণরব)

জেশিকা। কি পুলকে মুগ্ধ প্রাণ এ সঙ্গীত-সুরে!

লরেঞ্জো। চিত্ত তব অন্তর্মুখী—তাই মুগ্ধ এত!

ঝাখো না—দ্রুত পশু—সংযম না জানে,

চপল চঞ্চল-মতি লক্ষ্মে-রাম্পে ফেরে,

প্রমত্ত হবার গতি, অশান্ত-প্রকৃতি—

তোলে উচ্চ রব—ঘেব, হিংসা, দুর্বলতা—  
তত্ত্ব শোণিতের ধারা পিয়াসে অধীর—  
কভু যদি বংশীধ্বনি স্পর্শে ঐতিমূল  
চকিতে চাপল্য ঘোচে—বিভল নয়ন !  
শোনে মধু বংশী-রব—গমকি দাঁড়ায়  
তখনি ভুলিয়া তার বজ্র বর্ধরতা !  
সঙ্গীতে কি গুণ আছে—আবেশ মধুর !  
বনের দুর্দাস্ত পশু গানে বশ মানে !  
কবি তাই বলেছেন—অরফিয়াস্ যবে  
গেয়েছিল—গানে তার বিবশ-বিভল  
ভরু-নদী, গিরি-শিলা মুগ্ধ মোহে ভরি  
রোষ-ঘেব উগ্র বেশ সকল ভুলিয়া  
পাশে তার এসে থামে নিষ্পন্দ নিখর !  
সুরে মুগ্ধ যে-মানব হতে নাহি জানে,  
সুরে যদি চিত্তে কারো না জাগে বিভ্রম,  
জেনো সে রাক্ষস, ক্রুর, ফলীবাজ, শঠ—  
পারে সে করিতে হত্যা, সর্ববিধ পাপ—  
প্রাণে তার নরকের জ্বলন্ত অনল,  
মনে ঘোর অমানিশা—কালো কালিমায় !  
স্নেহ-মায়ী প্রাণে নাই—এরিফাস সম  
হেন জনে করো নাকো বিশ্বাস কখনো ।  
কিন্তু এই কথা যাক্ । এসো গান শুনি ।

• (দূরে পোর্শিয়া ও নেরিসার প্রবেশ)

পোর্শিয়া । আলো-শিখা দেখা যায় । ও আলো জ্বলিছে

আমারি সে গৃহ-কক্ষে ! অতি ক্ষুদ্র দীপ—

• ক্ষুদ্র শিখা—তবু তায় কতখানি আলো !

• দৃষ্ট নষ্ট ধরণীতে মহত্ত্ব এমনি

ধরণীর দশদিক করে সমুজ্জল !

নেরিসা । যতক্ষণ ছিল চাঁদ আকাশ উজ্জলি

ক্ষুদ্র দীপ-শিখাটুকু পড়েনি নয়নে ।

পোর্শিয়া । বড় যে-গৌরব—রাখে ছোট সে-গৌরবে

এমনি ঢাকিয়া চিরদিন । শোভা পায়

সমুজ্জল রাজ্যসনে রাজ-প্রতিনিধি

তত দিন, যতদিন রাজ্য রহে দূরে ;

রাজ্য এলে প্রতিনিধি মিলায় কোথায়—

ক্ষুদ্র নদী লয় যথা পায় জলধিতে !

কিন্তু গান শোনা যাক্ ।

নেরিসা । গৃহে গান গায় ।

পোর্শিয়া । ভালো লাগে সব শুধু সময়ের গুণে ।

দিনের সে-গান হতে নিশীথে এ-গান

চের ভালো লাগে কানে ।

নেরিসা ।

নীরব নিশীথ—

তুচ্ছতায় এত বেশী মোহ এই গানে !

পোর্শিয়া । পাপিয়ার মত মিষ্ট বায়সেও গায়—

সে গান যখন কেহ কাণে নাহি শোনে ।

দিনে যবে ডাকে হাঁস কর্কশ গলায়,

সে সময় গাহে যদি দোয়েল-পাপিয়া—

সে-গান শুনায় যেন সারস-হুকার !

স্থান ও কালের ফলে ধরণীতে শুধু

খ্যাতিযোগ্য খ্যাতি পায়—সফল গৌরবে ।

কিন্তু কথা রাখ্—গাথ্ আকাশের চাঁদ

ঐতিমান সাথে হোথা স্নেহে নিজা যায়—

এ-ধুম না ভাঙ্গে তার মুখের ভাষায় !

লরেঞ্জো । কার কণ্ঠস্বর শুনি ?

কোনো ভুল নাই ।

পোর্শিয়ার স্বর, ঠিক !

পোর্শিয়া । জানে মোর স্বর—

অঙ্ক যথা বায়সের কণ্ঠ হেথা জানে

কর্কশ আরাবে তার ।

লরেঞ্জো ।

স্বাগত এ গৃহে !

পোর্শিয়া । স্বামীর কুশল মাগি

ফিরি তীর্থে তীর্থে—

মন্দিরে মন্দিরে । শুভ হোক দুজনার !

গৃহে তাঁরা ফিরেচেন ?

লরেঞ্জো ।

আসেনি ফিরিয়া ।

কিন্তু পত্র-বাহী আনে শুভ সমাচার—

অচিরে আসিয়া তারা পৌঁছাবে গৃহে ।

পোর্শিয়া । যা তবে নেরিসা,

বলে রাখ্ ভৃত্যজনে—

বাহিরে ছিলাম মোরা—এ সংবাদ যেন

প্রকাশ না হয় বুণাক্ষরে ! লরেঞ্জো দেখো,

জেশিকা, তুমিও দেখো, না হয় প্রকাশ

আমাদের যাত্রা-কথা ।

(নেপথ্যে তূর্য্যধ্বনি)

লরেঞ্জো ।

স্বামী তব দ্বারে ।

গুই তার তূর্য্য শুনি ! ভয় নাই, ভদ্রে,

বাচাল আমরা নহি । এ কথা প্রকাশ

হবে নাকো কণ্ঠ-ভাষে ।

পোর্শিয়া ।

মনে হয় যেন,

রাত্রি নয়,—এ আলোকে দিবার বিকাশ !

আলো যেন ছায়-ঢাকা বিমলিন-প্রায় ।

যবে ঢাক পড়ে সূর্য্য মেঘের আড়ালে,

এমনি দিবস যেন—করি অসুভব ।

( বাসানিয়ো, আন্তনিয়ো, গ্রাশিয়ানো  
ও অমুচরগণের প্রবেশ )

বাসানিয়ো। পাতালে কাটাবো দিন,  
নীরজ্ঞানধারে—  
রবির বিহনে যদি তুমি ধরো আলো !  
পোশিয়া। আলো দিই—তার মত লবু আমি নই ;  
লবু পত্নী হলে স্বামী হয়, ভারী বোঝা—  
মোর বাসানিয়ো কভু হবে নাকো তাহা—  
বিধির বিধানে যোগ্যে মিলে যোগ্যজন !  
এসো স্বামী তব গৃহে—অটল আসনে ।  
বাসানিয়ো। কৃতার্থ হলাম, প্রিয়ে । হেথা  
বন্ধু মোর—

এ'রি নাম আন্তনিয়ো—খার স্নেহে বন্দী  
আজীবন আছি আমি অমোঘ বন্ধনে ।  
পোশিয়া। অমোঘ বন্ধনে বন্দী—  
উচিত তোমার ।

শুনেছি, তোমার লাগি যে গুরু বন্ধনে  
নিজেরে আবদ্ধ ইনি রাখেন কঠিন !  
আন্তনিয়ো। সে বন্ধন হতে মুক্তি মিলেছে আমার ।  
পোশিয়া। এ-কুটার ধত্ত, তব পদরেণু পেয়ে ।  
স্বাগত এ গৃহে, ভদ্র । বচন-বিজ্ঞাসে  
পারিব না প্রকাশিতে কি আনন্দ মনে—  
তব আগমনে আজি ! ভাষা তুচ্ছ অতি !  
গ্রাশিয়ানো। ( নেরিসার প্রতি )  
চাঁদের শপথ—তুমি মিছা দোষ দাও !  
কৌণ্ডলী অবর খুব—তঁার মুহুরিকে  
দিছি সেটি ! প্রাণে তব হেন শেল বাজে !  
নিপাতে সে যাক ! নয় সে বস্ত হারাক !  
পোশিয়া। এরি মধ্যে বেধে গেছে ঝামারম্—এ কি !  
হয়েছে কি ?

গ্রাশিয়ানো। এতটুকু সোনা—তার কিবা দাম ?  
তুচ্ছ সেই আংটিটা দিয়েছিল মোরে,  
তাতে লেখা ছিল পদ্মে একটি ছত্তর—  
ছুরির ফলায় যথা ফোঁদা থাকে, ঝাঞ্ঝা—  
“ভালোবাসো মোরে—কভু করো না কো ত্যাগ !”  
নেরি। সোনার বা লেখার সে-দাম কেন তোলো ?  
শপথ করিয়াছিলে—যবে সেটি দিই,—  
যাবৎ জীবন রবে, আঙুলে রাখিবে,—  
মৃত্যুকালে দেহসাথে যাবে কবরেতে ;  
মোর তরে নাহি হোক—সে শপথ লাগি  
সমুচিত ছিল সেই আংটিটা রাখা ।  
দিছি সেই মুহুরিকে ! ভারী বাহাজরি !

আমি জানি, কারে দেহ ! সেটি দেহ যারে,  
মুখে তার দাড়ি নাই—গোঁক নাই কণা !  
গ্রাশিয়ানো। না থাক, বয়স হলে গজাইবে দাড়ি !  
নেরি। গজাইবে দাড়ি-গোঁক মেয়ে-মাছের ?  
গ্রাশিয়ানো। আরে, আমি নিজ-হাতে দিছি মুহুরিবে  
বয়সে বালক—বৈটে-খাটো ছোকরাটি—  
মাথায় তোমার মত—জজের কেরানী,  
যে-জজের বুদ্ধি-বলে মামলায় জিত !  
বাচাল বালক কিছু দক্ষিণা চাহিল—  
ফী...ফী...কথা বোঝো ? চাহিল সেই আংটি-  
এতটুকু আংটিটা—“না” বলি কেমনে ?  
ফিরাতে নারিহু—তাই দিয়ে দিহু সেটি ।  
পোশিয়া। তোমারি এ দোষ—

আমি বলি স্পষ্ট কথা !  
পত্নীর প্রথম-দেওয়া প্রীতি-উপহার—  
তুচ্ছ ভাবি বিলায়ে তা দেওয়া অশ্রু জনে !  
পণে ও শপথে ধরা অঙ্গুলির পণে  
সরল বিশ্বাসে গাঁথা রক্ত-মাংস-সহ !  
আমার স্বামীরে আমি এমনি অঙ্গুরী  
দিয়াছি প্রীতির ভরে ! করেন শপথ—  
কভু সে অঙ্গুরী নাহি করিবেন ত্যাগ !  
ঐ তো দাঁড়িয়ে স্বামী—জানি আমি জব,  
সে-অঙ্গুরী জীবনে না হবে কর-চ্যুত !  
ধরণীর সর্বধন বিনিময়ে তিনি  
তারে ত্যাগ কখনো না করিবেন, জানি ।  
সত্যে বদ্ধ গ্রাশিয়ানো, পত্নীরে তোমার  
অকারণ নিষ্ঠুর এ আচরণে তব  
বড় ব্যথা দিলে আজি ! হেন দক্ষা মোর  
হতো যদি—বেদনায় হতাম উন্মাদ !  
বাসানিয়ো। ( স্বগত ) মনে হয়, আঙুলটা

যদি কাটিত  
এ মুখ রহিত ; তবে কহিতাম ডাকি,  
চোরে লুঠে নেছে,—রক্ষা করিতে অঙ্গুরী  
আঙুল কাটিয়া দিছি—পারিনি রাখিতে !  
গ্রাশিয়ানো। বন্ধু বাসানিয়ো আগে তাঁর অঙ্গুরী  
দেছেন সে কৌণ্ডলীকে—চেয়ে নিল সেটি ।  
অঙ্গুরী চাহিতে তাঁর ছিল অধিকার ।  
তা দেখে মুহুরি তাঁর—এক কৌটা হলে—  
লিখেছে দলিলপত্র—করে যেহনৎ—  
সে নিল বায়না, বলে, তুমি দাও ওগো,  
তোমার ও-আংটি মোরে । দিতে হলো তাই ।  
যেমন মনিব, তার তেমনি বাহন,—  
আর কিছু নেবে না কো আংটিতে ছাড়া ।

পোর্শিয়া। কোন্ অঙ্গুরীয় তাঁরে দেহ, প্রিয়তম ?  
আমি যেটি দিছি—সেটি ? নিশ্চয় তা নয় !  
বাসানিয়ো। অপরাধ করিয়াছি। সেই অপরাধ  
আরো গুরু করিতে না চাহি মিথ্যা-ভাবে।  
দেখিছ অঙ্গুলি মম—নাহি সে অঙ্গুরী ;  
দিছি তাঁরে।

পোর্শিয়া। অঙ্গুলি অঙ্গুরী-হীন তব,  
কপট আদর তব যথা সার-হীন !  
যে-অবধি অঙ্গুরী না দেখি অঙ্গুলিতে,  
তব শয্যা-ভাগ নাহি করিব গ্রহণ।

নেরিসা। আমিও হবো না তব শয়ন-সঙ্গিনী,  
যে-অবধি সে অঙ্গুরী না দেখি আমার।

বাসানিয়ো। প্রেয়সি পোর্শিয়া,—যদি বুঝিতে পারিতে  
যাঁরে সে-অঙ্গুরী দিছি—যদি বা বুঝিতে,  
কার লাগি দিছি সেটি,—কিসের লাগিয়া—  
কত যে অসাধ ছিল সে অঙ্গুরী দিতে—  
কিছু আর লবে না সে ও অঙ্গুরী-বিনা—  
তাহলে অপ্রীতি হেন হইত না তব।

পোর্শিয়া। তুমি যদি বুঝিতে সে অঙ্গুরীর গুণ—  
কিন্দা দাম তার, যেবা দিল সে অঙ্গুরী—  
দেয়ার সে দামটুকু,—বুঝিতে বা যদি  
অঙ্গুরী-রক্ষায় তব কথার কি দাম,—  
তাহলে অঙ্গুরী তুমি কখনো দিতে না !  
সে অঙ্গুরী না দিবার গূঢ় হেতু যাহা—  
সে কথা বুঝায়ে যদি বলিতে কখনো,  
এমন অবুঝ জন পৃথিবীতে নাই,  
বুঝিত না সেই হেতু ! মনে যার দাম,  
হেন উপহার কাড়ি লইতে লোলুপ  
হতে কেহ নাহি পারে ! নেরিসা বা বলে,  
প্রত্যয় তা হয় মোর। প্রাণ করি পণ,  
নিশ্চয় অঙ্গুরী সেই নেছে কোনো নারী !

বাসানিয়ো। সত্য কহি—মনে-জ্ঞানে,  
তোমার শপথ,—

কোনো নারী লয় নাই ! আইনে কুশল  
বিচার-নিপুণ যুবা—দিয়াছি তাহারে।  
তিন হাজার ড্যাকটু দিতে গেছ তাকে—  
স্পর্শ করিল না তাহা ; চাহিল অঙ্গুরী।  
দিব না, বলিছ স্পষ্ট—ক্ষুণ্ণ মনে যায়।  
ব্যথা লাগে ! বাঁচালো যে প্রাণের স্বজনে,  
প্রিয়তম বান্ধবে—তারে তুচ্ছ করি !  
কি আর বলিব প্রিয়ে ! দায়ে পড়ি শেষে  
পাঠাইতে হলো সেটি। লজ্জায় যুগায়  
আচ্ছন্ন রহিছ ! হেন অকৃতজ্ঞ আমি—

যে এত করিল, তারে ক্ষুদ্র দানে হেলা !  
অপরাধ ক্ষমা করো—মজল-প্রদীপ  
জ্বলে দেখি, অই পুণ্য-লীপ পানে চাহি  
এ কথা বলিতে পারি, থাকিলে সেথায়,  
নিজে তুমি মোর পাশে ভিক্ষা চাহি নিতে  
সেই অঙ্গুরীয়—তাঁর উপহার লাগি !

পোর্শিয়া। সে-জন কখনো যেন এ গৃহে না আসে !  
আমার প্রাণের প্রীতি—প্রেম দিয়া রচা  
মণিময় অঙ্গুরীয়—রাখে নিজ পাশে !  
এত বড় যেই জন—যার তৃপ্তি হেতু  
যে-দ্রব্য রাখিতে তব কত-না শপথ,  
সেই দ্রব্য-দানে তুমি এমন উদার—  
না, না, হেন মহাজন আসিলে হেথায়  
আমি হবো অভ্যাদার—মহা-দান লাগি !  
তাহারে অদেয় মোর কিছু রহিবে না !  
দেহ, মন, স্বামি-শয্যা—সব দিয়ে দেবো !  
তবু তার পরিচয় লবো—জেনো স্থির।  
দিবানিশি থেকো পাশে কাছ-ছাড়া নয়—  
অর্গাসের সম মোর প্রহরায় রহ ;  
তা যদি না করো—যদি কভু একা রহি,  
আমার ইজ্জৎ-মান, নারীত্ব, সন্ত্রম,—  
যে-সন্ত্রম, যে-নারীত্ব—আছে অনাদ্রাত—  
সম্পূর্ণ নিজস্ব মোর—সব দিব তারে—  
তার সাথে এক শয্যা করিব গ্রহণ !

নেরিসা। মুহুরিটি আমি লবো। কথা শুনে রাখো।  
একা যদি রাখো—তার ফল কি সে হবে।

গ্রাশিয়ানো। তাই করো। কিন্তু তারে রেখো ছ'শিয়ার  
ধরা যেন নাহি পড়ে ! যদি ধরা পড়ে,  
মুচ্ করে ভেঙ্গে দেবো লেখার কলম।

আন্তনিয়ে। দাম্পত্য-কলহ এই—আমি এর মূল।

পোর্শিয়া। ক্ষোভ করো না কো ভদ্র ! স্বাগত হেথায়  
তুমি, জেনো। এ কলহ যতই বাধুক !

বাসানিয়ো। অপরাধ ক্ষমা করো, প্রেয়সী পোর্শিয়া।  
দায়ে পড়ে অপরাধ—ইচ্ছাকৃত নয়।

এখন আসীন এই বান্ধব-সভায়  
সত্য করি, শপথিয়া কহি—গুন সব—  
তোমার নয়নে এবে আমার নয়ন—  
ও নয়নে চেয়ে ছাখো অন্তরে আমার...

পোর্শিয়া। ছাখো, সব চেয়ে ছাখো—আমার এ চোখে  
নিজেরে দ্বিগুণ দেখে—প্রতি চোখে এক ;  
হুঁচোখে, হুঁমনে, শোনো, হুঁভাষায় কহে  
আবার শপথ-বাণী—মাগিয়া বিশ্বাস।  
বাসানিয়ো। কথা শোনো—বাহা বলি। ক্ষম অপরাধ।



অন্তর ভরিয়া কহি, অন্তরে শপথি—  
কভু ভাঙ্গিব না পত্র—বাক্য ভাঙ্গিব না।  
আন্তনিয়ো। অর্থ লাগি দেহ আমি পণে বদ্ধ করি  
এক দিন বন্ধু-তরে,—সে দেহ বাঁচিল  
যার গুণে,—তঁার হাতে প্রদানি অঙ্গুরী  
বাক্যের করিল অমর্যাদা। পুনরায়  
বন্ধু বাসানিয়ো হেথা বাক্যদান করে—  
সত্য বাক্য—সে বাক্যের মর্যাদা রাখিতে  
চিত্ত মোর বদ্ধ রাখি তোমার সকাশে।  
বাক্যে বদ্ধ স্বামী তব বাক্য ভাঙ্গিবে না।  
পোর্শিয়া। জামিন হলেন ভদ্র! পরিতৃপ্ত আমি।  
এই অঙ্গুরীটি দিন মিত্রে আপনার—  
সেটির মতন যেন এটির না দেখে—  
সব্বয়ে এটির মান যেন রক্ষা হয়!  
আন্তনিয়ো। লহো এ অঙ্গুরী, বাসানিয়ো। করো সত্য,  
অঙ্গুরী করিবে রক্ষা—স্বাবৎ জীবন!  
বাসানিয়ো। আশ্চর্য্য! আশ্চর্য্য! এ যে সেই অঙ্গুরীয়—  
যেটি দিয়াছিলাম সেই আইন-জীবীরে!  
পোর্শিয়া। তার কাছে পাইয়াছি—লয়েছি চাহিয়া।  
ক্ষমা করো প্রিয়তম—অঙ্গুরীর লাগি  
মোর শয্যা-অংশ দান করিয়াছি তারে।  
নেরিসা। ক্ষমা করো গ্রাশিয়ানো—তঁার মুহুরিট—  
সেই বেঁটে খাটো লোক! কাল রাত্রি-কালে  
আমার শয্যায় তারে যতনে শোয়াই—  
শয্যা-ভোগ-হেতু মোরে দিল এ অঙ্গুরী।  
এই সে অঙ্গুরী—লহ, ধরো তব হাতে!  
গ্রাশিয়ানো। তাজ্জবের কথা এ যে! যেন গ্রীষ্মকালে  
ভাঙ্গা পথ মেরামত হয়ে গেল ভোফা!  
বোকা বনিলাম! এ যে অদ্ভুত রহস্য!  
পোর্শিয়া। ভয়ে না, বিশ্বাসে সবে রহিলে সন্তুস্ত!  
জাখো এই পত্র—পড়ো অবসর-মত!  
পাছয়ার বেলারিয়ো—তঁার পত্র এটি।  
এ পত্রে সকল কথা পারিবে জানিতে।  
তরুণ কৌশলী—সে আর অণু কেহ নয়—  
পোর্শিয়া সে ছদ্ম বেশে; মুহুরিট তার—  
যোগ্য কৌশলীর চর—শ্রীমতী নেরিসা।  
লরেক্সো রয়েছে সাক্ষী—ক্ষণ-পূর্বে মোরা  
গৃহে ফিরিয়াছি আজ। স্বাগত আন্তনি—  
আরো শুভ সমাচার আছে তব তরে—  
আশার অভ্যন্তর সেই শুভ সমাচার।  
অবিলম্বে করো মুক্ত পত্রের লেফাফা।  
সমাচার পাবে,—তব তিন পণ্য-ভরী

পণ্যে ভরা নিরাপদে ভিড়েছে বন্দরে;  
এ পত্র আমার হাতে আসিল কি করি—  
সে বারতা গৃহ থাকে রহস্ত্রে আবৃত।  
আন্তনিয়ো। মুক্ত আমি, ভাষা-হীন।  
বাসানিয়ো। তুমিই কৌশলী?  
চিনিতে না পারিলাম! এ বড় অদ্ভুত!  
গ্রাশিয়ানো। আর তুমি মুহুরী সে! হাঁদারাম আমি  
বার-বার দেখে তবু নারিছ চিনিতে!  
নেরিসা। হাঁদা বোকা বানাইতে পটু সে মুহুরি!  
তুমি যে বনিবে হাঁদা—বেশী কথা নয়।  
নারী সে পুরুষ হলে তারে চেনা দায়।  
বাসানিয়ো। হে কৌশলী, শয্যা মম করিয়ো গ্রহণ।  
আমি হেথা না রহিলে—প্রেরসী আমার  
হবে তব শয্যা-লগ্না!  
আন্তনিয়ো। সাধু, সাধু, সাধু!  
তুমি মোরে প্রাণ দেহ—দিয়াছ সম্পদ।  
এ পত্রে সংবাদ পাই, মোর তরীগুলি  
নিরাপদে জল-পথে আসে গৃহ-মুখে।  
পোর্শিয়া। কি সংবাদ হে লরেক্সো? খুশী করো মন—  
আমার মুহুরি-পাশে মিলিবে কুশল।  
নেরিসা। বিনা-কীতে সে কুশল দিইব তোমায়।  
তুমি ও জেশিকা—দৌহে দানপত্র দিই—  
বুড়া ইহুদীর সহি মোহর-অঙ্কিত;  
বুড়া মারা গেলে তার বিষয়-বিভব  
ধন-জন-ভূমি—সব পাবে দুজনায়।  
লরেক্সো। ক্ষুধার্ত আতুর কণ্ঠে দিলে স্নান ঢালি!  
পোর্শিয়া। রজনীর অবসান। প্রভাত-উদয়।  
তবু সব ঘটনা এ জানিতে অধীর—  
বুঝি আমি। এসো সবে গৃহ-মাঝে যাই।  
সেথা যার যত প্রশ্ন—করো তা নিষ্ফেপ—  
সে প্রশ্নের সন্তুস্ত করিব জ্ঞাপন।  
গ্রাশিয়ানো। তাই হোক। কিন্তু মোর-গোড়াকার প্রশ্ন—  
দু'ঘণ্টা এখনো বাকী আজি এ রাত্রির—  
নেরিসা কি শুতে যাবে? অথবা রহিবে  
জাগি হেথা কালিকার নিশি যতক্ষণ  
উদয় না হয়? দিন যদি আসে—যেন  
আঁধারে ভরিয়া আসে! সে আঁধারে আমি  
মুহুরির লয়ে শয্যা করিব গ্রহণ।  
যা হবার হবে, মোদা, এক কথা বলি—  
যতদিন ধড়ে প্রাণ রহিবে আমার—  
আর কিছু ডরিব না—প্রাণে সদা ভয়—  
নেরিসার আংটিটা যেন রক্ষা হয়!

সেক্সপীয়র-গ্রন্থাবলী

# রাজা লীয়ার

উইলিয়াম সেক্সপীয়র প্রণীত

যতীন্দ্রমোহন ঘোষ অনূদিত

~~~~~

## উৎসর্গ

ইহজগতে সাক্ষাৎ দেবতা পরমারাধ্য পিতৃদেব

শ্রীযুক্ত মতিলাল ঘোষ মহোদয়ের

শ্রীচরণ-কমন্ডে

ভক্তি-পুষ্পাঞ্জলিস্বরূপ এই ক্ষুদ্র গ্রন্থখানি

অর্পিত হইল

## চরিত্র

|           |     |                  |                                         |     |               |
|-----------|-----|------------------|-----------------------------------------|-----|---------------|
| লীয়ার    | ... | বুটেনের অধীশ্বর  | বয়স                                    | ... | বিদুষক        |
| ক্রাস     | ... | ক্রাসের রাজা     | অসওয়াল্ড                               | ... |               |
| বর্গণ্ডি  | ... | বর্গণ্ডির ডিউক   | ডাক্তার, চারণ, ভদ্রলোক, বৃদ্ধ, ভৃত্যগণ, |     |               |
| কর্ণওয়াল | ... | কর্ণওয়ালের ডিউক | সভাসদগণ, সৈন্যদাক্ষ, দূতগণ, সৈন্তগণ     |     |               |
| এলবেগী    | ... | এলবেগীর ডিউক     |                                         |     |               |
| কেণ্ট     | ... | কেণ্টের আর্ল     |                                         |     |               |
| গ্লষ্টার  | ... | গ্লষ্টারের আর্ল  | গনোরিল                                  | }   | ...           |
| এডগার     | ... | ঐ পুত্র          | রীগান                                   |     |               |
| এড্‌মণ্ড  | ... | .. জারজ পুত্র    | কডিলিয়া                                |     |               |
| কিউরান    | ... | অমাত্য           |                                         |     | সংস্থান—বুটেন |

# রাজা লীয়ার

## প্রথম অঙ্ক

### প্রথম দৃশ্য

প্রাসাদ—লীয়ারের কক্ষ

(কেন্ট, গ্লষ্টার ও এডমণ্ড)

কেন্ট। আমার বিশ্বাস ছিল, কর্ণওয়ালের চেয়ে মহারাজ এলবেণীকেই বেশী ভালোবাসেন।  
গ্লষ্টার। আমারও বরাবর তাই মনে হতো। কিন্তু এখন রাজ্যের ভাগ-বাটোয়ারা দেখে কাকে বেশী ভালোবাসেন, বোঝা শক্ত। বিচার নিখুঁৎ পেয়েছে। পুঙ্খানুপুঙ্খভাবে দেখলেও ইতর-বিশেষ ভাব করা যায় না।

মশায়, এটি না আপনার পুত্র ?

নেটি হাঁ মশায়, আমিই ওকে লালন-পালন করছি। পুত্র বলে একে স্বীকার করতে বহুবার লজ্জা পেতে হয়েছে, কাজেই সে লজ্জা এক-রকম গা-সহ্য হয়ে গেছে। এডমণ্ড, তুমি একে চেনো ?

এড। না।

গ্লষ্টার। ইনি কেণ্টের মালিক। এখন থেকে একে আমার একজন পুত্র মাত্র বন্ধু বলে জেনে রেখো।

এড। আমি আপনার দাস।

কেন্ট। তুমি আমার স্নেহের পাত্র,—তোমার সঙ্গে আলাপ আরো বনিষ্ঠ করবো।

এড। আমিও আপনার আলাপের যোগ্য হবার চেষ্টা করবো।

গ্লষ্টার। ন বছর উনি বিদেশে ছিলেন, আবার চলে যাবেন। মহারাজ আসছেন। (ভেরী-নাদন)

(লীয়ার, কর্ণওয়াল, এল্বেণী, গনোরিল, রীগান, কর্ডিলিয়া এবং ভূত্যগণের প্রবেশ)

লীয়ার। গ্লষ্টার, ফ্রান্স আর বর্গণ্ডির অধিপতিদের অভ্যর্থনার জন্য প্রস্তুত হও।

গ্লষ্টার। যথা আজ্ঞা প্রভু।

[গ্লষ্টার ও এডমণ্ডের প্রস্থান]

লীয়ার। ততক্ষণ এসো সবে গুট কার্যো হই অগ্রসর ;

মানচিত্র মোরে দাও। শুনহ সকলে,  
করেছি বিভাগ তিন অংশে রাজ্য মম।

সংকল্প আমার—

এ বৃদ্ধ বয়সে তাজি রাজ্য গুরু-ভার উৎকলিকাকুল,  
তরুণ সক্ষম করে সমর্পি সে সব ;

মোরা সবে ভারহীন মৃত্যু-মুখে

ধীরে ধীরে হবো অগ্রসর।

এস পুত্র কর্ণওয়াল,

আর তুমি সমগ্রিয় এলবেণী আমার,

স্থির কল্প মম, কন্যাদের যৌতুক করি' নিরূপণ

ভবিষ্য-বিরোধ আমি করিব ভঞ্জন।

ফ্রান্স আর বর্গণ্ডির রাজপুত্রবয়,

কনিষ্ঠা কন্যার প্রেম-দ্বন্দ্বী দৌহে—

বহুকাল হতে প্রেম-প্রবাস হেথায়

করেছে উভয়ে—বহু আশা রাখ মনে !

অগ্ন দৌহে দানিব উত্তর।

প্রাণসমা কন্যাগণ, মনস্থ আমার,

প্রদেশ শাসন আর গুরু রাজ্যভার করি পরিহার,

বলো দেখি মোর তরে ভালোবাসা কাহার অধিক ?

প্রচুর দানের পাত্রী হইবে সে জন,

যোগ্য যে-বা প্রকৃতি-বিধানে।

গনোরিল, জ্যেষ্ঠা তুমি—আগে তুমি কহ।

গনে। পিতা, তব লাগি যেই ভালোবাসা—

ভাবে তাহা প্রকাশি কেমনে ?

নয়নযুগল, স্থান, স্বাধীনতা হ'তে

প্রিয় তুমি মোর কাছে ;

অমূল্য জ্বলভে নাহি তুলনায় গণি ;

স্বাস্থ্য আর সৌজন্ম, সৌন্দর্য্য-মর্যাদা,

সদৃশগুণিচয়ে যেই জীবন ভূষিত—

তার চেয়ে সমধিক

সন্তানের ভালোবাসা যত হতে পারে,

পিতা যাহা লভেছেন কভু,

স্বাসে কিম্বা ভাবে অপেক্ষা,

পরিমাণহীন এত ভালোবাসা মোর তব প্রতি।

কর্ডি। (অগত) কি কহিবে কর্ডিলিয়া ?

মীরবে স্নেহে ধু ধালো !

লীয়ার। এই সীমা হতে সব প্রান্তস্থ প্রদেশ—

নিবিড় অরণ্য আর শ্রামল প্রান্তর,  
বৃহপ্রস্থ শ্রোতস্বতী জলাভূমি আদি,  
সে সবার রাণী অস্ত করিলু তোমায়।  
তোমার ও এলবেণীর বংশধরগণে  
সুখে চিরতরে রাজ্য করিবে নিয়ত।

কহ কথা মধ্যমা তনয়া,  
প্রাণসমা রীগান আমার!

রীগান। সম-উপাদানে গঠিতা হুজনে,  
মূল্যে সম দৌহে।

অন্তরের যত ভালোবাসা কহিয়াছে ভগিনী আমার  
জীবনের যত ভোগ,  
ইচ্ছিয়-তৃপ্তির সুখ যে ভোগ-আধার,  
তুচ্ছ সব মোর কাছে—ভগ্নী মম ন্যূন হেথা;  
একমাত্র সুখ মম—তব ভালোবাসা।

কড়ি। (স্বগত) অভাগিনী কড়িলিয়া তবে?

তাই বা কেমনে? জানি স্থনিশ্চিত,  
অন্তরে আমার, রসনার অধিক সম্পদ।

লীয়ার। তুমি আর তোমার সর্ব বংশধরগণ,

দ্বিতীয়াংশে রাজ্য মোর করিলু অর্পণ;  
মূল্যে সমতুল অংশ গনেনিল-সহ।  
হৃদয়-আনন্দ মোর কনিষ্ঠা তনয়া,  
ভালোবাসায় ন্যূন তুমি নও—

নবপ্রেম লভিবারে যার প্রতিদ্বন্দ্বী

ফ্রান্স আর বর্গণ্ডির পতি—

তোমার কি বাণী—লভিবারে

সাম্রাজ্যের শ্রেষ্ঠাংশ আমার? কহ বৎসে!

কড়ি। ভাষা নাই। মোন আমি, তাত!

লীয়ার। মোন?

কড়ি। মোন।

লীয়ার। মোন মুক রহিবে না! কহ স্পষ্ট ভাষে।

কড়ি। অভাগিনী আমি, মোর মুখে নাই সরে  
অন্তরের ভাষা, পিতা। ভালোবাসি আমি  
স্বয়ং-বিচারে। নহে অল্প; নহে তা অধিক।

লীয়ার। এ কি! এ কি! কড়িলিয়া! বাক্য তব  
কর পরিহার,

নহে হবে সৌভাগ্যের হানি।

কড়ি। শুন প্রভু,

জনম, পালন, ভালোবাসা,—

সব—সব লভিয়াছি তোমা হতে।

সমভাবে কর্তব্য পালিব,—

মাত্ত, ভক্তি, শ্রদ্ধা আর ভালোবাসা দানে;

স্বামী প্রতি ভগ্নীদের কোথা ভালোবাসা—

সব যদি তোমারেই করিল অর্পণ?

যে-জনে বরিব আমি—মোর পাণি সহ,  
ভক্তি, ভালোবাসা, ধর্ম, অর্ধ লবে স্বামী।

সব ভালোবাসা তোমা করিয়ে অর্পণ—

বরিব না তারে প্রভু ভগ্নীদের মত।

লীয়ার। এ তোমার অন্তরের কথা?

কড়ি। মিথ্যা কভু নাই জানি, পিতা!

লীয়ার। মায়াহীন এ কচি বয়সে?

কড়ি। ক্ষুদ্র আমি, ক্ষুদ্র জীব—তবু সত্যচারী।

লীয়ার। বেশ, তবে সেই মত যৌতুক তোমার

হবে জেনো। তরুণ তপন-তাপ,

ডাকিনীর বৃত্তি আর তামসী ত্রিষামা,

গ্রহচক্রফল, জন্ম-মৃত্যু-সংঘটন যাহে—

সবে সাক্ষ্য করি—পিতৃস্নেহে দিহু জলাঞ্জলি।

শোণিত-সম্পর্ক সব করি পরিহার,

অন্তর আমিহ হতে অজানা হইয়ে,

জনমের তরে তোরে দিহু বিসর্জন।

অসভ্য বর্কর শক—

অথবা যাহারা স্বীয় বংশধরগণে

উদরে পুরিয়া করে ক্ষুধানল নির্বাপিত,—

চিতে মোর ঠাই পাবে তোমা সম সমাদরে।

কেণ্ট। প্রভু!

লীয়ার। থামো কেণ্ট।

হৃদ্যন্ত দানব আর কোপানলে তার

অন্তরাল হলো না কো।

বড় প্রিয় ছিল যে আমার,—বড় সাধ ছিল—

বার্দ্ধক্যের ধাত্তী মম করিব উহারে!

যাও, যাও, দূর হও দৃষ্টিপথ হতে।

কবর আমার হোক শাস্তি নিকেতন!

অন্তর হইতে আমি দিহু বিসর্জন

তোমারে নিশ্চিত আজি।

কে হোথায়?—ডাকো ফ্রান্সে, বর্গণ্ডি-তনয়ে

ডাকো

কর্ণওয়াল, এলবেণী, মম কন্যাগণ সহ

ভোগ কর রাজত্বের তৃতীয়াংশ দৌহে,—

হোক পরিণয় গুর গর্ষের সহিত—

সরলতা বলি বাখানিছে যায়।

অর্পিহু এ রাজ্য মম উভয়ের করে

সম্মান-ভূষণ সহ।

শত সভাসদ লয়ে প্রতিপক্ষদ্বয়

পর্যায়ের ক্রমে

উভয়ের আলায়ে যাপিব।

নামে মাত্র রাজা রবো উপাধি-ভূষিত।

প্রিয় পুত্রগণ, তোমরা দুজনে রাজ্য—

রাজত্ব-গ্রহণ আর কার্য্য-নির্বাহনে

শাসন করহ যথারীতি ; বাক্য-অনুযায়ী

লহ—দি মুকুট দোহাকার শিরে। (মুকুট-প্রদান)

কেণ্ট। মহারাজ !

নরমণি বলি সদা করেছি সন্মান,—

পিতৃজ্ঞানে করিয়াছি ভক্তিপ্রদর্শন,

প্রভু-বোধে সর্ব-আজ্ঞা সদা পাণিয়াছি,

প্রধান সহায় জানি স্মরিয়াছি প্রার্থনার কালে।

লীয়ার। ছুটিয়াছে শল্য নমিত-কান্দুক গুণ ত্যজি—

সরে যাও লক্ষ্যপথ হতে।

কেণ্ট। বজ্রসম পড়ুক মাথায়,

বিদ্ধ হোক ফলকে অন্তর মম।

উন্নত লীয়ার যদি—কেণ্ট—সেও রক্ত !

এ বুদ্ধ বয়সে কি করিতে পারো তুমি ?

মনে কি বিশ্বাস তব

ভয়ে সত্য রহিবে গোপন,

তোষামোদে ভোলে যবে প্রতাপের মন ?

জায় মার্গে ধাইবে সাধুতা—

রাজা যবে কুকর্মেতে মতি দিবে।

অভিশাপ কর প্রত্যাহার। বিবেচক তুমি—

ভেবে সর্ব-কার্য্য রাজা করহ নিশ্চিত।

বিচারেতে যদি ভুল হয়, জীবন করিহু পণ।

কনিষ্ঠা তনয়া তব—

ভাগ্যবাসী—ভয়ে ন্যূন নয়।

বাক্যে ফোটে না কো—সত্য-নিষ্ঠা দ্বন্দ্বয়ে তাহার—

শূন্য প্রাণ সেখানেতে নাই।

লীয়ার। কেণ্ট ! জীবনে মমতা যদি থাকে,

স্বপ্ন রহ।

কেণ্ট। আমার জীবন তব শত্রুনাশ-হেতু ;

নাহি ডরি হারাতে জীবন,

তোমার কুশল লাগি।

লীয়ার। দূর হও দৃষ্টিপথ হতে।

কেণ্ট। চক্ষু মেঘি দেখ মহারাজ,

থাকি তব নয়নের লক্ষ্য হয়ে।

লীয়ার। দোহাই মরীচিমালী !

কেণ্ট। মিথ্যা তুমি দেবতার ডাকে।

লীয়ার। পাপিষ্ঠ ! হুজ্জন !

(তরবারি ধারণ করিয়া)

এ-ও-ক। ক্ষান্ত হন প্রভু।

কেণ্ট। কোষমুক্ত কর অসি ; বৈতরে করিয়ে হত

দর্শনী অর্পণ কর হুস্ত ব্যাধি'পরে !

প্রত্যাহার কর আজ্ঞা। না শুনিলে বাণী,

যে অবধি শক্তি নাহি হয় রোধ, উচ্চস্বরে জানাবো  
তোমায়,

“দারুণ অধর্ম্মাচারী তুমি।”

লীয়ার। শুন রে হুজ্জন ! রাজভক্তির দোহাই তোমার !

যেহেতু প্রয়াস তব রোধিবারে প্রতিজ্ঞা আমার,

লজ্জিতে যা সাহস আমার নাই—

উচ্চ দর্পে মাতি তুমি পশিয়াছ

মোর আজ্ঞা, আর মোর প্রভুত্বের মাঝে—

প্রতিকূল যাহ।

মম প্রকৃতি অথবা মম রাজ-পদ হতে—

ক্ষমতার অনুযায়ী তার, লহ যোগ্য পুরস্কার !

পঞ্চদিন দিহু অবসর, উপযুক্ত সঙ্গতির তরে

বাহে সংসারের ক্লেশ হবে উপশম ;

যষ্ঠ দিনে হেয় পৃষ্ঠ প্রদর্শন করি

মোর রাজ্য পরিত্যাগ করিবে নিশ্চিত ;

হেরিবারে যত্বপি দশম দিনে পাই,

নির্বাসিত দেহ তব রাজত্ব-মাঝারে,

সেই দণ্ডে হারাবে জীবন।

যাও—জানেন ঈশ্বর ! দণ্ড কভু হইবে না রোধ।

কেণ্ট। বিদায় এক্ষণে, মহারাজ, যথা ইচ্ছা তব।

স্বাধীনতার স্থান হেথা নাই,

নির্বাসন করিয়াছে পূর্ণ অধিকার।

(কর্ডিলিয়ার প্রতি)

দেবতা করিবে রক্ষা তোমারে কুমারী !

যুক্তিমত বিবেচনা তব, বাক্য তার অনুযায়ী।

(গনেরিলু ও রীগানের প্রতি)

বচনের পারিপাট্য কার্য্যে যেন হয় পরিণত !

সুফল ফলে সে যেন এহেন বচনে।

বিদায় মাগিছে কেণ্ট সবা'কার কাছে,

নব রাজ্যে পূর্বভাবে যাপিবে সে কাল।

[কেণ্টের প্রস্থান]

(গ্লটার, ফ্রান্স ও বর্গণ্ডির প্রবেশ)

গ্লটার। ফ্রান্স আর বর্গণ্ডি, রাজন !

লীয়ার। বর্গণ্ডির অধিপতি ! অগ্রে আমি সম্ভাষি

তোমায়,

মোর কত্যা বরণের লাগি

প্রতিদ্বন্দ্বী তুমি এই রাজত্বের সহ ;

যৌতুক-স্বরূপ শুনি শেষ-কামনা তোমার।

বর্গ। মহারাজ, নিজ-মুখে হয়েছে প্রকাশ,—

ন্যূন তাহে কভু হইবে না।

লীয়ার। সদাশয় বর্গগুণি-অধিপ—

প্রিয় যবে ছিল সে আমার

মূল্য তার ছিল অমূল্য ;

এবে ন্যূন হইয়াছে ।

শুন মহাশয়, এই তনয়া আমার,

কত্যা বলি যদি কিছু থাকে তার দেহে—

আমাদের শাপগ্রস্ত আজি ।

তাহে যদি যোগ্য ভাবো,

লহ তুমি এককৃত্তারে—

আজ হতে হোক সে তোমার ।

বর্গ। ভাষা নাহি সরে মুখে ।

লীয়ার। এককৃত্তার কোনো গুণ নাই ;

বান্ধব-বিহীন—

ঘৃণার্থ আমার,—

—যৌতুক সে অভিষাপ !

শপথ করিয়া যারে দূর করিয়াছি,

করহ বরণ তার ; কিবা করো দূর ।

বর্গ। ক্ষমা করো প্রভু ! কে চাহে বরিতে—

এমন ব্যাপার যেথা ?

লীয়ার। ত্যাগ করো, যদি সাধ—

শপথ করিয়া আমি যথায়থ বলা ।

( ফ্রান্সের প্রতি ) শুন হে রাজন,

তব ভালোবাসা-প্রতিদানে

ইচ্ছা নাহি দিতে পরিণয়

যুগিত স্বজন সহ ।

প্রার্থনা আমার, যোগ্য জনে করহ বরণ ।

কাজ নাই অভাগীরে সম্পর্ক-স্বীকার ;

পরে বহু লজ্জা পাবে ।

ফ্রান্স। মানিহু বিশ্বয় !

অভি-প্রিয় ছিল তব পূর্বে এ তনয়া,

শুনিয়াছি বহু খ্যাতি, বহু স্তুতি—

বান্ধকের আনন্দদায়িনী,

অতুলনা বালা—প্রাণ হতে প্রিয়—

এমন কুকর্মে রত হলো সে কেমনে,

যার লাগি সকলি হারালো ?

কিবা অমুমানি, পূর্ব-ভালোবাসা হারায়েছ তুমি ।

কুকর্মে বা কদাচারে—মনে না জুয়ায়—

হেন অমুমান, শুধু ভৌতিক লীলার

সম্ভবে সে—মনে হয় ।

কডি। প্রার্থনা আমার—শুন মহারাজ,

তোষামোদ, চাটুবাণ্যে পটু আমি নই,

অন্ত ভাব হৃদয়ে গোপন করি

যতন প্রকাশি ভিন্ন ভাব !

অন্তরে যা অমূল্যবি,

বচনে ভিলেক তার আন নাহি জানি ।

জানাও সবারে পাণ-চিহ্ন নাহি যে আমাতে,

হত্যাঘাত, কুৎসিত আচার, কিবা

সত্য-নিষ্ঠা লোপ—

সে কলঙ্ক শিরে নাহি ধরি ।

যে কারণে হারায়েছি ভালোবাসা তব,

অভাবে যাঁহার, অমুমানি ভাগ্যবতী আপনায় ।

নয়নের হাবে-ভাবে—রসনায় শুধু

প্রকাশিব ভালোবাসা, অন্তরে আধার বিনা—

হেন ভাব নাহি চাহি প্রভু,

যে-ভাবে-অভাবে তব স্নেহ হারায়েছি !

লীয়ার। হতো ভালো—না লভিলে এমন জনম !

জন্ম লভি অমুখী করিলি মোরে ।

ফ্রান্স। বুঝেছি সকলি—প্রকৃতির নম্র গতি এই,

লাজলীলা মৌনী বালা—মুখে বাক্য নাই,

মর্ম্ম-কথা করিবে জ্ঞাপন !

বর্গগুণি পতি, বালিকারে কি তব উত্তর ?

প্রণয়ের স্থান নাই সেথা

প্রণয় বেথায় সম্পত্তির অমুগামী ।

চাহ কি বালারে ? যৌতুক-আধার বালা ।

বর্গ। মহারাজ, বাক্য-মত যৌতুক অর্পণ কর—

এখনি উহার পাণি করিব গ্রহণ ।

লীয়ার। শপথ করেছি, বাক্য অমুখা না হবে ।

বর্গ। হারায়েছ পিতা তুমি, হারাইবে পতি ।

কডি। ক্ষমা করো বর্গগুণি পতি ।

ভালোবাসা মোর প্রতি সম্পত্তি-বিধানে,—

হেন স্বামী কভু নাহি চাই ।

ফ্রান্স। অমুগমা বালা !

সম্পত্তিবিহীন, তুমি সম্পত্তি-শালিনী !

পরিভ্রাজা বালা, সাগ্রহের ধন—

ঘণিতা হইয়া তুমি স্নেহেতে ভূষিতা !

সদৃশের সহ তোমা লইছ আদরে ;

শাস্ত্রে মোর অধিকার লইতে তাহারে—

অন্তে যারে করেছে বর্জন ।

দেব, দেব, বিশ্বয় মানিল দাস,

তার পরে ভালোবাসা উদিল হৃদয়ে—

যারে ত্যাগ করেছে সকলে !

শুন রাজা, যৌতুক-বিহীন কত্যা তব—

আজ হতে রাণী মোর—ফ্রান্সের অধীশ্বরী ।

জলবাসী বর্গগুণি অধিপতি মিলি,

এ হেন অমূল্য রত্ন লভিবে না কভু ।

বিদায় মাগহ বালা সবাচার কাছ,

যদিও কাহারো মনে নাহি ভালোবাসা ;  
 হারিয়েছ যা'হা তুমি ;  
 অতঃপর পাবে তুমি উচ্চতর প্রীতি ।  
 লীয়ার । লয়ে যাও এর, ফ্রান্স !  
 হউক তোমার  
 আজি হতে এই কন্ঠা—  
 এ হেন কন্ঠায় মোর নাহি প্রয়োজন ।  
 ও বদন কভু গেরিব না আর ।  
 যাও, হেথা হতে যাও, নাহি তব প্রতি  
 ভালোবাসা, আলীকাদ, স্নেহ এক তিল ।  
 'এস হে বর্গণ্ডি-রাজ !  
 [ লীয়ার, বর্গণ্ডি, কর্ণওয়াল, এলবেণী,

[ গর্ভের ও ভৃত্যগণের প্রস্থান

ফ্রান্স । বিদায় মাগহ বালা ভগ্নীদের পাশে !  
 কর্ডি । নয়নের মণি সবে পিতার আমার—  
 ভাসি নয়নের জলে মাগি যে বিদায় ।  
 জানি আমি ভালোমতে তোমাদের রীতি,  
 ভগ্নী বলি লজ্জা হয়—মুখে ভাষা নাই—  
 অন্তরের ভাব করে আমারে প্রকাশ ।  
 তবু শোনো, করো দৌহে পিতার গুণ্ণা ।  
 ভাষে প্রকাশিত-স্নেহ দেখালে যেরূপ,  
 রেখে যাই পিতারে সে-স্নেহে তোমাদের ।  
 যত্ন করো, সেবা করো, করো সমাদর ।  
 পূর্বমত দয়া যদি করেন জনক,  
 ইচ্ছা মতে অবস্থান তাঁর অচ্ছ হানে ।  
 এখন বিদায় মাগি তোমাদের কাছে ।  
 রীগান্ । না চাহি কণ্ঠব্য-শিক্ষা তোমার নিকটে ।  
 গনে । প্রেম-প্রতিদানে তৃপ্তি করো তব নাথে ;  
 গ্রহণ করেছে তোমা সৌভাগ্যের দানে ।  
 পিতৃ-বণ্ণতার ঘেরে অভাব তোমার,  
 নহ তুমি স্নেহপাত্রী-প্রীতিযোগ্য কভু ।  
 কর্ডি । মনের চাতুরী ক্রমে পাইবে প্রকাশ ।  
 নিজ-দোষ আবরণ করে যেই জন,  
 অবশেষে হয় সেই ঘৃণার ভাজন ।  
 স্তম্ভী হও সবে ।  
 ফ্রান্স । এস এস, স্নন্দরী আমার ।

[ ফ্রান্স ও কর্ডিলিয়ার প্রস্থান

গনে । তোমার সঙ্গে আমার অনেক কথা আছে  
 বোন । নিজেদের সম্বন্ধে খুব দরকারী কথা ।  
 বাবা আজ এখান থেকে যাবেন ?

রীগান । এখন তোমার সঙ্গে যাচ্ছেন । পরের মাঝে  
 যাবেন আমার ওখানে ।  
 গনে । বুঝলে বোন, বুড়ো বয়সে ঠাঁর মাথার টিঁব  
 নেই, আমরা দুজনে বিশেষ করে তা দেখছি  
 ছোটকে উনি খুব ভালোবাসতেন । কি-সামান্য  
 কারণে তাকে আজ ত্যাগ করলেন, দেখলে তো !  
 রীগান । বুড়ো হলে ভীমরতি হয় । ঠাঁর মাথার  
 ঠিক নেই ।  
 গনে । যখন ভালো ছিলেন, তখনো রাগের বশে  
 কত-কি করেছেন ! অনেক দিনের বদ্ অভ্যাস  
 শুধু নয়, তার উপর আছে বিজ্ঞী খেয়াল...  
 স্বেচ্ছাচার । মানে, বয়স হলে মানুষের যা ঘটে  
 থাকে ।  
 রীগান । কি রকম বেয়াড়া কাজ করতেন ! জ্ঞাখো  
 না, কেন্টকে তাড়ালেন ।  
 গনে । ফ্রান্সের রাজ্যের সঙ্গে তাঁর চলে যাবার  
 সময় এটা কি ভালো ব্যবহার করলেন ? আমার  
 কথা শোনো, দুজনে এক-জোট হতে হবে  
 যদি এই ভাবে চলেন, তাহলে আর আমাদের  
 রাজ্য পেয়ে কি লাভ হলো, বলা ?  
 রীগান । পরে এ সম্বন্ধে কিছু স্থির করা যাবে ।  
 গনে । বুঝে-সুঝে নীগ-গির যা হয় একটা কিছু  
 করতে হবে আমাদের ।

[ সকলের প্রস্থান

## দ্বিতীয় দৃশ্য

গর্ভের দুর্গ—দর-দালান

এড্‌মণ্ড

এড । হে প্রকৃতি, তুমি আমার আরাধ্যা দেবী  
 আমি তোমার নিয়মের অধীন । কেন তবে সামান্য  
 জিক কুৎসিত বিধিতে বদ্ধ হবো ? কেন জাতীয়  
 বিধি-নিয়মের বশে দাদার চেয়ে বয়সে কিছুদিনের  
 ছোট বলে সব হারাবো ? জারজ ! জারজ  
 কেন নীচ হবে ? সত্যের গর্ভজাত পুত্রের মত  
 আমার অঙ্গপ্রত্যঙ্গ—কোথাও এর অসঙ্গতি নেই  
 —আমার মনে উদারতা আছে, আমার গড়নে  
 সৌষ্ঠব আছে, কেন ওরা আমাকে জারজ বনে  
 ঘৃণা করবে ? কিসের জারজ ?... জারজ  
 এস তুমি ভদ্র সজ্জাত এডগার,—তোমা  
 দেশ আমি অধিকার করবো ! সজ্জাত এডগার

পিতা যেমন ভালোবাসেন, জারজ এড-মণ্ডকেও ঠিক তেমনি ভালোবাসেন। স্বন্দর কথা 'স্বজাত'! খুব ভালো কথা, স্বজাত! এই চিঠিতে যদি কাজ হয়—আর আমার মতলব হাসিল হয়—জারজ এড-মণ্ড স্বজাতকে হারাবে। আমি মাথা তুলে দাঁড়াতে চাই। আমি উঠবো। দাঁড়াবো। হে স্বর্গের দেবতাগণ, এই জারজকে তোমরা কৃপা করো—তার সহায় হও!

(শ্রষ্টরের প্রবেশ)

শ্রষ্টর। কেন্দ্রকে দেশত্যাগী করা হলো! ক্রান্তের রাজা রাগ করে চলে গেলেন! আজ রাতে মহারাজও চলে গেলেন। তাঁর আধিপত্য দান করেছেন—কৃপার দানে এখন জীবন-ধারণ করবেন! আগাগোড়া খেয়াল! এড-মণ্ড যে! কেমন আছ? কি খবর?

এড। আজ্ঞে না—খবর বিশেষ কিছু নেই।

শ্রষ্টর। তাড়াতাড়ি ও চিঠিখানি জেবে রাখলে কেন?

এড। আজ্ঞে, কৈ, না, আমি তো কিছু জানি না।

শ্রষ্টর। কি কাগজ পড়ছিলে?

এড। আজ্ঞে, কৈ—না।

শ্রষ্টর। না! ভয়ে তাড়াতাড়ি জেবে চিঠি রাখলে,—কিছু না হলে লুকোবার কি দরকার ছিল?

এড। জোড় হাত করে বলছি মশায়, আমায় মাপ করবেন। আমার দাদার লেখা চিঠি। সমস্তটা এখনও পড়া হয় নি। যতটুকু পড়েছি, মানে, আপনার দেখবার মত নয়।

শ্রষ্টর। চিঠি দেখি।

এড। রাখলে আমার অপরাধ—দিলেও আমার অপরাধ! চিঠির লেখা যতখানি বুঝতে পেরেছি, মারাত্মক দোষের।

শ্রষ্টর। দোষের! দেখি।

এড। আমার দাদার হয়ে বলছি, তিনি আমায় পরীক্ষা করবার জন্ত এ চিঠি লিখেছেন।

(পত্র দান)

শ্রষ্টর। (পত্র পাঠ)

“বৃদ্ধদের মাগ্ন করে, আমাদের জীবনের ভালো সময়টুকু বুঝা কেটে যায়,—আমাদের প্রাপ্য বিষয়-অধিকার পেতে বিলম্ব ঘটে। যখন সে সম্পত্তি পাওয়া যায়, বার্কিক্য-দোষে ভোগ হয় না। বার্কিক্যের অত্যাচার সহ্য করা আমার মতে ভুল—মহা-ভুল। বৃদ্ধেরা ক্ষমতা-বলে আধিপত্য

করে না, অতের অহুমতিতে করে। আমার কাছে এস। এ বিষয়ে আরও আলোচনা করবো। আমাদের পিতা চিরনির্জিত হলে তুমি চিরকাল অর্ধেক বিষয় ভোগ করবে এবং আমার প্রিয় ভ্রাতা বলেই পরিগণিত হবে। ইতি এডগার।” থামো!...এ বিদ্রোহ! “পিতা চিরনির্জিত হলে তুমি চিরকাল অর্ধেক বিষয় ভোগ করবে,”—আমার পুত্র এডগার! তার হাত থেকে এ লেখা বেরিয়েছে? তার মনে এমন চিন্তা উদয় হলো! এ চিঠি কখন পেয়েচো? কে তোমার কাছে এ চিঠি নিয়ে এলো?

এড। প্রভু, কেউ আমার কাছে আনে নি—এ টুকুই রহস্য! আমার ঘরের খোলা জানালার মধ্য দিয়ে ফেলে গেছে।

শ্রষ্টর। এ তোমার দাদার হাতের লেখা, দেখে তুমি চিন্তে পেরেছ?

এড। প্রভু, লেখার কথাগুলো যদি ভালো হতো—শপথ করে বলতেম, তারি লেখা—কিন্তু যে সব কথা এ চিঠিতে লেখা, আমার ইচ্ছা, বলি,—তার লেখা নয়।

শ্রষ্টর। তারই লেখা।

এড। তার হাতের লেখা বটে। কিন্তু মনে হয়, কথাগুলো তার মনের কথা নয়।

শ্রষ্টর। এ সম্বন্ধে পূর্বে তোমায় সে কিছু বলে নি?

এড। কখনো না। তবে এ কথা বলতেন যে, পুত্র যোগ্য হলে এবং পিতা বৃদ্ধ হলে পুত্রের অধীনে পিতার থাকা উচিত এবং পুত্রই করবে সমস্ত বিষয়ের উপর আধিপত্য।

শ্রষ্টর। হুয়াহু! হুয়াহু! তার মনের ভাব এ পত্রে প্রকাশ পেয়েছে প্রতি ছন্দে। নীচ অস্বাভাবিক স্থগিত পশু! না, না, পশুর চেয়েও নীচ! যাও, তার সম্মান করো। তাকে আমি চাই। এই দণ্ডে!...স্থগিত দম্ভ্য! কোথায় সে এখন?

এড। আমি ঠিক জানি না। যদি আপনি অল্পগ্রহ করে দাদার উপর এ ঘৃণা রোধ করতে পারেন, অন্ততঃ যতক্ষণ না তার মনোগত অভিপ্রায় জানা যায়, আপনাকে একটি কাজ করতে হবে। মানে, আপনি তার অভিপ্রায় ভালো রকম না জেনে তার বিরুদ্ধে গুরুতর যদি কিছু করেন, তা হলে আপনার মানের হানি হবে, আর তার বশ্ততারও হানি হবে। আমি আমার জীবন পণ করতে পারি, আপনার উপর আমার ভক্তি-পরীক্ষা



করবার জন্ত সে এ পত্র লিখেছে! এতে বিপদের আশঙ্কা করবেন না।

মষ্টর। তুমি তাই বিবেচনা করো?

এড। আপনি যদি বলেন, আমি আপনাকে এমন জায়গায় রাখবো, যেখান থেকে আপনি আমাদের কথাবার্তা সব শুনে পাবেন এবং শুনে আসল ব্যাপার বুঝতে পারবেন। বেশী দেরী করার প্রয়োজন কি!—আজই সন্ধ্যার সময় আপনি সব জানতে পারেন।

মষ্টর। এতখানি পৈশাচিক বৃত্তি তার হবে!

এড। না, না, মিছে এসব কথা ভেবে কেন আপনি মন খারাপ করছেন!

মষ্টর। তার জন্মদাতা পিতা,—যে তাকে প্রাণের চেয়ে ভালোবাসে। স্বর্গ আর মর্ত্য! এডমণ্ড, তাঁর সন্ধান কর; তোমার উপর যাতে তার বিশ্বাস খুব বেশী হয়, এমন ব্যবস্থা করে তার কাছ থেকে সব কথা বার করে নাও—বেশ কৌশলে কাজ কর। যা হায়, এমন কাজ করুতে আমি সক্ষম বিচার করবো না।

এড। আমি এখনি তার সন্ধান করছি,—সুবিধা-মত কাজ শেষ করে আপনাকে সব জানাবো।

মষ্টর। গত সূর্য আর চন্দ্রগ্রহণ আমাদের পক্ষে হানিকর। বিজ্ঞানে এর অজ্ঞ অর্থ থাকলেও, মানুষের জীবনে এ গ্রহণ মহা-অশাস্তিকর। ভালোবাসা শিথিল করা, বন্ধুত্ব নাশ, ভ্রাতৃবিচ্ছেদ, নগরে-বিদ্রোহ, দেশে অন্ত্রবিরোধ, রাজবাড়ীতে রাজবিদ্রোহ, পিতা-পুত্র সঙ্গর্গ-ছেদ—সব অমঙ্গল ঘটে এই গ্রহণের ফলে। আমার এই দুই পুত্রের গ্রহবৈগুণ্য ঘটেছে! পুত্র হয়ে পিতার বিরুদ্ধে দাঁড়াতে চায়! রাজা স্বভাবচ্যুত হয়েছেন,—পিতা আজ সন্তানের বিরুদ্ধে দাঁড়িয়েছে! জীবনে সুখের দিন কেটে গেছে! এখন শুধু ষড়যন্ত্র, শত্রুতা, বিশ্বাস-ঘাতকতা! জীবনের শেষ দিনগুলো অশান্তিতে পূর্ণ করে তার পরে কবর! এই দুর্জনের সন্ধান করো। এতে তোমার কোনো ক্ষতি নেই,—কিন্তু খুব সাবধান! উদারচরিত সদাশয় কেন্ট দেশ থেকে চলে গেছেন! তাঁর অপরাধ? তিনি সত্যবাদী! অদ্ভুত! অদ্ভুত!

[ মষ্টরের প্রস্থান ]

এড। জগতে এ এক মজার বুজরুকী! আমাদের অদৃষ্ট বন্দ হলো (যা আমাদের কর্মফলে ঘটে)

আমাদের দুঃখের জন্ত সূর্য-চন্দ্র আর নক্ষত্র-গুলিকে করি দায়ী! যেন অদৃষ্ট-দোষে আমরা দুর্জন, দেবতার শাপে নিকোঁধ, গ্রহের ফলে জোচ্চোর, চোর, বিশ্বাসঘাতক! গ্রহবৈগুণ্যে আমরা মাতাল, মিথ্যাবাদী, পরদার-রত! ডগবানের লেখার ফলেই আমরা যত কিছু অপ-রাধ করি—অনাচার করি—শত দোষে দুষী হই। এডগার! বাঃ! সেকলে নাটকের নটের মত ঠিক সন্ধিস্থলেই

( এডগারের প্রবেশ )

হাজির! ওর আসার পূর্বে আমিও নাগা ফকিরদের মত কাঁহনি শুরু করি। হায়, হায়, এই গ্রহণই পারিবারিক-বিবাদের সূচনা করে। মা—পা—ধা—গা—

এডগা। কি তাই এডমণ্ড—কেমন আছো? গভীর গবেষণায় নিমগ্ন দেখছি যে!

এড। সেদিন একটা ভবিষ্যৎ-গণনা পড়ে ইস্তক গত গ্রহণের ফলের কথা ভাবছিলাম।

এডগা। এ নিয়ে তুমি মাথা ঘামাচ্ছ!

এড। যা পড়া গেল, তা যে ঠিকঠাক মিলে যাচ্ছে।

কি রকম শুনবে? সন্তান আর পিতা-মাতা—দুয়ের মধ্যে অস্বাভাবিক ব্যবহার,—মৃত্যু, দুর্ভিক্ষ, বন্ধুত্ব-নাশ, রাজ্যে বিরোধ-বিচ্ছেদ, রাজা আর সভাসদের মধ্যে আতঙ্ক, মিথ্যা অবিশ্বাস, বন্ধু-নির্বাসন, বিবাহ-বন্ধন-ছেদ—কে জানে, আরও কত কি!

এডগা। কতদিন থেকে জ্যোতিষ-শাস্ত্রে তোমার এমন জ্ঞান হয়েছে?

এড। ও সব কথা যাক! বাবার সঙ্গে এর মধ্যে দেখা হয়েছিল?

এডগা। কেন? কাল রাত্রে দেখা হয়েছে।

এড। তোমার সঙ্গে কোন কথা হয়েছিল?

এডগা। প্রায় দু'ঘণ্টা ধরে...অনেক কথা।

এড। যখন চলে এলে, তখন তাঁর কথায় বা মুখের ভঙ্গীতে কোনোরকম বিশেষ কিছু ভাব লক্ষ্য করেছিলে?

এডগা। কৈ...না!

এড। আমার মনে হয়, তোমার উপর তিনি বিরক্ত হয়েছেন। আমার কথা শোনো, এখন তাঁর সামনে যেয়ো না, অন্ততঃ যতক্ষণ না তাঁর রাগ পড়ে। তাঁর এখন এমন রাগ হয়েছে যে তোমায় দেখতে পেলে কি যে হবে, তার ঠিক নেই।

এড্‌গা। কোনো বদমায়েস ফন্দীবাজ তাহলে আমার নামে নিশ্চয় কিছু লাগিয়েছে!

এড। আমারও তাই মনে হয়। তবু তোমার আমি অহুরোধ করছি, যতক্ষণ না তাঁর রাগ পড়ে, ততক্ষণ তাঁর সামনে যেয়ো না। আমার কথা শোনো—এখন আমার ওখানে যাও। সেখানে আমি তোমাকে তাঁর মনের পরিচয় দেবো। আমার কথা রাখো, যাও,—এই নাও আমার চাবি। যদি বাহিরে যাও, সশস্ত্র হয়ে যেয়ো।

এড্‌গা। সশস্ত্র কেন?

এড। তোমার ভালোর জন্তই বলছি, ভাই। সশস্ত্র হয়ে যেয়ো,—পিতা যদি তোমার উপর রাগ না করে থাকেন, তা'হলে আমায় মিথ্যাবাদী বলে জেনো। যেটুকু আমি দেখেছি আর শুনেছি, তা থেকে বলছি,—সেই দেখা-শোনাতেই আমার প্রাণ শুকিয়ে গেছে,—তোমাকে জোড় হাত করে বলছি, ভাই, এখন যাও।

এড্‌গা। তুমি শীঘ্র আসচো তো?

এড। নিশ্চয়। আমাকে তোমার সহায় বলে জেনো।

[এড্‌গারের প্রস্থান]

কান্‌পাংলা বাঁপ, আর উদার ভাই! এমন সুন্দর যার স্বভাব, কাকেও যে সন্দেহ বা অবিশ্বাস করে না, যার স্বভাবের উপর নির্ভর করে আমার আজ দিব্যি আরামে দিন কাটছে—আমি বেশ বৃদ্ধিতে পেরেছি, জন্ম লাভ করে যা পাই নি, বৃদ্ধি-বলে আমি তা আয়ত্ত করবো।

[প্রস্থান]

## তৃতীয় দৃশ্য

এলবেণীর গৃহ

(গনৈরিল ও ভৃত্যের প্রবেশ)

গনে। বাবা কি তাঁর বয়সকে ধম্কাবার জন্ত আমার চাকরকে মেরেছেন?

ভৃত্য। হাঁ, রাণী-মা।

গনে। দিন-রাত আমায় জ্বালাতন করতেন! প্রতি-মুহূর্ত্তে একটা না একটা অপরাধ করে আমাদের সব কাজে রক্তাট বাধিয়ে তোলেন। এ আমি সহ্য করবো না। তাঁর সভাসদদের নিয়ে জটলা করবেন, আর সামান্য

ছলছুতো ধরে দেবেন আমাদের দোষ। শীকার থেকে তিনি ফিরে এলে আমি তাঁর সঙ্গে কথা কইবো না। বলো, আমার অস্বস্থ করেছে। আর আগেকার মত যদি...অর্থাৎ তোমার কাজে যদি অবহেলা দেখাও—তাহলে ভালোই হবে। যদি তিনি দোষ ধরেন, আমি তার জবাব দেবো।

ভৃত্য। ঐ তিনি আসছেন রাণী-মা। ঐ ভেরী বাজে। (ভেরী-মিনাদ)

গনে। তুমি আর অল্প দাস-দাসীরা তাঁর কাজে খুব ব্যাজার-ভাব দেখিয়ে। তাঁকে আমি জানাতে চাই, এখানে আমার ব্যবস্থা যদি তাঁর পছন্দ না হয়, তিনি যেন মেজো-বোনের কাছে যান। তাঁর মনের ভাব আমি বেশ জানি। আমার কিম্বা মেজ বোনের কাছে তাঁর অত আধিপত্য আর চলবে না। বুড়ো হয়েছেন—বুদ্ধি লোপ পেয়েছে—তবু এখনও সাধ, কর্তৃত্ব করবেন! আমি ঠিক বলতে পারি, বোকা বুড়োরা ঠিক ছোট ছেলেদের মত—যখন বেগড়ায়, তখন ধমকে আর আদরে তাদের বাগে রাখতে হয়। যা বললম, যেন মনে থাকে।

ভৃত্য। যে আজ্ঞে রাণী-মা।

গনে। তাঁর সভাসদদের সঙ্গেও ভালো ব্যবহার করার দরকার নেই। সে জন্ত ভয় নেই। তোমার সঙ্গীদের এই কথা বলে দেবে,—এই নিয়েই আমি সব কথা তুলবো,—মেজোকেও এখনি চিঠি লিখে আমার মত এমনি ব্যবহার করুতে পরামর্শ দেবো।...খাওয়ার আয়োজন করো গে।

[প্রস্থান]

## চতুর্থ দৃশ্য

দর-দালাল

(ছদ্মবেশী কেণ্টের প্রবেশ)

কেণ্ট। আমার গলার আসল স্বরটুকু যদি বদলাতে পারি, সেই সঙ্গে সাধু-ইচ্ছাটুকু কথার পালিশে গোপন করতে পারি, তবেই ছদ্মবেশ সার্থক হবে। নির্বাসিত কেণ্ট! তোমায় নির্বাসিত করেছেন! যদি তাঁর উপকার তুমি করুতে পারো, তা হলেই তোমার প্রাণের প্রভু—যাকে তুমি

আন্তরিক ভালোবাস,—তোমায় প্রভুভক্ত দাস  
বলে চিনতে পারিবেন।

(ভেরী-ধ্বনি)

(লীয়ার, সভাসদগণ এবং অহুচরবর্গের প্রবেশ)

লীয়ার। আমি আহারের জন্ত এক মুহূর্ত অপেক্ষা  
করবো না,—শীঘ্র সব প্রস্তুত করো।

[ একজন ভূত্যের প্রস্থান

তুমি কে ?

কেণ্ট। মাহুয।

লীয়ার। তুমি কি করো ? এখানে প্রয়োজন ?

কেণ্ট। আজ্ঞে, বাহিরে আমায় যেমন দেখছেন, কাজেও  
আমি তাই। অর্থাৎ যিনি আমাকে বিশ্বাস  
করেন, তাঁর কাজে আমি প্রাণ পণ করি। যিনি  
সভাপ্রিয়, তাঁকে আমি ভালোবাসি ; যিনি জ্ঞানী,  
যিনি অল্প কথা কন, তাঁর সঙ্গে শুধু কথাবার্তা  
কই। শান্তিকে চিরদিন ভয় করি,—যখন নিরুপায়  
হই, তখনই শুধু আমি অস্ত্র ধরি।

লীয়ার। কে তুমি ?

কেণ্ট। সাদাসিধে লোক মশায়—আর মহারাজের  
মতই গরীব।

লীয়ার। রাজা হয়ে তিনি যেমন গরীব, প্রজা হয়ে  
তুমি যদি তেমন গরীব হও, তাহলে নিশ্চয়  
তুমি খুবই গরীব। তা, তুমি কি চাও ?

কেণ্ট। আজ্ঞে, কাজ করতে চাই।

লীয়ার। কার কাছে কাজ করবে ?

কেণ্ট। মশায়ের কাছে।

লীয়ার। আমাকে তুমি চেনো ?

কেণ্ট। না মশায়, তবে আপনার মুখে প্রভুত্বের  
লক্ষণ দেখছি। আপনাকে প্রভু বলতে ইচ্ছা

লীয়ার। কি লক্ষণ দেখচো ?

কেণ্ট। আজ্ঞে, রাজ-লক্ষণ।

লীয়ার। কি কাজ তুমি জানো ?

কেণ্ট। আজ্ঞে মশায়, আমি খুব সংপরাশর্ষ দিতে  
পারি,—বোড়ায় চড়তে পারি, দৌড়তে পারি,  
অজুত গল্প বলবার মুখে মাটি করে দিতে পারি,—  
খবর দিতে হলে এক-রকম করে তাও দিয়ে  
আসতে পারি। মোট কথা, সবাই যা করতে পারে,  
আমিও তা পারি। অর্থাৎ খুব খাটতে পারি।

লীয়ার। তোমার বয়স কত ?

কেণ্ট। আজ্ঞে, তা, বয়স এমন অল্প ভাববেন না যে

কোনো সুন্দরীর মধুর স্বরে মোহাচ্ছন্ন হবো।  
আবার এমন বুড়োও হইনি যে সুন্দরীর প্রতি  
হাব-ভাবে একেবারে বিভোর হয়ে যাবো।  
অর্থাৎ আমার পিঠে এখন আটচল্লিশ বছর ভা  
করেছে।

লীয়ার। বেশ! আমার সঙ্গে তুমি থাকো। আমার  
কাছে কাজ করতে যদি আহারের পর অনিচ্ছ  
না হয়, তোমাকে আমি আমার কাছেই  
রাখবো। খাবার নিয়ে এস। আমার বয়স  
কোথায় ? যাও, আমার বয়সকে ডেকে আনো।

( অস্ওয়াল্ডের প্রবেশ )

কোথায় যাচ্ছে দেওয়ান-মশাই ? আমার কত  
কড়িলিয়া কোথায় ?

অস্। আজ্ঞে...

[ প্রস্থান

লীয়ার। কি বলে,—ও গাথাটাকে ফেরাও তো  
আমার বয়স কোথায় ? সবাই মরেছে ন  
কি ? কি রকম ! কোথায় সে হতভাগা ?  
সভা। আজ্ঞে প্রভু, ও বলছে, আপনার কত  
শরীর অসুস্থ।

লীয়ার। নফর বেটাকে ডাকলেম, তা ফিরে  
তাকালো না ! এর মানে ?

সভা। আমাকে পষ্ট জবাব দিলে মশায় যে, “  
শুনবে না।

লীয়ার। শুনবে না !

সভা। না প্রভু ! জানি না, কি হয়েছে,—  
আমার বিশ্বাস, আগের মত আর মহারাজের  
আদর-অভ্যর্থনা বা সেবা-পরিচর্যা হচ্ছে না।  
যন্ত্রের খুব ত্রুটি দেখছি। চাকর-বাকর, আপনার  
জামাই-মেয়ে—সকলেরই দেখছি এক ভাব।

লীয়ার। বলো কি !

সভা। আজ্ঞে, আমার ভুল হলে মাপ করবেন  
আমার প্রার্থনা, মহারাজের অমর্যাদা দেখতে  
কর্তব্যামুরোধে সে কথা আমাকে বলতেই হবে।

লীয়ার। তোমার কথা শুনে আমার বিশ্বাস আরও  
বাড়লো,—ইদানীং আমিও যেন তাক্কল্য-ভা  
লক্ষ্য করছি,—আমার খুঁৎখুঁতে স্বভাব বলো  
মনে করছিলাম ! কিন্তু একথা ভাবিনি যে এর  
মধ্যে অভিসন্ধি আছে ! হুঁ, বিশেষ করে দেখতে  
হবে। আমার বয়স কোথা গেল ? তাহলে  
আমি ছুদিন দেখি নি।

সভা। আমাদের ছোট-মা ফ্রান্সে যাওয়া  
সে যেন একেবারে শুকিয়ে গেছে।

লীয়ার। সে কথার প্রয়োজন নেই। যা দেখবার, আমিও দেখছি। যাও, আমার কত্নাকে বলোগে, তার সঙ্গে আমি কথা কইতে চাই। আর আমার বয়সকে ডাকো।

(অস্ওয়াল্ডের পুনঃপ্রবেশ)

মশায়, মশায়, এ দিকে আসুন। আমাকে চিন্তে পারেন?

অস্। ও! আমাদের রাণী-মার বাবা-মশায়!

লীয়ার। রাণী-মার বাবা! রাজার দাস! বে-জন্মা কুকুর! ক্রীতদাস!

যাজ্ঞে, ও রকম কথা আমার বলবেন না, মশায়।

লীয়ার। বদমায়েস, আমার সঙ্গে সমানে উত্তর দিস্! (প্রহার)

অস্। আজ্ঞে, আমার গায়ে হাত দেবেন না, মশায়।  
কেণ্ট। গায়ে হাত কি! তোর পা ধরে উল্টে দেবো। (উল্টাইয়া দিলেন)

লীয়ার। বাঃ! বেশ কাজ করেছে,—বেশ! তোমায় আমি মাথায় করে রাখবো।

কেণ্ট। উঠে আস্তে আস্তে পালা। চাকরে-মনিবে কত তফাৎ, তাকে হাড়ে হাড়ে সে শিক্ষা দেবো।  
পালা—পালা! ফের যদি দড়াম করে পড়বার ইচ্ছা না থাকে আর ঘটে যদি বুদ্ধি থাকে তো পালা!

(ধাক্কা দিয়া অস্ওয়াল্ডকে দূরীকরণ)

লীয়ার। বেশ করেছে! তোমার পুরস্কার নাও।  
• (পুরস্কার দান)

(বয়স্কের প্রবেশ)

বয়স্ক। একেও দলে নেওয়া যাক্।—পরে। বাপধন মাথায় আমার এই গাধার টুপি।

(কেণ্টকে টুপি দিল)

লীয়ার। খবর কি?

বয়স্ক। আজ্ঞে মশায়, আপনার মাথার ঐ টুপিটা দিলেই ভালো হতো।

কেণ্ট। কেন রে বোকা?

কেন? মানে, যার সময় মন্দ, তার সঙ্গে যোগ দিলেই আজকালকার দিনে মানুষ বোকা হয়। জল উঁচু না বলতে পারলেই মুস্তিল,—অমনি বেগুড়ালেন। আর বাইরে বসে করো তুমি

ঠাণ্ডা ভোগ! এই আমার টুপি নাও। এ টুপি তোমার মাথায় মাজবে ভালো। ছুটি কত্নাকে তাড়িয়েছেন, আর একটিকে ভুলে আশীর্বাদ করে ফেলেছেন। বললেন, তুমি যদি এঁর সঙ্গে থাকো তোমাকে গাধার টুপি পরতে হবে—কি বলো খুড়ো? তাই ভাবি, আমার যদি ছোটো টুপি থাকতো, আর ছুটি কত্না...

লীয়ার। কেন? তা হলে কি হতো?

বয়স্ক। ছুটি মেয়েকে বিষয়-সম্পত্তি যথাসর্বস্ব দিয়ে, গাধার টুপি ছুটি নিয়ে আমি থাকতাম! এই একটা টুপি আছে। নাও এটি! আর একটা তোমার মেয়ের কাছ থেকে ভিক্ষা মেগে নিয়ে।

লীয়ার। চাবুক ভুলে গেছি—না?

বয়স্ক। আছে, জগতে সত্য বলে যে একটি জিনিষ আছে, সে হলো কুকুর; তার গর্তে থাকা ভালো! তাকে চাবুকে বার করতে হবে, কিন্তু কুকুর-গৃহিণী মহা আদরে আগুনের কাছ থেকে সারা ভুবন গন্ধে ভরিয়ে তুলবেন।

লীয়ার। ওঃ বিধ! বিধ!

বয়স্ক। খুড়ো, আমি তোমাকে বক্তৃতা শোনাবো।

লীয়ার। শোনাও।

বয়স্ক। তবে ইয়াদ রাখো খুড়ো—

থাকে যেন বেশী, বাইরে যা দেখাও;  
জানো যত, তার চেয়ে কম কথা কও;  
আছে যত, তার চেয়ে কম ধার দিও;  
হাঁটবার চেয়ে বেশী দূর ঘোড়ায় চেপে যেও;  
শেখো বেশী যত বিশ্বাস তার কর আর না কর;  
বাজী রেখো কম, তবে বেশী পাশা ছাড়;  
বেশী তোমার থাকবে তেমন;

হৃদয় চেয়ে কুড়ি যেমন।

লীয়ার। কিছু হলো না রে বোকা।

বয়স্ক। তবে এ মিনি-পরসায় উকিলের বক্তৃতা হলো! তুমি তো আর কী দাও নি খুড়ো! কিছু নয় থেকে, কি কিছু বার করতে পারো না?

লীয়ার। না। ফাঁকা আওয়াজে কাজ হয় না, বাপু।

বয়স্ক। (কেণ্টের প্রতি) বলে দিন তো মশায়, ওঁর এত জমি-জায়গা আছে, তার কত খাজনা উনি পান? সব শুল্টি। হঃ, বোকার কথা কে বা বিশ্বাস করে!

লীয়ার। এঁকে বোকা।

বয়স্ক। আচ্ছা, বলো দিকি, এঁকে বোকা, আর সরল বোকায় তফাৎ কি?

লীয়ার। জানি না। বলো।

বয়স্তু। যে তোমায় শেখালে রাজা রাজত্ব

ছাড়িতে,—

বসাও তারে আমার পাশে,

না হয় তুমিও পারো বসিতে।

নিরেট বোকা আর সরল বোকা—

রাজা এখনি পাবে দেখিতে—

একটি তার বাউল সেজে আছে এখানে,—

আর একটি—এই যে সবাই পাচ্ছেন দেখিতে।

লীয়ার। তুমি আমায় বোকা বলচো?

বয়স্তু। বলি রাজা, আর-আর খেতাব সবই তো

দান করেছ, এখন বাকী আছে শুধু একটি।

কেণ্ট। প্রভু, এ বোকা নয়।

বয়স্তু। কি করে বোকা হবো, বলো? আমীর-

ওমরারা কি আমায় বোকা হতে দেবে!

যদি একচেটে বোকার ব্যবসা চালাই, অমনি

বড় লোকগুলো দোকান খুলে হবেন তার

অংশীদার। মেয়ে-জাতটাও ফেলা যায় না

মশাই। তারাও ছেড়ে কথা কয় না! যেখানে

বোকা, সেইখানেই তাঁরা হাত বাড়ান।

খুড়ো, একটি ডিম দাও দিকি বাবা, আমি

তোমায় ছটো মুকুট দেবো।

লীয়ার। কি রকম ছটো মুকুট?

বয়স্তু। কেন, ডিম ছটির শাঁস খেয়ে ফেলবো

আর খোলা ছটি হবে দুই মুকুট! যখন তোমার

রাজ-মুকুটখানি ছ'ভাগ করে দুজনকে দিলে,

তোমাকেই কাদার উপর দিয়ে তোমার গাধা

বইতে হলো, গাধার পিঠে আর তোমার চড়া

হলো না। তোমার ঐ টেকে মাথার খুলিতে

কিছু বুদ্ধি নেই বাবা! থাকলে সোনার মাথার

খুলি, তোমার সেই মুকুটটি দান করতে না!

যদি বোকার মত কথা না কয়ে থাকি, তো

চাবুক লাগাও।

কখনও বোকার দাম এত কমে নাকো;

বুদ্ধিমান হলে বোকা—বোকা বাঁচে নাকো!

তাদের যা বুদ্ধি-শুদ্ধি লোপ পেয়ে গেছে,

কোমর বেঁধে বোকার দলে তারা মিশেছে।

লীয়ার। কতদিন থেকে এমন কবি হয়েছ?

বয়স্তু। যে দিন থেকে খুড়ো, তুমি তোমার মেয়েদের

মাঠাকরুণ বানিয়েছ!

তাদের হাতে দিলে চাবুক

পিঠের কাপড় তুলে,

সুখের চোটে কেঁদে তাদের চক্ষু গেল ফুলে!

দেখে আমি পরাণ-ভরে গাইছি তাদের সনে।

রাজা যখন খেলা করে কচি খোকা বোনে,

বোকা তখন কোমর বেঁধে চেঁচায় আপন-মনে।

খুড়ো, একটা কাজ করো বাবা—

একটা মাষ্টার রাখো,—

তোমার ভাঁড়কে মিথ্যে কথা শেখাবে। মিথ্যে

কথা শিখতে আমার বড় সাধ হয়েছে।

লীয়ার। মিথ্যা কথা বললে চাবুক লাগাবো।

বয়স্তু। বুঝতে পারলেম না বাবা মনের ভাব।

তুমি আর তোমার মেয়েগুলি কি ধাতে তৈরী,

বুঝলেম না। সত্য বললে তারা চাবুক লাগাবে—

আর মিথ্যে বললে তুমি দেবে চাবুক! চুপ করে

থাকলেও নিস্তার নেই। যা হয় একটা কিছু

হবে, আর বোকা বনুচি না! যাই হই মোদ্দা,

তা বলে খুড়ো তোমার মত হবো না। তোমার

বুদ্ধি ছাড়া ভাগ করেছো, মাঝে আর কিছু

নেই, বাবা। এই নাও, তোমার বুদ্ধির এক

ভাগ যিনি পেয়েছেন, তিনি আসছেন।

(গনেরিলের প্রবেশ)

লীয়ার। কি মা? কপালে কাপড় বেঁধেছ কেন?

রাগে কুঞ্চিত-কপোল হয়েছিলে?

বয়স্তু। তখন তোমার সময় ভালো ছিল খুড়ো, যখন

মেয়েদের চোখ-রাঙানির তোয়াক্কা রাখতে না!

এখন খুড়ো, তুমি বেবাক শৃঙ্গি—অঙ্কশাস্ত্রের

ভূয়ো শৃঙ্গি—নিজের যার কোনো দাম নেই!

আমিও তোমার চেয়ে ভালো—আমি তবু

বোকা। তুমি কি নও? আচ্ছা, এখন চেপে

যাই। (গনেরিলের প্রতি)

কিছু নাই যার,

বড় দরকার তার—

এই দেখ খোলা-সার।

গনে। শুনহ রাজন, তব বয়স্তু-বচন নাহি গণি—

বচনে তাহার আছে অধিকার।

আর যত সভাসদ, দিবারাতি বিবাদে মগন;

সকল কার্যে ধরে দোষ,

মর্যাদা নাশিয়া বাদ-বিসম্বাদে রত;

মনেতে আছিল—জানায় তোমারে,

এ সবার প্রতিকার পাইব নিশ্চিত।

কিন্তু তব বাক্য আর কার্য হেরি,

সে বিশ্বাস ঘুটিয়াছে।

এ সবার নায়ক সে তুমি,

উৎসাহে মাথাও সব অহুমতি-দানে;

অজ্ঞ ভাব হলে তব

শান্তি সবে পেতো সমুচিত—যুচিত অঞ্জাল  
রাজত্বের শুভাশুভ গণি  
প্রতিকার উচিত ইহার।  
হই যদি অপরাধী তার—  
রাজ্যরক্ষা-হেতু তাহা করিব নিশ্চিত।

বয়স্ক। খুড়ো, এ সব খাশা হচ্ছে, বাবা!  
কাকের বাসায় কোকিল বাড়িতে থাকে—  
বড় হয়ে সে কোকিল তাড়াইল কাকে।  
বিষয়-সম্পত্তি সাথে গেজ আশা-ভাষা—  
এবারে শুকায়ে তুমি খুড়ো হও খাশা!  
লীয়ার। তুই কি তনয়া মোর?  
গনে। স্থির হও। আগে তোমার যেমন  
ছিল, যেমন ভাবে থাকতে, তেমনি থাকো!  
এ হুবুন্ধি ত্যাগ করো।

বয়স্ক। আচ্ছা, গাড়ী যখন ঘোড়া টানে, তখন  
গাধা কিছু টের পায় না? হেট-হেট বাবা, হেট।  
লীয়ার। বলতে পারো, আমি কে? কেন আমি  
আর লীয়ার নই? লীয়ারের চলন কি এমনি?  
তার ভাষা এমনি? লীয়ারের চক্ষু আজ অন্ধ,  
তার জ্ঞান লোপ পেয়েছে! না হয়, বিবেচনা-  
শক্তি নষ্ট হয়েছে! আমি জেগে আছি? না,  
ঘুমোচ্ছি? না, এমন হতে পারো না।—কে?  
কে? কে আমার বলতে পারে, আমি কে?  
বয়স্ক। তুমি রাজা লীয়ারের ছায়া! আর কিছু  
নও।

লীয়ার। আমি জানতে চাই, আমার রাজ-লক্ষণের  
বলে—বুদ্ধি কিষা জ্ঞানে অনুভূত হয় যে, রাজা  
লীয়ার আছে; তার কথা আছে। সম্প্রতি  
যে ব্যবহার পেয়েছি, তাতে কিছুই বিশ্বাস হচ্ছে  
না।

বয়স্ক। তারা এখন বাপের ছায়াকে চায়, আজ  
মেনে চলুক।

লীয়ার। ভদ্রে তোমার নাম?  
গনে। গুনহ রাজন! হেরি এ বিষয় তব  
মনে হয়, চতুর চাতুরী খেলা খেলিছ নতুন!  
প্রার্থনা আমার, অভিপ্রায় বুঝহ নিশ্চিত,  
এ বুদ্ধ বয়সে জ্ঞান উচিত তোমার।  
শত সভাসদ আজি রেখেছ হেথায়,—  
অসৎসমী, অত্যাচারী, উদ্ধত সকলে;  
রাজগৃহ করিয়াছে সুরার বিপণি  
হীন বৃণ্য অন্ত্যজের আচরণে, দেখি।  
কামাচারী বিলাসীর দল  
মোর গৃহ  
আড়ম্বর করিয়াছে—যেন নটীর আলয়।

লজ্জা-ভরে এইক্ষণে চাহি প্রতিকার।  
কথা রাখ, যাচি আমি—  
নহে স্বহস্তে ছেদিব বাধা।  
সংখ্যায় করহ ন্যূন দল-বল তব।  
রবে যারা, কার্য্য তারা  
করিবে বুঝিয়া—তোমার বার্ক্য-মত।  
লীয়ার। কি পাপ! অশ্রম কর স্নসজ্জিত।  
ডাকো মোর সভাসদগণে,  
অতি নীচ...কন্ঠা মোর নোস্ তুই কভু!  
আমা হতে ক্লেষ আর হবে না সহিতে—  
এখনও রয়েছে অল্প তনয়া আমার।  
গনে। স্তুতো মোর করেছ প্রহার;  
অত্যাচারী সঙ্গীদল তব  
প্রভুত্ব খাটায় সবে তাদের উপর।

(এল্বেগীর প্রবেশ)

লীয়ার। হতভাগ্য সেই, অমৃত্যুতাপ করে যে পশ্চাতে।

(এল্বেগীর প্রতি)

আসিয়াছ মহাশয়, তব অভিমত প্রস্তাব ইহার,  
শুন কথা—অশ্রম কর স্নসজ্জিত।  
কৃতঘ্নতা!—পিশাচী পাষাণী তুই!  
আরো ভয়ঙ্কর কুৎসিত আকার হয়  
সম্মানে যখন তুই করিস আশ্রয়!  
সামুদ্রিক জন্তু ক্ষুদ্র তোর তুলনায়!

এল্। শান্ত হনু মহারাজ!

লীয়ার। ঘৃণিতা গৃহিণী তুই!  
মিথ্যা-বিষে রসনা পূরিত—  
সঙ্গী মোর সবে মানবের অগ্রগণ্য,—  
জ্ঞানে তারা কার্য্য বিধিমতে,  
প্রতি কার্য্যে মর্যাদা রাখিছে নিতি;  
কর্ডিলিয়ার অতি-ক্ষুদ্র অপরাধ  
ধরেছিল কুৎসিত আকার,—  
যাতনায় স্বভাবের বিচ্যুতি ঝটিল,  
ভালোবাসা করি দূর!  
লীয়ার! লীয়ার! লীয়ার!  
আঘাত হানো রে শিরে,  
হেন বিমূঢ়তা স্থান দিল যেবা—

(মন্তকে আঘাত করিয়া)

বিবেচনা করি দূর।

যাও, যাও সবে।

এল্। মহারাজ আমি নির্দোষ, আপনার ক্রোধে  
কারণ জানি না।

লীয়ার। হতে পারে, জানো না সকলি।  
 গুন গুন হে প্রকৃতি, পূজ্য দেবি,  
 গুন মোর বাণী,  
 রোধ কর অভিপ্রায় তব—  
 সন্তানের ভার যদি লিখে থাকো ভালে,  
 জঠরে বদ্ধাঙ্ক দাও ;  
 গুহ্র কর উৎপাদিকা-শক্তি সমুদয় !  
 যুগিত ও-দেহ হতে সন্তান না জনমে কখনো  
 বাড়াইতে মান ওর জননী বলিয়া !  
 সন্তান-জনম যদি না পারো রোধিতে,  
 কুসন্তানে দিক্ স্থান গর্ভেতে উহার,—  
 জীবিত থাকিতে যেন দিয়ে জলাঞ্জলি  
 মাতৃস্নেহ, মাতৃভক্তি, মাতৃ-সাধ-আশে—  
 কাঁদায় উহারে সারা দিবস-রজনী—  
 তরুণ কপোলে যেন মাখায় কালিমা !  
 দিবানিশি অশ্রুপাতে  
 গুহ্র যেন হয় ওর মুখের লালিমা—  
 মাতৃ-ক্লেশ, যত্ন-স্নেহ  
 হয় যুগ্য হয় যেন সবাকার কাছে !  
 অনুভব করে যেন ওর আশীর্বিষ  
 তীব্রতর দংশনের সম !  
 দংশিয়ে অন্তরে কৃতঘ্নতা—  
 হেন হীন সন্তান বাহার !  
 যাই, যাই !

[ প্রস্থান

এল্। হায় ভগবান, কোথা হতে ঘটিল এমন !  
 গনে। কি কাজ জানিয়া তব কারণ ইহার ?  
 বাক্ক্যের ক্রোধ, আপনিই হবে লীন।

( লীয়ারের পুনঃ-প্রবেশ )

লীয়ার। এক কথায় আমার পঞ্চাশজন সভাসদকে  
 তাড়ালে ! এক পক্ষ সময় কাটলো না !

এল্। কি হয়েছে মহারাজ ?

লীয়ার। গুনবে সকলি,

জীবন-মরণ, লজ্জা হয় চিন্তায় আমার—

( গনৈরিলের প্রতি )

মহুয়াত লজ্জা পায় আচারে তোমার !

তপ্ত অশ্রু মোর এই কপোল বহিয়া

ঝরিতেছে হীনমতি কন্ঠার কারণে।

কুজ্জটিকা ঢাকুক তোমায় !

পিতৃশোক-রাশি যেন বিদ্ধ করে তোরে—

অনুভব-শক্তি তোর

ভস্ম যেন হয় তায়।

শোক তব ইহার কারণে—

উখাড়ি নয়ন তোমা দিব বিসর্জন,

নিষ্কেপ করিব জলে এই দণ্ডে তোরে  
 কালিমাখা কর্দমে সিন্ত করিবারে।

হায়, এই ঘটিল কি শেষে !

ঘটুক ! এখনো আছে অপূর্ণ তনয়া,

মুগ্ধিমতী করুণা সে শান্তি-প্রদায়িনী ;—

গুনিলে কাহিনী তব, নথাঘাতে তোরে

খণ্ড খণ্ড করিবেক বাধিনীর সম।

দেখিবি তখন, আবার পেয়েছি

ফিরে সে পূর্ব গৌরব ;

ভাবিস, যা হারিয়েছি—দেখিবি তখন

সব...সব ফিরে পুনঃ পেয়েছি নিশ্চিত।

[ লীয়ার, কেণ্ট ও অনুচরবর্গের প্রস্থান

গনে। গুনিলে তো কথা ?

এল্। তব প্রতি প্রেম মম সমধিক,

কিন্তু হেন পক্ষপাতী হতে নারি গনৈরিল।

গনে। প্রার্থনা আমার,—ক্ষান্ত হও।

অসুওয়াল্ড কোথা ?

( বয়স্তের প্রতি ) কি মশায়, বোকার চেয়ে পাজী

তুমি বেশী—প্রভুর সঙ্গী বটে।

বয়স্ত। লীয়ার খুড়ো, লীয়ার খুড়ো, একটু দাঁড়াও

বাবা, তোমার বয়স্তটিকে সঙ্গে নাও—ফেলে

যেয়ো না।

যখন কেউ শেয়াল ধরে,

আর এমন মেয়ে থাকে ঘরে,

সে যেন ঠিক ফাঁশি-কাঠে চড়ে !

আমার টুপির বদলি নিয়ে ফাঁশি-দড়িটা মিললে—

পরে এমনি করে, এমনি করে পড়ো বাবা সরে !

[ প্রস্থান

গনে। এ লোকটার বুদ্ধি আছে ;—একশো

সভাসদ ! তাদের অস্ত্রশস্ত্রে সজ্জিত রাখা শুধু

নিরাপদের জন্ত ! কোশল ! একশো সভাসদ !

হয়তো একটা স্বপ্ন, জনরব, মিথ্যা অনুমান,

সামান্য মনোভঙ্গ—কিছু একটু ঘটলেই অমনি

ওদের জোরে নিজেকে রক্ষা করবেন ! আর

আমাদের জীবন নির্ভর করবে ওঁর দয়ার উপর।

অসুওয়াল্ড কোথায় ?

এল্। তুমি বড় বেশী ভয় পাচ্ছ।

গনে। এতখানি বিশ্বাসের চেয়ে নিরাপদে থাকা

ভালো। আমি যে ভয় করছি, সে ভয় যুঁচতে

দাও। ভয় আর আমি রাখতিনে। ওঁর মন

দাঁড়িয়ে আছে আমার পিছনে।

কথাই মেজো বোনকে লিখে পাঠিয়েছি। যখন সমুত্ত নয় বলেছি, তখন সে কিছুতেই তাঁকে তাঁর শত সভাসদগুণ্ডু তার ওখানে ঠাই দেবে না। কৈ, অসওয়াল্ড এখনও এলো না!

(অসওয়াল্ডের প্রবেশ)

সে চিঠি তুমি মেজো বোনকে পাঠিয়েছ?

অস্। হাঁ দেবি।

গনে। কজন লোক নিয়ে ঘোড়ায় চড়ে আমার মেজো বোনের কাছে গিয়ে তাঁকে আমার ভয়ের কথা খুলে বলো। বলে তার সঙ্গে তুমিও যুক্তি-পরামর্শে যা উচিত মনে করবে, বলো—যাতে তার মন আরো খারাপ হয়। যাও। আর শীঘ্র ফিরে এসো।

[প্রস্থান

না, না, প্রভু, যদিও নিন্দা করি না, তবু এমন সৌজন্ত আর কোমল আচরণ তোমার সাজে না। মন তোমার নরম—সেজন্ত সকলে সুখ্যাতি করে; কিন্তু বুদ্ধিও তোমার এত কম যে সেজন্ত তোমার শাসন দরকার।

এল। কতদূর দৃষ্টি তব পারি না বলিতে,—

কুশল বিনাশি মোরী সফল লভিতে।

গনে। না, তবে...

এস। দেখা যাক, কি হয়।

[প্রস্থান

## পঞ্চম দৃশ্য

এলবেগীর গৃহ—অলিন্দ

(লীয়ার, কেন্ট ও বয়স্তের প্রবেশ)

লীয়ার। এই পত্রখানি তুমি শীঘ্র গুপ্ত-অধিপতির কাছে নিয়ে যাও। আমার কণ্ঠকে কোন কথা বলবার প্রয়োজন নেই। তবে পত্র পড়ে যদি কোন কথা জিজ্ঞাসা করে, জবাব দিয়ো। যদি শীঘ্র না যেতে পারো, তোমার আগে আমি গিয়ে পৌঁছবো।

কেন্ট। আপনার পত্র যতক্ষণ না যথাস্থানে পৌঁছে দিতে পারি, ততক্ষণ আমার নিদ্রা হবে না প্রভু।

\_\_\_\_\_। প্রস্থান

বয়স্ত। খুড়ো, কারও মগজ যদি পায়ের গোড়ালিতে থাকতো, তা হলে মগজে ধরতো আঙুন-বাত—হাঁ কি না, বলো দিকি?

লীয়ার। হাঁ।

বয়স্ত। ফুর্টি করো, খুড়ো, ফুর্টি করো—তোমার বুদ্ধি ঢাকা পড়েছে।

লীয়ার। হাঃ হাঃ হাঃ।

বয়স্ত। তোমার অল্প কণ্ঠাটিক ঠিক এই রকম ব্যবহার করবে। এ মেয়েটি নোনা, সেটি আতা,—যা মুখে আসে, আমি তাই বলে ফেল—এই আমার মন্ত দোষ।

লীয়ার। কি বলচো?

বয়স্ত। বলছি, দুজনেই এক ছাঁচে ঢালা। বলতে পারো খুড়ো, আমাদের মুখের মাঝামাঝি এই নাকটা কেন আছে?

লীয়ার। না।

বয়স্ত। নাকের উপরে ছুটি চোখ থাকবার জ্ঞাত। মানুষ চোখে যা দেখতে পায় না, গন্ধে সেটুকু জেনে নেয়।

লীয়ার। আমি তার প্রতি ভ্রূব্যবহার করেছি।

বয়স্ত। আচ্ছা, বল দেখি, ঝিনুক কি করে গায়ের খোলা তৈরি করে?

লীয়ার। জানি না।

বয়স্ত। আমিও জানি না। তবে শামুকের খোলা আছে কেন, বলতে পারি।

লীয়ার। কেন?

বয়স্ত। মাথা রাখবার জ্ঞাত। শামুক এমন বোকা নয় যে, খোলাটি মেয়েদের দ্বিগ্নে মিজে শেষে মাথা রাখবার জায়গা পাবে না!

। স্বভাবের বিকৃতি ঘটলো! এমন স্নেহময় পিতা!...আমার ঘোড়া তোয়ের?

জ্ঞ। তোমার গাথা-চাকরগুলো ঘোড়ার খোঁজে গেছে। সাতভাই চাপা—সাতটির বেশী নয় কেন—জানো? সে ভারী মজার কথা।

লীয়ার। বটে! আট ভাই নয় বলেই সাত ভাই।

বয়স্ত। ঠিক বলেছ। তুমিও একজন পাকা বিদুষক হবে একদিন।

লীয়ার। হঁ! প্রতিগ্রহ!—কিন্তু বিষম অকৃতজ্ঞতা!

বয়স্ত। তুমি যদি আমার বয়স্ত হতে খুড়ো, তা হলে এত কম বয়সে বুড়ে হয়েছ বলে তোমাকে আমি চাবুক লাগাতেম।

লীয়ার। কি রকম?

বয়স্ত। আক্কেল জন্মাবার আগে তোমার বুড়ে হওয়া উচিত হয় নি।



লীয়ার। ওঃ! আমাকে পাগল করো না, ভগবান!  
শান্তি দাও,—শান্তি! আমার স্বভাবকে রক্ষা কর।  
উন্মাদ হতে আমার বাসনা নেই।

(জনৈক ভদ্রলোকের প্রবেশ)

অথ প্রস্তুত?

ভদ্র। প্রস্তুত, মহারাজ।

লীয়ার। এসো।

বয়স্ক। কুমারীরা হাসছে ভারী—যাচ্ছি আমি দেখে,  
চিরকুমারী থাকবে না কো কালে যদি রাখে।

[প্রস্থান]

## তায় অন্ধ

### প্রথম দৃশ্য

গ্লষ্টরের দুর্গ-কক্ষ

(এডমণ্ড ও কিউরানের পরস্পর সাক্ষাৎ)

এড। কল্যাণ হোক!

কিউ। মশায়ের প্রীতি হোক! আপনার পিতার  
সঙ্গে আমি সাক্ষাৎ করেছি। কর্ণওয়াল-অধি-  
পতি আর তাঁর পত্নী রীগান, রাত্রে তাঁর  
বাড়ীতে থাকবেন,—সে কথাও জানিয়েছি।

এড। এত কেন?

কিউ। তা আমি জানি না মশায়। বোধ হয়, খবর  
সব শুনেছেন। আমি শুজবের কথা বলছি।  
মানে, প্রকাশ্যে কেউ কোনো কথা কইতে সাহস  
করছে না।

এড। কৈ, আমি তো কিছুই গুনি নি। কি খবর—  
বলো দেখি?

কেউ। কর্ণওয়াল আর এলবেণী—হু' রাজ্য যুদ্ধ  
বাধবার জোগাড় হচ্ছে।

এড। আমি কিছুই জানি না।

কিউ। সময়ে জানতে পারবেন। তাহলে আসি।

[প্রস্থান]

এড। কর্ণওয়াল-অধিপতি আজ রাত্রে এখানে  
আসবেন। ভালো! ভালো! আমার অভিপ্রায়  
শুদ্ধ হবার পথ তাহলে পরিষ্কার হচ্ছে। ভাইকে  
পাহারা দেবার জন্ত পিতা প্রহরী নিযুক্ত করে-  
ছেন। আমার একটা সমস্তার সমাধান করতে  
হবে। অর্থাৎ ভাগ্যে নির্ভর রেখে কাজ কর্তে  
হবে! হ্যাঁ, একটা কথা আছে ভাই। একবার

(এডগারের প্রবেশ)

রক্ষী আছে পিতার আদেশে।

পরিভাগ করো এই স্থান।

গোপন-আবাস তব হয়েছে প্রকাশ।

রজনীর অন্ধকারে কর পলায়ন।

কর্ণওয়াল-প্রতিকূলে করেছিলে কথা?

রাত্রে আসিছেন তিনি রীগান-সংহতি।

এলবেণীর সহ তাঁর সময়ের কথা

কর নাই আলোচনা? দেখহ বিচারি।

এড। কভু কহি নাই হেন।

এড। পিতাও আসেন, গুনি। ক্ষমা করো মোরে।

চাতুরীর ছলে আমি ধরি তরবারি

তব বক্ষ লক্ষ্য করি! ধরো অস্ত্র তুমি—

আত্মরক্ষা লাগি কর কোশল তুমিও;

মানো পরাভব। লয়ে যাই পিতৃ-পাশে।

আলো! আলো! আলো!

করো পলায়ন।

আলো—আলো—আলো লয়ে এসো হেথা।

[এডগারের পলায়ন]

রক্ত-চিহ্ন চাহি কিছু প্রত্যয়ের লাগি।

(হস্ত বিক্ষত করিয়া)

ক্রীড়াচ্ছিল মৃগপায়ীগণে

এ হতে বিষম কাণ্ড বহ দেখিয়াছি!

পিতা! পিতা! থামো! থামো!

কেহ নাই রক্ষিতে আমার?

(গ্লষ্টর এবং আলোক হস্তে ভূত্যাগণের প্রবেশ)

গ্লষ্টর। এডমণ্ড!...কোথা সে দুর্জন?

এড। অন্ধকারে ছিল সে দাঁড়য়ে,

হাতে তীক্ষ্ণ তরবারি!

ডাকিনীর মস্ত করি উচ্চারণ

সহায়-কারণে আহ্বানিয়া চন্দ্রমারে—

ভাগ্য দেবী তার...

গ্লষ্টর। গেল কোথা?

এড। রক্তাক্ত শরীর মম জাখো মহাশয়।

গ্লষ্টর। কোথা গেল পাপিষ্ঠ দুর্জন?

এড। পলাইয়া গেছে, যবে বিফল বাসনা!

গ্লষ্টর। অহসর তারে,—ধাও তাহার পিছনে।

[ভূত্যের প্রস্থান]

বিফল বাসনা কিসে?

এড। বিফল বাসনা তার—

প্রভুর নিধনে মোরে প্রেরোচিত করা!

কহিল তাহারে, পিতৃবাণী-শিরে

কহিছ আবার কত শ্বেহের বচন—  
সন্তান সে থাকে বাঁধা পিতার সহিত !  
গুন প্রভু, হেরি মন্দ অভিপ্রায় তার  
কর্ণপাত নাহি করি কভু,  
ধরি তরবারি করে,—আক্রমিল মোরে,  
অরক্ষিত বাহুতে সে করিল আঘাত ।  
সত্য সে বিরোধ যবে,  
সাহসে হৃদয় মোর উঠিল নাচিয়া,  
হুম্র আশ্রয়ান—  
হেরি তাই, কিম্বা হয়ে ভীত,  
আশ্রয়ের তরে যবে ডাকিছ সবারে,  
গেল পলাইয়া ।

মষ্টর । যাক ! যাক ! দূরে যাক পলায়ে দুর্জন !  
হেথায় রহিলে বন্দী হবে স্তূনিশ্চিত ।  
বন্দী হলে সর্বনাশ !  
প্রভু মোর সমুদার নরপাল  
অস্ত্র রাখে আসেন হেথায় ।  
তাহার আদেশে জানাবো সবারে—  
যে তাহারে—হত্যাকারী-হীনে  
বন্দী করি আনিবে আমার কাছে—  
পাবে সাধু-বাদ ।

এড । হেরি দৃঢ় সঙ্কল্প তাহার,  
অভিপ্রায় রোধিবারে  
ক্লান্ত ভাবে কহিলাম—করিব প্রকাশ  
তব দৃষ্ট অভিসন্ধি । করিল উত্তর,—  
সম্পত্তি-বিহীন তুই নটীর সন্তান,—  
মনে তোর এ বিশ্বাস—আমি বাম হলে  
তোর বাক্য সত্য বলি করিবে প্রত্যয় ?  
যুচ তুই, তাই তোর এমন ধারণা !  
আমি যদি জানাই সবারে (জানাবো, হইলে বাদী)  
তোর অভিমত আর সকল কৌশল,  
আমার মরণে তোর সমধিক লাভ,  
সেই লোভে মোর প্রতি এমন আচার !  
এ কথায় প্রত্যয় না করিলে সকলে  
নির্বোধ বৃথিব সবাই ।

মষ্টর । অতীব দুর্জন !  
এ পত্র সে অস্বীকার করিবে কেমনে ?  
পুত্র মম নহেক কখনো—

( ভেরী-নিদাদ )

ভেরী-নাদ হচ্ছে । জানি না, তাঁর আসবার  
কারণ কি । সমস্ত বন্দর আমি বন্ধ করে দেবো,  
বদমায়েস পালাতে পারবে না ; কর্ণওয়াল-  
অরিপতি নিশ্চয় আমার অনুরোধ রক্ষা করবেন ।

তার পরিচয় জানবে । তুমি আমার অমুগত ;  
জারজ হলেও আমার সম্পত্তির অধিকারী ।  
তোমাকে যোগ্য করে তুলতে আমার চেষ্টার  
কৃটি ঘটবে না ।

( কর্ণওয়াল, রীগান ও ভৃত্যগণের প্রবেশ )

কর্ণ । উদার-চরিত বন্ধু, সংবাদ কি ? এখানে এসে  
আমি বড় অদ্ভুত খবর শুনলেম ।

রীগান । যদি সত্য হয়, তার যথোচিত শাস্তি দেওয়া  
বড় কঠিন । আপনি কেমন আছেন ?

মষ্টর । রাজি, বৃদ্ধ বয়সে আমার হৃদয় একেবারে  
ভেঙ্গে গেছে ।

রীগান । আমার পিতার ধর্মপুত্র আপনার জীবন-  
হানি করবার চেষ্টা করেছিল ? পিতা যার নাম  
রেখেছিলেন, আপনার এডগার ?

মষ্টর । রাজি, লজ্জায় আমার মুখে বাক্য সরচে না ।

রীগান । আমার পিতার অসংখ্যমী পার্শ্বচরদের সঙ্গে  
সে ছিল না ?

মষ্টর । তা জানি না । তবে কাজ খুবই গহিত ।

এড । হাঁ রাজি ।

রীগান । তার হৃদয় যে কলুষিত হবে, তাতে আশ্চর্য্য  
কি ! ওরাই তাকে বৃদ্ধের হত্যার স্তম্ভ উত্তেজিত  
করেছে তার বিষয়-সম্পত্তি ভোগ করবে বলে ।  
আজ ভয়ীর পক্ষে সমস্ত খবর পেয়ে আমি সতর্ক  
হয়েছি । যদি তারা আসে, আমার দেখা  
পাবে না ।

কর্ণ । আমারও দেখা পাবে না । এডমণ্ড, শুনলেম,  
তুমি পিতার প্রতি পুত্রের উপযুক্ত কার্য্য করেছ ।

এড । আমার কর্তব্য আমি পালন করেছি মাত্র ।

মষ্টর । এ তার দৃষ্ট অভিপ্রায় প্রকাশ করে দিয়েছে  
এবং তাকে ধরতে গিয়ে জখম হয়েছে ।

কর্ণ । তার পিছনে লোক গিয়েছে ?

মষ্টর । হাঁ প্রভু !

কর্ণ । যদি সে ধরা পড়ে, তাহলে তার কাছে থেকে  
আর কোনো অনিষ্ট হবার আশঙ্কা নেই । তুমি  
মনকে স্থির করো—আমার শক্তিতে অচিরে সে  
সঙ্কল্প সিদ্ধ হবে । এডমণ্ড, তোমার নিজের  
ওপে তোমার উন্নতি হবে—তুমি আমাদের সঙ্গে  
থাকো ; তোমার মত বিশ্বাসী লোকের প্রয়োজন  
আছে । তোমাকে আমরা প্রথমেই গ্রহণ  
করলেম ।

এড । আমি আপনার সেবার ভার গ্রহণ করলেম ।

আর কিছু না পারি, পরম বিশ্বাসে সেবা করবো ।

মষ্টর । সে স্তম্ভ আপনাকে বহু

কর্ণ। তুমি জানো না, কেন আমরা তোমার কাছে এসেছি...

রীগান। এমন অসময়ে অন্ধকার রাত্রে সদাশয় গ্লষ্টর, কোনো প্রয়োজনীয় ব্যাপারে তোমার পরামর্শ নিতে এসেছি। আমাদের পিতা এবং ভগ্নী—উভয়ে পরস্পরের মনোবিবাদের বিষয় পত্রে লিখেছেন। গৃহ ত্যাগ করে এসে আমরা সে পত্রের উত্তর দিচ্ছি। দূতেরা সে সমাচার বহন করবে। আমাদের সদাশয় বৃদ্ধ বন্ধু, হৃদয়ে আনন্দ অনুভব কর। আমাদের পরামর্শ দাও—তোমার পরামর্শ-মত আমরা কাজ করবো।

গ্লষ্টর। আমি আপনাদের সেবায় নিযুক্ত। আপনাদের সাদর-অভ্যর্থনা জানাচ্ছি।

[প্রস্থান]

## দ্বিতীয় দৃশ্য

গ্লষ্টর দুর্গ

(কেন্ট এবং অসওয়াল্ডের দুই দিক হইতে প্রবেশ)

অস্। নমস্কার বন্ধু! তুমি এখানে থাকো?

কেন্ট। হাঁ।

অস্। আমাদের ঘোড়া কোথায় রাখি?

কেন্ট। কাদায়।

অস্। যদি আমার উপর মায়ী থাকে, শীঘ্র বলো।

কেন্ট। তোমার উপর আমার কোন মায়ী নেই।

অস্। তাহলে আমিও তোমার তোয়াক্কা রাখি না।

কেন্ট। যদি দারোগার খোঁয়াড়ে পেতেম, আমার

তোয়াক্কা তাহলে রাখতে হতো কি না, দেখতেম!

অস্। আমার সঙ্গে এমন ব্যবহার করচো কেন?

আমি তোমায় চিনি না।

কেন্ট। আমি তোমায় চিনি।

অস্। আমাকে কি বলতে চাও?

কেন্ট। একটা পাজী, বদ, অঞ্চল-চাকা, ছোট লোক!

দেমাকে, লক্ষীছাড়া, ভাঁড়ে-মা-ভবানী, বহরুপী,

ফোতো নবাব! ট্যানা-পর্য, পাজী, ভেতো,

মামলা-বাজ, ঝাঁকার কার্তিক! অষ্টধাতু, বার-

ফট্টাই, ভেড়ুয়াকা বাছা, রমণ-দূত! বেটাকে

চাবকে লাল করে দেবো, যদি বেটা এর একটি

খেতাব অস্বীকার করিস!

অস্। কি ভয়ঙ্কর লোক! আমার সঙ্গে চেনা নেই,

শোনো নেই—আমাকে গালাগাল দিচ্ছ!

না? দুদিন আগে রাজার সামনে পা ধরে তোকে

উলটে দিয়েছি, মেরেছি। খোল্ তোর তলোয়ার!

খোল্! যদিও রাত্রি-কাল, তবু চাঁদের আলো

আছে,—আমি তোকে মেরে পস্তা উড়িয়ে

দেবো। বেটা নীচ অসভ্য জারজ! খোল্

তোর তলোয়ার।

অস্। যাও, তোমার সঙ্গে আমি লাগতে চাই না।

কেন্ট। খোল্ পাজী, তোর তলোয়ার খোল্; তুই

বেটা রাজার বিরুদ্ধে চিঠি এনেছিস। তুই বেটা

উলু-খাগড়া, রাজার বিরুদ্ধে লেগেছিস! খোল্,

তলোয়ার খোল্, তোর পাজীরায় তলোয়ারের

খোঁচা দেবো। খোল্ তলোয়ার! আর

এগিয়ে...

অস্। বাবারে,—খুন করলে রে।

কেন্ট। মার না বেটা, মার! দাঁড়া পাজী, দাঁড়া!

মার মার, বেটা বাবু-খানসামা, মার।

অস্। কে কোথায় আছ? খুন করলে! আমার

খুন করলে!

(এড্‌মণ্ড, কর্ণওয়াল, রীগান, গ্লষ্টর ও

অনুচরবর্গের প্রবেশ)

এড্। কি? ব্যাপার কি? সংএর পুতুল যেন!

কেন্ট। এসো, তোমার সঙ্গে লেগে যাই! ভারী সাহসী

ছোকরা তুমি। ইচ্ছে হয়, এসো, দু-এক ঝা খেয়ে

যাও! এস ছোকরা-বাবু।

গ্লষ্টর। অস্ত! তলোয়ার! ব্যাপার কি?

কর্ণ। থামো। প্রাণদণ্ড হবে। যে চালাবে, তার

প্রাণদণ্ড হবে। কি হয়েছে?

রীগান্। আমাদের ভগ্নী আর রাজার কাছ থেকে

এই দুটি দূত এসেছে।

কর্ণ। তোমাদের বিবাদের কারণ?

অস্। আমার নিখাস বন্ধ হয়ে গেছে প্রভু।

কেন্ট। তার আর আশ্চর্য্য কি! তোর সাহসের

দৌড় খুব দেখিয়েছিস! পাজী ভীতু, তুই কখনো

সন্তাবে জন্মাস নি! তোকে দর্জিতে বানিয়েছে।

কর্ণ। তুমি পাগল না কি? দর্জিতে কখনও

মাহুষের সৃষ্টি করতে পারে?

কেন্ট। হাঁ মশায়, পারে। নূতন ভাস্কর কিম্বা চিত্র-

করও ওকে এতখানি খারাপ বানাতো না।

কর্ণ। বলো তোমাদের বিবাদের কারণ?

অস্। পুরোনো পাপী, মশাই। আমি ওর জীবন

রক্ষা করেছি।

কেন্ট। জারজ বেটা! বেটা বায়ে শুল্লি নাম-কাটা

সেপাই! প্রভু মৃত্যু! তুমি মর, এই পাজী-

কর্ণ। যুবক! তুমি মান-মর্যাদা জানো না?

কেন্ট। খুব জানি মশাই, কিন্তু রাগের সময় অত জ্ঞান থাকে না।

কর্ণ। এত রাগ হলো কেন?

কেন্ট। হবে না? এই ক্রীতদাস ব্যাটা তলোয়ার ধরেছে,—মনে ভদ্রতাবোধ নেই! এই রকম দস্ত-বাগীশ পাজীগুলোই ধর্ম-রজুর শক্ত বঁধন কেটে ফেলে; মনিবের রাগের সময় এরা কথা কয়ে তাদের রাগ বাড়িয়ে দেয়, আগুনে তেল ঢালে। তাদের রাগ আরও বাড়িয়ে মনিবদের মনে যখন যে ভাব জাগে, সেই ভাবে ওরা দেয় সায়, যেন কিছু বোঝে না! কুকুরের মত পায়ে পড়া।—তোর ঐ ভেংচানো-মুখে মড়ক ধরুক! আমার কথায় হাসছিস্ বোটা! যেন আমি গাধা! না? বোটা পাতিহাঁস খানার ধারে যদি পেতেম, তাহলে প্যাকপ্যাকিয়ে মাঠে তাড়াতেম।

কর্ণ। তুমি কি পাগল হয়েছ বুড়ো? তোমাদের বিবাদের কারণ কি? বোলো।

কেন্ট। ওতে আর আমাতে যেমন বিবাদ, দুটো বিপরীত-স্বভাবও তেমন হয় না।

কর্ণ। তুমি ওকে পাজী বলচো কেন? ওর অপরাধ?

কেন্ট। আমি ওর মুখ দেখতে পারি না।

কর্ণ। বোধ হয়, আমারও নয়? ঐরও না? ওঁর না?

কেন্ট। স্পষ্ট কথা বলা আমার স্বভাব মশাই; আমার সময়ে, আমি এখন যা দেখছি, এর চেয়েও ভাল মানুষ দেখেছি।

কর্ণ। এ লোকটা স্পষ্টবাদিতার জন্ত সূখ্যাতি পেয়ে ভারী কঁকশ হয়ে দাঁড়িয়েছে। ওর স্বভাব উন্টো মূর্তি ধরেছে। ও খোসামোদ জানে না,—উদার সরল,—উচিত-বক্তা,—সকলেই তাই বিশ্বাস করে। অন্ততঃ সাদাসিধে বলে ধরে। এ রকম বদলোক আমি অনেক জানি,—যাদের সরলতায় অনেকখানি প্যাঁচ আছে।

কেন্ট। মশায়, আমি যথার্থ আন্তরিক সত্য কথা বলছি, যে, মশায়ের ভীষণ প্রতাপে,—যার প্রভাব দৌলীপ্যমান সূর্যের পুরোভাগে রক্তবর্ণ চক্রাকারে...

কর্ণ। তোমার এ সব গুরুগম্ভীর কথার অর্থ?

কেন্ট। বাজে কথা বকছি। আমার কথা আপনার ভালো লাগে না মশাই, আমি জানি। তবে আমি খোসামুদে নই যে আপনাকে মিষ্ট কথায় তুষ্ট করবো। সে-কাজ করে আসল পাজীরা। সে জন্ত আপনার রাগ হলেও আমি তা করতে

কর্ণ। তুমি ওর কাছে কি অপরাধ করেছ?

অস্। কোন অপরাধ করিনি। ওঁর প্রভু রাজা মশাই সম্প্রতি ওঁর মুখেই নিন্দাবাদ শুনে আমাদের প্রহার করেছেন, উনিও তাঁর সঙ্গে জুটে তাঁর রাগ আরও বাড়িয়ে, আমাদের উন্টে ফেলে দিয়েছিলেন; ফেলে দিয়ে আমাদের অপমান আর গালিগালাজ করেছেন। নিজে বড় চাল চলে দেখালেন, উনি একজন মস্ত লোক। রাজা ওঁর সূখ্যাতি করলেন, আমি নিজেই হার যেনে-ছিলেম। আর এখানে, ওঁর জীবনে প্রথম এই তলোয়ার ধরে আমাদের জখম করতে এসেছিলেন।

কেন্ট। এই পাজী আর ভীতু লোকগুলো এমন লম্বা-চওড়া কথা বলে যে পয়লা নম্বরের বক-লেদেরও হারিয়ে দেয়।

কর্ণ। পায়ের বেড়ীটা নিয়ে এসো তো। পুরোনো বদ্মায়েস!—বুড়ো পাজী! আমরা তোমায় শিক্ষা দেবো।

কেন্ট। বয়স ঢের হয়েছে মশায়। শিক্ষার বয়স কেটে গেছে। আমার জন্ত কষ্ট করে আর বেড়ী আনতে হবে না। আমি রাজার চাকর, তাঁরই কাজে আপনার কাছে এসেছি। তাঁর দূতের পায়ে বেড়ী দিলে তাঁকেই অসম্মান আর দীর্ঘা করা হবে।

কর্ণ। বেড়ী নিয়ে এসো! হুপুর পর্যন্ত থাকো, নাহলে আমার মান থাকবে না।

রীগান্। হুপুর পর্যন্ত কি? রাত্রি পর্যন্ত!—সমস্ত রাত।

কেন্ট। কেন মা? আমি যদি তোমার পিতার কুকুর হতেম, তাহলেও যে এর চেয়ে ভালো ব্যবহার করতে।

রীগান্। তাঁর পাজী চাকর বলেই এ রকম করছি। (বেড়ী আনয়ন)

কর্ণ। এ লোকটা,—আমাদের ভীষী—যেমন যা বলেছে, ঠিক সেই ধাতের লোক। নিয়ে এসো বেড়ী।

গ্লষ্টর। আমার বিশেষ অনুরোধ মশায়, এমন কাজ করবেন না। ও অনেক দোষ করেছে—মহারাজ ওর সমুচিত শাস্তি দেবেন। আপনি যে হীন শাস্তির বিধান করছেন, তা নীচ লোক, সামান্য চোর, কিম্বা যারা অনধিকার প্রবেশ করে—তাদের যোগ্য। তাঁর দূতকে এ ভাবে আবদ্ধ করে তাঁর উপরেই অসম্মান দেখানো হচ্ছে

কর্ণ। সে ক্রোধের জ্বাব আমি দেবো।  
রীগান্। আমার ভগ্নীর লোককে অপমান করেছে—  
তাকে মেরেছে। এর সাজা না হলে সে কি  
ভাববে! লাগাও পায়ে বেড়ী। (বন্ধন)  
আমুন প্রভু, আমরা বাই।

[ কর্ণওয়াল ও রীগানের প্রস্থান ]

মষ্টর। বন্ধ, তোমার জন্ত আমি বিশেষ হুঁশিয়ার।  
কর্ণওয়াল-অধিপতির ইচ্ছা, ওঁর স্বভাব সকলে  
জানেন...ওঁকে উত্তেজিত করে বা ওঁর বিরুদ্ধাচারী  
হবে, এমন সাধ্য কার আছে! আমি তোমার  
জন্ত অহরোধ করবো।

কেন্ট। না মশাই, অহরোধে কাজ নাই। আমি  
অনেকক্ষণ জেগে আছি—দীর্ঘ পথ ভ্রমণ করেছে,  
ধানিকক্ষণ ঘুমোতে চাই। যেটুকু সময় বাকী  
থাকে, শীঘ্র দিয়ে কাটাও। ভালো মাহুষের  
ভাগ্যও মাঝে মাঝে বেগড়ায়, সেজন্ত জোড়া-  
তালি দিয়ে মেরামত করা চাই। বিদায়!

মষ্টর। এ অপরাধে কর্ণওয়ালের অনিষ্ট হবে।

[ প্রস্থান ]

কেন্ট। মহারাজ করুণার অবতার,—আপনার  
ভাগ্যেই পুরাতন প্রবাদ সপ্রমাণ হবে। ডাক্তার  
উঠলে বাঘ আর জলে থাকলে কুমীরে থাকে।  
আলো, আলো—একবার পৃথিবীতে উদয় হও,  
আমি পজ্ঞান পড়ে নিই। হৃদ্বিনেই মাহুষের  
ভাগ্যে অদ্ভুত অলৌকিক ঘটনা ঘটে। বুঝতে  
পারছি, এ চিঠি কর্ডিলিয়ার। ভাগ্যবশতঃ তিনি  
আমার এ ছদ্মবেশের পরিচয় পেয়েছেন।  
গোলযোগে তিনি আমাদের হুঁচকায় যোগ্য  
প্রতিকার করবেন। বড় শাস্তি বোধ করছি।  
আঃ, চোখ জড়িয়ে আসছে। ভালোই হলো! এমন  
কদর্য ব্যবহার দেখতে হবে না। ভাগ্য, বিদায়  
দাও—একবার, একবার শুধু প্রসন্ন দৃষ্টিতে চেয়ে  
দেখো...তোমার ঐ চক্রখানিকে সচল করো।

[ প্রস্থান ]

## তৃতীয় দৃশ্য

প্রান্তর

(এড্‌গারের প্রবেশ)

এড্‌। গুনলেম, পলাতক আসামী বলে আমার  
নাম রটেছে চারিদিকে। গাছের ফোকরে লুকিয়ে  
একবার বড় রক্ষা পেয়েছি! আমার জন্ত সমস্ত  
বন্দন-কলহ—এমন অন্ধ-কোঠা যেখানে আমার

ধনুবার জন্ত চরেরা ওৎ পাতেনি! পালানো বত-  
ক্ষণ অসম্ভব, ততক্ষণ লুকিয়ে থাকতে হবে। আত্ম-  
রক্ষার জন্ত দৈত্যের অধম বেশ ধারণ করবো।  
—যে বেশে পশু লজ্জা পায়, প্রয়োজন হলে  
সে বেশ-গ্রহণেও ওঁদান্ত হবে না। মুখে কাদামাটি  
মাখবো—কোমর পর্যন্ত কয়ল চাপা দেবো—  
মাথার চুলে জটার রাশ বাঁধবো, বিছাতের  
অত্যাচার, নধ দেহে বাতাস আর আকাশ-ঝরা  
বৃষ্টি...দেখেছি, অনেকভিক্ষুক নীরবে সহ্য করা!  
বজ্রনির্নাদে জ্ঞানহীন, নধ বাজতে লোহ-শলাকা,  
কাঠকীলক, নখ বা শেয়াকুল-কাঁটা বিঁধে তারা  
চরম হুঃসাহসিকতা প্রকাশ করে। ধানের মরাই,  
এঁদো পল্লী, যন্ত্রাগার, গোয়াল থেকে কখনও  
উন্মাদের মত অভিশাপ দেয়—কখনও বা  
মিনতির জোরে ভিক্ষা সংগ্রহ করে। এখন  
থেকে আমিও তাই,—আমিও তাই,—আর  
আমি সে-এড্‌গার নই।

[ প্রস্থান ]

## চতুর্থ দৃশ্য

মষ্টরের হুঁস-সম্মুখ

জন্মান্তরালে কেন্ট

(লীয়ার, বয়স্ত ও জনৈক ভদ্রলোকের প্রবেশ)  
লীয়ার। আশ্চর্য্য! বাড়ী থেকে তারা চলে গেল,—  
আমার দূতকে ফিরে পাঠালো না?  
ভদ্র। চলে যাবে বলে কাল রাত্রেও তাদের সন্ধান  
ছিল না—এ খবর আমি জেনেছি।  
কেন্ট। নমস্কার মহারাজ!  
লীয়ার। এ কি নিলজ্জ তোমার কৌতুক!  
কেন্ট। কৌতুক নয় মহারাজ!  
বয়স্ত। হাঃ! হাঃ! দেখুন, দেখুন মহারাজ, পায়ে  
এঁটেছে কাঠের মোজা! মাহুষ ঘোড়া বাঁধে  
ঘোড়ার মাথায় লাগামের ফেরতা দিয়ে—  
কুকুর-ভালুক বাঁধতে হলে রশি লাগায়  
গলায়, বান্দরকে বাঁধে কোমরে দড়ি আটকে—  
আর মাহুষের পা যখন বড় বেশী সড়সড়  
করে, তখন তার পায়ে এঁটে ছায় কাঠের  
মোজা।

লীয়ার। তুমি কে না জেনে কে তোমার এমন  
দশা করেছে?

কেন্ট। হুজনে মিলে মহারাজ—অর্থাৎ আপনার  
পুত্র আর কন্তা—হুজনে।

বাপ যার ট্যানা পরে—ছেলে তার কাণা ;

বাপের দুর্দশা থাকে ছেলের অজানা ।

যে-বাপের থলি ভরা আছে বহু টাকা—

তার ছেলে ভালো—মন দরদেতে ঢাকা ।

এখন হয়েছে কি মহারাজ ? মেয়েদের হাতে  
এত কষ্ট পাবেন যে, সে আর গুণে ফুরোতে  
পারবেন না !

লীয়ার । আমার বুকের মধ্যে কি ধেন ফুলে ফুলে  
উঠছে ! আমি কি জ্ঞান হারাবো ! আকাশ  
আর পৃথিবী জুড়ে কেবলি দুঃখের দীর্ঘশ্বাস !  
কোথায় আমার এই কত্যা ?

কেণ্ট । মষ্টরের সঙ্গে এইখানেই আছেন ।

লীয়ার । আমার সঙ্গে যেয়ো না । এইখানে অপেক্ষা  
করো । [ প্রস্থান

ভদ্র । তুমি যা বললে, তার চেয়ে আরো বেশী দোষ  
করোনি তো ?

কেণ্ট । না । মহারাজ, কিন্তু এত অল্প লোক নিয়ে  
এলেন কেন ?

বয়স্তু । এমনি প্রশ্ন করা বলেই তোমার পায়ে বেড়ী  
এঁটে দিয়েছে । বেড়ী পর্ব্বার যোগ্য লোক বটে  
তুমি !

কেণ্ট । কেন এ কথা বলচো বয়স্তু ?

বয়স্তু । তোমায় পিণ্ডেদের পাঠশালায় ভর্তি করে  
দেবো, তা হলে শিখবে, শীতকালে কাজ করতে  
কতখানি কষ্ট পেতে হয় । যাদের চোখ আছে,  
তারা নাকে গন্ধ পেলেও চোখে দেখে পথ  
চলে ; অন্ধের শুধু চোখ চলে না । বিশজন  
মধ্যে একজনেরও এমন নাক দেখি না, দুর্দশা-  
দুর্ভাগ্যের বদ গন্ধ নাকে যে টের পায় ! বড়  
চাকা যখন পাহাড় বয়ে নীচের দিকে গড়িয়ে  
নামে, তখন সে চাকা ধরো না, ছেড়ে দিয়ে ;  
না হলে টানের চোটে তোমার ঘাড় ভাঙবে !  
আর যখন পাহাড়ের উপরে চড়বে, তোমাকে  
টেনে উপরে উঠবে ! কোনো পণ্ডিত লোক  
যখন এর চেয়ে ভালো শিক্ষা দিতে আসবে,  
তখন আমার শিক্ষাটুকু ফিরিয়ে দিয়ে । যারা  
বদমায়েস, আমি চাই আমার শিক্ষা শুধু তারাই  
নিষ্ক । কারণ, এ শিক্ষা দিচ্ছে নিরেট বোকা—  
ক্রীমান অহং ।

যেই জন সেবা করে লাভের আশায়—

আচার-ভঙ্গিমা মেনে ঠিক-ঠাক চলে ।

হৃদিনে, ঝড়িলে, বৃষ্টি সে দিবে চম্পট

ফেলিয়া তোমায়ে জেনো ঝড়ে আর জলে ।

আমি রবো । হৃদিনেতে বোকা শুধু থাকে ;

জানোরা পলায় দূরে বিপদের পারে ;

পলায়ে দুর্জন কিন্তু বনে খুব বোকা—

পাজীর সমান তবু বোকা হয় না রে ।

কেণ্ট । এ সব তুমি কোথায় শিখেছিলে বয়স্তু ?

বয়স্তু । আরে বোকা, পায়ে বেড়ী আঁটলে কি আর  
এ সব শিক্ষা হয় !

( মষ্টর এবং লীয়ারের প্রবেশ )

লীয়ার । আমার সঙ্গে বাক্যালাপ করতে চাইলো  
না ! অসুখ করেছে ! ক্রান্ত ! রাজে দীর্ঘ পথ  
পর্যটন করেছে ! এ প্রবঞ্চনা ! বিদ্রোহ !  
—গৃহ-ত্যাগ ! না, না—উত্তর আনো !—  
সহুত্তর ।

মষ্টর । মহারাজ, কর্ণওয়াল-অধিপতির উদ্ধত  
স্বভাব আপনার অজ্ঞাত নয় । নিজের অভি-  
প্রায়-সাধনে তাঁর দৃঢ়তা কতখানি, তাও আপনি  
জানেন ।

লীয়ার । প্রতিশোধ ! মহামারী ! মৃত্যু !—  
বিপর্যয় ! সে কি বস্তু ?...মষ্টর, মষ্টর,—  
কর্ণওয়াল—কর্ণওয়াল আর তার স্ত্রীর সঙ্গে আমি  
কথা কইতে চাই ।

মষ্টর । সে কথা তাঁদের আমি জানিয়েছি,  
মহারাজ ।

লীয়ার । জানিয়েছ ! আমার কথা তুমি বুঝতে  
পারুচো ?

মষ্টর । পারছি প্রভু ।

লীয়ার । রাজা, রাজা—রাজা চায় বাক্য কহিবারে ;

পিতা চায়, কথা কবে তনয়ার সনে ।

করুণ মিনতি নয়—আদেশ আমার ।

নিশ্বাস ! শোণিত ! এ কথা বলেছ দৌহা ?

উদ্ধত ? উদ্ধত সে কর্ণওয়াল ?

বলো গিয়া তত্ত্ব মত্ত দপী সে-ডিউকে—

না, না, রহ ক্ষণকাল, ক্ষণ স্থির রহ—

হয়তো—হয়তো সত্য অসুস্থ শরীর !

সুস্থ দেহে সমুচিত কর্তব্য-সাধন—

অস্বাস্থ্য—সাধনে বিঘ্ন, ঘটায় প্রমাদ ;

অসুস্থ হইলে ঘটে বহু বিপর্যয়—

স্বরূপ বিলোপ পায়—স্বভাবে অভাব !

দেহের অস্বাস্থ্যে মন হয় নিপীড়িত !

বেশ বেশ, ধৈর্য্য আমি ধরিব এখন ।

অধীর হয়েছে চিত্ত—তাই দৃষ্ট যোয়—

স্বাস্থ্যহীন রুগ জনে ভাবি স্বাস্থ্যবান্ !  
রাজ্য রসাতলে যাক ! (কেণ্টের প্রতি)  
হেথা কেন বসি ?  
তোমা'পরে রূঢ় এই আচরণ হেরি  
মনে হয়, কতাসহ জামাতা আমার  
মিথ্যাচারে খেলে বোর কাপট্য চাতুরী !  
দাসে মম মুক্ত করো, যাও,—বলো গিয়া—  
আদেশ জানাও মোর দৌহাকার কাছে—  
আসি হেথা, কি বলে, তা শুনাও আমায় ।  
অথবা এ দ্বারে তুলি দামামা-নিদান  
নিদ্রাবোরে মৃত্যু আমি ঘটাবো নিশ্চয় !  
গষ্টর । নিরীক্সে শান্তি প্রভু, আমার কামনা !

[প্রস্থান]

লীয়ার । ওরে, ওরে, ওরে প্রাণ, অশান্ত হৃদয়,  
ক্ষান্ত হ'রে—ক্ষান্ত হ'রে—হোসনে চপল,  
আকুল উদ্বেল হেন !

বয়স । কেঁদে ফ্যালো খুঁড়ো, কেঁদে ফ্যালো ।  
বান-মংস কেঁদেছিল যথা রাধুনীর করে,  
মাথায় ডাঙা মেরে যখন তাকে ঠাঙা করে  
বলে, স্ফুড়-স্ফুড় ক'রে ঢোক রে বাছা

হাঁড়ীর ভিতরে ।

(কর্ণওয়াল, রীগান, গষ্টর ও অনুচরগণের প্রবেশ)

লীয়ার । এসো, এসো । স্বাগত উভয়ে !  
কর্ণ । স্বাগত, প্রভু ! (কেণ্টকে মুক্তি প্রদান)  
রীগান । হরষিত রাজ-দরশনে ।  
লীয়ার । রীগান ! মনে হয়, সত্য হরষিত তুমি !

কেন হেন মনে হয়—হেতু জানে সবে ।  
অন্তরে আনন্দ তব না হলে উদয়,  
সমাধি-শায়িতা তোর পুণ্যময়ী মাতা—  
অসতী বলিয়া তারে করিতাম ত্যাগ !

(কেণ্টের প্রতি)

মুক্ত তুমি—পরে এর করিব বিধান ।  
প্রিয়কত্তা রীগান আমার, শোন কথা—  
ভগ্নী তোর মায়াহীন তীক্ষ্ণ দম্ভধার  
গৃধিনীর মত মোর বুকে বসিয়েছে !

(বক্ষে হস্ত দিয়া)

কি বলিব ? কত নীচ প্রকৃতি তাহার,  
বর্ণনে বিশ্বাস তোর হবে না কখনো !  
রীগান ! রীগান ! কত্তা মোর...  
রীগান । ধৈর্য ধরো পিতা, শোনো বচন আমার—  
ভগ্নীর যে কত গুণ বৃদ্ধিতে না পারো !

কর্তব্যে এমন নির্ভা—আর কারো নাই !  
কারো চেয়ে ন্যূন নয় রাজভক্তি তার ।  
লীয়ার । এ কি কথা ! এ কি কথা বলিস মা তুই !  
রীগান । ভগ্নী মোর পিতারে না ভক্তি করে, বাবা,  
কর্তব্যে তাহার ত্রুটি—বিশ্বাস না হয় !  
নিরুপায়ে হয়তো সে রোধিয়াছে তব  
সংঘমবিহীন মত্ত অনুচরগণে  
রাজ্যের কল্যাণ লাগি—নহে অপরাধী ।  
লীয়ার । শিক্ তার কল্যাণ-ইচ্ছায় !  
রীগান । বৃদ্ধ তুমি, জরাগ্রস্ত মতি তব আজ,  
প্রকৃতি নহেকো তাই প্রকৃতি-অধীন—  
বিবেচক জনে ভালো বুঝিবে, তোমার  
ইষ্টানিষ্ট কিসে । এবে উচিত তোমার,  
তার অনুবর্তী হওয়া সকল বিষয়ে ।  
শোনো পিতা এ-মিনতি—যাও, ফিরে যাও  
ভগ্নী-পাশে—নিজ-ত্রুটি করহ স্বীকার ।  
লীয়ার । মার্জনা মাগিতে হবে পায়ে ধরি তার ?  
ভেবে ছাখ, রাজা আমি, পিতা তার আমি—  
এ সাজ সাজিবে ভালো ! নতজানু হয়ে  
কহিব, হে প্রিয় কত্তা, বার্কিকোর ভারে  
মুজ আমি—অকর্ণগ্যা, অপদার্থ আমি !

(নতজানু হইলেন)

নতজানু হয়ে ভিক্ষা মাগি তোর পায়ে—  
দে রে, দে রে অন্ন-বস্ত্র, ঠাই দে রে মোরে !  
রীগান । থামো, থামো, চাহি নাই এ হেন বচন ।  
কি-বা কাজ বচন-কৌশলে এই ? কহ ।  
এ কথা সাজে না—যাও ভগ্নিনীর-পাশে ।  
লীয়ার । যাবো না, যাবো না, (উত্থানান্তর) "  
যাবো না রীগান ।

অনুচরদলে তুচ্ছ লঘু হ্রস্ব করে—  
ক্রুটি-কুটিল নেত্রে চাহে মোর পানে,  
বাক্যে তার আশীর্ষ-সূর্যের মতন  
সে বাক্যে আমার বক্ষ বিধেছে পিশাচী !  
প্রতিবিধানিব তাহা—ত্রিদিব-সঞ্চিত  
হিংসা সে পড়ুক বরি ক্রতয়ের শিরে !  
মত্ত বায়ু-বেগে তার অস্থি চূর্ণ হোক !  
কর্ণ । হি হি, এ কি কথা ! শুনে লজ্জা হয় মনে  
লীয়ার । হে ভীত বিছাৎ-রশ্মি, দৃষ্টি-নাশ-কারী  
অগ্নিশিখা হানো তার কুটিল নয়নে ;  
লাবণ্য-দৌন্দর্য্য তার দাও চূর্ণ করে ;  
তপন-কিরণাক্রষ্ট কুজ-বাটিকা বহি  
দর্প তার খর্ব্ব করো, গর্ব্ব করো নাশ !

রীগান্। দোহাই দেবতাগণ! হেন অভিশাপে  
আমারেও জর-জর করিবে তো তুমি—  
মোর পরে হেন রোষ হইবে যখন!

লীয়ার। না, না—না রীগান্, তোরে অভিশাপ নয়!  
কোমল অন্তর তোর—নোস্ তুই জ্বর,  
তার আঁখি রোষে রক্ত—তীর দাহ চোখে—  
তোর ও নয়ন ছুটি...ও যে শান্তি-ভরা!  
তৃপ্তি পাই! তৃপ্তি, তৃপ্তি—নাহি তাপ-জ্বালা!  
স্বাচ্ছন্দ্য-বিধানে মোর ক্লান্তি নাই তোর—  
চাহিস্ না প্রিয় মোর সভাসদগণে  
বাক্যবাণে বিধিতে তো—আপন পিতায়  
গৃহে পশিবারে দ্বার না করিস্ রোধ!  
জানিস্ যে ভালো মতে প্রকৃতি-নিদেশ,  
আশৈশব-মায়া, প্রীতি, স্নেহ, শিষ্টাচার!  
কৃতজ্ঞ হৃদয় তোর, ভূগিবি না কভু  
অর্দ্ধেক রাজত্ব মোর—দিয়াছি সে তোরে!

রীগান্। কহ পিতা, কি বলিবে,—কি তব বাসনা?

(ভেরী-নিদাদ)

লীয়ার। আমার এই ভৃত্যের পায়ে কে বেড়ি  
দিয়েছে, আমি জানতে চাই।

কর্ণ। কার ভেরী বাজু ওই?

রীগান্। ভগিনীর মোর।

আগমন-বার্তা বোষে পত্রে লেখা-মত।

(অসওয়াল্ডের প্রবেশ)

আসিয়াছে প্রভু-পত্নী তব?

লীয়ার। হেয় দাস! হীন দাস্ত্র্য যার অল্পগামী—

স্পর্শে তার নিজ-বক্ষ ভরিয়াছে

সহজ গরবে! দূর হ এখন হতে।

কর্ণ। কি বলচেন, মহারাজ?

লীয়ার। আমার দাসের পায়ে কে বেড়ি দিয়েছে?

রীগান্, আশা করি, তুমি জানো না! কে

আসে?

(গনেরিলের প্রবেশ)

স্বর্গের দেবতা—বুদ্ধে যদি রূপা করো  
সদয় শাসনে তুষ্ট যদি বাধ্য তায়,  
প্রাচীন তোমরা যদি, মোর পক্ষ হয়ে—  
দূর করো ওরে। হও সহায় আমার।  
লজ্জা নাহি হয় হেরি গুণ শ্রদ্ধা মোর?

(গনেরিলের প্রতি)

হাতে ধরি সাদরে সম্ভাব করো ভগিনীকে  
এ কি উচিত তোমার?

গনে। সম্ভাবণ কেন না করিবে?

অপরাধ করিয়াছি কিবা?

বিচার-বিমূঢ় কিবা বুদ্ধ জন বাহে

দোষ দেখে, স্থির-বুদ্ধি দেখে নাকো তায়

কোনো দোষ, কোনো ক্রটি, কোনো অপরাধ!

লীয়ার। এ হৃদয় ভাবিবে না মোর?

এমনি কঠিন হৃদি?

কিন্তু দাসে কে পরালো বেড়ি?

কর্ণ। আমি... আমি... আমি শান্তি দিয়াছি তাহারে।

হৃদয়! অসংযমী! আরো শান্তি ছিল সমুচিত।

লীয়ার। তুমি? তুমি? তুমি শান্তি দেছ?

রীগান্। শোনো পিতা, বার্দেকোর ভায়ে জীর্ণ তুমি—

বিচারে দুঃস্থ তাই, কহ অবিচার!

যাও ফিরে ভগিনীর কাছে—

অর্দ্ধ-সংখ্য অমুচর লয়ে, মাসাবধি

করি বাস এসো পুনঃ আমার সকাশে।

গৃহ ছাড়ি ভ্রমিতেছি—কোথা পাবো হেথা

যোগ্য উপচার—কহ, ভ্রমিতে তোমারে?

লীয়ার। ফিরে যাবো উহার নিকটে! দূর করি

পঞ্চাশং জনে? না, না, তা হবে না।

সর্ব-আশ্রয় তেয়গি প্রান্তরে রহিব,—

যুগ্ম পবনের সনে;

দ্বিপি-উল্কের সহ বন্ধুত্ব করিব, নিরুপায়ে!

তা বলি যাইব পুনঃ উহার সকাশে?

কেন? উত্তপ্ত-শোণিত ব্রাহ্ম-রাজ আছে,

যৌতুক-বিহীন! কত—বরিয়াছে তায়—

তার সিংহাসন-তলে

দাস-সম নতজ্ঞায় অন্ন ভিক্ষা মাগি

সে অগ্নে রাখিব প্রাণ,—

সেও ভালো! সেও ভালো!

যাবো পুনঃ উহার সকাশে? হইব বরং

ক্রৌতদাস,—কিবা হবো তার-বাহী—

হেয় অশ্বপাল সেবি, সেবা-অন্ন শ্রাবো।

(অসওয়াল্ডকে নির্দেশ করিয়া)

গনে। যা তোমার ইচ্ছা হয়, করো।

লীয়ার। শোনো, শোনো মিনতি আমার—

উদ্ভাদ না করিস আমার!

কোন জ্বালা দিব না কো তোরে।

আর কভু দেখা নাহি হবে।

যাই, যাই, চলে যাই। দেখা আর নাহি হবে

তবু...তবু...মোর রক্তে-মাংসে গড়া—

তবু ওরে, তুই কত মোর!



মোর বিনা কি আর কহিব ?  
 কিষা দুষ্ট ব্যাধি অঙ্গে মোর—  
 বিযাজ-শোণিতে জাত দুষ্ট-ক্ষত বিস্ফোটক তুই !  
 না, না, তিরস্কার করিব না তোরে ;  
 ক্ষণে ক্ষণে পাবি মনে—  
 মোর বাক্যে লজ্জা নয়—নিজে লজ্জা পাবি ।  
 বজ্র...না, না—বজ্রে ডাকিব না—  
 ডাকিব না আকাশ-বজ্রে ।  
 ভগবান ত্রায়-অবতার...  
 না, না, না, এ কথা কভু জানাবো না তাঁরে !  
 ভালো হও ! পারো যদি,—শিষ্ট হতে শেখো—  
 ধৈর্য্য আমি ধরিব নিশ্চিত ।

রীগান—রীগানের সাথে বাস করি ।

রীগান । অল্পচরণে লয়ে ?

সম্ভব কি হবে তাহা ? এ যে অসময় !  
 তব যোগ্য অভ্যর্থনা নাহি তো প্রস্তুত !  
 ভগিনীর কথা শুন—

চাহে যারা রোষে তব যুক্তি প্রদানিতে—  
 বাক্ক্যের দোষে তারা রুষ্ট হইবে না ।  
 জানে ভগ্নী আপন-কণ্ঠব্য ভালোমতে ।

লীয়ার । উচিত এ বাক্য তব ?

রীগান । নিশ্চয় বলিতে পারি,—

পঞ্চাশৎ অল্পচর—নহে কি পর্যাপ্ত তাহা ?  
 তার বেশী কিবা প্রয়োজন ?  
 কেনই বা এত লোক ?  
 বিপদে রক্ষার ভার বুদ্ধি পায় সংখ্যা-মনে ;  
 এক গৃহে কেমনেতে বহুর অধীনে  
 এত জন রহিবে সম্ভবে !  
 অতি স্নকঠিন, অসম্ভব ইহা ।

গনে । সেবিত্তে তোমারে পারে না কি প্রভু,

মোর কিষা ভগিনীর অল্পচরণ ?

কিবা প্রয়োজন তব অল্প অল্পচরে ?

রীগান । কার্য্যে যদি ক্রটি করে তারা,  
 আমরা শাসিব ।

থাকিতে বাসনা যদি আমার আলয়ে,  
 (বিপদ-আশঙ্কা করি এবে !)

পঞ্চবিংশ অল্পচর সহ এস তুমি ;

তার বেশী অল্পচর—স্থান কুলাবে না ।

লীয়ার । দিয়াছি সকলি !

রীগান । সময়েতে সমুচিত কার্য্য করিয়াছ ।

লীয়ার । ছিল স্থির—শত অল্পচর-সহ

দৌহার আলয়ে যথাক্রমে নিবসিব ।

পঞ্চবিংশ মাত্র লয়ে তোমার আলয়ে

কি হেতু বা যাইব রীগান ?

কিহুপে কহিলে হেন কথা ?

রীগান । বলি আমি আর বার ;—

অধিক আনিলে স্থান নাহি হবে ।

লীয়ার । অপর পাণ্ডিষ্ঠে হেরি

শ্রেয় বলি হয় জ্ঞান !

মন্দের চরম সীমা গত নহে বলি,—

বরং প্রশংসা-ভাগী । ( গনেরিলের প্রতি )

কহি তবে তোমার নিকটে—

পঞ্চাশৎ যথা পঞ্চ-বংশতি-দ্বিগুণ—

সেইরূপ তব স্নেহ উহার দ্বিগুণ ।

গনে । শুন পিতা, কিবা প্রয়োজন সেথা

পঞ্চবিংশ অথবা দশ-পাঁচ অল্পচরে,

সংখ্যার দ্বিগুণ যেথা তব আজ্ঞাধীন ?

রীগান । একক-জনেতে নাহি কাজ আছে দেখি

লীয়ার । প্রয়োজন যুক্তি নাহি গণে,—

অধম ভিক্ষুক-জনে তুচ্ছ—তাও সূত্রহীন ।

স্বভাবে অভাব মোচন মাত্র হলে,

পশু সম মানবের হইত জীবন ।

নারী তুমি,—শীত-নিবারণ যদি উদ্দেশ্য হইত,

কিবা কাজ বস্ত্র-আড়ম্বরে,

নহে যাহে শীত-নিবারণ ?

কিন্তু ত্রায় প্রয়োজন লাগি

ধৈর্য্য মোরে দাও দেব,

ধৈর্য্য মাগি তব ঠাই ।

জ্ঞাথো, আমি নিঃস্বল অভাগা স্থবির,

দুঃখ আর বয়ঃপূর্ণ মোর,

অবজ্ঞাত উভয়ের হেতু ।

বিমুখ করিয়া যদি থাকো তুমি প্রভু

কন্তারে পিতার প্রতি—

শিখায়ো না মোরে তাহা বিনম্র সহিতে !

ত্রায়-ক্রোধ বক্ষে এস !

নারীর সঙ্গ অশ্রুজল

কলঙ্কিত নাহি করে পুরুষ-কপোল !

না, না, না, বিকটা ডাকিনী তোরা,

প্রতিহিংসা লবো আমি ছজন্যার পরে,

যাহে ত্রিভুবন—করিব এমন—

কি করিব ? জানি না তা—কিন্তু ভয়ে

এ ধরণী উত্তিবে কাঁপিয়া !

ভেবেছ কি করিব ক্রন্দন ?

না, না, কাঁদিব না আর ।

অশ্রুর কারণ আছে আরো বহুত্তর !

শতধা হইবে চিত্ত মোর—

কিধা অশ্রু বাহিরবে।

হায় প্রিয় বয়স্ক আমার, বুঝি বা উন্মাদ হই!

[ লীয়ার, মষ্টর, কেণ্ট ও বয়স্কের প্রস্থান।

কর্ণ। চলো যাই। ঝড় আসছে।

(দূরে ঝটিকা-নাদ)

রীগান। ক্ষুদ্র এ প্রাসাদ।

অমুচর-সহ বুদ্ধ কেমনে রহিবে?

গনে। নিজ-দোষে ষটিছে সকল।

স্ব-ইচ্ছায় বিরাম-বর্জিত,

ফল তার ভুঞ্জিবে নিশ্চিত।

রীগান। সাগ্রহে আহ্বানি উরে—

কিন্তু এক-অমুচরে স্থান নাহি দিব।

গনে। সেইমত মোর অভিপ্রায়।

মষ্টরের অধিপতি কোথা?

কর্ণ। গিয়াছে সে বুদ্ধের সহিত। আসে ঐ।

(মষ্টরের পুনঃপ্রবেশ)

মষ্টর। মহারাজ রুষ্ট অতি।

কর্ণ। কোথায় গমন তাঁর?

মষ্টর। আজ্ঞা দেন অশ্রু আনিবারে!

কোথা যান, কেমনে জানিব?

কর্ণ। ষথা ইচ্ছা করুন গমন।

স্ব-ইচ্ছায় কার্য্য তাঁর!

গনে। রহিবার অনুরোধে নাহি প্রয়োজন।

মষ্টর। আহা, বড় হঃখ হয়!

নিশীথ-তিনিব আবরিল চারিদিক,

শীত-বায়ু বহিছে হুর্জয়—

বজ্রদ্রাবধি দেখি

তৃণচিহ্ন নাহি কোথা আশ্রয়ের তরে।

রীগান। কথার অবাধ্য যারা, স্বেচ্ছা-কৃতফলে

ভালো শিক্ষা পায় তারা।

স্বার রুদ্ধ রাখো। সঙ্গিগণ ভীষণ হুম্মদ

দিবে কুমন্ত্রণা। কি জানি, কখন

বুদ্ধেরে করিবে রুষ্ট;

বুদ্ধি-বিবেচনা লবে হরি।

কর্ণ। আপনি স্বার বন্ধ করুন মশায়—থুব বেশী

রকম হুর্যোগ দেখি।

রীগান। ঠিক বলেছ। চলুন, ঝড়ের হাত থেকে

সরে যাই।

[ প্রস্থান।

## তৃতীয় অঙ্ক

### প্রথম দৃশ্য

উষর প্রান্তর

ঝটিকা-নাদ, বিদ্যুৎ ও বজ্রাঘাত

(কেণ্ট এবং জনৈক ভদ্রলোকের প্রবেশ);

পরস্পরে সাক্ষাৎ)

কেণ্ট। হুর্যোগে কে আর সঙ্গী হতে পারে?

ভদ্র। যার মন ঝড়ের মত অস্থির।

কেণ্ট। মশায়কে চেনা-চেনা বলে মনে হচ্ছে।

মহারাজ কোথায়—বলতে পারেন?

ভদ্র। মহারাজ এখন ঝড়ের সঙ্গে লড়াই করছেন।

ঝড়কে হুকুম দিচ্ছেন পৃথিবীকে উড়িয়ে সমুদ্রের

জলে ফেলে দিতে; আর জলকে হুকুম করছেন

সারা পৃথিবীকে ডুবিয়ে দিতে! তাঁর ইচ্ছা,

প্রলয়ে সমস্ত একেবারে ধ্বংস হয়ে যাক—নয়তো

জল-প্লাবনে ভয়ঙ্কর উলটপালট ঘটে যাক!

মাথার গুল কেশ ছিন্ন-ভিন্ন করছেন; সে কেশ

নিষ্ফল ক্রোধে বাঁতাসে যেন উড়ছে—যেন সে-

গুলো অতি তুচ্ছ! নিজের দেহকে ভাবছেন

প্রকৃতির মত—তাই ভেবে ঝড়-ঝড়কে তুচ্ছ জ্ঞান

করছেন। আজ এ হুর্যোগের রাজ্যে ভুলকী

গিয়ে গর্তে সঁধিয়েছে—ক্ষুধার্ত সিংহ-ব্যাঘ্র গম্বরে

গিয়ে প্রাণ বাঁচাচ্ছে। কিন্তু তিনি এ হুর্যোগ

ভাঙল্য করে খালি মাথায় ঘুরে বেড়াচ্ছেন—

জীবনে একেবারে দারুণ হতাশ হয়ে!

কেণ্ট। তাঁর সঙ্গে কে আছে?

ভদ্র। শুধু তাঁর সেই বয়স্কটি। হাশু-কৌতুকে সে

তাঁর মনের কষ্ট নিবারণ করবার চেষ্টা করচে।

কেণ্ট। মশায়, আপনি আমার পরিচিত। আপনার

মুখ দেখে বিশ্বাস হয়—তাই, গোপনে একটি

ব্যাপার আপনাকে জানাতে চাই। এলবেণী

আর কর্ণওয়াল-রাজ—দুজনে বেশ মনোমালিঙ্গ

ঘটেছে। কিন্তু বাহিরে নে-ভাব মোটে প্রকাশ

পাচ্ছে না। ওদের অন্তরেরা (উচ্চপদস্থ ভদ্র-

লোকের অন্তরেরা যেমন হয়ে থাকে) ফ্রান্সের

গুপ্তচর; তারা এখানকার সব খবর রাখছে।

যতদূর বোঝা যায়, দু'জনের এই অসৌহার্দ্য

আর ষড়যন্ত্র অথবা দয়াবুদ্ধি রাজার উপর

নিষ্ঠুর ব্যবহারই এর কারণ! কিধা হয়তো অত

কোনো গুঢ় কারণ আছে,—এগুলি শুধু বাহিরের কারণ মাত্র। কিন্তু এ কথা সত্য যে, এই বিচ্ছিন্ন রাজ্যে ক্রান্ত থেকে সৈন্ত এসে হাজির হবে। এই অসাধনতায় তারা আমাদের দৃঢ়-সংরক্ষিত বন্দরে জায়গা করে নিয়েচে। শীঘ্রই নিশান উড়বে। আমাকে যদি তোমার বিশ্বাস হয় তো সে বিশ্বাসে নির্ভর করে ডোভারে যাও, সেখানে একজনর দেখা পাবে, তাঁর কাছে এখানে কি ভয়ানক অবস্থা চলেছে— আর কি দুঃখে মহারাজ কতখানি নিগ্রহ ভোগ করছেন, এটুকু জানাতে পারলে সেখানে তুমি খুব খাতির পাবে। আমি উচ্চ বংশে জন্মেছি— ইজ্ঞার বলে আমায় জেনো। ভিতরকার ব্যাপার সব জানি বলে তোমায় এ কাজের ভার

ভর। এ সম্বন্ধে আর কিছু বলবেন ?

কেণ্ট। না। কথায় আর প্রয়োজন নেই। আমার চেহারা দেখচেন—তার চেয়ে আমি বনেদী—এটুকু বিশ্বাস হবে বলে এই টাকার থলি আপনাকে দিচ্ছি। খুলে দেখুন। এতে যা আছে, নিন। যদি কড়িলিয়ার সঙ্গে দেখা হয়, (দেখা হবেই—সে বিষয়ে সন্দেহ নেই) তাহলে তাঁকে এই অঙ্গুরিটি দেখাবে। তিনি তোমাকে জিজ্ঞাসা করবেন—তোমার সঙ্গী কে ? যদিও তুমি আমাকে এখনও চেনো না...নাঃ, ঝড় উচ্ছন্ন থাক—আমি মহারাজের সন্মানে যাচ্ছি।

ভর। আপনার হাত দিন। আর কিছু বলবার নেই ?

কেণ্ট। অল্প কথা বাকী। কিন্তু হ্যাঁ, মহারাজের দেখা পেলে—সে জ্ঞাত তুমি একটু কষ্ট ক’রে ওদিকে যাও, আর আমি এই দিকে যাই—প্রথমে যে তাঁর দেখা পাবে, চাঁৎকার করে অপরকে ডেকে সে তখনি খবর জানাবে।

[ হুই দিক দিয়া উভয়ের প্রস্থান ]

### স্ব দৃশ্য

উষর ক্ষেত্রের অপর প্রান্ত

ঝটিকা-প্রবাহ।

( লীয়ার ও বয়স্কের প্রবেশ )

লীয়ার। বহ, বহ প্রভঞ্জন মত্ত বেগে—  
করুণে ঘোষে আফগিয়া বহ তীব্র আরো

জলন্তন্ত, নিখর-প্রপাত—জল-ধারে  
নিঃশেষে শুষিয়া ঢালো ধরণীর মায়ে,  
সিক্ত কর মন্দিরের সমুন্নত শির—  
সৌধশির-পতাকায় ডুবাও সলিলে !  
গন্ধকাশি, পলকে প্রলয় কর তুমি—  
ওক-বক্ষ-ভেদ-ক্ষম বজ্রাঘির দূত,  
এস তুমি ঝলশিতে গুপ্ত শির মম !  
আর তুমি দেব ইরম্মদ,  
কঠিন সুগোল পৃথ্বী—  
আঘাতে তোমায় সমতল করি দাও—  
প্রান্তরে বিলীন। প্রকৃতির অহুসি  
খণ্ড খণ্ড করি,  
কর নাশ এককালে—  
কৃত্য মানব

সন্তানের বীজ-সহ লুপ্ত হয়ে থাক !

বয়স্ক। খুড়ো, বাহিরে বৃষ্টির জলে তেজার চেয়ে ঘরে একটু খোসামোদ ক’রে শুকনো থাকা ভালো ছিল ! বাড়ী গিয়ে খুড়ো, তোমার মেয়েদের কাছে মাপ চাইবে, চলো। এ রাজি, জ্ঞানী হও, আর বোকাই হও, কিছুতেই রেত করবে না।

লীয়ার। ভীম নাদে ভরো চারিদিক !

মুহুমুহু পড়রে অশনি ! বারি-পাত অহরহ !

হে অনিল, বজ্র, বহি, বারি—কেহ নহ

আমার তনয়া কেহ নহ তোমরা ;—

প্রকৃতির প্রহরণ ! কঠোর বলিয়া

কেন দোষ দিব তোমাদের ?

দিয়াছি কি রাজ্য সঁপি ? সন্তান বলিয়া

সন্তায় করেছে কিছু ?

তবে কেন মোরে হায় রক্ষিবে তোমরা ?

ভয়ঙ্করী লীলা এবে করহ প্রকাশ !

ক্রীতদাস সম আমি দাঁড়ায়ে হেথায়

নিঃশ্ব, হুঃখী, হীন-বল, যুগিত, স্থবির !

কিন্তু শুন বাণী,—নীচ আজ্ঞাকারী সবে,

হেয় কন্ঠাগণ সহ মিলি গুপ্ত শিরে

হেন তীব্র কর রণ ! লজ্জার এ কথা !

বয়স্ক। ঘরে মাথা রাখবার যার জায়গা আছে  
খুড়ো, তারও একটা মন্তকাবরণ আছে।

মনের যে কাজ, সে কাজ যদি

পায়ের আঙুল করে—

কড়ার জ্বালায় কাঁদবে তবে,

নিদ্রা যাবে মরে !

এমন সুন্দরী জীলোক কেউ জন্মায় নি যে  
আরসির সামনে না মুখ-ভঙ্গী করেছে !

(কেণ্টের প্রবেশ)

লীয়ার। না, ধৈর্য্য—আমি ধৈর্য্য ধরবো আর  
কোন কথা বলবো না।

কেণ্ট। কে ওখানে?

বয়স্তু। এখানে একটি বোকা আর একটি সেয়ানা—  
হুটি লোক রয়েছে।

কেণ্ট। অবস্থান এই স্থানে! হায় মহারাজ!

নিশা-অনুচর যারা, এ-নিশিতে তাদেরো বিরাগ!

এ ঘোর দুর্ঘ্যোগ হেরি পলায় সজয়ে।

রাজিচর ভয়ঙ্কর পশু-প্রাণী সবে

পশিয়াছে নিজ-নিজ বিবর-ভিতরে।

বহিরাশি, ভয়ঙ্কর বজ্রনাদ হেন

বৃষ্টি আর ঝটিকার ভীষণ প্রকোপ

জন্মাবধি হেরি নাই, স্থিতি-বহিভূত!

মানব-স্বভাব হেন সহিবে কেমনে!

কম্পিত হয়েছে তারা এ প্রগয় হেরি।

লীয়ার। যে-দেবতা ঘটায়ছে আমাদের শিরে

দুর্ঘ্যোগ; নিপাত করুন তিনি শত্রুদলে!

কম্পিত হ' নরাদম অন্তরে নিহিত

যার হেন পাপ সর্ব সীমা অতিক্রমি;

রাখ লুকাইয়া রুধির রঞ্জিত কর তোর,

মিথ্যাবাদী ব্যভিচারী!

খণ্ড খণ্ড দেহ তোর হোক রে চণ্ডাল,

ঢাকি ধর্ম্ম-আবরণে বন্ধুত্বের ভাণে,

হত্যাকারী তুই যে গোপনে!

অন্তরের পাপরাশি,

বক্ষ বিদারিয়া হোক স্প্রকাশ,

বৃন্ত করে শাস্তি মাগো তাহাদের পাশে,

বিচারের লাগি মোরে আহ্বানিছে যারা।

পাপের কালিমা-স্পর্শ করে নাই মোরে,

শত অত্যাচার কিন্তু সহিয়াছি শিরে!

কেণ্ট। আহা, নগ্নশির নরবর! রহন কুশলে!

কুটীর আছয়ে এক নিকটে মোদের,

আশ্রয় দানিবে প্রভু ঝটিকা হইতে—

বিশ্রাম লউন সেথা।

যাই পুনঃ নিরদয় গৃহস্থামি-পাশে,

(প্রস্তরে কঠিন গৃহ, তা হতে কঠিন হৃদি!

না দিল আশ্রয় মোরে ক্ষণকাল আগে

আশ্রয় যাচিল যবে আপনার তরে)

মমতা লভিব বলে—মমতার অভাব যেথায়।

লীয়ার। বিকৃত-মস্তিষ্ক মোর, বৃথি!

এস বৎস! কি দশা তোমার, কহ।

ঈতার্ত্ত্ব? আমিও কাতর নীতে।

কোথা হতে শুষ্ক ভূণ করিলে সংগ্রহ?

বড়ই কৌতুকাবহ প্রয়োজন-বিধি,

সামান্য বস্ত্রও তাহে হয় মূল্যবান।

চল যাই কুটীর-ভিতরে।

শত-ভিন্ন হৃদি এই; তবু এক-অংশ তার

কাতর তোমার লাগি বয়স্তু আমার!

বয়স্তু। একটু বুদ্ধি থাকলে রে মন!

দূর ছাই করে বাদল-বাতাস,

যখন যেমন তখন তেমন,

হোক না বৃষ্টি বারোটা মাস।

লীয়ার। ঠিক বলেচো। এখন চলো, কুটীরে নিয়ে  
চলো।

[লীয়ার ও কেণ্টের প্রস্থান।

বয়স্তু। যাবার আগে একটা কথা বলে যাই—

যখন ধর্ম্মঘাচক কথাস দড়, মদে গুঁড়ি মেশায় জল

বড়,

যখন ভদ্র লোকের দর্জি পোড়ো, ধর্ম্ম ছাড়া পড়ে

নাকো,

পুড়ে মরে নটীর ভেড়ো,

যখন আইনে ঠিক সব মামলা, বীরের নেইকো

টাকার জালা,

আর পোড়ে নাকো দেনার জালায় তার যত

নোকরগুলা,

যখন মুখে মুখে কুৎসা না ফেরে, গাঁট-কাটা না

সেঁধোয় ভিড়ে,

দেখবে তোমরা দেশে তখন গোল বাধবে

বিলক্ষণ।

দেখবে তখন বাঁচবে যারা পায়ে হবে চলা-ফেরা।

মার্লিন বলচে এই ভবিষ্যৎবাণী,

কেননা তার আগেই আমি জন্মে গেছি, মানি!

[প্রস্থান

## তৃতীয় দৃশ্য

দুর্গ-কক্ষ

(গুপ্তর ও এডমন্ডের প্রবেশ)

গুপ্তর। বড় হুঃখের বিষয় এডমন্ড, এমন অস্বাভা-

বিক হুর্দ্যবহার আমার ভালো লাগে না। গুপ্তের

কাছে মিনতি জানালেম, মহারাজের উপর একটু

করুণার জন্ম: তার ফলে আমার বাড়ীখানি

আমার কাছ থেকে ওরা কেড়ে নিলে। আর

তঁার সঙ্গে কথাবার্তা কইলে, তঁার জ্ঞান অমরোধ করলে, কিংবা কোনরকমে তঁার সাহায্য করলে ওঁদের বিরাগ ঘটবে, এ কথাও স্পষ্ট বললে।

এড। বড় নিদারুণ! বড় অস্বাভাবিক!

মষ্টর। নিজের কাজে যাও। কোন কথা বলবার প্রয়োজন নেই। দু-জামায়ে বিবাদ বেধেছে—এর চেয়ে আরও হুঃসংবাদ আছে;—আজ রাত্রে একখানি পত্র পেয়েছি। সে চিঠির কথা প্রকাশ করায় বড় বিপদ। আমার ঘরে সে পত্র লুকিয়ে রেখেছি। মহারাজের উপর যে অত্যাচার হয়েছে, তার শোধ ভালো রকমই হবে। কতক সৈন্য ইংলণ্ডে নেমেছে। আমরা অবশ্য মহারাজের পক্ষ হবো, তঁার সন্ধান করবো; আর যাতে তঁার কষ্ট কমে, তা করবো। তুমি যাও, কর্ণওয়াল-রাজের সঙ্গে কথাবার্তা কও গিয়ে। তিনি যেন আমার কাজ না বুঝতে পারেন। যদি আমার কথা জিজ্ঞাসা করেন, বলো, আমি পীড়িত, শয্যাগত। এতে যদি আমার মৃত্যু হয়,—তারা তো মৃত্যু-ভয় নিত্য দেখাচ্ছে—তো সে মৃত্যুও স্বীকার, তবু আমি মহারাজের উদ্ধার-সাধন করবোই করবো। একটা কোন আশ্চর্য্য ব্যাপার শীঘ্রই ঘটবে। একটু সাবধানে থেকো।

[মষ্টরের প্রস্থান।]

এড্। এ সব কথা এখনই কর্ণওয়াল-রাজ শুনবেন। পত্রের কথাও জানতে পারুবেন। লাভের মস্ত সুযোগ। পিতা যা হারাবেন, আমি তা পাবো। আর এটাও তো আছে জ্ঞান, বুদ্ধির পতন হলেই যুবাব উত্থান!

[প্রস্থান]

### চতুর্থ দৃশ্য

উপর ক্ষেত্র—পূর্ণশালা

(লীয়ার, কেণ্ট ও বয়স্টের প্রবেশ)

কেণ্ট। এই স্থানে আশ্রয় মিলিবে প্রভু।  
প্রার্থনা আমার—বিরাম লভহ হেথা।  
ভয়ঙ্করী নিশীথিনী। রহিলে বাহিরে,  
স্বভাবে সবে না কভু।

(ঝটিকা-প্রবাহ)

লীয়ার। সঙ্গিহীন আছি ভালো।

কেণ্ট। নিবেদন প্রভু—প্রবেশো এখানে।

লীয়ার। যদি-ভঙ্গ করিবে আমার?

কেণ্ট। ভেঙ্গে যাক যদি মোর একান্ত বাসনা!

আশ্রয় গ্রহণ করুন।

লীয়ার। অনুমান তব, ঝটিকার প্রবল প্রবাহ

আঘাতিলে দেহে যাহা—বড়ই বিষম?

হতে পারে তোমার নিকট!

বুকে যার যাতনা ভীষণ—

ক্ষুদ্র ব্যাধি বুঝে সে কেমনে!

ভীষণ ভল্লুক-ভয়ে পলাইতে গিয়া

উদ্বেলিত সিন্ধু যদি ছাখো সমুখেতে,

ইচ্ছা-ভরে ভল্লুকের দাও আলিঙ্গন।

অন্তরে পীড়ন যে-বা কভু নাহি জানে,

সেই জন অনুভবে শরীরের ক্রেশ;

বিষম ঝটিকাঘাত হৃদয় হইতে

দূর করিয়াছে মোর সর্ব-অনুভূতি;

আঘাত কেবলমাত্র বাজিছে হৃদয়ে!

সন্তান এমন হয়? এমন কৃত্রিম?

আহার্য্য প্রদান তরে উত্তোলিত-কর

খণ্ড খণ্ড হয় যথা দশন-আঘাতে।

প্রতিশোধ লইব নিশ্চিত;

ঈর্ষা-জ্বল আর বহিবে না।

বিতাড়িত গৃহ হতে এ-হেন নিশীথে।

ঝর-ঝর করে বৃষ্টি মস্তকে আমার,

শির পাতি সে বৃষ্টি সহিব।

এমন দুর্যোগ-রাত্রে—রাগান! গনৈরিল!

বুদ্ধ পিতা—এই তার করিলি কি-শেষে?

সরল অন্তরে যে-বা দিয়াছে তোদের

আপনার সরবস্ত্র।

না, না—হেন চিন্তা আর দিব না প্রশ্রয়,—

উন্মাদ, উন্মাদ হবো!

দূর হও অন্তর হইতে,

এ-কথার নাহি প্রয়োজন।

কেণ্ট। শুন প্রভু, প্রবেশো হেথায়।

লীয়ার। তুমি যাও, আরাম লভহ নিজে।

বজ্র-ঝঙ্কা অবসর দিবে না আমার

চিন্তিবাসে হৃদয়ের দারুণ আঘাত!

বেশ, চলো। যাবো আমি। (বয়স্টের প্রতি)

প্রথমে প্রবেশো তুমি—

গৃহহীন দারিদ্র্যের প্রতিকৃতি,—তুমি যাও।

প্রার্থনা করিয়া আমি নিদ্রা যাবো শেষে।

(বয়স্টের কুটীরে প্রবেশ)

দরিদ্র-সন্তান যে যেথায় নয়-ভয়—

নির্দয় ঝটিকাঘাত সহিছ যাহারা,  
গৃহ-হীন অনাবৃত মস্তক যাদের—  
শীর্ণ অঙ্গ-প্রত্যঙ্গ সকল,  
স্বমলিন চীর-বাস—  
রক্ষিবে কেমনে হেন কাল নিশি হতে ?  
হয় নাই কভু হেন চিস্তার উদয় !  
সম্পদ—এই যে ঔষধ তার !  
দারিদ্র্যের তিত্ত স্বাদ অনুভবি আজ,  
ভুঞ্জি আবশ্যক-মত, করি অতিরিক্ত দান !  
ত্বাঙ্গ-পর বিভূ-রাজ্য করহ প্রচার ।

এডগা । ( কুটীর হইতে )

সমুদ্রের জল মাথা কাজ পেয়েছি আমি,  
দিবারাতি ক্রোশ-যোজন । জানেন অন্তর্যামী !  
এস বাবা, আবাগে টম ।

( কুটীর হইতে বয়স্কের পলায়ন )

বয়স্ক । খুড়ো, খুড়ো, এখানে এসো না বাবা ।  
পালাও ।...ভূত ! ভূত ! ওগো আমার ধরো !  
বাঁচাও ! বাঁচাও ।  
কণ্ট । ধরো মোর হাত । কে আছ হোথায় ?  
বয়স্ক । ভূত গো ভূত ! আবার বলে, ওর নাম  
অভাগ টম ।  
কণ্ট । কে ও ? খড়ের পিছনে গৌ-গৌ করে ?  
এসো, বেরিয়ে এসো ।

( বাতুল-বেশে এড্‌গারের প্রবেশ )

এড্‌গা । পলাও । পলাও । শীঘ্র কর পলায়ন ।

• ভূত লেগেছে আমার পিছে ;  
কাঁটা বনের বিচে বিচে—  
যাচ্ছে বাতাস বয়ে, থাকবে কেন সরে ?  
শোও তুমি বিছানায় লেপ মুড়ি দিয়ে !  
লীয়ার । দিয়াছ কি কল্যাণে সর্বস্ব তোমার ?  
এমন হৃদশা-ভোগ তাই সে-কারণে ?  
এডগা । টমকে কিছু দাও গো তোমরা । ভূত মশাই  
সহ নেছে মোর—  
পেঙ্গুর আলো ঘোরায় সদা, খানায়-ডোবায়  
ঘোর !

যেথায় মোরে পায়—ঘোর টম, ঘোর ।  
বালিসের নোচে আছে ছুরি,  
ঠাকুরের ঘরে গলায় দড়ি,  
ঝোলের কাছে বিয়ের হাঁড়ি,  
বিষ দিয়ে খেলে প্রাণটা বাঁচে ।

২য়—১৮

দেমাকেতে প্রাণটা ভরা,  
সকল সাঁকোয় ঝোড়ায় চড়া,  
নিজের ছায়াকে ভাড়া করা !  
বেঁচে থাকুক মোর পাঁচ বুদ্ধি !  
ঠাঙা হলো টম ভায়া,  
হিঃ—হিঃ—হিঃ—হিঃ—হিঃ—হিঃ !  
ঘুরণ-বাতাস তারা-খশা না আসে কাছে,  
গরীব টম ভূতের ভয়ে ভিক্ষা মাগিতেছে ।  
ঐ তো আছে দাঁড়িয়ে ভূত,ঐখানে,ঐখানে,ঐখানে ।  
( ঝটিকা-প্রবাহ )

সাবধান, দৃষ্ট ভূত ! কথা শোন বাপ-মার,  
কথার মত কাজ কর, দিকি গেলো না ।  
চোখ দিয়ে না পরজীভে,দেমাকে যেয়ো না ভরে,—  
টমের বড় শীত গো, বড় শীত ।

লীয়ার । কি আছিলে তুমি ?

এডগা । দাস—কিন্তু দেমাকেতে ভরা ।

কেশের বিচ্ছাস করিতাম কুঞ্চিত করিয়ে ;  
কামিনীর হস্তালক পরিতাম শিরস্ত্রাণে ;  
পূরাতাম প্রভু-পত্নী-সাধ ;  
তার সহ করিতাম তামসীর লীলা ।  
প্রতি বাক্যে শপথে তৎপর,  
স্বর্গ নামে ভগ্ন করিতাম সে সকল ।  
যুযাতাম কাম-লীলা মানস করিয়ে,  
জাগি পুনঃ পূর্ণাছতি দিতাম তাহাতে ।  
মদিরায় মত্ত মন, সদা দ্যুতকীড়াসক্তি,  
অভিরুচি কামিনীর কম আলিঙ্গনে ।  
শঠ, ধুন, কান-পাংলা, আলুসে শূকর,  
চাভুর্যো শূগাল আর লোভী দ্বিপী সম,  
বাতুল কুকুর প্রায়, সিংহ শিকারেতে ।  
কামিনীর পাত্ৰকার কোমল ধ্বনিতে,  
রেশমী বস্ত্রের মুহু মন্মথিত তানে  
জানায়ো না মন আপনার ।  
করিও না পদার্পণ নটীর আগয়ে,  
হস্তক্ষেপ করিয়ো না আবরণ-ম্যুখে,  
লিখিয়ো না নাম তব উত্তমর্গ-পাশে,  
দৃষ্ট ভূতে অবজ্ঞা করিবে ।  
শীতল বাতাস বয় কাঁটা-বন দিয়া ;  
গাও সব সা—রে—গা—মা,—  
ডলুফিন ছোকরাটি আমার,  
সা—রে-গা-মা ..যেতে দাও মোরে ।  
( ঝটিকা-প্রবাহ )

লীয়ার । আকাশের অত্যাচার এ অনাবৃত দেহে সহ  
করার চেয়ে কবরে গেলে ভালো থাকতে । মালুম

এই ? এর বেশী আর কিছু নয় ? ভেবে ছাথো,  
গুটি পোকার রেশম তুমি ধারো না, ভেড়ার  
পশম ধারো না, বিড়ালের গন্ধ ধারো না।  
আহা, বেশ ! আমরা তিন জনেই এখানে ভুলে  
পড়ে কষ্ট পাচ্ছি। তুমি পশুর প্রতিকৃতি বস্ত্র-  
হীন মানব। তোমার মত হতভাগ্য নয়, নখ-  
ধারী পশু ভিন্ন আর কিছু নয়। যাও, যাও  
তুমি। এসো, জামা খুলে দাও।

(বস্ত্র ছিন্ন করিয়া)

বয়স্ক। মাপ করো খুড়ো, থামো। ভারী সাংঘাতিক  
রাত্রি ! এখন সাঁতার কাটা চলে না। এই  
ভয়ঙ্কর মাঠের মাঝখানে একটু আগুন, বৃদ্ধ  
লম্পটের মনের মত প্রাণে যেন একটু সখের  
আগুন জ্বলছে—হার সমস্ত দেহ ঠাণ্ডা। চেয়ে  
ছাথো—চলন্ত আগুন আসছে।

এড্‌গা। এটা গলায়-দড়ে মামদো ! সাঁতারে বাতি  
জ্বলা থেকে কুঁকড়োর ডাক পর্যন্ত ঘুরে বেড়ায়।  
রোগ জন্মে দেয়, চোখ টেরা করে দেয়, ফশল নষ্ট  
করে, আর মাটির পোকাগুলোকে দেয় যাতনা।  
ঠাকুর তিনবার দিয়ে মাঠে পা  
দেখেছেন ডাইনী তার নটা ছা।  
ঠাকুর নামতে বলেছে,  
পালাতে বেটী পণ করেছে।  
যা যা ডাইনী, শীগ্‌গির যা।

কেন্ট। মহারাজ এখন কেমন বোধ করছেন ?

(আলোক হস্তে গ্লষ্টরের প্রবেশ)।

লীয়ার। কে ও ?

কেন্ট। তুমি কে ? কিসের সন্ধান করচো ?

গ্লষ্টর। তোমরা কে ? তোমাদের নাম ?

এড্‌গা। বেচারী টম,—যে খায় জ্যাস্ত ব্যাঙ্ক্‌ আর  
ডাক্তার টিকটিকি, জলের মাঝড়।

হুগু ভূত রাগলে পরে, রাগের চোটে গোবর-চাট  
করে ;

আর খায় জলের উপর যে ছ্যাংলা পড়ে।

তারে চাব্‌কে তাড়ায় গায়ে গায়ে,

পায়ে বেড়ী দেয় আর পোরে গারদ-ঘরে।

পিঠে তার তিন-সুট কাপড়—গায়ে তার জামা  
ছটা,

চড়বার তার আছে ঘোড়া, হাতিয়ার বহু খাড়া  
খাড়া।

খেঁচে ইহর, নেংটে ইহর আর হরিণের ছানা,

সাত সাত বছর ধরে হয়েছে টমের খানা।

খবদার ! চুপ কর চুপ ! থাম পাঞ্জী ভূত !  
গ্লষ্টর। মহারাজের কি এর চেয়ে আর ভালো সঙ্গী  
জোটেনি ?

এড্‌গা। নরকের রাজাও ছিল ভদ্রলোক—তাকে  
সকলে খবিস বলে, আর বলে, মামদো !

গ্লষ্টর। আমাদের রক্ত-মাংস এত খারাপ হয়েছে  
যে, যাতে জন্মেছি। তাকেই ঘৃণা করি।

এড্‌গা। টম ঠাণ্ডা মেরে গেছে।

গ্লষ্টর। আমার সঙ্গে ভিতরে আশ্বন। কর্তব্যানু-  
রোধে আপনার কষ্টাদের অথবা আজ্ঞা প্রতি-  
পালনে আমি প্রস্তুত নই। তাদের আজ্ঞা, এই  
দুর্যোগে আপনি কষ্ট পান, আর আমার গৃহঘর  
বন্ধ রেখে আপনাকে যেন সে গৃহে আর প্রবেশ  
করতে না দি। সে আজ্ঞা অবহেলা ক'রে  
আপনার সন্ধান করছি। যেখানে আগুন  
আর খাবার মিলবে, আপনাকে সেইখানে নিয়ে  
যাবো।

লীয়ার। প্রথমে আমি এই বিজ্ঞানবিদের সঙ্গে  
আলাপ করি। বলুন দেখি, বজ্রের কারণ কি ?

কেন্ট। প্রভু, এ'র প্রস্তাবে সম্মত হুন,—এ'র  
বাড়ীতে চলুন।

লীয়ার। আমি এই থিব্‌স্-বাসী পণ্ডিতের সঙ্গে  
একটু ব্যাখ্যালাপ করি। তুমি কি করো ?

এড্‌গা। আজ্ঞে, ভূতের রোজাগিরি আর পোকা-  
মাকড় ধ্বংস।

লীয়ার। নির্জনে তোমার সঙ্গে একটু কথা কইবো।

কেন্ট। প্রভু, ওঁকে আর-একবার অনুরোধ করুন।

ওঁর মস্তিষ্ক বিকৃত হবার লক্ষণ বুঝছি।

গ্লষ্টর। ওঁর আর দোষ কি ! মেয়েরা ওঁর মৃত্যু

কামনা করছে। আগ, উদার কেন্ট ! পূর্বেই

সে বলেছিল, এ ব্যাপার ঘটবে। আহা, নির্বাসিত

রাজাকে পাগল বলু, তোমায় আর বলবো কি

বন্ধ, আমি নিজেই পাগল হয়েছি। আমার

একটি পুত্র ছিল। সে এখন... আমি তাকে ত্যাগ

করেছি। সে আমার প্রাণ-সংহারে উদ্বৃত্ত

হয়েছিল। বন্ধ, তাকে আমি কি ভালোই

বাসতেম ! কোনো পিতা পুত্রকে এত ভালোবাসে

না। সত্য বলতে কি, ওং, (ঝটিকা-প্রবাহ) দুঃখে

আমারো মস্তিষ্ক স্থির নেই। কি দারুণ দুর্যোগ,

মহারাজ ! ভগবানের কাছে প্রার্থনা জানাচ্ছি,

তিনি আপনাকে রক্ষা করুন !

লীয়ার। পণ্ডিত তুমি আমার সঙ্গে থাকো।

এড্‌গা। টমের বড় শীত গো।

গুপ্তর। যাও, তুমি ঐ কুটীরে যাও,—ওখানে  
নিজেকে গরম করো।

লীয়ার। এসো। সকলে যাই।

কেণ্ট। এই পথে প্রভু।

লীয়ার। ওঁর সঙ্গে যাবো, আমি পণ্ডিতের সঙ্গে  
থাকবো।

কেণ্ট। প্রভু, ওঁকে ঠাণ্ডা করুন। ও লোকটাকে  
সঙ্গে নিয়ে চলুন।

গুপ্তর। ওঁকে সঙ্গে নিন।

কেণ্ট। আসুন মশায়, আমাদের সঙ্গে আসুন।

লীয়ার। এসো জ্ঞানী এথেন্সবাসী।

এড্‌গা। গোল করো না, গোল করো না, চুপ।

শিকানবিস রোলাণ্ড এলো! অন্ধকূপ গারদে,

তবু বলে, ছি-ছি-ছি-ছি পড়লেম কি আপদে।

ইংরেজের রক্তের গন্ধ পাচ্ছি নাকে—নাই সন্দ!

[ প্রস্থান ]

## পঞ্চম দৃশ্য

গুপ্তরের দুর্গ-কক্ষ

( কর্ণওয়াল ও এড্‌মন্ডের প্রবেশ )

কর্ণ। এখান থেকে যাবার পূর্বে শোধ দিয়ে  
যাবো।

এড্‌। পিতৃভক্তির চেয়ে প্রভুর প্রতি রাজভক্তি  
দেখানোর আমার মনে সংশয় হয়, লোকে কি  
ভাববে!

কর্ণ। এখন মনে হচ্ছে, তোমার ভাই যে তার  
মৃত্যু কামনা করেছিল, সে শুধু তার বদ স্বভাবের  
দোষে নয়; তোমার গুণে তার বদ স্বভাব  
আরও জোর পেয়েছিল।

এড্‌। ভাগ্য আমার উপর বড় অপ্রসন্ন,—জায়  
পথে থাকতে মনে এত দুঃখ পেতে হয়! এই  
পত্রেই ফ্রান্সের আসবার কথা প্রকাশ করেছে।  
ভগবান! এমন রাজদ্রোহ যদি না ঘটতো, কিয়  
যদি ঘটেছিল, এ বিষয় আমি না জানতে  
পারতাম, বড় ভালো হতো!

কর্ণ। আমার সঙ্গে চলো তুমি আমার জীর কাছে।

এড্‌। পত্রে যা লেখা, সে খবর সত্য হলে  
আপনাকে অনেক কাজ করতে হবে।

কর্ণ। সত্য হোক আর মিথ্যাই হোক, এই পত্র  
তোমাকে গুপ্তরের অধিপতি করেছে। তোমার

পিতার সম্মান করো, যেন তাঁর গ্রেফতারে কোন  
গোলযোগ না ওঠে।

এড্‌। (স্বগত) যদি তাঁকে মহারাজের গুপ্তধা করতে  
দেখি, এঁর সন্দেহ আরও বাড়বে। (প্রকাশ্যে)  
পিতৃভক্তির সঙ্গে বিরোধ ঘটলেও আমি সর্বদা  
রাজানুবর্তী থাকবো।

কর্ণ। আমিও তোমাকে সম্পূর্ণ বিশ্বাস করবো।  
আমার ভালোবাসা—পিতৃ-স্নেহের চেয়ে তুমি  
চের বেশী অনুভব করবে।

[ প্রস্থান ]

## ষষ্ঠ দৃশ্য

দুর্গ-সন্নিহিত গোলাবাড়ীর ক্ষুদ্র ঘর

( গুপ্তর, লীয়ার, কেণ্ট, বয়স্ত ও এড্‌গার )

গুপ্তর। খোলা জায়গার চেয়ে এ জায়গা অনেক  
ভালো। যতখানি সম্ভব, আরাম করুন। অল্প  
জিনিষপত্র সংগ্রহ করে যতদূর পারি, আপনাকে  
স্বচ্ছন্দ করবো। বেশীক্ষণ আপনাদের কাছ থেকে  
দূরে থাকবো না।

কেণ্ট। আর কষ্ট সহ্য করতে না পেরে ওঁর বুদ্ধি  
লোপ পেয়েছে। ভগবান আপনার এ কর্মটিকে  
প্রস্তুত করুন।

এড্‌গা। গোমড়া-ভূত আমার ডেকে বলেছে যে,  
নীরো নরক-দীর্ঘতে ছিপ ফেলছে! বোকা পাজী  
ভূতের হাতে সাবধানে থাকিস্।

বয়স্ত। খুড়ো, বলো তো বাবা, যারা পাগল, তারা  
ভদ্রলোক? না, চাষা?

লীয়ার। রাজা। একজন রাজা!

বয়স্ত। হলো না, বাবা। ভদ্রলোক যার ছেলে,  
সে হয় চাষা; কেন না, পাগল-চাষাই বেঁচে  
থাকতে থাকতে ছেলেকে ভদ্রলোক দেখে।

লীয়ার। লক্ষ লক্ষ অগ্নিকণার তাঁরা ভস্ম হয়ে যাক!

এড্‌গা। পাজী ভূত আমার পিঠে কামড়াচ্ছে।

বয়স্ত। যে পাগল, সেই শুধু বিশ্বাস করে নেকড়ের  
পোষ-মানায়, ঘোড়ার খুরে, বালকের ভালো-  
বাসায় আর বেস্তার শপথে।

লীয়ার। এখনই শেষ করবো। সকলকে রাজার  
আজ্ঞার গ্রেফতার করবো। (এড্‌গারের প্রতি)  
আসুন, এইখানে বসুন। আপনি একজন বিজ্ঞ  
বিচারক। (বয়স্তের প্রতি) মশায়, আপনিও



একজন জ্ঞানী, আপনি এইখানে বসুন।  
এইবার আয়, তোরা বাধিনী!

এড্‌গা। জাখো, দাঁড়িয়ে একদৃষ্টে চেয়ে আছে!  
ভদ্রে, বিচারের সময়ে দৃষ্টি-আকর্ষণের সাধ?

(গীত) নদী পেরিয়ে এস প্রাণ আমার কাছেতে।

বয়স্‌। যার নায়ে আছে ছেঁদা—

তার কথা কইতে বাধা,

সে কি আসতে পারে, সাহস করে তোমার

কাছেতে?

এড্‌গা। বুলবুলির মত ডেকে পাজী ভূতো গরীব  
টমের পাছু লেগেছে। টমের পেটের মধ্যে ছোটো  
মাছ খাবার জ্ঞান ভূতো কৌ-কৌ করছে। কৌ-  
কৌ করো না কাল-ভূতো! তোমায় আমি কি  
খাবার দেবো, কিছুই যে নেই বাপধন।

কেণ্ট। কি রকম মনে করছেন, মহারাজ? এমন  
ভয়ান্ত চোখে চেয়ে রয়েছেন কেন? এই  
বিছানার গুয়ে আপনি বিশ্রাম করুন।

লীয়ার। না, না। আগে আমি ওদের বিচার দেখবো।  
প্রমাণ আনো। বিচার-ভূষিত মানব, এইখানে,  
এইখানে—হ্যাঁ, এইখানে বসো। (এড্‌গার  
এবং বয়স্‌র প্রতি) তুমি ঝায়ের ভার-বাহী, তুমি  
ওঁর পাশে বসো। তুমিও একজন বিচারক।  
(কেণ্টের প্রতি) তুমি এইখানে বসো।

এড্‌গা। এস, আমরা ঝায়বিচার করি।

যুমিয়ে না জেগে ওহে ফুর্তিবাজ রাখাল?

তোমার ক্ষেতের মধ্যে মেঘ ঢুকছে পাগে পাল।

একবারমাত্র হুঁ দিলে তোমার বাঁশীতে,  
কোনো ক্ষতি করবে নাকে। মেঘের রাশিতে।

মিউ মিউ ডাকছে ঐ কুণো বেরাল।

লীয়ার। প্রথমে এর বিচার হোক। ওর নাম  
গনৈরিল। মাননীয় ভক্তবৃন্দের সামনে শপথ  
করে বলছি, উনি ওঁর নির্দোষ নিরপরাধ  
শিতাকে লাগি মেরে তাড়িয়ে দেছেন।

বয়স্‌। ভদ্রে, এখানে এসো। তোমার নাম  
গনৈরিল?

লীয়ার। অস্বীকার করতে পারে না।

বয়স্‌। তাই ভালো! রক্ষা পাই! আমি তোমাকে  
একটা কাঠরার জিনিষ মনে করেছিলেম।

লীয়ার। এই আর একজন। এর বক্তৃতা দৃষ্টিতে  
অস্তরের ভাব ফুটে বেরুচ্ছে। ধরো, ওকে  
ধরো।—অস্ত্র—অস্ত্র! তরবারি! বহি! এ স্থান  
কলুষিত হয়েছে! ভণ্ড বিচারক! ঘৃণ্য খেয়ে  
কেন ওকে ছেড়ে দিলি?

এড্‌গা। তোমার পঞ্চ ইঞ্জিয় যেন স্বচ্ছন্দে থাকে,  
এই প্রার্থনা।

কেণ্ট। কি হুং! ধৈর্য্য হারাবেন না মহারাজ।  
আপনি সর্বদা বলতেন, আপনার ধৈর্য্য অসীম।

এড্‌গা। (স্বগত) আমার চোখের কোণে এত জল  
জমে রয়েছে যে, ভয় হয়, পাছে প্রকাশ হয়ে  
পড়ে।

লীয়ার। আমার ছোট ছোট কুকুরগুলো আমার  
চিনতে না পেরে যেউ-যেউ করে কামড়াতে  
আসছে।

এড্‌গা। টম দেবে তার মুণ্ড ফেলে।

দূর দূর খেঁকি কুকুর।

সাদা মুখ নয়, কালো মিষ,  
কামড়ালো যার দাঁতে বিষ!

যত রকম কুকুর আছে,  
লেজ খাটো কি ঘোরানো প্যাঁচে,  
আমার মুণ্ড ফেলে দিয়ে

টম তাদের দেবে কাঁদিয়ে;

কেঁউ কেঁউ ক'রে জানুলা দিয়ে

পালিয়ে যাবে লেজ গুটিয়ে।

সা-রে-রে-রে-রে!

চুপ! চল, যাই হাট-বাজারে।

শুকনো সে টমের শিঙ্গে।

লীয়ার। আচ্ছা, রীগানের শরীর ব্যবচ্ছেদ করো,  
জাখো, ওর মনে কি ঘটেছে। কি কারণে মানুষ-  
ষের মন এমন কঠিন হয়? (এড্‌গারের প্রতি)  
তোমাকে আমার শত অন্তর-দল-ভুক্ত করলেম;  
শুধু তোমার বেশভূষা আমি পছন্দ করি না।  
তুমি হয়তো বলবে, এটা পারস্ত দেশের পরিচ্ছদ।  
যাই হোক, ওটা বদলাও।

কেণ্ট। এখন এখানে শয়ন করে একটু বিশ্রাম  
করুন মহারাজ।

লীয়ার। গোল করো না। শব্দ করো না। দাও,  
মশারি ফেলে দাও, ঐ ঐ ঐ রকম ক'রে।  
সকালে আমরা সান্ধ্য ভোজন করবো। ঐ ঐ  
ঐ রকম ক'রে।

বয়স্‌। আর আমি মধ্যাহ্ন নিদ্রা যাবো।

(গ্লষ্টরের পুনঃপ্রবেশ)

গ্লষ্টর। বন্ধ, এদিকে এসো। মহারাজ কোথায়?

কেণ্ট। এইখানে আছেন। ওঁকে বিরক্ত করবেন  
না। ওঁর মস্তিষ্ক বিকৃত হয়েছে।

গ্লষ্টর। বন্ধ, ওঁকে কোলে করে তুলে নাও;—  
ওঁর বিকৃত মৃত্যুর বড়ঘর আমি গোপনে গুনেছি।

একখানি ডুলি প্রস্তুত আছে, সেই ডুলি ক'রে ওঁকে ডোভরে নিয়ে যাও। সেখানে অভ্যর্থনা আর আশ্রয়—দুই পাবে। তোমার প্রভুকে তোলো ; যদি আর আধ ঘণ্টা অপেক্ষা করো, ওঁর জীবন, তোমার জীবন, আর যারা যারা ওঁকে রক্ষা করছেন, সকলের জীবন নিশ্চয় বিনষ্ট হবে। তোলো, তোলো,—আমার সঙ্গে সঙ্গে এসো। তোমায় কিছু মর্থ দেবো, সে অর্থের জোরে শীঘ্র শীঘ্র পথ-অতিক্রমের ব্যবস্থা করতে পারবে।

কেণ্ট। শ্রান্ত আর বিক্ষিপ্ত প্রকৃতি নিদ্রায় কাতর।  
লভিলে বিরাম হেন—

অসংযত স্নায়ু যত হইত সংযত।

দৈব-বশে বিরামের অভাব হইলে

আরামের আশা যাবে দূরে।

এস, প্রভুকে বহন করতে আমার সাহায্য করো।

(বয়স্কের প্রতি) তুমি পিছনে থেকো না, এসো।

গ্লষ্টর। এসো, শীঘ্র এসো।

[কেণ্ট, গ্লষ্টর ও বয়স্ক রাজাকে বহন করিয়া  
প্রস্থান।

এডগা। সবে হেরি নিপীড়িত দুঃখের ভারেতে।

উচ্চতর স্থান যারা করেন গ্রহণ,

নাহি গণি শত্রু বলি আমাদের দুর্দৈব সকলে।

দুঃখরাশি বহিবার সাথী নাই যার—

অন্তরে অধিক দুঃখ বহে সে সতত ;

সুন্দর সামগ্রী আর অসুখের ভাব

পরিহার করে সে সকলি ;

তুচ্ছজ্ঞানে দুঃখরাশি নিত্য হেলা করে,

দুঃখ-বহনের সাথী পায় সেই জন।

কত তুচ্ছ অলুভবি এই ক্লেশ মোর,

মনে যবে গণি, আমি নত যেই ক্লেশে—

সেই ক্লেশ অভিভূত করেছে রাজারে।

সন্তান পেয়েছে ওই পিতা—যথা আমি।

টম, চল, চল দূরে,

মহাকাৰ্য্যে মন তব করহ নিয়োগ ;

পশ্চাতে করিয়ে তুমি আপনা প্রকাশ।

অলীক রটনা যবে—কলঙ্কিত যাহে—

তব গুণে স্নায়-কাৰ্য্যে হোক তাহা দূর।

যা ঘটে ঘটুক রাত্রি যোদের কপালে,

নরপতি নিরাপদে রহন কুশলে।

লুকাইয়া রবো আমি।

[প্রস্থান

## চতুর্থ দৃশ্য

কক্ষ

(কর্ণওয়াল, রীগান, গনোরিল এবং এড্‌মণ্ডের  
অনুচরসহ প্রবেশ)

কর্ণ। তোমার প্রভু এলবেগী-অধিপতির কাছে এখনি যাও। তাঁকে এই পত্রখানি দিয়ো। ফ্রান্সের সৈন্ত ইংলণ্ডে পদার্পণ করেছে। দুর্জয়-গ্লষ্টরের সন্ধান করো।

রীগান। ফাঁসি-কাঠে ঝুলাও তাহারে।

গণে। চক্ষু তার কর উৎপাটন।

কর্ণ। সে পাণ্ডাক্ষকে শাস্তি দেবার ভার আমার হাতে দাও। এড্‌মণ্ড, আমাদের ভগ্নীর সঙ্গে যাত্রা করো। তোমার বিশ্বাসঘাতক পিতার উপর আমরা যে প্রতিশোধ নেবো, তা তোমার চোখে দেখা সম্ভব হবে না। এলবেগীর কাছে গিয়ে তুমি বলো, কোথায় কি গুরুতর কার্য্যে যাচ্ছ। আমরাও প্রস্তুত থাকবো। দ্রুতগামী অশ্বে আমাদের সংবাদ দেবে। প্রিয় ভগিনী, এখন-গ্লষ্টরের নব-অধিপতি ! তোমাদের কাছে বিদায় প্রার্থনা করি।

(অস্‌ওয়াল্ডের প্রবেশ)

কি সংবাদ ? রাজা কোথায় ?

অস্‌। গ্লষ্টর-অধিপতি তাঁকে অগ্নয় নিয়ে গেছেন ; তাঁর পর্যাগ্নি ছত্রিশ জন অনুচর অনুগামী হয়েছে। তারা গ্লষ্টর-অধিপতির কজন অনুচরের সঙ্গে ডোভরের দিকে যাত্রা করেছে। দস্ত-ভরে তারা বলেছে, ডোভরে তাদের বন্ধুরা সশস্ত্র সজ্জিত আছে।

কর্ণ। তোমার প্রভু-পত্নীর অশ্রু অশ্রু সজ্জিত করো।

গণে। প্রিয় অধিপতি, ভগিনী, বিদায় !

কর্ণ। এড্‌মণ্ড, বিদায় !

[গনোরিল ও এড্‌মণ্ডের প্রস্থান

বিশ্বাসঘাতক গ্লষ্টরের সন্ধান করো, তাকে চোরের মত হাত-পা বেঁধে এখানে নিয়ে এসো।

[ভূতগণের প্রস্থান

বিচারের ভাণ না দেখিয়ে ওর প্রাণ নিতে পারবো না। এ ক্রোধের সামনে আমাদের শক্তি নত হবে। তাতে লোকে দোষ দেবে বটে—কিন্তু

রোধ করতে পারবে না। কে আসে? সেই  
বিশ্বাসঘাতক ?

(অনুচর কর্তৃক আনীত মষ্টরের প্রবেশ)

কর্ণ। ওর হাত বাঁধো।

মষ্টর। কিবা অভিপ্রায় তব ?

কর কার্য্য বিবেচনা-মত ;

অভিথি আমার হবে,—

মোর সনে হেন ব্যবহার—সাজে না কো।

কর্ণ। বদ্ধ করো, বন্দী করো এরে।

(ভূতগণের বন্ধন-করণ)

রীগান। আরো জোরে, আরো জোরে।

বিশ্বাসঘাতক নীচ !

মষ্টর। অকরুণা তুমি ভদ্রে—

নহি আমি বিশ্বাসঘাতক।

কর্ণ। কাষ্ঠাসনে বদ্ধ করো ওরে !

হুর্জন, এখনি জানিবে তুমি—

(রীগান শৃঙ্গ ধরিল)

মষ্টর। দেবগণ, রক্ষা করো !

ধরে শৃঙ্গ মোর,

এ হতে ঘৃণিত কাজ কি-বা ?

রীগান। হেন শুভ্র শৃঙ্গ—তব বিশ্বাসঘাতক !

মষ্টর। ছুটে, এই মোর শুভ্র শৃঙ্গরাশি

হস্ত-দানে কলুষিত করেছি'স্ যাহা,

জন্মি পুনঃ আরোপিবো দোষ তোর'পরে ;

অভিথি-সৎকার-রত এ আমার মুখ—

দম্ভ-সম হতে তুই করিস পীড়িত !

কর্ণ। ক্রান্ত থেকে কি পত্র পেয়েছ—বলো ?

রীগান। আমরা সব জানি,—তুমি, অল্প কথায়  
বলো।

কর্ণ। যে সব বিশ্বাসঘাতক সম্প্রতি এ রাজ্যে উদয়  
হয়েছে, তাদের সঙ্গে কি যড়যন্ত্র করেছো ?

রীগান। বাতুল রাজাকে কার কাছে পাঠিয়েছ ?

মষ্টর। আমি একখানি পত্র পেয়েছি। পত্রখানি

অনুমান করি শত্রুপক্ষের লেখা ; অপর কোন  
পক্ষের লেখা নয়।

কর্ণ। চাতুরী।

রীগান। মিথ্যা কথা !

কর্ণ। রাজাকে কোথায় পাঠিয়েছ ?

মষ্টর। ডোভরে।

রীগান। কি জন্তু ডোভরে পাঠালে ? তোমার  
উপর আদেশ ছিল না, আজ্ঞা-লঙ্ঘনে শাস্তি  
পাবে ?

কর্ণ। কেন তাকে ডোভরে পাঠালে ? এ প্রশ্নের  
উত্তর দাও আগে।

মষ্টর। দণ্ডসনে বাঁধিয়াছ মোরে,—

পলাবার নাহিক উপায়।

কুকুরের আক্রমণ সহিব নিশ্চিত।

রীগান। কেন ডোভরে পাঠালে ? বলো।

মষ্টর। সাধ নাই হেরিবারে ক্রুর নখাঘাতে

উখাড়িবে আঁখি-তারা বৃদ্ধ জনকের !

কিন্তু তব ভগ্নী ভয়ঙ্করী

বরাহী-দশনে আঘাতাবে

দিব্য তৈলে একদিন অভিষিক্ত

পিতার যে দেহ—

হেরিব না চোখে তাহা কভু।

নারকীয় তামসী নিশায় বঞ্চাবাত,—

নগশির তাঁর মূর্ত্তি করেছে বিকল মোরে !

বিশাল বারিধি-বক্ষ হয়ে উদ্বেলিত

নিভাইল তারাদলে তরঙ্গ-আঘাতে।

যাচিল তথাপি বৃদ্ধ অন্তরে তাহার

স্মৃতি হেতু দেবগণে ; হেনকালে যদি

কাতর স্বরেতে দ্বিগী ডাকিত দ্বারেতে,

দিত আজ্ঞা দ্বারপালে উদ্বেগটিতে দ্বার

প্রদানিতে আশ্রয় তাহারে !

নিদারুণ নির্দয়তা হেরি চারিভিতে

মনে হয়, হেরিব নিশ্চিত

আশু দেব-প্রতিশোধ—

বজ্র হয়ে পড়িবে তোমাদের শিরে !

কর্ণ। হেরিতে না দিব তোরে।

ধরো বলে কাষ্ঠাসন।

এই চক্ষু'পরি পদ করিলু স্থাপন।

(মষ্টরকে বলপূর্ব্বক কাষ্ঠাসনে ধারণ ; কর্ণওরাল  
কর্তৃক চক্ষু উৎপাটন ও ভ্রুপরি পদ-স্থাপন।)

মষ্টর। রক্ষা কর, রক্ষা কর মোরে

বৃদ্ধ হতে সাধ যার।

নির্দয় জদয় তোর ! দেবগণ, রক্ষা করো।

রীগান। ওর একটি চোখ অপরটিকে উপহাস  
করবে,—ওটিও নষ্ট করুন।

কর্ণ। প্রতিশোধ যদি দেখে থাকো—

ভৃত্য। ক্ষান্ত হন প্রভু !

সেবিয়াছি বটে তোমা বাল্যকাল হতে,

এ হতে উত্তম কাজ কভু করি নাই—

কহি তোমা—‘ক্ষান্ত হন প্রভু’ !

রীগান। কি কহে কুকুর ?

ভূত্য। শ্রুশ্র যদি থাকিত ও-বদনে তোমার—  
ডাকিতাম যুদ্ধ হেতু।

কর্ণ। আরে আরে ক্রীতদাস!

(তরবারি উন্মোচন করিয়া পশ্চাদ্ধাবন)

ভূত্য। আয়, তবে রাগের বশে যা করি, তার ফল  
ভোগ কর।

(পরস্পরে যুদ্ধ, কর্ণওয়াল আহত)

রীগান। (অন্ত ভূত্যের প্রতি) দেহ তব তরবারি,  
ক্লষকে ধরেছে অস্ত্র।

(পশ্চাৎ হইতে আঘাত)

ভূত্য। প্রাণ যায় প্রভু! এক আঁখি আছে তব  
হেরিবারে এদের বিনাশ! ওঃ! (মৃত্যু)  
কর্ণ। তবে সেটুকু দেখবার শক্তিও লোপ পাক।  
পক্ষি জলের ভাঙার—যা, তুই চূর্ণ হয়ে!  
কোথায় এখন সেই জ্যোতি?  
(গ্লষ্টরের চক্ষু-উৎপাটন ও ভূমিতলে নিক্ষেপ)

গ্লষ্টর। ওঃ! অন্ধকার! সমস্ত অন্ধকার! স্মৃ-  
হীন! আমার পুত্র এডমণ্ড কোথায়? এড-  
মণ্ড? স্বভাবের অগ্নি-ক্ষুধিজে উত্তেজিত হয়ে  
এর শোধ নিস।

রীগান। দূর হ রে বিশ্বাস-ঘাতক নরাধম।  
ডাকিছ বাহারে, যুগ্ম করে সে তোমায়।  
প্রকাশ করেছে সে-ই আমাদের কাছে  
গুপ্ত এ মন্ত্রণা তোর। সরল অন্তর,  
তোর প্রতি দয়া দে-বা করু না করিবে।

গ্লষ্টর। মূর্ণ আমি। মিথ্যা রটনায় এডগারের  
সর্বনাশ করেছি। হে স্বর্গের দেবতা, আমায়  
ক্ষমা করো। স্মৃথে রাখো ভনয়ে আমার।

রীগান। যাও, যাও, দ্বার হতে করে দাও দূর!  
গন্ধে অম্লসরি ডোভরের পথ এবে করুক সন্ধান।

[গ্লষ্টরকে লইয়া জনৈক অম্লচরের প্রস্থান।

কি প্রভু! কেন হেন ভাব তব?

কর্ণ। পেয়েছি আঘাত। এসো পশ্চাতে আমার;  
দূর করো চক্ষুহীন পাণ্ডিত্য গ্লষ্টর।  
মৃত হীন দাসে ফ্যালা গোময়ের স্তূপে।  
রীগান, বহিতেছে নিরন্তর শোণিত-প্রবাহ;  
অসময়ে পেয়েছি আঘাত অতি। ধরো মোরে।

[কর্ণওয়ালকে লইয়া রীগানের প্রস্থান

১ম ভূত্য। এ লোক যদি সেরে ওঠে, তাহলে কোন  
কুসাজ করতে আমি হঠবে না।

২য় ভূত্য। রীগান যদি কিছুদিন বেঁচে থেকে বুড়ো  
হয়, তাহলে হুনিয়ার মেয়ে-জাত হবে রাক্ষসী।

৩ম ভূত্য। চলো, যুদ্ধ রাজার সঙ্গে যাই। পাগলের  
মত যেখানে উনি যাবেন, ওঁর সঙ্গে সঙ্গে  
থাকবো। উনি বাতুলের মত হয়তো যা ইচ্ছে  
তাই করবেন।

২য় ভূত্য। যাও, আমি কিছু শোণ আর ডিমের  
লালা নিয়ে আসি—ওঁর রক্ত-মাখা মুখে দিতে  
হবে। ভগবান ওঁকে রক্ষা করুন!

[প্রস্থান

## চতুর্থ অঙ্ক

### প্রথম দৃশ্য

উৎস

(এডগারের প্রবেশ)

এডগা। অবস্থার ব্যতিক্রম ঘটছে যেমন,  
এ হেন কায়িক ভাব বড়ই উত্তম!  
যদিচ মনেতে জ্ঞান স্থগিত সবার,  
অন্তরেতে যুগ্মভাব গোষণ করিয়ে,  
চাটুকারী তোষামোদে কাজ মম নাই।  
ভাগ্যহীন দলিত যে সৌভাগ্যের পদে,  
নির্ভীক অন্তর তার। আশা তার,  
হেরিবারে ভাগ্যদেবী স্প্রপ্রসন্ন মুখ।  
উত্তম হইতে যবে অধমে পতন,  
হুর্ভাগ্যের সীমা কোথা আর?  
কিন্তু যবে গ্রহ-আবর্তনে  
সৌভাগ্য উদ্ভিত হয়। হুর্ভাগ্য নাশিয়ে,  
আনন্দের ক্রোড়ে পায় স্থান।  
এস তবে সমাদরে আহ্বানি তোমায়  
সারহীন-পবন-প্রবাহ, মম দেহ আলিঙ্গিছ যেই!  
ক্লতজ্ঞতা-পাশে বদ্ধ নহি,  
বহু ক্রেশ দিয়াছ আমায়, বহি তাহা নয় বক্ষে।  
কে আসে?

(জনৈক যুদ্ধ-সাহায্যে গ্লষ্টরের প্রবেশ)

পিতা মোর আসে হীন হুর্ভাগ্যের মত!  
সংসার! সংসার! হার রে সংসার!  
বিচিত্র আবর্তে তোর যুগ্ম জাগে মনে—  
জীবনে বিরাগ ধরে। কে চাহে বাঁচিতে?

বৃদ্ধ। প্রভু, বৃদ্ধ হয়ে আমি আপনার পিতার আর  
আপনার প্রজা ছিলাম। আমার বয়স হলো  
এখন আশী বৎসর।

মষ্টর। যাও, যাও, আমাদের বর্জন করো—

শুন বন্ধু, সঙ্গ পরিহার করো!

প্রবোধ-বচনে তব কি ফল হইবে?

বৃদ্ধ। অহিত হতে পারে প্রভু! আপনি দেখতে পান না।

মষ্টর। পথ-হারা আমি! নয়নেতে কি-বা কাজ?

ছিল যবে আঁখি, পদে পদে ঠেকিয়াছি।

এই শিক্ষা দিন-দিন লভিতেছে জীব,

অভাব না জানে যেবা মানব-জীবনে

অভাবের ক্লেশ সে-বা বুঝিবে কেমনে?

হুঃখ পেয়ে কষ্ট পেয়ে শিখি ভালো মতে

কোথায় কি ছিল ক্রটি—স্বভাবে অভাব!

হায় প্রিয় পুত্র! হায় এড়গার মোর!

ভ্রাস্ত পিতা—তার কোপে কত না মহিলে!

প্রাণে বেঁচে যদি পুনঃ বুকের পরশে

পাই তোরে—ফিরে পাবো এ অন্ধ-নয়ন।

বৃদ্ধ। কে? কে ওখানে?

এড্‌গা। (স্বগত) দেবতা! দেবতা!

ভেবেছিহু, হুর্ভাগ্যের চরম আমার!

ভুল, ভুল! আজ বটে, হুর্ভাগ্য চরম।

বৃদ্ধ। পাগলা টম্‌রে পাগলা টম্‌—নেহাৎ অভাগা।

এড্‌গা। (স্বগত) আরও কি ঘটবে ভাগ্যে—

কে দিবে বলিয়া!

হয়তো চরম আরো—যবে নাহি ঘটে

চরম হুর্ভাগ্য—সে কি, কেমনে বা কহি!

বৃদ্ধ। ওহে, বলি, কোথায় চলেছো?

মষ্টর। ও কি একজন ভিথরী?

বৃদ্ধ। পাগল বটে, ভিথরীও বটে।

মষ্টর। আছে জ্ঞান—নহে ভিক্ষা কেমনে মাগিবে?

কাল রাতে হুরন্ত সে ঝড়ের মাতনে

এর মত একজনে দেখিয়াছি।

মানবে ভেবেছি দেখি অতি-তুচ্ছ কৌট!

সেইক্ষণে পুত্র-স্মৃতি উদিল মানসে

অপত্য-বিদ্বেষ ছিল অন্তরে তখন;—

তার-পরে শুনিয়াছি আরো কত কথা—

হুরন্ত বালক-হস্তে পতঙ্গ যেমন

খেলা-ছিল হয় নাশ,

দেবতার হাতে মোরা ঠিক সেইরূপ!

একান্ত নিশ্চয়!

এড্‌গা। (স্বগত) কেমনে ঘটিল হেন?

অবস্থা বিধম তার,

ছদ্ম-বেশে হুঃখ-ভার বহিছে যে-জন;

হুঃখ-নীরে ভাসিছে আপনি, ভাঙ্গায় সবারে!

(প্রকাশ্যে) প্রভু, ঈশ্বর আপনার মঙ্গল করুন!

মষ্টর। এই সেই বজ্র-হীন জীব?

বৃদ্ধ। হাঁ, প্রভু।

মষ্টর। প্রার্থনা আমার,

যাও এই স্থান ত্যজি,

পূর্বভক্তি থাকে যদি—

অর্কি কিম্বা এক ক্রোশ দূরে।

ডোভরের পথে পুনঃ হইয়ো মিলিত।

দিয়ো বজ্র পরিধান-হেতু বজ্রহীন এই জনে;

অমরোদধ করি এরে লয়ে যেতে মোরে।

বৃদ্ধ। হায় প্রভু! ও যে বাতুল।

মষ্টর। কাল-বিড়ম্বনা!

অন্ধজনে বাতুল দেখায় পথ!

করো কার্য আজ্ঞামত

কিম্বা যথা অভিক্রুচি তব!

সব ছাড়ি, অগ্রে করো এই স্থান ত্যাগ।

বৃদ্ধ। আমি ওকে আমার সব-চেয়ে ভালো পোষাক  
এনে দেবো।

[প্রস্থান]

মষ্টর। নগ্ন-জীব, শোনো কথা...

এড্‌গা। টমের বড় শীত গো! (স্বগত) আর ভাণ  
করতে পারি না।

মষ্টর। এখানে এসো তো হে।

এড্‌গা। (স্বগত) নিশ্চয় যাবো। ভগবান চোখ  
সারিয়ে দিন! আহা, এখনও রক্ত পড়ছে।

মষ্টর। ডোভরের পথ চেনো?

এড্‌গা। কটক চিনি। ঘোড়া-চলা পথ, মানুষ-চলা

পথ—সবই জানি। বেচারী টমের বুদ্ধি-বুদ্ধি সব

লোপ পেয়ে গেছে। পাঞ্জী ভূতের হাত থেকে

ভগবান আমাকে রক্ষা করুন! বেচারী টমের

ঘাড়ে একেবারে পাঁচ-পাঁচটা ভূত চেপেছে গো!

সেই লম্পট ভূত—বোবার রাজা ভূত—চোরের

সর্দার ভূত—থুনে ভূত—আর সেই দাঁড়-খিচুনে

ভূত, যেটা সোমন্ত দাসী-বান্দীর ঘাড়ে চাপে।

জয় হোক আপনার!

মষ্টর। লহ, এই অর্থ ধর।

হুর্ভাগ্য তোমায় আনত করেছে। আহা,

অকাতরে বহু হুঃখ সহিবার তরে।

মোর হুঃখে নিজ-হুঃখ তবু সে ভাবিবে।

ভগবান! কর পুনঃ এমন বিধান,

ঐশ্বর্য্য-মদেতে মত্ত কামাচারী নর

সম্পূর্ণ লজ্জিয়া তব ঐশ্বরিক বিধি,  
হুঃখরাশি হেরে চারিভিতে,  
নারে বুঝিবারে, অমুভব-শক্তিহীন ;  
স্পর্শে না বলিয়ে তায়,  
যাহে শীঘ্র পারে বুঝিবারে তোমার শক্তি  
একের আধিক্য বহু ভাগে বিভক্ত হইলে,  
প্রতিজ্ঞনে পাইবে প্রচুর ।  
ডোভর কোথায়—জানো তো ?

এড্‌গা। আজ্ঞে হাঁ।

গষ্টর। অতি-উচ্চ গিরি এক আছেয়ে সেথায়,  
তুঙ্গ শৃঙ্গ যার জন্মস্থে চাহিয়া  
বাধা দেয় তল-লগ্ন সাগর-প্রসারে ।  
প্রান্তে তার লয়ে চল ।  
দিব অর্থ—যাহা কাছে আছে—  
দারিদ্র্য ঘুচিবে তব ।

সেই স্থান হতে সাথী রহিয়ো না আর ।

এড্‌গা। আপনার হাত দিন। অভাগা টম  
আপনাকে নিয়ে যাবে ।

[ প্রস্থান

## দ্বিতীয় দৃশ্য

এলবেগীর প্রাসাদ-সম্মুখ

( গনৈরিল ও এডমণ্ডের প্রবেশ )

গনে। স্বাগত প্রভু !

বিস্ময় মানিলু, সদা-নম্র স্বামী মোর  
করিছে না অভ্যর্থনা আগুসরি হয়ে !

( অপর দিক হইতে অস্‌ওয়াল্ডের প্রবেশ )

কোথা তব প্রভু ?

অস্‌। দেবি, আছেন ভিতরে ।

হেরি নাই মানবে কখনো

হেন ভাব করিতে ধারণ !

সৈন্ত-সমাগম-বার্তা জানাইছ তাঁর,

যুধ হাসে—কর্ণপাত করিল না তাঁর ;

আগমন-বার্তা তব জানাইছ ;

কহিলেন—অশুভ সংবাদ অতি ।

বিশ্বাসঘাতক গষ্টরের কথা,

রাজভক্ত পুত্রের আচার তার,—

জানানু তাঁহাকে যবে—

মন্তপায়ী বলি করে উপহাস মোরে !

কহেন আবার, মনে রে বুঝিছ ভালো,  
উপযুক্ত যেই কার্যে বিরাগ তাঁহার,  
অমুমান, সেই কার্যে তাঁর অমুযোগ ।  
মনোমত হওয়া বাহা উচিত, তাহার  
কু ভাবিয়া পরিত্যাগ করেন সকলি !  
গনে। কাজ নাই আগুসরি ।

( এডমণ্ডের প্রতি )

বুকে যেই ভীক-মন,—তাহার প্রভাবে  
সাহস না হয় কার্য্য করিতে সমাধা ।

অত্যাচারে অমুভব-শক্তিহীন ;

প্রতীকার সমুচিত তথা ।

আগমন-কালে যে-বাসনা করেছি প্রকাশ,  
কার্য্যে যেন হয় তাহা পরিণত !

এডমণ্ড, যাও ফিরে স্রাতার নিকটে,

সম্মিলিত কর সৈন্তগণে,

বাহিনী চালনা কর রণক্ষেত্র পানে ।

অস্ত্র আয়ি ধরিব নিশ্চিত,

তন্ত-বস্ত্র-ভার দিয়া স্বামীর উপর ।

অমুগত ভৃত্য এই,

পরস্পরে গূঢ় বার্তা বহিবে নিয়ত ।

নিজ-দৌভাগ্যের তরে থাকিলে সাহস,

আজ্ঞা মম এখন পালিবে। ধর ইহা ।

( পুরস্কার প্রদান )

বাক্য-ব্যায়ে নাহি কাজ ।

নত কর মস্তক তোমার ;

ভাবে প্রকাশিত যদি চূষন আমার,—

নাচিত অন্তর তব গুনিয়া সে-ভাষ ।

ভেবে স্থাখে—বুঝ কথা। বিদায় এখন ।

এড্‌। মরণ না হয় যত দিন,

তত দিন রহিব তোমার ।

গনে। প্রিয়তম গষ্টর আমার !

[ এডমণ্ডের প্রস্থান

মানুষে-মানুষে হয়, কত ভেদ দেখি !

নারী নিজে দিতে চায় সর্বস্ব তাহার

তোমাতে যে প্রিয়—হায়, এ আমার দেহ

মৃত জনে করে ভোগ !

অস্‌। আসে প্রভু ।

[ অস্‌ওয়াল্ডের প্রস্থান

( এলবেগীর প্রবেশ )

গনে। ছিল দিন—যবে মোরে করিতে মরণ

সবাকার আগে, জানি ।

এল্। গনৈরিল—গনৈরিল—

বায়ু-বেগে ওড়ে ধূলি। সেই ধূলি সম  
মূল্য তব অতি-তুচ্ছ—কোনো মূল্য নাই !  
তোমারে হেরিয়া আমি সভা ভয়ে ভীত—  
যাহার প্রকৃতি আপন-আধারে ঘৃণা করে,  
অসংযম সীমাহীন তার !  
যে সন্তান আপন-ইচ্ছায়  
আপনার জনম-আধার হতে  
নিজেকে বিচ্ছিন্ন করে,  
শাখা যথা বৃক্ষ হতে,—  
অকালে সে মরিবে শুকায়ে—  
পরিণাম ভীষণ তাহার !

গনে। বৃথা বাক্য-ব্যয়ে ফল ?

এল্। মৃত তব বাণী। জ্ঞান বুদ্ধি সাধুতা—সে ভাণ,—

মন্দ বলি হয় অনুভব।  
আবর্জনা হতে পুতিগন্ধ বাহিরায় সদা।  
কি কাজ না করিয়াছ ?  
বাঘিনী...বাঘিনী...নহ মানব-তনয়া !  
মাতৃ জন—বার্দ্ধিক্যের ভারে নত ;  
যার পাশে নত হয় বদ্ধশির ঋক্ষ—  
সে-পিতায়, রে নির্ধূরা, করেছ বাতুল—  
পশুর অধম তাঁরে ক্রুর আচরণে !  
সদাশয় ভ্রাতা মোয়,  
তার'পরে এমন নিষ্ঠুর আচরণ ?  
মাছুষ—তুহুপরি অধিষ্ঠিত রাজ-পদে,  
যে তোমার শত হিত করেছে সাধন—  
সেই পিতা—রাজা—তাঁরে এমন ব্যাভার !  
এ পাপের শাস্তি দিতে দেবতার যদি  
অচিরে না নেমে আসে—ফিরে তবে বুঝি  
মানবে-মানবে বাধে হ্রস্ব সংগ্রাম !  
কাটাকাটি হানাহানি চলিবে বিষম !  
জলচর নক্স সম চলিবে শীকার পরস্পরে !

গনে। ভীকু ক্লীব কাপুরুষ !

কপোল তোমার দেখি আঘাতের তরে—  
ধর শির অপমান বহিবারে ?  
ললাটে ও ছুটা চোখ—নির্দারিতে নারে  
ক্লেষ হতে মর্যাদা তোমার কত বেশী !  
মৃত যারা তোমার মতন—তারাই জানায়  
প্ৰীতি-মায়ী হুজুর্জন পিতারে !  
পিতা হুঃখ পায় তার নিজ-কর্মদোষে।  
কোথা তব রণ-বাঘ ? শান্ত এ ইংলণ্ডে  
ফ্রান্স করে পতাকা উড্ডীন !  
পরান্নবি তোমারে চাহে রাজত্ব-বিস্তার।

আর তুমি ! মৃতবুদ্ধি ! নীতি-জ্ঞানে টলমল  
বসে আছ নিশ্চিন্ত হইয়া ! মুখে ভাষা,  
'হায়, হায়, হেন কার্য কেমনে হইল !'

এল। পিশাচি, আপনারে ছাখো ভালো মতে।  
নারী-চিত্তে পাশে যবে নারকী বাসনা—  
সে যত পিশাচ হয়,—পৈশাচী স্ত্রী লয়ে  
পিশাচে না হয় তত !

গনে। মদে মত্ত অতি-মৃত তুমি !

এল। সুরমের দোহাই তোমার—  
স্বভাবের দোষে ভিন্ন ভাব ধরি,  
রাক্ষসীরে নাহি দিয়া ঠাঁই—  
ক্রোধ-অম্লবর্তী হলে  
এই হস্তে খণ্ড খণ্ড করিতাম  
তোর এই অস্থি-মাংস মেদ-রক্ত !  
পিশাচী, পিশাচী তুই রমণীর বেশে !

গনে। দোহাই দেবীর ! তোর পুরুষত্ব—

(দূতের প্রবেশ)

এল। কি সংবাদ ?

দূত। শুন প্রভু, গভ-জীব কর্ণওয়াল-রাজ—  
ভূত তাঁরে করে হত  
গুপ্তরের চক্ষু-উৎপাটন-কালে।

এল্। গুপ্তরের চোখ !

দূত। তাঁহার পালিত দাস এক  
অম্লতাপে বিগলিত  
বাধা দিল সেই কার্যে,  
অস্ত্র তোলে দেহ লক্ষ্য করি।  
ক্রোধ-ভরে আক্রমিল ক্রীতদাসে,  
ভূতলে পড়িল দাস ;  
সে বিরোধে আহত হইল বীর।  
গুরু সে আঘাত—জীবনের হলো অবসান।

এল্। ইহাই প্রমাণ !

যথার্থই মাথার উপরে আছেন ঈশ্বর !  
ইহলোক-কৃত-পাপে নর,  
প্রায়শ্চিত্ত করে ভোগ।  
অভাগা গুপ্তর হায়, হারান্নাছে ছুটি আঁখি তার ?  
দূত। ছুটি, আঁখি, প্রভু।

দেবি ! এই পত্রখানি আপনার ভগ্নীর কাছ  
থেকে এসেছে। এখন এর উত্তর দিতে হবে।

গনে। (স্বগত) কাজ যা হয়েছে, মনের মতন।  
কিন্তু ভগিনী বিধবা হয়েছে, আর তার সঙ্গে  
আছে আমার এডমণ্ড। তাহলে আমার শূন্য  
জীবনে যে আশার কুঞ্জ রচনা করেছি, তা ভেঙ্গে

যাবে,—হুঃখই সার হবে আমার? যাক্ এখন-  
কার খপর মন্দ নয়। (প্রকাণ্ডে) পত্র পড়ে  
জবাব দেবো।

[প্রস্থান

এল্। যখন তাঁর চোখ নষ্ট করুলে, তখন তাঁর পুত্র  
কোথায় ছিল?

দূত। আমার প্রভু-পত্নীর সঙ্গে তিনি এখানে এসে-  
ছিলেন।

এল্। তিনি তো এখানে নেই।

দূত। না প্রভু,—ফিরে যাবার সময় পথে আমার  
সঙ্গে তাঁর সাক্ষাৎ হয়েছে।

এল্। এ মর্যাদাসিক সংবাদ সে পেয়েছে?

দূত। হাঁ প্রভু, তিনিই গুপ্তের বিরুদ্ধে সংবাদ  
দিয়ে ছিলেন। যাতে তাঁরা মনোমত শাস্তি দিতে  
পারেন, সেজন্য স্বেচ্ছায় তিনি সে গৃহ পরিত্যাগ  
করে আসেন।

এল্। গুপ্তর! ভীষিত রয়েছি আমি—

সাধু-বাদ দিতে,—হেন রাজভক্ত তুমি!

ও আখির ঋণ তব হইবে শুধিতে!

এস বন্ধু! কহ মোরে সকল বারতা।

[প্রস্থান

## তৃতীয় দৃশ্য

ডোভর-সমিহিত ফরাশী-শিবির

(কেণ্ট ও জনৈক ভদ্রলোকের প্রবেশ)

কেণ্ট। ফ্রান্সের রাজা এত শীঘ্র চলে গেলেন কেন,  
বলতে পারো?

ভদ্র। কি বুঝি রাজকার্য্য অসম্পূর্ণ ছিল, এখানে  
আসবার পর সে কথা স্মরণ হয়। রাজ্যে বিষম  
ভয় আর বিপদের আশঙ্কা। তাই তাঁর শীঘ্র  
ফেরবার প্রয়োজন হলো।

কেণ্ট। কাকে সৈন্তাধ্যক্ষ রেখে গেলেন?

ভদ্র। ফ্রান্সের রণবীর ফারকে।

কেণ্ট। তোমার পত্র পড়ে রাণী হুঃখ করুলেন?

ভদ্র। হাঁ, পত্রখানি তিনি আমার সামনে  
পড়লেন। পড়তে পড়তে হুঁগাল বয়ে টম্‌টম্‌  
করে জল পড়তে লাগলো। মন তাঁর বিদ্রোহে  
ফুঁশে উঠেছিল। কিন্তু আশ্চর্য্য মনের সংঘম! সে  
বিরাগ-বিদ্রোহ প্রকাশ পেলো না।

কেণ্ট। মনে তাহলে তিনি বিষম আঘাত পেয়েছেন!

ভদ্র। ক্রোধ-ভাব নাহি কিছু।

ধৈর্য্য আর হুঃখ মিলি আরস্তিল রণ,  
স্বরূপ প্রকাশি লভিতে আধার তাহে।

দেখিয়াছ রৌদ্র-রুষ্টি এককালে?

মুখে হাসি—চোখে অশ্রু? তেমনি স্তম্ভর!

যেন বিধাধরে হাসি মধুর উজ্জল—

জানে না নয়ন ভরে অশ্রুর কণায়—

হীরক হইতে যথা ঝরে মুক্তা-ফল,

অশ্রু তথা—ঝরে তাঁর হৃৎকপোল বহি।

অর্থাৎ সংক্ষেপে কহি—

হুঃখ মনোরম ভাব করিল ধারণ।

কেণ্ট। শুধালেন কোনো কথা?

ভদ্র। এক...না, না—হুইবার

দীর্ঘ্বাসে 'পিতৃ'-নাম বাহিরিল মুখে।

মনে হলো ব্যথা-ভরে, বুঝি বুক ভাঙ্গে!

কহেন আবার—

'ভগ্নি! ভগ্নি! ভগ্নি! কলঙ্কিণী পিশাচি দোহে!

ভগিনী! ভগিনী! কেণ্ট! পিতা! ভগ্নী মোর!'

আঁখি হতে পূতবারি ঝরিল আবার,

স্বপ্নারামি সেই জলে ধুয়ে মুছে গেল।

তাজি সেই স্থান,—যান

একাকিনী শোক-ভার বহিতে নির্জনে।

কেণ্ট। গ্রহগণ জীবন-আকাশে করে লীলা;

নহে কভু প্রকৃতি-পুরুষ-মিলনেতে,

জনমে সন্তান হেন বিভিন্ন প্রকৃতি?

হ্যাঁ, তার পর আর কোনো কথা হয় নি?

ভদ্র। না।

কেণ্ট। রাজা ফিরে আসবার পূর্বে এসব কোনে  
কথা হয়েছিল?

ভদ্র। আজ্ঞে না। কথা যা হলো, তা তাঁর  
আসবার পরে।

কেণ্ট। হুঁ। নিপীড়িত শোকার্ত রাজা এই নগরে  
আছেন। মন যখন ভালো থাকে, আমাদের  
আসবার হেতু বুঝতে পারেন; কিন্তু কত্কার সঙ্গে  
সাক্ষাৎ করতে কোনো মতে স্বীকৃত হন না।

ভদ্র। কেন মশায়?

কেণ্ট। লজ্জায় দেখা করতে পারচেন না।

নিজের নির্মমতার জগুই তো কনিষ্ঠা কন্যাকে  
রাজ্য থেকে নির্বাসিত করেছেন। বিদেশে  
আসতে তিনি বাধ্য হন; আর সেই কন্যার প্রাপ্য  
অধিকার—কুকুরের মত নীচ কন্যাদের দান  
করেছেন! এসব কথা স্মরণ করে তাঁর মনে  
এমন দিকার জন্মেছে যে, লজ্জায় কর্ডিলিয়ার সঙ্গে  
দেখা করতে পারচেন না।



ভয়। বড় হুঃখের কথা।

কেণ্ট। এলবেলী আর কর্ণওয়ালের সৈন্ত-সংখ্যা কত, তুমি জানো?

ভয়। না, শুধু এইটুকু জানি যে, তারা যুদ্ধে নেমেছে।

কেণ্ট। দেখুন, মহারাজের সেবা-শুশ্রূষার জন্য আপনাকে তাঁর কাছে রাখবো। কোন বিশেষ কাজের জন্য আমাকে এখন গোপনে থাকতে হবে, —আমি কে, যখন আপনি জানবেন, তখন আমার সঙ্গে আলাপের জন্য ক্ষুদ্র হবেন না। আমার অনুরোধ, দয়া করে আমার সঙ্গে আসুন।

[গ্রন্থান

ডোভর-শিবির

(তুর্ক্যধ্বনি)

(কর্তিলিয়া, ডাক্তার ও সৈন্তগণের প্রবেশ)

কর্তি। তিনি! তিনি! নিশ্চয় তিনি! এইমাত্র তাঁকে দেখা গেল তরঙ্গায়িত সাগরের মত চঞ্চল! কখনও উচ্চ কণ্ঠে গান গাইছেন, কখনও নানা লতা-পাতা-কাঁটা নিয়ে মুকুট তৈরি করে মাথায় পরছেন। চারিদিকে লোক পাঠাও—শত সহস্র লোক—এখনি। তারা ক্ষেতে-ক্ষেতে বনে-বনে তন্ন তন্ন করে সন্ধান করুক—তাঁকে আমাদের কাছে নিয়ে আসুক।

[জর্নৈক সৈনিকের গ্রন্থান

পারে কি মানব-বুদ্ধি সংযত করিতে

পুনরায় বিক্ষিপ্ত ইঞ্জিয়গণে?

আরোগ্য দানিবে যেই,

অদেয় কিছুই নাহি রহিবে তাহারে।

ডাক্তার। ভদ্রে, আরোগ্যের আছয়ে উপায়।

প্রকৃতির ধাত্রী, বিরাম-দায়িনী নিজা—

নিজার অভাব তাঁর!

নিজাধারে আচ্ছন্ন করিতে আছে

বহু লতা-শুষ্ক,—

হিত-কারী ওষধি সে-সব,

তার গুণে নাশি মনস্তাপ

নিজা আসি নিমীলিত করিবে নয়ন।

কর্তি। হিতকারী ওষধি সকল,

অজ্ঞাত অগতে বাহা—

আমার নয়নে সব হউক প্রকাশ—

পিতার হউক তাহা আরাম-দায়িনী!

করো সবে তাঁহার সন্ধান।

অসংযত ক্রোধে যেন

জীবন সংশয় নাহি হয়,—

নিরুপায় জীবন-ধারণে!

(দূতের প্রবেশ)

দূত। শুন ভদ্রে, সংবাদ আমার;

রণ-যুদ্ধে আশুয়ান ব্রিটনের সেনা।

কর্তি। জানি সব। সুসজ্জিত সৈন্ত মোর—

প্রতীক্ষায় আছে সবে।

পিতা...পিতা...স্নেহময় পিতা মোর—

তব কার্যে আমি আছি ব্রতী!

সদাশয় ফ্রান্স-অধিপতি,

হেরি সক্রমণ ভাব, নয়নের ধারা মম,

সদয় অন্তরে হন সহায় মোদের।

রাজ্যলাভ-সাধ মনে তিল-মাত্র নাই।

ভালোবাসা; আর প্রিয়-জনকের লাগি।

সাধ মনে, অতি-শীঘ্র হেরিতে তাঁহার।

[গ্রন্থান

পঞ্চম দৃশ্য

মঠের দূর্গ-কক্ষ

(রীগান ও অসুওয়ালের প্রবেশ)

রীগান। ভ্রাতার সৈন্ত বেরিয়েছে?

অসু। হাঁ ভদ্রে।

রীগান। তিনি স্বয়ং যুদ্ধক্ষেত্রে আছেন?

অসু। অনেক করে তাঁকে নামানো গেছে—আপনার

ভগ্নী তাঁর চেয়ে ভালো যোদ্ধা।

রীগান। তোমাদের ওখানে এডমন্ডের সঙ্গে

তোমার প্রভুর কোনো কথাবার্তা হয় নি?

অসু। না ভদ্রে!

রীগান। তাঁকে আমার ভগ্নীর পত্র লেখবার অং

জানো?

অসু। আমি জানি না।

রীগান। বিশেষ কাজে তিনি এখান থেকে

গেছেন। মঠের চোখ বাবার পর, তাহে

জীবিত রাখা অত্যন্ত হয়েছে। যেখানে সে যায়

সেইখানেই সকলের মনে আমাদের বিরুদ্ধে।

বিষে জাগিয়ে তুলছে। আমার মনে হয়, এড-মণ্ড তার হুখে হুখে নিশা-সম তার সুখ-হীন জীবনের অবসানের জন্ত গেছেন। আর বিপদের সৈন্ত-সংখ্যা জানবার মতলব আছে।

অস্। পত্র সমেত আমি গিয়ে তাঁর সন্ধান নেবো।  
রীগান। আমাদের সৈন্ত কাল বেরুবে। আজ এইখানেই থাকুক—পথে বিপদের আশঙ্কা আছে।

অস্। আমি থাকতে পারি না, দেবি! আমার প্রভু-পত্নীর এ কাজ শেষ করতে না পারলে আমার কর্তব্যে ত্রুটি হবে,—তাতে আমার বিশেষ অনিষ্ট-আশঙ্কা আছে।

রীগান। এডমণ্ডকে তাঁর পত্র লেখবার কি প্রয়োজন? তাঁর অভিপ্রায় তুমি মুখের কথায় জানাতে পারতে। আমার অল্প রকম মনে হচ্ছে; ঠিক বলতে পাচ্ছি না।—আমি তোমায় খুব স্নেহ করবো, চিঠিখানি খুলে আমায় দেখতে দাও।

অস্। দেবি, আমি বরং...

রীগান। আমি জানি, তোমার প্রভুপত্নী তাঁর স্বামীকে ভালোবাসেন না; সে বিষয়ে আমার সংশয় নেই। সেবারে যখন এখানে আসেন, এড-মণ্ডের পানে ফেঁচোখে চাইছিলেন—সে অপাঙ্গ-দৃষ্টি আর ভাব-ভঙ্গী—তার অর্থ আছে। আমি জানি, তুমি তাঁর গোপন কথা সব জানো।

অস্। আমি জানি?

রীগান। হ্যাঁ, আমি বেশ ভেবেই বলছি,—তুমি জানো। আমিও জানি। জানি বলেই তোমায় এ কথা বলছি। নাও, পুরস্কার নাও। আমার স্বামী মারা গেছেন। এডমণ্ড আর আমি পরস্পরে কথাবার্তা কয়েছি—তোমার প্রভু-পত্নীর চেয়ে আমাকে বিবাহ করা তাঁর সাজে। তাঁর সঙ্গে দেখা হলে আরও অনেক কথা জানতে পারবে। এটি তাকে দিয়ে। যখন তোমার প্রভুপত্নী তোমার মুখে কথা শুনবেন,—যেন বুদ্ধি না হারান, এইটুকু বলে দিয়ে। এখন এসো। যদি সেই অন্ধ বিদ্রোহীর সঙ্গে তোমার দেখা হয়, তার শির...বুঝলে, তার শির এনে দিতে পারলে বিশেষভাবে তোমায় পুরস্কার দেবো।

অস্। তার সঙ্গে যদি একবার সাক্ষাৎ হয়, তাহলে দেখাবো, আমি কোন্ পক্ষে।

রীগান। এসো এখন।

[প্রস্থান]

## ষষ্ঠ দৃশ্য

ডোভর-সমিহিত প্রান্তর

(মষ্টর ও কৃষক-বেশে এডগারের প্রবেশ)

মষ্টর। আমরা কখন ঐ পাহাড়ের চূড়ায় উঠবো? এডগা। এখন আমরা উপরে উঠছি। দেখুন না, কত কষ্ট করে উঠতে হচ্ছে।

মষ্টর। সমতল জায়গা বলে আমার মনে হচ্ছে।

এডগা। ভয়ঙ্কর উচু! সমুদ্রের শব্দ শুনতে পাচ্ছেন?

মষ্টর। কৈ না, পাচ্ছি না তো।

এডগা। চোখের যতনায় আপনার অপর ইন্দ্রিয়-বোধ লোপ পেয়েছে।

মষ্টর। হতে পারে! আমার মনে হচ্ছে, তোমার কণ্ঠ-স্বরে পরিবর্তন হয়েছে। আগের চেয়ে অনেকখানি পরিষ্কার ভাষায় তুমি কথা কইছ।

এডগা। আজ্ঞে না, আপনি ভুল বুঝছেন! পোষাক ছাড়া আমার আর কিছুই পরিবর্তন হয়নি।

মষ্টর। আমার বোধ হয়, তুমি কথাবার্তা ভালো কইছ।

এডগা। আসুন মশায়, এই সে জায়গা। স্থির হয়ে দাঁড়ান। কি ভয়ঙ্কর! নীচের দিকে চাইতে মাথা ঘুরে যায়! যে সব কাক-চিল আকাশে উড়ে বেড়ায়, তাদের দেখাচ্ছে যেন ঝিঁঝিঁ পোকা। পাহাড়ে যারা লতা-পাতা সংগ্রহ করে—ঐ তাদের দেখা যাচ্ছে—অনেকখানি নীচে। কি ভয়ানক ব্যবসা! লোকটাকে দেখাচ্ছে এতটুকু। সমুদ্রের কুলে জেলেদের দেখাচ্ছে যেন ছোট ছোট ইঁদুর! একটু দূরে মস্ত জাহাজ—সেটাকে মনে হচ্ছে যেন জলিবোট! আর তার সঙ্গে বাঁধা জলিবোটখানাকে দেখা যাচ্ছে না। না, আর দেখবো না। মাথা ঘুরে যায়। চোখ ঝাপসা হয়ে ছড়মুড় করে শেষে পড়ে যাবো!

মষ্টর। আচ্ছা, যেখানে তুমি দাঁড়িয়ে আছো, এই-খানে আমায় ছেড়ে দাও।

এডগা। দিন আপনার হাত। পাহাড়ের ধার থেকে একটু দূরে আছেন। পৃথিবীর সমস্ত সামগ্রী পেলেও ওখান থেকে—ওঃ, না, আমি লাফাতে পারবো না!

মষ্টর। হাত ছাড়ো, বন্ধু,—আর এই একটা টাকার থলি ধরো। এর মধ্যে একটি রত্ন আছে,—গরীবের পক্ষে তা যথেষ্ট। দেবতার তোমার সহায় হোন—দৌভাগ্য-সম্পদে তোমায়

তৃপ্ত করুন। তুমি যাও—বিদায় নাও।  
তোমায় পায়ের শব্দে আমি যেন বুঝতে পারি,  
তুমি চলে গেছ।

এড্‌গা। বেশ, তাহলে আমি চললেম মশায়।

গ্লষ্টর। সর্বান্তঃকরণে তোমায় বিদায় দিচ্ছি।

এড্‌গা। (স্বগত) ওঁর নৈরাশ্রে অবজ্ঞা দেখিয়ে এ  
নৈরাশ্র দূর করবার চেষ্টা করছি।

গ্লষ্টর। (জানু পাতিয়া) শক্তিমান দেবগণ,  
জগৎ হইতে আজি নিতেছি বিদায়,—  
সমক্ষে সবার

তাজিলাম হৃৎ-ভার ধৈর্য্য-সহকারে।

আরো হৃৎ-সহিবার থাকিলে শক্তি,

রোধ করি অবিরোধী মহা-ইচ্ছা তব,

হেন শিরে পাপ নাহি আনিতাম কভু!

শুদ্ধ জীবাদার মোর পুড়ে ছাই হতো

তৈলহীন বস্ত্রিকার মত!

তারে আশীর্বাদ করো—এড্‌গারে মোর—

জীবিত সে থাকে যদি ১০০ বিদায় ধরনী!

(লক্ষ্য-দান)

এড্‌গা। উল্লক্ষন প্রাণনাশ-হেতু! বিদায়!

না, না, ত্যাগ করিব না কভু।

কি জানি, কল্পনা-মোহ লুটে লবে প্রাণ-ধনে

এ দেহ-ভাণ্ডার হতে,

সে-জীবন অপিচ যখন।

মনে জ্ঞান-অবস্থান যথা, যদি তথা রহিতেন,

জ্ঞান-হারী হতো এতক্ষণে!

মৃত? না, জীবিত?

শুন মহাশয়! শুন বন্ধবর!

বাক্য মম পশিছে শ্রবণে? কহ কথা!

মৃত্যু হতে পারে এইভাবে।

জ্ঞান পুনঃ হতেছে সঞ্চার।

মহাশয় কে আপনি?

গ্লষ্টর। তুমি যাও, আমাকে মরতে দাও।

এড্‌গা। আপমি যদি মাকড়সার মতো, পালক,

কিবা বাতাস হতেন, তা হলেও এত উচু

থেকে পড়লে ডিমের মত ভেঙ্গে যেতেন।

আপনার নিশ্বাস বইছে মশায়, রক্ত

পড়ছে না,—আপনি কথা কইছেন, শরীর

ভালোই রয়েছে। দশটা মাস্তুল উপরি-উপরি

দাঁড় করিয়ে দিলেও খাড়াই ঠিক হয় না,—তারো

ঠিক নীচে এসে পড়েছেন! অদ্বুত আপনার

জীবন, এখনো কথা কইছেন!

গ্লষ্টর। আমি পড়েছি? না, পড়িনি!

এড্‌গা। এই সাদা খড়ির পাহাড়ের মাথা থেকে

পড়েছেন। কতখানি উচু... একবার চেয়ে দেখুন।

চাতক পাখীকেও এত উচুতে দেখা যাচ্ছে না,—

কোন শব্দ শোনা যাচ্ছে না। দেখুন চেয়ে

একবার।

গ্লষ্টর। আমার কি চোখ আছে! মৃত্যুতেও অভা-

গার অধিকার নেই? অত্যাচারীর কোপাগ্নিকে

যদি হৃৎ-ধর দাহে পরিহাস করিতে পারতেন,

তার উচ্চ অহঙ্কারকে নত করিতে পারতেন,

তা হলেও জীবনে কিছু আশা থাকতো।

এড্‌গা। আপনার হাত দিন। উঠুন। হাঁ, এমন

করে। এ কি! এ কেমন? পায়ের উপর ভর

দিচ্ছেন? আপনি দাঁড়ালেন?

গ্লষ্টর। হাঁ, বেশ দাঁড়িয়েছি। বেশ দাঁড়িয়েছি।

এড্‌গা। এ যে ভয়ঙ্কর অদ্বুত ব্যাপার। যেটা

আপনার কাছ থেকে পাহাড়ের চূড়ার দিকে

গেল, সেটা কি, বলুন তো।

গ্লষ্টর। কোনো অভাগা ভিক্ষুক।

এড্‌গা। এখান থেকে দাঁড়িয়ে আমি দেখলেম,

আমার মনে হলো, যেন তার চোখ ছুটি পূর্ণিমার

চাঁদের মত—নাক আছে হাজারটা—শিং

সমুদ্রের ঢেউয়ের মত বোরালো—নিশ্চয় কোন

অপদেবতা! আপনি বড় ভাগ্যবান মশায় যে

দেবতার জীবকে অসম্ভব কাজ করিয়ে নিজেদের

মান রক্ষা করেন, তাঁরাই আপনাকে রক্ষা

করেছেন!

গ্লষ্টর। এখন আমার মনে হচ্ছে, আজ থেকে

নিজে নিজের এ-হৃৎ-ভার বহন কথু-বো, যতক্ষণ

না নিজে ডেকে বলে,—‘যথেষ্ট হয়েছে, আর

নয়, এইবার মরো।’ তুমি যার কথা বলছ,

তাকে আমি মানুষ বলে মনে করেছিলাম। সে

প্রায় বলতো ‘ঐ ভুত, ঐ ভুত।’

এড্‌গা। শান্ত হন। ধৈর্য্যে চিন্তা-শক্তিকে জাগ্রত

করুন। কে আসে?

(বন-কুসুমের বিভূষিত লীয়ারের প্রবেশ)

আপনার জ্ঞানে যতখানি কাজ হবে, প্রভুর

দেখবার শক্তি থাকলেও ততখানি কাজ হবে

না। ওঁর জ্ঞান থাকলে কখনো এ বেশে সাজ-

তেন না!

লীয়ার। না,—টাকা জাল করেছি বলে কখনো

আমায় ওরা ধরতে পারে না! আমি যে রাজা—

খোদ রাজা!

এড্‌গা। কি করুণ! বুক ভেঙ্গে যায়!

লীয়ার। সে বিষয়ে শিল্পের চেয়ে স্বভাবই বড়।  
এই নাও, দানন নাও। কাক-তাড়ানো খড়ের  
পুতুলের মত ও লোকটা ধনুক ধরেছে। কাপড়-  
মাপা গজ-কাঠিটা দাঁড় তো হে। দেখ, দেখ,  
একটা ছুঁচো! চুপ, চুপ, এই পনিরটা হলেই ব্যাটা  
ধরা পড়বে। এই নাও, এস, তোমায় আমি  
যুদ্ধে আহ্বান করছি। যুদ্ধ করতে আমি  
প্রস্তুত। আমার ভল্লধারী পদাতিকদের নিয়ে  
এস। বাঃ, বাঃ, বেশ উড়ছে ঐ বাজপাখীটি!  
মার মার, ঠিক মার। বল, বল, সঙ্কেত বল।

এড্‌গা। হা ভগবান!

লীয়ার। সরো।

গুষ্ঠর। ও-স্বর আমি চিনি।

লীয়ার। হাঃ! হাঃ! গনোরিল! গুভ্র শ্রুশ্র।  
আমার সঙ্গে কুকুরের খেলা খেললে! আমায়  
বললে, কালো শ্রুশ্র হবার আগেই গুভ্র শ্রুশ্র  
গজিয়েছে! আমার প্রতি-কথায় 'হাঁ', 'না', 'হাঁ',  
'না',—বড় ভালো লক্ষণ নয়। তাতে বিশ্বাস-  
অবিশ্বাস টের পাওয়া যায় না। যখন রুগ্মিতে  
ভিজছিলেম, শীতে কাঁপছিলেম, আমার হুকুমে  
আকাশের বাজ যখন থামছিল না, তখন আমি  
তাদের ঠিক বুঝতে পারলেম! তখন সব টের  
পেলেম। যাও, ওরা সত্য কথা কয় না। ওরা  
বললে, আমি সূর্যসেনা,—এ সবার রাজা!  
মিথ্যা কথা! আমারও কম্পজর হয়।

গুষ্ঠর। আমার মনে পড়ছে। মহারাজ—না?

লীয়ার। হাঁ, হাঁ। রাজা আমি রাজা। ক্রোধে যখন  
ক্রভঙ্গী করি, তখনই আমার প্রজারা কেমন  
কাঁপে! আচ্ছা, ঐ লোকটার জীবন ভিক্ষা  
দিলেম। তুমি কি করেছ? পরদার-গমন?  
না, তোমার মৃত্যুদণ্ড হবে না। পরদার-গমনে  
মৃত্যু দণ্ড। হয় না।

গুষ্ঠর। আপনাদের হাত দিন—চুষন করি।

লীয়ার। দাঁড়াও। আগে মুছে ফেলি। এতে মরণের  
গন্ধ লেগে আছে।

গুষ্ঠর। হায়, প্রকৃতির ধ্বংস-মুষ্টি! এত-বড় পৃথিবী  
এমনি করেই লোপ পাবে!...আমাকে চিন্তে  
পারচেন?

লীয়ার। তোমায়? তোমার ঐ চোখ...হাঁ, আছে,  
মনে আছে। তুমি আমাকে ক্রভঙ্গি দেখাচ্ছে?  
না,না, যা তোমার সাধ হয়, করো। মদন অঙ্ক—  
আমি ভাল বাসবো না। এই সমর-আহ্বান  
পত্রখানি পড়ো তো। শুধু লেখাটুকু ছাখো।

গুষ্ঠর। এর এক একটা অক্ষর এক একটা সূর্য্য হলেও  
আমি দেখতে পাবো না।

এড্‌গা। (স্বগত) গুনলেও একথা আমি বিশ্বাস  
করতেম না। আমার বুক ভেঙ্গে যাচ্ছে।

লীয়ার। পড়।

গুষ্ঠর। কি করে পড়বো? চোখের কোর্টর দিয়ে?

লীয়ার। ওহো! তুমিও আমার সঙ্গে আছ? তোমার  
কপালের উপরে চোখ নেই! থলেয় টাকাও  
নেই? তোমার চোখ আছে! তবে খেলে!  
পড়ে! টাকা আছে হাক্সা থলিতে! চার দিকে  
ঘটনা যা ঘটছে, দেখতে পাচ্ছ তো?

গুষ্ঠর। মনশ্চক্ষে দেখছি।

লীয়ার। তুমি পাগল! চক্ষুহীন, তবু পৃথিবীর সব  
ঘটনা দেখতে পাচ্ছ! কান দিয়ে ছাখো বুদ্ধি?  
ঐচ্ছাখো, বিচার। হাকিমের চোরের কেমন শাস্তি  
বিধান করছে, শোনো, কান দিয়ে শোনো;  
বিচারকের জায়গায় চোরকে বসাতো, চোরের  
জায়গায় বিচারককে! বলতে পারবে না, কোনটি  
বিচারক, কোনটি চোর। আচ্ছা, চাষার  
কুকুরকে কখনো দেখেছো ভিক্ষুককে তাড়া  
করতে?

গুষ্ঠর। আজ্ঞে—

লীয়ার। আর কুকুরের কাছ থেকে অভাগা ভিক্ষুক  
পালাচ্ছে? ওখানে দেখবে প্রভুত্বের বিরাট  
বিকাশ! নিজের কোটে তুচ্ছ কুকুরটাও মত্ত।  
ওরে এই বিটলে পাদ্রি, তোর ঐ রক্ত-মাখা  
হাত নামা। কেন তুই ঐ বারাজনকে চাবুক  
মারছিল? নিজের পিঠের কাপড় তোলা।  
নিজে ঐ কাজ চাস—আবার তার জন্ত লাগাচ্ছিস  
ওকে চাবুক? স্ত্রীদেহের চায় ঠককে ফাঁশি  
দিতে। বটে!

বাহিরায় ক্ষুদ্র দোষ চীর-বাস ভেদি,

বহুমূল্য পরিচ্ছদ আবরে সকলি।

কাঞ্চনের আবরণে ঢাকো পাপরাশি,

ভগ্ন হবে শ্রায়-ভল্ল না দিয়া আবাত;

চীর-বাসে ঢেকে দাঁও তায়

বিদ্ধ হবে বামনের তৃণাঘাতে।

দণ্ড-আজ্ঞা প্রদানিতে ক্ষমতা আমার,

তাই কহি বাদি-জিহ্বা করিব নির্দাক;

শ্রায়বান বলি অপরাধী করিব তাহায়;

কেহ যেন পাপ নাহি করে!

চোখে দাঁও আবরণ,

শঠ রাজনীতিবিদ সম ভিন্নভাবে হের সব।

এই—এই—এই—আমার পায়ের জুতো খুলে লীয়ার। তাহলে এখনও আশা আছে। যদি ভালো  
দাও। জোরে, জোরে...

এড্‌গা। সম্বন্ধ ও অসম্বন্ধ মিশ্রিত-বচন ;  
যুক্তি মত্তভাষ্য!

লীয়ার। আমার দুর্ভাগ্য হেরি  
নয়নেতে যদি তব ঝরে নীর ;  
ধর মোর চক্ষু। জেনেছি তোমায়,  
গুপ্তর-অধীপ তুমি—  
ধৈর্য্য ধর। কাদিতে এসেছি হেথা  
জান না কি তুমি!  
ধরাধামে শাস যবে করেছি গ্রহণ,  
ক্রন্দন সেদিন হতে ?  
দিব উপদেশ,—শুন মন দিয়া।

গুপ্তর। হায়, কি দুর্দিন আজি!

লীয়ার। জনম লভিলুম যবে, কাদিলুম তখন—  
বাতুলের রক্তস্থলে আগমন-হেতু।  
সুন্দর এ শিরস্ত্রাণ। অপূর্ব চাতুরী!  
ঘোড়ার খুরে কাপড় বেঁধে দেওয়া! আমি তার  
পরীক্ষা করবো। যখন চুপি চুপি জামাতা-  
বাবাজীদের উপর গিয়ে পড়বো, তখন শুধু মার-  
মার-মার, কাট-কাট-কাট।

(অনুচরগণসহ জনৈক ভদ্রলোকের প্রবেশ)

ভদ্র। এই যে, ইনি এখানে। ধর, ধর। মশায়,  
আপনার প্রিয় কন্যা...

লীয়ার। আমার রক্ষা করে, এমন আমার কেউ  
নেই? আমি বন্দী? ভাগ্যদেবীর হাতে  
খেলনা? আমার সঙ্গে ভাল ব্যবহার করো।  
আমার মুক্তির জন্য তুমি মূল্য পাবে। একজন  
অল্পবৈত্ত ডেকে দাও। আমার মাথায় ক্ষত  
হয়েছে।

ভদ্র। আপনি সব পাবেন।

লীয়ার। আমার সাহায্য করতে কেউ নেই? আমি  
একা? এতে যে মানুষকে স্তনের মামুষ করে,  
তার চোখজুটিকে শরৎকালের ধূলা-ধোওয়া  
বাগানে জল দেবার ঝারি বানিয়ে দেয়।

ভদ্র। মশায়—

লীয়ার। বীরের সাহস নিয়ে আমি মরবো। হ্যাঁ!  
আমি আশ্রয় করবো। নাও, নাও। আমি  
রাজা, সে খবর রাখেন মহাপ্রভুহারা?

ভদ্র। আপনি মহারাজ,—আমরা আপনার আজ্ঞা-  
বহ দাস।

চাও, দোড়োও। সঁ, সঁ, সঁ, সঁ!  
(সবেগে প্রস্থান; অনুচরবর্গের তৎপশ্চাৎ গমন)

ভদ্র। হেন দৃশ্য নীচ জনে মন্বাত্তিক—  
কিবা কথা সস্ত্রাটের!  
যে দুর্দশা হইয়াছে দুই কন্যা-হস্তে—  
আছে এক কন্যা তব—  
দারুণ দুর্দশা হতে উদ্ধারের লাগি।  
যত্নে তাঁর সীমা নাই!

এড্‌গা। স্বাগত হে মহাশয়!

ভদ্র। কুশল সকলি। কিবা তব অভিপ্রায়?

এড্‌গা। যুদ্ধ-বার্তা শুনেছ কি কিছু?

ভদ্র। নিশ্চিত। সকলি।

শব্দজ্ঞান আছে যার, সেই শোনে।

এড্‌গা। কিবা অনুমান তব?

কতদূরে অপর বাহিনী?

ভদ্র। আগুয়ান প্রায়; প্রতি পলে মনে হয়,  
প্রধান বাহিনী উপনীত দৃষ্টিপথে!

এড্‌গা। ধন্যবাদ! এইটুকু প্রশ্ন মোর।

ভদ্র। যদিও রাণী বিশেষ কারণে এখানে এসেছেন।  
তাঁর সৈন্ত ঠিক অগ্রসর হচ্ছে।

এড্‌গা। ধন্যবাদ মশায়।

[ভদ্রলোকের প্রস্থান]

গুপ্তর। সূচির-করুণাময় হে অমরগণ,  
লহ এ জীবন!

হুই বুদ্ধি যেন মোরে প্রলুব্ধ না করে

জীবনের অবসানে পুনঃ

ঈপ্সিত সে কাল পূর্ণ হইবার আগে!

এড্‌গা। তাত, আমরাও প্রার্থনা তাই।

গুপ্তর। কে তুমি?

এড্‌গা। অতীত দরিদ্র জন,

উৎপীড়িত ভাগ্যের তাড়নে;

শিথিয়াছি সদা হুখ-ভার বহি,

হইবারে পর-হুঃখে মলিন কাতর!

দাও হাত—লয়ে যাই আশ্রয়-ভূমিতে!

গুপ্তর। অন্তরের ধন্যবাদ লহ। বিধাতার  
আশীর্বাদ নিত্য যেন ঝরে তব শিরে!

(অস্‌ওয়াল্ডের প্রবেশ)

অস্‌। পুরস্কার ঘোষণা হয়েছে। ভারী খবর  
তোমার ঐ চোখ-খাওয়া মাথা—আমার ভাগে

খুব উন্নতি ঘটিয়েছে। বলি, ওরে বুদ্ধ,—হতভাগ্য রাজদ্রোহী, নিজের অতীত জীবনের পাপের জ্ঞ শোক করো—বিলাপ করো—অনুতাপ করো। এই ছাখো, তোমায় পার করতে আমি খোলা তলোয়ার উচিয়ে ধরেছি।

গুপ্তর। আঃ—বন্ধুর কাজ করবে! হাতে তোমার প্রচুর শক্তি সঞ্চারিত হোক।

(এড্‌গার বাধা দিল)

অস্। আরে—দেখচি তো চাষা! প্রাণে তোর ভয়-ডর নেই! জানিস, এর নামে রাজার পরোয়ানা বেরিয়েছে? এ রাজদ্রোহী! এর পক্ষ নিচ্চিস—মরবার সাধ হয়েছে বৃষ্টি! শেষে ওর ভাগ্যের ছোঁয়াচ লেগে তুইও মরবি! ছাড়, ওর হাত ছাড়।

এড্‌গা। মুশয়, মুসহজে ছাড়মু না।

অস্। ছাড়, না হলে মরবি।

এড্‌গা। মুশয় পথ দেহেন—মোদের যাতি দেন। কি ডর দেহান? ডরের তোয়াক্কা রাহি না। বুরার কাছে আইসন না, খবরদার। এহনি ছাখবেন মোর লাঠি কি তোর মাথা—কোন্ডা শক্ত! হঃ—সাক্ষ্য কথা মুশয়।

অস্। দূর হ গোবর-গাঁদা!

এড্‌গা। দাত গুরায়ে দিমু মুশয়। আস্তো, লরায়ে ডর রাহি না।

(পরস্পরে যুদ্ধ, এড্‌গার কর্তৃক আহত)

অস্। ক্রৌতদাস—তুই আমার মারলি! পাষণ্ড, নে-  
• আমার টাকার খলি—যদি তোর সময় ভালো  
• হয়, দেখানা মাটি চাপা দিস! হায় রে, অকালে প্রাণটা গেল! (মৃত্যু)

এড্‌গা। আমি তোকে চিনি। কাজের লোক তুই, পাষণ্ড! তোর প্রভুপত্নীর পাপে সহায়!

গুপ্তর। মরে গেছে?

এড্‌গা। বস্তুন আর্ঘ্য! বিশ্রাম করুন। এর জেব হাতড়াই। যে পত্রের কথা বলছিল, তাতে আমার উপকার হতে পারে! খোলো তো মোড়কের মোম। সমাজ-রীতি, আমার অপরাধ নিয়ে না। আমাদের শত্রুর মনোভাব জানবার জ্ঞ তাদের বক্ষ বিদীর্ণ করতেও আজ প্রস্তুত আছি। তাদের চিঠি-পত্র খোলায় কোন অপরাধ নেই। (পত্রপাঠ)  
“আমাদের পরস্পরের শপথ যেন মনে থাকে।  
তাকে কেটে সাক্ষ্য করবার প্রচুর সুযোগ পাবে।

২য়—২০

যদি তোমার অনিচ্ছা না থাকে, সময় আর স্থানের খুব সুবিধা মিলবে। যদি সে জয়ী হয়ে ফিরে আসে, কোন লাভ নাই। তাহলে আমি বন্দী এবং তার শয্যা হবে আমার কারাগার। সেই ঘৃণ্য স্থান থেকে আমার উদ্ধার কর,—পুরস্কারস্বরূপ সে স্থান তুমি অধিকার কর।

তোমার স্ত্রী—বড় সাধ বলিতে—

“স্নেহের দাসী”

গনেরিল।

রমণীর কাম—এমনি সে সীমা-হারার!

সুজন স্বামীর প্রাণ নাশিতে মন্ত্রণা—  
তার পরিবর্তে চাহে ভ্রাতারে আমার!  
বালুকা-রাশিতে

এই তব দেহ আমি করিব নিহিত।

রহ হেথা, হত্যাকারী ব্যভিচারী-সার্থী।

যথাকালে লজ্জাহীন এই পত্র লয়ে

এলুবেণীর দৃষ্টি আমি দিব বলসিয়া।

তব মৃত্যু-গুপ্ত-তত্ত্ব জানা সমুচিত।

গুপ্তর। উন্মাদ ভূপাল! নীচ ইঞ্জিয় আমার  
অবরুদ্ধ করে নাই জ্ঞান-ধারা মম!

স্বচ্ছন্দে রয়েছি আমি দুখ-ভার বহি!

ছিল ভালো উন্মাদ হইলে—

দুখ হতে চিন্তা মোর পাইত উদ্ধার,

লীন হতো বিকৃত মস্তিষ্কে মোর।

এড্‌গা। দেহ মোরে পাণি—

(দূরে রণ-দামামা)

দূরে গুনি, দামামা-নির্নাদ।

এস স্বরা আগুসরি,

বন্ধু-পার্শ্বে রাখিব তোমায়।

[প্রস্থান]

## সপ্তম দৃশ্য

ফরাসী-শিবির

শয্যাগীন লীয়ার (সুশ্রুত বাস্তবধনি)

ভদ্রলোক ও অত্যন্ত অনুরাগ আসীন

(কর্ডিলিয়া, কেন্ট ও ডাক্তারের প্রবেশ)

কর্ডি। সদাশয় কেন্ট মহোদয়,

এ জীবনে কেমনে যে গুণি তব ঋণ।

ক্ষণিক জীবন মোর,—  
না রবে অধিক কাল,  
সব চেষ্টা হইবে বিফল।  
কেণ্ট। যোগ্য পুরস্কার—স্বীকারে তা হয় লাভ।  
যে কথা বলেছি, তার সত্য সবটুকু—  
খর্ব্ব নয়—ভিলমাত্র নহে তা রঞ্জিত !  
কর্ডি। নব বেশ কর পরিধান—  
হেন বেশ পূর্ব্বস্থিতি জাগায় অন্তরে !  
মিনতি আমার রাখো—ভাজ এই বেশ !  
কেণ্ট। ক্ষমা করো মোরে ভদ্রে—  
এইক্ষণে আপনা-প্রকাশ  
অভীষ্টে ঘটবে বিঘ্ন।  
অনুরোধ মোর,—পরিচয় না হয় প্রকাশ,  
যদবধি নাহি হেরি যোগ্য অবসর।  
কর্ডি। হবে কার্য্য তব অভিমতে, মহাশয় !  
কেমন আছেন নর-পতি ? ( ডাক্তারের প্রতি )  
ডা। নিদ্রামগ্ন আছেন এখনো।  
কর্ডি। কৃপা করো দেবগণ—রোগে মুক্ত করো।  
ক্ষিপ্ত প্রকৃতির ভঞ্জে  
অসম্মত বিক্ষিপ্ত এ ইন্দ্রিয়-নিচয়  
তব কৃপা-বলে পুনঃ হউক সংযত !  
শিশু-সম এবে চিত্ত পিতার আমার।  
ডা। অল্পমতি হলে নিদ্রা ভাঙ্গিব রাজার ;  
বহুক্ষণ নিদ্রাগত।  
কর্ডি। নিজ-জ্ঞানে হইবে চালিত ;  
কর কার্য্য অভিপ্রায়-মত।  
দিব্য-বাসে করেছ ভূষিত তাঁরে ?  
ভদ্র। হাঁ ভদ্রে, নিদ্রা-কালে দিছি নব বাস।  
ডা। নিকটে রছন, করি যবে জাগরিত।  
জাগরণে হবে পুনঃ জ্ঞানের সঞ্চার,—  
নাহিক সন্দেহ তিল।  
কর্ডি। তাই হোক।  
ডা। আসুন নিকটে। উঠে কর যত্নধ্বনি।  
কর্ডি। পিতা ! পিতা ! এ মোর জীবন,  
সঞ্জীবনী ওষধির সম  
উজ্জ্বলিত করে যেন তোমার ও-মন !  
এ মোর চুখনে হোক সম্পূরিত  
চরম সে ক্ষতি,—  
করিয়াছে যাহা মোর ভগ্নীঘর  
তব সম মাত্র জন প্রীতি।  
কেণ্ট। রাজবালা—করুণার অবতার তুমি।  
কর্ডি। নাহি যদি হতে তুমি জন্মদাতা পিতা,  
পুত্র এ পলিত কেশ অই তব শিরে

তথাপি এ আচরণে হতো সঙ্কল্প।  
এই মুখ—সে কি পারে সহিবারে কভু  
হিম-বায়ু-কঠিন আঘাত ?  
পারে কি রহিতে স্থির ভীমবজ্র-রবে ?  
ভীর-গতি চঞ্চলার চপল আলোকে ?  
আহা, পরিত্যক্ত—শূন্য শির !  
হিংস্র সে কুকুর যদি দংশিত আমায়  
সে নিশীথে রাখিতাম তারেও আদরে  
চুল্লী-পাশে দিয়ে ঠাই—প্রচণ্ড দুর্যোগে।  
তুমি কি আমার পিতা ! ছিলে হাসি-মুখে  
শুকরের সনে হীন গুহার ভিতরে  
অধম ভিক্ষুক সনে, তুচ্ছ তৃণাসনে ?  
হায়, হায়, মানি যে বিশ্বয়—  
চেতনা-সহিত প্রাণ কেন যায় নাই !  
এই জেগেছেন, দেখি। কহি, কথা কুহি।  
ডা। হাঁ। এই যোগ্য অবসর।  
কর্ডি। কেমন আছেন প্রভু,—কিরূপ রাজনু ?  
লীয়ার। আঃ, কি করলে ? কেন আমায় কবর থেকে  
তুললে ? তুমি দেখছি, কোনো সাধুর আশ্রা !  
কিন্তু আমি যে আশুনের চাকায় বাঁধা রয়েছি,—  
গরম সীসের মত চোখের জল—সেই চোখের  
জলে জ্বলে যাচ্ছি।  
কর্ডি। বলুন মহারাজ, আমি কে ?  
লীয়ার। তুমি ! তুমি একটা মুক্ত-আত্মা ! জানি, আমি  
জানি। কবে তুমি মরেছিলে—বলো দেখি।  
কর্ডি। এখনও এখনও মতি চপল বিকল !  
ডা। উনি এখনও জাগেন নি ! কিছুক্ষণ একা  
থাক্তে দিন।  
লীয়ার। আমি কোথায় ছিলাম ? এখন কোথায়  
আছি ? দিনের আলো ? না, না, প্রতারিত  
হয়েছি। ইঁা, প্রতারিত। কাকেও আমার মত  
দেখলে বোধ হয় করুণার আমিই গলে যেতেম !  
কি বলি, বুঝতে পাচ্ছি না। শপথ করে  
বলতে পারি না তো, এ ছুটি আমারই হাত।  
আচ্ছা দেখি, এই যে, এ ছুঁচ-বৈধা আমি টের  
পাচ্ছি। হায়, যদি আমার অবস্থা নিশ্চিত  
জানতে পারতাম !  
কর্ডি। আর্ধ্য, চাও, আমার গানে চাও...না, না, এ  
কি বলুহ ! করো, আমাকে আশীর্বাদ করো।  
লীয়ার। এ নহে উচিত তব—পরিহাস মোরে।  
মিনতি, মিনতি করি।  
অতি মূর্খ, হীনবুদ্ধি, বুদ্ধ আমি,  
বয়স অশীতি-উর্দ্ধে—

এক পল উন নয়—নহে কো অধিক ।  
বলি স্পষ্টভাবে, এখনো সন্দেহ মোর,  
স্থির বুদ্ধি নহে মোর মতি !  
মনে হয়, জানি তোমা, আর ওই জনে ।  
তথাপি সংশয় জাগে ।  
জানি না এ কোন্ স্থান ;  
স্বতিপথে নাহি আসে এ আমার বেশ—  
নাহি জানি, গত নিশি কোথায় যাপিলু ।  
বিজ্ঞপ করো না মোরে । জানি স্থানিচ্ছিত  
এ নারী ? এ কর্ডিলিয়া...তনয়া আমার !  
কড়ি। আমি, আমি পিতা, তনয়া তোমার ।  
লীয়ার। চোখে অশ্রু ? না, না, শোনো কথা—  
করো না রোদন ।

থাকে যদি ভীত হলাহল, দাও, পান করি ।  
জানি ভালো, তুমি ভালো বাস না আমার ।  
মনে পড়ে, অনেক যাতনা দেখে  
ভগিনীরা তব—

বিসদৃশ আচরণে বড় ব্যথা পাই ।  
অনুচিত নয় ! তুমি পারো, তুমি পারো—  
তোমার কারণ আছে, যাতনার বিবে  
জর-জর করিতে আমারে !

তাদের ছিল না হেতু—হয়নি উচিত ।

কড়ি। নাই, নাই, কোনো হেতু নাই মোর, পিতা ।  
লীয়ার। আমি কি ফ্রান্সে ?

কেণ্ট। না মহারাজ । আপনি নিজের রাজ্যে আছেন ।

লীয়ার। বঞ্চনা করো না মোরে ।

জ। শান্ত হোন ভদ্রে !

• সে ভীষণ রোযানল দেহে নির্বাপিত ।

• এখনও বিপদ আছে ।

যা কিছু ঘটেছে তাঁর উন্মাদ দশায়—  
মহারাজ যেন তার না জানেন কিছু ।  
কক্ষমাঝে রাখা চাই । যদবধি মতি  
শান্ত নাহি হয়, তাঁর ত্যক্ত করিয়ে না ।

কড়ি। যাবেন কি সমীর-সেবনে ?

লীয়ার। তুমি যদি পাশে থাকো ।

ধর মোর অনুরোধ, কমা কর মোরে—

ভুলে যাও সব কথা,

হতভাগ্য বৃদ্ধ আমি ।

[ কেণ্ট ও ভদ্রলোক ব্যতীত সকলের প্রস্থান ]

ভদ্র। কর্ণওয়াল সতাই তাহলে ও-ভাবে মারা

পড়েছেন ?

কেণ্ট। সত্য

ভদ্র। এখন তাঁর সেনাদের নেতা কে ?

কেণ্ট। শুনেছি, গৃহের জারজ পুত্র এডমণ্ড ।

ভদ্র। হুঁ । সকলে বলছে, তাঁর পুত্র এডগার কেণ্টের  
সঙ্গে জার্মানিতে আছে ।

কেণ্ট। জনশ্রুতি কত রকম শোনা যায় । এবারে  
সতর্ক হওয়া প্রয়োজন । রাজ্যের সৈন্য এখন  
যুদ্ধে অগ্রসর হচ্ছে ।

ভদ্র। রক্তশ্রোত প্রবাহিত হলে তবে এর নিষ্পত্তি  
হবে । বিদায় মশায় ।

[ প্রস্থান ]

কেণ্ট। সমর-উদ্দেশ্য মোর নির্ণীত এক্ষণে,  
ভাল-মন্দ জ্ঞাত হবো আজিকার রণে ।

[ প্রস্থান ]

## পঞ্চম অঙ্ক

### প্রথম দৃশ্য

ডোভর-সম্মিহিত ব্রিটিশ শিবির

( তৃত্যধ্বনি )

( এডমণ্ড, রীগান, ভদ্রলোক ও সৈন্যগণের প্রবেশ )

এড। জানা চাই, এলবেগীর মনে পূর্ব্ণভাব

এখনো রয়েছে কিবা ঘটছে ব্যত্যয় !

কিবা মতি অনিশ্চিত আপনারে মানি—

স্থির অভিপ্রায় কিবা ? আসিয়া কহিবে ।

[ ভদ্রলোকের প্রস্থান ]

রীগান। ভয়ী যে লোক পাঠিয়েছিল, নিশ্চয় তার  
কোন বিপদ ঘটেছে ।

এড। তাহাতে সংশয় আছে ?

রীগান। জানো তুমি শ্রিয়তম, তোমার কুশল,  
সাধিতে অন্তর মোর কত না আকুল !

বলো দেখি—বলো সত্য করি

ভালোবাসো কি না তুমি ভগিনীরে মোর ?

এড। ভালোবাসি বিপুল সজ্জমে ।

রীগান। মনে রেখো, সে জালা সবো না কভু !

মনে হয়, এক ভারে বাঁধা ছুটি প্রাণ—

বুকে বুকে মুখে-মুখে—হয়ে এক হয়ে

আছো যেন হয়ে তুমি গবেরিলময় !

এড। না, না, না, শপথ করি—এমন সে নয় !



রীগান। প্রেম যেন নাহি দেখি হৃদয়ে তোমার  
তার প্রতি।

এড। সে ভয় করো না তুমি।

আসে ওই ভগ্নী তব—স্বামীর সহিত।

(এল্বেগী, গনেরিল ও সৈন্তগণের প্রবেশ)

গণে। (স্বগত) যুদ্ধে পরাজয়—সহিব তা;

কিন্তু সহিব না—ভগ্নী মোর করিব

শিখিল এ প্রেম-বন্ধন।

এল্। প্রিয়তমা ভগিনী মোদের! স্থলগ্নে সাক্ষাৎ।

মহাশয়, শুনি বার্তা,

মহারাজ সম্মিলিত তনয়ার সনে,

আরো বহু জন সহ—নির্বাসিত যারা

কঠোর শাসন-বলে।

চিত্ত যেথা শুদ্ধ নয়, সাহস হারাই!

ফ্রান্সে বিভাড়িত করা উচিত মোদের,—

যুদ্ধে তারা আশ্রয়ান,—মোদের বিরুদ্ধে;

কিন্তু দেয় আশ্রয় রাজারে, পক্ষ লয়ে;

নির্বাসিত সর্বজনে দিয়াছে আশ্রয়।

তাই ভাবি, কি উপায় করিব এখন।

এড। বড় সমুচিত বাণী!

রীগান। তর্কের কি প্রয়োজন?

গনে। কর সৈন্ত সমাবেশ শত্রুনাশ-হেতু।

গৃহ-বিবাদের এবে নহে অবসর।

এল্। রণদক্ষ বীরপাশে মন্ত্রণার তরে

চলো যাই বিধি লইবারে।

এড। পশিয়ে শিবিরে তব করিব সাক্ষাৎ।

রীগান। ভগিনী কি আমিবে মোদের সাথে?

গনে। না।

রীগান। উচিত গমন তব। প্রার্থনা আমার, এসো।

গনে। (স্বগত) বুকিয়াছি রহস্য ইহার। যাবো আমি।

(প্রস্থান-কালে ছদ্মবেশে এডগারের প্রবেশ)

এডগা। আমার মত গরিবের সঙ্গে যদি আলাপ  
করেন, তা হলে একটা কথা শুদ্ধন।

এল্। আমি শীঘ্র আসছি। আচ্ছা, বলো।

এল্বেগী ও এডগার ব্যতীত সকলের প্রস্থান

এডগা। যুদ্ধে নামবার পূর্বে এই পত্রখানি  
পড়বেন। যুদ্ধে যদি জরী হন, তা হলে এ পত্র  
যে এনেছে, তাকে যদি চান তো ভেরী-নির্দা  
করবেন। আমার এমন হীন মলিন বেশ হলেও  
আমি এমন সব যোদ্ধা এনে হাজির করবো যে,

এ পত্রে যা যা লেখা আছে, তাঁর প্রমাণ প্রত্যক্ষ  
করবেন। যুদ্ধে যদি মারা যান, আপনার পাখি  
লীলার সঙ্গে সব ষড়যন্ত্রের শেষ হবে। ভাগ্যদেবী  
আপনার উপর প্রসন্ন হোন—এই আমার  
প্রার্থনা।

এল্। দাঁড়াও—আগে পত্র পাঠ করি।

এডগা। তাতে আমার নিষেধ আছে। যথাসময়ে  
ভেরীধ্বনি শুনলে আমি নিজে এসে উপস্থিত  
হবো।

এল্। আচ্ছা, বিদায়। আমি তোমার এ পত্র  
পড়বো।

[এডগারের প্রস্থান]

(এডমন্ডের পুনঃপ্রবেশ)

এড। শত্রু সম্মুখে। সৈন্ত সম্ভিত করুন। এই  
দেখুন অতি সাবধানে,—তাদের সৈন্ত-সংখ্যা  
পরিমাণ বোঝা গেছে। কিন্তু আপনাকে  
তাড়াতাড়ি প্রস্তুত হতে হবে।

এল্। সময়ে অনুগামী হবো।

[প্রস্থান]

এড। ছুটি ভগ্নীকেই ভালোবাসা জানিয়েছি। অহি  
নকুলের মত তারা পরস্পরে পরস্পরের হিংস  
করে। কাকে এখন নিই? হুজনে? না  
একজনকে? না। কাকেও না। হুজনেই যদি  
বৈচে থাকে, কেউ ভোগে আসবে না। বিধবাবে  
যদি গ্রহণ করি, গনেরিল জ্বলে উঠবে  
ওর স্বামী বৈচে থাকতে আমারো মতনব হাসি  
হবে না। এখন যুদ্ধের সময় তার সাহায্য নিতে  
হবে। যুদ্ধ শেষ হলে নিজেই সে ওর মৃত্যু  
ব্যবস্থা করবে। ওর মরণ সে চায়। লীয়ার  
আর কডিগিয়াকে মমতা-ভরে ক্ষমা করবার  
দারুণ ইচ্ছা,—কিন্তু যুদ্ধ শেষ হলে যদি তার  
আমার হাতে আসে, তাহলে এ ক্ষমা তার  
পাবে না।

আমার নিজের রাজ্য, নিজেই রক্ষক—

বুখা বাদ-বিসম্বাদে কিবা আবশ্যক!

## দ্বিতীয় দৃশ্য

শিবিরদ্বয়মধ্যস্থ প্রান্তর

(নেপথ্যে ভেরীধ্বনি। লীয়ার, কর্ডিলিয়া এবং সৈন্ত-গণের রক্তমঞ্চে প্রবেশ ও অপর দিক দিয়া সকলের প্রস্থান)

(এডগার ও গ্লষ্টরের প্রবেশ)

এডগা। আর্ঘ্য, এই গাছের ছায়ায় বিশ্রাম করুন। প্রার্থনা করুন, যেন ধর্মের জয় হয়! যদি আমি ফিরে আসতে পারি, আপনার সেবা করবো।

গ্লষ্টর। ভগবান তোমার কল্যাণ করুন!

[এডগারের প্রস্থান]

(নেপথ্যে ভেরীধ্বনি)

এডগারের পুনঃপ্রবেশ

এডগা। পালান, পালান; এ স্থান ত্যাগ করুন। আমার হাত—নিম্ন,—ধরুন। চলুন! রাজা লীয়ার যুদ্ধে পরাজিত। তিনি আর তাঁর কন্যা বন্দী। আমার হাত ধরে শীঘ্র আসুন।

গ্লষ্টর। আর কোথাও যাবো না। এখানেও একটা মানুষ মরে পড়ে পচতে পারে।

এডগা। আবার সেই দৃষ্টিস্তা! জগতে আসবার সময় যেমন, যাবার সময়েও তেমনই মানুষকে অবশ্যই অপেক্ষা করতে হবে! প্রস্তুত থাকা চাই, শুধু। আসুন এখন।

গ্লষ্টর। ঠিক কথা বলেছ। [প্রস্থান]

## তৃতীয় দৃশ্য

ডোভর-সন্নিহিত ব্রিটিশ শিবির

(রণজয়ী এডমন্ড; বন্দিভাবে লীয়ার ও কর্ডিলিয়া; রণাধ্যক্ষ ও সৈন্তগণের প্রবেশ)

এড্। কজন প্রধান সৈনিক এদের নিয়ে যাও। তাঁদের হাতে এদের বিচারের ভার, যতক্ষণ পর্যন্ত না তাঁদের অনুমতি পাও, ততক্ষণ সতর্ক পাহারা দেবে।

কর্ডি। সাধু অভিপ্রায়ে হেন মন্দ ফল-সাত মোদের অদৃষ্টে—সে তো প্রথম এ নয়! শুধু তব তরে—হীন অবনত আমি।

নিজ-তরে পারিতাম অবহেলা  
করিবারে দুর্ভাগ্যের দারুণ জ্বকুটি।  
হেরিতে বাসনা মম,—তব কন্যাগণে—  
মোর ভগ্নীদের।

। না, না, না, না! এস, যাই কারাগারে;  
পিঞ্জরে বিহঙ্গ সম গাহিব ছুজনে।

আশীর্বাদ মোর কাছে চাহিবে যখন,  
জানু পাতি ক্ষমা আমি মাগিব তখন।

এরূপে কাটাবো কাল প্রার্থনা করিয়া,  
গাহি গান, পূর্ব-গাথা বর্ণনা করিয়া,  
হাস্ত করি, নানাবর্ণ প্রজাপতি হেরি,  
আর শুনি রাজ্যের সংবাদ

শঠ যত প্রতারক-পাশে—

শুনিব আবার, কে-বা জিনে, হারে কে বা,  
কোন পক্ষ প্রাধান্য লভিল,—

কোন পক্ষ হারাইল তারে;

জানিব এ-ভাবে জীবের রহস্য যত

বিধাতার গুপ্তচর সম।

যাপিব জীবন দৌড়ে দুর্ভেদ কারায়।

উচ্চ নর-শ্রেণী মাঝে নিয়ত অস্থির

যারা, চন্দ্রতেজে সমুদ্রের হাস-বুদ্ধি সম।

এড্। লয়ে যাও উহাদের।

লীয়ার। মা কর্ডিলিয়া! এমন আশ্ব-বিসর্জনে  
দেবতারার সুরভি-পুষ্প বৃষ্টি করেন।

পেয়েছি তোমাতে; বিভিন্ন করিবে যেই  
আমা-দৌহে এবে, স্বরণের অনুমতি লভি—

বিবরে প্রদানি বহি

শৃংগালের প্রায় তাড়াইবে দৌহে।

মুছে ফেল অশ্রু নয়নের।

এস মোরা যাই দৌহে।

[সুরক্ষিত লীয়ার ও কর্ডিলিয়ার প্রস্থান]

এড্। শুন রণাধ্যক্ষ, এই পত্রধানি  
লয়ে যাও কারা-মাঝে। (পত্র প্রদান)

উচ্চতর পদে আমি স্থাপিয়াছি তোমা।

আমার নির্দেশ-মত কার্য কর যদি,

সৌভাগ্যের ক্রোড়ে পাবে স্থান।

জানো ভালোমতে, মানব সমুদায়ী;  
মমতার স্থান নাই অসি-ধারী-হৃদে;

যুক্তি-সিদ্ধান্তের নহে কার্য গুরুতর—

হয়, বলো, করিব পালন—

নহে লও অপরা-আশ্রয় লভিতে কুশল।

রণাধ্যক্ষ। অবশ্য পালিব প্রভু!

এড্। যাও তবে; সাধি কার্য্য শুভ বার্তা দিবে।

এখন এ-কার্য্য করো আমার নির্দেশ-মত।

রণা। না পারি গাড়ী টানতে, না পারি শুকনো  
ছোলা খেতে।

মাগুঘের কবুবার মত কাজ হলে অবশ্য তা কবুবো  
[ প্রস্থান

( এল্বেণী, গনেরিল, রীগান, অপর রণাধ্যক্ষ  
ও সৈন্তগণের প্রবেশ )

এল্। মহোদয়, বংশের মর্যাদা-রক্ষা করিয়াছ  
আজি।

ভাগ্যদেবী স্ত্রপ্রসন্ন তব প্রতি !  
অস্ত্রকার রণে শত্রু বন্দী তব করে।  
আনো হেথা তাহাদের;  
আমাদের নিরাপদ লক্ষ্য করি,  
কর্ম্মফল লভিবে তাহারা।

এড্। মহাশয়, হেরি যুক্তিবৃত্ত, রেখেছি আবদ্ধ;  
হীনভাগ্য বৃদ্ধ সম্রাটের নিয়োজিয়া রক্ষিণে।  
শুরু বয়োভারে য়ার, বিশেষতঃ রাজ-উপাধিতে  
শুণ্ড-মস্ত্র আছয়ে নিহিত,  
যাহে দয়া-ধারে পূর্ণ হবে সাধারণ হৃদি,  
ধরিবেক আজ্ঞাবহ সৈন্তগণে যাহে  
মোদের প্রদত্ত ভন্ন মোদের বিরুদ্ধে।  
আছে রাণী সেই সঙ্গে—  
সেই সে কারণে। প্রস্তুত তাহারা।  
হবে উপনীত বিচারের স্থলে  
কালি কিম্বা নির্দারিত কালে।  
স্বৈদসিন্ত কলেবর এবে,  
ঝরিছে শোণিত তাহে;  
মিত্র হারিয়েছে মিত্রে রণে;  
ভুঞ্জে যারা রণক্রেপ,  
রণমণে ত্রায় যুদ্ধে দেয় অভিশাপ।  
কডিলিয়া-লীয়ারের ভাগ্য-নিরূপণ—  
তার স্থান নহে-ইহা।

এল্। ক্ষম মোরে, মহাশয়!  
যুদ্ধে তুমি প্রজা-সম অধীন আমার,  
সমকক্ষ নহে কদাচন।

রীগান। আমাদের ইচ্ছা'পরে তাহার নির্ভর—  
এতদূর বাকাব্যয় করিবার পূর্বে  
সমুচিত ছিল তব, জানো মোর অভিপ্রায়!  
ইনি মোর বাহিনী-চালক—  
অধিকার আছে এঁর—  
সমকক্ষ নহে বা কেমনে তব?

গনে। উত্তেজিত হয়ো না এমন—

উচ্চ উনি আপনার গুণে,

তব বাক্যে বর্ণনার নাহি প্রয়োজন।

রীগান। মম স্বপ্নে যবে স্বপ্তবান,

উচ্চতম সহ উনি সমকক্ষ।

গনে। হতো ভালো, যদি তব পতি হতো!

রীগান। রহস্তকারীরা প্রায় ত্রিকালজ্ঞ হয়।

গনে। চমৎকার! চমৎকার!

দেখেছিল বক্রভাবে কুটিল নয়নে, কহেছিল যেই

রীগান। ভদ্রে, অসুস্থ শরীর মোর,

নহে দানিতাম যোগ্য প্রত্যুত্তর।

সেনাপতি, লহ তুমি মোর সৈন্তগণে,

বল্লিগণে, আর পিতৃধনে,

মোর স্বপ্নে কার্য্য কর যথা-ইচ্ছা তব।

নিজেরে সঁপিহু—সাক্ষ্য রহিয়ো ধরণী—

এইক্ষণে বরিলাম হে বীর তোমারে—

সর্ব্বময় প্রভু মোর—অধীশ্বর-পদে।

গনে। সাধ বুঝি বিলাস-সন্তোগ!

এল্। শুধু তব ইচ্ছামত কার্য্য হইবে না।

এড্। নহে তব স্বেচ্ছামত।

এল্। হবে রে জারজ, মোর ইচ্ছামতে কাজ।

রীগান। ( এডমণ্ডের প্রতি )

ডঙ্কানাদে এই বার্তা করহ ঘোষণা—

মোর অধিকারে তব পূর্ণ অধিকার।

এল্। ক্ষান্ত হও। যুক্তি মানি শুন মোর বাণী।

\*এডমণ্ড, বন্দী করি তোমায় এক্ষণে—

রাজদ্রোহ-অপরাধ। আর তব সাথে

স্ববর্ণ-সঁপিণী এই সুলন্দরী বন্দিনী!

( গনেরিলকে দেখাইয়া )

সুলন্দরী ভগিনি মোর, তোমার ইচ্ছায়

বাধা দিই আমি, মোর অর্দ্ধাঙ্গিনী-হেতু।

এই অধিপতি-সহ বিবাহ-প্রস্তাবে

আবদ্ধ আমার জায়া বহুকাল হতে,

তাই আমি স্বামী হয়ে

বাধা দিই তোমার বিবাহে।

বরিবারে যদি তব সাধ,

মোরে বরো মালাদানে।

পত্নী মম অপরের নারী।

গনে। ভিন্ন দৃষ্ট এ যে দেখি!

এল্। এডমণ্ড, অস্ত্রে তুমি স্তম্ভজিত।

অতঃপর বাজে ভেরী—

যদি কেহ নাহি আসে করিতে প্রমাণ

স্বপাকর নীচ তব এই রাজদ্রোহ—

লহ এই (হস্তাবরণ উন্মোচন) দ্বন্দ্ব-যুদ্ধে  
আহ্বানি তোমারে ;

তোমার হৃদয়ে আমি করিব প্রমাণ  
তবে লব অঙ্গ-জল—

বলেছি যা, নহ কভু তাহা হতে উন ।

রীগান । এ আমার কি হলো ! অসুখ করছে ।  
গনে । (স্বগত) নতুবা বিশ্বাস নাহি রাখিব ঔষধে ।  
এড । এই লও । (উন্মোচন) প্রত্যাহ্বান করিহু  
তোমায় ।

নাহি হেরি হেন জন এই ধরনীতে  
রাজদ্রোহী বলি যেবা সযোধিবে মোরে—  
পাপাত্মা সে মিথ্যাবাদী—এ কথা যে বলে ।  
ভেরী-নাদে ডাকি তায় । হৃদয়ে সাহস—  
হোক সে-বা অগ্রসর

তারে, তোমা, সকলেরে করিব প্রমাণ আমি  
সত্যে ও সন্ত্রমে পূর্ণ এই চিত্ত মোর ।

এল । ডাকো চারণেরে ।

এড । চারণ ! চারণ !

এল । একা রণে হও আশ্রয়ান ।

মোর নামে সম্মিলিত তব সৈন্তগণ,  
আমার আদেশ-ক্রমে লয়েছে বিদায় ।

রীগান । আমার অসুখ বাড়ছে ।

এল । অসুস্থ নেহারি ওরে,  
লয়ে যাও আমার শিবিরে ।

[ রীগানকে লইয়া অনুচরের প্রস্থান  
(জনৈক চারণের প্রবেশ )

এস হে চারণ,—কর ভেরী-নাদ,

উচ্চ কণ্ঠে কর ইহা পাঠ ।

রণাধ্যক্ষ । কর ভেরীধ্বনি । (ভেরী-নাদ)

চারণ । (পাঠ) “যদি সৈন্তমধ্যে কোন মর্যাদাসম্পন্ন  
ব্যক্তি যন্তরাধিপতি এডমণ্ডকে বিষম রাজদ্রোহী  
বলিয়া প্রমাণ করিতে পার, তাহা হইলে তৃতীয়  
ভেরী-নিদানে এই স্থানে আসিয়া উপস্থিত হও ।  
তিনি আত্ম-সমর্থনে প্রস্তুত ।”

এড । বাজাও । (১ম ভেরীধ্বনি)

চারণ । আবার । (২য় ভেরীধ্বনি)

চারণ । আবার । (৩য় ভেরীধ্বনি)

(নেপথ্যে ভেরী-ধ্বনি)

(তৃতীয় ভেরী-অস্তে সশস্ত্র এডগারের প্রবেশ)

এল । শুধাও ইহারে, কি হেতু তৃতীয় নাগে  
সমাগত হেথা ।

চারণ । কে তুমি ? কি নাম ? কিবা পদ-অধিকার ?  
উত্তরিলে কেন এ আহ্বানে ?

এডগা । শুন, আমি হারারেছি নাম মম  
রাজদ্রোহী-দংশ্ট্রাঘাতে,  
আর দুষ্ট কীটের দংশনে ।  
তথাপি আমার প্রতিদ্বন্দ্বীসম  
উচ্চ পদে আমি অধিষ্ঠিত ।

এল । কে-বা তব প্রতিদ্বন্দ্বী ?

এডগা । যন্তরের অধিপতি । খ্যাত যেবা এডমণ্ড  
নামে ।

এড । আমি সে । কি চাহ বলিতে মোরে ?

এডগা । নিকোষিত কর অসি,

মম বাক্য বাজে যদি উদার হৃদয়ে,  
বাহু-বলে ত্রায়পক্ষ কর সমর্থন ।  
এই ধরলাম অস্ত্র—হের মোর করে,  
মর্যাদা, শপথ আর কার্য্যের গরিমা ।  
কর প্রতিবাদ । সামর্থ্য, যৌবন, উচ্চ পদ  
যদিচ তোমার—  
ধর যদি বিজয়ী কৃপাণ,  
দীপ্তিমান নব ভাগ্য প্রসন্ন তোমারে যদি,  
থাকে যদি বিচিত্র সাহস বৃকে,  
বিশ্বাস-বাতক—বিশ্বাস-বাতক তুমি ।  
দেবতা, পিতা, ভ্রাতা,—সর্ব্বজনে অবিশ্বাসী !  
লিপ্ত ঘোর ষড়যন্ত্রে,

মহান, উদার এই রাজকুল-বিপক্ষে ।

শিরঃশীর্ষ হতে নিম্নতম সীমান্ত অবধি,  
পদ-লগ্ন ধূলি তোর—পরিপূর্ণ রাজদ্রোহে,  
অহি-গাত্রে ক্রুফবিন্দু সম । না করি স্বীকার,  
প্রত্যাহারে বাঞ্ছা যদি,  
এই বাহু, তরবারি, আর  
সুদৃঢ় অন্তর মোর,  
প্রমাণিবে তব বক্ষ'পরি, তুই মিথ্যাবাদী ।

এড । বিচারেতে তব নাম জিজ্ঞাস্ত আমার—  
কিন্তু আকার তোমার স্তূঠাম যোদ্ধার মত—  
বাক্যে শিক্ষা সুপ্রকাশ ।

নিজ নিরাপদ-হেতু রীতি-অনুসারে  
জ্ঞানিতে মর্যাদা তব ; বিলম্বনে তুচ্ছ গণি ।  
দানি আমি তব শিরে সর্ব্ব অপরাধ,  
জীর্ণ হোক তব হৃদি নারকীয় হেন মিথ্যা-ভাষে ।

এ হেন কুকর্মে বিদ্ধ না হলে হৃদয়,

এই মম তরবারি দ্বিধা করি হৃদি  
দ্বিবে স্থান যে সকলে,

লভিবারে চির-আশ্রয় তথায়।

কর ভেরী নাদ, কর ভেরী নাদ। আয়।

(পরস্পরে যুদ্ধ। এড্‌মণ্ডের পতন)

এল্‌। রক্ষা কর, রক্ষা কর!

গনে। এই রীতি চির-প্রচলিত,—

অজ্ঞাত বিপক্ষ সনে দ্বন্দ্ব-যুদ্ধে বাধ্য নহে কভু,  
নহে পরাজিত,—প্রতারিত শঠের কবলে!

এল্‌। থামো, ভদ্রে! নতুবা এখনি  
এই পত্রে নিরুত্তর করিব তোমায়।

ধর পত্র।

হুয়ায়া অধম, ভাষা নাই দিতে নাম তোর।

কর পাঠ আপন-দ্রুততি।

ভদ্রে, ছিঁড়িয়ো না পত্র।

অনুমানি, জানো কি-বা লেখা পত্রে।

(এড্‌মণ্ডকে পত্র দান)

গনে। যদি জানি—তোমার কি এসে যাবে?

ব্যবস্থা আমার,—নহে তব।

কর সাধ্য, আমারে বন্দি কর

এই পত্র হেতু!

এল্‌। পিশাচী! ওহো, জানো তবে পত্র-মর্দ!

গনে। কি-বা জানি—কোনো প্রণ গুণায়ো না।

[প্রস্থান]

এল্‌। উহার পশ্চাতে যাও। সতর্ক করহ রক্ষা।

এড্‌। যেই অপরাধে অপরাধী করিলে আমারে,

মানি আমি, তা হতে অধিক পাপে

কলুষিত হৃদি মোর,

সময়ে প্রকাশ পাবে সব।

গত এবে সব। আমিও যে গত-প্রায়।

জানিবারে সাধ, কে-বা তুমি—

মোরে ত্যজি ভাগ্যদেবী সুপ্রসন্ন যারে?

উচ্চবংশ-জাত যদি—ক্ষমিলু তোমায়।

এড্‌গা। এস, করি পরস্পরে বিবাদের শেষ।

বহে যে শোণিত মোর প্রতি ধমনীতে,

একাংশ তা নহে হীন তোমার হইতে।

এড্‌মণ্ড, শ্রেষ্ঠতর যদি সে শোণিত,—

পেরেছি তোমার চেয়ে অধিক যাতনা।

এড্‌গার নাম মোর। পুত্র আমি তোমার পিতার।

স্থায়ণর দেবগণ, স্বথকর পাপরাশি

মূলভূত যাতনা-প্রদানে।

কলুষিত তমোময় স্থান সেই,

যেখায় জনম-দান করেন তোমারে—

অঁখি-হীন করিল তাঁহারে।

এড্‌। সত্য, সত্য, সত্য তব বাণী।

পূর্ণ আবর্তিত এবে ভাগ্যচক্র মোর,

তাই আমি হেথা আজি।

এল্‌। আকার-ইঙ্গিতে অনুমান করেছিহু,

উচ্চ-বংশে বিকাশ সম্ভব! এস, করি আলিঙ্গন।

দ্রুখে হৃদি হউক শতধা

স্বর্ণা-নেত্রে কভু যদি হেরে থাকি,

তোমারে বা পিতারে তোমার।

এড্‌গা। হে রাজনু, সব আমি জানি।

এল্‌। কোথা তুমি আছিলে অজ্ঞাত?

কেমনে জানিলে তুমি পিতার হৃদশা?

এড্‌গা। তাঁহারে সেবিয়া প্রভু।

শুন মোর কাহিনী সংক্ষেপে—

সে কাহিনী শুনি বিদীর্ণ হইবে হৃদি।

মৃত্যুদণ্ড-আজ্ঞা যবে ধাইল পশ্চাতে,

আত্ম-রক্ষা—বিচিত্র এ জীবনের মোহ,

পলে পলে সহে জীব মৃত্যুর যাতনা,

মরিতে না চায় তবু!

শিখালো আমার,

আবরিতে দেহ মোর বাতুলের বাসে,

হেন রূপ করিতে ধারণ—

কুকুরে যে-বেশে করে স্বর্ণা!

হেন বেশে মিলি শেষে পিতার সহিত।

নয়ন-কোটরে হেরি তাঁর

নব তারা-হারা—

অপহৃত মগি যথা কনক-অঙ্গুরী হতে।

সাথী হয়ে পিছে তাঁর চলি সদা,

মাগি ভিক্ষা তাঁর ভরে ছই হাত পাতি;

রক্ষিয়াছি নৈরাশ্র হইতে।

কিস্ত হায়, করিলু যে দোষ,

আপনা-প্রকাশ তাঁরে করি নাই কভু!

দণ্ডমাত্র পূর্বে, সুসজ্জিত দেহে,

যুদ্ধে জয় না জানি নিশ্চয়,

আশীর্বাদ মাগিলাম—কহিলু সকল;

ভগ্ন হৃদি তাঁর সহিতে না পারি

সে হর্ষ-বিষাদে দ্বন্দ্ব,

হাস্তমুখে জীবনের হলো অবসান!

এড্‌। বিষম বাজিল বৃকে কাহিনী তোমার,

কুশল সম্ভব তাহে।

কহ, কি হেতু নীরব?

মনে হয়, আরো কিছু বলিবার আছে।

এল্‌। আরো থাকে, যদি আরো ব্যথা সে কথায়।

ক্ষান্ত হও, মোর মন গলিবে গুনিয়া।

এড্‌গা। হৃদি যার হৃৎ সনে পরিচিত—

তার তরে, হেথা শেষ হতো কাহিনীর।

অত্ন হৃৎ করিলে বর্ণন,

অতিরিক্ত হবে—লজ্জাবে যে সীমা।

পিতৃশোকে উচ্চস্বরে কাঁদিয়া যখন,

এলো সেথা একজন; দুর্ভাগ্য এমন,

বুণিত সংসর্গ মোর গেল যে-বা তাজি,

অবশেষে জানিয়া বারতা

দৃঢ় ভুজ্জে আলিঙ্গিল মোরে,

হৃৎ-ভরে কহে উচ্চ স্বরে,

মনে হলো তাজিল আকাশ!

পতিত হইল মম পিতার উপরে!

মর্শ্বাভাৱী লীয়ার-কাহিনী জানাইল মোরে,

কর্ণে যাহা করেনি প্রবেশ কভু।

উথলিল হৃৎখরাশি বর্ণনার কালে,

যেন টুটিবে জীবন-তন্ত্রী!

অতঃপর তুর্য্যধ্বনি শুনি হুইবার

মুচ্ছিত তাজিল তারে!

এলু। কেবা সেই?

এড্‌গা। কেণ্ট। নির্বাসিত কেণ্ট, মহোদয়।

ছদ্মবেশে নিজ-শত্রু নৃপতি-সংহতি

ফিরিল সেবিয়া তাঁল্ল

হেনরুপে—ক্রীতদাসে সে সেবা না করে।

(রক্তাক্ত ছুরিকা হস্তে জনৈক ভদ্রলোকের প্রবেশ)

ভদ্র। রক্ষা কর! রক্ষা কর! রক্ষা কর!

এড্‌গা। কি চাও? কি চাও তুমি?

এলু। বল স্বরা।

এড্‌গা। রক্তমাখা ছুরির অর্থ?

ভদ্র। এখনো তপ্ত রয়েছে। তপ্ত রক্তের ধোঁয়া উঠছে! এখনই বুক ছিঁড়ে বেরিয়ে এসেছে! টাটকা তাজা রক্ত! সে নেই—নেই! সে মরেছে!

এলু। কে? কে? কে মরেছে? বল—বল!

ভদ্র। আপনার স্ত্রী। আপনার স্ত্রী। তার ভগ্নীকে বিষ খাইয়ে কে মরে ফেলেছে। মৃত্যু-কালে সব কথা স্বীকার করেছে।

এড্‌গা। আমার সঙ্গে তাদের দুজনেরই বিবাহ স্থির হয়েছিল। এক মুহূর্ত্তে তিন জনের একসঙ্গে বিবাহ হয়ে গেল!

এড্‌গা। ঐ কেণ্ট আসছেন।

এলু। তাদের দেহ নিয়ে এসো। মৃত হোক, জীবিত

হোক! বিধাতার ভয়ঙ্কর বিচারে আমরা কাঁপছি! মনে করুণার লেশ উদয় হচ্ছে না।

[ভদ্রলোকের প্রস্থান]

(কেণ্টের প্রবেশ)

ওঃ! ইনিই তিনি? এ সময়ে যথাবিহিত সম্মান করতে পারছি না।

কেণ্ট। আমার রাজা আর প্রভুর কাছ থেকে আমি বিদায় নিতে এসেছি। এখানে তিনি নেই?

এলু। প্রধান কাজেই আমাদের ভুল হয়েছে। এডমণ্ড, মহারাজ কোথায়? কর্ডিলিয়া কোথায়? এগুলো কি? দেখছ কেণ্ট...

(গনেরিল ও রোগানের মৃতদেহ আনয়ন)

কেণ্ট। হায়! এ কি! কেন এমন হলো?

এড। এডমণ্ডকে কিন্তু দুজনেই ভালো বাসতেন। একজন আমার জন্য অপরকে বিষ খাইয়ে মারলেন; নিজে শেষে আত্মহত্যা করলেন।

এলু। সত্য বটে! দাঁও, ওদের মুখ ঢেকে দাঁও।

এড। আমার নিখাস ফেলতে কষ্ট হচ্ছে। যদিও আমার স্বভাব তা নয়, তবু এখন সংকার্য্যে ইচ্ছা হচ্ছে। দুর্গে শীঘ্র লোক পাঠাও। লীয়ার আর কর্ডিলিয়ার মৃত্যু-আজ্ঞা দিয়েছি—আমি। এখন লোক পাঠাও।

এল। যাও। যাও, কে আহ, যাও; দৌড়ে যাও,—দৌড়ে যাও।

এডগা। কার কাছে, প্রভু? কার আদেশ? ক্ষমার মঞ্জুরী এই সঙ্গে পাঠান!

এড। ঠিক বলেছ। যাও, আমার এই তরবার নিয়ে গিয়ে রণাধ্যক্ষকে দাঁও।

এলু। শীঘ্র যাও! দোহাই! তোমার জীবনের দোহাই! [এডগারের প্রস্থান]

এড। কর্ডিলিয়াকে কারাগারে কঁাসি দেবার হুকুম দিয়েছি আমি আর আপনার স্ত্রী। নৈরাশ্রে আত্মহত্যা করেছে বলে' রটনা হবে, স্থির করেছিলাম।

এলু। দেবগণ তাকে রক্ষা করুন। যাও, এখান থেকে ওকে নিয়ে যাও।

(কর্ডিলিয়ার মৃত দেহ ক্রোড়ে লইয়া লীয়ার, এডগার ও রণাধ্যক্ষের প্রবেশ)

লীয়ার। কঁাদ, কঁাদ, কঁাদ, কঁাদ।

পাষাণে রচিত তোরা মর্ত্তের মানুষ!

তোদের মতন যদি হতো এ-নয়ন—  
আমার রসনা হলে তোদের মতন—  
করিতাম হেন নিয়োজন—  
বিদীর্ণ হইত যাহে গগনমণ্ডল !  
গেছে, গেছে, চলে গেছে জনমের মত !  
জানি আমি জীবন-মরণ—মৃত্তিকার সম মৃত এই ।  
দাও তো দর্পণ মোরে ।  
দেখি, হয় কি না হয় নিখাসে মলিন ।  
তাহলে জানিব আমি জানিব নিশ্চিত  
প্রাণ-বায়ু দেহে বহে এখনো...এখনো ।

কেণ্ট । এই পরিণাম শেষে লেখা ছিল ভাল !  
এডগা । কিম্বা তার প্রতিকৃতি ভীম-ভয়ঙ্করী !  
এল্ । দেবতার কোপে ধ্বংস পাক আজি সব !  
আঁখির পল্লব দোলে ! এই যে ! এই যে !  
লীয়ার । বেঁচে আছে । বেঁচে আছে ।  
বেঁচে আছে, দেখি ।

যদি তাই—পাসরিব সব দুঃখ-ক্লেশ—  
যত জালা পাইয়াছি—সকলি ভুলিব !  
সব ব্যথা যাবে দূরে, এ যদি সম্ভব ।  
কেণ্ট । ( জাহ্নু পাতিয়া ) সদাশয় প্রভু !  
লীয়ার । মিনতি ! মিনতি মোর—ত্যাগ করো  
আমায় ত্যাগ করো ।

এডগা । তব বন্ধু—কেণ্ট মহোদয় ।  
লীয়ার । হবি তোরা ব্যাধিগ্রস্ত, হত্যাকারী  
রাজদ্রোহী সবে ।  
পারিতাম বাঁচাতে উহার ; চলে গেল জনমের  
মত ।

কর্ডিলিয়া ! কর্ডিলিয়া ! রহ, রহ, রহ ক্ষণ-কাল ।  
হা ! হা ! কি বলো, কি বলো ?  
নন্দ, ধীর, ক্ষীণ কণ্ঠস্বর—  
রমণীর চারুভূষা !  
হত্যা ! হত্যা করিয়াছি দাসে—  
যে-বা গলে রজ্জু টেনে দিল !  
রণা । সত্য কথা । উনি তাই করেছেন ।  
লীয়ার । করি নাই ? করি নাই কি রে ?  
ছিল হেন দিন—যবে তীক্ষ্ণ অসিধারে  
করিতাম খণ্ড-খণ্ড বিচূর্ণ সকলি !  
বৃদ্ধ এবে, মহা-দুখে জর্জরিত আজি ।  
কে তুমি ? কে ? নিশ্চত নয়ন যোর—  
বলিব...বলিব...এখনি বলিব ।

কেণ্ট । স্নেহ-অঙ্কে ভাগ্যদেবী একেরে তুলিয়া,  
স্বর্ণা-নেত্রে নেহারি অপরে আপনি গর্জিতা যদি,  
উভয়ের অন্তরমে নেহারি সম্মুখে !

লীয়ার । জ্যোতিহীন আঁখি মোর । তুমি কি কেণ্ট !  
কেণ্ট । কেণ্ট, কেণ্ট—তব দাস,  
কোথায় কিয়ৎ প্রভু ? তব অনুচর ?  
লীয়ার । ছিল সে সজ্জন অতি—সত্য কথা ।  
নাই আজ । মরিয়াছে ! গলিত কবরে ।  
কেণ্ট । না প্রভু, আমিই সে ।  
লীয়ার । সে ! এর পরে ভেবে দেখবো'খন ।  
কেণ্ট । আপনার চর্ভাগ্যের সূচনা থেকে সে  
আপনার অনুগামী ।  
লীয়ার । স্বাগত হেথায় তুমি ।  
কেণ্ট । সে ভিন্ন আমি আর কেউ নই ! সব  
নিরানন্দ, অন্ধকার—মরে গেছে । আপনার  
বড় দুই কন্ঠাও আজ বেঁচে নেই । অপঘাতে  
তাদের মৃত্যু হয়েছে ।  
লীয়ার । হাঁ, আমিও তাই ভাবছি ।  
এল্ । উনি কি বলছেন, তা জানেন না । ওঁর  
কাছে আমাদের পরিচয় দেওয়া মিথ্যা ।  
এডগা । অনর্থক ।

( রণাধ্যক্ষের প্রবেশ )

রণা । প্রভু, এডমণ্ড মারা গেছে ।  
এল্ । সে সংবাদ গুরু নহে ।  
অমাত্য সম্ভ্রান্ত সবে, শুন মোর অভিপ্রায় ।  
এই রাজ্যে বিশৃঙ্খলা হবে অতঃপর—  
শান্তি স্থিতি । যতখানি শান্তি সে সম্ভব—  
রাজকার্য হতে এবে সবে অপসৃত—  
সব শক্তি অধিকার বর্তে মহারাজে—  
যত দিন মহারাজ আছেন বাঁচিয়া ।

( এডগার ও কেণ্টের প্রতি )

তোমাদের সর্ব শক্তি, সব অধিকার,  
সমগ্র ঐশ্বর্য আর পূর্বমাতৃ-সহ—  
বিপদে সে মাঝ হলো আরো ঢের বেশী—  
পূর্বপদে পুনরায় স্থাপিত্ব দৌহার ।  
বন্ধুগণে ভূষিব যতনে  
যথাবাগ্য পুরস্কার-দানে !  
যোগ্য শাস্তি শত্রুদলে । ওঃ ! দেখ, দেখ !  
লীয়ার । হায়রে, বাছাকে আমার কাঁশি দিয়েছে ।  
চাহি না জীবন, চাহি না জীবন আর !  
অশ্ব, কুকুর, মুখিক—তাদেরো জীবন আছে !  
আর তুমি কন্ঠা মোর—প্রাণহীন তুমি !  
না, না, আসিবে না—কভু আসিবে না ফিরে—  
কভু না, কভু না ! না, না, না !

করি গো মিনতি—দাও, খুলে দাও !  
ধন্যবাদ মহোদয় ! দেখছ কি,  
ওর দিকে একবার চেয়ে দেখ,  
ওর ওই ঠোটটুটি ! দেখ, দেখ, ঐ দেখ !

এডগা। মুচ্ছিত ! মহারাজ ! মহারাজ !

কেণ্ট। চূর্ণ-বিচূর্ণিত হবে বক্ষ মোর।

এডগা। দেখুন মহারাজ, চেয়ে দেখুন।

কেণ্ট। উত্তাক্ত করো না আর স্বর্গীয় আত্মায়।

যেতে দিন যেতে দিন। বাজা যার হেরিবারে,

কঠোর সংসারে জীবিত রহিবে রাজা—

জেনো, মহারাজে তার যুগা সমধিক।

এডগা। সভ্যই চলে গেছেন !

কেণ্ট। হেন ক্লেমস সহি কেমনে রহিল প্রাণ—

এই তা বিস্ময় ! বলে যেন রক্ষিল জীবন।

এল্। লয়ে যাও হেথা হতে,

উপস্থিত কার্য্য হেরি শোকের প্রবাহ !

অন্তরঙ্গ বন্ধু মোর, তোমরা উভয়ে

এ রাজ্য শাসন কর—

ক্ষত রাজ্য-ভার এবে করহ বহন।

কেণ্ট। শীঘ্র আমি বাহিরিব ভ্রমণের লাগি—

ডাকিছেন প্রভু মোর—‘না’ বলি কেমনে!

এল্। সময়ের দুঃখ-ভার অবশ্য বহিব ;

অনুভবে দি আভাস—উচিত ছাড়িব।

অশেষ সহিল বুদ্ধ ; মোরা যুগাগণে

হেরিব না এত, লভি স্নদীর্ঘ জীবনে।

[ সকলের প্রস্থান ]

## সবনিকা





# দ্বাদশ রজনী

অথবা

যেমন অভিরুচি

*Twelfth Night or What You Will.*

উইলিয়াম সেক্সপীয়র প্রণীত

শ্রীপশুপতি ভট্টাচার্য্য অনূদিত

## পাত্র-পাত্রী

|                   |     |                                    |
|-------------------|-----|------------------------------------|
| আসিনো             | ... | ইলিরিয়ার ডিউক                     |
| সেবাস্টিয়ান      | ... | ভায়োলার ভ্রাতা                    |
| আণ্টনিও           | ... | জাহাজের নাবিক—সেবাস্টিয়ানের বন্ধু |
| জনৈক নাবিক        | ... | ভায়োলার বন্ধু                     |
| ভ্যালেন্টাইন      | }   | আসিনোর সহচর.                       |
| কিউরিও            |     |                                    |
| সার টোবি-বেল্চ্   | ... | অলিভিয়ার পিতৃব্য                  |
| সার এণ্ড এণ্ডচীক্ | ... | ...                                |
| মালভোলিও          | ... | অলিভিয়ার প্রধান ভৃত্য             |
| ফেবিয়ান          | }   | অলিভিয়ার ভৃত্য                    |
| ফেষ্টি—বিদূষক     |     |                                    |
| অলিভিয়া          |     |                                    |
| ভায়োলা           |     |                                    |
| মেরিয়া           | ... | অলিভিয়ার সহচরী                    |

অমাত্যগণ, পুরোহিত, নাবিকগণ, গ্রহরিগণ, গায়কগণ ও পরিচারকগণ।

# দ্বাদশ রজনী

অথবা

## যেমন অভিরুচি

### প্রথম অঙ্ক

#### প্রথম দৃশ্য

ডিউকের প্রাসাদ

[ ডিউক, কিউরিও ও অমাত্যগণ আসীন ;  
সঙ্গীত চলিতেছে ]

ডিউক । সঙ্গীত যতপি হয় প্রণয়ের সুধা,  
মনের উল্লাসে গাহ গান—দাও ভরি  
প্রাণ মোর ! যেন প্রেম-পিপাসার মত  
মূর্ছনায় হয় তার অবসান পুনঃ ।  
সে সুর-বন্ধার গুনি ! স্নিবিড় হয়ে  
চিত্ত করে অভিভূত ! মনে হয়, যেন  
আসিল সে সুর ধীরে ধীরে অতি চুপে  
নদী-তীর-জাত ভায়োলেট-গন্ধ বহি' !  
ক্ষান্ত করো সঙ্গীত আবার ! হলো গত  
পূর্ব-মধুরতা ! হে অতনু দেব, কত  
স্বিষ্ট, কি চঞ্চল তুমি ! সাগরের মত  
লহ সকলেরে টানি তব বক্ষপরে—  
ভাবনা ক্ষণেক করে ক্ষুদ্রতার দাবী !  
তেমতি প্রেমের গতি—তুজ্জের অদ্ভুত !

কিউরিও । যাবেন শীকার, প্রভু ?

ডিউক । কি শীকার, কিউরিও ?

কিউরিও । মুগের সন্ধান ।

ডিউক । ধরণীতে তিলোত্তমা কুরঙ্গ-নয়না,  
তাহারি সন্ধানে মোর চিত্ত ফিরে সদা ;  
অলিভিয়া যবে মোর দৃষ্টি-পথে আসি'  
উদয় হইল—যেন স্বর্গ-সুখমায়  
দশ দিক গেল ভরি ! নিমেষে হলো  
আমি যেন সেই যুগ ! সাধ-আশা, মোর  
বাসনা-কামনা—যেন শীকারী ফুঁরুর

সেই হতে খেদিছে পশ্চাতে ।

( ভায়োলেটাইনের প্রবেশ )

কি সংবাদ ?

কহ ত্বরা ।

ভায়োলেটাইন । সকলি বিফল হলো প্রভু !  
দেখা নাহি পাই তাঁর । সহচরী আসি'  
কহিল নিদেশ এই, সপ্তবর্ষ-কাল  
এ বহিঃ-প্রকৃতি তাঁর দেখিবে না মুখ—  
বিশ্বজনে তাঁর মুখ দেখিবে না, প্রভু !  
ভাগসীর মত মুখ ঢাকি আবরণে  
রহিবেন নিত্য ! ভ্রাতৃ-স্মৃতি লাগি নিজ  
কক্ষখানি প্রতিদিন আকুল অন্তরে  
করিবেন প্রক্ষালিত নয়নের জলে ।  
এভাবে জাগ্রত রবে ভ্রাতৃ-স্মৃতি সদা  
চিত্ত-পটে তাঁর ।

ডিউক ।

সমগ্র হৃদয় দিয়া

যে জন জাগায়ে রাখে মৃত-ভ্রাতৃ-স্মৃতি,  
কত ভালোবাসিবে সে—যবে মদনের  
পুষ্পশরে হবে বিদ্ধ হৃদয় তাহার ?  
প্রেম-সিদ্ধি গ্রাসে মগ্ন হবে সারা হৃদি !  
কাননে চলিলু এবে পুষ্পদল-মাঝে ;  
প্রণয় জাগিয়া রহে কুঞ্জ-অন্তরালে ।

[ প্রস্থান ]

### দ্বিতীয় দৃশ্য

সমুদ্র-তীর

( ভায়োলা, জনৈক নাবিক ও অস্ত্রান্ত নাবিকগণ )

ভায়োলা । বহুগণ, এ কোন্ প্রদেশ ?

জনৈক নাবিক ।

ইলিরিয়া—

দেবি ।

ভায়োলা । কি করিব হেথা আমি ?

ভাই মোর চলে গেছে স্বরগের দ্বারে ।  
প্রাণ মোরে বারে-বারে ডেকে কয়,—আছে,  
আছে, বেঁচে আছে এই মর্ত্য-ধরণীতে—  
ডুবিয়া সে যায় নাই সাগরের জলে !  
তোমার কি মনে হয় ?

১ নাবিক । মনে হয় দেবি,  
জল ত্যজি তীরে তিনি উঠিতে সক্ষম ।

ভায়েলা । তা হলে নিরাশা নয় ! আছে আশা ! বলো,  
আমারি মতন ভাই—তীরে উঠিয়াছে ?  
প্রাণ তার বাঁচিয়াছে ?

১ নাবিক । সম্ভব, তা দেবি—  
বিপত্তি হইতে রক্ষা লভি ভ্রাতা তব  
আছেন জীবিত । যবে ভাঙ্গিল তরলী  
তরঙ্গে বিচূর্ণ হয়ে—তরী-বক্ষে দেখি  
অপরে ভাসিছে ; সাথে তুমি চলো ভাসি—  
ক্ষিপ্র মোরা সকলের সাধিহু উদ্ধার ;  
তখন স্বচক্ষে দেখি, বিধাতার লীলা  
স্বদৃঢ় মাস্তুল-সাথে বদ্ধ করি দেহ—  
হুজ্জয় সাহস-আশা—তাহাতে নির্ভর,  
ভেসে চলে সিদ্ধ-বক্ষে—তরঙ্গের সাথে  
যেন সে পরম-সখে—চিন্তা-ভয় নাই !  
গুণ্ডকের পৃষ্ঠে যথী চলে এরায়েন । \*

ভায়েলা । এ গুণ্ড-বার্তার লাগি, লহ মুদ্রা লহ ।  
আমি রক্ষা পাইয়াছি—সে উদ্ধারে মন  
আশা করেনিকো ত্যাগ । তোমার কথায়  
সে আশা প্রবল হলো । ভালো কথা, তুমি  
এ দেশের জানো কিছু ?

১ নাবিক । জানি দেবি । এই  
স্থান-সন্নিকটে জনম আমার ।

ভায়েলা । এ রাজ্যের রাজা কে-বা ?

১ নাবিক । ডিউক জনেক ।

নামে-যশে কীর্তিমান উদার-হৃদয় ।

ভায়েলা । কি নাম তাঁহার ?

১ নাবিক । অর্শিনো তাঁহার নাম ।

ভায়েলা । অর্শিনো ! শুনেছি বটে নাম পিতৃ-মুখে !  
কোথায় বিবাহ তাঁর যেন...

\* গ্রীস-দেশীয় গায়ক । প্রবাদ আছে, এক সময়ে তিনি  
সিসিলি হইতে বহু অর্থ-সামগ্রী লইয়া করিহু নগরে নিজ দেশে  
তরলীযোগে আসিতেছিলেন । নাবিকেরা তাঁহাকে হত্যা  
করিবার চেষ্টা করিলে তিনি জলে ঝাঁপ দেন ; তাঁহার সঙ্গীতে  
আরুণ একট গুণ্ডক তাঁহাকে পৃষ্ঠে বহিয়া তীর-ভূমিতে আনিয়া  
পৌঁকাইয়া দেয় ।

১ নাবিক । হয় নাই !

কিছুকাল পূর্বে...জানি, হয়নি বিবাহ ।  
ছিহু হেথা আমি দেবি, মাসেকের আগে ;  
মহাজন—তাঁর কথা নিত্য আলোচনা  
সকলে তো করে,—তাই শুনি, ভালো জানি—  
অলিভিয়া রূপসীকে করেন কামনা !

ভায়েলা । কে এ রূপসী ?

১ নাবিক । ধর্ম্মে মতি, স্নহুসারী, কাউন্ট-ভনয়া !  
পিতা স্বর্গগত তাঁর বৎসরেক আগে ;  
পুত্র ছিল । ভাই-বোনে কি সে ভালোবাসা !  
এমনি নির্ধূর কাল—ভায়ে নিল টানি !  
ব্রাতৃ-শোকে মুহমানা অলিভিয়া তাই  
কর্ম্ম-কোলাহল হতে লয়েছে বিরাম,  
মানবের দৃষ্টি-পথ রহে পরিহরি ।

ভায়েলা । এমন নারীর পায়ে দাসী হতে চাই !  
অবসর চাই আমি কোলাহল হতে ।  
নিজের প্রকাশ হবে সময়-সাপেক্ষ ।

১ নাবিক । এক কাঙ্ক্ষা হুঃসাধ্য, দেবি !  
অলিভিয়া—মানব-সান্নিধ্যে তাঁর নাহি  
এক তিল রুচি ।

ডিউকের কথা কিবা—

ভায়েলা । বড় ভালো তুমি !

সুন্দর প্রকৃতি মাঝে থাকে পঙ্কিলতা,  
তোমাতে নাহিক তাহা ; সম মধুমাখা  
অস্তর বাহির তব । দিব যথোচিত  
পুরস্কার তোমা । অহরোধ, ছদ্মবেশে  
দাও আবরিয়া মোরে । দাও আনি মোরে  
ছদ্মবেশ মনের বাসনা-মত । হবো  
আমি ভূত্য ডিউকের । তুমি শুধু মোরে  
লয়ে যাবে ডিউকের পাশে ; প্রকাশিবে,  
আজ্ঞাবহ হতে চাই আমি । দিব বহু  
পুরস্কার তোমা ; সঙ্গীতে নিপুণ আমি ;  
সঙ্গীত-আলাপে দিব তৃপ্তি তাঁরে আমি ;  
ভাগ্যে যাহা আছে, রবে স্ফূর্তি-গোপন  
কালের কন্দরে তাহা—নীরবেতে গুণ্ধ  
সম্পূর্ণ করো মোর চিত্ত-অভিলাষ ।

১ নাবিক । সাজাবো তোমারে আমি  
আজ্ঞাবহ-বেশে—

সত্য পরিচয় কারে কহিব না কভু ।  
যদি এ রসনা কভু প্রগল্ভতা-ভরে  
বিখ্যাসবাতক হয়, অঁখি অন্ধ হবে ।

ভায়েলা । ধন্যবাদ ! লয়ে চল যথা ইচ্ছা তব !  
[ প্রস্থান ]

## তৃতীয় দৃশ্য

অলিভিয়ার গৃহ

(সার টোবি বেলুচ্ ও মেরিয়ার প্রবেশ)

সার টোবি। আরে, মেয়েটার ব্যাপার কি, বলো তো ?  
ভাই না হয় মরেছে। সেজ্ঞে এত বাড়াবাড়ি  
কেন রাপু ? মাথায় ভাবনা-চিন্তা জাগলে সব  
মাটি হয়ে যাবে।

মেরিয়া। শুনুন, সার টোবি ! আপনি এবার  
থেকে সকাল-সকাল বাড়ী ফিরবেন ! আপ-  
নার ভাই-বী আপনার ব্যবহারে ভয়ঙ্কর আপত্তি  
করেছেন।

সার টোবি। ব্যাপারটা আপত্তিকর, তাতে না হয়  
আপত্তি জানিয়েছেন ! এতে আর বাহাহরী কি ?  
মেরিয়া। যা মানায়—এমনভাবে আপনার থাকা  
উচিত।

সার টোবি। ‘মানায়’ ! এর চেয়ে মানিয়ে থাকা  
আমার পোষাবে না বাপু ! কেন—আমার  
কাপড়-চোপড় কি এমন বে-মানান যে তা’  
পরে’ মদ খাওয়া চলে না ? এ জুতো-জোড়া কি  
অচল ? তা যদি হয়, জুতো না হয় খুলে ঝুলিয়ে  
রেখে দেবো।

মেরিয়া। এই মদ আর হস্তাতেই আপনার  
সর্বনাশ হবে দেখছি ! দিদিমণি কাল এই  
কথাই বলছিলেন ! আরও বলছিলেন—আপনি  
না কি কোথাকার এক লড়ায়ে সেপাই এনেছেন  
—সেই সেপাইয়ের সঙ্গে দিদিমণির বিয়ে দেবেন  
বলে ?

সার টোবি। কে ? সার এণ্ড এণ্ডটীক ?

মেরিয়া। ঐ নাম বটে !

সার টোবি। আরে, তার মত লম্বা-চওড়া লোক  
সারা ইলিরিয়ায় খুঁজে পাবে না।

মেরিয়া। লম্বা-চওড়ার সঙ্গে সম্পর্ক কি ?

সার টোবি। সম্পর্ক ! সম্পর্ক আছে বৈ কি। তার  
উপর বিশ হাজার টাকা আয়।

মেরিয়া। সে সম্পত্তি তো এক বছরেই ফুঁকে দেবে।  
সে হলো একটা গদ্বি আর উড়নচড়ে !

সার টোবি। না, না, এ কথা বলা চলে না। বেহালা  
বাজাতে সে ভারী ওস্তাদ। বই না দেখে তিন-  
চারটে ভাষায় অনর্গল বক্তৃতা দিতে পারে।  
তার উপর প্রকৃতিদেবী শ্রেষ্ঠ সম্পদে তাঁকে  
ভূষিত করেছেন।

মেরিয়া। প্রকৃতির সে দান দেখাই যাচ্ছে ! সে  
দানের ফলে সব-চাইতে নিরেট গদ্বি সে আর  
বিশ্ব-কুঁহুলে। কৌদলের সখ মেটাতে প্রকৃতি  
দেবী তাঁকে দান করেছেন, কাপুরুষতা।  
লোকে বলে, সব দানের সৌভাগ্যই তিনি লাভ  
করেছেন, বাকী আছে শুধু কবর।—এ দান-  
টুকুও তাঁর শীঘ্র মিলবে।

সার টোবি। যারা এ কুৎসা রটায়, তারা ছুঁচো,  
তারা পাখী। তাদের নাম বলো তো।

মেরিয়া। তাঁরা আরও বলেন, তাঁর সঙ্গে প্রতি  
রাত্রে আপনার মদের হস্তা চলে।

সার টোবি। তখন আমরা দুজনে মিলে আমার  
ভাই-বীর স্বাস্থ্য পান করি। যতক্ষণ আমার  
কর্ণনালী না বন্ধ হবে, যতক্ষণ ইলিরিয়ায় মদ  
থাকবে—ততক্ষণ আমি তার স্বাস্থ্য-পান করবো।  
আমার ভাই-বীর স্বাস্থ্য-পান করে গীজ্জার  
চূড়ার পুতুলের মতন মাথাটা যার বনবন করে’  
না ঘুরবে,—সে ভারী কাপুরুষ, সে ভয়ঙ্কর জঘন্য,  
সে খুব নীচ ! ঐ দেখ্, ছুঁড়ি ! সার এণ্ড  
এণ্ডটীক আসছেন।

(সার এণ্ড এণ্ডটীকের প্রবেশ)

সার এণ্ড। এই যে সার টোবি বেলুচ্ ! খবর কি ?  
সার টোবি। কি সৌভাগ্য ! আসুন, আসুন সার  
এণ্ড।

সার এণ্ড। ভালো আছ সুন্দরী ?

মেরিয়া। আপনি ভালো আছেন ?

সার টোবি। আলাপী।

সার এণ্ড। ইনি কে ?

সার টোবি। আমার ভাই-বীর সহচরী।

সার এণ্ড। কুমারীটি বেশ সদালাপী ! তোমার  
পরিচয় পেলে কৃতার্থ হবো।

মেরিয়া। আমার নাম মশায়, মেরি।

সার এণ্ড। কুমারী মেরি খুব সদালাপী।

সার টোবি। বীর, তুমি ভুল করছ ! কথাটা ওঁর  
নামের আগে যাবে। আমি বলছি, ওঁর সঙ্গে  
আলাপ করো, ভাব করো।

সার এণ্ড। কি মুন্সিল ! এ সব গোলমালে ব্যাপারে  
আমি নেই। এই কি ‘আলাপে’র মানে ?

মেরিয়া। আচ্ছা, আসি তবে।

সার টোবি। সার এণ্ড, এভাবে যদি ওকে বিদায়  
দাও, তাহলে জীবনে তোমার আর হাতিয়ার  
ধরবার যোগ্যতা থাকবে না।

সার এণ্ড। কুমারী তুমি যদি এ ভাবে চলে যাও,  
—তা'হলে আমার হাতিয়ার ধরবার যোগ্যতাও  
চলে যাবে। সুন্দরি, তোমার সন্ধান কোনো  
বিদূষক আছে ?

মেরিয়া। আমি মশায়, এখনও আপনার সন্ধান  
নিইনি।

সার টোবি। তাই না কি ? এই নাও আমার হাত।  
মেরিয়া। ইচ্ছা বাধাইন, মশায় ! আপনার  
হাতটিকে নিয়ে গিয়ে মত্ত ভাঙারে ভিজিয়ে  
আসুন।

সার এণ্ড। কারণ ? তোমার কথার অর্থ খুলে  
বলো সুন্দরি !

মেরিয়া। নীরস !

সার এণ্ড। আমরা তাই মনে হয়। আমি  
এমন গর্দিত নই যে, আমার হাত আমি শুকনো  
রাখতে পারি না। তবে তোমার হেঁয়ালীটা  
খুলে বলো তো।

মেরিয়া। নীরস, মশায়।

সার এণ্ড। তুমি নীরসের বেসাতি করো ?

মেরিয়া। নীরসের পশরা আমার হাতেই আছে।  
আপনার হাতে দিলেম ছেড়ে। এখন আমার  
ভাঙার শূন্য !

[প্রস্থান]

সার টোবি। বীর ! তোমার এক পাত্র মত্ত পান  
করাও। প্রয়োজন হয়েছে। জীবনে তোমায়  
এমন কাবু হতে আর কখনো দেখিনি !

সার এণ্ড। 'তা' বটে ! তুমি আমায় দেখেছ,  
খালি মদে কাবু হতে ! অনেক সময় আমার  
মনে হয়, সাধারণ লোকের যে বুদ্ধি আছে,  
আমার তা নেই। অতিরিক্ত গো-মাংস খাওয়ার  
ফলে বোধ হয় আমার বুদ্ধি মোটা হয়েছে।

সার টোবি। অনিবার্য !

সার এণ্ড। আমারও ঠিক তাই ধারণা। কাল  
বাড়ী যাবো সার টোবি।

সার টোবি। কথং ? কথং ?

সার এণ্ড। “কথং” মানে—যাবো ? না, যাবো না ?  
আমার এই বড় ছুখ যে, হাতিয়ার চালানো,  
নাচ আর শীকারে যে সময়টা অপব্যয় করেছি,  
সে সময়টা যদি ভাষা-শিক্ষায় কাটাতেম ! আজ  
তাহলে কলা-বিদ্যায়...

সার টোবি। মাথাটি দিবি চুলের কেয়ারিতে ভরে  
উঠবে !

সার এণ্ড। সত্যি, তা হলে আমার মাথায় চুলের  
বাহার বাড়তো ?

সার টোবি। তা আর বলতে ! বুঝতেই পারচো,  
শোভা আর সহজে হবে না !

সার এণ্ড। কিন্তু এতে তো আমাকে বেশ মানায়।

সার টোবি। চমৎকার ! যেন শোনের হুটী !  
কোন দিন বুঝি কোন বুড়ী এসে ওগুলি নিয়ে  
পাকতে বসে যাবে !

সার এণ্ড। না, সার টোবি ! কাল আমি বাড়ী  
যাচ্ছি। তোমার ভাই-বীর তো দেখা পাওয়া  
যাবে না—যদি বা পাওয়া যায়, সেখানে আমার  
আশা নেই। এখানকার কাউন্টই তাঁকে বিয়ে  
করচেন।

সার টোবি। কাউন্টকে সে বিয়ে করবে না !  
তার চেয়ে যার পদ-মর্যাদা, সম্পত্তি, বয়স আর  
বুদ্ধি বেশী, তাকে বিবাহ করবে না। একথা  
সে স্পষ্ট প্রকাশ করেছে,—আমি শুনেছি।

সার এণ্ড। বেশ—সার এক মাস না হয় থেকেই  
যাবো। আমার স্বভাব একটু অদ্ভুত ! আমার  
ভালো লাগে নাচ, গান, হুঁরা—সব যদি এক-  
সঙ্গে হয় তো সোনার সোহাগা !

সার টোবি। এ সব তো তুমি ওস্তাদ !

সার এণ্ড। নিশ্চয় ! ইলিরিয়ার অল্প লোকেরা  
যেমন যা পারে, আমিও তেমনি পারি। তবে  
ওস্তাদের সঙ্গে নিজেকে তুলনা করতে চাই না !

সার টোবি। কি-নাচে তোমার বাহাদুরী ?

সার এণ্ড। পিছন-নাচের কারসাজীতে ইলিরিয়ার  
কোন ঘুবার আমি অসমক্ষ নই।

সার টোবি। এগুলি চেপে রেখেচো কেন ? এত গুণ  
তোমার—আর তুমি কি না সে সব পর্দার  
আড়ালে ঢেকে রেখেচ ! কুমারী মলের\* ছবির  
মত এগুলো ধুলোর ভরে থাকবে ? তোমার উচিত,  
এ নাচ নাচতে নাচতে গীর্জায় যাওয়া—আর  
অল্প রকমের নাচ নাচতে নাচতে বাড়ী ফেরা।  
তোমার প্রতি চলন নাচের ছাঁদে লীলায়িত হবে।  
তুমি ভাবো, পৃথিবীতে এমন সদৃশ্য ঢেকে রাখা  
উচিত ? তোমার পায়ের গড়ন দেখলে মনে  
হয়, কোন নাচিয়ে-রাশির লগ্নে তোমার  
জন্ম।

সার এণ্ড। হাঁ, পা দুটো বেশ শক্তসমর্থ। আর

\* বিদূষক যেমন কাল্পনিক দার্শনিকের নাম উল্লেখ করেছে,  
এও তেমনি এক কাল্পনিক ব্যক্তি।

এ পায়ে আগুনে রংএর মোজা পরলে আরো দেখায় ভালো। কিছু ফুটি-টুটি হবে না কি? সার টোবি। নিশ্চয়। তা'ছাড়া আর করবার কি আছে, বলো? আমাদের লগ্নে টাওরাস গ্রহ।\* সার এণ্ড। টাওরাস! সে তো হৃদয়ের অধীশ্বর! সার টোবি। না, মশায়, না। তিনি পা আর জন্মের অধীশ্বর। নাচো, নাচো—দেখি (সার এণ্ড র নৃত্য) আহা! বাঃ! বাঃ! বেশ! চমৎকার। [প্রস্থান]

### চতুর্থ দৃশ্য

ডিউকের প্রাসাদ

[ভ্যালেন্টাইন ও পুরুষবেশী ভায়োলার প্রবেশ]

ভ্যালেন্টাইন। জানো, সিজারিও, ডিউক তোমায় এভাবে স্নানজরে দেখতে থাকলে তোমার উন্নতি আর আটকায় কে! মোটে তিন দিনের পরিচয়—মনে হয়, যেন কত কালের আলাপ! ভায়োলা। তোমার কথা শুনে মনে হয়—তুমি ভাবচো, হয় ডিউকের মতি অস্থির, নয় আমার কাজে বেজার ধরে সব ওলট-পালট করে দেবে! উনি কি স্নেহে রূপণ? ওঁর মতি কি এতই চঞ্চল?

ভ্যালেন্টাইন। না, তা নয়।

ভায়োলা। ধন্যবাদ! কাউন্ট আসছেন।

[ডিউক, কিউরিও ও পরিচারকবর্গের প্রবেশ]

ডিউক। ওহে, তোমরা কেউ দেখেছ সিজারিওকে?

ভায়োলা। এই তো আমি, হজুর!

ডিউক। তোমরা দূরেতে রহ ক্ষণেকের লাগি।

সিজারিও। অবগত আছহ সকলি;

হৃদয়ের গৃঢ় ব্যথা সব বলিয়াছি।

যাও পুনঃ তাঁর কাছে, সরল যুবক!

রুদ্ধ-দ্বার দেখি সেখা ফিরিয়ে না যেন;

রহিবে দাঁড়িয়ে তুমি তাঁর গৃহ-দ্বারে;

কহিবে ভ্রাত্যে—বৃক্ষ-মত পদতলে

উদগত হইবে মূল,—দাঁড়িয়ে রহিব,

যাবৎ দর্শন নাহি পাইব তাঁহার।

ভায়োলা। তাহাই হইবে প্রভু! কিন্তু তিনি এবে ভ্রাতৃ-শোকে অভিভূত—নিরালা কোণেতে

বিরলে যাপেন কাল—কাতর অন্তরে,  
দরশন পাবো তাঁর?

ডিউক। করিবে চীৎকার;—

ভদ্রতার সীমা লঙ্ঘি—দেখো, তবু যেন

ফিরিতে না হয় মনে ব্যর্থতা বহিরা!

ভায়োলা। দেখা যদি পাই তাঁর, কি বলিব? কহ

ডিউক। বুঝাবে আমার প্রেমে কত গভীরতা—

বিস্মিত করিয়ে তাঁরে উদ্ঘাটিত করি

মোর হৃদয়ের দ্বার। তুমিই পারিবে

দেখাইতে এ আমার হৃদয়ের ব্যথা,

তোমার এ যৌবনের মাদকতা তাঁরে!

বিহ্বল করিবে তাঁরে; গভীর-প্রকৃতি

কেহ না পারিবে কছু টলাতে তাঁহারে!

ভায়োলা। এ নহে সঠিক প্রভু!

ডিউক। সঠিক। সত্য। যৌবন-অতিথি তুমি

পূর্ণ মানবতা এবে করিয়াছ লাভ

এ কথা যে বলে, সে তো নহে কছু ঠিক!

ডায়ানার গুণ্ঠটি নহে তোমা চেয়ে

আরক্তিম, স্নমস্ফণ! কণ্ঠস্বর তব

কুমারীর কণ্ঠ সম—মিষ্ট মধুমাখা!

নারীর লালিত্য দেখি তোমাতে বিকাশ!

তব তুল্য যোগ্য নহে কেহ যে সাধিতে।

যাও চারি-পাঁচ জনে ইহার সহিত।

ইচ্ছা হয়—সকলে যাইতে পারো। ভালো

থাকি আমি সঙ্গিহীন। ফিরে এসো সবে

সাকল্যে হইয়া তৃপ্ত—তখন রহিবে

তুমি তব প্রভু-সম স্নেহের সাগরে

তাঁর স্নেহে নিজ স্নেহ ভাবি।

ভায়োলা।

বাহুিত্যে

তব বিচলিতে করিব প্রয়াস। (জনান্তিকে) এ কি

ভীষণতা! যাবো তব বাহুিত্যের কাছে!

আমি কিন্তু হব তব প্রিয়া...প্রিয়তমা!

[প্রস্থান]

### পঞ্চম দৃশ্য

অলিভিয়ার গৃহ

(মেরিয়া ও বিদূষকের প্রবেশ)

মেরিয়া। কোথায় ছিলে, এখন বলো। যদি না বলো, তাঁট একটু কঁাক করে একটা কথা বলে' তোমার জন্ম কারো কাছে কাঁজনী হইবে।

\* পাক্ষাত্য জ্যোতির্বিজ্ঞানের মতে ষাটশটি গ্রহ মানবের দেহের এক একটি অংশের অধীশ্বর বলিয়া খ্যাত।

যাবো না। তুমি এখানে ছিলে না—সে জ্ঞাত  
দিদিমণি তোমায় ঝুলিয়ে রাখবেন, দেখো।

বিদুষক। ঝুলিয়ে রাখুন, ক্ষতি নেই। পৃথিবীতে  
পরের কাঁধে ভর করে যে ঝুলে আছে, তার  
আর শত্রু-ভয় কোথায় ?

মেরিয়া। ভালো, তাই প্রমাণ করো।

বিদুষক। তার যে ভয় করবার কেউ নেই।

মেরিয়া। এ ঠিক জবাব হলো না। শত্রু-ভয়  
নেই—একথা কোথা থেকে আসচে, আমি  
বলে দিতে পারি।

বিদুষক। কোথেকে গো, মেরি দেবী ?

মেরিয়া। যুদ্ধে! তোমার ভাঁড়ামি দেখাতে তুমি  
তাই ব্যবহার করে বললে।

বিদুষক। ভালো, যাদের বুদ্ধি আছে, ভগবান তাঁদের  
আরও বুদ্ধি দিন! আর যারা বিদুষক ভাঁড়,  
তাদের ভাঁড়ামি করবার অস্ত্র যেন সব সময়  
শানানো থাকে!

মেরিয়া। এতক্ষণ না থাকার জ্ঞাত তোমার আজ  
কাঁশি হবে—নয়তো তোমায় দূর করে দেওয়া  
হবে। তোমায় দূর করে তাড়িয়ে দেওয়া যা,  
আর কাঁশি-কাঠে ঝুলিয়ে দেওয়াও তাই।

বিদুষক। ভালো করে' ঝুলতে পারে—অনেক সময়  
একটা যা-তা বিয়ে বন্ধ করে দেওয়া যায়। আর  
দূর করে তাড়িয়েই যদি দেয়, গ্রীষ্মকালে পথে  
মন্দ কাটবে না।

মেরিয়া। তা'হলে এই স্থির ?

বিদুষক। না, তা ঠিক নয়। আমার কিছু বলবার  
আছে।

মেরিয়া। অর্থাৎ, যদি একজন ভাঙ্গে, আর একজন  
লটকে থাকবে; কিন্তু যদি দুজনেই ভেঙ্গে পড়ে  
তো তোমার কথা মাঠে মারা গেল!

বিদুষক। যা' বলেছো, এ একেবারে ছবছ সত্য!  
এখন তুমি তোমার কাজে যাও। সার টোবি  
যদি মদ ছাড়েন, তা'হলে তোমার মত ইভের  
রক্ত-মাংসে তৈরী নারী সারা ইলিরিয়ার মধ্যে  
তিনি আর খুঁজে পাবেন না।

মেরিয়া। চোপরাও পাজী! ও সব কথা কখনও  
আর মুখে আনবে না। ঐ দিদিমণি আসছেন।  
কোথায় ছিলে, ভালো করে' এখন তার কৈফিয়ৎ  
দাও। [প্রস্থান

বিদুষক। বুদ্ধি দেবি! দয়া করে' আমার মাথায়  
ভাঁড়ামির ভালো মশলা জুগিয়ে দাও মা! যে সব

প্রাজ্ঞ মনে করেন, তুমি তাঁদের মাথায় আস্তান  
পেতে বসে আছ, তাঁদের মত বোকা পৃথিবীতে  
আর কেউ নেই। আমি জানি যে, আমি মূর্খ  
চাই কি বুদ্ধিমান বলে' চলে যেতে পারি  
কুইন্সপেন্স\* ঠিক বলেছেন, “নিরোধ রসিকে  
চেয়ে রসিক মূর্খ ঢের ভালো।”

[অলিভিয়া ও মালভোলিওর প্রবেশ]

এই যে মা, ভগবান তোমায় দীর্ঘজীবী করুন!

অলিভিয়া। এ ভাঁড়টাকে দূর করে দাও তো!

বিদুষক। ওরে শুনতে পাচ্ছি, একে দূর করে দে  
অলিভিয়া। আঃ! তুমি ভারী নীরস! তোমাকে  
আমার আর প্রয়োজন নেই। তুমি বড় বা  
হয়ে পড়েছ!

বিদুষক। মা লক্ষি, এই যে ছোট দোষ দিলে, তা  
মদে আর সংপরামর্শে দূর হবে। নীরস  
বিদুষককে মদ খাওয়াও, সে নীরস থাকবে না।  
বদ লোককে ভালো হবার পরামর্শ দাও, সে যদি  
ভালো হয়, তা'হলে আর বদ থাকবে না। যদি  
ভালো না হতে পারে, তা'হলে মুচীর তালি তার  
উপরে অঁটতে হবে। ছেঁড়া জিনিষে তালি  
দিয়ে ভালো করতে হয়। সঙ্গুণ যদি পা হড়কে  
পড়ে, তা'হলেই তাতে দোষের তালি পড়ে  
গেল! আর পাপ যদি শুধরায়, তা'হলে তাতে  
পুণ্যের তালি পড়েনো। এই তো সহজ সিদ্ধান্ত!  
মনে লাগে—ভালো,—না লাগে, নিকৃপায়!  
আপনি বললেন, ভাঁড়টাকে দূর করে' দাও—  
তাই আমি বললুম আপনাকে দূর করে দিতে।

অলিভিয়া। আমি বলছি, তোমাকে দূর করে  
দিতে।

বিদুষক। ভুল—মস্ত ভুল! ‘জটাবিস্তাপসঃ’! জট  
থাকলেই তাপস হয় না। বিদুষকের রং-বেরং  
এর পোষাক আমি দেখে ধারণ করেছি, মাথায়  
সে পোষাক অঁটিনি। মা ঠাক্কণ, আমার  
অনুমতি করুন, আমি প্রমাণ করে' দিই,  
আপনার মোটে বুদ্ধি নেই।

অলিভিয়া। পারবে প্রমাণ করতে ?

বিদুষক। একেবারে নিখুঁত রকমে!

অলিভিয়া। বেশ—করো প্রমাণ।

\* কাল্পনিক দার্শনিক। এক্ষণে কাল্পনিক ব্যক্তির নাম  
লওয়া বিদুষকজাতের রীতি।



বিদুষক। কিন্তু ওগো পুঁচকে পুণ্যবতী, তার আগে তোমার হুঁচরটে প্রশ্ন করবো—তুমি তার জবাব দাও।

অলিভিয়া। বেশ, হাতে এখন কোন কাজ নেই—তোমার প্রমাণ দেখা যাক।

বিদুষক। তুমি এমন শোকে আচ্ছন্ন কেন মা?

অলিভিয়া। বিদুষক, আমার ভাই নেই—মারা গেছেন—তার জন্ত।

বিদুষক। আপনার ভাইয়ের আত্মা তো নরকে।

অলিভিয়া। কখনো না, আমার ভাইয়ের আত্মা স্বর্গে।

বিদুষক। তা'হলে তোমার মত বোকা তো হুনিয়ায় আর নেই। তোমার ভাইয়ের আত্মা স্বর্গে—তবু তুমি শোক করছ!—কে আছি ওরে; এই মূর্খটাকে দূর করে দে।

অলিভিয়া। কি বলো মালভোলিও, বিদুষকটা একটু গুণেছে বলে মনে হয় না?

মালভোলিও। হাঁ, যতদিন না মারা যাবে, ততদিন ওর বুদ্ধির গুন্নি চলবে। দুর্বলতা হলো জ্ঞানীর শত্রু, কিন্তু মূর্খের সে মিত্র।

বিদুষক। ভগবান তোমায় এমন দুর্বলতা দিন—যাতে তোমার মূর্খতা দিনে দিনে বাড়ে। সার টোবি শপথ করে বলতে পারেন, আমার মাথায় এতটুকু বুদ্ধি নেই—কিন্তু তুমি যে মূর্খ নও, একথা বলতে তাঁর এতটুকু দ্বিধা হবে না।

অলিভিয়া। এবারে কি বলো, মালভোলিও?

মালভোলিও। আশ্চর্য্য যে, আপনি এর মত একটা ছুঁচোর কথায় আনন্দ পান! এই সেদিন পাথরের মত নীরেট এক বোকার কাছে এর হার হয়েছে। ঐ দেখুন, ওর জারিজুরি সব শেষ হয়ে গেছে—আপনি যদি এখন হেসে ওর রসিকতার মশলা জোগান না দেন, ও এখনই বোবা হয়ে যাবে। আমি মুক্তকণ্ঠে বলছি, যে সব জ্ঞানী লোক এই সব ভাঁড়ের কথায় আনন্দ পান, তাঁরা এদের চেয়েও অধম!

অলিভিয়া। মালভোলিও, তুমি ভয়ঙ্কর আত্মন্তরী! অতৃপ্তির ক্ষুধা নিয়ে তুমি খাচ্ছ স্বাদ পেতে এসেছ! একটু উদার হও, নির্দোষ হও, মনকে একটু হাল্কা করো—দেখবে, যাকে কামানের গোলা ভেবেছিলে, আসলে তা পাখী-মারা ছবুরা। বিদুষকের কাজ, নির্দোষ গালি-গালাজ—তাকে ভাঁড় বলায় পাপ নেই—অথচ সে ভাবে যে ভদ্র ব্যক্তি তিরস্কার হাড়া আর

কিছুই করে না—তাকেও গাল দেওয়া নীতি-বিরুদ্ধ।

বিদুষক। মা, তুমি আজ বিদুষকের প্রশংসা করেছ, সেজন্ত মিথ্যার অধিষ্ঠাত্রী দেবী তোমার রসনায় আবিস্কৃত হোন।

[মেরিয়ার প্রবেশ]

মেরিয়া। দিদিমণি, একজন ভদ্রলোক তোমার সঙ্গে বিশেষভাবে দেখা করতে চাইছেন।

অলিভিয়া। কাউন্ট অর্শিনোর কাছ থেকে আসছে বুঝি?

মেরিয়া। তা বলতে পারি না—তবে দিবি ফুটফুটে ছোকা; আরো লোক-জন আছে সঙ্গে।

অলিভিয়া। কে তাকে বসিয়ে রেখেছে?

মেরিয়া। আপনার পিতৃব্য, সার টোবি।

অলিভিয়া। আচ্ছা, তাঁকে একবার ডাকো দেখি,—উনি আজকাল যা' করছেন, তা রীতিমত পাগলামী! (মেরিয়ার প্রস্থান) মালভোলিও, তুমি যাও। যদি কাউন্টের কাছ থেকে কোন লোক এসে থাকে, “আমি অনুস্থ” কিংবা “আমার সময় নেই” কিংবা এমনি কিছু বলে তাকে বিদায় দিয়ে। [মালভোলিওর প্রস্থান] এখন দেখতে পারচো, তোমার রসিকতা কি রকম একঘেয়ে হয়ে পড়ছে—লোকেও পছন্দ করছে না!

বিদুষক। মা লক্ষ্মি, তুমি আজ আমাদের পক্ষ নিয়েছ। ভগবানের কাছে প্রার্থনা করি, তোমার জ্যেষ্ঠপুত্র যদি নিরোধ হয়, তার মাথার খুলির মধ্যে তিনি যেন একটা মস্তিষ্ক দেন! ঐ দেখ, তোমার আত্মীয় আসছেন। ওঁর মস্তিষ্ক কিছু দুর্বল।

(সার টোবির প্রবেশ)

অলিভিয়া। কি দুর্ভোগ! এর মধ্যে মদ খেতে শুরু করেছে। দরজায় কাকে তুমি বসিয়ে রেখেছ কাকা?

সার টোবি। একটু ভদ্রলোক।

অলিভিয়া। কি রকম ভদ্রলোক?

সার টোবি। ভদ্রলোক,—তার আবার রকম কি? মরুক, তা যাক। কি খবর ইয়ার?

বিদুষক। নমস্কার, সার টোবি।

অলিভিয়া। কাকা, তোমার ব্যাপার কি বলো তো? এই সকাল থেকেই তোমার জড়তা হয়েছে।

৮ টোবি। দরজায় লোক বসে আছে যে।  
লিভিয়া। তাই জিজ্ঞাসা করছি, সে কে?  
৮ টোবি। সে নরকের প্রেত হোক—তাতে  
আমার কি এসে যায়? আমার কাছে সবাই  
সমান। [প্রস্থান]

লিভিয়া। বিদূষক, মাতালকে কি আখ্যা  
দেওয়া যায়?

বিদূষক। মাতালের তিনটি আখ্যা—জলমগ্ন ব্যক্তি,  
নির্কোষ আর বাতুল। তৃষ্ণার চেয়ে বেশী এক  
পাত্র পান করেছ কি তুমি হয়েছ নির্কোষ!  
তৃপ্ত পান করলে হবে বাতুল—আর তৃতীয়  
পাত্র পানে হবে জলমগ্ন ব্যক্তি।

লিভিয়া। পিতৃব্য এখন তৃতীয় দশায় অর্থাৎ  
“জলমগ্ন” যাও, এখন করোনারকে খুঁজে  
আনো, এর একটা হস্তনৈস্ত তদন্ত হোক।

বিদূষক। না মা, না। উনি এখনও ‘বাতুল’  
অবস্থায় আছেন; এই “নির্কোষ” এখন ঐ  
‘বাতুলের’ ভার নিতে চলো। [প্রস্থান]

(মালভোলিওর পুনঃপ্রবেশ)

মালভোলিও। সে ছোকরা আপনার সঙ্গে দেখা  
না করে’ যাবে না। বললেম, “আপনি অসুস্থ”।  
সে বললে, সেই জন্তই সাফাৎ করা তার আরো  
বেশী প্রয়োজন। আমি বললুম, আপনি  
যুমোচ্ছেন। তাতে বললে, তাই জেনেই তো  
সে এসেছে, আর সেই জন্তই সে দেখা না করে  
যাবে না! এখন তাকে কি বলবো, বলুন?  
সে দেখছি, নাছোড়বান্দা!

লিভিয়া। বলে’ দাও, তার সঙ্গে আমার দেখা  
হবে না।

মালভোলিও। তাও তাকে বলা হয়েছে,—তাতে  
সে বললে, জজের হুকুমদারী পেয়াদার মত সে  
দরজায় অপেক্ষা করবে; দেখা না করে সে  
যাবে না।

লিভিয়া। লোকটাকে দেখতে কি রকম?

মালভোলিও। তা ঠিক লোকের মতনই দেখতে।

লিভিয়া। বলি, তার ব্যবহার কেমন?

মালভোলিও। ব্যবহার? ভারী কদর্যা! আপনি  
ইচ্ছা করুন আর নাই করুন, সে আপনার সঙ্গে  
দেখা করবেই।

লিভিয়া। তার বয়স কত? তাকে দেখতে  
কেমন?

মালভোলিও। এখনও তাকে পরিপূর্ণ বুঝা বলা  
চলে না—ঠিক ঐ আপেল আর জাম যেমন  
পাকবার আগে ডাঁশিয়ে ওঠে—না কাঁচা, না  
পাকা—তেমনি এ লোকটিও বালক আর যুবা—  
ছয়ের মাঝে এসে দাঁড়িয়েছে। দেখতে ভালো,  
কথা বলে বেশ মিহি সুরে। মনে হয়, যেন  
মাতৃহৃৎ তার গলা থেকে এখনও নামেনি!

লিভিয়া। আচ্ছা, তাকে আসতে দাও। পরি-  
চারিকাকে ডাকো।

মালভোলিও। পরিচারিকা, কর্তী তোমায়  
ডাকছেন।

(মেরিয়ান পুনঃপ্রবেশ)

লিভিয়া। মুখাবরণে আমার মুখ ঢেকে দাও।  
আর একবার অশিনোর কথা শুনতে হবে।

(ভায়োলার প্রবেশ)

ভায়োলা। এ গৃহের অধিষ্ঠাত্রী দেবী কে?

লিভিয়া। আমায় বলো, আমি তাঁর হয়ে কথা  
কবো। তুমি কি চাও?

ভায়োলা। নয়ন-মন-ভুলানো অপূর্ণ স্নন্দরী!  
কৃপা করে বলুন, এ গৃহের অধিষ্ঠাত্রী দেবী কে?  
পূর্বে কখনো তাঁর দর্শন লাভের সৌভাগ্য  
আমার হয়নি। বড় দুঃখ পাবো, যদি অপরকে  
আমার কথা শোনাতে হয়। আমার যা কথা,  
তা বেশ সুরচিত। বহু পূর্বেই আমি তা আয়ত্ত  
করেছি। স্নন্দরি, আমায় যুগা করবেন না।  
আমি যুগা-বিজুগপ সহিতে পারি না।

লিভিয়া। কোথা থেকে আপনি আসছেন?

ভায়োলা। আমার যা সাধের বাহিরে, এমন কোন  
কথা আমি বলতে পারবো না,—আপনি যা  
জিজ্ঞাসা করলেন, তার জবাব দেবার সাধ্য  
আমার নেই! বলুন, আপনি কি সেই দেবী?  
তাহলে আমি আমার কাজ আরম্ভ করতে পারি।

লিভিয়া। আপনি কি হান্তরসের অভিনয় করেন?  
ভায়োলা। না, তা করি না। তবে এটুকু নিশ্চয়  
করে বলতে পারিব,—আমি যা অভিনয় করি,  
তা আমি নই। আপনি এ গৃহের কর্তী?

লিভিয়া। যদি আত্ম-প্রবঞ্চনা না করি, তাহলে  
হ্যাঁ, আমিই।

ভায়োলা। যদি আপনি সত্যই তিনি হন—আমি  
মুক্তকণ্ঠে বলবো, আপনি আত্ম-প্রবঞ্চনা করেছেন।  
কারণ, আপনার যা দান করা উচিত, তা আপনি

আঁকড়ে নিয়ে বসে আছেন। এ কিন্তু আমার বক্তব্যের বাহিরে। প্রথমে আমি আপনার প্রশংসা করবো, তার পরে আমার বক্তব্যের যা মূল কথা, তা আপনাকে জানাবো।

অলিভিয়া। প্রশংসাটা না হয় নাই গুনলেম! এখন আপনার বক্তব্যের সার মর্মটুকু বলুন দিকি।

ভায়োলা। তা কি হয়? বহু কষ্টে আমি সেগুলি আয়ত্ত করেছি। সে কথায় বেশ একটু কবিত্ব আছে।

অলিভিয়া। তাহলে দেখছি, সে কথা মিথ্যার জাল। আপনাকে অনুরোধ করছি, কবিত্বটুকু বাদ দিন। গুনলেম, দরজার বাহিরে আপনি ভারী অভদ্র ব্যবহার করেছেন—লোকজনদের নাকি খুব তাক লাগিয়ে দেছেন! যদি আপনার মাথা খারাপ হয় তো সরে পড়ুন,—আর যদি বিবেচনা-শক্তি থাকে তো ছোট করে বক্তব্য সরে নিন। লম্বা কথা শোনবার মত সময় আর মেজাজ আমার নেই।

মেরিয়া। নিন মশায়! আপনার সামনে মন্ত রাস্তা পড়ে আছে, আপনি পাল তুলে সরে পড়ুন।

ভায়োলা। না, জাহাজের পাটাতন এখনো পাইনি। আমি এখন কিছুক্ষণ এখানে নৌদর করে থাকবো। ভদ্রে, আপনার রক্ষণীকে একটু শাস্ত হতে বলুন। এইবার আদেশ দিন—আমি দূত মাত্র!

অলিভিয়া। এখন এমন ভীষণ ভূমিকা স্বরু করেছেন, তখন নিশ্চয় কোন হুঃসংবাদ আছে। বলুন, যা বলতে চান।

ভায়োলা। সংবাদ শুধু আপনার শোনবার জন্ত! তবে আমি কোন বিপদের বার্তা নিয়ে আসিনি। কিম্বা কোন জুলুম করতে আসিনি। আমি এনেছি হাতে বয়ে শান্তির পতাকা, আমার কথার ভিতর-বার শান্তির স্তব্ধ-মাথা।

অলিভিয়া। কিন্তু তবু আপনি বড় রূঢ় ব্যবহার করেছিলেন। আপনি কে? আপনার অভিপ্রায় কি?

ভায়োলা। আমার রূঢ়তার জন্ত দায়ী আপনার লোকজন। আমি কে আর আমার অভিপ্রায় কি—তা আপাততঃ গোপন থাকবে। আপনার কাছে তা বেদের স্তম্ভের মত শ্রবণ-দুর্লভ—অপরের কাছে পাপ।

অলিভিয়া। আচ্ছা, বেশ, এ স্বর থেকে সকলে চোঁ যাও। আপনার বেদের স্তম্ভ এবারে গুনি [মেরিয়ার প্রস্থ]

নিম্ন মশায়, এখন বলুন আপনার স্তম্ভ।

ভায়োলা। মঞ্জুভাষিনি—

অলিভিয়া। তবু ভালো, সান্ত্বনার কথা! যদি এ সম্বন্ধে মত-ভেদ আছে। এখন বলুন, আপন স্তম্ভ কোথায়?

ভায়োলা। অর্শিনোর চিত্ত-গ্রন্থমাঝে!

অলিভিয়া। অর্শিনোর চিত্তমাঝে! তার চিত্ত গ্রন্থের কোন্ অধ্যায়ে?

ভায়োলা। যে ভাবে জিজ্ঞাসা করলেন, সে ভাবে বলতে গেলে বলতে হয়, তার চিত্ত-গ্রন্থ একেবারে সর্ব-প্রথম অধ্যায়ে!

অলিভিয়া। সে আমি পড়ে দেখেছি—নাস্তিক্য ভরা! এ ছাড়া আর কিছু বক্তব্য আছে?

ভায়োলা। দেবি, আপনার মুখখানি একবার দেখবো।

অলিভিয়া। আমার মুখকে বলবার মত এমন বে সংবাদ আপনার প্রভুর কাছ থেকে এনেছে কি? এবারে দেখছি, তুমি তোমার স্তম্ভ বাহিরে গিয়ে পড়েছো! ভালো, মুখের প সন্মিলন—দেখে নাও মুখছবি। দেখুন মশ ঘোমটার আড়ালেও এ মুখ ঠিক এই রকম ছি কেমন লাগলো?

ভায়োলা। যদি মুখের মাধুরীর সবটুকুই ভগবান দান হয়, তাহলে বলতেই হবে, এর চেয়ে ভাল আর হতে পারে না!

অলিভিয়া। যা দেখছেন, স্বাভাবিক মশায়! রে রুষ্টি—কিছুতেই এ মুখের মাধুরী নষ্ট হবার নয়

ভায়োলা। মাধুরী মিলেছে বটে অতীব মধুরে!

প্রকৃতি নিপুণ হস্তে মিশিয়েছে কিবা হৃদয়সাথে অলঙ্কার-রাগ! দেবি, তুমি অতি অকরুণ, যদি তুমি নাহি রাখো এ রূপের প্রতিচ্ছবি পৃথিবীর বকে!

অলিভিয়া। ক্ষান্ত হন মশায়! এতখানি অক আমি হবো না। সে প্রতিজ্ঞা আমার নেই আমার রূপের নানা ছবি আমি রেখে যাচ্ছি উইলে এসবের প্রতি অংশ—প্রত্যেকটির উল্লেখ দিয়ে যাবার ব্যবস্থা থাকবে। যে ধরুন—এক নম্বর, এ ছটি টোটার লালিমা! নম্বর, দুটি ধূসর আঁখি, তাতে পল্লব আ

তার পর এই গ্রীবা, চিবুক—এইভাবেই সব থাকবে। আপনি কি এখানে আমার স্তুতি গান করতে এসেছেন?

ভায়োলা। দেখিতেছি স্বরূপ তোমার—গরবিনী  
আপন গরবে তুমি! পিশাচিনী হতে  
যদি, তবু আমি কহিতাম, সৌন্দর্যের  
রাণী তুমি! করেছেন প্রভু মোর তব  
পাশে প্রেম-নিবেদন। রূপের প্রতিমা—  
তার কাছে সে প্রেমের প্রতিদান আছে,  
জেনো সুনিশ্চিত।

অলিভিয়া। প্রকাশিয়া কহ গুনি  
প্রণয়ের স্বরূপ তাঁহার।

ভায়োলা। আছে পূজা  
প্রণয়েতে তাঁর; আছে অশ্রু অবিরাম;  
আছে অশনির কাতর গর্জন, আর  
আছে আহবের দীর্ঘশ্বাস!

অলিভিয়া। প্রভু তব  
আছেন বিদিত মনোভাব মম। পারি  
নাকো দিতে তাঁর প্রণয়ের প্রতিদান।  
জানি তাঁরে ধর্ম-চূড়ামণি; জানি তাঁর  
উদারতা; জানি তাঁর ওদার্যের কথা;  
জানি তাঁরে দোষ-শূন্য, স্নিগ্ধতায়  
ভরা; দ্বিধাহীন মন তাঁর বীরত্বের  
খনি; সুশিক্ষিত; প্রশংসা-মুখর  
লোকে তাঁর গাহে যশ; অতি অভিরাম  
সুজন সে জন; সুকুমার দেহ-শোভা—  
প্রকৃতির দান; তথাপি না পারি আমি  
করিতে গ্রহণ-তাঁর প্রেম-উপহার!  
এই মর্শ্ব-কথা গ্রহণ—উচিত এ ছিল  
পূর্ব হতে তাঁর!

ভায়োলা। প্রভুর হৃদয় দিয়া  
যদি ভালো বাসিতাম তোমারে সুন্দরি,  
অশেষ বাতনা সহি জীবনের করি  
বিষময়—বুঝিতে না পারিতাম কভু  
এ উপেক্ষা তব।

অলিভিয়া। কি করিতে তুমি—গুনি।  
ভায়োলা। তব গৃহদ্বারে পর্ণের কুটীর রচি  
রহিতাম সেথা; উপেক্ষিত প্রণয়ের  
প্রেম-গাথা করিয়া রচনা, সম্বোধিয়া  
সে গৃহের প্রাণ-প্রতিমারে স্তব্ব রাতে  
উচ্চকণ্ঠে গাহিতাম গান! পর্তের  
গুপ্ত রক্ষ মাঝে সে-স্বরের প্রতিধ্বনি  
উদ্ভিত উজ্জ্বল! বাতাসের হা-হা-শ্বাসে

জাগাইয়া তুলিতাম “অলিভিয়া” নাম;  
পৃথিবী ও শূন্যমাঝে পারিতে না তুমি  
রহিতে স্থির; করিতে করুণা মোরে।  
অলিভিয়া। হইতে সক্ষম তুমি! কহ এবিধে তব  
বংশ-পরিচয়।

ভায়োলা। বর্তমান হতে শ্রেয়ঃ;  
আছে মর্যাদা-মান; ভদ্রবংশ-জাত।  
অলিভিয়া। ফিরে যাও তুমি তব প্রভুর সকাশে।  
তাঁরে প্রেম নিবেদিতে একান্ত অক্ষম!  
আজ্ঞাবাহে পাঠাবারে করিয়া নিষেধ।  
এস তুমি বারেকের তরে পুনরায়—  
কহিতে প্রভুর তব কিবা দশা হয়  
মোর এ উপেক্ষা গুনি। বিদায় এখন।  
এই তব শ্রম লাগি বহু ধন্যবাদ!  
করহ কৃতার্থ মোরে—লয়ে মোর হাতে  
দীন উপহার।

ভায়োলা। অর্থের প্রত্যাশী নহি;  
আজ্ঞাবাহ আমি। অর্থের পেটিকা তব  
ফিরাইয়া লহ। নহি আমি প্রভু মোর,—  
চাবো প্রতিদান; বাহারে বাসিবে ভালো,  
তাহার হৃদয় হোক পাষণ-কঠিন!  
তারে তব প্রেম-নিবেদন মোর প্রভু-মত  
উপেক্ষায়—অবজ্ঞায় ভরি’ ওঠে যেন!  
বিদায় পাষাণী, অয়ি রূপসি নির্ধুর।

[ প্রস্থান ]

অলিভিয়া। “কিবা বংশ পরিচয়?” “বর্তমান হতে  
কহে, শ্রেয়ঃ; আছে মর্যাদা-মান; ভদ্রবংশে  
জন্ম মম!” সঠিক কহিতে পারি, উচ্চ  
বংশে জাত তুমি; তব ভাষা, তব মুখ,  
প্রতি অঙ্গ, গতি-ভাব-ভঙ্গিমা সকল—  
কহিতেছে উচ্চ ভাবে—উচ্চ বংশ-জাত  
তুমি! এ কি, এ কি! এত দ্রুত! ধীরে, ধীরে!  
ভূতো যদি প্রভু হতে আজি প্রণয়ের  
আকর্ষণ এত দ্রুত চলে! মনে হয়,  
যুবকের যতক সম্ভাব—অগোচরে  
নয়নেতে মোর বাসা নেছে! ভালো! ভালো!  
তাই হোক। কোথা মালভোলিও? এস!

মালভোলিও। আদেশ করুন, দেবি।

অলিভিয়া। যাও, দ্রুত যাও  
ডিউকের আজ্ঞাবাহ যুবকের পিছে;  
সম্মতি না লয়ে মোর রাখিয়া গিয়াছে  
অধুরীয় হেথা! তাহারে কহিয়া তুমি,

বুখা যেন নাহি করে আশ্বাস-প্রদান  
প্রভুরে তাহার। অমুরাগী নহে মন  
ভিউকের পরে। যন্তপি যুবক আসে  
কল্যাণ পুনঃ হেথা, বুঝায় বলিব তারে  
সকল কারণ আমি। যাও, দ্রুত যাও।

মালভোলিও। যথা আজ্ঞা তব।

অলিভিয়া। কি কাজ করিতে ছুটি—

বুঝিতে না পারি! আঁখি মোর চাটুবাঁকে  
তুষিতেছে মনে! অদৃষ্ট, তোমার হস্তে  
আপনারে করিহু অর্পণ। কর—যে বিধান  
সমুচিত ভাবো তুমি। আমি বুদ্ধিহারা।

[প্রস্থান

## দ্বিতীয় অঙ্ক

### প্রথম দৃশ্য

সমুদ্র-তীর

(আন্টনিও ও সেবাস্টিয়ানের প্রবেশ)

আন্টনিও। তুমি তা' হলে সতাই চলে যাবে?  
আমি যে তোমার সঙ্গে থাকবো—তাও পছন্দ  
হচ্ছে না?

সেবাস্টিয়ান। না, উপায় নেই। আমার উপর  
অশুভ গ্রহের দৃষ্টি পড়েছে। যদি একসঙ্গে থাকি,  
আমার অমঙ্গল তোমাকেও স্পর্শ করবে। তাই  
আমার অমুরোধ, আমার ভাগ্যের সঙ্গে আমাকে  
একলা সংগ্রাম করতে দাও। তুমি আমার যে  
উপকার করেছ,—তাতে তোমাকে আমার  
অমঙ্গলের সঙ্গে জড়াতে পারবো না।

আন্টনিও। আচ্ছা, বেশ! কোথায় যাচ্ছ, জানতে  
পারি?

সেবাস্টিয়ান। 'প্রয়োজন নেই। সমুদ্র-ভ্রমণে আমার  
সাথ। তবে তোমার মনে এমন সারল্য আছে,  
যাতে তুমি আমাকে গোপন কথা-প্রকাশে  
অমুরোধ করবে না। আর সেই জন্তই তোমাকে  
সব কথা খুলে বলা আমার উচিত। এতদিন  
তোমার কাছে আমি রোডেরিগো নামে নিজের  
পরিচয় দিয়েছি—আজ থেকে জেনে রাখো,  
আমার নাম সেবাস্টিয়ান। মেসলিনীর সেবাস্টি-  
য়ানের নাম শুনে থাকবে—তিনি আমার পিতা।  
আমাকে আর আমার সমস্ত ভগ্নীকে রেখে তি

মারা যান ভগ্নীটি আমার জন্মের এক ঘণ্টার  
মধ্যেই জন্ম-গ্রহণ করে। ভগবান ইচ্ছা করলে  
ভেঁমনি এক ঘণ্টার মধ্যেই আমাদের জীবনের  
লীলা শেষ হতে পারতো! তুমি অল্প রকম  
ঘটিয়ে তুললে। সমুদ্র থেকে আমাকে যখন  
তুমি উদ্ধার করলে, তার কিছু পূর্বে সেই  
সমুদ্রেই আমার ভগ্নী জীবন হারিয়েছে!

আন্টনিও। কি দুর্ভাগ্য!

সেবাস্টিয়ান। আমার মত দেখতে হলে কি হয়—  
সকলেই আমার ভগ্নীকে সন্দরী বলতো। আমা-  
দের দুজনের দেহে আশ্চর্য মিল ছিল, তা'  
হলেও স্বীকার করবো যে, অতি-বড় শত্রুও তার  
মনটিকে নির্মূল না বলে' থাকতে পারতো না।  
আজ আমি চোখের লবণাক্ত জলে তার স্মৃতি  
ডুবিয়ে দেবার প্রয়াস পাচ্ছি।

আন্টনিও। ক্ষমা করো বন্ধু, তোমার যোগ্য আদরে  
আমি অভ্যর্থনা করতে পারিনি।

সেবাস্টিয়ান। বন্ধু আন্টনিও, তোমার উপকারের  
জন্ত আমি তোমার কাছে চিরঋণী থাকবো।

আন্টনিও। স্নেহের আতিশয্যে আমার বিদায় দিয়ে  
না; আমাকে তোমার সহচর করো, সাথী  
করো।

সেবাস্টিয়ান। তোমার কৃত কণ্ঠকে যদি পণ্ড করতে  
না চাও, আমার মৃত্যু কামনা যদি না করো,  
তাহলে ও-আজ্ঞার করো না। এখানেই তোমার  
কাছে বিদায় নিলেম। করুণায় আমার বুক  
ভরা। আমার মায়ের স্নেহ আমার মনে  
রয়েছে। আর কিছু ঘটলে আমার চোখে সব  
প্রকাশ হয়ে পড়বে। এখন আমি কাউন্ট  
অর্শিনোর সভায় চললুম। বিদায়!

[প্রস্থান

আন্টনিও। বিধাতার শুভাশিষ্য হোক তব সাথী  
অর্শিনোর সভাস্থলে বহু শত্রু আছে—  
নতুবা সাক্ষাৎ সেথা হতো মোর মনে।  
যা' হবার হোক তাই! বিপদের হাতে  
আমরা সকলে অতি ক্ষুদ্র ক্রীড়নক!  
যাই আমি—অন্তরালে হবো অন্তগামী।

[প্রস্থান

## দ্বিতীয় দৃশ্য

রাজপথ

[ ভায়োলার প্রবেশ—পশ্চাতে মালভোলিও ]

মালভোলিও। এইমাত্র আপনি কার্ডটেন্স অলিভিয়ার কাছে ছিলেন না ?  
ভায়োলা। হাঁ, এইমাত্রই বটে ! ধীরে ধীরে এই পথটুকু আসতে যা সময় লেগেছে !

মালভোলিও। শুভ্র মশায়, তিনি এই অঙ্গুরীটি ফেরত দিলেন। দয়া করে যদি আসবার সময় এটি নিয়ে আসতেন, তা'হলে আমার আর এ কষ্ট ভোগ করতে হতো না। তিনি বলতে বললেন যে, আপনি স্পষ্ট ভাষায় আপনার প্রভুকে বুঝিয়ে দেবেন, তিনি তাঁর অঙ্গুরাগিনী নন। আর-এক কথা, এসব কথাবার্তা নিয়ে আপনি আর আনাগোনা করবেন না। আপনার প্রভু এটি নিয়েছেন, এ সংবাদটুকু বরং দিতে আসতে পারেন। এই নিন।

ভায়োলা। এ অঙ্গুরী তিনি আমার কাছ থেকে গ্রহণ করেছেন—এ আমি ফেরত নেবো কেন ?

মালভোলিও। নিন মশায়—এটা আপনি তাঁর প্রতি নিষ্কেপ করেছিলেন। এখন তাঁর ইচ্ছা, আপনি এটি ফেরৎ নেবেন। আপনার চোখের সামনে এই রইলো,—নীচু হয়ে নিতে চান, নিন—না নেন, যে কুড়িয়ে পাবে, আংটি তার হবে।

[ প্রস্থান ]

ভায়োলা। কোনো অঙ্গুরায় আমি দিই নাই তাঁরে !  
তবে এ কি ! কি করেছে স্থির নারী নিজ-মনে-মনে ! অদৃষ্টের এ কি পরিহাস ! মুগ্ধ হলো শেষে মোর বাহিরের রূপে ? আবরণ-ভলে কি-বা কিছু না বুঝিয়া ! আমারে দেখেছে ভীক্স অশি-মন দিয়া, বাক্য গুলিয়াছে। হায়, নয়নে হেরিয়া ভুলে গেল—রসনার ভাষে লক্ষ্য নাই ! যে কথা কহিল—যেন অতি-ভোলা মন—প্রেমে মোর মুগ্ধা হলো ! হারে অভাগিনী ! প্রেম-হলে আমন্ত্রণ পাঠায় এ-ভাবে ! অঙ্গুরী এ নয় কভু প্রভুর অঙ্গুরী। করেন নি তিনি কোনো অঙ্গুরায় দান। আমার উদ্দেশে এটি পাঠায় স্তম্ভরী। তাই যদি হয়, তবে কি উপায় হবে ? হায় নারি, স্বপনেরে ভালোবাসা ছিল

এর চেয়ে ভালো, ভালো, ঢের ভালো সে যে ! ভালো সত্য আবরণে এই ছদ্মবেশ ! ইহা নিষ্ঠুর নির্মম ক্রুর ! এ বেশ-সাহায্যে শত্রুরূপে দেখা দিই মানবের মনে কুহকী দানব আমি। অনায়াস প্রেম কোমলা নারীর—হায়, সহ্যে সে বঞ্চনা ! এ প্রেমের লাগি দায়ী—রমণীর মন ; সহজে দুর্বল অতি—আর কেহ নহে। আমি যা, তাহাই রবো—আপন-স্বরূপে। কিন্তু এর পরিণতি ? প্রশ্ন দিয়া প্রভু তারে ভাল বাসিতেন ; রাক্ষসীর ক্ষুধা মোর বুকে—আমি তাঁর প্রেমেতে বিহ্বল ! নারী অলিভিয়া পুনঃ—আমাতে আসক্তা লাভি-বেশ হলো ! কিবা পরিণতি এর ? পুরুষ-হিসাবে প্রভুর প্রণয়-বার্তা বহনের লাগি যোগ্য মোরে ভাবে প্রভু ; নারী আমি—মোর লাগি তপ্ত দীর্ঘবাস অলিভিয়া রূপসীর চিত্ত ভেদ করে ! বাতাসে মিলাবে তারে দহি নিরন্তর। ভাগ্য,—তব করে নাস্ত সর্ব-শুভাশুভ, তুমিই খুলিবে পরে এ-গ্রহি কঠিন !

[ প্রস্থান ]

## তৃতীয় দৃশ্য

অলিভিয়ার গৃহ

[ সার টোবি ও সার এণ্ডর প্রবেশ ]

সার টোবি। এগিয়ে আসুন, সার এণ্ড ! শেষ রাত্রে জেগে থাকা যা, আর সকাল সকাল ঘুম থেকে ওঠাও তাই ! কথায় বলে, সকাল সকাল শয্যা ত্যাগ করলে স্বাস্থ্য ভালো থাকে।  
সার এণ্ড। অত-শত আমি বুঝি না। শুধু এইটুকু জানি যে, শেষ রাত্রে জেগে থাকার মানে জেগে থাকা।  
সার টোবি। ভুল ! ভুল ! শৃঙ্খলা যেমন আমি অপছন্দ করি, এও সেই রকম। মাঝ রাত্রি পর্যন্ত জেগে থেকে তার পর ঘুমোনের মানে, সকাল-সকাল শোওয়া। কাছে কাছেই মাঝ রাত্রির পর ঘুমোতে যাওয়া ঠিক। আমাদের জীবনে চারটি জিনিষের প্রয়োজন হয়।  
সার এণ্ড। লোকে তাই বলে বটে,—তবে আমার ধারণা—পান আর ভোজন ছাড়া জীবনে আর কিছু প্রয়োজন নেই !

সার টোবি। তুমি মহা পণ্ডিত! তবে এস, আমরা  
পান-ভোজন শুরু করি। এই মেরিয়া, সরাপ,  
সরাপ লে আও;

সার এণ্ড। এই যে বিদূষক! এসো।

(বিদূষকের প্রবেশ)

বিদূষক। বন্ধগণ, “আমরা তিনটি ইয়ার”এর ছবি  
দেখবে?

সার টোবি। স্বাগত হে গর্দভ, স্বাগত! একখানা  
গান ধরো।

সার এণ্ড। সত্যি বলছি, বিদূষকের গলা ভারী  
মিষ্টি। আমি পাওয়া-টাকা খরচ করতে রাজী  
আছি, যদি ওর মত নাচবার পা আর গাইবার  
গলা পাই। কাল রাত্রে বেশ মজাদার গল্প  
শুরু করেছিল, সেই ভেপিয়ানদের পিগ্রো-  
গ্রমিটস্ কুইবেকের রাস্তা পার হয়ে যাচ্ছে।...  
ভারী ভালো লেগেছিল। খুবী হয়ে তোমার  
প্রণয়িনীর জন্ত আমি একটা আধুলি বকশিস  
দিয়েছিলাম।

বিদূষক। আমি সমস্মানে সে আধুলি পকেটস্থ  
করেছি। তবে স্মৃতি এই যে, মালভোলিওর  
নাসারঞ্জে ভ্রাণ-শক্তি থাকলেও তাতে চাবুকের  
হাতল নেই,—গৃহিণীর হাততুলিও সাদা; আর  
লোকজন মদের আড্ডার লোক নয়।

সার এণ্ড। চমৎকার বলেছ। রসিকতার মত  
রসিকতা! এখন সব শেষ। এবার একটা  
গান হোক!

সার টোবি। এই নাও একটা আধুলি দিচ্ছি—  
একখান গান ধরো।

সার এণ্ড। আমিও একটা দিচ্ছি। একজন যদি ..

বিদূষক। কি গান চাই? প্রেমের গান? না,  
ধর্ম-সম্বন্ধিত?

সার টোবি। প্রেমের গান,—প্রেমের গান।

সার এণ্ড। আরে ছো! ধর্ম-টর্গের ধার আমি  
ধারি না।

(গান)

বিদূষক। কোথায় ঘুরিছ, সখি!

কাছে বসো এসে, কথা কও হেসে,  
গাহিবে প্রাণের পাখী।

মোহিনী আমার যেয়ো না কো চলে,—  
চলা শেষ হবে প্রাণ-বঁধু এলে;

এ কথা বুঝিবে না কি?

সার এণ্ড। বাহবা! বেশ!

সার টোবি। চমৎকার!

(গান)

বিদূষক। প্রণয় কি বা সে?—জানো না এখনো?

কেবল কুষ্টি, হাসিটি মাখানো;

দেবী হলে সখি, পাবে না প্রচুর,

দাঁও চুমা স্বরা শতকের বারে;

যৌবনে নাহি ফাঁকি!

সার এণ্ড। ভারী মিঠে গলা!

সার টোবি। ছোঁয়াচ-ধরা সুর!

সার এণ্ড। ঠিক! মিঠে আর ছোঁয়াচ-ধরা!

সার টোবি। এ গান শুনে নাচের ছোঁয়াচ লাগে  
কি করবো, সারা আকাশকে নাচিয়ে দেবো  
না কি? এখন একটা দোয়ারকী ধরি, এসো—  
যাতে করে রাত-পোঁতা যেন ঘুম ভেঙ্গে জেগে  
ওঠে—আর বোকা তাঁতীর বুকের খাঁচা ভেঙ্গে  
যেন তার আত্মা-পাখী বেরিয়ে এসে সে গান  
শুনতে বসে!

সার এণ্ড। তাই করি, এসো। আমি দোয়ারকী  
দিতে খুব মজবুত।

বিদূষক। সে কাজ অনেক কুরুরেও পারে।

সার এণ্ড। নিশ্চয়! “ওরে পাজী” গানটা ধরা  
যাক।

বিদূষক। “চোপরও, চোপরও! ওরে ছুঁচো পাজী”  
সেই গানটা? কিন্তু তোমাকে যে তা’হলে পাজী  
বনতে হবে।

সার এণ্ড। ও কিছু নয়! তুমি সবার আগে  
আমাকে পাজী বলছ! না? নাও, শুরু  
করো—“চোপরও, চোপরও!”

বিদূষক। “চোপরও! চোপরও” বলছেন—সুর  
ধরবো কি করে?

সার এণ্ড। বটে! সে-চোপরও নয়। আচ্ছা, শুরু  
করো।

(গান আরম্ভ ও মেরিয়ার প্রবেশ)

মেরিয়া। কি মাতলামীর হল্লা লাগিয়েছ এখানে!

দিদিমণি এতক্ষণে মালভোলিওকে ডেকে নিশ্চয়  
তোমাদের দূর করে দিতে বলছেন।

সার টোবি। আরে ছো! তোর দিদিমণি আবার  
একটা মালুষ! আমরা হচ্ছি রাজনীতিজ্ঞ!  
আর মালভোলিও হচ্ছে একটা ছুঁচো নচ্ছার।  
(সুর করিয়া) “তিনটি সখের ইয়ার আমরা।”

সে কি আমার আত্মীয় নয়? আমাদের শরীরে কি একই রক্ত বইছে না? ওঃ! মহিলা হয়েছেন, বটে! (স্বর করিয়া) “মহিলা অছিল এক ব্যাবিলন দেশে।”

বিদূষক। বাঃ! ভারী রগড় তো!

সার এণ্ডরু। মনে করলে ও বেশ রগড় করতে পারে। আমিও পারি। তবে ওর রগড় হলো মানানসই, আমার রগড় অস্বাভাবিক।

মেরিয়া। ভগবানের নাম করে বলছি—তোমরা থামো।

(মালভোলিওর প্রবেশ)

মালভোলিও। মশায়রা, আপনারা কি পাগল হয়েছেন? এ সব কি হচ্ছে? এত-রাত্রে মাতালের মত চীৎকার করছেন,—আপনাদের কি বুদ্ধি, বিবেচনা কিছুমাত্র নেই? আমার মনিবের বাড়ী কি মাতালের আড্ডা যে, আওয়াজে সামঞ্জস্য না রেখে চামারের মত সকলে চীৎকার করে গান ধরেছেন! আপনাদের কি স্থান-কাল-পাত্র—কিছুর মাত্রা-জ্ঞান নেই?

সার টোবি। কি বললে, গানে আমাদের মাত্রা-জ্ঞান নেই? আরে ছোঃ!

মালভোলিও। সঙ্গ টোবি, আপনাকে স্পষ্ট বলছি, গুলুন। কর্তা বলতে বললেন যে, আত্মীয়-বিধায় তিনি আপনাকে আশ্রয় দিয়েছেন; তা বলে আপনার এ বদ চাল তিনি বরদাস্ত করবেন না। আপনি যদি আপনার বদ চাল ছাড়েন, তাহলে এখানে আদর পাবেন। আর যদি তা' না পারেন, তাঁর কাছ থেকে বিদায় নিতে হবে। তিনি বিদায় দিতে প্রস্তুত।

সার টোবি। (স্বরে) “বিদায়—বিদায় প্রাণ, যেতে হবে চলে।”

মেরিয়া। থামুন সার টোবি!

বিদূষক। “আশ্বিতে করুণ ব্যথা, বিদায়ের কালে।”

মালভোলিও। বটে! তাই নাকি?

সার টোবি। “মরিব না আমি সখি!”

বিদূষক। “কথাটা নিছক কঁাকি!”

মালভোলিও। তোমার সাহস তো খুব দেখছি!

সার টোবি। “দিব কি বিদায় তবে?”

বিদূষক। (স্বরে) “রাখিয়া কি ফল হবে?”

সার টোবি। “দিব বিদায়—বিদায় তবে রক্ত কথা বলে?”

বিদূষক। “দিয়ে না দিয়ে না ব্যথা, কিবা ফল ছলে!”

সার টোবি। মাত্রা-জ্ঞান নেই আমাদের! মিথ্যা কথা! তুমি তো বাপু সরকার ছাড়া আর কিছু নও! তুমি মনে করো, নিজের ধর্ম-পুতুর-বলে আর কেউ মদ খাবে না, বা ফুটি করবে না?

বিদূষক। আর আদার ঝাল মুখে লাগবে না?

সার টোবি। ঠিক বলেছ। যাও, যাও, তেঁতুল দিয়ে ছবি সাক্ষ্য করোগে যাও। মেরিয়া, এক পাত্র মদ, বাবা।

মালভোলিও। মেরি! দেবি! যদি কর্তীর বিশেষ না চাও তো' ও-সব অভ্যুত্থার প্রশ্রয় দিয়ে না। এই মুহূর্তে তাঁকে আমি সব কথা বলছি গিয়ে।

[প্রস্থান]

মেরিয়া। আরে, যাও, কান নাড়োগে যাও!

সার এণ্ডরু। যখন ক্ষুধা থাকে, তখনই খাওয়া উচিত! আমার মনে হচ্ছে, ওকে দৃশ্য-যুদ্ধে আহ্বান করি—তারপর ওর সঙ্গে কথা না রেখে ওকে গাধা বানিয়ে ছেড়ে দি।

সার টোবি। তাই করো বীরবর। তোমার হয়ে আমি না হয় আহ্বান-পত্র লিখে দিচ্ছি। বলো তো, মুখে তোমার আহ্বান ওঁকে গিয়ে জানিয়ে আসি।

মেরিয়া। লক্ষ্মী সার টোবি, আজ রাত্রে মত ক্রান্ত দিন। কাউন্টের সেই ছোকরাটি আসাইন্তক দিদিমণির মেজাজ ভালো নেই। মালভোলিওকে আমার হাতে ছেড়ে দিন—আমি যদি ওকে সাধারণের কাছে হস্তান্তর না করতে পারি তো' জানবেন যে শয়্যার সরলভাবে শয়ন করবার বুদ্ধিটুকুও আমার নেই! আমি কি করতে পারি, তা' আমি জানি।

সার টোবি। আরে বলো, বলো, একটু তো শোনাও।

মেরিয়া। মশায়, অনেক সময় ও একটু ধর্মভাব দেখায়!

সার এণ্ডরু। আরে, তা' জানলে আমি ওকে কুকুর-মারা করতাম।

সার টোবি। কেন, ওর ধার্মিক হওয়ার জন্ত?

তোমার মনোগ্রাহী যুক্তিটুকু বুঝলম না বীর!

সার এণ্ডরু। আমার যুক্তি মনোগ্রাহী না হোক, সুন্দর বটে।

মেরিয়া। গোড়া ধার্মিক বটে! কিন্তু একটা মস্ত-বড় স্বার্থস্বেষী লোক, উদ্ধত গদীভ! বড় বড় কথা মুখস্থ করে আউড়ে যেতে ভালোবাসে। নিজেকে এত বড় ভাবে যে, ও মনে করে, ওকে দেখলেই



মেয়েরা ওর প্রেমে পড়বে। ওর ওই দুর্বলতার উপর দিয়েই আমি এ সবেঁধ শোধ নেবো।

সার টোবি। কি করবে, শুনি ?

মেরিয়া। ওর পথের সামনে আমি একখানি প্রেম-পত্র ফেলে রাখবো। সেই চিঠিতে লেখা থাকবে, ওর চুলের রং, ওর পায়ের গড়ন, ওর চলন-ভঙ্গি, ওর চোখের চাউনি, ওর গায়ের রং...তা' থেকে ও ভাববে, ওকেই উদ্দেশ্য করে পত্রখানি লেখা। আপনার ভাইবীর হস্তাক্ষর আমি ছবছ নকল করতে পারি। অনেক সময় সে লেখা দেখায় একেবারে ছবছ এক।

সার টোবি। চমৎকার ! এবার বুঝেছি।

সার এণ্ড। আমিও গন্ধ টের পাচ্ছি !

সার টোবি। তোমার চিঠি পড়ে' ও বুঝবে, চিঠি-খানি লিখেছেন আমার ভাইবী ! মানে, ভাইবী ওর প্রেমে পড়ে গেছে—এই আর কি !

মেরিয়া। আমার চালটা ঐ ধরণের—ঘোড়ার চালের মত।

সার এণ্ড। তোমার ঘোড়া ওকে গাধা বানিয়ে ছাড়বে।

মেরিয়া। তাতে সন্দেহ নেই।

সার টোবি। খুব মজার হবে, মোদা।

মেরিয়া। একেবারে সেরা মজা ! দেখবেন, আমার এ ওষুধ কথা বলিয়ে ছাড়বে। যেখানে চিঠি ফেলবো, তার এ পাশে ও পাশে আপনারদের দুজনকে আর বিদুষককে লুকিয়ে থাকতে হবে। কি ব্যাখ্যা সে করে, আপনারা নিজেরাই শুনতে পাবেন। আজ রাত্রের মত বুশোম। কাল যা ঘটবে, সে ঘটনার স্বপ্ন দেখুন। বিদায় !

[ প্রস্থান ]

সার টোবি। আচ্ছা এমাজনদের \* রাণী, বিদায় !

সার এণ্ড। ছুঁড়ি বেশ !

সার টোবি। ওস্তাদ শিকারী-কুকুরের মত। আমায় ভারী ভক্তি করে। কিন্তু তাতে কি ?

সার এণ্ড। আমার উপরেও এক দিন ভক্তি দেখিয়েছিল।

সার টোবি। শুইগে চলো। বীরবর, তুমি আরও কিছু টাকা আনতে পাঠাও।

\* 'এমাজন'—পুরাণোক্ত এক ত্রৈলোক্য নারী বোদ্ধা। মেরিয়ার ক্ষুদ্র কায়াকে বিজয় করিয়া এখানে ইহা বলা হইয়াছে।

সার এণ্ড। তোমার ভাইবীকে যদি না পাই, তাহলে আমার ইতো ভ্রষ্টঃ ভতো নষ্টঃ।

সার টোবি। টাকা আনাও ! টাকা। তারপরে যদি না পাও, আমায় নির্দোষ বলো।

সার এণ্ড। তা আমাকে বলতেই হবে—তুমি তাতে যাই মনে করো।

সার টোবি। আরে এস, এস ! আর একটু মাল টানা যাক। অনেক রাত হয়ে গেছে, গুতে গিয়ে আর কাজ নেই। এস, এস।

[ প্রস্থান ]

## চতুর্থ দৃশ্য

ডিউকের প্রাসাদ

[ ডিউক, ভায়োলা, কিউরিও প্রভৃতির প্রবেশ ]

ডিউক। সঙ্গীতের আলাপন চাহি। সুপ্রভাত,

বন্ধুগণ ! সিজারিও, শুনিতে বাসনা

পুনঃ এই পুরাতন অভিনব গান,

গত রাত্রে শুনিয়াছি যাহা ; মনে হলো,

মুছে গেছে প্রণয়ের ব্যথা। একালের

লঘু সুরের বাঁধা কথা হতে বহু গুণে

শ্রেয়ঃ। সে গানের এক কলি কিউরিও,

শুনাতো আবার।

কিউরিও। গায়ক এখানে নেই প্রভু !

ডিউক। কে সে ?

কিউরিও। সে একজন বিদুষক। তার নাম

ফেষ্টি। লেডি অলিভিয়ার বাবা তার রসিকতা

শুনতে বড় ভালবাসতেন ! সে এ বাড়ীর এ-

ধারে-ও ধারে ঘুরে বেড়াচ্ছে।

ডিউক। তাকে খুঁজে আনো। ততক্ষণ সুর ধরো।

[ কিউরিওর প্রস্থান, বাজ আরম্ভ ]

সিজারিও, এসো কাছে যদি ভালোবাসো

কারে তুমি কভু, প্রণয়ের ব্যথা-সাথে

ভাবিয়ো আমার কথা। প্রকৃত প্রণয়ী

যারা মোর মত সবে,—প্রেরণীর চিন্তা

ছাড়া সকলি বিচ্ছিন্ন, সকলি চঞ্চল।

লাগিছে কেমন এই সুরের আলাপ ?

ভায়োলা। প্রণয়ের সিংহাসন-তলে বাজে যেন

প্রতিধ্বনি তার !

ডিউক। বলেছো স্নন্দর কথা।

নিশ্চয় কহিতে পারি, বালক হলেও

ভূমি যেন ভালো বাসিয়াছ কারে ! সত্য  
কি একথা ?

ভায়োলা । সত্য ! প্রভুর করুণা সে যে !

ডিউক । তারে দেখিতে কেমন ?

ভায়োলা । আপনার মত !

ডিউক । নহে তব উপযুক্ত ? কি তার বয়স ?

ভায়োলা । বয়সে প্রভুর সম ।

ডিউক । আরে ছি ! অতি

বৃদ্ধা তবে ! উচিত নারীর, হইবারে  
পরিণীতা নিজ হতে বেশী-বয়সীতে !  
তাহে তার প্রতিপত্তি অক্ষুণ্ণ রহিবে  
স্বামীর হৃদয়ে সদা । বড়ই চপল  
জেনো, আমরা পুরুষ ; স্নেহ-ভালোবাসা  
আমাদের বৃকে জেনো, সকলি চঞ্চল,  
সব ধোঁয়া-মাখা ! নারীদের নহে তাহা  
কভু !

ভায়োলা । মনে হয়, তাই ঠিক ।

ডিউক । প্রণয়িনী হবে তব অল্প-বয়সী !

তবেই পাইবে শান্তি জীবনে তোমার ।  
রমণী গোলাপ ফুল—হলে বিকশিত  
ঝরে পড়ে ধীরে ধীরে মাধুরী তাহার ।

ভায়োলা । সত্য বৃদ্ধি । বড়ই হৃৎখের কথা, প্রভু !  
ঝরে যায় রূপ তার হলে প্রস্তুতি ।

( বিদূষকের সহিত কিওরিওর প্রবেশ )

ডিউক । এস, এস, গাহ পুনঃ সে চারু সঙ্গীত—

কাল রাত্রে গেয়েছিলে সেই যেই গান,—  
অতি-পুরাতন ! রৌদ্রে বসি কুমারীরা  
জীবনের সাথে গাহিত যে গান ; গাহে  
সুখে যতক যুবতী যবে সেই গান—  
গাঁথিতে গাঁথিতে মালা । অতি-সাধারণ  
সেই গান ; বুদ্ধমত প্রেমের সারল্য  
লয়ে খেলা করে সে যে !

বিদূষক । আপনি প্রস্তুত ?

ডিউক । হাঁ, গাও ।

( গান )

বিদূষক । এসো গো এসো স্বরায় এসো,  
মরণ, আমার মরণ ।

তোমার লাগি' করিব আমি  
তরুণ-শপে বরণ !

নিশ্বাস মোর বাহিরিয়া যায় ;  
নিঠুরা আঘাত করেছে আমার ;

খেত-বসনে ঢাকিয়া এ-ভু

লইব তোমার শরণ !

এ তবু আমার সুবাসে-ভরা

দিয়ো না কুসুমের ঢাকিয়া,

আপনার জন যেন নাহি আসে

অশানেতে মোর লাগিয়া !

এ-দেহ রাখিবে এমন চিতায়

ব্যর্থ-প্রণয়ী যেন গো সেথায়

দীর্ঘ নিশাসে না পারে কাঁপাতে

আমার শেষের শয়ন ।

ডিউক । এই নাও তোমার পরিশ্রমের মূল্য !

বিদূষক । এতে আর পরিশ্রম কি ! গান গাওয়ায়  
আমি আনন্দ পাই !

ডিউক । বেশ, তা'হলে মনে করো—তোমার  
সেই আনন্দের জন্মই দিলেম ।

বিদূষক । একথা খুব সত্য যে, যখনই হোক,  
আনন্দের একটা সার্থকতা আছে ।

ডিউক । আচ্ছা, তোমরা এখন আসতে পারো ।

বিদূষক । হৃৎখের দেবতা আপনার উপর প্রসন্ন  
হোন ! আপনার মনটি ওপাল-মণির মত  
স্বচ্ছ—তাতে সব রঙের লীলা দেখি । দেহটিও  
আপনার তেমনি পরিবর্তনশীল—রসমের  
পোষাকে আবৃত হোক ! আপনার মত লোকের  
কর্মভূমি সর্বত্র—আপনার বাসনা বহুমুখী ।

[ প্রস্থান ]

ডিউক । বিদায় লইতে পারো তোমরা সকলে !

[ কিউরিও ও সহচরগণের প্রস্থান ]

সিঁজারিও যাও পুনঃ বারেকের তরে

সেই নির্মূরার কাছে । কহিয়ো তাহারে

মোর প্রণয়ের বাণী—পৃথিবী হইতে

তাহা বহু উচ্চতর । বিভব, সম্পদ

তার করি না কামনা ; অতি তুচ্ছ তাহা !

মোহিনী সে নারী-রত্ন, তারে চায় শুধু

এ মোর হৃদয়—প্রকৃতির শ্রেষ্ঠ দান !

ভায়োলা । সে যদি তোমারে প্রভু ?

ডিউক । গুনিব না ।

এ কথা তাহার !

ভায়োলা । গুনিতে হইবে তাহা !

হয়তো বা আছে হেন নারী, ভালোবাসে

তোমারে যে প্রাণ-মন দিয়া,—তুমি  
যথা ভালোবাসো অলিভিয়া সুলন্দরীয়ে ;  
গ্রহণের যোগ্য নহে প্রণয় তাহার  
তব কাছে ; তবু 'না' বলিবে তাহারে ?  
ভালো তুমি নাহি বাসো, প্রভু ?

ডিউক ।

রমণীর

প্রেম কভু হতে নাহি পারে মোর সম  
এমন গভীর ! নাহি পারে এত প্রেম  
ধরিবারে রমণী-হৃদয় ; ধারণের  
শক্তি নাহি রমণীর । রমণীর প্রেম  
ক্ষুধার মতন ; আশ্বাদনে তৃপ্তি পায়  
তারা ; মিটে যায় রসনার সাধ !  
প্রচুর পাইলে মনে জাগায় বিরোধ ।  
আমার এ প্রেম-তৃষা সাগরের মত  
বিপুল বিরাট ; তাহা যত দাও মোরে  
তৃপ্তি নাই ; আরো চাই ! অলিভিয়া-প্রতি মোর  
যত ভালোবাসা, তত ভালোবাসা কোনো  
নারী দিতে পারে মোরে, বিশ্বাস না হয় !

ভায়োলা । জানি আমি—হায় !

ডিউক ।

কি বা জানো ? কহ, শুনি ।

ভায়োলা । জানি আমি স্থির, রমণী-হৃদয়ে আছে  
সুগভীর প্রেম ; নারীও প্রণয় দানে  
পুরুষের মত ! আছিল তনয়া এক  
পিতার আমার, দিয়াছিল ভালোবাসা  
পুরুষে তেমতি, যেমন দিতাম তোমা  
হইলে রমণী আমি ।

ডিউক ।

কি-বা হলো তার ?

ভায়োলা । সব বার্থ প্রভু ! প্রকাশ করেনি কভু  
তাহার প্রণয় । গোপনে গুমরি উঠি  
প্রেম তার কোরকের ছুঁই কীট সম  
লালিম কপোলে তার আঁকিল কালিমা !  
চিন্তায় শুকায়ে গেল । নিজ-দুঃখ-ভারে  
হইয়া পীড়িতা তবে, বেদী-বক্ষস্থিতা  
মুষ্টিমতী বৈধব্য-দেবী পেয়ে শোক-ভারে  
অধরে বহিয়া হাসি রহে তথা বসি—  
ইহা কি প্রণয় নয় ? পুরুষ আমার  
বহু ভাবে কহি কথা রঞ্জিত করিয়া ।  
অনুভব করি বাহা, তাহার অধিক  
দেখাতে প্রয়াস পাই । মুখেতে জানাই  
প্রণয়ের বত কথা, হৃদয় জানে না ।

ডিউক । মৃত্যু ভবে ভগ্নী তব প্রণয়ের লাগি ?

ভায়োলা । পিতৃ-কুলে প্রভু, জীবিতের সংখ্যা ধরি  
জানিয়ে নিশ্চিত—ব্রাতা-ভগ্নীগণ মাঝে

একাই জীবিত আমি । তথাপি অ-জ্ঞাত !

যাবো না কি অলিভিয়া-পাশে ?

ডিউক ।

যাও, বৎস

দিয়ে তারে মণি-উপহার । বলো তারে

প্রেম মোর উপেক্ষা স'বে না তিল ।

## পঞ্চম দৃশ্য

অলিভিয়ার উদ্যান

( সার টোবি, সার এণ্ড্রু ও ফেবিয়ানের প্রবেশ )

সার টোবি । এসো ফেবিয়ান, এসো ।

ফেবিয়ান । আজ্ঞে, আমি নাচবো বলেই এসেছি  
যে-মজা চলেছে, তার একটি কোঁটা পাছে বা  
পড়ে, সেই ভাবনাতেই আমি মারা যাবো ।

সার টোবি । ঐ গোমড়া-মুখো, হতচ্ছাড়া পাজীটো  
এমনি ভাবে ঠাণ্ডা করলে তুমি খুশী হবে ?

ফেবিয়ান । আমি তা' হলে নাচবো । একটা কুকু  
আর ভাল্লুকের লড়াই \* নিয়ে ওই তো দে  
ঠাকরণের মেজাজ চটিয়ে !

সার টোবি । ওকে ক্ষাপাবার জন্ত ওকেই আম  
বানাবো ভাল্লুক । ওকে আমরা গাধা-মা  
দিয়ে তবে ছাড়বো । কি বলো, সার এণ্ড্রু ?

সার এণ্ড্রু । তা' যদি না পারি তো এ দুঃখ জীব  
যাবে না ।

সার টোবি । ঐ সেই ক্ষুদে-শয়তান আসছে ।

( মেরিয়ার প্রবেশ )

কি খবর গো—ভারতের স্বর্ণ-খনি ?

মেরিয়া । তোমরা তিন জনে ঐ গাছের আড়াত  
লুকোও । মালভোলিও এই পথে আসছে  
এই আধ ঘণ্টা ধরে রোদে বসে নিজের ছায়  
দেখে আদব-কারদা রপ্ত করছিল । মজ  
দেখবার জন্ত ওর উপরে নজর রেখো । আ  
জানি, এ চিঠি পেলে নিরেট আহাশ্বকের ম  
কাঠ হয়ে ভাবতে বসে যাবে । ঘেঁষাঘেঁ  
দাঁড়াও । এটা এইখানে থাকুক ( পত্র স্থাপন )

\* একপ্রকার নিষ্ঠুর ক্রীড়া । ইহাতে একটি ক্রান্ত ভাল্লুক  
কাঠে বদ্ধ রাখিয়া তাহার দিকে কুকুর দেলাইয়া দেওয়া হইত  
গোড়া ধাপ্তিকদের কাছে ইহা অতীব ঘৃণা প্রথা বলি  
বিবেচিত হইত । সে হিসাবে ইহা মালভোলিওর কা  
বিসদৃশ ছিল ।

কাংলা মাছ আসছে—ওকে খেলিয়ে ডাক্তার তুলতে হবে!

প্রস্থান

( মালভোলিওর প্রবেশ )

মালভোলিও। সবই ভাগ্যের ফল। মেরিয়া একবার আমায় বলেছিল যে, আমার উপর তাঁর একটু টান আছে। তাঁর কাছে আমি এইটুকু মাত্র শুনেছি, যদি তিনি বিয়ে করেন তো তাঁর সে-স্বামীর গায়ের রং হবে আমার মতন। —তার উপর আর পাঁচজনের সঙ্গে আমাকে একটু তফাৎ করে দেখেন। এরই বা মানে কি?

সার টোবি। আরে খেলে যা! হুঁচো কোথাকারের! ফেরিয়ান। আঃ থামুন! ভাবতে ভাবতে কেমন মোরগের মতো হলো—যেন পালক ফুলিয়ে ডাক ছাড়চে!

সার এণ্ড। দি এক চড় কষিয়ে।

সার টোবি। থামো—থামো।

মালভোলিও। কাউন্ট মালভোলিও হবো—

সার টোবি। ওরে পাজী!

সার এণ্ড। গুলি মারো, গুলি মারো।

সার টোবি। থামো, থামো।

মালভোলিও। তবে এর নজির আছে। ষ্ট্র্যাচির মহিলা তাঁর সাজ-কামরার পরিচারককে যে বিবাহ করেছিল।

সার এণ্ড। তোর নজিরের কাঁথায় আগুন!

ফেরিয়ান। থামুন! দেখুন, কেমন আঁকড়ে

ধরেছে—কল্পনা কেমন ফেঁপে উঠেছে।

মালভোলিও। বিবাহের তিন মাস পরে—তখতের উপর বসে ..

সার টোবি। একটা গুলতি পেলে পাথরকুঁচি মেরে ওর চোখছটো দি কাণা করে!

মালভোলিও। নক্সা-কাটা ভেলভেটের পোষাক পরে বান্দাদের ডাকবো অলিভিয়ার কাছ থেকে এসে—

সার টোবি। তোর মাথায় বাজ পড়ুক!

ফেরিয়ান। থামো! থামো।

মালভোলিও। তার পর গদীয়ান হয়ে বসে—রূপা করে চারিদিকে একবার চোখ বুলিয়ে নিয়ে তাদের বলবো—আমি কে, তা আমি জানি? তাদের উচিত জেনে রাখা—তারা কে! তাদের যোগ্যতা কতখানি! তারপর আমার আত্মীয় টোবিকে ডেকে পাঠাবো।

সার টোবি। তোমার মাথায় বজ্রপাত হোক, উদ্ভাংশে পড়ুক!

ফেরিয়ান। থামুন, থামুন—দেখুন সবটুকু।

মালভোলিও। আমার সাত জন বিশ্বস্ত সহচর তখন তাকে আনবার জন্ত দৌড়বে। আমি তাকে দেখে একটু জ্বকুটি করবো। হয়তো বা ষড়্টিয়ায় দম দেবো—না হয় ধরো, আমার কোন মনি-রত্ন নিয়ে একটু খেলা করবো। টোবি আসবে। এসে আমায় অভিবাদন করবে—

সার টোবি। আরে, এটা বাঁচবে তো?

ফেরিয়ান। যদিও চূপ করে থাকা শক্ত, তবু চূপ করে থাকুন।

মালভোলিও। এই ভাবে তাঁর দিকে আমি আমার হাত দেবো বাড়িয়ে—মুখের হাসি চেপে মুখকে করবো একটু কঠিন—

সার টোবি। আর টোবি তখন তোমার ঠোঁটের উপর একটা ঘৃষি বসিয়ে দেবে—না?

মালভোলিও। বলবো, “আত্মীয় টোবি, আমার ভাগ্য তোমার ভাইবীর ভাগ্যে মিশে এক হওয়ায় এ কথা বলবার আমার অধিকার আছে।”

সার টোবি। কি কথা?

মালভোলিও। “তোমাকে মদ ছাড়তে হবে।”

সার টোবি। তরে রে হারামজাদা!

ফেরিয়ান। আরে থামুন, নাহলে আমাদের মতলব যাবে ভুল হয়ে।

মালভোলিও। “তার উপর একটা গর্দভের সঙ্গে তুমি তোমার মূল্যবান সময় মিশে নষ্ট করছো”—

সার এণ্ডরু। আমায় বলছে, ঠিক।

মালভোলিও। “এওরু নামে—”

সার এণ্ডরু। আমি জানি, আমার কথা—কেন না, অনেকেই আমাকে নীরেট বলে।

মালভোলিও। এখন কি করা যায়?

( পত্র কুড়াইয়া লইল )

ফেরিয়ান। বাছাবন এবার জালে পড়েছেন।

সার টোবি। থামো, থামো—শয়তানের মোহে পড়ে চেঁচিয়ে না ঘেন! খবদার!

মালভোলিও। আরে এ দেখছি, ঠাক্কণের হাতের লেখা। এই তাঁর “জ”; এই তাঁর “উ”; তাঁর “শ”; এই ভাবে তিনি “শ্র” লিখেন। তাঁরই লেখা—না, কোনো সন্দেহ নেই।

সার এণ্ডরু। তাঁর “জ,” তাঁর “উ,” তাঁর “শ্র”—এর মানে?

মালভোলিও। (পড়িতে লাগিল) “অজানা প্রণয়ীর উদ্দেশে আমার শ্রদ্ধাজলি।” হুবহু তাঁর ভাষা! দেখি। দাঁড়াও,—ধীরে ধীরে। এই যে, কাগজে তাঁর মোহরের ছাপ! তাঁরই লেখা। কাকে উদ্দেশ করে এ কথা তিনি লিখলেন?

ফেবিয়ান। এইবারে প্রেমের জয় হলো!

মালভোলিও (পাঠ) “দেবতা জানেন, তারে ভালো-বাসি আমি।

কেবা সেই গুণময়—যিনি মোর স্বামী?

ওঠ, তুমি রহ স্থির—কয়ো না সে কথা;

মানবে জানিবে না কো প্রণয়ের ব্যথা।”

“মানবে জানিবে নাকো প্রণয়ের ব্যথা!”—তার পর ছন্দ আবার বদলে গেছে। “মানবে জানিবে নাকো।” মালভোলিও, এ লোকটি যদি তুমি হও?

সার টোবি। হতভাগাকে ধরে ফাঁশিকাঠে লটকে দাও।

মালভোলিও। (পাঠ)

“আদেশ করিব পূজেছি যাহারে,

স্তব্ধ রাখিব গোপন হিয়ারে;

হৃদয়ের ক্ষত হবে রক্তহীন,

ম-ও-ভ-ল মোরে করিবে নবীন।”

ফেবিয়ান। হেঁয়ালির মত হেঁয়ালি!

সার টোবি। ছুঁড়ী খুব কাজের, বটে!

মালভোলিও। “ম-ও-ভ-ল মোরে করিবে নবীন—”

না, এটা কি রকম হলো? রোসো, দেখি।

ফেবিয়ান। ওঃ, কি বিবের কালিয়াই ওর জন্তে তৈরী হয়েছে!

সার টোবি। কোন্ ডানা দিয়ে বাজপাখীকে খেদিয়ে রাখে, দেখি!

মালভোলিও। “আদেশ করিব পূজেছি যাহারে”—

কেন? তিনি তো আমায় আদেশ করতে পারেন!

আমি তাঁর আজ্ঞাবহ—তিনি আমার কর্ত্তা।

এ খুব স্বাভাবিক ঘটনা—এতে কোন

বাধা-বিপত্তি চলতে পারে না। শেষের দিকে

বর্ণমালায় সমাবেশে কি বোঝাচ্ছে? যদি ওটাকে

আমার দিকে ঘোরাতে পারি, দেখি, এ কথার

বিচার করে ম-ও-ভ-ল—

সার টোবি। ওটা মিলিয়ে নিতে সব বুঝি-বা ঘুলিয়ে যায়!

ফেবিয়ান। যত বড় খুঁট হোক, ভাল শিকারী কুকুরকেও এর জগ্ন মাথা খুঁড়তে হবে।

মালভোলিও। “ম”—মালভোলিও। “ম”—হাঁ, তাই তো, এ যে আমার নামের আত্মকর।

ফেবিয়ান। আমি বল্লেম, ও ঠিক ধরতে পারবে।

কুকুর গন্ধে-গন্ধে ঠিক মালুম করে!

মালভোলিও। “ম”—কিন্তু তার পরে যে আর

মিলছে না। না, এ ঠিক খাপ খাচ্ছে না। “ও”

শেষে হবে। এখানে কেন?

ফেবিয়ান। ভয় নেই—শেষেই “ওঃ” হবে!

সার টোবি। বেত মেরে ওকে “ও” বলিয়ে তবে আমি ছাড়বো।

মালভোলিও। “ল” আসছে শেষে।

ফেবিয়ান। লক্ষ্য তোমার পিছনে থাকলে দেখতে পেতে, সামনের এ সৌভাগ্যের চেয়ে শেষের দিকে তোমার জীবনে অশেষ দুর্গতি-ভোগ আছে।

মালভোলিও। ম-ও-ভ-ল! ছদ্মবেশ আগের মত খুলতে পারি না—তবে একটু মুচড়ে দেখলে

মনে হয়, যেন আমাকে লক্ষ্য করেই বলা হয়েছে।

কেন না এ সব অক্ষরগুলো আমার নামেতে

আছে। আচ্ছা, দেখি—এবার গল্প শুরু হলো—

(পাঠ) “যদি তোমার হাতে পড়ে,

বিবেচনা করে দেখো। গ্রহ-বশে আমি তোমার

উচ্ছে আছি। তবে মহত্ব দেখে ভয় পেয়ো

না। কেউ মহত্ব নিয়ে জন্মায়; কেউ-বা জন্মে

মহত্ব লাভ করে; আবার কারো উপরে

বা মহত্ব আরোপ করা হয়। তোমার

ভাগ্য তোমায় আশ্রয় দিচ্ছে—তোমার প্রাণ

আর মন দিয়ে সে আশ্রয় গ্রহণ করো। তুমি

যা হতে যাচ্ছ—সে পদের গৌরব বৃদ্ধার জন্তু

তোমার খোলস ভাগ্য করে তুমি নবীন হও।

আত্মীয়ের প্রতিকূলভাচরণ করবে, পরিচারকদের

কাছে রুট হবে। ভাবায় তোমার মহত্বের

ঝঙ্কার থাকবে, তোমার ব্যবহারে থাকবে

স্বাভাব্য। তোমার প্রেমে পাগলিনী আজ

তোমায় এই উপদেশ দিচ্ছে। মনে রেখো,

কে তোমার ঐ হরিদ্রাবর্ণের মোজার প্রশংসা

করেছে; কে তোমায় ফুলের মতন ভঙ্গীতে

গাটীর বাঁধতে বসেছে। আবার বলছি, মনে

রেখো। তুমি চাও তোমার ভাগ্য ফেরাতে!

—না চাও, তুমি থাকবে চিরদিন অল্প পরি-

চারকদের মত—সেই সরকার—ভাগ্য-দেবীর

অঙ্গুলি স্পর্শ করবার যোগ্যতা যার নাই!

বিদায় দাও তারে যে তোমার সঙ্গে সম্পর্ক বদল

করতে চায়—

অস্থখী ভাগ্যবতী”

দিনের আলোয় লেখা...এর চেয়ে স্পষ্ট আর কিছু হতে পারে না। এ একেবারে নিশ্চিত, আমি বড় হবো—আমি রাজনৈতিক প্রবন্ধ পড়বো—সার টোবিকে উচ্ছেদ করবো! ছোট লোকের সংগ্রহ আর রাখবো না। যেমন বলেছে, আমি ঠিক তেমনি হবো। প্রত্যেক ব্যাপারে স্থির দেখা যাচ্ছে কর্ত্রী আমার ভালোবাসে। সম্প্রতি তিনি আমার হৃদয়ে রঙের মোজার প্রশংসা করেছেন! আমার ফুলের মত ভক্তিতে গাটার আঁটা—তাও তাঁর পছন্দ! এই সব বলে আমার উপর ভালোবাসা প্রকাশ করেছেন। আর হুকুমও এক রকম করেছেন যে, আমি যেন এই ভাবের পোষাকই পরি। আমার ভাগ্যকে আমি ধন্যবাদ দিই—আজ আমি সুখী। ফুলের মতন করে গাটার আঁটে, হৃদয়ে রঙের মোজা পরে' আমি মহত্ব প্রকাশ করবো। ভগবান, তোমায় ধন্যবাদ! এই যে আবার একটা 'পুনশ্চ' রয়েছে—

( পাঠ ) "আমি কে, তা বুঝতেই পারচো। আমার প্রেমের প্রতিদান দিতে যদি চাও—তা হলে হাসিতে সেইছা প্রকাশ করো। হাসলে তোমায় বেশ মানায়। স্মরণ্য প্রিয় আমার, সব সময় আমার সামনে হাসি-মুখে থাকবে।" ভগবান, তোমায় ধন্যবাদ! হাসবো! আমি হাসবো। আমার যা' যা' হুকুম করেছে, সব তামিল করবো।

[ প্রস্থান

কবিরান'। এরকম রগড় দেখতে যদি পারন্তের বাদশাহের হাজার টাকা বৃত্তি ত্যাগ করতে হয়—তাতেও আমি রাজী।

।।র টোবি। এ মজা দেখানোর জন্তু ছুঁড়ীকে আমি বিয়ে করতে রাজী আছি—সত্যি!

।।র এণ্ডু। আমিও পারি।

।।র টোবি। কোন রকম যোঁতুক চাই না; শুধু এমন মজা আর-একটু!

।।র এণ্ডু। আমিও তাই।

কবিরান। এই আসছে আমার বাজ-ধরা পাখী!

( মেরিয়ার পুনঃপ্রবেশ )

।।র টোবি। আমার গলায় রাখো তোমার ঐ চরণ দুখানি!

।।র এণ্ডু। আমার গলাতেও!

২৪—২৪

সার টোবি। পাশা-খেলায় আমার স্বাধীনতা পণ রেখে আমি তোমার কৃতদাস হতে প্রস্তুত!

সার এণ্ডু। আমিও!

সার টোবি। এমন নেশায় তাকে মজিয়ে তুলেছো যে, নেশা কাটলেও বোধ হয় পাগল হয়ে যাবে।

মেরিয়া। সত্যি বলুন—খুব মজা হয়নি?

সার টোবি। ধাইয়ের কাছে ব্রাভী যেমন কাজের, এও ঠিক তেমনি।

মেরিয়া। এ মজার যদি শেষ দেখতে চাও, তাহলে দিদিমণির কাছে ও যখন আসবে, তখন ওর রকম-সকমের দিকে নজর রেখো। হৃদয়ে মোজা পায়ে আঁটে আসবে'খন—আর দিদিমণি ও রং ছচক্ষে দেখতে পারে না। তার উপর ফুলের ধরণে গাটার আঁটা—তাও তাঁর হৃ'চক্ষের বিষ। তাঁর সামনে এসে হাসতে শুরু করবে। দিদিঠাকুরণের মেজাজ এখন যা হয়ে আছে, হাসি একেবারে ভয়ঙ্কর বিক্রী বোমানান হবে; কাজেই দিদিমণি যাবে চোটে—সে মজা যদি দেখতে চাও তো এসো।

সার টোবি। তোমার মত রূপসী যদি সঙ্গে থাকে, নরকের ফটক পর্যন্ত আমি তাহলে যেতে পারি!

সার এণ্ডু। আমিও পারি! সত্যি বলছি।

[ প্রস্থান

## তৃতীয় অঙ্ক

### প্রথম দৃশ্য

( ভায়োলা ও বেহালা-হস্তে বিদূষক আসীন

ভায়োলা। থামান মশায়, আপনার বাজনা থামান। আপনি কি বেহালা বাজিয়ে দিন গুজরানু করেন?

বিদূষক। না—আমি গির্জায় দিন কাটাই।

ভায়োলা। আপনি গির্জায় কাজ করেন?

বিদূষক। তা ঠিক নয়—তবে গির্জার দোহাই

দিয়ে আমার চলে। আমি থাকি আমার বাড়ীতে, আর সে বাড়ী হলো ঐ গির্জার পাশে।

ভায়োলা। তাহলে এ কথা তুমি বলতে পারো যে, রাজ-প্রাসাদ ভিখারীর বাড়ীর পাশে; অতএব রাজা থাকেন ভিখারীর পাশে! তেমনি গির্জার

পাশে তোমার বেহালা তুমি রাখো বলে গির্জা  
আছে তোমার বেহালার পাশে।

বিদুষক। আপনি ঠিক বলেছেন ভদ্রে। ছনিয়া কি  
রকম চতুর হয়ে উঠেছে—একবার দেখুন।  
কতকগুলো কথা মিলে একটি পদ—আবার সেই  
পদ হচ্ছে রসিকতার সুন্দর শয্যা! কত  
শীঘ্র মন্দ দিকটা উঠে দেওয়া যায়, বলুন তো।  
ভায়োলা। তা বটে। প্রতি দিন যারা কথা নিয়ে  
খেলা করেন, ঐ কথা নিয়ে তাঁরা যা-তা করতে  
পারেন।

বিদুষক। তাই আমার মনে হয় যে, আমার ভয়ীর  
যদি কোন নাম না থাকতো!

ভায়োলা। তার কারণ?

বিদুষক। কারণ আর কি, ভদ্রে? নাম তো একটা  
বাক্যমাত্র। বাক্যের আজ-কাল যে রকম  
অধোগতি হয়েছে, তাকে আর বিশ্বাস নেই।

ভায়োলা। তার মানে?

বিদুষক। মানে দেখাতে গেলেও বাক্যের  
প্রয়োজন। বাক্য আজ-কাল ভারী বিশ্বাস-  
ঘাতক হয়েছে; কাজেই তা দিয়ে মানে  
দেখানো চলে না।

ভায়োলা। দেখছি, বেশ ফুর্টি-বাজ লোক তুমি,  
কোন-কিছুর তোয়াক্কা রাখো না!

বিদুষক। তা নয়। কিছু-না-কিছুর তোয়াক্কা  
নিশ্চয় রাখি। তবে আমার জ্ঞানে আমি  
আপনার কোনো তোয়াক্কা করি না। তাতে  
যদি কোন-কিছুর তোয়াক্কা না করা হয়,  
তাহলে আপনাকে অদৃষ্ট হতে হবে।

ভায়োলা। আপনি কি লেডী অলিভিয়ার বিদুষক?

বিদুষক। না ভদ্রে, না। লেডি অলিভিয়ার এতখানি  
বোকামি নেই। বিবাহ না হওয়া পর্যন্ত তিনি  
বিদুষক রাখবেন না। স্বামীগুলো বিদুষকের  
সামিল কিনা—তফাৎ যা, তা' ঐ বাটামাছে  
আর পুঁটী মাছে যেমন তফাৎ, তেমনি।  
স্বামীরা একটু বড়-দরের বিদুষক! আমি তাঁর  
বিদুষক নই, তবে তাঁর কথায় মার-প্যাঁচ  
দেখছি।

ভায়োলা। সম্প্রতি কাউন্ট অর্শিনোর বাড়ীতে  
তোমাকে দেখেছি—না?

বিদুষক। বিচিত্র নয়। বিদুষক শূর্যের মত পৃথিবীর  
চারিদিকে ঘোরে ভদ্রে,—সর্বত্র সে কিরণ দেয়।  
কি করবো বলুন, নির্দোষ বিদুষক—আমাকে  
আমার কর্তার কাছে থাকতে হয়, আবার

আপনার প্রভুর কাছেও যেতে হয়। আপনার  
বুদ্ধির পরিচয় সেখানে পেয়েছি।

ভায়োলা। বটে, এবার আমার নিয়ে ভাঁড়ামি শুরু  
হলো! নাও, সরে পড়ো। এই নাও তোমার  
বংশিস!

বিদুষক। এর পরের রপ্তানিতে ভগবান যেন  
আপনাকে এক জোড়া গৌফ-দাড়ি পাঠিয়ে  
দেন!

ভায়োলা। এক জোড়া গৌফ-দাড়ির আমার খুব  
দরকার হয়েছে। (জনান্তিকে) অবশ্য আমার  
মুখে দাড়ি গজিয়ে উঠুক, তা আমি চাইছি  
না। (প্রকাশ্যে) তোমার কর্তা আছেন?

বিদুষক। না, আপনার আর জোড়া নেই, দেখচি!

ভায়োলা। মাথা খাটাতে পারলে মেলে বৈ কি।

বিদুষক। আমি যদি তা হতে পারতাম! ক্রীজিয়ার  
লর্ড পাণ্ডরাস হয়ে ক্রেসিডাকে ট্রয়লসের কাছে  
এনে দিতে পারি! \*

ভায়োলা। বুঝেছি—তুমি তার উপযুক্ত।

বিদুষক। ব্যাপারটা এমন কিছু গুরুগম্ভীর নয়—  
ভিখারীর কাছে ভিক্ষা চাওয়ার মতো।  
ক্রেসিডা রিক্তা, ভিখারী। হ্যাঁ, কর্তা আছেন।  
কোথা থেকে আপনার আগমন, তা আমি  
ওদের বুঝিয়ে দেবো। আপনি কে, আর  
আপনার মতলব কি, সে আমার জ্ঞানের  
বাইরে। গম্ভী বলা উচিত ছিল, তবে কথাটা  
ব্যবহারে বড় পুরোনো হয়ে গেছে।

ভায়োলা। বিদুষক-উপযোগী শক্তি আছে বটে!

কার্যকরী শক্তি হয় করিতে নিয়োগ।

মানব-খেয়াল, তথা স্থান-পাত্র-কাল

এ-সবতে লক্ষ্য রাখা অতি প্রয়োজন

রসিকতা-কালে;—শ্রেন লক্ষ্য রাখে যথা

দৃষ্টি-পথারূঢ় প্রতিপক্ষ পরে। বহু

আয়াসেতে এতে হয় সিদ্ধিলাভ, যথা

জ্ঞানবান করে শিক্ষা বহুল অভ্যাসে।

বিদুষক-রসিকতা অতি তুণ্ডিকর;

বুদ্ধিহীন শিক্ষিতের কথা হান্তকর।

(সার টোবি ও সার এণ্ডর প্রবেশ)

সার টোবি। নমস্কার মশায়।

\* ক্রেসিডা অবিবাহিতা স্ত্রী—ট্রয়লস্ সত্য-প্রণয়ী।  
ক্রেসিডার পিতৃব্য লর্ড পাণ্ডরাস ট্রয়লস্ ও ক্রেসিডার মিলন  
সম্ভবপর করেছিলেন। এ সম্বন্ধে চণারের (Chaucer)  
একখানি কাব্য ও সেক্সপীয়রের একটি নাটক আছে।

ভায়োলা। নমস্কার।

সার এণ্ডরু। ভগবান আপনার মঙ্গল করুন  
ভায়োলা। আমিও আপনাকে সেই শুভ  
জানাচ্ছি—আমি আপনার দীন ভৃত্য।

সার এণ্ডরু। আমাকেও আপনার ভৃত্য বলে  
জানবেন।

সার টোবি। এ গৃহে আপনার পায়ের ধুলো  
পড়বে কি? আপনি আসেন, আমার ভাইবীর  
ইচ্ছা—অবশ্য তাঁর কাছে যদি আপনার  
প্রয়োজন থাকে!

ভায়োলা। তাঁর কাছেই আমি এসেছি। এবং  
তিনিই আমার আগমনের উদ্দেশ্য।

সার টোবি। আপনার পা-ছুটিকে একবার পরীক্ষা  
করুন—তাদের গতিশীল করুন।

ভায়োলা। পা ছুটোকে পরীক্ষা করবার কথা যা  
বললেন, তা আমি যত না বুঝি—আমার পা  
ছুটো তার চেয়ে ঢের বেশী বোঝে, মশায়।

সার টোবি। আমার বক্তব্য আপনি শুনুন, ভিতরে  
প্রবেশ করুন।

ভায়োলা। বেশ, চরণদুটিকে গতি দিন গৃহ-প্রবেশ  
করে। উত্তর দিলেম, কিন্তু যাওয়া হলো না।

(অলিভিয়া ও মেরিয়ার প্রবেশ)

অগ্নি গুণবতী দেবি, ভগবান তোমার জীবন  
স্বয়মায় করুন।

সার এণ্ডরু। ছোকরার কথা বলবার বেশ কায়া  
আছে। “স্বয়মায়”—হু!

সার এণ্ডরু। “অধীর”, “স্বয়মা”—কথাগুলো মুখস্থ  
করতে হবে।

অলিভিয়া। বাগানের ফটক বন্ধ করে—এর কথা  
আমায় শুনতে দাও। (সার টোবি, সার এণ্ডরু ও  
মেরিয়ার প্রস্থান) আপনার হাত দিন মশায়।

ভায়োলা। সে আমার কর্তব্য, দেবি, অতি তুচ্ছ  
কাজ।

অলিভিয়া। আপনার নাম?

ভায়োলা। সৌন্দর্যের রাণি, আপনার এ ভৃত্যের  
নাম সিজারিও।

অলিভিয়া। মম ভৃত্য! মহাশয়, আনন্দ-মুখর  
নহে এ পৃথিবী যথা বিনয়ের ভাণ!

যুবা, তুমি অশিনোর হও আজ্ঞাবহ।

ভায়োলা। তিনি আপনার; যাহা কিছু আছে তাঁর—  
আপনার তাহা। আপনার ভৃত্য তিনি;  
তাঁর ভৃত্যরূপে আমি আপনার দাস।

য়া। বলো তাঁরে—স্থান তাঁর

নাহি মোর কাছে—

মোর স্মৃতি মুছে যাক তাঁর হৃদি হতে।

ভায়োলা। তাঁর প্রতি তব মতি ফিরাবার লাগি  
আসিয়াছি আমি দেবি, তোমার নিকটে।

অলিভিয়া। ক্ষমা কর যুবা, অহরোধ তব প্রতি—  
তাঁর কথা মোর কাছে कहিয়া না আর।

তুমি যদি নিজ হতে চাহ মোরে আজি—

শুনিব তোমার কথা প্রাণ-মন দিয়া;

চাহিব না আকাশের উদাস্ত সঙ্গীত।

ভায়োলা। দেবি!

অলিভিয়া। অহরোধ মোর, কথা শোনো তুমি।

সেবারে আসিয়া যাহু করে গেলে কি যে—

পাঠাইহু অঙ্গুরীয় তব তরে আমি।

ভৎসনা করেছি আমি সেদিন সবারে—

তোমারে-আমারে, আর ভৃত্যেরে আমার।

সরম-সঙ্কেচ-ভরে চাতুরী করিয়া

পাঠাই অঙ্গুরী মম, জানিতে সে ভালো,

সে অঙ্গুরী রাখো নাই আমার নিকটে।

হীন তুমি ভাবো মোরে—ক্ষতি তাহে নাই!

জানিনা ভেবেছ কি-বা! অকরুণ হৃদি

তব রমণীর সম্মান-সরম সব

খেদায়ে দিয়াছে অতি অবজ্ঞার ভরে

শিকারী কুকুর সম, তব চিন্তা ক্রুর!

বলেছি অনেক কথা—তুমি বুদ্ধিমান।

বক্ষ নহে,—বজ্র শুধু হৃদয়েরে মোর

রেখেছে আবৃত। এবে কহ তব কথা।

ভায়োলা। হায় নারি!

অলিভিয়া। শুন, ইহা প্রেমের লক্ষণ।

ভায়োলা। এ নহে প্রেমের চিহ্ন! সাধারণ ভাবে  
শত্রুরেও করি হেন অমুকম্পা আমি।

অলিভিয়া। হয়েছে সময় এবে হাসিবার তরে।

গর্বের কি উদ্ধত হয় দীন-হীন যে-বা?

ভক্ষ্য যদি হতে হয় হিংস্র ঋণীদের—

ঋক্ষ হতে পশুরাজ—বহুগুণে ভালো।

[ বড়ি বাজিল

ঘটিকা कहিছে মোরে, যুবা কালক্ষেপ

করি আমি। ভীত ক্রান্ত হবে তুমি,

নাহি তার হেতু; তোমারে চাহি না আমি।

বুদ্ধি ও যৌবন যবে হবে পরিণত,

পাবে বটে পত্নী তব তোমারে মধুর।

সমুখেতে মুক্ত পথ—যেয়ো পশ্চিমেতে।



ভায়োলা। চলিল পশ্চিমে তবে। হৃদয়-মাধুরী  
শোভা তব পাক নিত্য! প্রভুরে আমার  
বলিবার কিছু নাই তবে?

অলিভিয়া। অমরোদ্য,—  
তিষ্ঠ ক্ষণকাল; কিরূপ ভেবেছে। মোরে—  
কহ তাহা, গুনি।

ভায়োলা। ভাবিতেছি, নহ যাহা—  
তাহাই স্বরূপ তব!

অলিভিয়া। তাই যদি  
ভাবি আমি—জেনো, তুমিও তা নহ কভু  
সে-ভাব দেখালে হেথা।

ভায়োলা। অতি সত্য কথা।  
নহি আমি—তুমি মোরে দেখিছ যেমন।

অলিভিয়া। হতে যদি—মোর মন চাহে যেই মতো!  
ভায়োলা। হতো কি এতই ভালো?

আমি যাহা আছি,  
তাহা হতে অত্র যদি হতে পারিতাম!  
বিমূঢ় যুবক আমি এবে তব পাশে।

অলিভিয়া। ওঠেতে অঙ্কিত রোষ, বিরাগের ভাব,  
বিতৃষ্ণায় ভরা তবু মাধুরী মধুর!  
হত্যা-অপরাধী রাখে লুক্কায়িত পাপে  
সম্ভোপনে যথা—প্রেম করে সেই মত  
গোপন প্রেমিক-জনে। প্রেমের নিশীথ  
হয় দিবা-দ্বিপ্রহরে। বসন্ত-গোলাপ,  
আমার কোমার্য, মান সন্তম-নিষ্ঠার—  
শপথ লইয়া আমি কহিতেছি তোমা,  
এত ভালো বাসি তোমা, বুদ্ধি-বিবেচনা  
তব দৃষ্ট ভাবে মোর সকলি বিফল!  
পারিনাকো প্রেম মোর করিতে গোপন—  
তব কাছ হতে। ভাবিয়ে না কভু ইহা,  
তোমারে করেছি বলে' প্রেম-দান মোর,  
তুমি নাহি দিতে পারো প্রতিদান মোরে  
তোমার প্রেমের। বাধাহীন চিন্তা লয়ে  
এ-কথা ভাবিয়ে—চাহিলে পাইবে প্রেম;  
অমার্জিতা দিতে পারি প্রেম স্তম্ভধর।

ভায়োলা। সারল্য, যৌবন মোর—সবার শপথ—  
তোমারে এসত্য কহি,—আছে মোর—জেনো,  
একটি হৃদয়, এক বক্ষ, এক সত্য;  
কোন নারী পায়নিকো তাহা, পাবে না তা  
কোন দিন। আমি বিনা অস্ত্রে কেহ কভু  
অধিকারী হবে না তাহার। বিদায়,  
জানাবো আসিয়া পুনঃ তোমারে হেথায়  
প্রভুর হৃদয়-ব্যথা অশ্রু-নিপীড়িত।

অলিভিয়া। তবু এসো। মনে হয়, মনের বিরাগ—  
অহুরাগে ভরে' দিতে তুমি যোগ্য জন।

## দ্বিতীয় দৃশ্য

অলিভিয়ার গৃহ

(সার টোবি, সার এণ্ড্রু ও ফেব্রিয়ানের প্রবেশ)

সার এণ্ড্রু। না, আর এক মুহূর্ত্ত আমি এখানে  
থাকবো না।

সার টোবি। কারণ কি যাহু? কারণ গুনি।  
ফেব্রিয়ান। কারণ আপনার দেখানো উচিত সার

সার এণ্ড্রু। তোমার ভাইবী সেই কাউন্টের  
লোকটাকে এত আদর-যত্ন করতে লাগলো—যে  
তেনন যত্ন আমায় কখনো করেননি। বাগানে  
এ-ব্যাপার আমি স্বচক্ষে দেখেছি।

সার টোবি। সে তোমায় দেখেছিল?  
সার এণ্ড্রু। পরিস্কার দেখতে পেয়েছিল—আমি  
যেমন তোমায় দেখছি।

ফেব্রিয়ান। এ থেকে তো তোমার উপর তাঁর  
ভালোবাসার প্রমাণ পাচ্ছি।

সার এণ্ড্রু। আরে ছো! আমায় গাধা বানানে  
না কি?

ফেব্রিয়ান। বিচারে আমি প্রমাণ করে' দেবো।  
সার টোবি। নোয়া নাবিক হবার আগে থেকেই  
ওরা বিচার-কার্য করছে।

ফেব্রিয়ান। তিনি যে সেই ছোকরাটিকে অমূল্য  
দেখিয়েছিলেন—তার উদ্দেশ্য, আপনাকে ক্ষেপিত  
দেওয়া! আপনার স্ত্রী মনুষ্যত্বকে জাগিয়ে  
তোলা! আর আপনার বৃকে সাহসের আশু  
ফুটিয়ে রাখা! আপনার উচিত ছিল তখন  
তাঁর সঙ্গে আলাপ করা—আর সন্তুষ্টতার টাঁক  
শালের আনুকোরা টাকার মত তাজা রসিকতা  
ছোকরাকে বোকা বানিয়ে দেওয়া! আপনার  
কাছ থেকে এইটে আশা করা গিয়েছিল—  
আপনি তা' উপেক্ষা করেছেন। হৃদিকে সোনারি  
রং-করা এমন সুরোগ—আপনি তা হেলা  
হারিয়েছেন! আপনার সন্তুষ্টতার ষে ধারণা  
ছিল, তাতে আপনি উত্তর হাওয়া বইয়ে  
দিয়েছেন। সাহস বা মতলব দেখিয়ে ভাবি  
করবার মত একটা কিছু কাজ যদি এখন ন

করতে পারেন তো ওলন্দাজদের দাড়িতে বরফের  
গুড়োর মত আপনি ঝুলতে থাকবেন!

সার এণ্ডরু। যদি কোন উপায় থাকে তো সাহস।  
মতলব অত-শত আমি বুঝি না। রাজনীতিক  
হবার চেয়ে রবার্ট ব্রাউনের দলে মিশে  
গোড়া বক-ধাশ্বিক হওয়া ভালো।

সার টোবি। তবে আর কি, সাহসের উপর তোমার  
সৌভাগ্যের সৌধ নির্মাণ করো! কাউন্টের  
ছোকরার কাছে দ্বন্দ্ব-যুদ্ধের আহ্বান-লিপি  
পাঠাও। তাকে সাত জাগ্রায় আশ্বাস করবে।  
আমার ভাইবী সেগুলো খুঁটে-খুঁটে দেখবে।  
পুরুষের প্রশংসায় নারীর চিত্ত-হরণ করতে হলে  
তার শৌর্য্য-বীর্য্যের কাহিনী বর্ণনা করা হচ্ছে  
সব চাইতে পাকা রকমের ঘটকালী!

ফেরিয়ান। সার এণ্ডরু, এ ছাড়া আর অস্ত্র রাস্তা  
নেই।

সার এণ্ডরু। তোমরা কেউ আমার সে আহ্বান তার  
কাছে পৌঁছে দেবে?

সার টোবি। যাও—বেশ বড় বড় অক্ষরে লিখে  
আনো। ভাষা হবে খুব সাদাসিধে আর ধারালো!  
তাতে রসিকতা থাক্ আর নাই থাক্, তাতে  
থাকা চাই নবীনতা। কালীর আঁচড় দিয়ে যত  
পারো খোঁচা দিয়ে, যদি তিন বার তুই-তোকারি  
করতে পারো, খুব ভালো। যদি \* ওয়্যার-এর  
শয্যার মত কাগজখানা লম্বা-চওড়া হয়, তাতে  
যত পারো মিথ্যা কথা ভরিয়ে দেবে।—যাও,  
তৈরী হও। পালকের, কলমে লিখলেও তাতে  
যেন বেশ-ধার থাকে! নাও, ওঠো।

সার এণ্ডরু। তোমাদের পাবো কোথায়?

সার টোবি। তোমার ঘরেই আবার তোমার সঙ্গে  
গিয়ে দেখা করছি।

[ সার এণ্ডরুর প্রস্থান ]

ফেরিয়ান। বেশ প্রাণের লোকটি পেয়েছেন তো!

সার টোবি। ছুটি হাজার টাকা খশিয়ে তবে প্রাণের  
জন করেছি।

ফেরিয়ান। একখান মজার চিঠি মোক্কা দেখা  
যাবে। চিঠি পাঠাবে তো?

\* বিখ্যাত গু-ক্যাটের পালক। দৈর্ঘ্য ৩ প্রায় ১১ ফুট  
এবং উচ্চতা ৭১০ ফুট। বারো জন লোক এই পালকে আরামে  
শয়ন করিতে পারিত। হার্টফোর্ডশায়ারে Ware নামক স্থানে  
Sarocen's Head নামক সরাইয়ে ইহা বহুকাল অবস্থিত  
ছিল। এখনও ইহা সংরক্ষিত আছে।

সার টোবি। নিশ্চয়। তবে ছোকরার কাছ থেকে  
একটা জবাব আদায় করতে হবে। আমার মনে  
হয়, বলদ আর দড়ি ওদের দুজনকে টেনে তুলতে  
পারবে না। এণ্ডরুকে কেটে ফেলে যদি দেখতে  
পাও যে, মোমাছির পা আটকে যায় এমন এত-  
টুকু রক্ত ওর দেহে আছে, তবে তার বাকী  
দেহতরুটুকু আমি গুলে খেয়ে ফেলতে পারি।

ফেরিয়ান। ওর প্রতিদ্বন্দ্বী ছোকরার চেহারায়  
নিষ্ঠুরতার কোন চিহ্ন পাওয়া যায় না।

সার টোবি। ঐ দেখ, রেণ-পাখীর \* নটা বাচ্চার  
ছোটটি এই পথে আসছে।

( মেরিয়ার প্রবেশ )

মেরিয়া। যদি মূর্ছা যেতে আর হেসে ফেটে যেতে  
চান তো আমার সঙ্গে আসুন। ছুঁচো মালভোলিও  
একেবারে বিধর্ম্মী হয়ে গেছে। সরল-বিশ্বাসী  
এমন কোন খ্রীষ্টান নেই, যে সহজে বিশ্বাস করবে,  
মালভোলিও এমন নীরেট বোকা! সে হলদে  
রঙের মোজা পায়ে দেছে।

সার টোবি। কুলের প্যাটার্নের গার্ডার এঁটেছে?

মেরিয়া। একেবারে ছুঁচোর মত—ঠিক যেন গীর্জার  
পাঠশালার গুরুমশায়টি! খনের মত আমি  
তার পিছু পিছু যুরছি। আমার সেই চিঠির  
কথা বর্ণে বর্ণে মিলে গেছে; হাসির  
চোটে মুখে এমন দাগ করেছে যে, ভারতবর্ষের  
নূতন মানচিত্রেও† অত দাগ নেই। এমনটি  
আর কখনও দেখেন নি! আমার তো তাকে  
দেখলে তার দিকে কোন জিনিষ ছুঁড়ে তাকে  
মারতে ইচ্ছা করছে। দ্বিদিমনি নির্ধাত মেরে  
বসবেন। মারেন যদি, ও হাসতে আরম্ভ করবে।  
ভাববে, মার খেয়ে মস্ত অম্লগ্রহ-লাভ করছে!

সার টোবি। চল, চল, নিয়ে চল,—কোথায় সে?

[ প্রস্থান ]

\* Wren ( রেণ ) পক্ষী সাধারণতঃ নয় দশটি ডিম্ব প্রসব  
করে। সর্বাশেষে যে শাবকটি ডিম্ব হইতে নির্গত হয়, সেটি  
সব চেয়ে ক্ষুদ্র ও দুর্বল হয়। মেরিয়ার ক্ষুদ্র আকৃতিকে লক্ষ্য  
করিয়া ইহা বলা হইয়াছে।

† সম্ভবতঃ Mollineux নামক জৈনক ইংরাজ যুবকের  
ও ষষ্ঠদশ শতাব্দীর শেষভাগে প্রকাশিত মানচিত্রের উল্লেখ  
করা হইয়াছে। Hakluyt's Voyages নামক গ্রন্থে  
কোন কোন স্থলে ইহা সন্নিবিষ্ট আছে। ইহাতে ভারতবর্ষ,  
লঙ্কাদ্বীপ ও সাধারণতঃ পূর্ব দেশগুলির সন্নিবেশ হুচাক্রুরূপে  
প্রদর্শিত হইয়াছে। অভিনব রেখাপাতের জন্য এই মানচিত্র  
বিখ্যাত।

## রাজপথ

(সেবাস্টিয়ান ও আন্টনিওর প্রবেশ)

সেবাস্টিয়ান। বাজা করি নাই, তুমি ভুলিবে হুর্ভোগ।  
দেখিতেছি, হুর্ভোগের করেছ স্বন্দর  
আনন্দের ঝারি দিয়া। রূঢ় বাক্য আর  
বলিতে না পারিব তোমায়।

আন্টনিও। তব পিছে  
নারিহু রহিতে; হৃদয় বাসনা মোর  
চুষক-মণির মতো। আনি দিল মোরে  
সমুখে তোমার। শুধু ভালোবাসা নয়—  
যদিও তাহার তরে যেতে পারি দূর-  
দুরান্তরে! মনেতে উদিল চিন্তা, একা  
তুমি কি করিবে হেথা! জানো না এ দেশ!  
অজ্ঞাত পথিকে হেথা পেলে বন্ধুহীন  
হয় না কো অধিবাসী অতিথি-বৎসল।  
অমঙ্গল-চিন্তা ভাবি, শুধু স্নেহ-বশে,  
আসিয়াছি তোমার সন্ধানে।

সেবাস্টিয়ান। আন্টনিও  
সহৃদয় বন্ধু মোর, ধন্যবাদ বিনা  
কিছু না প্রদেয় আছে; বহু ধন্যবাদ  
তোমারে জানাই আমি। স্বকার্যের দেখি  
পরিণতি হয় হীন! বৈভব আমার  
থাকে যদি, বিবেকের বশে যথোচিত  
ব্যবহার পাবে তুমি মোর কাছে, জেনো।  
এবে কি করিব? যাবো নগরেতে না কি—  
দেখিতে কি আছে দর্শনীয়?

আন্টনিও। কাল হবে  
সে সকল। তার পূর্বে বাসস্থান লাগি  
করহ সন্ধান, ভালো।

সেবাস্টিয়ান। নহি ক্লান্ত আমি—  
সন্ধ্যার বিলম্ব আছে। নয়নেরে তৃপ্ত  
করো দেখায়ে আমারে স্থিতি-স্তম্ভ আর  
প্রখ্যাত যত যা-কিছু—স্বাহার কারণে  
এ দেশের এত খ্যাতি সমগ্র ভুবনে।

আন্টনিও। ক্ষমা কর মোরে, রাজপথ ভ্রমণিতে  
বিপদ আশঙ্কা করি। পূর্বে আমি এক  
সমুদ্র-সংগ্রামে কাউন্টের বিরোধিতা  
করেছি সাধন; তাহার কারণে, ধৃত  
যদি হই হেথা আমি, পাবো না নিষ্কৃতি।

সেবাস্টিয়ান। বহু লোক-হত্যা বুঝি করেছে সাধন?

আন্টনিও। রক্তের সম্পর্ক নাহি শে বিচ্যুতি-মাঝে।  
কলহের বিশিষ্টতা এনেছিল তবু  
বাদ-প্রতিবাদ আর বুখা-রক্তপাত।  
সে অবধি মোরা সব দিয়াছি কিরারে  
যাহা কিছু লয়েছিহু বাণিজ্যের তরে।  
করিল এ কাজ অণ্ডে—আমি শুধু শির  
নত করিলাম মোর। ভুলিব যাতনা,  
যদি হেথা ধরা পড়ি।

সেবাস্টিয়ান। ভ্রমিবে না তবে?

আন্টনিও। সাজে না কো তাহা। তব কাছে  
রাখো বন্ধু,

অর্থের পেটিকা মোর। পাবে উপযুক্ত  
বাসস্থান দক্ষিণ-সহরে; আছে সেথা  
চট্টা এক এলিফ্যান্ট নামে। আমি যাই  
আহার্য-সন্ধান! এবে নগর-দর্শনে  
জ্ঞান-ক্ষুধা তব বন্ধু মিটাও তোমার।  
সেথা তুমি পাইবে আমারে।

সেবাস্টিয়ান। কেন আমি  
অর্থের পেটিকা তব রাখি নিজ কাছে?  
আন্টনিও। নয়নে পড়িলে পরে সখের সামগ্রী  
কিনিতে হইবে সাধ; তোমার ভাঙারে  
অর্থ যাহা আছে, সখ মিটার তরে  
প্রচুর তা নয়।

সেবাস্টিয়ান। হইব তোমার আমি পেটিকা-বাহক  
ঘটিকার তরে লই বিদায় এখন।

আন্টনিও। মনে রেখো, এলিফ্যান্ট চট্টা।

সেবাস্টিয়ান। মনে রবে।

[গ্রন্থান]

## চতুর্থ দৃশ্য

অলিভিয়ার উদ্ভাৱ

(অলিভিয়া ও মেরিয়ান প্রবেশ)

অলিভিয়া। আসিতে বলেছি তারে; বলেছে,  
আসিব।

কি দিয়া তুষিব তারে? মূল্য বিনা নাহি  
মিলে যৌবনের দান; ভিক্ষা আর ঋণ  
মিলাতে না পারে তাহা। কথা আমি কহি  
বড় উচ্চ রবে। কোথায় মালভোলিও?  
গভীর প্রকৃতি তার, অখচ বিনয়ী;  
তার মত আজীবনে প্রয়োজন মোর।

মরিয়া। সে আসছে দিদিমণি! কিন্তু সে ভারী  
বেয়াড়া রকমের পোষাক পরেছে। বোধ হয়,  
তাকে ভুতে পেয়েছে।

লিভিয়া। কেন, ব্যাপার কি? যা-তা বকছে  
না কি?

মরিয়া। না, দিদিমণি, খালি হাসছে! আপনি  
একটু সাবধানে থাকবেন। তার মাথায় নিশ্চয়  
কিছু গোল হয়েছে।

লিভিয়া। কহ তারে আসিবারে আমার নিকটে।  
বাতুলতা অধিকার করেছে আমার;  
সুখ-দুঃখ-মাথা বুঝি ব্যাধি হয় কিছু!

(মালভোলিওর প্রবেশ)

কি খবর মালভোলিও?

মালভোলিও। সুধাময়ী দেবী! হাঃ হাঃ হাঃ!

লিভিয়া। তুমি হাসচো? দুঃখে আমার মেজাজ  
বড় খারাপ। তোমায় ডেকে পাঠালেম—

মালভোলিও। দুঃখ! তুমি দুঃখ পেয়েছ! বিবা-  
দিনী, আমিও দুঃখিত হবো। এই ফুলের  
মত করে গাটার বাঁধার জ্ঞান রক্ত-চলাচলে একটু  
বাধা ঘটছে। ঘটুক! তাতে যদি একজনের  
নয়নের তৃপ্তি হয়, আমার কাছে তাহলে সেই  
গানের কথা সত্য হবে, “একে যদি তৃপ্ত হয়, সবে  
তৃপ্ত তবে।”

লিভিয়া। বলো কি! তোমার কি হয়েছে?

মালভোলিও। পায়ে আমার হলদে রং থাকলেও  
মনে এতটুকু কালি নেই! ঠিক-হাতেই  
সেটা পড়েছে। স্মৃতির ঝুঁকু তামিল করতে  
হবে। সেই মধুমাখা লেখা—সে লেখা আমি  
চিনি।

লিভিয়া। তুমি শোবে, মালভোলিও?

মালভোলিও। শোবো?

লিভিয়া। ভগবান তোমার শান্তি দিন। তুমি  
এত হাসচো কেন? আর এত ঘন-ঘন নিজের  
হস্ত চুষনই বা করছো কেন?

মরিয়া। এ কি এ মালভোলিও?

মালভোলিও। তোমার আদেশ! একটা পাখী  
ডাকলে আর-একটা পাখী তার জবাব দেয়।

মরিয়া। এমন অদ্ভুত সাহস নিয়ে দিদিমণির  
নামনে তুমি এলে কি বলে?

মালভোলিও। “মহত্ব দেখে ভয় পেরো না”—কি  
স্বন্দর লেখা।

লিভিয়া। কি বকছো, মালভোলিও?

মালভোলিও। “কেউ মহত্ব নিয়ে জন্মায়—”

লিভিয়া। এঁা!

মালভোলিও। “কেউ বা জন্মে মহত্ব লাভ করে!”

লিভিয়া। কি বলছো?

মালভোলিও। “আবার কারো উপরে বা মহত্ব  
আরোপ করে’ দেওয়া হয়”।

লিভিয়া। ভগবান তোমায় নিরাময় করুন!

মালভোলিও। “মনে রেখো, কে তোমার হলদে  
রঙের মোজার প্রশংসা করেছে।”

লিভিয়া। তোমার হলদে রঙের মোজা!

মালভোলিও। “কে তোমায় ফুলের মত করে’  
গাটার বাঁধতে বলেছে।”

লিভিয়া। গাটার বাঁধা!

মালভোলিও। “মনে রেখো, তুমি চাও তোমার  
ভাগ্য তোমার করায়ত্ত করুতে।”

লিভিয়া। আমার ভাগ্য!

মালভোলিও। “না চাও, তুমি থাকবে অল্প পরি-  
চারকদের মত—সেই সরকার!”

লিভিয়া। এ দেখছি ভোর-গরমের বাতুলতা!

(পরিচারকের প্রবেশ)

পরিচারক। মা, কাউন্ট অর্শিনোর সেই ছোঁকরা  
ভদ্রলোকটি ফিরে এসেছেন। অনেক কষ্টে  
তাঁকে ফিরিয়ে এনেছি। তিনি অপেক্ষা  
করেছেন।

লিভিয়া। আচ্ছা, আমি যাচ্ছি।

[পরিচারকের প্রস্থান]

মরিয়া এটাকে একটু স্থাখ তো। পিতৃব্য  
কোথায়? লোকজনদের বল,—এধারে এর  
উপর একটু বিশেষ নজর রাখতে। একে  
প্রকৃতিস্থ করবার জ্ঞান আমি আমার অর্ধেক  
যৌতুক ব্যয় করুতে দিখা করবো না।

[লিভিয়া ও মেরিয়ার প্রস্থান]

মালভোলিও। ওঃ! এতক্ষণে আমার বুকে  
পেরেছে। টোবি ছাড়া আবার অল্প কার উপর  
আমার অভ্যর্থনার ভার পড়বে? চিঠির সঙ্গে  
হুবহু মিলে যাচ্ছে। উদ্দেশ্য নিয়েই ওকে আমার  
কাছে পাঠাচ্ছে—আমি যেন তাকে দেখে কঠিন  
হই। চিঠিতেও আমাকে এই বলে উৎসাহ  
দিয়েছে—“তোমার খোলাশ ত্যাগ করে’ নবীন  
হও”। আর কি ভাবে তা করবো,—তাও

খুলে বলেছে—“আত্মীয়ের প্রতিকূলতাচরণ করবে, পরিচারকদের কাছে রুঢ় হবে; ভাষায় তোমার মহত্বের স্বাক্ষর থাকবে—ব্যবহারে থাকবে স্বাতন্ত্র্য।” করুতে হবে আমার গোঁমড়া-মুখ, দেখাতে হবে সম্মান-সুলভ ভাব, ভাঙ্গতে হবে আমার জিভের আড়ষ্টতা, আর বজায় রাখতে হবে একটু মহত্ব-ব্যঞ্জক হাব-ভাব—এই সব। আমি ঠিক ধরেছি। ভগবানের খেলা! এ জন্ত তাঁকে ধন্যবাদ জানাচ্ছি। যাবার সময় বলে গেলেন—“এটাকে একটু দেখা-গুনা করু।” “এটা!” মালভোলিও নয়! ‘এটা’ বললে,—সব মিলে যাচ্ছে। এক কোঁটা গরমিল নেই। কোন বাধা নেই, কোথাও অসঙ্গল বা গোলমালে কিছু নেই। কি বলতে চায়? আমি আর আমার আশার পরিণতি—এ দুয়ের মাঝে কোনো বাধা থাকতে পারে না। ভগবানের দান! আমি কে? তাঁকে ধন্যবাদ দিই।

(সার টোবি ও ফেব্রিয়ানের সহিত মেরিয়ার পুনঃপ্রবেশ)

সার টোবি। ভগবানের নাম নিয়ে বলো,—সে কোথায়? নরকের সমস্ত পিশাচ যদি এক রত্তি জায়গায় এসে জড়ো হয়ে ওর উপর ভর করে, তবু আমি তার সঙ্গে কথা কইবো।

ফেব্রিয়ান। এই যে,—এই যে,—তোমার কি হয়েছে হে?

মালভোলিও। ভাগো! তোমরা আলাপের যোগ্য নও। আমাকে একটু একা থাকতে দাও—নিরালায়। যাও, ভাগো।

মেরিয়া। ঐ জ্ঞাথো, ভূতে ওকে দিয়ে এই সব কথা বলাচ্ছে। আমি আপনাকে বললেম, সার টোবি, দিদিমণি বলেছেন যে আপনি ওর খবরদারি করবেন।

মালভোলিও। অ্যা! বলেছে না কি?

সার টোবি। সরে যাও, সরে যাও। চুপ করো সব। ওর সঙ্গে খুব শাস্ত ব্যবহার করতে হবে। ওকে একলা থাকতে দাও। কেমন আছ—মালভোলিও? তোমার হয়েছে কি? ভূতের তোয়াক্কা করে না! মনে রেখো, ভূত হচ্ছে মানুষের শত্রু।

মালভোলিও। তুমি কি বলছো, জানো?

মেরিয়া। ঐ দেখুন, আপনি ভূতকে গাল দিলেন

বলে মনে ওঁ ব্যথা পেয়েছে। ভগবানের কাছে প্রার্থনা করি, ওকে সত্যি সত্যি যেন ভূতে না পায়! দিদিমণি সহজে ওকে ছাড়তে পারবেন না।

মালভোলিও। কি খবর সহচরী?

মেরিয়া। ও-মা! কোথায় যাবো গো?

সার টোবি। নাও, থামো! ও-ভাবে হবে না।

দেখচো না, তোমার কথায় ও বিচলিত হচ্ছে!

ওকে একলা থাকতে দাও।

ফেব্রিয়ান। ভারী নরম ভারী মিহি গোছ!

খুব ছ'শিয়ার! কড়া হওয়া নয়! পাজী—

বেশী কড়াকড় চলবে না।

সার টোবি। ওহে লক্কা-পায়রা, বকম্-বকম করছো কেন?

মালভোলিও। মশায়!

সার টোবি। আয়—এদিকে আয়! শয়তানের

সঙ্গে ডাঙাগুলি খেলা ঠিক নয়। ফেলে ভূত

টাকে ঘাড় থেকে ঝেড়ে নামা!

মেরিয়া। ওকে দিয়ে ভগবানের নাম বলান।

মালভোলিও। ভগবানের নাম? কি বলি ছুঁড়ি?

মেরিয়া। না! ও দেখছি ধর্ম-কথা গুনবে না।

মালভোলিও। যাও—আমার সামনে থেকে তোমর

যাও বলছি। তোমরা ভারী জঘন্য লোক

তোমাদের সঙ্গে আমি এক ধাতে গড়া নই

ক্রমশঃ সবই জানতে পারবে।

[প্রস্থান]

সার টোবি। এত বড় স্পর্ধা!

ফেব্রিয়ান। এ ব্যাপার যদি কোন ষ্টেজের অভিনয়ে দেখাতাম, তাহলেও সম্ভব বলে আমি বিশ্বাস করতাম না!

সার টোবি। সমস্ত মন-প্রাণ দিয়ে আমাদের এ মিথ্যাটাকে ও আঁকড়ে ধরেছে!

মেরিয়া। চলুন, ওর সঙ্গে সঙ্গে যাই—নাহলে এ মিথ্যা প্রকাশ পেলে, সব ভেঙে যাবে।

ফেব্রিয়ান। ওকে আমরা সত্যিকারের পাগল বানিয়ে তবে ছাড়বো।

মেরিয়া। তাহলে বাড়ীটাও ঠাণ্ডা হবে।

সার টোবি। চল, ওকে একটা অন্ধকার ঘরে নিয়ে গিয়ে ওর হাত-পা বেঁধে সেখানে ওকে ফেলে রাখি। তাইকী বেশ বুঝতে পেরেছে যে, ওর মাথা খারাপ হয়ে গেছে। তাই করি, এঁরা—

তাতে আমাদের বেশ খানিকটা ফুর্টি হবে—  
ওরও প্রায়শ্চিত্ত হবে। তারপর যখন আর  
ভালো লাগবে না, তখন ওকে দেবো ছেড়ে,  
আর তুমি আদালতের রায় পাবে এই বলে  
যে পাগল ধরতে তুমি ওস্তাদ! ঐ জাখো...  
ফেবিয়ান। এ যেন দেখছি ছুটির দিনের মজা!

(সার এণ্ডরুর প্রবেশ)

সার এণ্ডরু। এই নাও আহ্বান-পত্র, পড়ে দেখ।  
এতে ঝাল আর মিষ্টি—ছুটো রসই আছে।

ফেবিয়ান। খুব রসালো না কি?

সার এণ্ডরু। নিশ্চয়। পড়ে জাখো!

সার টোবি। দাও (পাঠ) “যুবক, তুমি যেই হও,  
তুমি একজন পাঞ্জী নছার।”

ফেবিয়ান। বাঃ, বীরত্ব-ব্যঙ্গক!

সার টোবি। (পাঠ) “কেন তোমায় এ-কথা বললাম,  
ভেবে বিস্মিত হয়ো না বা মনে মনে স্তম্ভিত  
হয়ো না! আমি তোমায় কারণ বুঝিয়ে  
দেবো।”

ফেবিয়ান। বেশ চিঠি! বাঃ! আইনের ছোঁয়াচ  
লাগবে না!

সার টোবি। (পাঠ) “লেডি অলিভিয়ার কাছে  
তুমি আসছ, আর আমি দেখছি তিনি তোমাকে  
আদর-বহু করছেন। তবে সে জ্ঞাত তোমায়  
আহ্বান কচ্ছি না।”

ফেবিয়ান। বেশ! চমৎকার হয়েছে! খুব  
ছোট্ট। (জনান্তিকে) যদিও কোনো মানে  
নেই।

সার টোবি। (পাঠ) “তোমার বাড়ী যাবার পথে  
আমি থাক্‌বো, পথে আমায় হত্যা করো!”

ফেবিয়ান। কেমন আইনের প্যাঁচ বাঁচিয়ে চলেছে!  
বাঃ!

সার টোবি। (পাঠ) “বিদায় তবে। আমাদের  
উভয়ের মধ্যে একজনের আত্মাকে ভগবান করুণা  
করুন। আমাদেরও তিনি করুণা করতে পারেন,  
তবে আমার আশা আরো বেশী। নিজের দিকে  
লক্ষ্য রেখো। তোমার অভিক্রটি-মতে তোমার  
বন্ধু অথবা চিরশত্রু—এণ্ডরু এণ্ডটাক্।” এ জিদ  
যদি তাকে নড়াতে পারে তো তার পা পাব্‌বে  
না। আমি তাকে এ চিঠি দেবো।

মরিয়ান। তার উপযুক্ত সময় হয়েছে। এখন  
দিদিমণির সঙ্গে কথা কইছেন, একটু পরেই  
চলে যাবেন।

সার টোবি। যাও সার এণ্ডরু, বাগানের মধ্যে  
গিয়ে শেরিকের পেয়াদার মত তার দিকে  
একটু নজর রাখো। আর তাকে দেখলেই  
তলোয়ার খুলবে। আর তলোয়ার খোলার সঙ্গে  
সঙ্গে খুব ভয়ানক রকমের একটা শপথ করবে।  
এ রকম সময় আত্মভরিতার সঙ্গে শপথ করায়  
বুকে বেশ খানিকটা জোর পাওয়া যায়।

সার এণ্ডরু। আচ্ছা, সে কাজ আমি একলাই  
করবো।

[প্রস্থান]

সার টোবি। চিঠিখানা এখন দেওয়া হবে না।  
ছোকরার আচার-ব্যবহারে মনে হয়, বনেদী  
ঘরের ছেলে। ডিউক আর আমার ভাইবীর  
মধ্যে সালিশি করায় সেটা আরও সমীচীন বলে  
মনে হয়। এ রকম একখানা যাচ্ছে-তাই চিঠি  
পেলে ছোকরা ভয় তো পাবেই না—মনে করবে,  
চিঠির লেখক একটা নীরেট গর্দভ! তবে এ  
আহ্বান আমি তাকে মুখেই জানাবো। তাকে  
বুঝিয়ে দেবো যে, এণ্ডটাক একজন দুর্জয় বীর।  
এ-কথা শুনলে ছোকরার রাগ, বিরাগ, অস্থিরতা,  
অধৈর্য্য একেবারে টগবগ করে একসঙ্গে ফুটে  
উঠবে। তাতে দুজনের মনে এমন একটা  
আতঙ্ক জাগবে যে, ককেট্রিশ\* সাপের মত  
দৃষ্টিপাত মাত্র দুজনে দুজনকে মেরে ফেলবে।

ফেবিয়ান। আপনার ভাইবী আসছেন। একটু  
সরে দাঁড়াই আসুন! আগে ওঁদের ছাড়াছাড়ি  
হোক—তারপর আমরা ছোকরার পাছু নেবো।

[সার টোবি, ফেবিয়ান ও মেরিয়ার প্রস্থান]

(ভায়োলার সহিত অলিভিয়ার পুনঃপ্রবেশ)

অলিভিয়া। পাষণ্ড হৃদয়ে তব কয়েছি অনেক;  
করিয়াছি আপনারে অতীব স্নেহ।

নারীদের গর্ষ এবে দেখিছে আশ্রয়;

এতই প্রবল প্রেম, বাধা মানিছে না।

ভায়োলা। বার্থ প্রেম তব কাছে যত-বা গভীর,  
তত স্নেহভীর জেনো হৃদয়ের গ্লানি  
প্রভুর আমার।

\* Cockatrice [ককেট্রিশ] এক প্রকার পৌরাণিক  
সর্প। ইহাদের কেহ কেহ basiliskও বলেন। ইহাদের  
চোখের দৃষ্টিতেই জীবের প্রাণ-বিয়োগ হয়, এইরূপ জনশ্রুতি।

অলিভিয়া । লহ এই চিত্র মম—

মণি সম অঙ্গে তব করিয়ো ধারণ ।

দিয়ো না ফিরায়ে । বিরক্ত করিতে তোমা

নাহিক রসনা । সম্মান অটুট রাখি

সব দিতে পারি তোমা, যাহা তুমি চাহো ।

ভায়োলা । চাহি ভিক্ষা তব প্রেম প্রভুর লাগিয়া ।

অলিভিয়া । তোমাতে দিয়াছি প্রেম । কোন্ মুখে পুনঃ

সে প্রেম আবার দিব প্রভুরে তোমার ?

ভায়োলা । তব প্রেম করি প্রত্যাখ্যান ।

অলিভিয়া ! বারেকের

তরে পুনঃ কাল এসো । বড় ছুট তুমি ;

আত্মায় আমার পারো নিরয়ে লইতে ।

[ প্রস্থান

( সার টোবি ও ফেবিয়ানের পুনঃপ্রবেশ )

সার টোবি । এই যে মশায়, ভগবান আপনার মঙ্গল করুন ।

ভায়োলা । আমিও সেই ইচ্ছা জ্ঞাপন করি ।

সার টোবি । আত্মরক্ষার বন্দোবস্ত করো । তোমার কি অপরাধ, তা আমি জানি না ; তবে তোমার প্রতিদ্বন্দ্বী হিংসা-বিষে জর্জরিত হয়ে ভীষণ শীকারীর মত বাগানের কোণে তোমার জন্ত অপেক্ষা করছে । খোলো তোমার তলোয়ার—খোলো, আত্মরক্ষায় প্রয়াসী হও । কারণ তোমায় যে আক্রমণ করবে, তার গতি খুব ক্ষিপ্ত । সে যেমন নির্দ্বন্দ্ব, তেমনই ওস্তাদ !

ভায়োলা । ভুল করছেন, মশায় । কোন লোকের সঙ্গে আমার বিবাদ নাই । স্মৃতি আমার প্রথম, আমি কখনও কারো কোনো অমিষ্ট করি নি ।

সার টোবি । কিন্তু দেখবে অল্প রকম । জীবনে যদি মায়া থাকে, সাবধান হও । কারণ যৌবন, শক্তি, নৈপুণ্য আর ক্রোধ মানুষকে যা' কিছু দিতে পারে—তোমার প্রতিদ্বন্দ্বীর তা' সব আছে ।

ভায়োলা । তিনি কি করেন ?

সার টোবি । তিনি ? তিনি বীর—লড়ায়ে নন,—খেতাবী ; কিন্তু ঘরোয়া-বিবাদে একেবারে শরতান । তিনটি দেহ-পিঞ্জর থেকে আত্মপাখী-দের তিনি বিমুক্ত করেছেন । তাঁর রাগ এত বেশী যে, মৃত্যু-যাতনা আর চির-সমাধি ছাড়া সে-রাগের নিবৃত্তি হয় না । হয় মরো, না হয় মারো—এই তাঁর মূল-মন্ত্র !

ভায়োলা । দেখছি, আমার আবার বাড়ীর মধ্যে গিয়ে লোক-জন সঙ্গে করে' আনতে হবে । আ' যোদ্ধা নই । কতকগুলো লোক আছে, শুনেছি, যারা গায়ে পড়ে' ঝগড়া করে—নিজেদের দেহের শক্তি পরীক্ষা করবার জন্ত । ইনি বোধ হয় সেই ধরনের মানুষ ?

সার টোবি । তা' নয় মশায় । যথেষ্ট কারণ ছাড়া এ'র ক্রোধ হয় না । স্ততরাং অগ্রসর হও, আর তাঁর ইচ্ছা পূর্ণ করো,—বাড়ীর ভিতরে যাওয়া আর হবে না । আমার সঙ্গে নিরাপদে চলো—তাকে জবাব দাও । হও, অগ্রসর হও, তলোয়ার খোলো । কিছু তোমাকে করতেই হবে—না হয় শপথ করো, জীবনে কখনও আর অস্ত্র ধারণ করবে না ।

ভায়োলা । এ তো ভারী অভদ্র আর অস্বাভাবিক ব্যবহার দেখছি । আচ্ছা, আমার একটি প্রার্থনা আছে । দয়া করে জেনে আসুন, তাঁর কাছে আমি কি অপরাধ করেছি । হয়তো বা অনিচ্ছাকৃত কোনো অপরাধ করেছি !

সার টোবি । আচ্ছা, যাচ্ছি । শিনর্ ফেবিয়ান, যতক্ষণ না আমি ফিরে আসি, তুমি এ'র কাছে থাকো ।

[ প্রস্থান

ভায়োলা । আপনি এ ব্যাপারের কিছু জানেন ? ফেবিয়ান । এইটুকু জানি যে, তিনি একটা হেস্তনেস্ত করবার জন্ত আপনার উপরে একেবারে মারাত্মক রকম রেগে আছেন । এ ছাড়া আর কিছু আমি জানি না ।

ভায়োলা । তিনি কি ধরনের লোক ?

ফেবিয়ান । চেহারা দেখলেই বুঝবেন, ভয়ঙ্কর প্রকৃতির লোক । তবে তাঁর মত রণদক্ষ, রক্ত-প্রিয় প্রতিদ্বন্দ্বী সারা ইলিরিয়ায় দুটি আর আপনি খুঁজে পাবেন না ! চলুন না, এগিয়ে যাই—দেখি, যদি আপনার সঙ্গে সন্ধি করিয়ে দিতে পারি ।

ভায়োলা । তা' যদি পারেন, আমি আপনার কাছে বাধিত থাকবো—আমি যে-ধাতের লোক, তাতে আমার উচিত যোদ্ধার কাছে না গিয়ে পুরোহিতের কাছে যাওয়া । আমার সাহস নেই—লোকে একথা জানলেও আমি তাতে ক্ষতি বোধ করবো না ।

[ প্রস্থান

(সার এণ্ডরুর সহিত সার টোবির পুনঃপ্রবেশ)

সার টোবি। আরে এসো,—দেখচো না—ও একে-  
বারে শয়তানের ধাতী! ও-রকম বদমেজাজী  
লোক আমি কখনও দেখিনি। আমার সঙ্গে এক  
হাত তলোয়ার খেলা হলো, এমন একটা চাল  
দেখিয়ে দিলে, যে প্রায় অক্লান্ত পাবার সামিল!—  
জবাবে তোমায় এমন ধাক্কা দেবে যে, যে-জমীতে  
পা দিয়ে চলছ, সেইখানেই তুমি হুমুড়ি খেয়ে  
পড়বে। লোকে বলে, নাকি পারস্তের শা'কে ও  
তলোয়ার খেলা শেখাতো।

সার এণ্ডরু। থাক্, ওর সঙ্গে আর বিবাদ করে'  
কাজ নেই।

সার টোবি। ও কিছুতেই শান্ত হতে চায় না।  
ফেব্রিয়ান ওকে ধরে রাখতে পাচ্ছে না।

সার এণ্ড। আরে খেলে যা। আমি যদি জানতেম  
যে, তলোয়ার খেলায় এমন ওস্তাদ, তা হলে  
কি ওঁকে আহ্বান করে মরতে যাই? যাক  
—গুগোল থামিয়ে দাও। আমি আমার  
ধূসর রংএর সেই ক্যাপিগেট ঘোড়া—সেই  
ঘোড়াটা ওকে দান করছি।

সার টোবি। দেখি, যাই। তুমি এখানে অপেক্ষা  
করো। বাইরেও অন্ততঃ একটু আশ্রয় দেখাও।  
যাতে রক্তপাত না হয়, তাই করতে হবে।  
(জনাঙ্কিকে) তোমার মুখে যেমন লাগাম  
লাগিয়েছি—তোমার ঘোড়ার মুখেও তেমনি  
লাগাম লাগাবো।

(ফেব্রিয়ান ও ভায়োলার পুনঃপ্রবেশ)

(ফেব্রিয়ানের প্রতি) এ বিবাদ মেটাবার জ্ঞাত  
ও ঘোড়া দিতে প্রস্তুত। ওকে বুঝিয়ে দিয়েছি,  
ছোড়া পাকা শয়তান!

ফেব্রিয়ান। এ ধারে এত ভয় পেয়েছে যে, হাঁফাতে  
সুরু করেছে—আর মুখ গেছে শুকিয়ে। ওকে  
যেন পিছন থেকে ভাস্কিকে তাড়া করেছে!  
তেমনি ভাব।

সার টোবি। (ভায়োলার প্রতি) কোন উপায়  
নেই, মশায়। যখন বলেছে, তখন তোমার  
সঙ্গে লড়বেই। বিবাদের পূর্বে ভাবা উচিত  
ছিল। এখন নিরুপায়, অন্ততঃ কথা রাখার  
জ্ঞাত লড়তে হবে। তবে ও বলেছে, তোমায়  
আঘাত করবে না।

ভায়োলা। ভগবান রক্ষা করুন! আর একটু

হলেই ওদের আমি বলে' ফেলবো, কেন আমার  
ভাব পুরুষের মত নয়!

ফেব্রিয়ান। যদি ওকে ভয়ঙ্কর মনে করো তো হার  
মানো।

সার টোবি। এসো সার এণ্ড—না, উপায় নেই।  
ভদ্রলোককে নিজের রীতের খাতিরে তোমার  
সঙ্গে এক হাত খেলতেই হবে। দ্বন্দ্বযুদ্ধের নিয়ম  
—করতেই হবে। তবে উনি স্বীকার করে-  
ছেন, ভদ্রলোক আর বীর-হিসাবে উনি তোমায়  
আঘাত করবেন না। এস, এগিয়ে এস।

সার এণ্ড। ভগবান করুন, এ কথা যেন সে রাখে!  
(তরবারি উন্মোচন)

ভায়োলা। আমি বলছি—যা বলছি, সম্পূর্ণ আমার  
মতের বিরুদ্ধে।

(তরবারি উন্মোচন)

(আন্টনিওর প্রবেশ)

আন্টনিও। তরবারি তব এবে কর সম্বরণ,  
ভদ্র যুবা অপরাধী যদি তব পাশে।  
ক্ষম মোরে! তবু যদি করহ আঘাত,  
দিব তার শাস্তি সমুচিত।

সার টোবি। তুমি কে গো  
মহাশয়?

আন্টনিও। আমি সেই জন,—যেহ লাগি  
পারে যে সাধিতে, মুখে যে-কথা সে বলে।

সার টোবি। হও যদি শব-দাহ-কারী, তব তরে  
আছি আমি।

(অসি নিষ্কাশন)

ফেব্রিয়ান। শান্ত হও সার টোবি এবে,  
আসিছে প্রহরী।

সার টোবি। (আন্টনিওর প্রতি)

মিলিব তোমার সাথে।

রহ ক্ষণকাল।

ভায়োলা। (সার এণ্ডরুর প্রতি) কর অসি সম্বরণ।

সার এণ্ড। নিশ্চয় মশায়। এর জ্ঞাত আমার  
কথা যা', কাজও তাই। ও তোমাকে নিয়ে  
যাবে—ও বেশ শিক্ষিত।

১ম প্রহরী। এই সেই লোক। ওকে ধরো।

২য় প্রহরী। অর্শিনোর নামে আন্টনিও, করি  
আমি তোমারে গ্রেফতার।

আন্টনিও। ভ্রান্তি-বশে ধরিছ আমারে।

প্রথম প্রহরী।

নহে ভ্রান্তি।



চিনি আমি তোমা ; যদিও না শোভে শিরে  
নাবিকের টুপি । লয়ে যাও ত্বরা করি ;  
জ্ঞাত আছি,—ভালোরূপে জানি আমি গুরে ।  
আন্টনিও । চল তবে ।

( ভায়োলার প্রতি ) তব অশ্বেষণে আসি এই  
হলো মোর ! আশ্রয়লা করিব নিশ্চয় ।  
প্রয়োজন-বশে আমি চাহিতেছি এবে  
অর্থের পেটিকা মোর । দাও তাহা মোরে ।  
হইয়াছি ধৃত—তাহে কোন দুঃখ নাই ;  
দুঃখ শুধু, অসমর্থ তব উপকার  
করিতে সাধন । কেন বিশ্বয়ের দৃষ্টি ?  
শাস্ত হও বন্ধু !

২য় প্রহরী । আস্তান চলিয়া তবে ।  
আন্টনিও । সেই অর্থ হতে কিছু অর্থ দাও মোরে ।  
ভায়োলা । প্রলাপ কি বকিতেছ অর্থ-অর্থ করি ?  
অনুগ্রহ দেখাইয়া মোরে এই স্থানে  
পড়েছ বিপদে পুনঃ ; সে কারণে দিব  
তোমাতে কিঞ্চিৎ অর্থ সঞ্চয় হইতে ।  
অধিক নাহিক মোর ; যাহা আছে, তার  
কিঞ্চিৎ তোমাতে দিব । লহ এই অর্দ্ধ  
অর্থ মোর ।

আন্টনিও । দিতে নাহি পারিবে আমারে ?  
প্রয়োজন নাহি দেখি—করিবারে তোমা  
দীন অনুরোধ—তব তরে যাহা করিয়াছি !  
করিয়ো না হীন মোরে ; তা হলে আমারে  
হীন মানবের মত হবে প্রকাশিতে  
যত-কিছু উপকার করেছি তোমার ।

ভায়োলা । নাহি হেন উপকার আমার স্মরণে !  
আকারে স্মরণে তব—হয় নাই মোর  
পরিচয় কভু । মনে জানি, মানবের  
মাঝে অকৃতজ্ঞ-জন যত হীন হয়,  
নহে তত হীন, মিথ্যা আর প্রগল্ভতা,  
অথবা মত্ততা, অথবা পাপের চিহ্ন  
ক্ষণ রুদ্ধিরেই যাহা করয়ে দূষিত ।

আন্টনিও । হায় ভগবান !

২য় প্রহরী । চলুন এবার তবে ।  
আন্টনিও । রহ ক্ষণকাল, আর ছটো কথা বলি ।

মৃত্যুর কবল হতে এই যুবকেরে  
রক্ষা করিয়াছি—স্নেহে বাঁচায়েছি এরে ।  
আকৃতি দেখিয়া এর ভেবেছিলাম আমি  
অতি স্নমহৎ,—করেছি ইহারে পূজা ।

১ম প্রহরী । আমাদের কিবা তায় ? বুঝা বিলম্বের  
প্রয়োজন নাহি ! চল, ত্বরা করি এবে ।

আন্টনিও । জঘন্ত পুতুলি হলো দ্বৈততা আমার !

সেবাষ্টিয়ান, লজ্জায় ঢাকিবে মুখ  
জেনো সুন্দর আকার তব তরে । দেহে  
কভু দোষ নাহি পশে, মন হয় কত  
দোষের আকর ! অকরুণ, অসুন্দর  
বলিব এবার । সদগুণ সৌন্দর্য্য শুধু ।  
সৌন্দর্য্য-বিলোপে হয় সে শূন্য আধার,  
অঙ্কিত করেছে যাতে বহু চিত্রাবলী ।

১ম প্রহরী । বাতুল হইল নাকি ? লয়ে যাও এরে ।  
এস, এস ।

আন্টনিও । লয়ে চলো ত্বরা করি মোরে ।  
ভায়োলা । বলিল সকলি যেন হৃদয়-আবেগে !

মনে হয়, সত্য কথা ! বিশ্বাসের যোগ্য !  
কল্পনা, ইহারে আজি করহ প্রমাণ  
সত্য বলি । ভ্রাতা বলি মনে লাগে যেন !

সার টোবি । চল, বীর, চল ফেবিয়ান বিজ্ঞের মতন  
চল—হু একটা প্রবাদ আওড়াইগে ।

ভায়োলা । ডাকিল সেবাষ্টিয়ান মোর নাম লয়ে !  
দর্পণেতে হেরি প্রতিদিন, ভ্রাতা মোর আছয়ে  
জীবিত । মোর মত ছিল মোর ভ্রাতার আকৃতি ।  
ভ্রাতা সম পরিচ্ছদে রেখেছি ভূষিত মোরে ।  
যদি সত্য হয় ? ঝটিকারে দেবো কত আশীর্বাদ !  
খ্রীতিময় হবে তবে লবণ-সলিল !

[ প্রস্থান

সার টোবি । ছোকরা ভাড়া জোচ্চোর ! স্বভাবে  
খরগোসের চেয়ে ভীকু ! জোচ্চোর যে, তা তো  
বুঝতেই পারলে—বন্ধুকে বিপদে সাহায্য করলো  
না ! আর ভীকুতার কথা ফেবিয়ানকে' জিজ্ঞাসা  
করো ।

ফেবিয়ান । ভীকু বলে ভীকু ! তার উপরে আবার  
ধর্ম্ম-ভাব দেখানো আছে :

সার এণ্ড্রু । তবে রে, দাঁড়াও, ওকে আমি আজ  
মারবোই ।

সার টোবি । যাও, খুব কষে ঘুসি মারো—তলোয়ার  
খুলো না ।

সার এণ্ড্রু । যদি নাই খুলি ?

[ প্রস্থান

ফেবিয়ান । চলুন, ব্যাপারখানা দেখা যাক ।

সার টোবি । আমি টাকা বাজী রাখতে পারি—  
কিছুই হবে না । দেখে নিয়ে ।

[ প্রস্থান ]

## চতুর্থ অঙ্ক

### প্রথম দৃশ্য

অলিভিয়ার গৃহের সম্মুখ

(সেবাস্টিয়ান ও বিদূষক)

বিদূষক। আপনি বলতে চান, আপনাকে ডাক-  
বার জন্ত আমার পাঠান নি?

সেবাস্টিয়ান। আরে যাও, একটা বোকা বিদূষক  
কোথাকারের! সরে যাও সামনে থেকে।

বিদূষক। খুব চালাচ্ছেন মোদ্ধা। আমি যেন  
আপনাকে চিনি না—আমাদের কর্ত্তী ঠাকরুণ  
যেন আপনার সঙ্গে আলাপ করবার জন্ত  
আপনাকে ডেকে পাঠাননি! আপনার নাম  
সিজারিও নয়! আর এটা আমার নাক নয়! সব  
বাজে ভুলো—বটে!

সেবাস্টিয়ান। দয়া করে অত্যাচার গিয়ে ভাঁড়ামি  
করো বাপু! আমার তুমি চেনো না।

বিদূষক। “ভাঁড়ামি করো”—কোন বড়লোকের  
কাছে কথাটা শুনেছিলে? আজ বিদূষকের উপর  
চালিয়ে দিলে। ভাঁড়ামি করো! ছনিয়াটা  
দেখছি ত্বাকামিতে ভরে যাবে। দয়া করে  
এখন অপরিচিতের ভঙ্গী ত্যাগ করে বলুন—  
কর্ত্তীর কাছে গিয়ে আমি কি জবাব দেবো?  
আপনি আসছেন, এ কথা তাঁকে বলতে  
পারি গিয়ে?

সেবাস্টিয়ান। ভারী তো নির্কোষ—অবুঝ! সরে  
পড়ো। কিছু আশা করে থাকো তো, এই নাও  
—আর বেশীক্ষণ যদি অপেক্ষা করো, তা হলে  
উত্তম-মধ্যম দেবো।

বিদূষক। আপনার হাত খুব দরাজ দেখছি।  
বুদ্ধিমান লোক—বিদূষককে টাকা দিয়ে চৌদ্দ  
বৎসরের মেয়াদে স্তন্যম কেনে।

(সার এণ্ড্রু, সার টোবি ও ফেব্রিয়ানের প্রবেশ)

সার এণ্ড্রু। এই যে পেয়েছি—এবার কোথায়  
যাবে? (আঘাত)

সেবাস্টিয়ান। বটে, এস! আসবে আর? (সার  
এণ্ড্রুকে প্রহার) লোকগুলো ক্ষেপেছে না কি?

সার টোবি। থামুন মশায়—না হলে আপনার ছুরি-  
খানি কেড়ে নিয়ে বাড়ীর ওধারে ফেলে দেবো।

বিদূষক। বাই, গিয়ে সিধে কর্ত্তীকে সংবাদ দিই।

আমি বাবা, পয়সা পেলেও এ-সব ব্যাপারে  
যাচ্ছি না।

[প্রস্থান

সার টোবি। নিম্ন মশায়, ধরুন।

সার এণ্ড্রু। না, ওকে ছেড়ে দাও—ওকে অস্ত্র রকমে  
আমি জব্দ করে দিচ্ছি। ইলিরিয়ায় যদি আইন  
থাকে তো ওর নামে আদালতে মারপিটের  
নালিশ করবো। ওকে আমি প্রথমে প্রহার  
করেছি বটে, কিন্তু তাতে কিছু যায় আসে না।

সেবাস্টিয়ান। যাও, ছেড়ে দিলেম।

সার টোবি। আমি কিন্তু তোমায় ছাড়ছি না! এস  
নবীন বোদ্ধা—তলোয়ার ধরো। এখন রক্তের  
স্বাদ পেয়েছ তো—এসো।

সেবাস্টিয়ান। এই আমি মুক্ত। (নিজেকে মুক্ত  
করিল) কি তুমি করিবে এবি?

সমরে বাসনা বন্দি, খোল তরবারি।

(তরবারি উন্মোচন)

সার টোবি। আরে, আরে—দাঁড়াও তোমার শরীর  
থেকে হুঁ এক কাঁচা তাজা তরল রক্ত দিচ্ছি  
ঝরিয়ে! (তরবারি উন্মোচন)

(অলিভিয়ার প্রবেশ)

অলিভিয়া। অনুজ্ঞা করিছ তোমা—স্থির হও  
টোবি।

সার টোবি। মা লক্ষ্মী!

অলিভিয়া। এখনো কি প্রচলিত হবে ঘৃণ্য প্রথা?

অকৃতজ্ঞ জীব, সভ্যতা অভাব যথা,

তথায় সমুদ্রে ইহা, পর্ত্তে অথবা

বল মানবের কাছে: প্রিয় সিজারিও,

ক্রোধ কর সমরণ। যাও সব এবি।

[সার টোবি, সার এণ্ড্রু ও ফেব্রিয়ানের প্রস্থান

বন্ধু মোর! বুদ্ধি তব, নহে তব ক্রোধ,

সান্ত্বনা তোমাতে দিবে। নহে শোভনীয়

এই আক্রমণ কভু। এস মর্ম গৃহে;

কহিব তোমাতে তথা কত-শত আছ

এই জ্বষ্টের খেয়াল। হাসিতে ভাসিবে

তবে। দিয়ে না কো কোন বাধা। চল ত্বর।

ক্ষম তার অপরাধ; আনিয়া আমারে

তব কাছে সেই দিল মিলাইয়া আজি।

সেবাস্টিয়ান। এ কি স্মৃতি! কোথা হ’তে

এই স্রোত বহে?

বাতুল হয়েছি না কি! অথবা স্বপন!

রাখ মোরে তব স্বপ্নে আচ্ছন্ন করিয়া !

এ যদি স্বপন—যেন স্বপনেই রহি !

অলিভিয়া ! চল, পালিতে হইবে আদেশ আমার ।

সেবাষ্টিয়ান । তাই হবে ।

অলিভিয়া । তাই বলা, তাই হোক এবে ।

[ প্রস্থান ]

## দ্বিতীয় দৃশ্য

অলিভিয়ার গৃহ

( মেরিয়া ও বিদুষকের প্রবেশ )

মেরিয়া । নাও, এই আলখাল্লাটা গায়ে জড়িয়ে নাও—  
—আর এই দাড়িটা মুখে আঁটো । তুমি তাকে  
বুঝিয়ে দেবে, তুমি যেন সার টোপাস—  
পুরোহিত । নাও, চট করে' পরে ক্যালো—  
এর মধ্যে সার টোবিকে আমি গিয়ে ডেকে  
আনছি । [ প্রস্থান ]

বিদুষক । আচ্ছা, পরা যাক । এর দ্বারা নিজেকে  
বক্ষিত করবো । আমিই বোধ হয় সব-আগে এ  
আলখাল্লা পরে' ঠকিয়ে বেড়ালেম । আমি লম্বা  
নই যে ও-কাজ আমার সাজবে ! রোগা নই যে  
আমায় দেখে লোকে সত্যি পুরোহিত বলবে ।  
তবে ভালো লোক আর অতিথি-বৎসল বলা যা',  
চিন্তাশীল মহাপণ্ডিত বলাও তাই ! ঐ যে খেলো-  
য়াড়রা আসছেন ।

( সার টোবি ও মেরিয়ার প্রবেশ )

সার টোবি । ভগবান তোমার মঙ্গল করুন,  
পুরোহিত ঠাকুর ।

বিদুষক । কল্যাণমস্ত । প্রেগের খুড়ো সন্ন্যাসী—  
তার সঙ্গে কালী-কলমের সম্পর্ক ছিল না—এক-  
বার রাজা গর্ডোবকের ভাগনীকে রহস্ত করে  
বলেছিলেন, “যা আছে, তা আছেই”—তেমনি  
আমিও বলছি যে, আমি পুরোহিত হয়ে পুরো-  
হিতই হয়েছি । কারণ তথা...তা এই—আর ও  
যা, তা ওই বটে ।

সার টোবি । ওকে বলুন সার টোপাস ।

বিদুষক । আমি বলছি, শোনো—এই কয়েক-ঘরে  
শান্তি আলুক ।

সার টোবি । পাজীটা খাশা ভাণ করছে তো !

মালভোলিও । ( ভিতর হইতে ) কে কথা কয় ?

বিদুষক । ধর্ম্মযাজক সার টোপাস । তিনি এসেছেন  
পাগল মালভোলিওকে দেখতে ।

মালভোলিও । সার টোপাস ! সার টোপাস ! ও !  
আমাদের কর্তীকে একবার খবর দিন ।

বিদুষক । বেরোও এখন থেকে পাজী-পিশাচ—  
কেন লোকটিকে তুমি এমন ভাবে জ্বালাতন  
করচো ? জ্বীলোক ছাড়া কি তোমার আর অণু  
কথা নেই ?

সার টোবি । বেশ বলেছেন পুরুত-ঠাকুর ।

মালভোলিও । সার টোপাস, কোন মানুষের উপর  
কখনও এত অত্যাচার হয় নি ! সার টোপাস,  
আমাকে পাগল ভাববেন না—ওরা আমাকে  
এই অন্ধকারে ফেলে গিয়েছে ।

বিদুষক । বেরো পাজী শয়তান ! আমি খুব  
মোলায়েম ভাষায় তোকে ডাকছি । কারণ  
আমার স্বভাব এত নরম যে, পিশাচকেও আমি  
মোলায়েম কথা বলি । কি বললে তুমি—ঘরটা  
অন্ধকার ?

মালভোলিও । নরকের মত অন্ধকার, সার টোপাস ।

বিদুষক । সে কি ! কোণে কোণে জানালা রয়েছে !  
উত্তর-দক্ষিণে আঁকা ছবি আবলুশ-কার্টের মত  
ঝকঝক করছে ! তবু বলচো—অন্ধকার ?

মালভোলিও । সার টোপাস—আমি পাগল হইনি,  
সত্যি, এ-ঘরে ঘুটঘুটে অন্ধকার ।

বিদুষক । পাগল ! ভুল বকচো । আমি বলছি যে,  
মুখতা ছাড়া অণু অন্ধকার নাই । মিশরবাদীদের  
যেমন কুয়াশায় মাথা ঘুরে যায়—মুখতাতে  
তোমার মাথা তেমনি ঘুলিয়ে গেছে ।

মালভোলিও । আমি বলছি, মুখতা যদি নরকের-  
মত অন্ধকার হয়—তা হলে এ ঘর সেই  
মুখতার মত অন্ধকার । আমি বলছি যে, মানুষের  
উপর এত অত্যাচার কখনো হয়নি । আমি পাগল  
নই । আমাকে যে-কোন প্রশ্ন জিজ্ঞাসা করুন ।  
বিদুষক । বুনো হাঁসের সম্বন্ধে পিথাগোরাসের  
অভিমত কি ?

মালভোলিও । আমাদের দিদিমায়ের দল মারা গেলে  
তাদের আত্মায় ভর করে ।

বিদুষক । এ সম্বন্ধে তোমার অভিমত ?

মালভোলিও । আত্মার সম্বন্ধে আমার ধারণা খুব  
ভালো—আমি ও-মতের সমর্থন করি না ।

বিদুষক । আচ্ছা, তাহলে বিদায় । এখন অন্ধকারেই ও  
থাকুক । পিথাগোরাসের সঙ্গে এক-মত হলে  
বুঝবো, তুমি পাগল নও ! দিদিমার আত্মা

স্থানান্তরে যাবে বলে' বুনে হাঁস মারতে ভয়  
পাও! আসি ভবে।

মালভোলিও। সার টোপাস! সার টোপাস!  
সার টোবি। ও আমার মনোমোহন সার টোপাস!  
বিদূষক। আরে, আমি গোল-আলু—সব তরকারি-  
তেই মানিয়ে যাই!

মেরিয়া। দাড়ী আর আলখাল্লা না হলেও তোমার  
চলতো—তোমাকে দেখতে পায় নি।

সার টোবি। এবার নিজের গলা নিয়ে ওর সঙ্গে  
কথা কয়ে এস। ওর কেমন লাগছে, একবার  
জানতে চাই। এ সব হাঙ্গাম চুকলে বাঁচি।  
ওকে এখন ভালো রকমে বার করে' আনতে  
পারলে তবেই নিষ্কৃতি। আমার ভাই-বী ওর  
উপর এমন চটে আছে যে, এ-কথা বলবার আর  
সাহস নেই। এর পরে আমার ঘরে এস!

[ সার টোবি ও মেরিয়ার প্রস্থান ]

বিদূষক। (গান গাহিল)

“ওরে রবিন্ ফুর্টি মারিস!

প্রিয়ার খবর আনু দেখি।”

মালভোলিও। বিদূষক!

বিদূষক। “চুলোয়সে যাক খবর তারি  
নয়কো করুণ আর আঁখি।”

মালভোলিও। বিদূষক!

বিদূষক। “কেমন করে' এমন হলো?—  
সেই কথাটি খুলে বলো।”

মালভোলিও। ওহে বিদূষক!

বিদূষক। “পরের সাথে প্রিয়ার তোমার  
মনে-মনে মাথামাখি!”

কে ডাকে?

মালভোলিও। আমার কাছে যদি ভালো বখশিসের  
প্রত্যাশা রাখো, আমায় একটা আলো, একটা  
কলম, একটু কালী আর কিছু কাগজ এনে  
দাও। আমি ভদ্রলোক—সারা জীবন এর জ্ঞা  
তোমার কাছে কৃতজ্ঞ থাকবো।

বিদূষক। কে? মালভোলিও?

মালভোলিও। হাঁ বিদূষক, আমি।

বিদূষক। হায়, হায়! তোমার পক্ষেদ্রিয় হারালে'  
কি করে?

মালভোলিও। বিদূষক, মাহুষের উপর কখনও  
এমন অত্যাচার হয় না। তোমার মত আমারও  
মাথা ঠিক আছে।

বিদূষক। আমার মত? একটা সামান্য বিদূষকের

বুদ্ধির মত যদি তোমার বুদ্ধি হয়—তা হলে  
লোকে তোমাকে পাগল বলবেই তো!

মালভোলিও। লোকে যেমন ভাঁড়ারে জিনিষপত্র  
রাখে, ওরা তেমনি আমাকে এই ঘরে আটকে  
রেখেছে। অন্ধকারের মধ্যে গাধারা আমার  
কাছে পুরুত পাঠাচ্ছে! আর এমন সব কাণ্ড  
করছে—যাতে আমি সত্যি-সত্যি পাগল হতে  
বসেছি!

বিদূষক। সাবধানে কথা কয়ো, পুরুত ঠাকুর  
এখনো এখানে রয়েছেন।—মালভোলিও, মাল-  
ভোলিও, পরমেশ্বর তোমার এ-বাতুলতা নিরাময়  
করে দিন। ঘুমোবার চেষ্টা করো। বাজে  
কথা কয়ো না আর।

মালভোলিও। সার টোপাস!

বিদূষক। বৎস, ওঁর সঙ্গে তুমি কথা কয়ো না।  
না প্রভু, আমি কথা কবো না। ভগবান  
আপনাকে শাস্তি দেবেন, সার টোপাস—শাস্তি!  
শাস্তি শাস্তি দাও, প্রভু!

মালভোলিও। বিদূষক—বিদূষক!

বিদূষক। ধৈর্য ধর। কি বলতে চাও? তোমার  
সঙ্গে কথা কবার জ্ঞা আমি বকুনি খেয়েছি।

মালভোলিও। লক্ষ্মী বিদূষক, একটা আলো  
আর কিছু কাগজ আমাকে দাও। ইলিরিয়ার  
অন্ত পাঁচজন লোকের মত আমার মাথা ভালোই  
আছে।

বিদূষক। ভালো থাকলেই ভালো!

মালভোলিও। লক্ষ্মী বিদূষক, একটু কালী, কিছু  
কাগজ আর একটা আলো। যা লিখে  
দেবো—তা নিয়ে তুমি কর্তার কাছে যাও।  
সাধারণের চিঠি নিয়ে যাবার চেয়ে তুমি ঢের  
বেশী উপকার পাবে।

বিদূষক। আচ্ছা, এনে দিচ্ছি। সত্যি বলো, তুমি  
পাগল নও? না, ভাণ করছ?

মালভোলিও। বিশ্বাস করো—আমি পাগল নই—  
সত্যি বলছি।

বিদূষক। পাগলের মাথা না দেখলে আমি বিশ্বাস  
করতে পারি না। আচ্ছা, তোমায় কালী-কাগজ  
আর আলো এনে দিচ্ছি।

মালভোলিও। বিদূষক, এর জ্ঞা আমি তোমাকে  
কি রকম পুরস্কার দেবো, দেখো—আচ্ছা, এস।

বিদূষক। (গান)

চলিছ চলিছ এবার,

ফিরব এখনি আবার।

পাপ-বুড়ো মত\* করিব নিহত  
 পিশাচ বংশ দেদার ॥  
 কাঠের ছুরিকা হাতে লয়ে  
 ঘেষ ক্রোধ আর হাঃ হাঃ হাঃ করে  
 বাতুল বালক খশাও পালক—  
 কহিব পিশাচে সেবার ॥

## তৃতীয় দৃশ্য

অলিভিয়ার উদ্দান

(সেবাষ্টিয়ানের প্রবেশ)

সেবাষ্টিয়ান। এই তো বাতাস! সূর্য্যের কিরণ এই!

এই মুক্তা সে দিয়াছে মোরে উপহার!  
 অনুভব করিতেছি আমি—নয়নেতে সব  
 হয় প্রতিভাত। বিশ্বয়েতে অভিবৃত্ত  
 আমি, নহিক বাতুল। আন্টনিও বন্ধ,  
 কোথা এবে? এলিফ্যান্ট-চটী অবেষিয়া  
 আসিনু ফিরিয়া আমি; নাহিক সেথায়।  
 কিছু পূর্বে ছিল সেথা, পাইনু সংবাদ;  
 মোর অবেষণ লাগি সহরেতে একা  
 করেছে গমন! উপদেশ তার এবে  
 হলো স্বর্ণ-প্রস্থ। মন মোর বুদ্ধি সাথে  
 করিছে বিরোধ! হতে পারে ভ্রান্তি ইহা,  
 নহে বাতুলতা। এরূপ ঘটনা আর,  
 সোভাগ্য-উদয়-পূর্বে সংঘটিত কভু  
 হয় নাই। নয়নেরে অবিশ্বাস আমি  
 করিতে প্রস্তুত; বিবেকের সাথে আমি  
 করেছি কলহ। কহিছে সে বারে-বারে—  
 বাতুল নহকো তুমি। অত্রে কর কিছু  
 বিশ্বাস-স্থাপন। তুমি হতে পারে নারী  
 বিকল প্রজায়। বিশ্বাসের প্রতিকূল

নহে তাহা; কহিছে সে হাসি-মুখে নিজ  
 গৃহ-কাজ, ভৃত্যবর্ণে করিছে আদেশ,  
 এমন নিপুণভাবে করিছে আপন  
 কার্য—মনে হয়, আছে তার বিবেচনা,  
 আছে বুদ্ধি, আছেয়ে প্রভূত শক্তি  
 স্রষ্টাশ্লে সর্ব্ব কর্ম করিতে সাধন।  
 মনে হয়, দেখি সব মহাভ্রান্তি ঘটিয়াছে  
 হেথা। আসিতেছে পুনঃ সে মোহিনী নারী।

(পুরোহিতের সঙ্গে অলিভিয়ার প্রবেশ)

অলিভিয়া। এত দূরা আসিয়াছি—লইয়ো না ক্রটি  
 উদ্দেশ্য সে যদি শুভ, এসো তবে দৌহে  
 পুরোহিত সাথে যাই অদূর মন্দিরে,  
 সেথা পুণ্য-মন্ত্র পূত আচ্ছাদন-তলে  
 সাক্ষ্য রাখি পুরোহিতে করহ সার্বক  
 গভীর প্রণয়ে তব—শাস্তি-সুখ  
 পাবে তবে ঈর্ষা-ক্লিষ্ট সন্দেহের মোহে  
 আমার হৃদয় এই। পুরোহিত সব  
 কথা রাখিবে গোপন, যদি ইচ্ছা করো।  
 জন্মান্দনে প্রকাশিব পরিণয়-কথা।  
 সেবাষ্টিয়ান। কহ তুমি প্রকাশিয়া বক্তব্য তোমার।  
 যাইতে প্রস্তুত আমি পুরোহিত সাথে  
 লয়ে তোমা—সত্য বলি করিব বিশ্বাস  
 সব কথা—অবিশ্বাসী নাহি মোরে পাবে।  
 অলিভিয়া। চল দৌহে;  
 মাগি পুরোহিত-দেব আশীর্বাদ  
 হউক সফল শুভ এই পরিণয়!

## পঞ্চম অঙ্ক

### প্রথম দৃশ্য

অলিভিয়ার গৃহের সম্মুখ

(বিদূষক ও ফেবিয়ানের প্রবেশ)

ফেবিয়ান। আমায় ভালোবাসো তো—চিঠিখানা  
 আমায় দেখতে দাও।  
 বিদূষক। লক্ষ্মী ফেবিয়ান—আমার একটি অনুরোধ।  
 ফেবিয়ান। বলো,—কি অনুরোধ?  
 বিদূষক। এ চিঠি দেখতে চেয়ো না।  
 ফেবিয়ান। এ যেন আমার কুকুর নিয়ে তোমার  
 কুকুরটা তুমি আমায় দিলে!

\* সকল রকম ঝগড়ার প্রতীক হিসাবে পাপ বুড়ো ও শয়তান প্রাচীন নীতি-নাটকে প্রচুর হাস্যরসের আমদানী করিত। উভয়ের মাজ-সম্ভার স্বাতন্ত্র্য ছিল; পাপ বুড়োর অঙ্গে থাকিত লম্বা কোট, মুখে আবরণ, মাথায় গদ্বিতের কর্ণ-সম্বলিত টুপি এবং হাতে কাঠের ছুরি। শয়তান ভালুকের মত পোষাক পরিত; তার উপর থাকিত পাখনা, হাতে লাঠি। পাপ-বুড়ো নাটকে ছুরিকা দ্বারা আঘাত করিয়া শয়তানের পাখনা কাটিবার প্রয়াস পাইত। পরিশেষে শয়তান পাপ-বুড়োকে নিজের পিঠে বহিয়া পাতালে প্রবেশ করিত। সেক্সপীয়রের নাটকে বিদূষকের উপর পাপ-বুড়োর ছায়াপাত হইয়াছে।

(ডিউক, ভায়োলা, কিউরিও ও সামন্তগণের প্রবেশ)

ডিউক। তোমরা কি লেডি অলিভিয়ার লোক ?

বিদূষক। আজ্ঞে হাঁ—আমরা তাঁর এন্টেন্ট-পত্ৰ !

ডিউক। তোমায় চিনি বটে। কেমন আছ ?

বিদূষক। আজ্ঞে, শত্রুদের স্ববিধার জ্ঞান আর মিত্রদের অস্ববিধার জ্ঞান আমি ভালোই আছি।

ডিউক। ভুল বলছো ! মিত্রদের স্ববিধার জ্ঞান, বলো।

বিদূষক। না মশায়, অস্ববিধা।

ডিউক। কি করে ?

বিদূষক। বন্ধুরা আমার প্রশংসা করে আমায় গাধা বানিয়ে দেয়—আর শত্রুর দল মুখের উপর স্পষ্ট ভাষায় বলে, আমি গাধা ! কাজেই শত্রুদের কাছ থেকে নিজের সম্বন্ধে জ্ঞান-লাভ করি—আর বন্ধুরা করে আমায় প্রবঞ্চনা। চুপন যেমন এক মুখে হয় না—দুটি মুখের দরকার—তেমনি এই দুটো কথা মিলিয়ে সিদ্ধান্ত হলো এই যে, চারটে ‘না’তে দুটো ‘হাঁ’ হয়। সুতরাং আমি ঠিক বলছি, শত্রুর স্ববিধা আর বন্ধুর অস্ববিধা।

ডিউক। বাঃ, বেশ তো !

বিদূষক। না, ওটা ঠিক বলা হলো না ! কেন না, আমি আপনাকে বন্ধু বলে মনে করি।

ডিউক। সে জ্ঞান আমার অস্ববিধা হবে না। এই নাও (স্বর্ণ প্রদান)।

বিদূষক। শেটা যে ছনো ভার হয়ে যাবে, মশায় ! তার চেয়ে আপনি এটাকে ছনো করে দিন !

ডিউক। না, আমাকে তুমি অসৎ পরামর্শ দিচ্ছ।

বিদূষক। এর জ্ঞান পকেটে হাতটি পুরানু আর আপনার রক্ত-মাংস আপনার আদেশ মাথা করুক !

ডিউক। ছনো-ভাবের পাপ দেখছি আমাতে বর্তালো ! আচ্ছা, আর একটা নাও।

বিদূষক। এক, দুই, তিন—খুব ভালো খেলা। কথায় বলে, বার বার তিনবার। তিনের জয় সর্বত্র। তালের মাত্রা হিসাবে তিন খুব কাজে লাগে। সেন্ট বেনেটের\* ঘণ্টার আওয়াজ আপনার মনে পড়ছে বোধ হয়—এক দুই তিন !

ডিউক। বোকা বানিয়ে আর টাকা আদায় হবে না ! তবে যদি তোমার কত্রীকে গিয়ে বলো যে,

আমি তাঁর সঙ্গে দেখা করতে এসেছি—আর সে-কথা যদি বলে তাঁকে আনতে পারো, তাহলে আমার দয়া হতে পারে।

বিদূষক। বহৎ আচ্ছা, মশায় ! যতক্ষণ না আমি ফিরে আসি, আপনারা নিদ্রা-সুখ উপভোগ করুন। আমি যাচ্ছি, মশায় ! তা বলে ভাববেন না যে, প্রাপ্তির আশাতেই আমার এতখানি আগ্রহ। আপনার কথা-মত আপনার দয়া একটু ঘুমিয়ে নিক—তাকে আমি শীঘ্রই জাগিয়ে তুলবো। [প্রস্থান

ভায়োলা। আসিছে সে জন হেথা—করেছে উদ্ধার মোরে যে-বা।

ডিউক। মুখ ওর পরিচিত যেন !

শেষ যবে দেখেছিল মুখ, রণ-ধূমে  
ভলুক্যানের মত ছিল মসী-লিপ্ত। ক্ষুদ্র  
এক তরী ছিল ওর, অগভীর জলে  
তুচ্ছ দ্রব্যে করিত বেসাতি। সেই তরী  
লয়ে করিল সংগ্রাম যবে বিনাশিয়া  
আমাদের দৃঢ় পোতে করি বহু ক্ষতি—  
পরান্নব করি ওর শিরে দিয়াছিল  
খ্যাতি আর মানের মুকুট।

কহ, কি সংবাদ ?

প্রথম প্রহরী। এই সেই আন্টনিও,  
লয়েছিল যেবা ক্যান্ডি হতে আহরিত  
পণ্যের সামগ্রী সহ ফিনিক্স তরণী,  
আক্রমিয়া টাইগার তরী—খঞ্জ-পদ  
করেছিল ভ্রাতৃপুত্রে তব। রাজপথে  
লজ্জাহীন কলহে আছিল মত্ত—  
সে সময় মোরা তারে বন্দী করিয়াছি।

ভায়োলা। দেখায়েছে অনুগ্রহ মোরে ! মোর পক্ষ

লয়ে করেছিল নিষ্কাশিত নিজ-অসি।  
পরক্ষণে কহিল সে আর যত কথা,  
প্রলাপ ব্যতীত তারে কি আর বলিব !

ডিউক। রে হুরন্ত জলদস্যু, সমুদ্র-তঙ্কর !

কোন্ নির্বুদ্ধিতা-বশে আসিলি হেথায়  
তাদের কবলে—করেছ যাদের শত্রু  
হিংসা আর রক্তমাখা ছুড়তে তোমার ?

আন্টনিও। অশিনো তুমি মহৎ ! মোর প্রাপ্য নহে

এ দস্যু-তঙ্কর-খ্যাতি, তুমি বাহা কহ।

করিব স্বাকার আমি—শত্রু তব ; নহে

তাহা হীন-বৃত্তি-প্রণোদিত। যাছ-মায়ী

আনিল আমারে। তব পার্শ্বে অবস্থিত

অকৃতজ্ঞ যুবকের করেছি উদ্ধার,

\* লণ্ডনের পলস্ হোয়ার্প (Pauls Wharp) নামক স্থানের বিখ্যাত গির্জা। ১৬৬৬ খৃষ্টাব্দে লণ্ডনে যে অগ্নি-কাণ্ড হয়—তাহাতে ইহার ধ্বংস ঘটে।

গ্রাসিবারে যারে ক্ষুদ্র সিদ্ধ করিছিল  
ক্রোধোন্মত্ত ফেনময় আনন বিস্তার ।  
জীবনের আশা নাহি ছিল ; প্রাণ-দান  
করিবু তাহারে ! দিহু পুনঃ স্নেহ মোর  
উজ্জ্বল উদার—যেন পূজ্য জন ! ওর  
প'রে স্নেহে অন্ধ শত্রু-পুরী-মাঝে  
বিপদেরে করিহু বরণ ; করিলাম  
অসি নিষ্কাশিত অরি-দল যবে এরে  
দাঁড়ালো ঘিরিয়া ; তথা ধৃত হই, যবে  
ভীত হলো মোর সাথে রাখিতে সংশ্রব,  
বিপন্ন হেরিয়া মোরে ! পরিচয়  
মোর তবে হয় না করে স্বীকার !  
পলক না যেতে দেখালো এমন ভাব—  
যেন মোর সাথে ওর পরিচয় কভু  
ছিল না কো । ফিরে দিল অর্থের পেটিকা  
মোর—দিয়াছিহু ব্যবহার লাগি যাহা ।

ভায়োলা । অসম্ভব কথা !

ডিউক । আগমন হলো কবে

নগরে ইহার ?

আর্গনিও । এই দিন মাত্র প্রভু !

মাস-ত্রয় ধরি আছি মোরা এক সাথে ।

কিবা রা-ত্রি-দিন, অবিচ্ছিন্ন কভু নহি  
ক্ষণেকের লাগি ।

ডিউক । আসিছেন হেথা এবে

কাউন্ট-তনয়া ! স্বর্গ যেন ধরণীতে  
আসিল নামিয়া ! প্রলাপ করহ শুদ্ধ ।

মাসত্রয় মোর কাছে আছে এই যুবা ।

করিব বিচার পরে ; লয়ে যাও এরে ।

( অন্তরঙ্গবন্দ সাথে অলিভিয়ার প্রবেশ )

অলিভিয়া । কিবা প্রয়োজন এবে, কহ হে মহান্,  
সাধনে অশক্ত যাহা অলিভিয়া লাগি !

সিদ্ধারিও, রাখো নাই তব প্রতিশ্রুতি ?

ভায়োলা । কি কহিব দেবি ?

ডিউক । মহীয়সী অলিভিয়া !

অলিভিয়া । এ কি কথা বলো, সিদ্ধারিও ?

কি বলো, মহান্ ?

ভায়োলা । বাক্যলাপ শোভেনাকো প্রভুর সম্মুখে

অলিভিয়া । চাহ যদি কহিবারে পুরাতন সেই

প্রণয়ের কথা, অতীব অপ্রিয় হবে—

প্রবণে আমার সঙ্গীতের মাঝে যথা

উচ্চ কলরব ।

ডিউক । এখনো নিদ্রয় তুমি !

অলিভিয়া । অতি স্থির মতি । নহিক নিদ্রয় ।

ডিউক । সেই চির-তেজ । হৃদয়-বিহীন নারী

অকৃতজ্ঞ অশোভন বেদী'পরে তব

সাজারে দিরাছি আমি হৃদয়ের যত

শ্রেষ্ঠ পূজা-উপচার—যে হৃদয় শুধু

পাইয়াছে পূজা । কি করিব আমি এবে ?

অলিভিয়া । যথা অভিরুচি । মোর কোন কথা নাই

ডিউক । \* মিসরী তঙ্কর সম ছুরিকা-আঘাতে

কেন না করিব তার হত্যা-সংসাধন

প্রণয়ের শ্রেষ্ঠ দান দিয়াছি যাহারে ?

অশোভন ঈর্ষা হতে কভু বিচ্ছুরিত

হয় গন্ধ মধুমাখা সুবিমল । শুন,

উপেক্ষা করেছ মোর প্রণয়ের দান !

জানি, তারে অধিকার করিয়াছে কেবা—

ও তব হৃদয়-পুষ্প প্রাপ্য ছিল মোর ।

রহ স্নেহে মন্দিরের হিম-ভার বৃকে—

জানি এই যুবকেরে ভালো মতে আমি,

ভালো যারে বাসিয়াছ তুমি, অতি-প্রিয়

যদিও সে-জন মম—লইব ছিনায়ে

তারে শোভিছে যে তব আঁখি'পরে

বহি নিজ শিরে তার প্রভুর বিদ্রোহ ।

প্রিয় মেঘ-শাবকেরে করিব নিহত

তুমিবারে মসীকৃষ্ণ বায়সের মন—

আছে যাহা ঘৃণপক্ষী-বক্ষেতে গোপন ।

ভায়োলা । শাস্তি প্রদানিতে তোমা, হাসি-মুখে আ

বিধাহীন মনে সহস্র প্রকারে মৃত্যু

করিব বরণ ।

অলিভিয়া । কোথা যাও সিদ্ধারিও ?

ভায়োলা । তার কাছে—যারে ভালো আমি বাপি

এত ভালো বাপি নাই কভু নৌল নয়নেরে

তব ! ইহা হতে নহে প্রিয়তর মোর

সুন্দরী রমণী কোনো । হও মম সাক্ষ্য

অন্তরীক্ষবাসিগণ ! যদি মিথ্যা কহি

প্রণয়ের ছল-ভরে, শাস্তি দাও মোরে ।

অলিভিয়া । ধিক্ মোরে ! লভিহু বঞ্চনা ।

ভায়োলা । কেবা তোমা

বঞ্চনা করিল হয়, হেন দ্রুত দিয়ে ?

অলিভিয়া । সকলি ভুলিয়া গেলে ? বহুক্ষণ তবু

হয়নি অতীত ! ডাকি আনো পুরোহিতে ।

ডিউক । ( ভায়োলার প্রতি ) এস মোর সাথে ।

অলিভিয়া । কোথা এরে লয়ে যাবে ?

সিদ্ধারিও, স্বামী মোর,—রহ ক্ষণকাল ।

\* মিসরী-তঙ্কর । নাম—খীরামীস । বিখ্যাত দস্যু-নাম

ডিউক। স্বামী!

ভায়োলা। পতিয়ে বরণ আমি করেছি ইহারে।

ডিউক। আরে হীন দাস! তুই এর পতি বটে!

ভায়োলা। সত্য নহে প্রভু!

অলিভিয়া। ভয়-হেতু এ নীচতা!

আপনার মনুষ্যত্বে এমন করিয়া

বলি দাও! কিসের এ ভয়? শুনি।

অসঙ্কোচে হেন কথা বলো কোন্ মুখে?

ভাগ্য তব শিরে অই করিয়া বরণ

স্বরূপ প্রকাশ তব কর এই ক্ষণে—

যাবে ভীতি—সমুজ্জল ভাতিবে মধুর

মহত্ত্ব তোমার।

(পুরোহিতের প্রবেশ)

আসিয়াছ পুরোহিত!

ধর্ম্মে তব মতি আছে। কহ সত্য করি

সকল বারতা তুমি; প্রয়োজন এবে

প্রকাশ করিতে। সংগোপনে যাহা

বক্ষে রাখিবারে মোর ছিল অমরোদ।

যুবকের সাথে মম যাহা ঘটিয়াছে—

প্রকাশি তা কহ সব।

পুরোহিত। চিরতরে এরা

হয়েছে মিলিত আজি প্রেমের বন্ধনে।

সে মিলন উভয়ের পাণি লয়ে আমি

করেছি গ্রথিত;—উভয়ের ওষ্ঠপুট

হলো সম্মিলিত প্রকাশিতে উভয়ের

পবিত্র প্রণয়—অঙ্গুরীয়-বিনিময়

হইল তখন। আমার সম্মুখে ইহা

হলো স্তম্ভাধিত। তথা হতে মৃত্যু-পথে

তুই ঘণ্টা করেছি ভ্রমণ।

ডিউক। আরে, আরে

চাতুরীতে ভরা তুই কুকুর-শাবক!

বয়োবৃদ্ধি-সাথে কি-বা হবে তব গতি,

নাহি তাহা জানি। অথবা এমন হবে,

চতুরতা হবে তব মৃত্যুর কারণ!

বিদায় লইয়া—যাও ওর সাথে এবে।

দেখাবারে ওই মুখ আসিয়া না আর

আমার সম্মুখে কভু!

ভায়োলা। প্রতিবাদ প্রভু,

করিতেছি আমি!

অলিভিয়া। মিথ্যা প্রতিবাদে নাহি

কোনো ফল; ভগবানে রাখিয়া বিশ্বাস!

ভীত হইয়াছ তুমি—হইল প্রকাশ।

(সার এণ্ডুর প্রবেশ)

সার এণ্ডু। ভগবানের দোহাই—ডাক্তার! শীঘ্র  
সার টোবির কাছে একজন ডাক্তার পাঠিয়ে  
দিন।

অলিভিয়া। কেন, কি হয়েছে?

সার এণ্ডু। আমার মাথা ভেঙ্গে দিয়েছে আর সার  
টোবির মাথা ফেটে রক্ত-গঙ্গা। ভগবানের  
দোহাই—দেখুন আপনারা! বাড়ীতে থাকতে  
দিলে আমি পঞ্চাশ টাকা দিতে পারি।

অলিভিয়া। কে এ কাজ করলে সার এণ্ডু?

সার এণ্ডু। সিজারিও। কাউন্টের লোক। আমরা  
তাকে ভীকু ভেবেছিলাম, কিন্তু সে মূর্ত্তিমান  
শয়তান।

ডিউক। আমার লোক? সিজারিও?

সার এণ্ডু। হা ভগবান, এই যে সে এখানে!  
আপনি অনর্থক আমার মাথা ভেঙ্গে দিলেন—  
আমি যা কিছু করেছি, তা ঐ সার টোবির  
কথায়।

ভায়োলা। কেন মোরে কহ এই কথা? করি নাই  
তোমারে আঘাত; অকারণে অসি তুমি  
নিষ্কাশিত করেছিলে! তবু আমি কত  
মিষ্ট বাক্যে তুষিয়াছি! করিনি আঘাত।

সার এণ্ডু। মাথা ফেটে রক্তগঙ্গা হলে যদি আঘাত  
করা না হয়, তা'হলে আপনি আমায় আঘাত  
করেন নি! মনে হচ্ছে, রক্তমাথা মাথার তুমি  
খেয়ালই করো না! ঐ সার টোবি বুকে ছুয়ে  
এইদিকে আসছেন। ওঁর কাছে আপনারা সব  
কথা শুনবেন। তবে উনি মাতাল না হলে  
আপনাকে ছরগু করে' দিতেন!

(সার টোবি ও বিদুষকের প্রবেশ)

ডিউক। কি মশায়, ব্যাপার কি? কি হলো  
আপনার?

সার টোবি। কিছু না। ও আমাকে আঘাত করেছে,  
এই পর্য্যন্ত। তা সে সব মিটে-মাটে গেছে;  
ওহে, ডাক্তার ডিক্কে পেলো?

বিদুষক। সার টোবি—ঘণ্টা-খানেক আগে থেকে  
সে মাতাল হয়ে পড়েছে। সকাল আটটা  
থেকেই তার চক্ষু-স্থির!

সার টোবি। সে ছুঁচো! সে বেল্লিক! পেচি  
মাতালকে আমি ভয়ঙ্কর ঘৃণা করি।

অলিভিয়া। একে নিয়ে যাও। কে এসব কাণ্ড  
করলে?



সার এণ্ড। সার টোবি, আমি তোমার নিয়ে  
যাচ্ছি, চলো—তোমার সঙ্গে আমার মাথাতেও  
ব্যাণ্ডেজ লাগাতে হবে।

সার টোবি। তুমিও আসবে না কি? গর্দভ,  
বলদ আর পাজী—এই তিনে মিলে একটি  
ছুঁচোগো পাজীর মুখ হবে!

অলিভিয়া। ওঁকে শুইয়ে দাও—আর ওঁর ক্ষত  
কতটা গভীর, জাখো।

[বিদ্যুৎ, ফেব্রুয়ারি, সার টোবি ও সার এণ্ডর  
প্রস্থান]

(সেবাষ্টিয়ানের প্রবেশ)

সেবাষ্টিয়ান। অল্পতপ্ত আমি শুভে, করেছি আঘাত  
আত্মীয়েরে তব। ভ্রাতা যদি হতো মোর—  
দিতাম এমন শাস্তি উপযুক্ত বুঝি!  
বিশ্বয়ের দৃষ্টি কেন চোখে? মনে হয়,  
ক্রুদ্ধ হইয়াছ তুমি! ক্ষমা কর মোরে,  
করিয়া স্মরণ হবে সম্পর্ক মোদের।

ডিউক। এক যুগ, এক কণ্ঠস্বর! সমভাবে  
উভয়ে সজ্জিত! হেরি তবু হই জন!  
দর্পণেতে প্রতিবিম্ব যেন! কে কহিবে  
কোন জন কেবা!

সেবাষ্টিয়ান। আন্টনিও, বন্ধু আন্টনিও,  
তব অদর্শন-হেতু সহিয়াছি কভ—  
কত ক্লেশ!

আন্টনিও। তুমিই তবে সেবাষ্টিয়ান?

সেবাষ্টিয়ান। আছে কি সন্দেহ ভায়?

আন্টনিও। কেমন করেছ

তুমি দ্বিধা-ভিন্ন আপনারে—কহ। নাহি  
হেরি আকারে পৃথক এই জুঁজনারে!  
দ্বিধা-ভিন্ন আপেলের মত! কহ এবং  
কোনটি সেবাষ্টিয়ান?

অলিভিয়া। অতীব অদ্ভুত!

সেবাষ্টিয়ান। আমি কি উহাতে আছি?

ছিল নাকো ভ্রাতা মোর;

নাহি হেন শক্তি মোর করিবারে

দ্বিধা আপনারে। আছিল ভগিনী এক,

ক্ষুর সিন্ধু তারে হায় করেছ গ্রহণ।

(ভায়োলার প্রতি) কৃপা করি কহ—

কেবা তুমি হও মম?

কোন দেশ হতে তব হেথা আগমন?

কহ কিবা নাম তব? জন্ম কোন বংশ?

ভায়োলা। মেসালিনী মম জন্মভূমি। পিতা মোর

সেবাষ্টিয়ান; সেবাষ্টিয়ান-নাম-ধারী  
ছিল মোর ভ্রাতা; এইরূপ পরিধেয়  
করিয়া ধারণ অতল সাগর-তলে  
হয়েছে শয়ান। আত্মা যদি বন্ধ পরি'  
শরীরী হইতে পারে, তোমা হতে আছে  
মোর ভয়ের কারণ!

সেবাষ্টিয়ান। আত্মা বটে আমি!  
জন্ম হতে এইভাবে পরিধেয় আমি  
অঙ্গে মোর করেছি ধারণ। দেখিতেছি,  
সব অল্পকূল! নারী যদি হও তুমি,  
তোমার কপোলে অশ্রু ঝরায়ে কহিব,  
উচ্চকণ্ঠে “স্বাগত, স্বাগত আজি  
ভগিনী ভায়োলা!”

ভায়োলা। জড়ুলের চিহ্ন ছিল  
পিতার কপোলে।

সেবাষ্টিয়ান। সেই মত ছিল চিহ্ন  
আমার পিতার।

ভায়োলা। মৃত্যু তাঁরে নিল ক্রোড়ে,  
ত্রয়োদশ বর্ষ যবে ভায়োলা কুমারী।

সেবাষ্টিয়ান। সে দিন আজিও আছে স্মরণেতে লেখা,  
ভায়োলার ত্রয়োদশ জন্মদিনে, তাঁরে  
মৃত্যু নিল নিজ বক্ষে।

ভায়োলা। পুরুষের এই  
পরিধেয় বিনা নাহি অজ্ঞ কিছু এবং—  
করিতে নারিবে তাহা অস্বী মোদেরে!  
আলিঙ্গন করিয়ে না মোরে, যদবধি  
স্থান, কাল, ভাগ্য মিলি না করে প্রমাণ  
আমিই ভায়োলা সেই! প্রমাণিতে তাহা  
লয়ে যাবো তোমা সব। এই নগরীতে  
এক নাবিকের কাছে। আছে তথা মম  
কুমারীর বেশ; সহায় লভিয়া তারে  
উচ্চমতি কাউণ্টের পাইছ আশ্রয়।  
তদবধি করিয়াছি বাহা-কিছু আমি,  
অবগত আছে এই মহীয়সী নারী,  
স্বজন ডিউক আর।

সেবাষ্টিয়ান। (অলিভিয়ার প্রতি) প্রমাণিত এবং  
হলো শুভে! মহা ভ্রাস্তি হয়েছিল তব।  
স্বাভাবিক আকর্ষণে হয়েছিলে হায়,  
প্রণয়ে আকৃষ্টা তুমি ভায়োলার প্রতি।  
কুমারীর সাথে তব হইত সাধিত  
শুভ পরিণয়, প্রবঞ্চিতা হইতে নারি,  
এক-সাথে কুমারী ও কুমারের পরে  
মনের আসক্তি তব!

ডিক।

হয় না বিস্মিত !

উচবংশ-সমুদ্র যুবক। সত্য যদি  
হয় এককল, দর্শনেতে মনে হয়,  
সকলি সুন্দর। লাভবান হবো আমি  
তরুণীর নিমজ্জন লাগি।

( ভায়োলার প্রতি ) বহুবার

কহিয়াছ মোরে, আমা হতে নহে প্রিয়তর  
তব কাছে সুন্দরী রমণী !

ভায়োলা।

কহিতেছি

পুনঃ সেই কথা। দিবা আর রাত্রিভাগে  
করিয়া পৃথক সমুজ্জল সূর্য্য যথা  
রহে ধরণীর যথা, তেমতি রহিবে  
সর্ব-কথা সত্য সম আমার হৃদয়ে !

ডিক। দাও তব পাণি—কুমারীর বেশে এবে  
দেখিবারে বাসনা আমার।

ভায়োলা।

উদ্ধারিল

ষে-নাবিক মোরে, তার কাছে আছে মোর  
কুমারীর বেশ। বন্দী এবে সে নাবিক—  
করেছে মালভোলিও অভিযুক্ত তারে।

গলিভিয়া। সন্ধ্যর পাইবে মুক্তি তোমার নাবিক—  
আনহ মালভোলিওরে। হায়, মনে হলো,  
হইয়াছে এবে তার মস্তিষ্ক বিকার।

( ফেবিয়ান ও পত্র লইয়া বিদূষকের প্রবেশ )

আপনার ভাবে আমি আপনি বিতোর !

ভুলে গেছি তার কথা ! কি সংবাদ তার ?

বিদূষক। সত্যি মা, যতখানি সম্ভব শক্তি নিয়ে সব  
ঠেকিয়ে রেখেছো ! আপনাকে সে চিঠি লিখে  
পাঠিয়েছে। এ চিঠি আমার সকালেই দেওয়া  
উচিত ছিল। তবে কি না বাতুলের বাক্য  
বেদবাক্য নয়—কাজেই যখনই দিই, তাতে কিছু  
যায় আসে না !

গলিভিয়া। পড় চিঠি।

বিদূষক। অবধান করুন। বিদূষক বাতুলের ভাষায়  
বলেছে, “ভগবানের শপথ, সুন্দরী—”

গলিভিয়া। সে কি ? তুমি পাগল হলে না কি ?

বিদূষক। না মা, পাগল নই—তবে পাগলের ভাষা  
পাঠ করছি বটে। যেমন আছে, তেমনিটি যদি  
শুনতে চান, তাহলে বাধা দেবেন না।

গলিভিয়া। আচ্ছা, পড়ো।

বিদূষক। তাই পড়ছি মা। তার বুদ্ধির দোঁড়  
বৃদ্ধিতে হলে এই ভাবেই পড়তে হবে। অতএব  
রাগীমা, অবধান করুন।

গলিভিয়া। ( ফেবিয়ানকে ) পড়ো।

ফেবিয়ান। ( পাঠ ) “ভগবানের দোহাই সুন্দরী—  
তুমি আমার উপর অত্যাচার করেছ—পৃথিবী  
আজ তা’ জালুক। অন্ধকারে আমাকে বন্দী  
করে রেখেছ আর তোমার মাতাল-আত্মীয়কে  
আমার উপর কর্তৃত্ব করবার ভার দেছ ! তা’  
সত্ত্বেও আমি বাতুল নই—তোমার মতন আমার  
মাথা বেশ পরিষ্কার। তোমার পত্রের নির্দেশ  
মত যা’ যা’ বলেছ, আমি সব করেছি। তাতে  
তোমার লজ্জা, না, আমার মজ্জা হয়েছে, বৃদ্ধিতে  
পারলাম না। আমাকে যা কিছু মনে করতে  
পারো, আমার কর্তব্যের কথা স্মরণ না করে,  
আমার প্রতি অত্যাচারটাকেই বড় করে ধরলাম।  
বাতুলের মত আচরিত মালভোলিও।”

গলিভিয়া। সে নিজে লিখেছে ?

বিদূষক। হাঁ, মা।

ডিক। বাতুলতার লক্ষণ বলে’ মনে হচ্ছে না তো ?

গলিভিয়া। ফেবিয়ান, তাকে মুক্ত করে এখানে  
নিয়ে এস।

এই সব কথা এবে করিয়া স্মরণ

ভগ্নী-ভাবে ঝাঞ্ঝা মোরে, পত্নী-ভাবে নয়।

এক দিনে এ-সকল হলো সংঘটিত।

গৃহে মোর দাও দেব, তব পদধূলি।

ডিক। স্বাকার করিছ শুভে, আতিথ্য তোমার।

( ভায়োলার প্রতি )

প্রভু তব মুক্তি দিল তোমা ; তুঘিয়াছ

প্রভুরে তোমার করি কর্ম সম্পাদন

রমণীরে বাহা কতু শোভা নাহি পায় !

লালিতা পরম যত্নে ! ও কোমল দেহে

অশোভন ছিল সেই কর্ম সমুদায়।

বহু দিন ধরি প্রভু বলি সম্বোধন

করিয়াছ মোরে ! আজি সে কারণে কহি,

আজ হতে হলে তুমি তোমার প্রভুর

প্রেরণী ! প্রেরণী-প্রিয়া !

গলিভিয়া।

আজ হতে তুমি

হলে প্রাণ-প্রিয়তমা ভগিনী আমার।

( মালভোলিওকে লইয়া ফেবিয়ানের প্রবেশ )

ডিক। এই কি বাতুল সেই ?

ফেবিয়ান। এই সেই লোক।

গলিভিয়া। কি হলো মালভোলিও ?

মালভোলিও।

দেবি, অত্যাচারে

জর্জরিত করেছ আমারে। ভীষণ সে অত্যাচার !

অলিভিয়া। আমি নই। কহ সব প্রকাশিয়া।  
মালভোলিও। তব কৃত-কর্ম অত্যাচার। অহরোধি,

পাঠ কর এই লিপিখানি। তব হস্তে  
লেখা ইহা। অস্বীকার করিবার শক্তি  
নাহি তব। করো যদি, পাইবে প্রয়াস  
ভিন্নভাবে লিখিবারে! এ লিপি নহে কি  
লেখা তব? কহ সত্য করি, নামাক্ষিত  
মুদ্রা এই নহে কি তোমার? কহ এবে  
কেন বুখা দেখাইলে প্রণয়ের ভাণ?  
কেন মোরে আদেশিলে বুখা হাসি-মুখে  
আসিবারে তব পাশে? কেন বা কহিলে  
মোরে দেখাতে জ্রুটি সার টোবি আর  
যত পরিজনে? আশার চলনে তুমি  
ভুলায়ে আমারে কেন অন্ধকার-গৃহে  
আবদ্ধ রাখিলে? কেন বা পাঠালে তথা  
ধর্ম-বাক্যকরে? কিবা তব প্রয়োজন  
সিদ্ধ হলো এ অপূর্ব প্রবঞ্চনা করি?

অলিভিয়া। হায় বৎস! নহে ইহা মোর লেখা কভু!

করিহু স্বীকার, মম হস্তলিপি প্রায়।  
হতেছে প্রতীতি, নিঃসন্দেহে কহিবারে  
পারি, মেরিয়ার লেখা পত্র। মনে পড়ে,  
সেই মোরে কহিল প্রথমে, হইয়াছে  
সেব মস্তিষ্ক বিকার তব! তার পরে তুমি  
লিপির আদেশ-মত হাসে আর ভাবে

ক ভঙ্গিমায় এলে মোর কাছে। হয়ো নাকো  
আন্টনিও খিত ইহাতে! খেলাচ্ছলে ভুলায়েছে  
সেবাস্টিয়ানা—জ্ঞাত এবে তুমি, কর্মকর্তা কে-বা।  
আন্টনিওরক-পদে বসি করহ বিচার।

তুমি। দয়াময়ী দেবি, বক্তব্য আছে মোর।

হেই শুভ লক্ষ্যটুকু আজি কলহের  
দ্বিধা-লিপ্ত করি আমি চাহি না দৃষ্টিতে!  
কো-রিতেছি সকলি স্বীকার—টোবি আর

অলিভিয়া। মি, হুজনায়ে মিলি করেছে এ  
সেবাস্টিয়ানার রচনা মালভোলিওর 'পরে—  
ছিয়েছিহু ক্ষুদ্র মোরা ভদ্রতা-বিহীন  
নাতার আচরণে। লিপিকা লিখিল মেরি,  
দিশাঙ্কনয়ে অহরোধ করিছিল টোবি;  
সে কারণে মেরিয়ারে করেছে বিবাহ  
টোবি। ষ্বেষ-পূর্ণ এই খেলা খেলিয়াছি  
মোরা। এতে শুধু হাসি আছে, নাহি ভিল  
বিষেব-হিংসার বিষ! তুলাদণ্ডে ধর

যদি সব অত্যাচার—উভয়ের অংশ  
হবে সম—সুনিশ্চিত।

অলিভিয়া।

করুণার পাত্র

তুমি! সাজায়েছে তোমা অভিশ্রুত এরা।  
বিদুষক। সে কি! “কেউ মহত্ব নিয়ে জন্মায়;  
কেউ বা জন্মে মহত্ব লাভ করে; আর কারো  
উপর বা মহত্ব আরোপ করে’ দেওয়া  
হয়”! আমিও এ আখ্যানে অংশ নিয়েছি সার  
টোপাস্। ভগবানের নাম নিয়ে বলছি—  
আমি পাগল নই, বিদুষক। আশ্চর্য! আপনি  
এর মত একটা ছুঁচোর কথায় আনন্দ পান!  
আপনি যদি হেসে এখন ওর রসিকতার মশলা  
না জোগান, এখনই ও বোবা হয়ে যাবে।—এ  
সবের জন্ত প্রতিহিংসার সাধ জেগেছিল।

মালভোলিও। লবো আমি প্রতিশোধ সবির উপরে।

[ প্রস্থান

অলিভিয়া। অত্যাচার হইয়াছে সত্য ওর প্রতি।

ডিউক। যাও ওর পাছে-পাছে অহরোধ মোর,

করহ সাস্ত্যনা। নাবিকের কথা নাহি

করিহু শ্রবণ। সকলি হইব জ্ঞাত

সুবর্ণ সুযোগে আত্মায়-আত্মায় মোরা

হবো সম্মিলিত! আদরিণী ভগ্নী মম

সবে মোরা অবিকল্প হইব এখন।

সিদ্ধারিও এস এবে। পুরুষের বেশে

সিদ্ধারিও খ্যাতি রবে তব! কিন্তু অত

বেশে দাঁড়ালে সম্মুখে, তুমি হবে

অশিনোর প্রাণপ্রিয়া স্বপনের রাণী।

[ বিদুষক ব্যতীত সকলের প্রস্থান

বিদুষক।

( গান )

বালক ছিলাম যখন রে ভাই, রোদ্-বাদল ভরপুরে  
খেলনা তখন ছিল মধুর, স্বরতো বাদল বুর-বুরে ॥  
যুবক ছিলাম যখন রে ভাই, রোদ্-বাদল ভরপুরে;  
চোরকে দেখে হতেম সামাল, বরতো বাদল বুর-বুরে।  
প্রেরসী মোর এলেন যখন, রোদ্-বাদল ভরপুরে;  
মদের নেশায় কাটতো না দিন, বরতো বাদল বুর-বুরে।  
শয়ন-বিরাম নিভেম যখন,—রোদ্-বাদল ভরপুরে;  
ছটপটে ভাব কাটতো না ভাই বরতো বাদল বুর-বুরে  
এই তো সেদিন পেলেম জনম, রোদ্-বাদল ভরপুরে;  
যাক রে চুলোয়, নাটক তো শেষ,  
আসবো আবার তুষবো রে ॥

# রীতিমত

*Measure for Measure*

উইলিয়াম সেক্সপীয়র প্রণীত

শ্রীমৌরীন্দ্রমোহন মুখোপাধ্যায় অনুদিত

## চরিত্র

|                                                           |     |                         |
|-----------------------------------------------------------|-----|-------------------------|
| ভিন্সেন্সিয়ো                                             | ... | ডিউক                    |
| এঞ্জেলো                                                   | ... | ঐ প্রতিনিধি             |
| এস্কেলাশ                                                  | ... | প্রবীণ অমাত্য           |
| ক্লডিয়ো                                                  | ... | তরুণ ভদ্র               |
| লুশিয়ো                                                   | ... | ভাঁড়                   |
| সম-প্রকৃতির হৃদয় ভদ্র ব্যক্তি                            | ... | ...                     |
| কোতোয়াল-সদ্বার                                           | ... | ...                     |
| টমাশ                                                      | }   | হৃদয় সন্ন্যাসী         |
| গীটার                                                     |     |                         |
| বিচারক                                                    | ... | সাধারণ প্রহরী           |
| এল্‌বো                                                    | ... | নির্বোধ ভদ্র ব্যক্তি    |
| ফ্রথ                                                      | ... | শ্রীমতী ওভারডেনের ভৃত্য |
| পম্পি                                                     | ... | বাতক                    |
| আভর্ষণ                                                    | ... | চরিত্রহীন বন্দী         |
| বার্ণার্ডিন                                               | ... | ক্লডিয়োর ভগিনী         |
| ইশাবেলা                                                   | ... | এঞ্জেলোর বাগদত্তা       |
| মারিয়ানা                                                 | ... | ক্লডিয়োর বাগদত্তা      |
| জুলিয়েত্                                                 | ... | মঠের সন্ন্যাসিনী        |
| ফ্রান্সিস্কা                                              | ... | প্রোঢ়া গণিকা           |
| শ্রীমতী ওভারডন্                                           | ... |                         |
| অমাত্যগণ, ভদ্রলোকগণ, প্রহরিগণ, কর্মচারীগণ ও অপরাধমুচরবর্গ |     |                         |
| সংস্থান—ভিয়েনা-নগরী                                      |     |                         |

# রীতিমত

## প্রথম অঙ্ক

### প্রথম দৃশ্য

ডিউকের প্রাসাদ-কক্ষ

ডিউক, এশকেলাশ, অমাত্যগণ ও

অনুচরবর্গের প্রবেশ

ডিউক। এশকেলাশ!

এশকেলাশ। প্রভু!

ডিউক।

শাসন-নিয়ম,

রাজবিধি—ব্যাখ্যা তার করিতে চাহিলে  
বাক্য নাহি! জানি, তায় বাক্য না জুয়ায়।

তাহা লয়ে কিছু বলা—বৃথা বাক্যব্যয়!

আমার যে-শক্তি আছে, সে শক্তির পাশে

তোমার বিজ্ঞান-শ্রুতি মানে পরাজয়।

নিষ্ঠাভরে বিধি-রক্ষা দারুণ কঠিন।

শাসন-পালনে হেন স্রুতি-বিধি—

সে বিধি-লঙ্ঘনে দণ্ড—একান্ত নির্মম—

এ বিধানে রাজকার্য—শক্তি নাই মোর।

সে সকল বিধি আজি নির্জীবের প্রায়,

মূর্ছিত অলস আছে তাহারি কারণ।

প্রজাদের মনোবৃত্তি, আচার-ব্যভার

শিথিল হয়েছে—সেই গ্রন্থির বাঁধন

হইবে সূদৃঢ় কিসে? উপায় না দেখি।

এই মোর নিয়োগ-পত্রিকা। (পত্রিকা দান)

সর্ব বিধি,

সকল অনুজ্ঞা—ইহাতে লিখিত আছে।

ব্যতিক্রম হবে না কো এক-ভিল এর।

এখন, হাঁ, ভালো কথা,—কোথায় এঞ্জেলো?

বার্তা দাও—হেথা আসি করিবে সাক্ষাৎ।

[জনৈক অনুচরের প্রস্থান]

কোনু বেশে আমাদের প্রতিনিধি হয়ে

সাধিবে মোদের কাজ—পালিবে কর্তব্য?

জানেন আপনি, মোদের অনুপস্থিতি—

রাজ্যের সকল ভার হবে তার পরে।

আমাদের যাহা কিছু আছেয়ে ক্ষমতা—

মোদের সকল শক্তি—আদেশে-নিদেশে

সর্বজনে করে ভয়; আদেশ পালন,

যে-মান-মর্যাদা দেয়—সে-সবে তাহার

পূর্ণ অধিকার হবে। আচারে-ব্যভারে

রাজ-প্রতিনিধি হবে—সর্ব অধিকারে।

আমাদের প্রীতি-স্নেহ প্রদানিবে তারে

হৃদয়ে বিপুল শক্তি, কর্তব্যে উত্তম—

যোগ্য প্রতিনিধি হবে। কি বলেন ইথে?

এশকেলাশ। সমগ্র ভিয়েনা-রাজ্যে যোগ্যতর জন

নাহি আর—এই ভার করিতে বহন।

শিক্ষায়, চরিত্র-গর্বের এঞ্জেলো অতুল।

এই হেথা আসে দেখি অমাত্য এঞ্জেলো।

ডিউক। আসিছে এঞ্জেলো।

এঞ্জেলোর প্রবেশ

এঞ্জেলো।

তব চির-আজ্ঞাবহ

অধীন এ দাস। কহ, কি আদেশ আজি

করিব পালন, প্রভু?

ডিউক।

সুভদ্র এঞ্জেলো,

তব চিত্ত—যে-বা তার ঘানে পরিচয়—

সে-ই জানে,—কি বৈশিষ্ট্যে পূর্ণ চিত্ত তব।

পুণ্যময়, জ্ঞানময়, ধীর শান্ত মন।

নিজেরে, নিজের যা-কিছু আছেয়ে জগতে—

নহে নিজ-স্বার্থ-সেবী—পরার্থে প্রয়োগ

সকলি করেছ তুমি! আদর্শ জীবন!

তোমার হৃদয়-বৃত্তি বিধাতার ধ্বনি!

আলোক-বর্তিকা যেন জগতের পথে!

অপূর্ব কিরণ-রশ্মি করে বিকিরণ—

সে আলোকে পাহু পায় পথের নির্দেশ।

চিত্ত তব মধুময়—নাহিক গরল।

বিধাতা যে-গুণরাশি দিয়াছে তোমারে—

স্নেহ মায়া দয়া বিদ্যা—যুক্তহস্তে তাহা

বিতরণ করো তুমি বিশ্বের মানবে।

আত্ম-ভোলা স্বার্থহারা—হে স্নেহ-বৎসল!

কিস্ত বৃথা বাক্যব্যয়—যেন বিজ্ঞাপন!

পবিত্র মহিমা তাহে খর্ব করিব না ।  
শোনো কথা—জানো তুমি, যাবো দেশান্তরে  
পর্যটন লাগি ; দীর্ঘ করিব যাপনা  
দেশভাগী, বিদেশের পথে ও পর্বতে,  
বনে বা নদীর বক্ষে ; সেই কালচুকু  
রহিবে হেথায় তুমি মোর প্রতিনিধি—  
আমার কর্তব্য সব করিবে পালন ।

ভিয়েনার গুভাগুভ—সে-দায় তোমার !  
আমার সকল শক্তি, স্বার্থ, অধিকার—  
সে-সবার অধিকারী তুমি হেথা রবে ।  
প্রবীণ অমাত্যবর এই এশকেলাশ  
তোমার অধীন রবে । তুমিই প্রধান ।  
লহ এ নিয়োগ-পত্র । ( নিয়োগ-পত্রিকা দান )  
বড় শঙ্কা গণি !

মোর চিন্তা-ধাতু—তার কতখানি খাটী—  
নিকষে কষিলে ভালো হতো, মানি, প্রভু ।  
এ-গুরু দায়িত্ব-ভার বহিতে যোগ্যতা  
সত্য কি আমার আছে ? লাগিছে সংশয় ।  
ডিউক । বাক্য-জালে নিরস্ত করো না তুমি মোরে ।  
বহু যুক্তি-পরামর্শ-শেষে—এ সিদ্ধান্ত !

এ পদ-মর্যাদা রাখে, হেন জন নাই  
তোমা বিনা এ বিপুল ভিয়েনা-সাম্রাজ্যে ।  
কি তোমার শক্তি—আমি সবিশেষ জানি ।  
কতকাল দূরে রবো, নাহি তার স্থির ।  
যেখানেই রহি, দিব সমাচার তোমা—  
কুশল জানাবো বন্ধু । এখন বিদায় ।  
কর্তব্য-পালনে তুমি রহো অচপল,  
দৃঢ় নিরপেক্ষ সদা কলুষ-বহীন ।  
এঞ্জেলো । ভালো হতো—পার্শ্বে রহি সে শিক্ষা  
লভিলে

হুদিন অন্ততঃ—যাত্রা করিবার আগে ।

ডিউক । অবসর নাহি তার । কিসের সঙ্কোচ ?  
শোনো কথা, আমার মর্যাদা নাহি টোটে—  
তোমার বিবেক-বুদ্ধি না হয় সংহত,—  
হেন কার্যে তিলমাত্র দ্বিধা করিয়ে না ।  
আমার বা অধিকার—তোমায়ে তা, জেনো ।  
প্রয়োজন হলে—বিধি, নূতন অল্পজ্ঞা—  
রাজ্যের মঙ্গল ভরে করিয়ে প্রচার ।  
দাও বন্ধু, হাতে মোর দাঁও তব হাত,  
গোপনে বিদায় লবো । প্রজাদের আমি  
প্রাণে-প্রাণে ভালোবাসি—চাহিনাকো তাই,  
প্রকাণ্ড বিদায়—সবা' সন্মুখ অঁখি  
বিদায়ের বেদনায় দেখিতে মলিন !

চাহি না মিলিত কর্ণে জয়-রব ; অশ্রু  
অর্ন্ত বেদনায় ! আসি হে বন্ধু, বিদায় ।  
এঞ্জেলো । শিব হোক তব পথ, শুভ হোক প্রভু !  
যাত্রা হোক নিরাপদ, অগ্নান হৃদয় !  
এশকেলাশ । রাজ্যে তব শুভ হোক পুনরাগমন ।  
ডিউক । ধন্যবাদ লহ দৌহে । এখন বিদায় ।

[ প্রস্থান

এশকেলাশ । আমার মিনতি প্রভু, অবসর চাই—  
নিরালায় দুটো কথা শুধাবার আছে ।  
আমার কর্তব্য কিবা—জানিতে আকুল ।  
কি করিতে হবে মোরে—কোন অধিকার—  
তাহার নির্দেশ মাগি প্রভুর চরণে ।  
সে নির্দেশ-তত্ত্ব আমি কিছুই জানি না ।  
এঞ্জেলো । একান্ত বিমূঢ় আমি—আমিও জানি না ।  
দৌহে মিলি যুক্তি করি ; ভাবিয়া-চিন্তিয়া  
কর্তব্য নির্দেশ পরে হবে ।

এশকেলাশ । যথা আজ্ঞা ।  
আদেশের প্রার্থী আমি রবো প্রতীক্ষায় ।

[ উভয়ের প্রস্থান

## দ্বিতীয় দৃশ্য

পথ

লুশিয়ো ও দুই জন ভদ্র ব্যক্তির প্রবেশ

লুশিয়ো । আমাদের ডিউক বাহাজুর যদি অত  
ডিউকদের সঙ্গে মিলে হান্সারি-রাজের সঙ্গে একটা  
খোশ-আপোষ করতে না পারেন, তাহলে—  
কি আর হবে ? হান্সারি-রাজ ভয়ঙ্কর চাপ  
দেবে ।

১ম ভদ্র । হান্সারি-রাজের চাপ কে চায়, বাবা  
আমরা চাই আরাম !

২ ভদ্র । নিশ্চয়—তাতে আর সন্দ আছে !  
লুশিয়ো । তোমার কথায় সেই বোম্বের কথ  
পড়চে । জাহাজে বেরুবার সময় প্রভুর !  
আদেশ মাথায় করে সে বেরিয়েছিল—গুরু  
আদেশ দিয়েছিল মুছে !

২ ভদ্র । ‘চুরি করো না’—আদেশটা বুঝি ?

লুশিয়ো । তাই । সে লেখাগুলি মুছে দিয়েছি—

১ ভদ্র । বুঝেচি—জাহাজের কাপ্তেন, মাঝ-ম

সবাই ও-লেখা পড়ে চূপচাপ থাকতো

আর হলো না । তারা ধরলো চুরি ! এঁইগা

ফোঁজের যত গোরা-সেপাই—উপাসনায় যখন  
শান্তির প্রার্থনা জানানো হয় ভগবানের কাছে,  
তারা তখন কি খুশী-মনে না তাতে যোগ দেয়!

২ ভদ্র। এমন সেপাই আজ পর্যন্ত দেখলেম না যে  
শান্তি চায় না!

লুশিয়ো। এ কথা আমিও বিশ্বাস করি। তুমি  
সেপাই নও বলে এ-উপাসনায় কখনো যোগ  
দাও নি—নিশ্চয়?

২ ভদ্র। নিশ্চয় নয়।

লুশিয়ো। চুপ, চুপ। কে আসচে, ছাখো! শ্রীমতী  
ঠাকরুণ! আমাদের বিচিত্র-বিহারিণী দেবী।

১ম ভদ্র। ওঁর মন্দিরে গিয়ে কত ব্যাধিই যে আমি  
গায়ে মেখেছি...

২য় ভদ্র। অর্থাৎ?

১ ভদ্র। কত লোকের সঙ্গেই সেখানে জানাশুনা  
হয়েচে।

লুশিয়ো। তাদের মধ্যে বিচারক মশায় হলেন  
একের নম্বর।

২ ভদ্র। বছরে তিন হাজার ডলার তলবানা।

১ ভদ্র। তারো বেশী...

লুশিয়ো। ফরান্সী ক্রাউন ফাও!

২ ভদ্র। আমার মাথা খারাপ, ভাবচো? বেভুল  
বকচি? না। মাথা আমার খাশা আছে।  
তোমার ভুল। আমি খাশা আছি।

লুশিয়ো। যাকে খুশী বলে, তা নও কিন্তু! ও খাশা  
যেন সেই খালি কলসীর মত! কোঁপরা! তোমার  
হাড়ে মাংস নেই—সব কোঁপরা।

শ্রীমতী ওভারডনের প্রবেশ

১ ভদ্র। কি গো ঠাকরুণ—কোন পাছাটায় বাতের  
ব্যথা বেশী চাগাড় দিচ্ছে যে, মুখ অমন  
বেকিয়ে আছ!

শ্রী। হুঁ—খপর রাখো...এক জন ধরা পড়ে  
১ঘরে গেল? তার দাম তোমাদের পাঁচ হাজার  
বকে একত্তর করলে যা হয়, তার চেয়ে ঢের  
এ।

বা কে গো? কে সে?

কুড়িয়ো—কুড়িয়ো হুজুর-জী! বুঝলে?  
কুড়িয়ো চলেছে শ্রীঘরে! অসম্ভব!

২ অসম্ভব আজ সম্ভব হয়েছে। আমি নিজের  
মুখ দেখে আসছি, চোকিদার তাকে নিয়ে  
হচ্ছে। শুধু এই নয়—তিন দিন পরে হবে  
১০র কাঁশি—মুণ্ডচ্ছেদ!

লুশিয়ো। তামাসা নয়। সত্যি?

শ্রীমতী। এরকম মিছে তামাসায় আমার লাভ? আর  
এটি ঘটেছে ঐ জুলিয়েতের ব্যাপারে...

লুশিয়ো। হতে পারে। কেন না, আমাকে কথা  
দিয়ে ছিল, দু'বর্ষটার মধ্যে এসে আমার সঙ্গে দেখা  
করবে। আর কথার নড়-চড় সে জীবনে কখনো  
করেনি...

২ ভদ্র। তাহলে আমি যে কথা বলছিলাম, এ  
দেখচি তার রগ বেঁধে গেছে!

১ ভদ্র। ইস্তাহার-জারির সঙ্গে সঙ্গে ভারী জবর  
ব্যাপার, মোদ্দা!

লুশিয়ো। এখনি এ ব্যাপার জানতে হচ্ছে। সত্যিই  
কি...

[ ভদ্রঘরের সহিত লুশিয়োর প্রস্থান

শ্রীমতী। আমার বরাতে ছাই—শুধু ছাই! ওদিকে  
লড়াই—তাতে খাটুনি! এদিকে এই কাঁশি-কাঠ!  
না খেতে পেয়ে দশা যা হবে, আমার হাত-পা  
যেন পেটের মধ্যে সঁধিয়ে যাচ্ছে!

( পম্পির প্রবেশ )

কি খপর, পম্পি?

পম্পি। সে লোকটাকে জ্যাংলে নে গ্যালো।

শ্রীমতী। সে কি করেছে?

পম্পি। ম্যায়ে-মানুষ!

শ্রীমতী। তাতে এমন দৌব হলো...

পম্পি। নদীতে কচ্ছপ ধরতি গ্যালি তার কামড়  
খাতি হবা না?

শ্রীমতী। সত্যি রে—যা শুনেছিলাম? 'আইবুড়ো'  
মেয়ে—তার নাকি ছেলে হবে? আর সে ছেলে  
ঐ লোকটার জন্মি?

পম্পি। না—তার সঙ্গে ছ্যালো ঐ ম্যায়ে-নোকটা  
—আর একটা দাসী। দরবারী ইস্তাহার  
শোনোনি?

শ্রীমতী। কিসের ইস্তাহার?

পম্পি। সহরতলীর যত বাড়ী—সব ভেঙ্গে দেওয়া হবে।

শ্রীমতী। আর সহরের বাড়ীগুলোর কি হবে?

পম্পি। তারা অমনি খাড়া দাঁড়িয়ে থাকবে চির-  
জন্ম! ওগুলোও যাতো; কিন্তু ভারী এক  
ফিচেল চোর সেগুলোকে ভারী সামলিয়ে দ্যাচ্ছে।

শ্রীমতী। মানে, আমাদের বাড়ী—লোকে যেখানে  
আমোদ-আজাদ করতে আসে, সেগুলো সব  
ভেঙ্গে চুরমার করে দেওয়া হবে?

পল্লি। মাটীতে মিশিয়ে ধুলো! একেবারে ধুলো!  
 ক্রীমতী। এ আবার কি মনস্তর এলো দেশে! এঁা!  
 তাহলে আমার দশা কি হবে? কোথায় যাবো?  
 পল্লি। ভয় নেই ঠাকরুণ! আপনি এসো না  
 আমার সঙ্গে। ভালো উকিলের কি কোনো  
 কালে মক্কেলের অভাব হয় ঠাকরুণ? আস্তানা  
 বদলে ফ্যালো। আস্তানা বদলাবে বলে পেশা  
 তো আর বদলাচ্ছে না। আমি আছি, তোমার  
 তরিবৎ নকর, দূত...বা বলো! মনে ভরসা রাখো।  
 তোমার উপর লোকের দরদ আছে। বলে,  
 এ্যাঙ্গিন বসে কি কর্ণাটাই না করেচো পাঁচ জনের  
 আমোদের জন্তে! তোমার কথা তারা ভাববে বৈ  
 কি—নিচয়।

ক্রীমতী। চ বাপু এখান থেকে। পথে দাঁড়িয়ে  
 'এ-সব কথা কয়ে শেষে কি বিপত্তি বাধাবো?  
 পল্লি। ঐ যে রুডিয়ো হুজুর আসচে এদিক-পানে—  
 সঙ্গে দেখচি সর্দার-পাহারা। আরে, জুলিয়েত  
 ঠাকরুণকেও সঙ্গে দেখচি!

[উভয়ের প্রস্থান]

(কোতোয়াল-সর্দার, রুডিয়ো, জুলিয়েৎ ও  
 কর্মচারিগণের প্রবেশ)

রুডিয়ো। শোনো ভদ্র, যুখা কেন বিশ্বের সমুখে  
 হেন হীন হতভাগ্য সম লয়ে মোরে  
 পথে-পথে ফিরিতেছ! বন্দী আমি যবে,  
 লয়ে চলো কারাগারে—যেথা মোর স্থান।  
 কোতোয়াল-সর্দার। ছুট অভিসন্ধ-বশে এই রুতা  
 নহে।

পূজ্য প্রতিনিধি-প্রভু এঞ্জেলো দেছেন  
 বিশেষ আদেশ—তাই পথে লয়ে ঘুরি!  
 রুডিয়ো। হৃষ্মদ প্রভু—তার প্রমত্ত বিক্রম  
 দেবতারে পরাভব করে স্পষ্টাভরে!  
 অপরাধে দণ্ড দেয় ওজন বুঝিয়া!  
 যেন বিধাতার খড়্গ—যারে লক্ষ্য আছে,  
 তার শিরে পড়িবে নিশ্চিত! লক্ষ্য নাহি  
 যারে, নির্ভয় সে! বিচার—হাঁ, নিরপেক্ষ!

(লুশিয়ো ও সঙ্গী ভদ্রধরের পুনঃ প্রবেশ)

লুশিয়ো। কি ব্যাপার রুডিয়ো? এ বাঁধনের  
 হেতু?  
 রুডিয়ো। অতিরিক্ত স্বাধীনতা—বাধাহীন মুক্তি—  
 তার ফলে, হে লুশিয়ো, আজি এ বন্ধন।  
 জানো তো, অতির ভাগ্যে কি বা পরিণাম!

যেথা যত আতিশয্য—সেখায় বন্ধন!  
 অতি-ভোজে পরিণাম দীর্ঘ উপবাস।  
 যাহা চাই, পেতে চাই সীমাহীন ভাবে—  
 মানব প্রকৃতি ঠিক মুম্বিকের মত—  
 অতি-লোভে পিপাসায় সে যে করে পান  
 সমুখে যা পায়, তাই বিধে প্রাণ যায়।  
 লুশিয়ো।। চোঁকিদারের বাঁধন—এর ওপর এমন  
 বচন! আমার যদি এ শক্তি থাকতো, তাহলে  
 আমার পাওনাদারের দলকে ডাকিয়ে পাঠাতেম!  
 তবু সত্যি বলতে কি, তোমার বাঁধন বলো, আর  
 মুক্তি বলো, ছুয়ে আমার সমান তোয়াক্কা!  
 ...তা যাক, অপরাধটা তুমি কি করেছ! শুনি।

রুডিয়ো। সে কথায় শুধু ব্যথা খুঁচিয়ে তুলবে।

লুশিয়ো। খুন করেছেো না কি?

রুডিয়ো। না।

লুশিয়ো। অতি-লোভ?

রুডিয়ো। তাই এক রকম।

কোতোয়াল-সর্দার। আপনি যান মশায়।

রুডিয়ো। একটা কথা ভাই...লুশিয়ো, শোনো...

(তাহাকে একান্তে ডাকিল)

লুশিয়ো। এক কেন? শত কথা শুনিতে প্রস্তুত,  
 কহিতে প্রস্তুত—যদি শুভ হয় তাহে।

ভালো কথা, অতি-লোভ অর্থাৎ কি বলি,  
 রমণীর প্রতি লিপ্সা—তারো 'পরে শেষে

কোটারের লেগেছে গ্রহরা? বেশ! বেশ!

রুডিয়ো। মোর ভাগ্যে তাই ঘটয়াছে দেখি, বন্ধু।

বাক্যদান-সম্বন্ধে—জুলিয়েত-সনে

এক-শয্যা করেছি গ্রহণ—জানো তারে,

অন্তরে আমার পত্নী, আমি তার স্বামী।

শুধু সমাজের ছটা আচার-মন্তর—

সবারে ডাকিয়া বলা হয় নাই! শোনো...

তার আশ্রয়ে শুধু যৌতুক তাহার

গোপন করিয়া রাখে নীচ স্বার্থ হেতু—

আচারে-মন্তরে তাই সমাজের চোখে

এ বিবাহ-কথা আজো আছিল গোপন!

কিন্তু কি ছুঁদেব—হার, এ প্রেম-মিলন

বিরুদ্ধ ঘটনা-বশে করিল প্রচার,

জুলিয়েতে দিল লেপি কলঙ্ক-কালিমা!

দারুণ লজ্জার কথা! যুগ্য অপবাদ!

পুণ্য নামে পুতিপক্স মাথায় হাসিয়া!

লুশিয়ো। সম্ভান-সম্ভবা বালা?

রুডিয়ো। তাই। কি ছুঁদেব?



এ পলকে কলঙ্ক হানিল তীর শর !  
 ডিউকের প্রতিনিধি-পদের গৌরবে  
 নব শক্তি-অধিকার দেখাবার লাগি,  
 অথবা ভাবেন অশ্ব যত প্রজাগণে—  
 তাহাদের পৃষ্ঠে চড়ি চাহেন বুঝাতে,  
 রশ্মি টানি ষথা-ইচ্ছা পারেন চালাতে—  
 আদেশের অধিকার সকলে বুরুক—  
 আরোহীর কশাঘাত সহক মরমে !  
 কিবা অধিকার-গর্বে এই নিষ্মমতা !  
 কিসের লাগিয়া তাঁর এই নির্যাতন,  
 বুঝি না তা আমি । পুরানো আইন-বিধি  
 দীর্ঘ দীর্ঘ যুগ ধরি ব্যাভার-অভাবে  
 জীর্ণ পচা পড়েছিল কেতাবের পাতে  
 নির্জীব মূর্তের প্রায়—খোঁচায়ে সে-সবে  
 তীক্ষ্ণ শরগুচ্ছ সম জীর্ণতা-খোলশ  
 ছিঁড়িয়া বিঁধিল মোরে তীর অকস্মাৎ !  
 হেতু এর বুঝি,—কীর্তি ! গুণ নাম কেনা !  
 লুশিয়ো । যা বলচো ! এ ছাড়া অন্য কারণ তো  
 দেখতে পাচ্ছি না ! তোমার মাথাটা দেখচি,  
 ঘাড়ের উপর পল্কা-ভাবে বসানো—এমন  
 পলকা যে কোনো গোয়ালিনী-বঁধু যদি প্রেমে  
 পড়ে তোমার মাথার পানে চায় তো বুক-ভরা  
 নিশ্বাস ছাড়বে ! আহা, তা এক কাজ করে !  
 ডিউক বাহাদুর কোথায় আছেন, সন্ধান নিয়ে  
 তাঁর পায়ে গিয়ে মিনতি জানাও, আপীল করে ।  
 রুডিয়ো । লয়েছি সন্ধান তাঁর—মেলেনি নির্দেশ ।  
 লুশিয়ো, তোমার সাথে দেখা হলো হবে—  
 একান্ত মিনতি মোর—রাখো মোর কথা—  
 ইশাবেলা ভগ্নী সম আজি মঠে যাবে—  
 সেথা তার ঠাই হবে—মিলেছে অহুজ্জা ।  
 তারে গিয়ে বলো এ সংবাদ—মোর কথা ।  
 মোর হয়ে বলো তারে, সজল মিনতি—  
 প্রতিনিধি-সনে যেন করে সে সাক্ষাৎ,  
 মোর রক্ষা-হেতু যেন জানায় কাকুতি !  
 তার সে কাকুতি'পরে আছে মোর আশা ।  
 তরুণী সে ! রূপে তার দিব্য কাস্তি-বিভা,—  
 বাকুহীন হবি তার—উপজিবে মায়া !  
 তরুণীর সাক্ষ-আখি—চিতে দিবে দোলা ।  
 জানে সে অনেক রীতি—যুক্তিতে-বচনে  
 নিষ্ঠুর এঞ্জেলো—সে'ও হবে বিচলিত,  
 এ দণ্ড করিবে প্রত্যাহার । বলো তারে—  
 প্রাণ মোর—রক্ষার উপায় তার হাতে !  
 সে যেন প্রয়াস পায়—বাঁচাতে আমারে ।

লুশিয়ো । তা পারে—হ্যাঁ, পারে । তার সঙ্গে আমি  
 গিয়ে এখনি দেখা করবো । চেষ্টা সে করবে  
 বৈ কি । নাহলে খামোকা যা-তা একটা দেশার  
 জন্তে তোমার প্রাণটা যাবে ! না, আমি  
 এখনি গিয়ে তাকে সব কথা বলচি ।  
 রুডিয়ো । মৃতবৎ রহি আমি । বহু ধন্বাদ ।  
 লুশিয়ো । হুঁশটার মধ্যে ছাখো, সব গুলট-পালট  
 হয়ে যাবে ।

রুডিয়ো । কোথায় প্রহরী ? চলো, কোথা লয়ে যাবে !

[ সকলের গ্রন্থান

## তৃতীয় দৃশ্য

মন্দির-সংলগ্ন মঠ

ডিউক ও সন্ন্যাসী টমাসের প্রবেশ

ডিউক । না, না, আর্ধ্য, এ চিন্তা করহ পরিহার ।

প্রেম-শরে সারা বক্ষ বিধি জর-জর

করিবে, এমন কথা করো না প্রত্যয় ।

আমার হেথায় আসা—নহে প্রেম-হেতু !

কেন আসি ? মাগি হেথা গোপন-আশ্রয় ?

তাহার উদ্দেশ্য আছে—গভীর উদ্দেশ্য—

অতি-গুরু ! তীব্র বহি সম হৃদয়ের

তরুণ উদ্দাম-বৃত্তি-বশে আসি নাই ।

প্রেমার্ভ আদৌ নহি—প্রণয়ের জ্বালা

এ হৃদয়ে শেল সম বাজে নাই কভু ।

টমাস । কি উদ্দেশ্য—কহিবে কি ?

ডিউক । তুমি ভালো জানো আর্ধ্য, এ বিজন-বাস ।

সংসারের কলরব-রঞ্ঝা-অন্তরালে

আমার প্রাণের প্রিয় কত ! কিবা শান্তি,

কিবা সুখ এ বিজন-বাসে—বুঝি আমি ।

রাজপুরী মাঝে সেথা নিত্য চাটু-বাণী !

স্বার্থ গুণু ইষ্ট খোঁজে—অভীষ্ট-বিলাস !

যৌবনের মত্ত দর্প, শৌর্য্যের ব্যাখ্যান—

কিবা তার প্রয়োজন বুঝি না জীবনে ।

বিবেক-বিচারে দৃঢ় সংযমী নির্লোভ

এঞ্জেলোর হাতে তাই সঁপি রাজ্য-ভার,

আমার সকল শক্তি, সব অধিকার,

আমার আসনে তারে প্রতিনিধি রাখি

আসিয়াছি তীর্থ-বাসে । এঞ্জেলো জানান,

পোলাণ্ডে করেছি যাত্রা সুদূর হুগ্‌মে ।

গোপনে বিদায় নিছি ছদ্ম দীনবেশে—

সকলে জেনেছে, আমি গিয়াছি পোলাণ্ডে !  
 হয়তো আমারে প্রশ্ন করিবে আচার্য্য,  
 বিচিত্র এমন কেন হেন অভিনয় ?  
 টমাশ। জানিতে অধীর বৎস। কেন এই সাধ ?  
 ডিউক। রাজ্যে বহু বিধি আছে কঠিন নির্মম—

দুরন্ত অশ্বের সম আঘাত-উদ্ধত ;  
 সে বিধি-পালনে মহা উদ্ধাম রণ্যার  
 হবে সমাবেশ। চৌদ্দ বর্ষ ধরি আজ  
 সে-বিধি ঘুমায় যেন নিবিড় গুহায়  
 দুরন্ত সিংহের মত ক্রুর হিংসা ভুলি।  
 জানো আর্ঘ্য, স্নেহময় পিতৃগণ যথা  
 তুলিয়ে পল্লব-শাখা রোষের ছলনে  
 বালক-পুত্রের প্রাণে সঞ্চারিয়া ভয়—  
 শাখা-বেত্র আফালনে, করে না আঘাত—  
 পুত্রগণ পিতার সে-আফালন হেরি  
 ভয়-হারা নেত্রি করে একান্ত উপেক্ষা ;  
 তেমতি এ বিধি আর শাসন-আচার  
 দীর্ঘ অব্যবহারে সে উপেক্ষা লভিছে।  
 মুক্তি তাই বাধা-বন্ধ মানে না কো আর—  
 দুর্শ্মদ, দুর্নীতি-ঘোরে মগ্ন জনে-জনে।  
 বেত্রে উপেক্ষিয়া যথা বালকের দল  
 ধাত্রীয়ে প্রহার করে সঙ্কোচ-বিহীন—  
 রাজ্যে তথা অনাচার-দুর্নীতিতে মাতি  
 বহু প্রজা ভয়-হীন মত্ত স্বেচ্ছাচারী।

টমাশ। তাই যদি—সে প্রাচীন শাসনের বিধি  
 ঘুমায় যে আছে, তারে জাগাতে পারিতে  
 নিজে ভুমি। রাজ্য তব—বিধি সে তোমার।  
 সে রীতি-প্রয়োগ হতো না কো তব হস্তে  
 ভয়াল কঠিন রূঢ় ! হতে পারে বিধি  
 প্রচণ্ড নির্মম জেনো, নূতন এ-জনে,  
 দুর্দণ্ডের প্রতিনিধি এঞ্জেলোর হাতে !  
 ডিউক। সে বিধি-বিধান—মোরে বাজে স্মৃষ্টি।

সে বিধি আমার হাতে হয়েছে লজ্বন—  
 সে আমার অপরাধে, মোর ওঁদঙ্গীক্রে !  
 প্রজাদলে কেহ কেহ অনাচারী আজ—  
 মোর অপরাধে পাপ ! সে পাপের দণ্ড  
 আমি দিব নিজ হাতে ? বড় অশোভন !  
 প্রশ্রয় সে আমি দিছি, আমার প্রশ্রয়ে  
 ক্রুর অনাচার-সর্প তুলিয়াছে ফণা !  
 সে সর্পে পুষেছি আমি মায়ী-দুগ্ধ দানে—  
 এখন মারিতে তারে বড়ই সঙ্কোচ !  
 পাপে-অনাচারে আমি বাড়ায়ে প্রশ্রয়ে  
 আজি শাস্তি দিতে চাই, সে নহে উচিত !

তাই প্রভু, এঞ্জেলোরে দিয়াছি এ ভার—  
 মোর প্রতিনিধি-রূপে এ পাপ নাশিবে।  
 রাজ্য ছাড়ি তাই আমি করিব ভ্রমণ  
 দেশে দেশে সন্ন্যাসীর সাধু-সঙ্ক-কামী ;  
 সাধারণ প্রজা সনে করিব মিতালি।  
 রাজ্য-প্রজা সম-বন্ধু আজিকে আমার।  
 তাই প্রভু চরণে মিনতি আজি মম—  
 সন্ন্যাসীর বেশ-ভূষা প্রদানো আমারে—  
 শিক্ষা দাও দেহে-মনে পুণ্য আচরণ !  
 কেন এই সাধ, পরে কহিব বিশেষ।  
 তবে ইহা জানি বেশ, এঞ্জেলো সূজন—  
 খাঁচী সোনা, কর্তব্যে অচল নিষ্ঠা তার ;  
 ধমনীতে রক্তস্রোত বহিতেছে—তবু  
 সকলি সহিতে পারে ! ক্ষুধা-পিপাসায়  
 বিকল দেখিনি কভু ! বিধি যেন তারে  
 গড়েছেন কঠোর কর্তব্য করি ! দেখি,  
 গুরু-কার্য্য-ভারে তার সে চিত্ত কেমন—  
 পদ-গর্বে অবিচল অথবা চঞ্চল !

## চতুর্থ দৃশ্য

নারী-মঠ

ইশাবেলা ও ফ্রান্সিস্কার প্রবেশ

ইশাবেলা। আর কি-বা আছে অধিকার ?  
 ফ্রান্সিস্কা। কহিছ যা,  
 সূপ্রচুর নয় তাহা ?  
 ইশাবেলা। মানি, সূপ্রচুর।  
 ইহার অধিক আমি চাই—তা বলি না।  
 দেবীর চরণে যারা সঁপে কায়-মন—  
 আচারে-ব্যভারে চাই নিয়ম-সংযম।  
 বুঝি তাহা ভালোমতে, স্বেচ্ছাচার নয়।  
 লুশিয়ো। (নেপথ্য হইতে) মঞ্চল হোক !  
 কে আছে ?

ইশাবেলা। কে যেন ডাকিছে !  
 ফ্রান্সিস্কা। পুরুষের কণ্ঠ—মানি।  
 ইশাবেলা, লহ চাবি—খোলো গিয়া দ্বার।  
 দ্বাখো কে-বা—কেন হেথা—কোন প্রয়োজনে ?  
 তুমি যেতে পারো। গিয়া করহ সাক্ষাৎ।  
 সাক্ষাতে আমার আজি নাহি অধিকার।

দীক্ষা লভি মঠধারী হবে যে-রমণী—  
 পুরুষের সনে দেখা—নিষেধ তাহার।  
 মঠাধিকারিণী দেবী—তাহার সাক্ষাতে  
 পুরুষের সনে দেখা—বাক্যালাপ শুধু।  
 এখনো তোমার দীক্ষা হয় নাই! তুমি  
 দেখা কর—কথা কহ। দেখায়ো না মুখ,—  
 গুণ্ডনের আবরণে রাখিয়ো ঢাকিয়া।  
 কিম্বা মুখে আবরণ না রাখিতে চাহো,  
 কথা কহিয়ো না। জেনো, মঠের নিয়ম।  
 ডাকে পুনঃ। কহ কথা। কিবা প্রয়োজন?

[প্রস্থান]

ইশাবেলা। মঙ্গল,—মঙ্গল হোক! কে করে আহ্বান?

লুশিয়োর প্রবেশ

লুশিয়ো। নতি লহ হে স্নন্দরী। মনে লাগে মোর  
 গোলাপী কপোল হেরি—কুমারীই বটে!  
 হেথা আমি আগন্তুক—আসিনি কখনো—  
 জানি নে কো কোনো বার্তা! এই মঠ-গৃহে  
 কোথা দেখা হতে পারে ইশাবেলা-সাথে?  
 হুর্ভাগা রুডিয়ো বন্ধু—তিনি ভগ্নী তার।  
 ইশাবেলা। হুর্ভাগা রুডিয়ো! কেন হেন কথা বলো?  
 কি হয়েছে? ভাগ্য কেন করিল ছলনা?  
 এ প্রশ্নে বিস্ময় মানো? নাহিক বিস্ময়!  
 আমি সেই ইশাবেলা—রুডিয়ো-ভগ্নিনী।  
 লুশিয়ো। শোনো ভদ্রে, ভ্রাতা ভব বার্তা পাঠায়েছে।  
 বুখা বাক্য-জাল রচা নাহি প্রয়োজন।  
 ভ্রাতা ভব ভাগ্যদোষে কারাবাসী আজ।  
 ইশাবেলা। কারাবাসী! হয় ভাগ্য!

কোন অপরাধে?

লুশিয়ো। অপরাধ!...আমি যদি হই বিচারক—  
 বলি তবে—কারাবাস লঘু দণ্ড তার।  
 সরলা-কিশোরী বন্ধু—সহবাস-পাপে  
 অন্তবর্দ্ধী! কুমারীরে করে কলঙ্কিনী!  
 ইশাবেলা। গল্প-কথা শুনায়ে না মোরে, মহাশয়।  
 লুশিয়ো। গল্প নয়—সত্য কথা। গল্পে কোন কাজ?  
 যদিও প্রকৃতি মোর একান্ত চপল—  
 কুমারী কিশোরী-দলে হাস্য-পরিহাস,  
 মিথ্যা গল্পে করি নিত্য কৌতুকের খেলা  
 রঙ্গ-ভরে—নারী লয়ে চিত্ত-হীন লীলা!  
 তবু ভদ্রে, সত্য কহি। হেরি রূপ ভব  
 চটুল খেলার নয়; মর্যাদা-সম্মানে  
 সত্যই মহিমাময়—না করি কৌতুক!

সংসারের মলিনতা করি পরিহার—  
 কি স্বর্গীয় জ্যোতিঃপুঞ্জ গরিমা-কিরণ  
 দিব্য বিভা-দীপ্তি হেরি! মিথ্যা কহিব না—  
 দেবী তুমি—রহস্যের যোগ্য নারী নহ!  
 ইশাবেলা। এ ব্যঞ্জে দিতেছ কালি স্ফটিকিত-জনে।  
 লুশিয়ো। নহে, নহে, নহে ইহা পরিহাস-বাণী।  
 অধিক কথায় ভদ্রে, নাহি প্রয়োজন।  
 সরল সত্য যা, কহি অতীব সংক্ষেপে।  
 ভ্রাতা তব—প্রণয়িনী-কিশোরী-মিলনে  
 পুলক লভিল ঘোর—বসন্ত-বাতাসে  
 পল্লবিনী-মিলনেতে যথা পুষ্প জাগে—  
 গল্পব-গোরব-স্বথ! ভ্রাতা ভব তথা  
 কিশোরী প্রেমিকা সনে মিলনের বশে  
 পুষ্পিতা করেছে তায়। গর্ভে তার আজি  
 শিশু-পুষ্প-মুকুলের উদয় সম্ভব!

ইশাবেলা। পুত্রবতী প্রণয়িনী! নাম জুলিয়েৎ?  
 ভগ্নী মোর দূর-সম্পর্কিতা।

লুশিয়ো। সম্পর্কে ভগ্নিনী?  
 ইশাবেলা। বিদ্যা-পীঠে সহতীর্থী বান্ধবী আমার।  
 স্নেহে ভগ্নী, ইহাই সম্পর্ক আমাদের।  
 লুশিয়ো। সেই বটে! জুলিয়েৎ নাম।  
 ইশাবেলা। ভ্রাতা তারে করুক বিবাহ।  
 লুশিয়ো। ঠিক কথা!

ডিউক এ রাজ্যে নাই, গেছেন বাহিরে  
 দীর্ঘপর্ষটনে! কোথা, জানে না তা কেহ।  
 লোক-মুখে শুনি, নাকি বহু দূর দেশে।  
 কি উদ্দেশ্যে তিনিই জানেন। তাই তাঁর স্থানে  
 প্রতিনিধি আজি হেথা শাসন-আসনে  
 এজেলো। হৃদয় তার পাষাণের মত—  
 শিরায় শোণিত যেন তুহিনের ধারা!  
 চিত্তের পুলক-ব্যথা কিছু নাহি বোঝে।  
 শুধু পাঠ, শাস্ত্রচর্চা, দারুণ সংযম—  
 কঠোর তপস্বী সম আচার-ব্যভার।  
 হাসি নাই, অশ্রু নাই, পাষাণ-মূর্তি!  
 ছিল যাহে সকলের মুক্ত স্বাধীনতা—  
 অবোধ-প্রসারে ভারে চায় খণ্ডিবারে  
 আইন-নখর-চাপে! সিংহ যথা ধরে  
 ক্ষুদ্র মুখকেরে দেবি আপন কবলে,  
 তেমনি প্রাচীন এক জীর্ণ বিধি টানি  
 ধূলির জঞ্জাল হতে করেছে বাহির।  
 সে বিধির ভরে আজি সহোদর ভব  
 দলিত পেয়িত দেখি, বন্দী শৃঙ্খলিত!  
 তারেই দৃষ্টান্ত করে বিধি-ভঙ্গ-পাণে।

কোন আশা নাই, সেই নির্ভর বর্বর—  
তাহার কবল হতে উদ্ধারের, দেখি।  
কাকুতি-মিনতি সব একান্ত নিষ্ফল !  
তাই দেবি, স্করণ প্রার্থনা ভ্রাতার—  
তোমাতে যাইতে হবে এঞ্জেলোর কাছে  
করণ জাগাতে তার। মিনতিতে তব  
যদি আর্দ্র হয় চিত্ত—সে তোমার গুণে !  
সেই হেতু তব পার্শ্বে আসিয়াছি আমি  
ভ্রাতার করণ দীন প্রার্থনা বহিয়া।

ইশাবেলা। প্রাণ দিতে হবে তাকে আইনের বলে ?  
শ্রিয়ো। এমন তো গুলিলাম কোটালের পাশে।

পরোয়ানা দেখিয়াছি কারাবাস-হেতু।  
আরো লেখা আছে—মৃত্যু-দণ্ড সমুচিত।

ইশাবেলা। হায়, কি শক্তি মোর আছে হেন, যাহে  
প্রাণ তার রক্ষা পাবে ?

শ্রিয়ো। আছে সে শক্তি।

ইশাবেলা। আমার শক্তি ! দারুণ সংশয় হেরি।

শ্রিয়ো। এ সংশয় মিথ্যা জেনো, নাহি ভিত্তি তার।

মিথ্যা সংশয়ের ভারে বহু ক্ষেত্রে মোরা  
অলস রহিয়া যাই—না করি প্রয়াস—  
অদৃষ্টে ব্যর্থতা ঘটে ! না রাখি সংশয়  
চলো এঞ্জেলোর পাশে—জানাও মিনতি।  
বুঝুক সে, নারী যদি মিনতি জানায়,  
দেবতা রহিতে নারে তাহে অবিচল—  
সে তো অতি ছার, তুচ্ছ ! অশ্রুযুগী নারী  
নত-জানু পদপ্রান্তে করণ-নয়না—  
তাহার প্রার্থনা কত না হয় নিষ্ফল  
এ ভুবনে ! পুরুষের কঠিন হৃদয়  
শত পণ ভেঙ্গে গেছে নারী-আঁখি-জলে।

ইশাবেলা। দেখি, কি করিতে পারি।

শ্রিয়ো। স্বরা করা চাই।

ইশাবেলা। এখন কিরিত দেখা—হবে না বিলম্ব।

গুধু মঠ-ঠাকুরাণী পাশে কথা কহি  
তাঁর অনুমতি লবো যাইতে বাহিরে।  
ধন্যবাদ মহাশয় ! বলো সহোদরে,  
প্রাণ দিয়া তার প্রাণ করিব রক্ষণ।  
বার্তা পাবে আজি রাত্রি।

শ্রিয়ো। আসি আমি, দেবি।

ইশাবেলা। এদো ভদ্র—মাগি তবে বিদায় এখন।

“[ বিভিন্ন দিকে প্রস্থান

## দ্বিতীয় অঙ্ক

### প্রথম দৃশ্য

এঞ্জেলোর গৃহ-সংলগ্ন অলিন্দ

এঞ্জেলো, এশকেলাশ, একজন বিচারক, কোতয়াল-  
সদ্বার, কর্মচারিগণ ও অন্ত অমুচরগণের  
প্রবেশ

এঞ্জেলো। এই বিধি ! ইহারে না করিব আমরা

বিভীষিকা-শকুনের প্রায়—জাগাইতে  
শীকারী পক্ষীর চিত্তে অলীক আশঙ্কা—

মূর্ছাতুর রবে পড়ে নিতান্ত নির্জীব—  
অক্ষম, অশক্ত অতি অলীক, অলস—

সর্ব শক্তি পরিত্যজি আসিয়া সকলে  
আশ্রয় করিবে এরে নীড়ের মতন !

এশকেলাশ। তবু এবে হেন রুদ্র দীপ্ত তীব্র তেজে

মারণ-উন্মুখ করা—উচিত কি হবে ?

মুগ্ধ শাণিত করো—হোক অল্প জালা,

সূচী সম বিদ্ধ হোক ! খজের মতন

দ্বিখণ্ড করিয়া মৃত্যু হানা—নির্মমতা !

এই যে তরুণ ভদ্র—পিতা এর ছিল

সম্ভ্রান্ত সন্মানী উচ্চ ! পারিতাম যদি  
বাঁচাতে ইহারে,—আমি বাঁচাতেম ধ্রুব।

তবু এক কথা আছে—বলা সমীচীন।

জানি, তুমি সত্য-পথে নির্ভর্য সূদৃঢ়—

বয়স, ঘটনা-চক্র—সে মর্য় জানিলে

ব্রিজে, যে-কার্য্য লাগি অপরাধী-এরে

বিচারে দিয়েছ দণ্ড—সে কি গুরু পাপ ?

তরুণ বয়সে অতি-অনায়াস মোহে

নিমেষে উপজে ভ্রান্তি—বিশেষ যখন

কারো ক্ষতি, অনিষ্ট ঘটেনি ইথে—

হেন কর্মচক্র মাঝে পড়িলে আপনি

কি হইত—ভাবি এরে করিতে মার্জনা !

কঠিন বিধির বশে প্রাণ লইতে না !

গলো। প্রলুব্ধ ? সে এক কথা, প্রিয় এশকেলাশ—

পতন আরেক কথা ! স্বীকার তা করি।

যেই জুরি-দল দেছে মৃত্যুদণ্ড এরে,

সে দ্বাদশ-জন মাঝে কেহ নাহি চোর

অথবা বঞ্চক ? কিবা হীনতর পাণী ?

আছে, আছে ! তবু যবে বিচারের তৌল

পরিমাপ করে কারে—দোষীর বিচার

সমুচিত ;—তাহার উপেক্ষা অপরাধ !

চোর কত বিধি রচে চোরের সমাজে—  
কে তার সংবাদ রাখে ? পথে চলে যেতে  
যে-মণি নয়নে পড়ে, কুড়াইয়া লই ;  
যে-মণি চোখে না দেখি, পায়ে চূর্ণ হয় ।  
না-দেখা মণির কথা জাগে না এ-মনে,  
করি না তাহার চিন্তা । দোষ আছে মোর—  
তা বলিয়া অপরের সে-দোষে মার্জনা—  
এই যুক্তি নাহি মানি । তাহে দোষ তার  
লঘু নয় তিলমাত্র ! স্পষ্ট বলি তবে,—  
এ-দোষে আমার চিত্ত যদি দোষী ছাখো,  
আমারে বিচার-মতে প্রাণদণ্ড দিয়া ।  
পক্ষপাতহীন আমি বিচার-ধরমে ।  
মিনতি-কাকুতি কারো নারিব গুণিতে ।  
অপরাধী এ তরুণ— মরিবে নিশ্চয় ।

এশকেলাশ । তব জ্ঞান-বুদ্ধি-মতে তাই হোক তবে !  
এঞ্জেলো । কোথায় কোটাল ?  
কোতোয়াল-সদ্বার । হেথা আছি প্রভু ।  
এঞ্জেলো । তব পরে দিম্ব ভার । কালিকে প্রভাতে  
নবম-ঘটিকা-ঘাতে মরিবে রুডিয়ে।  
কাশি-কাঠে । যথাকালে আচার্য্যে ডাকিয়ো—  
মরণের পূর্বে কিছু বলিতে সে চায়—  
বলি প্রায়শ্চিত্ত তার করিবে হুঁজুগা ।  
পরলোক-স্বাত্মা তার হবে নিরাপদ !

[ কোতোয়াল-সদ্বারের প্রস্থান ]

এশকেলাশ । ভগবান, ভগবান, ক্ষমা করো মূঢ় !  
ক্ষমা করো আমাদের সব-অপরাধ !  
পাপে ভর করি' হেথা কেহ তোলে শির—  
পুণ্যেরে করিয়া ভর কাহারো পতন !  
বহু-পাপে মুক্তি হেথা পায় কত জন—  
কেহ লঘু ক্রটি-বশে গুরুদণ্ড পায় !

ফ্রথ এবং পম্পির সহিত এলবো ও

কর্মচারিগণের প্রবেশ

এলবো । এসো—এখানে ওদের আনো । অভদ্র  
জায়গায় টেচামেচি করা যাদের কাজ, তারা যদি  
ভালো মানুষ হয়, তা হলে মিছে আমি আইনের  
নোকরি করে মরচি ! আনো ওদের এইখানে ।  
এঞ্জেলো । ব্যাপার কি ? কে তুমি ? তোমার নাম ?  
কি হয়েছে ?

এলবো । শুনুন তবে ধর্ম্মাবতার—আমি হলুম গায়ের  
চৌকিদার । আমার নাম এলবো । আমি হজুর,  
আইনের চাকর । হজুরের পায়ে এনে হাজির  
করেছি দুটো ভীষণ উপকারীকে ।

। উপকারী ! কোথায় কাদের উপকার  
করে বেড়াচ্ছে ?...অপকারী বদশায়েস বলে...  
এলবো । হজুর যদি বলেন, তবে তাই । আমি  
মুখ্য মানুষ, কি করে জানবো এরা কি রীতের  
মানুষ, হজুর ? তবে এরা যে ভয়ঙ্কর পাজী,কোনো  
পাপকে পাপ বলে ডরায় না, সে কথা  
হজুর, আমি হলফ করে বলতে পারি । খ্রীষ্টানরা  
যে সব অপকর্ম্ম করে বেড়ায়, এরা তার কিছু  
করে না হজুর !

এশকেলাশ । এবারে ঠিক কথা বলেছো বাপু !  
তোমার কথা শুনে মনে হয়, তোমার বুদ্ধি  
আছে ।

এঞ্জেলো । যাক, ব্যাপার কি, বলো ? তোমার  
নাম বললে, এলবো ! না ?...কথা কইচো না  
কেন এলবো ?

পম্পি । ওর বাক্য লোপ পেয়েচে হজুর ! কি করে  
আর কথা কইবে ?

এঞ্জেলো । তুমি কে ?

এলবো । ও ? হজুর, ও হলো বাউগুলে বেশাস্ত ।  
একটা বদ মেয়েমানুষের কাছে চাকরি  
করে । সম্প্রতি তার বাড়ী ভেঙ্গে দেওয়া হয়েছে  
হজুর, আইনের জোরে । এখন সে মাগী এক  
দোকান খুলেচে । সে দোকান হজুর, তার সেই  
বাড়ীর মত বিক্রী নোঙরা...

এশকেলাশ । তুমি কি করে জানলে ?

এলবো । আমার পরিবার হজুর,—তাকে আমি  
হুঁচক্ষে দেখতে পারি না—তাকে আমি ভয়ঙ্কর  
ঘেন্না করি...

এশকেলাশ । পরিবার ! তোমার জ্ঞী ?

এলবো । ইত্তিরী হজুর । মনে-জানে তাকে আমি  
খুব ভালো বলে জানি, হজুর...

এশকেলাশ । সে ভালো বলে তাকে ঘেন্না করো ?  
হুঁচক্ষে দেখতে পারো না ?

এলবো । তাকে আমি ঘেন্না করি হজুর, নিজেকেও  
ঘেন্না করি । ঐ বাড়ী...হতভাগা লক্ষ্মীছাড়া  
বাড়ী ! ওটা বেগা-বাড়ী হজুর—ভারী বিক্রী  
কত্থিয়া বাড়ী ।

এশকেলাশ । তুমি কি করে জানলে ?

এলবো । আমার পরিবারের মধ্যে জানতে হয়েছে,  
হজুর । পুরত যদি মস্তুর পড়ে ওর সঙ্গে আমার  
বিয়ে না দিত হজুর, তাহলে কি কত্থিয়া ব্যাপারই  
না ঘটতো ! ওঃ ! রাহাজানির মামলায়  
পড়তে হতো !

এশকেলাশ। পরিবার নাশিশ করতো ?  
এলবো। ঐ ওভারডন বলে' মাগী—সে ষটাতো  
মত অনর্থ। কিন্তু এর মুখে সে খুৎকড়ি দিলে—  
ঐও দিলে তাকে রদা!

পম্পি। মিথ্যা কথা বলচে, হজুর।  
এলবো। তোর সাক্ষী ডেকে সাবুদ কবু পাঞ্জী  
যে, আমার কথা মিথ্যা! তুই যে ভারী  
মানী লোক, তা সাবুদ কবু।

এশকেলাশ। দেখচো—কি থেকে কি কাণ্ড গড়ে  
তুলেচে!

পম্পি। হজুর, সে এলো—তার পেটে ছেলে—কিছু  
খাবার চাই বলে'। আমাদের ওখানে ছিল ছু'-  
টুকরো মোরকা। ফলের রেকাবীতে ছিল।  
কম-দামী রেকাবি। 'সে-র কম রেকাবি হজুর  
ঢের দেখেছেন—চীনে-মাটির তৈরী নয়।  
না হলেও রেকাবি ভালো...

এশকেলাশ। রেকাবির কথা রেখে আসল কথা  
বলো।

পম্পি। ঠিক বলেছেন হজুর। রেকাবি রেখে আসল  
কথা আমি বলি। এই এলবো, হজুর—পোয়াতি  
মেয়েমানুষ—এত-বড় ডাগর পেট—এসে বললে,  
ঐ মোরকা চাই। আমি বললেম, দুটি মাত্র  
পড়ে আছে—এই ফ্রথ বাকী মোরকা খেয়ে  
ফেলেছে—খেয়ে দাম দিচ্ছে। তুমি তো জানো  
ফ্রথ, বলো না, তোমার পাওনা ছিল তিন পেনি।  
নগদ পেনি দিতে পারলেম না।

ফ্রথ। না।

পম্পি। মনে আছে, তুমি সেই ফলগুলোর বীচি  
ছাড়ালে মাটিতে আছড়ে...?

ফ্রথ। খুব মনে আছে।

পম্পি। আমি বললেম, এ ফলে ভারী ক্ষিদে হয়...  
কি বলো? নয়?

ফ্রথ। ই্যা, হজুর।

পম্পি। তার পর...

এশকেলাশ। থাম হতভাগা! আসল কথা যা  
বলছিলি, বল। পরিবার এলো, বলছিলি—তার  
কি হলো? তাকে মেরেছিলি? না, কি  
করেছিলি।

পম্পি। না হজুর—এখনি ও কথা কি! তার আগে...

এশকেলাশ। বলো—কি হয়েছিল?

পম্পি। সেই কথাই বলছি, হজুর। চেয়ে দেখুন  
ঐ ফ্রথের দিকে। বয়স হয়েছে চার-কুড়ি। ওর  
বাপ মারা যান হ্যালোমাসের দিনে। না ফ্রথ?

ফ্রথ। হ্যালোমাসের আগের দিন, হজুর।

পম্পি। তাই, তাই। মিছে কথা বলবো না  
হজুর—যা সত্যি, তাই বলবো। একটা কেদারায়  
বসেছিল—নীচু কেদারা, হজুর—আঙুর-বনের  
ধারে। তেমন জায়গায় কে না বসে? হজুররাও  
অমন কত বসেচেন।

ফ্রথ। ঘরের মধ্যে হজুর, চার দিক খোলা—তখন  
আবার শীতকাল।

পম্পি। ঠিক, ঠিক। মিছে কথা পাবেন না হজুর—  
সব সত্যি বলচি।

এঞ্জেলো। যে ভাবে কাহিনী শুরু—সারা রাত্রি যাবে,  
তবু শেষ হবে না কো! কুশেও তা নয়—  
সেখানে রাত্রিটা হয় অতি দীর্ঘ, শুনি।

বহু কথা বলিয়াছ—অবসর নাই  
আর বেশী শুনিবার। চলিছ এখন।

তোমরা এ মামলা শুনি করহ বিচার।

পাবো, কবে চাব্কায়ে দিয়ো ক'জনায়।

এশকেলাশ। আমরা তাহাই মত! বিদায় এখন।

[ এঞ্জেলোর প্রস্থান ]

এসো, গল্প বলো তব। করো তার শেষ।

কি করেছ এলবোর পত্নীর ব্যাভার?

আর-বার অবসর দিহু বলিবারে।

পম্পি। কথা বেশী নয়, হজুর, কথা একটুখানি। সে  
কথা হচ্ছে এই যে, তাকে কিছুই করা হয়নি।

এলবো। দোহাই হজুর! ওকে বলুন, সত্যি কথা  
বলতে। আমার পরিবারের সঙ্গে কি  
ব্যাভার করেছে এ পাঞ্জী, ও বলুক।

পম্পি। সত্যি হজুর—দোহাই, আমায় জিজ্ঞাসা  
করুন।

এশকেলাশ। বলো—কি হয়েছিল?

পম্পি। হাত জোড় করে আজ্ঞা জানাচ্ছি হজুর—এ  
ভদ্র নোকটির মুখের পানে একবার চেয়ে  
দেখুন। ফ্রথ—চাও তো একবার হজুরের  
দিকে। ভয় নেই। দেখছেন হজুর, এর মুখ?

এশকেলাশ। দেখচি—বেশ ভালো করেই দেখচি।

পম্পি। না হজুর—দোহাই, একটু মন দিয়ে  
দেখুন

এশকেলাশ। মন দিয়ে দেখচি বাপু!

পম্পি। দেখছেন হজুর—মুখে দাগ?

এশকেলাস। কৈ—দেখচি না তো!

পম্পি। বলেন কি হজুর! মুখে ভরপুর চোট!...  
বেশ তো হজুর, মুখে যখন এত চোট—তখন

বুঝেন, ও মেরেচে এলবোর বোকে—এ কথা  
বিশ্বাস হয়? বলুন হজুর।

এশকেলাশ। ও তো দিবি আছ।...শুনলে তো  
চৌকিদার! তোমার কি বলবার আছে?

এলবো। কি আর বলবো, হজুর? আপনি যদি  
বলেন হজুর, তাহলে বেশ, আমি বলছি—ও  
বাড়ীটি খুব ভদর-গেরস্ত বাড়ী—এ লোকটিও  
খুব মানী ভদর লোক—আর ওর মনিব-মাগী  
খুব ভদর মেয়েমানুষ।

পম্পি। সত্যি কথা বলবো হজুর—এর পরিবার  
আমাদের সকলের চেয়ে ঢের বেশী ভদর নোক।  
এলবো। ফের মিছে কথা বলচিস! পাজী মিথ্যে-  
বাদী কোথাকারের। সে দিন এখনো দেখলেম  
না—কখনো দেখিনি, যেদিন আমার পরি-  
বারকে সকলে ভদর বলে মানবে!

পম্পি। আজ্ঞে হজুর, এর সঙ্গে বিয়ের আগে এর  
পরিবারকে সকলে ভারী মাঝ করতো।

এশকেলাশ। ভালো বিপদে পড়া গেছে! কাকে  
বড় বলি? বিচার-বুদ্ধিকে? না, শয়তানীকে?  
হ্যাঁ রে, একথা সত্যি?

এলবো। ওরে পাজী, ওরে হতভাগা, ওরে ছুঁচো—  
আমার চেয়ে আমার পরিবার ছিল ভদর—  
বিয়ের আগে? না, আমায় বিয়ে করে আজ সে  
ভদর হয়েছে? আমি যদি ভদর না হবো হজুর,  
তাহলে কি সরকারী চাকরিতে বাহাল হতে  
পারতাম?...ওরে লক্ষ্মীছাড়া, তুই দিবি করু যে,  
বিয়ের আগে সে ভদর লোক ছিল।

এশকেলাশ। ও যদি তোমার কাছে কান-মলা খায়,  
তাহলে তোমার নাগিশ তুলে নিতে রাজী আহ?!

এলবো। হজুরের তাঁবেদার গোলাম আমি।...তাহলে  
হুকুম দিন হজুর, আমি কি করবো?

এশকেলাশ। শোনো চৌকিদার, তুমি যখন ওর  
দোষ খুঁজে বেড়াচ্ছ—দোষ এখনো ধরতে  
পারছো না, তখন আমি বলি, ওকে ছেড়ে দি।  
তুমি ওর ওপর নজর রাখো। যখন দেখবে,  
দোষ করেছে, তখন এসে নাগিশ রুজু করো।

এলবো। চমৎকার বলেচেন, হজুর। তাই হবে।  
দেখলি শয়তান—কি রকম সাজা হলো! করু...

যা করেচিস, করু ফের! বুঝলি তো, হজুর  
বলছেন,—যা করেচিস, আবার তাই করু!

এশকেলাশ। (ফ্রথের প্রতি) কোথায় তোমার  
জন্ম?

ফ্রথ। এই ভিয়েনা সহরে, হজুর।

এশকেলাশ। বয়স হলো কত? আশী বছর? মানে,  
চার কুড়ি?

ফ্রথ। হজুরের যা মজি!

এশকেলাশ। (পম্পির প্রতি) তোমার পেশা?

পম্পি। চাকরি। এক বিধবার কাছে চাকরি  
করি, হজুর।

এশকেলাশ। তোমার মনিবের নাম?

পম্পি। ওভারডন্ ঠাকুরণ।

এশকেলাশ। তাঁর স্বামী ছিল একটি? না, অনেক?

পম্পি। ন'টি হজুর। শেষেরটি ছিল ওভারডন্!

এশকেলাশ। ন'টি স্বামী!...শোনো হে বাপু ফ্রথ—

এই বেচারী বিধবা মেয়ে-মানুষের চাকরের সঙ্গে  
তোমার দোস্তি আমি ভালো মনে করি না  
এরা তোমায় দড়ি দিয়ে টানবে—আর শেষে  
তুমি দেবে ওদের গলায় ফাঁশ!...যাও তুমি...  
এখানে আর যেন তোমায় আসতে না দেখি।

ফ্রথ। নমস্কার হজুর! আমি নিজে থেকে আসিনি  
হজুর...এ আমায় নিয়ে এলো!

এশকেলাশ। বেশ...আর কখনো এসো না যাও।

[ফ্রথের প্রস্থান] তুমি তো বাপু, বেচারী  
বিধবার চাকর—তোমার নাম?

পম্পি। পম্পি।

এশকেলাশ। আরো নাম আছে?

পম্পি। বাম।

এশকেলাশ। শোনো বাপু পম্পি-বাম! শয়তানীতে  
তুমি হচ্ছ মহাত্মা পম্পি। তোমার চেহারা  
দেখে বুঝি, তুমি সিধে মানুষ নও। এখন  
যদি ভালো চাও, সত্য কথা বলা...কি করে  
তোমার দিন চলে? কি কাজ করো?

পম্পি। আমি ভারী হুংখী মানুষ হজুর—বড়  
গরীব। আমি বাঁচতে চাই হজুর...

এশকেলাশ। কিন্তু এ চাকরি করে তো বাঁচা যাবে  
না, বাপু! এ পেশা সাধু পেশা নয়! আইন  
এ-পেশা চালাতে দেবে না। এ পেশায় আইনে  
সাজা হবে।

পম্পি। আইন যদি দয়া করে হজুর...

এশকেলাশ। না—সে দয়া আইন করবে না।  
ভিয়েনায় এ পেশা চলবে না।

পম্পি। হজুর কি তবে ভিয়েনা সহরে ছোকরা-  
বয়সীদের আর আমোদ-আহ্লাদ করতে দেবেন  
না? ফুর্টি এখানে বন্ধ রাখবেন?

এশকেলাশ। তান্ন পম্পি।

পম্পি। এরা কারো ক্ষতি করে না হজুর। এরা

চোর নয়, ডাকাত নয়। চোর-ডাকাতদের  
ষে-আইন—ফুর্তিবাজদের জন্তে সে আইন ঠিক  
নয়, হুজুর!

এশকেলাশ। এ আইন বেশ ভালো। এ-রকম  
আমোদে ফাঁশির ব্যবস্থা আছে আইনে।  
জানলে বাপু?

পম্পি। ফাঁশি!...যদি অভয় দেন হুজুর, তা'হলে  
একটি কথা নিবেদন করি শ্রীচরণে।

এশকেলাশ। বলো...

পম্পি। ঠক বাছতে কত গাঁ উজোড় করবেন  
হুজুর? মাপ করবেন। অভয় দেছেন বলেই  
বলুচি—এই ফুর্তিবাজী—এ বন্ধ করবেন ফাঁশি  
দিয়ে? দশ বছর ধরে যদি এ আইন চালান  
হুজুর, খুব কড়া রকমে, তবু দেখবেন হুজুর,  
ভালো-ভালো বাড়ীতে ফুর্তির রোশনি জ্বলচে!  
তা যদি না হয় তো পম্পির এই মুণ্ড নিয়ে  
আপনি বল খেলবেন হুজুর!

এশকেলাশ। তাই হবে, পম্পি। তোমার এ অভয়-  
বাণীর জন্তে তোমায় জানাচ্ছি—শোনো পম্পি,  
এ-পেশা এ-সহরে চালানো তোমার চলবে না।  
এ মুন্ডুকে ছেড়ে সরে পড়ো...বাড়ীতে নয়।  
এ-সহরে যদি কোথাও তোমার দেখা মেলে,  
তা'হলে গ্রেফতার হয়ে চাবুক খাবে। এবারের  
মত মাপ পেলে। সরে পড়ো। বুঝলে?

পম্পি। খুব বুঝছি হুজুর। সরেই পড়বো। মাপ  
যে করলেন, তার জন্তে দণ্ডবৎ জানাচ্ছি হুজুর।  
(স্বগত) এ পেশা ছাড়বো? জগতে এত  
পরমা আর কোন্ পেশায় রোজগার হবে,  
বাবা! হুঃ...

চাবুক? হাঃ হাঃ—ভেটো বোড়া

খাচ্ছে; টানছে গাড়ী;

চাবুক খেয়ে ছাড়বো পেশা—

নই এমন আনাড়ী!

এশকেলাশ। শোনো বাপু এলুবো—কদিন তুমি  
চৌকিদারী করচো?

এলুবো। আজ, সাত বছর হ'মাস হুজুর।

এশকেলাশ। যেমন করিৎকর্মী তোমায় দেখছি,  
তাতে মনে হয়, অনেক কাল এ চাকরিতে  
আছো! কত বললে—সাত বছর?

এলুবো। তার উপর আর হ'মাস বেশী, হুজুর।

এশকেলাশ। তুমি এত বছর ধরে! বড় খাটুনি হচ্ছে  
—...তার অস্তায়...এ চাকরিতে

এত কষ্টে তোমায় বাহাল রাখা। আর কি  
মানুষ নেই, এ কাজে বাদে তোমার মহল্লায়  
বাহাল করে?

এলুবো। তেমন তাকৎওয়াল মানুষের অভাব,  
হুজুর। চৌকিদার বাছতে সরকার আমায়  
বেছে নেছে! এর জন্তে মাইনে কিছু পাই,  
হুজুর—কাজেই আমার চলে যাচ্ছে বেশ এক  
রকম।

এশকেলাশ। শোনো, তোমার মহল্লায় থাকে  
এমন হ'সাত জন লোকের নাম আমায় দিয়ে  
যেয়ো—বুঝলে?

এলুবো। হুজুরের বাড়ী গিয়ে নাম দিয়ে আসবো?

এশকেলাশ। আমার বাড়ীতেই এসো। বুঝলে!  
এখন যাও।

[এলুবোর প্রস্থান]

এশকেলাশ। কটা বাজলো?

বিচারক। এগারোটা।

এশকেলাশ। আমার ওখানেই চলুন—খাওয়া-  
দাওয়া সেইখানে করবেন।

বিচারক। ধন্যবাদ।

এশকেলাশ। কুড়িয়োর জন্ত সত্যি আমার মন বড়  
কাঁতর। অথচ উপায় কি?

বিচারক। লর্ড এঞ্জেলো বড় কঠিন হয়ে দণ্ড  
দিয়েছেন!

এশকেলাশ। কাঠিঘের আছে প্রয়োজন—তাও বুঝি  
করুণা—মার্জনা করা বড় স্বকঠিন!

মার্জনার সুখ কোথা? ব্যথার জননী!

তবু...হতভাগ্য কুড়িয়ো সে! কিন্তু নিরুপায়!

মিছা ভাবি। এসো ভদ্র, এসো, যাই হবে।

[সকলের প্রস্থান]

## দ্বিতীয় দৃশ্য

এঞ্জেলোর গৃহ; কক্ষাঙ্গুর

(কোতোয়াল সর্দার ও একজন ভৃত্যের প্রবেশ)

ভৃত্য। বিচারে নিবিষ্ট প্রভু। কার্য শেষ হলে  
এইখানে আসিবেন। নিবেদিত তাঁরে  
আপনার আগমন-কথা।

কোতোয়াল।

বলো তাই।

[ভৃত্যের প্রস্থান]



কি উদ্দেশ্য—তাহাই জানিতে চাহি এবে !  
 হয়তো করুণা মনে জাগিয়েছে এবে ।  
 স্বপ্নে যেন করিয়াছে—ছায়া-অপরাধ !  
 সর্বজাতি, সর্বজনে সকল বয়সে  
 এই অপরাধ নিত্য করিছে হেথায়—  
 অথচ ইহার লাগি মৃত্যু রুড়িয়োর !

( এঞ্জেলোর প্রবেশ )

। কি তব সংবাদ ?

কোতোয়াল । কাল প্রাতে সভাই কি  
 রুড়িয়ো হারাবে প্রাণ প্রভুর আদেশে ?  
 ফিরিবে না সেই আজ্ঞা ?  
 এঞ্জেলো । কোনো হেতু নাই !  
 আদেশ দিয়াছি আমি—করিবে পালন ।  
 পাইয়াছ আদেশ-পত্রিকা । বুঝি না, তা লয়ে  
 বিমূঢ় প্রশ্নের এই হেতু অকারণ !  
 কোতোয়াল । আদেশ-পালনে পাছে অতি-ব্যস্ত হই,  
 সেই ভয়ে আসিয়াছে দীন নিবেদক ।  
 দেখিয়াছি বহু ক্ষেত্রে, আদেশ-পালন  
 হয়ে গেছে অক্ষরে-অক্ষরে ; তার পরে  
 ধীর-বিতর্কের ফলে মধুর মার্জনা ।  
 এঞ্জেলো । সে ভার আমারে সঁপি রহে দ্বিধাহীন ।  
 তোমার কর্তব্য যাহা—কর তা পালন ।  
 করুণা-মমতা যদি জাগে বেকী প্রাণে—  
 এ কর্ম করহ ত্যাগ—কোনো ক্ষতি নাই ।  
 যোগ্য ব্যক্তি এই পদে মিলিবে প্রচুর ।  
 কোতোয়াল । স্পর্ধা-হেতু প্রভু-পদে মাগি যে  
 মার্জনা ।

কিন্তু কি আদেশ প্রভু, অশ্রু-মুখী বাল্য  
 জুলিয়েতে ? বুঝি, তার আসন্ন মরণ !  
 এঞ্জেলো । যোগ্যতর স্থানে রক্ষা করহ তাহারে,  
 যত দূর পারো । বুঝা সময়-হরণ ।

( ভূত্যের পুনঃ-প্রবেশ )

ভূত্য । প্রাণদণ্ডে দণ্ডিত যে অপরাধী জন,  
 ভগ্না তার আসিয়াছে—দরশন মাগে ।  
 এঞ্জেলো । তাহার ভগিনী আছে ?  
 কোতোয়াল । আছে ভগ্নী, প্রভু ।  
 পুণ্যময়ী—ধর্ম্যে চিত্ত-নিমগ্না কুমারী ।  
 লইয়া সন্ন্যাস-ত্র ও মঠ-বাস—তার  
 জীবনে পরম লক্ষ্য—আকাঙ্ক্ষা-বিহীন ।  
 এঞ্জেলো । লয়ে এসো তারে ।

[ ভূত্যের প্রস্থান ]

শোনো কোতোয়াল,  
 অনাচারী জুলিয়েতে করে দাও দূর—  
 খাণ্ড বা পানীয় দিয়ো প্রয়োজন-মত ;  
 প্রচুর দিয়ো না যেন !...মিলিবে আদেশ  
 যথাবিধি—ভাবিয়া জানাবো তাহা ।  
 ইশাবেলা ও লুশিয়োর প্রবেশ  
 কোতোয়াল । প্রণাম চরণে প্রভু ।

( গমনোচ্ছত )

এঞ্জেলো । রহ আর কিছুকাল । ( ইশাবেলার প্রতি  
 এসো সূচরিতে ।

কি লাগিয়া আসিয়াছ ? করহ প্রকাশ ।  
 ইশাবেলা । হুঃখিনী প্রার্থিনী আমি প্রভুর চরণে ।  
 রূপা করি নিবেদন শুনিবে কি প্রভু ?  
 এঞ্জেলো । বলো, কি তোমার নিবেদন ?  
 ইশাবেলা । আছে মহা-অনাচার—সমগ্র অন্তরে  
 সেই পাপ-অনাচারে বড় ঘৃণা করি ।  
 সে পাপের সমূল উচ্ছেদ চাহি আমি—  
 বিচারে হৌক দণ্ড সমুচিত তার ।  
 সে পাপ প্রশ্রয় পায় দীন প্রার্থনায়,  
 জানি আমি ভালো মতে । সে পাপে না চাহি  
 তুচ্ছ করি মার্জনার চোখে কেহ দেখে !  
 তার লাগি নিবেদন কভু করিব না ।  
 কিন্তু প্রভু, দ্বিধা-ভরে কাতর এ প্রাণ !  
 চাহি যাহা—অন্তরের নহে সে প্রার্থনা !  
 তবুও চাহিতে আসি—ভাগ্য অক্ষর !  
 এঞ্জেলো । কি হয়েছে ? প্রকাশিয়া বলো ত  
 নির্ভয়ে !

ইশাবেলা । আছে মোর সহোদর । বিচারে তাহার  
 প্রাণদণ্ড হবে, শুনি । হয়েছে আদেশ !  
 তাই আসিয়াছি প্রভু, যাচিতে চরণে  
 প্রাণ তার । অপরাধে চাহি না মার্জনা ।  
 কোতোয়াল । ( স্বগত ) হে ঈশ্বর,  
 মমতা জাগাও ঐ প্রাণে !  
 এঞ্জেলো । পাপে দণ্ড দিতে চাও !

চাহো না পাপীরে !

আচরণ-পূর্বে পাপ—চির-দণ্ড-যোগ্য—  
 সে-পাপে আশ্রয় যার, দণ্ড ত্রাণ্য তার ।  
 আম উপলক্ষ মাত্র—বিধি-শৃঙ্খলিত !  
 কারো পাপ-অপরাধ হলে প্রমাণিত,  
 বিচার যন্ত্রের মত করে দণ্ড দান !  
 বিধির অধীন হায, নাহি স্বাধীনতা  
 নাহি প্রাণ, নাহি মন—নাহি হৃৎ ।

ইশাবেলা। ঠায় বিধি ! কিন্তু প্রভু, কি কঠিন !  
সহোদর বাঁচিবে না ? হায় ভগবান !

( গমনোচ্চত )

লুশিয়ো ( জনান্তিকে ) এখনি নিরাশ হলে !

চলে যাবে ফিরে ?

না, না, এসো ! জানাও মিনতি আর্ন্ত স্বরে !

জানু পাতি রাজবেশ ধরি রহ পড়ি !

তুহিনের মত কেন এমন শীতল ?

এমন উদাস কেন ? তুচ্ছ হুটী যদি

চাহো কভু, তারো লাগি সাধন-ভজন

কত প্রয়োজন হয় ! জানাও মিনতি—

কম্পিত করুণ কণ্ঠে জীবন্ত আবেগে !

ইশাবেলা। মরণ নিশ্চিত তার ?

এঞ্জেলো। নিরুপায়, বালা !

ইশাবেলা। ইচ্ছা হলে মার্জনা করিতে পারো, প্রভু !

মার্জনায় দেব-নর দিবে না কো দোষ !

এঞ্জেলো। মার্জনা করিব না !

ইশাবেলা। আছে বাধা মার্জনায় ?

যদি ইচ্ছা হয় প্রভু...মমতা জাগিলে ?

এঞ্জেলো। সাধ্য যাহা নয়—তাহা করিতে পারি না !

ইশাবেলা। মার্জনা করিলে তাহে হইবে না দোষ !

জগতে কাহারো বিন্দু ক্ষতি হইবে না !

তার প্রতি মমতায় বিগলিত যথা

মোর প্রাণ, সে মমতা তব প্রাণে যদি

জাগে—মার্জনা কঠিন তবু ?

এঞ্জেলো। সাধ্য নাই !

বিচার হইছে শেষ ; পরে দণ্ডদেশ !

মার্জনার অবসর কোথা বলো, আর ?

লুশিয়ো। ( ইশাবেলার প্রতি ) তুমি যেন জড় !

কোথায় নয়নে অশ্রু ?

ইশাবেলা। বিলম্ব হইয়া গেছে ! নাহি অবসর ?

না, না ! প্রাণ নিয়ে কথা—প্রাণ আছে যবে,

তখন বিলম্ব কোথা ? আছে অবসর !

ইচ্ছার উদয় শুধু ! যে-জন মহৎ,

মহৎ কার্যের লাগি অবসর তার

চিরস্থায়ী—অবিচল ; এই আমি জানি !

রাজার মুকুট বলো, কিম্বা তরবারি—

প্রহরীর দণ্ড—বিচারক-পরিচ্ছদ—

সব অশোভন, জানি—করুণা-বিহনে !

ভাবো মনে একবার—কুড়িয়ো যতপি

হতো তুমি—তুমি যদি হইতে কুড়িয়ো—

এমনি জীবনের পথে—

তোমার বিচারে আমি দ্রব বাক্য কহি,

কুড়িয়ো হতো না কভু এমন নিশ্চয়,

তোমার মতন রুদ্ধ কঠোর, কঠিন !

। ফিরে যাও নিজ-বাসে—আশা নাই বালা !

ইশাবেলা। বিধি সে আমারে যদি তব শক্তি দিত,

তুমি যদি হতে আজ আমি-ইশাবেল !

এমনি ঘটনাচক্র ? ভেবে চাখো মনে,—

বিচারক কোন্ বস্ত—বন্দী সে কেমন—

ভালো করে বুঝাতাম—সংশয়-বিহীন !

লুশিয়ো। ( জনান্তিকে ) চিত্ত স্পর্শ করা চাই—

বচনে ধমনী !

এঞ্জেলো। আইনের চক্ষে তব ভ্রাতা অপরাধী !

এ তোমার বাক্যব্যয়—বুঝা এ, নিষ্ফল !

ইশাবেলা। হায় ভাগ্য ! সর্ব মানবের আত্মা যদি

পাপের কলুষ লাগি এমন বিচারে

আজিকে তুলিত হতো—বিশ্বের বিধাতা

সবারে কি দণ্ড দিত এমন নির্দয় ?

মমতায় মার্জনা না করিতেন তিনি ?

মার্জনার সন্ধ্যায় না হতো বাহির ?

ভেবে চাখো একবার—তুমি বিচারক—

মানুষের দোষ-গুণ করিছ বিচার

বিচার-আসনে বসি—তুমিও মানুষ !

বিশ্বের বিধাতা যিনি সবার উপরে

বিচারের করেন বিচার—শ্রেষ্ঠ বিচারক—

মনের গোচরে তব কিম্বা অগোচরে

যে-যে কাজ করিয়াছ—যে চিন্তা রয়েছে—

তাহার বিচার হয় ? তখন কি হবে ?

কোনো ক্রটি,—কোনো ভুল করোনি জীবনে—

যার লাগি দণ্ড নিতে রহিবে উন্মুখ ?

মার্জনা কি চাহিবে না মিনতি-বচনে ?

সেই কথা ভাবি প্রভু, কৃপা করো আজি

ভ্রান্ত-জনে—ক্রটি তার করহ মার্জনা !

এ কৃপা-পরশে পাপী নূতন জীবন

লভিবে—দেখিয়ো তুমি, কলুষ-বিহীন !

এঞ্জেলো। শোনো লো স্তম্ভরী—আমি সত্য কহি

তোমা—

আমি নহি—রাজ-বিধি দণ্ড দেছে তারে,

হতভাগ্য তব সহোদরে। সে যদি বা হতো

আমার আত্মীয়, বন্ধু, ভ্রাতা, কিম্বা পুত্র—

তব বিচারের ফলে প্রাণদণ্ড তার !

রাজবিধি-বশে ভ্রাতা প্রাণ দিবে কাল !

ইশাবেলা। কাল !...হেন অতিক্রান্ত ! হেন অকস্মাত !

না, না, ওগো, রক্ষা করো—রক্ষা করো তারে !

মরণের লাগি সে যে নহেকো প্রস্তুত !  
 ভোজ্য-লাগি যে-বিহঙ্গে নিভা মোরা মারি—  
 তাদের জীয়ায়ে রাখি গৃহে কিছুকাল—  
 জীবনের রসাস্বাদ তাদের পীয়াই ।  
 তাদের যে-আচরণ—সেই আচরণে  
 বিধাতার কি অভীষ্ট করিছ সাধন ?  
 ভেবে ছাখো—আর-বার ভেবে ছাখো প্রভু,  
 হেন-অপরাধে পূর্বে কোনো জন হেথা  
 এমন বিচারে কভু প্রাণ দেয় নাই !  
 বহু জন হেন কার্য সাধিয়াছে হেথা ।  
 লুশিয়ো । ( জনান্তিকে ) ভালো—ভালো—ভালো  
 কথা বলিয়াছ বটে !

এঞ্জেলো । রাজবিধি মরে নাই ; ঘুমাইয়া ছিল !  
 বহু জন করিয়াছে হেন আচরণ—  
 মানি বালা, কিন্তু এর হতো আজি রোধ—  
 প্রথম যে-জন হেন করিল আচার,  
 তারে যদি বিধি-বশে দণ্ড দেয়া হতো !  
 সে-বিধি নিদ্রিত ছিল—আজ জাগিয়াছে ।  
 জাগিয়া নাশিতে পাপ খড়্গ তুলিয়াছে ।  
 সমুচিত এই খড়্গ । তব ভ্রাতা বলি  
 ভাগ্যদোষে । তার পাপ পড়িয়াছে ধরা ।  
 যখন জেগেছে বিধি, আর ঘুমাবে না !  
 হেন পাণে যে-বা পাপী—সেই দণ্ড পাবে ।

ইশাবেলা । দয়া—দয়া—দয়া করো প্রভু !  
 এঞ্জেলো । আছে দয়া ।  
 বিচার-আসনে বসি হুঁষ্ট জনে যবে  
 বিচার সে করি—প্রাণে কি মমতা জাগে—  
 কি যে ব্যথা—সত্য কহি—অজ্ঞাত পাপীরে !  
 পাপের উচ্ছেদ লাগি—অন্ত পাপী-জনে  
 শাস্তি ক্রিতে বিচারের আয়োজন ।  
 শোনো বালা, যবে যাও । নাহিক উপায় ।  
 ভ্রাতা তব প্রাণ দেবে বিচারের ফলে—  
 রাজ্যের বিধান-বশে । আর কথা নাহি ।

ইশাবেলা । তুমি তবে এই স্তম্ভ বিধিরে জাগিয়ে  
 মরণের মহা-যজ্ঞ করিবে প্রথম !  
 ভ্রাতা মোর সেই যজ্ঞে সর্ব-অগ্র বলি !  
 বেশ, বেশ, বড় ভালো—হেন শক্তি-লাভ—  
 হ্রস্ব হৃজ্জয় এই শক্তি রাক্ষসের !  
 অপরের প্রাণ নিয়ে হ্রস্ব এ খেলা !  
 শক্তি রাক্ষসের হোক—সে শক্তি-ব্যভার  
 রাক্ষস হতেও রাক্ষসী সে, অতি হুঁষ্ট !  
 লুশিয়ো । ( জনান্তিকে ) ভালো ভালো—  
 আরো ভালো বলিয়াছ !

ইশাবেলা । শক্তি-ধর মহাজন—মাষ্টার হইয়া  
 ইন্দের মতন যদি করে বজ্রক্ষেপ  
 ইন্দ্র বা কেমনে রবে স্থির অচঞ্চল ?  
 প্রতি ক্ষুদ্র প্রতিহারী বজ্রধর হলে  
 নিক্ষেপবে বজ্র শুধু, আর কিছু নাই ?  
 ওগো দেব বজ্রপাণি, কৃপা-অবতার,  
 অগ্নিময় বজ্র তুমি হানো দেখি শুধু  
 স্নবিশাল ওক-বক্ষে ! মালতী-লতার  
 বজ্র-নিক্ষেপ করো না ! ক্ষুদ্র নর হায়,  
 শক্তির গরবে গর্বী, মিথ্যা আফালনে  
 তুচ্ছ শক্তি-ভূষা আঁটি আপনার মনে  
 নিজের স্বরূপ কভু না করি বিচার  
 হিংস্র জুড় বানরের মতন হেলার  
 মূঢ় ক্রীড়াহলে করে এ কি ক্রুর খেলা !  
 এ খেলা হেরিয়া চোখে স্বর্ণের দেবতা  
 শিহরে বেদনা-ভরে, অশ্রুময় আঁধি !  
 সে-দেবতা মানবের শক্তি-আফালনে  
 হাসিয়া লুটায় হায়, বিজয়ের ভরে !  
 লুশিয়ো । ( জনান্তিকে ) বলো, বলো, আর ব  
 শুন্যও উহারে !  
 বুঝি, প্রাণে জাগিছে মমতা ! এই দেখি,  
 আসে হেথা ! বলো, বলো । রয়ো না নীরব ।  
 কোতোয়াল । ( স্বগত ) হে ঈশ্বর ! কিশোরীর কণ্ঠে  
 করো ভর—

বচনে মমতা যেন জাগে এ-পাশানে !  
 ইশাবেলা । উচ্চ রাজ্যাসনে তুমি—ভ্রাতা দীনহীন—  
 উভয়ে তুলনা নাহি হয়, বেশ জানি ।  
 বড় যারা, রঙ্গ তারা করে সাধু সনে,  
 ছোটদেরে তুচ্ছ করে, চাহে না ফিরিয়া ।  
 এ তাদের জ্ঞান, বুদ্ধি, এই অবহেলা—  
 ছোটরা করিলে হেলা—হবে তাহা পাপ ।  
 লুশিয়ো । ( জনান্তিকে ) সত্য কথা বলিয়াছ...  
 তারী খাঁটি কথা !

এই মত বহু কথা আরো বলে যাও ।  
 ইশাবেলা । সেনাধ্যক্ষে যেই কাজ রঙ্গ লীলা-খেলা—  
 তুচ্ছ পদাতিকে...তাহা অনাচার, পাপ ?  
 লুশিয়ো । ( জনান্তিকে ) বলো, বলো, হেন কথা  
 বলো আর বার ।  
 এঞ্জেলো । বুঝি না—এ সব কথা আমার উদ্দেশে  
 কেন তুমি বলো, বালা ? কি অর্থ ইহার ?  
 ইশাবেলা । কেন বলি ? হেতু তার,  
 শক্তি-অধিকারী,  
 তারাও নিতুল নয়...করে তুল-তুল !

তবু তার ভুল যেন ভুল নয় কভু !  
শক্তি-অধিকার হতে যেই পাপ-ক্রটি—  
সে যেন দেহেই থাকে, পশে না অন্তরে !  
গুধাই, অন্তরে তব করহ প্রবেশ,  
সেখানে সন্ধান লহ, কোনো কোণে তার  
যেই পাপ-অনাচারে মোর সহোদর  
অপরাধী হলো স্থির, সে পাপের কণা  
সত্যই কি মিলিবে না ? মিথ্যাচার নয়,  
নিজ-মনে সে ক্রটির করিয়ো বিচার,  
যদি সে শক্তি থাকে,—রসনায় তব  
ভ্রাতৃ-প্রাণ-দণ্ড-কথা তবে সে আনিয়ো !  
এজ্জেলো ! ( স্বগত ) বুদ্ধিমতী এ কিশোরী !

বচনে যুক্তি !  
অন্তর দিতেছে সায় । ( ইশাবেলার প্রতি )  
ফিরে যাও, বালা...  
ইশাবেলা । শোনো প্রভু, আর বার ।  
এজ্জেলো । একথা ভাবিব ।  
কাল পুনঃ ভেটিয়ো আমারে । ( ফিরিলেন )  
ইশাবেলা । শোনো প্রভু, উৎকোচে করিব  
তোমা বশ ।

এজ্জেলো । উৎকোচ ! আমারে !  
ইশাবেলা । দিব ধন—দেবতা জঁপসিবে ; অংশ লবে ।  
লুশিয়ো । ( জনান্তিকে ) সাবাস্ ! সাবাস্ !  
এ কথা কথার টেকা !

ইশাবেলা । তুচ্ছ সোনা-রূপা নয় আমার উৎকোচ ;  
পাথরের কুচি আনি ধরি না সম্মুখে—  
যে কুচির দামে মত্ত ধনী ও নিধন !  
আমার উৎকোচ প্রভু, দেবতার পায়ে  
কুশল প্রার্থনা তব ! সে মোর প্রার্থনা  
স্বর্ঘ্যের উদয়-পূর্বে পশিবে স্বর্গে  
পুত গুহ্র মানসের অন্তরের বাণী—  
উপবাস-রতা পুণ্যকামী কুমারীর  
দেবতা-চরণ-লগ্ন মনের আকুতি !  
ধরণীর ধূলি-স্পর্শে হয় নি কলুষ  
কুমারীর যেই-চিন্তা—সে চিন্তা-প্রার্থনা !

এজ্জেলো । কাল তুমি পুনরায় এসো মোর পাশে ।  
লুশিয়ো । ( জনান্তিকে ) যেতে পারো । যাও এবে !  
সুফল মিলিবে—

মনে হেন লাগে বটে ! যাও এবে ফিরে ।  
ইশাবেলা । বিধাতা করুন প্রভু, তোমার মঙ্গল ।  
এজ্জেলো । ( স্বগত ) তাই হোক ! ভগবান—  
করুন মঙ্গল !  
এমন প্রার্থনা ! মোর মনে লোভ লাগে !

ইশাবেলা । কাল কোন্ ক্ষণে পুনঃ পাবো দরশন ?  
এজ্জেলো । অপরাহ্ন-পূর্ব-ভাগে ।  
ইশাবেলা । বিধাতা করুন রক্ষা !

[ ইশাবেলা, লুশিয়ো ও কোতোয়াল-সদ্বীরের প্রস্থান ।  
এজ্জেলো । তোমা হতে ! তোমার ও পুণ্য হতে রক্ষা !  
এ কি ! এ কি ! কার দোষ ? আমার ?  
না,—ওর ?

লোভে যে প্রলুব্ধ করে, অথবা যে লুব্ধ—  
দৌহাকার মাঝে কার অপরাধ বেশী ?  
ওর দোষ নয় । ও তো প্রলুব্ধ করেনি  
মোহে । আসে নাই বিধারিতে মোহ-জাল !  
এ আমার অপরাধ ! আমি !  
আমি ! আমি !

রবির স্ননীল রশ্মি কুসুমের যেমন  
নির্জীব বিস্তৃষ্ট করে—তেমতি ও-মন  
আমার এ-মনে করে যুগ্ম-ছায়া-পাত !  
যে-নারী কোঁতুক-রঞ্জে লঘু-সুচটুল,  
নিভান্ত তরল—কোণা, বিভ্রম তাহাতে ?  
লজ্জাবতী ব্রীড়াময়ী রূপসী কামিনী  
চিত্ত করে পরাভূত কি-মন্ত্রে নিমেষে—  
চরণে বিকাতে পেলে ধল্য হয় প্রাণ !  
বিশাল প্রান্তর যাহা উগ্ধুক্ত অবাধ—  
মন্দির ভাঙ্গিয়া সেথা পাপে দিব ঠাঁই ?  
চিন্তা কেন ? ভাই ওর রহক বাঁচিয়া !  
চোরে যদি চুরি করে,—চুরির বিচার  
বিচারক করিবে সে । বিচারক যদি  
আপনারে করে চুরি—তাহার বিচার  
কে করিবে ? এ যে দেখি রহস্ত বিপুল !  
এ কি চিন্তা ! এরে আমি ভালো বাসিয়াছি !  
মনে হয়, গুনি বসে ও-মুখের বাণী—  
রুচ সে ভৎসনা হোক—তবু ভালো লাগে !  
সম্মুখে রহক, ওরে দেখি প্রাণ ভরে !  
এ কি স্বপ্ন দেখা দিল আজি চিত্তে মোর !  
ওরে ধৃত্ত অরি, তুই সাধুরে ধরিতে  
সাধুরে করিলি টোপ ? এ যে ভয়ঙ্কর !  
এই দ্রষ্ট লোলুপতা, পুণ্যে আদরিয়া  
পাপ পথে লয়ে যেতে উদ্ধাম বাসনা !  
রূপসী গণিকা তার ছলা-কলা লয়ে  
অঙ্গের লাবণ্য-রাশি নগ্ন কালিমায়  
জয়ের আকাঙ্ক্ষা তীর জাগায়ে পরাণে  
লাস্তে ভাষ্যে হাশ্বে কভু পারেনি করিতে  
আমার এ চিত্ত জয়, জাগাতে বিভ্রম !

আজ এই পুণ্যময়ী তেজোদীপ্তিমতী,  
সরলা কুমারী মোরে করিল বিজয় !  
অনায়াসে তার লাগি অধীর উন্মাদ !  
কয় দণ্ড পূর্নাবধি হাসিয়াছি আমি,  
শুনেছি যখন কারো প্রেম-উন্মাদনা—  
বিস্ময় মেনেছি, ভাবি, হায়, কি করিয়া  
তুচ্ছ প্রেম-মোহে এরা হয় রে উন্মাদ !

[ প্রস্থান ]

### তৃতীয় দৃশ্য

কারা-কক্ষ

( স্বতন্ত্রভাবে সন্ন্যাসী বেশে ডিউক ; এবং কোতোয়াল  
সর্দারের প্রবেশ )

ডিউক। এসো হে কোটাল ! বেশে অনুমানি, তুমি  
সহর-কোটাল হও ।

কোতোয়াল। তাই বটে, ঠিক !

কি উদ্দেশ্যে হেথা আসা হে সাধু-প্রবর ?

ডিউক। আপন কর্তব্য-বশে । আমি ব্রতচারী ।

ব্রত মোর, ভাগ্যহত অপরাধী সনে  
দেখা করা, আর্ন্ত চিন্তে সান্ত্বনার লাগি  
ভগবৎ-বাণী বলা ! পাপের বিলোপ ।  
এই কার্যে সন্ন্যাসীর চির-অধিকার ।  
সে সুযোগ দাও ভদ্র, এ দীন সেবকে ।  
পাপে-অপরাধে কে-বা হতভাগ্য আছে  
কারা-মাঝে কোন্ পাপে কি দণ্ড কে পায়—  
কহ মোরে বিবরণ । যথাযোগ্য বাণী  
বিধাতার রূপা-বশে যতটুকু জানি,  
তাই দিয়া পাপ-ভার করিব লাঘব ।

কোতোয়াল। আরো বেশী কার্য আছে ।

করিতে প্রস্তুত ?

চাখো, ওই আসে এক কুলবালা হেথা,  
যৌবন-অনলকুণ্ডে কাঁপ দিয়া হায়,  
জীবনে করেছে দগ্ধ ! কিশোরী কুমারী—  
পরিচয় সমাজেতে—হায়, গর্ভে ধরে  
কলঙ্কের পরিচয়, উদাম বৃত্তির !  
যে-পুরুষ দিল এই কলঙ্ক-কালিমা—  
কারাবাসী সেই জন—বয়সে তরুণ ।  
বিচারে হয়েছে শাস্তি—প্রাণদণ্ড তার ।  
হুঃখ হয়, এ-বয়স মরিবার নয় !  
ভাগ্য-দোষ—কর্মফলে তাই এ দুর্ভোগ ।

( জুলিয়েতের প্রবেশ )

ডিউক। প্রাণদণ্ড কবে হবে ?

কোতোয়াল। কাল হবে, হেন বার্তা

হয়েছে প্রচার ।

( জুলিয়েতের প্রতি ) ব্যবস্থা হয়েছে, বাল্য ।

আরো কিছু কাল

হেথায় রহিবে তুমি—পরে লয়ে যাবো ।

ডিউক। যে-পাপের ভার তুমি করিছ বহন

আপনার এই দেহে, সে পাপের লাগি

অনুতাপ জাগিয়াছে অন্তরে তোমার ?

জুলিয়েৎ। এ যদি কলঙ্ক, লজ্জা—বহিব তা আমি

ধীর শাস্ত চিন্তে, জেনো—কোনো গ্লানি নাই !

ডিউক। শিখাবো তোমারে বাল্য,—

কেন লজ্জা এতে !

স্বপ্ন-বিবেকেরে তব জাগাইব আমি ।

এ গ্লানির লাগি তব হবে অনুতাপ ।

অনুতাপ বিনা পাপে মুক্তি নাই, জেনো ।

জুলিয়েৎ। কি বলিবে ? কিবা তুমি শিখাইবে মোরে ।

ডিউক। যাহার দুর্ভাগ্য লাগি এ হৃদিশা তব,

তাহারে কি ভালো বাসো ?

জুলিয়েৎ। ভালো বাসি তারে—

যে-নারীর লাগি তার চরম লাঞ্ছনা,

দুর্ভাগ্য, সে-নারীকেও আমি ভালোবাসি ।

ডিউক। অনাচারে দুঃখনার যোগ আছে তবে ?

জুলিয়েৎ। তাই ।

ডিউক। তার পাপ হতে তব পাপ গুরু ।

জুলিয়েৎ। তাই, সাধু । কহি সত্য অকপটে—

তার লাগি সহি গ্লানি—এই অনুতাপ ।

ডিউক। ভালো কথা । শোনো বৎসে,—গ্লানি-অনুতাপ

সমুচিত পাপের লাগিয়া,—নহে সমুচিত

কর্মফলে দুর্ভাগ্যের লাগি ! আপনার

কৃত কর্ম,—তার লাগি সহি যে যাতনা,

সেই যাতনার তরে মোরা করি খেদ !

বিধাতার বিধি-উল্লঙ্ঘন—তায় খেদ কোথা ?

নিজের মতন চাই বিধাতারে শ্রীতি—

মনে শঙ্কা চাই,—পাছে কত লজ্জা তাঁরে !

জুলিয়েৎ। সত্য, অনুতাপ হুদে ! নিজের লাগিয়া

কোথা পাপ ? পাপাচার করি নাই আমি

তাই এ গ্লানি বা লজ্জা—তাহে কি-বা হুঃখ ?

ডিউক। তাই হোক ! কিন্তু বৎসে, শুনেছ সংবাদ—

তব প্রিয়-জন—প্রাণ দিবে যাতকের করে

কাল ? তার পাশে আমি চলেছি এখন,

শুনাইতে হিত-কথা,—দানিতে সান্ত্বনা ।  
কল্যাণ হউক তব—বিধি-আশীর্বাদ !

[ প্রস্থান

হুগিয়ে । প্রাণ দিবে বাতকের করে । কাল !...ওরে  
মৃত্যুরূপী ভালোবাসা—একি তোর লীলা !  
মোর বক্ষে জাগাইলি আর একটি প্রাণ—  
যে-প্রাণের লাগি মোর আনন্দ-বিষাদ—  
সেই ভালোবাসা, তুই প্রাণ-বলি নিবি !  
কাতোয়াল । মর্ম্বধাতী—কি করুণ এই দৃশ্য !

[ সকলের প্রস্থান

### চতুর্থ দৃশ্য

এঞ্জেলোর গৃহ-কক্ষ

এঞ্জেলোর প্রবেশ

এঞ্জেলো । প্রার্থনা ! প্রার্থনা-সাথে

কত চিন্তা জাগে !

চিন্তায় প্রার্থনা পুনঃ ! এ কি দায় হলো !

বিধাতারে বারে বারে জানাই মিনতি—

নাম তাঁর জাগে শুধু অগ্রে রসনার—

প্রাণ কিন্তু মুক্ত রহে কল্লনা-বিভোর !

তার মুখ, তার চোখ, তার সেই মুখ,

ক্ষুরিত অধর-ভাষা—চোখেতে ভৎসনা

অশ্রুর কুহেলি-ভরা—শ্রাবণের মেঘে

অশনি-ঝলক যেন ! চিত্তে বিপর্যয় !

জ্ঞানের গাভীর্ষ্য মোর, যুক্তির গরিমা—

কিছুতে না ফিরাইতে পারে এ-আবেগে !

ওরে কাল ! ওরে স্থান ! ওরে পাত্র ! তোর

মুচ-জনে দিস্ জ্ঞান—জ্ঞানীরে করিস্

বিকল বিমূঢ় কত ! শক্তি নিদারুণ !

রক্ত সে রক্তই—তার রক্তের ধরম !

পাপের মাধ্যম—যত লেখে পুণ্য নাম—

পাপ পাপ—মোহ মোহ—নাহি ব্যতিক্রম ।

ভূত্যের প্রবেশ

কে তুই ? কি চাস হেথা ?

ভূত্য । কিশোরী তাপসী—

নাম তাঁর ইশাবেলা—মাগে দরশন ।

এঞ্জেলো । লয়ে এসো সসন্মানে ।

[ ভূত্যের প্রস্থান

হে বিধ-বিধাতা—

এ কি ! এ কি ! রক্ত মোর ধমনী বহিয়া

পুঞ্জিত হতেছে হৃদে বিপুল ধারায়—

যা কিছু হৃদয়ে আছে, সরিয়ে সকল !

মূর্ছাতুর সারা চিত্ত কিসের মায়ায় ?

অশরীরি শক্তি, ওগো, কে আহ কোথায়—

এ মায়া করো বিচূর্ণ—রক্ষা করো মোরে ।

আমার দায়িত্ব গুরু ! রাজ-প্রতিনিধি—

একান্ত বিশ্বাসে করি কর্তব্য পালন ;

সে বিশ্বাস টোটে বুঝি—শক্তি পায় লোপ !

এ আবেগ—এর নাম ? এ যে মোহ-মায়া !

এ মায়ায় বড় পাপ—গুরু অপরাধ ।

ইশাবেলার প্রবেশ

এসো বালা চারুমুখী ! কহ কি বারতা ?

ইশাবেলা । আসিয়াছি অভিলাষ জানিতে প্রভুর !

এঞ্জেলো । জানিতে বাসনা তব ! হতো ভালো, যদি

সাধ তব পূর্ণ হতো ! কিন্তু অসম্ভব,

অসম্ভব ! ভ্রাতা তব পারে না বাঁচিতে !

ইশাবেলা । তাই হোক ! আপনার হউক মঙ্গল !

( গমনোচ্ছতা )

এঞ্জেলো । তবু সে বাঁচিবে ক্ষণকাল ! হয়তো বা

যত কালতুমি আমি রহিব বাঁচিয়া !

তবু তারে হইবে মরিতে ।...নিরুপায় !

ইশাবেলা । তবদেশে মৃত্যু তার ? তোমার বিচারে ?

এঞ্জেলো । তাই ।

ইশাবেলা । কোন্ ক্ষণে ? কোন্ দণ্ডে ?

শুধাই সেটুকু—

বুঝিবারে শুধু, এই দাণ্ড, গানি, জ্বালা

দীর্ঘ বা ক্ষণেক কালে পুঁচিবে তাহার—

চিত্ত তার মুক্তি পাবে এ যাতনা হতে !

এঞ্জেলো । এই পাপ ! অনাচার ! দিক্ !

শত দিক্ !

বিধাতার সৃষ্টি নর—তারে হত্যা করা—

সে যেমন গুরু-অপরাধ,—তেমনি এ পাপ

গুরু...বিধিহীন নিষিদ্ধ মিলন, জেনো,

আর এক নব-প্রাণ-লিপ্সার উন্মেষ !

সজীব মানব—তারে হত্যা অনায়াসে—

কলঙ্কের ছাপ দিয়া নব-জন্ম-দান

অনুরূপ অনাচার ! হত্যা-অভিচার ।

ইশাবেলা । দেবলোকে যদি হয় কভু এ সম্ভব—

মর্ত্যালোকে কভু নয় । বিধাতা নিষ্পাপ !

মোহ—ভ্রম—স্বকঠিন বিচার তাঁহার ।

যে-মানবে শত ক্রটি—পরের ক্রটির  
কঠিন বিচার করে—নহে সমুচিত !

এঞ্জেলো । হেন কথা বলো তুমি ! বুঝাবো এখনি ।

কিবা চাও ? সুকঠিন আইনের পাশে  
বন্ধ-কণ্ঠ ভ্রাতা তব ত্যজিবে পরাণ ?  
অথবা বাঁচাতে—তার প্রাণ-পরিবর্তে,—  
ভ্রাতার জীবন যে-বা করে কলুষিত—  
তার মত দেহ তব করিবে লো দান ?

ইশাবেলা । মহাশয়,

করহ বিশ্বাস তবে,—দেহ তুচ্ছ অতি ।  
এ দেহে আমার নাহি তিলমাত্র মায়ী !  
মন—যারে আত্মা বলো—পারি নাকো শুধু  
সে-মনে, আত্মায় বলি দিতে হেলা-ভরে !

এঞ্জেলো । মন বা আত্মার কথা আমি বলি নাই ।

দায়ে নিত্য কত পাপ করিছে মানব—  
সংখ্যা লয়ে কে-বা করে হিসাব-নিকাশ ?  
অনাচারে যেই পাপ—তাতে যুগা জাগে ।

ইশাবেলা । এ কথা কেমনে বলো ? কি অর্থ ইহার ?

এঞ্জেলো । সর্ববাদী হয়তো নয়, মোর বিশ্বাস ।

ভালো কথা—চাহো যদি সহোদর-প্রাণ—  
এক প্রহ্ন করি তোমা—দেহ সজ্জ্বর ।  
রাষ্ট্রের যা বিধি আছে—মোর কণ্ঠ বহি  
ভাষায় দে-বিধি করে আপনা প্রকাশ,—  
ভ্রাতা তব প্রাণ দেবে স্বাতন্ত্র্যের করে !  
পাপে পাপ-বিনিময়—দাতব্যের মত—  
ভ্রাতৃ-প্রাণ-রক্ষা তরে সম্ভব কি হবে ?

ইশাবেলা । বলো, বলো—বিনিময়ে কি করিব আমি ?

আত্মা মোর যদি তাহে হীন হয়, তব  
ভ্রাতৃপ্রাণ লাগি তারে ভাবিব না পাপ ।

এঞ্জেলো । যে-পাপে দানের পুণ্য—তাহার সাধনে

চিত্ত যদি হীন হয়—তবুও প্রস্তুত ?

ইশাবেলা । তার প্রাণ ভিক্ষা চাই—যদি পাপ ইথে—

ভগবান, সেই পাপ লবো অকাতরে ।  
মোর ভ্রাতৃ-প্রাণ লাগি এ মোর প্রার্থনা,  
পূরণ করিলে তুমি, যে-পাপ ঘটবে,—  
প্রভাতী-বন্দনা-স্তুতি গাহিতে প্রাণের  
জানাবো বিধিরে—পাপ সে তোমার নয় !  
মোর বহু-পাপে হবে সে পাপের যোগ !

এঞ্জেলো । সে কথা বলি নি আমি ! আমি যা

বলেছি...

বোঝোনিকো মর্থ তার—বলি আর-বার—  
বোঝোনিকো, হয় তব বুদ্ধির স্বল্পতা—  
নয় তো চাতুরী-হল ! এ নহে উচিত ।

ইশাবেলা । মর্থ বা নিকোষ হই—জালো নাহি হই—

তবু জানি, আমি বাহা, তার বেশী নই !

এঞ্জেলো । যে বুদ্ধি নিজের দেখে এত ছোট করে

সে বুদ্ধির দাপ্তি বড় ; ক্লেশ আশ্রয়—  
তার তলে রূপ-প্রভা যেমন উজল,  
আবরণ-মুক্ত রূপে দাপ্তি নাই তথা !

কিন্তু শোনো—বুধা রচি বচনের জাল—

সরল সহজ পৃষ্ঠে এ আমার ভাষা—

শেষ কথা, ভ্রাতা তব হারাবে জীবন !

ইশাবেলা । তাই গোক তবে !

এঞ্জেলো । বিচার হয়েছে শেষ ।

এ-পাপে রাজ্যের বিধি লেখা—প্রাণদণ্ড ।

ইশাবেলা । জানি তাহা ।

এঞ্জেলো । তার প্রাণ-রক্ষা-হেতু তুমি

বহু কথা বলিয়াছ—করেছ মিনতি,—  
ভয়ী তুমি—ভ্রাতার জীবন চাহো—  
আমি তারে দণ্ড দিছি বিচার করিয়া,—  
আমারে মিনতি করো—আমি অবচল !

আইনের নাগ-পাশে আজি যে-বন্ধন,  
সে বন্ধন-মোচনের অধিকার কোথা ?  
কাহার বা অধিকার—বিচারক-বিনা ?  
এ মর্ত্যে যা মণি-রত্ন, বত শক্তি আছে,  
তার বিনিময়ে প্রাণ রক্ষা পাইবে না ।

শোনো বলি,—যৌবনের মণি-মুক্তাভারে  
তোমার দেহেতে দেখি অপরূপ বিভা—  
ভ্রাতৃপ্রাণ চাহো যদি,—মুকুল-যৌবন  
ওই দেহ কর দান । নহে ভ্রাতৃ-প্রাণ—  
রক্ষা নাই । বলো এবে, কি-বা অভ্যর্থনা ?

ইশাবেলা ! সহোদর কিবা আমি—একই উত্তর ।

আমার জীবন যদি যায় কশাঘাতে,  
সে কশা মণির মত ধরিব এ দেহে—  
হাসি-মুখে সে মরণে করিব বরণ ।

পাপ-শয্যা'পরে এই দেহ সঁপে দেয়া—  
সে-চিন্তা মনেও কভু পাবে নাকো ঠাঁই !  
দেহ দিয়ে দেহ রাখা—ধিক্ সেই দেহে !  
ধিক্ সে দেহের গেহে সজীব পরাণ !

এঞ্জেলো । ভ্রাতা তব মরিবে নিশ্চয়—জেনো স্থিঃ

ইশাবেলা । ক্ষতি তাহে বহু অল্প, জানি, মহাশয়,

এই দণ্ডে মরে ভ্রাতা স্বাতন্ত্র্য-রূপে—

ভালো, ভালো, শতগুণে ভালো তাহা মানি—

সে ভ্রাতার প্রাণ-রক্ষা-আশে ভয়ী তার

দেহে-মনে চির-মৃত্যু-ভুজিবার চেয়ে ।

এঞ্জেলো । যে বিধি-আইনে তুমি কহ কটু বাণী—

সে-বিধি—সে দণ্ড চেয়ে এবে দেখি, ভূমি  
ঢের বেশী স্ফুটন, নিশ্চয়, কঠোর !  
ইশাবেলা । পাপ-মূল্যে মুক্তি কেনা—

উভরে প্রভেদ বহ ! বিধি-বন্ধ ক্ষমা—  
লজ্জা-ধর্ম-ভ্যাগ সহ তুলা-মূল্য নহে ।  
এঞ্জেলো । কিছু পূর্বে বলিয়াছ—এ-বিধি রাক্ষণী !  
ভ্রাতার এ মহাক্রটি—ভ্রান্ত পথ-যাত্রা  
পাপ নহে—হৃদয়ের আনন্দ-কৌতুক !  
ইশাবেলা । ক্ষমা করো সে প্রগল্ভ বাণী মোর প্রভু  
বহু বাক্য অধরেতে এমনি সে ঝরে—  
অর্থ বুঝি বাক্য মোরা করি না প্রয়োগ  
সর্ব কালে ; হেন বাক্য বলিয়াছি বুঝি,  
ভালোবাসি সহোদরে—তার শুভ-আশে ।  
এঞ্জেলো । মাহুষ দুর্বল । মতিভ্রম কার নাহি ?  
ইশাবেলা । এই মতিভ্রম লাগি ভ্রাতা দেয় প্রাণ !  
দুর্বল সে একা যদি মানব-সমাজে—  
আর কেহ মতিভ্রম করে নি কখনো,  
তার প্রাণ লও তবে । নহে, যে-দৌর্বল্য  
সকল নরের ব্যাধি—তার মূল্য একা  
কেন দিবে সহোদর ?

এঞ্জেলো । নারীও দুর্বল ।  
নহে কি গো চিত্ত তার এমনি ভঙ্গুর ?  
ইশাবেলা । যে-দর্পণে দেখে নারী নিজ-মুখ—টিক  
তারি মত নারী-চিত্ত, তেমনি ভঙ্গুর !  
দর্পণে সহজে ষধা নানা মুক্তি জাগে—  
তেমনি সহজে ভাঙ্গে ! গুণ ভাঙ্গা-গড়া !  
হায় নারী, ভগবান, রক্ষা করো তারে !  
নারী-বন্ধ হতে যত সুখা লয়ে নর  
পূর্ণ-তৃপ্ত—নিত্য তত ভাবিছে নারীরে !  
বলো, বলো শতবার, বলো লক্ষবার—  
দুর্বল ভঙ্গুর-চিত্ত রমণী হেথায়—  
স্বভাব-কোমল মন, সরল বিশ্বাস,  
সারল্যে গরল-জ্বালা ভুঞ্জে সবিশেষ !

এঞ্জেলো । তব বাক্যে বহু চিন্তা করিয়াছি আমি ।  
তব বাক্যে নারীর যে-পরিচয় পাই,  
নর-নারী দুজনায় সমান দুর্বল...  
দুজনায় হয় হেথা ক্রটি ও বিচ্যুতি ।  
সে ক্রটির বশে দোলা ওঠে দেহে-মনে ।  
স্পষ্ট তবে কহি, শুন, বুঝেছি, বা বলো ।  
তুমি যাহা, তাই তুমি, অর্থাৎ রমণী !  
তার বেশী হতে চাও, কিছুই হবে না !  
আকারে-প্রকারে নারী, দেখে মনে হয়,

অন্তরে রমণী যদি—হও দেহে-মনে  
নারী শুধু—দেখি শুধু রমণী তোমাতে !  
ইশাবেলা । আমি মূর্খ নারী প্রভু, এই তব-কথা  
হেয়ালির হন্দে রচা, অর্থ নাহি বুঝি !  
স্পষ্টভাবে কহ, যাহা বলিবার আছে—  
সরল সহজ বাক্য পূর্বেকার মত !  
এঞ্জেলো । সরল ভাষায় বলি, সহজে বুঝিবে—  
ভালোবাসিয়াছি আমি তোমাতে, স্নানরী !  
ইশাবেলা । ভাই মোর জুলিয়েতে বেসেছিল ভালো ।  
তুমি বলিয়াছ, সেই ভালোবাসা হেতু  
ভ্রাতার চরম পাপ, প্রাণ যাবে তার !  
এঞ্জেলো । যাবে নাকো—তুমি যদি ভালবাসো মোরে ।  
ইশাবেলা । যে-আসনে আজ তুমি—জানি ভালোমতে  
সে আসন-অধিকার লয়ে পর-প্রাণ  
পরখ করিতে চাও !

এঞ্জেলো । এ নহে পরীক্ষা ।  
বিশ্বাস করহ নারী, বলি সত্য কথা,  
অকপট সত্য এই প্রাণের প্রকাশ ।  
ইশাবেলা । ধিক ! ধিক ! এ কথায় করিব প্রত্যয় ?  
এ কি পাপ, এ কি হীন পরীক্ষা ইতর !  
বুঝিয়াছি, থাক, থাক—শোনো বিচারক,  
তোমার গুণের বহু স্তুতি-গান গাবো ।  
আদেশ-লিখন দাও স্বাক্ষর করিয়া  
ভ্রাতারে কবেছ ক্ষমা ! নহে জেনো স্থির,  
উচ্চ কণ্ঠে নিখিলের জনে-জনে ডাকি  
কহিব, অন্ত্যজ নীচ তোমার ও মন !  
এঞ্জেলো । সে কথায় ইশাবেল, কে করে প্রত্যয় ?  
অকলঙ্ক নাম মম, অকলুষ খ্যাতি,  
তপস্বীর মত নিষ্ঠা—আমার জীবনে ।  
সে বাণীরে মিথ্যা বলি ঘোষিবে সকলে ।  
এ রাজ্যে আসন মম দৃঢ় অবিচল—  
তোমার এ অপযশে বিন্দু টলিবে না !  
তোমারি কুখ্যাতি সবে করিবে রটনা ।  
যাক...বুঝা বাক্যব্যয়ে নাহি প্রয়োজন !  
বাসনা-তুরগ রশ্মি দিয়াছে ছাড়িয়া—  
কামনা পুরাও মোর স্নেহুজির বশে,  
সাজো অভিসারিকার মোহময় বেশে  
নয়নে কটাক্ষ হানি, অধরের কোণে  
যা-কিছু মাধুরী করো দীপ্ত অঙ্গে তব,  
পিয়াও বোঁবন-সুয়া—সর্ব দ্রুত যাবে,  
ভ্রাতা তব পাবে মুক্তি । কর দেহ-দান,  
ইচ্ছামত করি ভোগ বাসনা মিটানো ।  
অকরণ হয়ে কেন মৃত্যু দিবে ভারে ?



স্ব-কঠিন ব্রত এই, আনন্দ-বিভ্রম !  
সহস্র যদি দিতে আজ নাহি পারো,  
ভালো করে ভাবি, কাল ভেটিয়ো আমারে ।  
নহে তব প্রতি এই আমার যে প্রীতি,  
তোমার আঘাতে হবে দুর্গন্ধ বৈরতা—  
নির্মম হত্যায় লবে অবজ্ঞার শোধ !  
চাহো যদি মোর নামে কলঙ্ক রটাতে,  
রটাইয়ো যথা ইচ্ছা ! সুনামের বর্ষে  
সে কলঙ্ক-অপমণ চূর্ণ হয়ে যাবে !

[ প্রস্থান

ইশাবেলা । কার কাছে যাবো ? কারে করি  
অভিযোগ ?

এ কথা কাহারে কহি ? কে করে প্রত্যয় ?  
ওরে মানবের কণ্ঠ—একটি রসনা  
বহে নিন্দা কিম্বা কটু স্তুতি-ভাষা-গান !  
বিচার করে না কিছু, যাহা-ইচ্ছা বলে—  
ভালো-মন্দ বুঝিবে যে, নাহি অবসর !  
যাবো এবে ভ্রাতৃ-পাশে—প্রাণ যাবে চলে’—  
তবু জানি, মর্যাদা-সম্মত-বোধ আছে ।  
স্বন্ধে তার এক শির ; শত শির যদি  
যাতকের খড়্গে যায় শতক আঘাতে  
শত বার—শির দিতে হাসি-মুখে ভাই  
ভদ্রীর দেহের মূল্যে চাবে না রাখিতে,  
কলঙ্ক-কালিমা লিপ্ত করি ভগিনীরে !  
পুণ্যে ধর্ম ইশাবেলা রহিবে বাঁচিয়া ।  
হায় ভ্রাতা, মৃত্যু তব ! নাহিক উপায় !  
ভ্রাতৃপ্রাণ হতে মূল্য চের বেশী মানি  
রমণীর সতীত্বের । তথাপি ভ্রাতারে  
কহিব, এঞ্জেলো দুষ্ট—কিবা সর্ব ভার !  
মরণে প্রস্তুত হোক ! চিত্তের যাতনা—  
বিরাম মিলিবে তার নির্দূর মরণে !

[ প্রস্থান

## তৃতীয় অঙ্ক

### প্রথম দৃশ্য

কারা-কক্ষ

( ক্লডিয়ো, সন্ন্যাসি-বেশে ডিউকের প্রবেশ ; সঙ্গে  
কারাধ্যক্ষ )

ডিউক । এঞ্জেলো করিবে ক্ষমা—সেই আশা রাখো ?  
ক্লডিয়ো । আর্ন্ত অসহায় যে-বা, কি তাহার আছে

সম্মল আশ্রয়, কহ, এই আশা বিনা ?  
জীবনেতে রাখি আশা...মরণে প্রস্তুত ।  
ডিউক । মৃত্যুরে বরিতে চিত্তে করো অবিচল ।

জীবন-মরণ—হবে তুল্য সুমধুর ।  
জীবনে বুঝাও এবে এই যুক্তি দিয়া,  
তোমারে হারাই যদি—হারাইব কিছু  
মুঢ়ে যা রাখিতে চায় ! কি স্বরূপ তব ?  
একটি নিশ্বাস শুধু ! শত শক্তি তার  
বিনীত দাসের সম দেহে করে বাস !  
যে-দেহে নিবাস তার, করে জর-জর  
ব্যথাতুর রোগে নিত্য মৃত্যুর নক্ষর !  
মৃত্যু হতে এ জীবন রক্ষিতে আশাস—  
মৃত্যু হতে যে-জনের দূরে পলায়ন,  
পুনঃ ফিরে আসা তার কাছে...নিরুপায় !  
মর্যাদার বিন্দুমাত্র নাহি চিত্তে তব,  
নীচ উপায়েরে চাহো করিতে আশ্রয় !  
বীর নহ—ক্ষুদ্র কীট ! দংশনের ভয়ে  
কম্পিত কাতর এত ! নিদ্রারে জানিয়ো  
বিরামের ক্ষুণ্ণিত মাত্র । তবু ক্ষিপ্ত তুমি !  
মৃত্যু—তারে কেন শঙ্কা ? তুমি আত্মহারা !  
বিশাল প্রাণের মাঝে তুমি পরমাণু !  
আপনারে ভুলি চাহো নহে যা আপন !  
স্থির-লক্ষ্য নহে মন, নিয়ন্ত-চঞ্চল !  
ধন যদি থাকে তব, তবুও দরিদ্র !  
চিনির বলদ সম চিত্ত-ধন তুমি  
শুধুই বহিয়া মরো,—সে তোমার নয় !  
স্নেহ নাই, মায়া নাই, মান নাই তব—  
বহিষ্কৃত জীবন যেন দুর্বিষহ ভার !  
এত মায়া এ জীবনে ? গেলে কি-বা ক্ষতি ?  
আমাদের এ জীবনে মৃত্যু শত শত—  
তবুও মরণে শঙ্কা ! বিমূঢ় আমরা !

ক্লডিয়ো । সাধু ! সাধুবাদ দিই তোমার বচনে ।

প্রাণ চাহি, সত্য মোরা চাহি যে মরণে—  
মরণে চাহিলে পাই সত্যই জীবন ।

তাই হবে, তাই হবে, হে বন্ধু তাপস ।

ইশাবেলা । ( নেপথ্য হইতে ) কে আছো এ শাস্তিময়  
পবিত্র আবাসে ?

কারাধ্যক্ষ । কে ? ভিতরে এসো । তোমার কথা-  
গুলি মধুমাখা মনে হচ্ছে !

ডিউক । আপনার সঙ্গে আবার দেখা হবে,  
মশায় ।

ক্লডিয়ো । পুণ্য-ব্রত হে সন্ন্যাসী, লহ মোর  
নতি ।

(ইশাবেলার প্রবেশ)

ইশাবেলা। হুঁ একটি কথা আছে কুড়িয়োর সনে।  
কারাধ্যক্ষ। স্বাগত! ছাখো হে ভদ্র, ভগ্নী তব আসে।

ডিউক। কারাধ্যক্ষ, তব সাথে কথা আছে যোর।  
কারাধ্যক্ষ। বহু কথা হয় যদি, আনন্দে শুনিব।  
ডিউক। হেথা হতে অন্তরালে চাহি থাকিবারে  
কি কথা ইহারা কয়, চাহি শুনিবারে।

[ডিউক ও কারাধ্যক্ষের প্রস্থান]

কুড়িয়ো। বল বোন, সমাচার? শুভ তো সকলি?  
ইশাবেলা। আনন্দ-সংবাদ শুভ হয় চিরদিন।

আনিয়াছি সত্য ভাই, শুভ সমাচার...  
অতি-শুভ! অমাত্য-প্রধান এঞ্জেলো—  
বুঝি স্বর্গে আছে তার বহুবিধ কাজ—  
সেখানে পাঠাতে দূত তোমারে সে চায়!  
সেথা হতে ফিরিবে না; করিবে বসতি।  
স্বরা করি সাধুরা যাত্রা। ব্রিতে সে চায়।

কালিকে প্রভাতে তব মহাযাত্রা শুনি!  
কুড়িয়ো। বাঁচিবার নাহি হয়, কোনোই উপায়?  
ইশাবেলা। কিছু নাই। নাই কেন? আছে—  
আছে এক।

এক মুণ্ড বাঁচাইতে অল্প হৃদি-বলি।

কুড়িয়ো। কি সে উপায়, ভগ্নী?  
ইশাবেলা। বাঁচিতে বাসনা?

পারো বাঁচিবারে—রক্ষা পাবে তব প্রাণ...  
তোমার যে-বিচারক, তাহার করুণা  
দানবীয়, তার বলে প্রাণ রক্ষা পাবে;  
কিন্তু রবে শৃঙ্খলিত—যতদিন প্রাণ!

কুড়িয়ো। যাবজ্জীবন বন্দী?  
ইশাবেলা। তাই ভাই, তাই।

দূত বন্ধ প্রাচীরেতে! যদিও ধরনী  
রবে মুক্ত অবাধ প্রসারে, তবু সীমা  
স্বনির্দিষ্ট—অতি সে সঙ্কীর্ণ, জেনো।

কুড়িয়ো। সে হয়, কিরূপ মুক্তি?  
ইশাবেলা। এক সত্ত্ব আছে।

সে সত্ত্ব সম্মত হলে, মান যাবে! খশি'  
রক্ষা-আবরণ—তরুর বাকল-সম  
নগ্ন ভরু-সম রবে দারুণ নগ্নতা!

কুড়িয়ো। স্পষ্ট ভাষে বলো ভগ্নী!  
ইশাবেলা। বলিতে আশঙ্কা

জাগে। ভয়ে কাঁপে সর্ব্ব দেহ-মন।  
অমর সম্মান ভাজি' পাছে তুমি চাও

হয়-সাত বর্ষ-ব্যাপি জীবন-মেয়াদ!  
মরণে এমন শঙ্কা জাগে চিন্তে তব?  
শঙ্কা বত—আসন্ন সে মরণ-ছায়ায়;  
মরণে যাতনা নাই! ক্ষুদ্র যেই কীট  
আমাদের পদতলে নিত্য পিবে মরে—  
মরণ-যাতনা সহে মরণের ক্ষণে;  
অতিকায় রক্ষ পায় সেই সে যাতনা  
আপন মরণ-কালে! কোনো ভেদ নাই।

কুড়িয়ো। এ কথা বলিয়া কেন লজ্জা লাগে মোরে!  
কুসুম-কোমল মন—ভাবো তুমি, তাহে  
স্বকঠিন লৌহ সম পণ নাহি মোর?  
মৃত্যু যদি নিতে হয়—নেবো আমি তারে  
প্রেয়সী বধূর মত বাহ-আলিঙ্গনে,  
সাদরে পরম-যত্নে—জানিয়া ভগিনি!  
ইশাবেলা। এই তো তোমার যোগ্য কথা ভাই,  
শুনি।

স্বর্গগত পিতৃমুখ-নিঃসারিত বাণী  
যেন কর্ণে শুনিলাম—মরণ মধুর!  
করো ভাই মৃত্যুরে বরণ—স্বাধা মৃত্যু।  
হীনতা বরণ করি দেহে প্রাণ রাখা—  
মহত্ব বাধিবে তব। ভণ্ড প্রতিনিধি,  
সাধুবেশী ছুট পাণী—বিচারের নামে  
চরিত্র-মহিমা দীপ্তি করে যে ঘোষণা—  
তরুণ জীবনে দেয় বিনা-দোষে বলি,  
ছুট বজ্র মারে যথা ক্ষুদ্র বিহঙ্গেরে—  
কতখানি ছুরাচার,—কেহ নাহি জানে!  
তার মনে যত পাপ-অভিসন্ধি আছে—  
নরক-গহ্বর যেন অতল গভীর!

কুড়িয়ো। সকলের শ্রদ্ধাভাক্ এঞ্জেলো—এমন?  
ইশাবেলা। নরকের ধূর্ত জীব—অতি-স্বর্ণ্য মন!  
বাহিরে পুণ্যের বেশ—কাপটা-আধার!  
কি সত্ত্ব কহেছে, জানো? কি সে পাপ কথা?  
আমার কৌমার্য ডালি দিলে তার পায়—  
পাপ-ইচ্ছা পূর্ণ যদি করি দেহ-দানে,  
তোমারে করিবে ক্ষমা—মুক্তি সেই দণ্ডে!  
কুড়িয়ো। ভগবান! ভগবান! না, না,—  
মুক্তি নয়!

ইশাবেলা। যে কলঙ্ক লেপিয়াছে পাপ-অনাচারে,  
সে পাপে আপনি ছুট করিবে বরণ!  
আজ রাত্রি—বলিয়াছে সেই পাপ কথা—  
রমনা ভাষিতে নারে—শিহরে পরাণ—  
না হলে কালিকে তব মৃত্যু স্থনিশ্চিত।  
কুড়িয়ো। না, না, হেন পাপ কার্য্য তুমি করিবে না।

ইশাবেলা। তব প্রাণ-পরিবর্তে চাহিত সে যদি  
আমার এ প্রাণ-বায়ু—দিতাম হেলায় !  
তোমার জীবন লাগি এ মোর জীবন—  
তুচ্ছ তৃণসম ভাবি !

ক্লডিয়ো। জানি স্নেহ তব ।  
ইশাবেলা। কালি মৃত্যু-তরে ভাই দৃঢ় করো মনে !  
ক্লডিয়ো। করিব তা । কিন্তু হেন ভাণ ! মিথ্যাচারী  
এমন কপট ! যেই বিধি পালিবারে  
অটল কঠিন—লজ্জিবে আপনি তারে—  
এমনি তা তুচ্ছ করি ! তবে পাণ নহে,—  
অনাচার নহে এই রমণীর মোহ !  
উগ্র ষড়রিপু মাঝে নিরীহ এ রিপু !  
ইশাবেলা। কোন্ রিপু কহিছ নিরীহ ?  
ক্লডিয়ো। উগ্র যদি,

নিন্দার, ঘৃণার যদি,—অভিজ্ঞ এঞ্জেলো  
জ্ঞানী-জন—মোহে তার ভ্রান্তি নাহি হতো !  
নিমেষের মোহ লাগি বরিবে নরক ?  
সম্ভব সে নয়, ভগ্নী ।

ইশাবেলা। এ কথার অর্থ ?  
ক্লডিয়ো। মৃত্যু—সে ভীষণ অতি ।  
ইশাবেলা। কলুষিত প্রাণ—  
সে আরো ভীষণ, জেনো ।

ক্লডিয়ো। কিন্তু মৃত্যু-লোক !  
অজ্ঞান সে পথ—কোথা যাবো, নাহি স্থির ।  
হিমে অর্জরিত বন্দা—গুধু পড়ে পচা !  
জীবনের তাপে-ঘেরা এ স্বচ্ছন্দ গতি  
হিমানীতে হবে ক্লদ ! জীবন্ত এমনি—  
কে জানে, অনল-হৃদে জলে শারা হবে,  
অথবা তুষার-বক্ষে নিম্পদ অসাড় !  
মায়াময়ী ধরণীর স্নেহস্পর্শ-হারি,  
উত্তল পবনে ভাষা অন্তরীক্ষ-পথে  
চঞ্চল পল্লব সম—বিরাম-বিহীন !  
কিঞ্চিৎ বাসনার প্রমত্ত ভাঙনে  
অশুভ হইতে আরো অশুভে পতন !  
সে যে বড় ভয়ঙ্কর—নহে সহিব্যার !  
জীর্ণ দার্ণ শত দুঃখ অভাব সহিয়া  
শ্রান্ত দেহে জরা-ব্যাদি দারুণ পীড়ন—  
সহজ-মরণ শেষে—তাঁহে স্ব্থ আছে  
ভয়াল মরণ হতে ।

ইশাবেলা। হায় ভাই, হায় !  
ক্লডিয়ো। মরিতে চাহি না বোন—বাঁচিতে অধীর !  
আমার বাঁচিতে দাঁও ! জীবনে কি স্ব্থ !  
দ্রাতার জীবন লাগি করিবে যে-পাণ—

সে পাণে হবে না পাণ । প্রসন্ন বিধাতা  
সে-পাণে পরশ দিয়া পুণ্য করিবেন !  
ইশাবেলা। এত নীচ, নরাধম, পশুর সমান !  
কাপুরুষ ! হেয় জীব ! ওরে হতভাগা—  
আমার পাণের ধ্বজা হইয়া বাঁচিবে !  
ভগ্নীর কলঙ্ক-লজ্জা—তার বিনিময়ে  
এ জীবন রক্ষা করা—সে কি পাণ নয় ?  
সতীর সত্যি নিজে দিবে সে বিলায়ে ?  
কি বলিব ? কি বলিব ? লাজে নত শির !  
ভগবান ! ভগবান ! এই মোর ভাই—  
পিতার শোণিত তার শিরায়-শিরায় !  
স্বার্থ-মূঢ় লজ্জাহীন জন্মিয়াছে কুলে !  
শোনো কথা—মরো তুমি—যাক তব প্রাণ—  
জাহ্নু পাতি দেবতারে মাগিব এখন,  
মৃত্যু হোক—মৃত্যু হোক—মৃত্যু হোক তব !  
তোমার মরণ চাহি দিকে-দিকে আমি—  
সবারে প্রার্থনা করি । বাঁচিবে না তুমি !  
তব প্রাণ-রক্ষা-হেতু কহিব না কথা !

ক্লডিয়ো। শোনো বোন, শোনো ।  
ইশাবেলা। দিক্, শত দিক্ মোরে !  
এ তোমার রূপ-লিপ্সা—এ তোমার মোহ—  
নহে নিমেষের ভ্রান্তি—এ তব ব্যবসা !  
তোমারে করুণা-রূপ—অতি অহুচিত ।  
পাণের প্রশ্রয় তাহে—মহা অকল্যাণ !  
যত শীঘ্র যায় প্রাণ—বিশ্বের মঙ্গল !

(গমনোত্ততা)

ক্লডিয়ো। ইশাবেলা- ইশাবেলা—কথা শোনো  
বোন !

(ডিউকের পুনঃপ্রবেশ ; পিছনে কারাধাক্)

ডিউক। কথা আছে। এক কথা, অগ্নি পুণ্যময়ী,  
নিবেদিতে চাহি। তুমি শুনিবে রূপায় ?  
ইশাবেলা। কি কথা ?  
ডিউক। একটু শাস্ত হও। বলবো। এখন তোমার  
অবসর হবে ? সে কথায় তোমার মঙ্গল, জেনো ।  
ইশাবেলা। আমার অবসরের অভাব। বাইরে আর  
বৈশিষ্ট্য আমি থাকতে পারবো না। বেশ,  
একটু পরে আমাকে আপনার কথা বলবেন ।  
ডিউক। (ক্লডিয়োর প্রতি জনান্তিকে) আমি  
শুনেছি বৎস, তোমার ভগ্নীকে তুমি যে কথা  
বলছিলে ! তোমার ভগ্নীকে কলঙ্কিনী করবার  
বাসনা এঞ্জেলোর ছিল না । তিনি গুধু গুঁর নিষ্ঠা

পরীক্ষা করছিলেন—নারী-চরিত্র জানবার জন্য। তোমার ভগ্নী পুণ্যময়ী সত্য। এঞ্জেলোর প্রস্তাব তাই তিনি স্বগা-ভরে প্রত্যাখ্যান করেছেন। সে প্রত্যাখ্যানে এঞ্জেলো খুশী হয়েছেন। আমি এঞ্জেলোর গুরু। আমার কাছে তাঁর কোনো কথা গোপন নেই। সব-কথা তিনি প্রকাশ করে বলেন। এ-কথা তাই আমি সত্য বলে জানি। মৃত্যুর জন্য তুমি প্রস্তুত হও। মিথ্যা আশায় মনে আকাশ-কুসুম রচনা করো না। কাল তোমার মৃত্যু নিশ্চিত, জেনো। নতজাহ্ন হয়ে বিধাতার পায়ে তোমার অস্তিম প্রার্থনা নিবেদন করো—করে' মৃত্যুর জন্য প্রস্তুত হও।

রুডিয়ো। ভগ্নীর কাছে মার্জনা চাই। জীবনে সত্যই আমার আর স্পৃহা নেই। এ জীবন ত্যাগ করতে পারলে আমি তৃপ্ত হবো।

ডিউক। এ উত্তম সঙ্কল্প। তোমার এ-সঙ্কল্প স্মৃঢ় হোক। এসো এখন।

[ রুডিয়োর প্রস্থান ]

প্রহরী, তোমার সঙ্গে কথা আছে।

কারাধ্যক্ষ। বলুন পিতা।

ডিউক। তুমি অগ্রত যাও। এই বালিকার সঙ্গে আমার কিছু কথা আছে। আমার বেশ দেখচো? আমি সন্ন্যাসী। আমার কাছে বালিকার কোন অনিষ্ট হবে না।

কারাধ্যক্ষ। এখন আমি স্থানান্তরে যাচ্ছি, পিতা।

[ কারাধ্যক্ষের প্রস্থান ]

ডিউক। ধৈর্য-বিধাতা তোমার দেহে অপক্লপ সৌন্দর্য ঢেলে দিয়েছেন, সেই বিধাতাই তোমার মনকে সুন্দর পবিত্র করে' গড়েছেন। যে রূপসীর পুণ্য ভঙ্গুর, রূপ তার বড় নিমেষের! তোমার মন পবিত্র—সে পবিত্র মনের বলে তোমার দেহে রূপ স্ত্রী থাকবে চিরোজ্জ্বল হয়ে। এঞ্জেলো তোমাকে যে পাপ কথা বলেছেন, ভাগ্যক্রমে আমি তার অর্থ আর উদ্দেশ্য বুঝেছি। কিন্তু মাহুঘ বড় দুর্বল! এঞ্জেলোর মনে যদি নোঁরুল্যা ঘটে থাকে, তাহলে বিশ্বয়ের সীমা থাকবে না। হ্যাঁ, একটা কথা ছিল—তোমার ভাইয়ের প্রাণ রক্ষা করতে যদি কোনো রকম পরিবর্তে স্বীকৃত থাকো, আমার তা প্রকাশ করে বলে।

ইশাবেলা। তার কাছে গিয়ে আমি আমার স্থির সঙ্কল্পের কথা জানাবো। আইনের বিচারে ভাইয়ের যদি মৃত্যু ঘটে, সে ক্ষেত্রে আমার সহ

হবে। কিন্তু পাপ-অভিসারে জারজ-সন্তানের জন্ম-দান—সে আমি সহ্য করবো না! ভাবি তাই, স্বেচ্ছা ডিউক এঞ্জেলোকে 'কি ভুল বুঝেছেন! তিনি কতখানি প্রভাবিত হয়েছেন! ডিউক যদি আবার কখনো রাজ্যে ফিরে আসেন—তখন যদি তাঁকে এ কথা বলি,—হয়তো সে বলা নিষ্ফল হবে! প্রতিনিধির এ রাজ্য-শাসন-ব্যাপার স্বচক্ষে তিনি দেখতে পাবেন না।

ডিউক। সে সম্বন্ধে কিছু বলা যার না! তবে যা মর্মার্থ অর্থাৎ তোমার যা অভিযোগ—এঞ্জেলো তোমার নির্ভার পরীক্ষা করছিলেন মাত্র! আমার পরামর্শ শুনে তুমি দেখতে পারো। কুশল-চিন্তা আমার ব্রত—তাই একটা উপায় আমি স্থির করেছি। আমার মনে হচ্ছে, আমার পরামর্শ শুনে এক অভাগিনী নারীর তুমি পরম উপকার-সাধন করবে—সেই সঙ্গে এই দুই রাজ-বিধির গ্রাস থেকে তোমার ভাইয়ের উদ্ধার ঘটবে—তোমার নিজের নামেও কলঙ্ক স্পর্শ করবে না। ডিউক এখন রাজ্যে অনুপস্থিত। ভাগ্যক্রমে যদি কখনো তিনি রাজ্যে ফেরেন, তাহলে এ সংবাদ শুনে তিনিও খুব খুশী হবেন।

ইশাবেলা। বলুন আপনি। আমার দেহে-মনে কোনো কলঙ্ক স্পর্শ করবে না, এমন যে-কোনো কাজ করতে আমি প্রস্তুত আছি।

ডিউক। পুণ্য চিরদিন সাহসী। নির্ভা-ধর্ম কখনো ভীকু হতে পারে না। তুমি মারিয়ানার নাম শুনেচো? ফ্রেডরিক বলে যে বীর-যোদ্ধা সমুদ্রে ডুবে মারা গেছেন,—তাঁর বোন মারিয়ানা?

ইশাবেলা। তাঁর নাম শুনেছি। সকলে তাঁর স্মৃতি রাখতে।

ডিউক। তিনি ছিলেন এই এঞ্জেলোর বাগদত্তা বধূ। বিবাহের দিন-ক্ষণ পর্যন্ত নির্দিষ্ট ছিল। কিন্তু সে তারিখের পূর্বেই ফ্রেডরিক বেচারি মারা গেল সপুত্র জাহাজ ডুবি হয়ে—সেই সঙ্গে বিবাহের যৌতুক গেল নষ্ট হয়ে। এ দুর্ঘটনায় বেচারী মারিয়ানার দুঃখের আর সীমা রইলো না। অত-বড় ভাই—যেমন স্বভাব, তেমনি খ্যাতি—সে ভাইকে হারালো জন্মের মতন—ভাইয়ের সঙ্গে গেল ধন-সম্পদ যথা-সর্বস্ব—এই যথা-সর্বস্বের মধ্যে ছিল বিয়ের যৌতুক। যৌতুক যেতে এই ভদ্র-সাপু এঞ্জেলোর সঙ্গে তার বিবাহের আশাও নির্মূল হলো!

ইশাবেলা। এ কথা সত্য? এ অবস্থায় এঞ্জেলো তার মুখের পানে চাইলে না? ত্যাগ করলে?

ডিউক। অশ্রুর বস্ত্রায় মারিয়ানাকে সে ত্যাগ করলে! সে চোখের জল মুছে দেবার কথা তার মনে জাগলো না! বাক্য দান করেছিল ধর্মের নামে—সে বাক্য তুলে নিলে! তাও নিল তার নামে মিথ্যা কলঙ্ক দিয়ে! বেচারী মারিয়ানা হৃৎখে মলিন হয়ে নিরীলা কোণে পড়ে আছে—শোকে জর-জর, কাতর! বেচারী এখনো এই দুর্ভিক্ষ এঞ্জেলোর ধ্যানে তন্ময়—আর এঞ্জেলো পাষাণে বুক বেঁধে, অটল হয়ে সমাজের বৃকে দাঁড়িয়ে আছে!

ইশাবেলা। এ হৃৎখ স্মৃ করবার চেয়ে তার মৃত্যু ভালো ছিল। এত পাপে, এমন অনাচার করেও এঞ্জেলো বেঁচে আছে! আশ্চর্য্য!...কিন্তু আমি বুঝি না, এ ব্যাপারে মারিয়ানার কি মঙ্গল আমি সাধন করতে পারি?

ডিউক। এ ব্যাধির প্রতিকার করতে পারো শুধু তুমি। আর তার ফলে নিজেকে অসম্মত, কলঙ্ক থেকে মুক্ত রেখে তোমার ভাইয়ের জীবনও তুমি রক্ষা করতে পারবে!

ইশাবেলা। কি করে? আপনি বলুন।

ডিউক। বলছি। মারিয়ানা এখনো এঞ্জেলোকে ভালো নি। এঞ্জেলোর এই বিরাগ, ইতর প্রত্যাখ্যান, আর নির্ভর ব্যবহারে তার মনের সে ভালো-বাসার দীপ নেবে নি—বিমুখতার ঝড়ে আরো তা জলে উঠলো! তুমি যাও এঞ্জেলোর কাছে—তাকে জানাও, তার প্রস্তাবে তুমি রাজী আছ। যা তার কামনা, তাকে বুঝিয়ে, সে কামনা পূরণ হবে। শুধু এইটুকু মনে রেখো, তাকে বলো,—বেশীক্ষণ তার কাছে তুমি থাকবে না—যে-যেরে দেখা হবে, সে ঘরে আলো জ্বলেবে না—ঘর থাকবে অন্ধকার; এবং স্থান হবে লোকালয় থেকে দূরে—নির্জনে! এ কথায় সে রাজী হলে বেচারী মারিয়ানাকে আমরা পাঠাবো সেইখানে, তোমার পরিবর্তে। এ মিলনের কথা প্রকাশ পেলে এঞ্জেলো বাধ্য হবে মারিয়ানাকে বিবাহ করতে। এতে তোমার ভাই পাবে মুক্তি—তোমার নামেও একভিল কলঙ্ক স্পর্শ করবে না। বেচারী মারিয়ানার হৃৎখ ঘুচেবে এবং এই দুর্জনের যোগ্য শাস্তি হবে। আমার এ প্রস্তাবে যদি তোমার মত থাকে, তাহলে

সব দিক দিয়ে আমাদের অভীষ্ট-সাধন হয়! কি বলো তুমি?

ইশাবেলা। এ কথায় সত্যই আমি প্রীত হয়েছি। এর ফলে মঙ্গলই হবে।

ডিউক। সে ফল নির্ভর করবে তোমার কলা-কৌশলের উপর। তুমি বিলম্ব করো না—এখন এঞ্জেলোর কাছে যাও। সে যদি বলে, আজ রাত্রে তার শয্যায় সে তোমাকে চায় সঙ্গিনী, তাতে তুমি সন্মত হয়ো। আমি চল্লেম সেই লুক্কের মন্দিরে। মারিয়ানা সেইখানে আছে। সেখানে তুমি আমার সঙ্গে সাক্ষাৎ করো। এঞ্জেলোর সঙ্গে যা কিছু ব্যবস্থা তা শীঘ্র শেষ করে ফ্যালো।

ইশাবেলা। আপনার ব্যবহারে কি আরাম পেলেম! তা'হলে আসি, প্রভু!

[ দুই দিক দিয়া দুই জনের প্রস্থান ]

## দ্বিতীয় দৃশ্য

কারা-গৃহের সম্মুখস্থ পথ

এক দিক দিয়া ছদ্মবেশী ডিউকের প্রবেশ;

অপর দিক দিয়া এলুবো এবং পম্পিকে

লইয়া কর্মচারিগণের প্রবেশ

এলুবো। এর যদি ব্যবস্থা না হয় বাপু—জানোয়ারের মত তোমরা এমনি মানুষ বেচা-কেনা করো, তা'হলে সারা পৃথিবীতে সাদায়া-কালোয় দো-আঁশলা জীবের সৃষ্টি হবে।

ডিউক। এখানে আবার এ কি ব্যাপার?

পম্পি। বেঁচে আর কোনো স্মৃ নেই! যে-ইন্তক ফুর্তির গলা আইনের দড়িতে কষে মারা হয়েছে, বেঁচে লাভ? কি নিয়ে বাঁচবো? ফুর্তির গরমে মানুষ তাজা থাকতো আপনা-আপনি! এখন ফুর্তির অভাবে ভেড়ার লোম গায়ে দিয়ে নিজেদের গরম রাখতে হবে। পোষাকের ছটায় নিজের আসল রূপ ঢেকে তোকা চালিয়ে যাওয়া যায়—যদি বুদ্ধি খরচ করবার তাকৎ থাকে!

এলুবো। চল, চল!...এ কি, সাধু-বাবা! প্রণাম, ঠাকুর।

ডিউক। মঙ্গল হোক। এ লোকটি কি অপরাধ করেছে?

এলুবো। এ লোকটি আইন ভেঙ্গেছে, বাবা! তার উপর এ চোর। এর কাছে পাওয়া গেছে তালা-চাবি। সেটি পাঠিয়েছি রাজ-প্রতিনিধির কাছে।

ডিউক। ছি ছি লজ্জা হয়...গণিকার চর তুমি!

বিষে করো বিষময় মানব-সমাজ!

সে বিষ প্রসারি করো জীবিকা-অর্জন।

এই নীচ ব্যবসারে যেই অর্থ পাও,

সে-অর্থে উদর-পূর্তি—বসন-ভূষণ!

ভেবে ছাখো,—কি কলুষ আচার তোমার!

নিজ-মনে কহ গুনি—কলুষ পরশ

খাও-বস্ত্র-পানীয়েতে—এ হীন উপায়--

তাহাতে জীবন বহা—ইহা কি জীবন?

যতপি মানুষ হও—এই বৃত্তি ত্যজ।

হেন অধীনতা কভু সাজে না মানবে,

অন্ত্যজ এ দাস্তবৃত্তি—বৃণিত অধম!

পম্পি। যে কথা বলিলে—সত্য,—এই বৃত্তি বটে

কৃষ্ণ-পক্ষ সম যেন—পুতিগন্ধময়!

তাহার প্রমাণ দিতে পারি...

ডিউক। থাক, থাক—

পাপের প্রমাণ বহু দিয়াছে দানবে;

সে-প্রমাণ আছে তব। নে যাও প্রহরী

কারাগারে নরাদমে। শিক্ষায় শোধান

চলিবে সেখায়—যদি পরে কোনদিন

হ্রুত এ পণ্ড-চিত্তে ইষ্টলাভ ঘটে!

এলুবো। আগে রাজ-প্রতিনিধির কাছে নিয়ে যাবো,

সাধু-বাবা। সে দিন তিনি একে মাণ করেছেন—

সাবধাম হতে বলেছেন। বেখার দালাল হয়ে

সহরে থাকতে পাবে না; এ পেশা যদি

ছাড়তে না পারে, ছেলে-মেয়ে ফেলে সহর

ছেড়ে চলে যেতে হবে, বলেছেন। প্রতিনিধির

কাছে হৃদয় থাকলে স্বভাব খুব চিট হয়ে

যাবে'খন!

ডিউক। আকারে নির্দোষ বহু আচারে হুর্জন

ধরনীতে করে বাস! দেখিলে তাদের

কে বলিবে, নহে সাধু! সমস্তা অপার!

কে ভালো, কে মন্দ—হেথা, বাছা স্বকঠিন!

কার সঙ্গ—কি প্রকার কে পারে বলিতে!

এলুবো। এর...দেখে নেবেন হুজুর—মাথাটি

খশে কোমরের কাছাকাছি নেমে আসবে'খন।

পম্পি। হা-হা! বাঁধন কাটো। আমার জমিদার...

জমিদার আসছে। ঐ যে ভদ্রলোকটিকে দেখচো,

আমার বন্ধু।

(লুশিয়োর প্রবেশ)

লুশিয়ো। পম্পি! ব্যাপার কি? ইস্—আশে-পাশে শান্ত্রী-পাহারা! ধুমধামে মিছিল করে কোথায় চলেছ? তাইতো—পুরুষের জটলা শুধু! কোথাও একটি চাকণ-চিকণ মেয়ে-মানুষ দেখছি না! তোমার এমন হৃদশা তো কখনো দেখিনি! তোমার মেয়ে-ফৌজের দল গেল কোথায়? বাণের জলে ভেসে গেছে না কি? এঁা! বলি, পৃথিবী যেমন ছিল, তেমন আছে? না, ভার ভোল বদলে গেছে? আরে, কথা কও! অভিমান করলে নাকি? একটি কথা কবে না? বলো না—ব্যাপার কি? এ সব শান্ত্রী-পাহারার মানে?

ডিউক। এও 'দেখতে হলো!...আঃ, এ ভারী কদর্য!

লুশিয়ো। আমার চাচী কেমন আছে? হৃদয়ের চাঁচি...তোমার-মনিব ঠাকরুণ গো? হৃদটুকু মরে যেন চাঁচি! এখনো লোকজনকে ঠিক-ঠাক রূপসী জোগাচ্ছেন তিনি?

পম্পি। তাঁর এখন খুব হৃদশা। দিন চলা ভার হয়ে উঠেছে!

লুশিয়ো। বটে! বটে! তা হবেই তো! নতুন পেশাদার বলো, আর এ পথের পথিকের কথা বলো,—শেষ দশা এমনি সবার হবে—বিশেষ এখন! তা তুমি কি জেলে চলেছ, পম্পি?

পম্পি। তাই!

লুশিয়ো। আন্দাজে তাহলে ভুল হয়নি, বলো! মোদা আমার নাম কোরো। জেনো, আমিই তোমায় জেল খাটাচ্ছি!...তা জেলে যাবার হেতু? ধারটার করেছ খুব? না, আর কোন হেতু আছে?

এলুবো। বেখার লোক জুটয়ে দেয়—তাই জেলে যাচ্ছে।

লুশিয়ো। বটে! তাহলে বেশ করে মনকে সামলে নিয়ো! কি শীকারই না করে বেড়াতে! ও আবার এ কাজে চুল পাকিয়েছে! জন্মাবধি এই কাজ করে বেড়াচ্ছে! এখন জেলেই থাকো। জেলের ফটকে আমার নাম করো—খাতির পাবে। এবারে নতুন মানুষ হয়ে যার—বোয়ের পয়ে তোমার ভোল ফিরলে তারো মজল!

পম্পি। আপনি আমার জামিন দাঁড়াবেন?

লুশিয়ো। নিশ্চয় নয়! তা তো রীতি নয়, বাপু!  
বরং জেলে যাতে আরো বেশী দিন বাস  
করতে পারো, সে চেষ্টা করবো। থাকবে  
ভালো! তাহলে এসো পম্পি!...এই যে  
সাধুজী! নমস্কার!

ডিউক। নমস্কার।

লুশিয়ো। তোমার ব্রিজট কি এখনো মুখে রঙ  
মাখে পম্পি?

এলবো। এসো গো বাপু—এসো।

পম্পি। আপনি তাহলে আমার জামিন দাঁড়াবেন  
না? খালাশ মিলবে না তাহলে?

লুশিয়ো। এখন দাঁড়াবো না। পরে ঠিক করে দেখা  
যাবে।...তার পর, সাধুজী, খপর কি? দেশ-  
বিদেশে ঘোরেন—আমাদের ডিউক বাহাদুরের  
খপর জানেন? কিন্তু একথা যাক!...আপনি  
বলতে পারেন সাধু-বাবা, এই যে রুডিয়োর  
কাঁশির ছকুম হয়েছে—রুডিয়াকে কি সত্যি  
কাল মরতে হবে?

ডিউক। কেন কাঁশি হচ্ছে? তার অপরাধ?

লুশিয়ো। অপরাধ আর কি! প্রেমের বোতল বেশী  
ভরতি হয়েছিল বলে! হুঁ! তাই ভাবচি,  
ডিউক বাহাদুর যদি এ সময়ে এসে পড়তেন!  
আজ যিনি তাঁর জায়গায় বসেচেন...ডিউক  
বাহাদুর এই বেলা না এলে, পরে এসে দেখবেন,  
তাঁর রূপায় রাজ্যে আর মানুষ নেই! যে-ভাবে  
উনি হাতে মাথা কাটতে সুরু করেচেন...আর  
যে-রকম আইন-জারির ধুম-ধড়াকী পড়েছে, এর  
পর বাড়ীর আনাচে-কানাচে চড়ুই-পাখী আর  
বাসা বাঁধবে না কখনো! কারণ, চড়ুইয়ের মত  
লম্পট জীব আর দুনিয়ায় নেই! এ-সব কাজ  
এমন চুপি-মাড়ে তিনি সারচেন, আগে থেকে  
কিছু টের পাবার জো নেই! কবে যে ডিউক-  
বাহাদুর রাজ্যে ফিরবেন!...দেখুন না, এই  
রুডিয়ো...এর প্রাণ যাবে কেন? না, সে  
বেচারী বাঁধন খুলতে পারে নি! যাই হোক...  
আসি সাধুজী! আমার জ্ঞান ভগবানের কাছে  
একটু প্রার্থনা জানাবেন! আসি তাহলে।

[ প্রস্থান ]

ডিউক। শক্তি বলো, গুণ বা মহত্ত্ব বলো...মুক্তি  
নাহি পায় কিছু নিন্দা-তিরস্কার হতে।  
গুণ পুণ্য, সেও সহ্য কঠিন আঘাত।  
নিন্দাঘোষী রসনারে নিবৃত্ত করিতে

শক্তি ধরে, নাহি হেন রাজ্যেশ্বর রাজা!

কিন্তু কে হেথায় আসে?

(গণিকা ওভারডনকে লইয়া এশকেলাশ, প্রহরী  
ও কর্মচারীগণের প্রবেশ)

এশকেলাশ। লয়ে যাও কারাগারে!

ওভারডন। দয়া করো বাবা—হেই গো, তোমার  
ছটি পায়ে পড়ি। শুনেছি বাবা, তোমার দয়ার  
শরীর! দোহাই বাবা...দোহাই তোমার!

এশকেলাশ। বার-বার তিনবার তোমায় শাসিত  
করা হয়েছে—তবু সেই পাপ-কাজে তোমার  
মতি! মানুষের দয়া-মায়ী প্রেত শক্ত পোখর  
হয়ে ওঠে।

প্রহরী। এগারো বছর ধরে মাগী বেণ্ডাবৃত্তি করচে  
...রাজ্যের ছেলে-মেয়ের মাথা খাবার যম!

ওভারডন। লুশিয়ো মিছে করে' লাগিয়েচে  
আমার নামে। যখন ডিউক বাহাদুর এখানে  
ছিলেন, তখন ঐ কেট কীপডাউনের পেটে  
লুশিয়োর এক ছেলে হয়। লুশিয়ো বলে, কেটকে  
বিয়ে করবে! ছেলের বয়স পনেরা মাস হতে  
চলুলো এখন...ও জেকব বলুন না, তোরা যা  
জানিস! ও বাবা, সেই ছেলে আমার ঘরে  
আছে, বাবা। আমি তাকে মানুষ করচি! ও  
এত বড় বেইমান—আমার নামে মিছে করে  
অপবাদ দেয়! লাগায়!

এশকেলাশ। সে লোকটি খুব বেপরোয়া—তাকে  
আনো আমার কাছে। একে নিয়ে যাও  
কারাগারে। না, তোমার কোনো কথা  
শুনবো না।

[ ওভারডনকে লইয়া কর্মচারীগণের প্রস্থান ]

শোনো প্রহরী, এঞ্জেলোর সঙ্কল্প অটল। কাল  
সকালেই প্রাণদণ্ড হবে। রুডিয়োর কাছে  
পুরোহিত পাঠাও। অস্তিম-কৃত্য যা আছে, সেয়ে  
নিক। এ-সবে কোনো ক্রটি না হয়—দেখো।

প্রহরী। এই যে সাধু-মহারাজ এখানে আছেন।  
ইনি গিয়েছিলেন রুডিয়োর কাছে। আর এক-  
বার যদি যান এখন...

এশকেলাশ। নমস্কার সাধু-জী।

ডিউক। তোমাদের মঙ্গল হোক!

এশকেলাশ। কোথা থেকে আপনি আসছেন?

ডিউক। এ দেশের নহি আমি। ভাগ্যদোষে আজি  
এ দেশে পেতেছি বাস। আমি গৃহত্যাগী,  
ব্রতচারী। জন-সেবা ধর্ম মোর, বৎস!

গুরুর আদেশে আসি শ্রীমন্দির হতে  
গুরুর আদেশ হেথা করিতে পালন।

এশকেলাশ। বিদেশের বার্তা কি-বা? কুশল সবার?  
ডিউক। কুশল! দেশে-দেশে মন্তু অভিযান  
চলেছে—সাধুতার বিরুদ্ধে যেন দারুণ চক্রান্ত!  
সাধুতা বিসর্জন দেওয়া ছাড়া এ রোগের  
প্রতিকার দেখি না। মানুষ শুধু নৃতনের  
কাঙাল—নৃতনের নেশায় উন্মাদ হয়েছে।  
বয়স বাড়ার সঙ্গে যেমন বিপত্তির ভয়—তেমনি  
কোনো কাজে, কোনো ব্যাপারে নিষ্ঠা আজ  
বিপত্তির কারণ হয়ে উঠেছে। সমাজকে নিরাপদ  
রাখবার উপায় আজ নেই। মানুষ মানুষের সঙ্গে  
মিলে-মিশে বাস করায় আজ বহু অনর্থ ঘটছে।  
কথাগুলো হেঁয়ালির মত শোনালেও...জগতে  
আজ এই গতি! খপর পুরানো। তবে এ ছাড়া  
অন্য কোনো নতুন খপরও নেই।...ভালো  
কথা, আপনাদের ডিউকের ভাব-গতিক ছিল কি  
রকম, বলতে পারেন?

এশকেলাশ। শত চিন্তা, শত কর্তব্যের মধ্যেও  
তঁার লক্ষ্য ছিল—আত্মচেতনাকে জাগিয়ে  
তোলা!

ডিউক। আমোদ-আহ্লাদে কি রকম রুচি ছিল?  
এশকেলাশ। পরকে খুশী দেখলে তিনি খুশী হতেন  
—এমন ধৈর্য্য, এমন গুণ কোনো মানুষের  
কখনো দেখিনি। কিন্তু তঁার কথা এখন  
থাক...ভগবান তাঁকে কুশলে রাখুন, তঁার  
কল্যাণ করুন, এই আমাদের প্রার্থনা!...  
আমি জানতে চাই, আপনি তো রুডিয়োর সঙ্গে  
কারাগারে গিয়ে দেখা করেন—তাকে কেমন  
দেখলেন? নিজেকে তৈরী করেচে মৃত্যু-বরণের  
জন্ম?

ডিউক। বিচারের দোষ-গুণ নিয়ে কোনো তর্ক বা  
দ্বিধা তার মনে আছে বলে আমার মনে হলো  
না। বিচারকের আদেশ সে শিরোধার্য্য করেছে।  
তবে দুর্বল মন...সেই মনের প্ররোচনায় জীবনের  
সম্বন্ধে কতকগুলো তার ধারণা ছিল...আমার  
কথায় সে ধারণা ভ্রান্ত বলে বুঝেছে; বুঝে  
মৃত্যুকে আলিঙ্গন করতে প্রস্তুত হয়েছে।

এশকেলাশ। আপনার ব্রত আপনি পালন করেচেন  
...আপনার উপদেশে তার উপকার হয়েছে।  
বেচারার জন্ম আমি বহু মিনতি জানিয়েছি...বহু  
প্রার্থনা জানিয়েছি, কিন্তু আমাদের প্রতিনিধি-  
প্রভু অবিচল কঠিন...শুধু বলেন, বিচার

চিরদিন কঠিন। কাজেই তিনি সে মিনতিতে  
বিচলিত হলেন না—দণ্ড বাহাল রাখলেন।

ডিউক। তাঁর নিজের জীবন যদি অমলিন অকলঙ্ক  
হয়, তাহলে এ কাঠিন্য তাঁর পক্ষে অহুচিত হবে  
না। তাহলে বুঝবো, বিচারে মর্যাদা-বোধ  
তঁার আছে তিনি যদি এমন অচঞ্চল-মনে  
নিজের বিচার করতে পারেন!

এশকেলাশ। আমি যাচ্ছি বন্দীর সঙ্গে দেখা করতে।  
বিদায় সাধু-জী!

ডিউক। শান্তি হোক বৎস!

[এশকেলাশ ও প্রহরীর প্রস্থান]

বিধাতার বিচারের খজা যে বহিবে—  
শুভ পুণ্যময় চিন্ত হইবে সে নিজে।  
নিজেরে জানিবে সে-বা, লবে পরিচয়—  
হীন স্বার্থ মুছে যাবে পুণ্যের প্রভাবে।  
অপরের দোষে হবে স্নদুত শাসন—  
নিজের সে-দোষে ক্ষমা না করে গোষণ!  
আপনার ইচ্ছামত ক্রটি যে-বা ধরে—  
স্বকঠিন শাস্তি দেয়—শত দিক্ তারে!  
মোর পাপে খজা—আর নিজ-পাপে হেলা—  
হেন মতি এঞ্জেলোর?

বাহিরে পরম সাধু—সমুজ্জ্বল বেশ—  
মানুষ অন্তরে ধরে এ-উগ্র গরল!  
সমতুল কত পাপ—কত অনাচার  
কালের অতীত-গর্ভে—না হবে বিচার?  
উর্নাত বদ্ধ তার জালের হুতায়—  
হুনিয়ার সার বস্তু—দেখিব তা, হায়!  
পাপেতে চাতুরী করি শটে শাঠ্য-রীতি।  
এঞ্জেলো জাগাবে আজ পুরাতন প্রীতি—  
উপেক্ষিতা অভাগীর সনে রাগি তার  
কাটিবে—দেখিব তার আসল আচার।  
ছদ্মবেশে ছদ্মভাব আজি ধরা পড়ে।  
বিলম্ব উচিত নয়! দ্বরা কার্য্য সাধি।  
চিত্ত কত মিথ্যাময়—মিথ্যা মরীচিকা—  
তাহার ললাটে আজি দিবে জয়-চীকা!

[প্রস্থান]



## চতুর্থ অঙ্ক

## প্রথম দৃশ্য

মারিয়ানার কক্ষ

মারিয়ানা বসিয়া আছে; বালক অস্থচর  
গান গাহিতেছে

বালক। (গান)

অধর সরাস্রে লহ গো—

লহ অধরের মধু-বাণী!

মধু-বাণীতে শুধু সে ছলনা—

আমি জানি তা, ভাণো জানি!

নয়নের আলো প্রভাতে

ঝলমল আশা-আভাতে!

চকিতে সে আলো লুকালো

ছায়া-গুপ্তন টানি!

মারিয়ানা। বন্ধ করু গান—তারা চলে যা রে তুই।

শান্তিময় মূর্তি হেরি, আসিছেন হেথা—

নয়নে বিমল দীপ্তি—কণ্ঠে মধু-বাণী!

এ তপ্ত পরাণে বুঝি অমৃত-প্রবাহ

পাইব বাণীতে গুর—জুড়াইবে হিয়া!

[অস্থচরের প্রস্থান

(পূর্ববৎ ছদ্মবেশে ডিউকের প্রবেশ)

এসো প্রভু, দয়াময়, দীনার আলয়ে।

সঙ্গীত-শ্রবণে যদি মোরে না হেরিতে

মোরে, বড় ভূপ্তি পাইতাম প্রাণে আমি!

যদি তাহে অপরাধ করে থাকি প্রভু,

ক্ষমা মাগি—করুন প্রত্যয় সাধুর,

এ-সঙ্গীতে ভূপ্তি নাই—কেবলি বেদনা।

ডিউক। ভালো ভালো! সঙ্গীতের আছে শক্তি হেন—

মনেরে সে করে ভালো—শুভ সে অন্তরে!

কিন্তু ও কথা থাক! বলো তো, এখানে কেউ

আমার সন্ধানে এসেছিল? এ-সময় আমার

এখানে আসবার কথা ছিল—তাই এ প্রশ্ন

জিজ্ঞাসা করচি।

মারিয়ানা। না বাবা, কেউ এখানে আপনার

সন্ধানে আসে নি। সারাদিন আমি এইখানে

বসে আছি।

ডিউক। বুঝি মা, তা হলে কেউ আসেনি

এখানে। সময় হয়েছে বটে! তুমি মা, একটু

অন্তরালে যাও। এর পরে তোমার ডেকে  
পাঠাবো। তোমার মঙ্গলের জন্তই এ কথা  
বলচি।

মারিয়ানা। আপনার কথা আমার শিরোধার্য।

[প্রস্থান

(ইশাবেলার প্রবেশ)

ডিউক। এসো, এসো—সুসময়ে স্বাগত সস্তাষি!

ভদ্র প্রতিনিধি—তার সমাচার কিবা?

ইশাবেলা। প্রাচীরে বেষ্টিত আছে কানন তাহার—

পিছনে পশ্চিম প্রান্তে দ্রাক্ষাকুঞ্জ বন—

সেই কুঞ্জ-অন্তরালে ক্ষুদ্র দ্বার-পথ—

সেই দ্বারে তালা আঁটা—সুবহুং তালা।

কুঞ্জিকায় খুলি দ্বার ভিতরে পশিলে

মিলিবে আরেক দ্বার—সেই দ্বার পরে

কাননের পথ গেছে তৃণ-গুপ্তে ভরা;

স্থির হয়ে গেছে, নিশি মধ্যম প্রহরে

একা আমি সেই পথে যাবো সে-কাননে—

মোর পথ চাহি সেথা রহিবে এঞ্জেলো

কাননের কুঞ্জ-গৃহে মিলন-প্রত্যাশী।

ডিউক। কিন্তু একা! রাত্রি-কালে কাননের পথ—

সে পথে পারিবে যেতে তৃণ-গুপ্ত-বন

অজানা কানন-গৃহে? অজানা সে দ্বারে?

ইশাবেলা। পত্রিকায় লেখা আছে পথের হৃদিশ

রেখা-ছত্রে। গোপনে সতর্ক পদে নিজে

সাথে আসি সেই পথ দিয়াছে দেখায়ে—

কম্প-মুহু ভাবে মোরে কহেছে বুঝিয়ে

সে পথের বিবরণ—পত্রে দেছে লিখে

রেখা আঁকি কোথা পথ, কোথা কোন্ দ্বার।

ডিউক। সে পথ দেখিয়া তুমি বুঝিবে তো ঠিক?

সে পথের পাইবে নির্দেশ—যথোচিত?

আর কোনো নাহিক নির্দেশ—স্পষ্টতর?

ইশাবেলা। কিছু নাই। আঁধারে ইহাই রম্বি-রেখা

তবে তারে বুঝিয়েছি—একা আমি নারী

সহজে আকুল ভয়ে! নিস্তরু নিশীথে

পথ চলা—কাঁপে বুক বিভীষিকা-বশে!

সাথে লয়ে যেতে চাই বিশ্বাসী নফরে—

তাহলে কাটিবে ভয়! বুঝিয়ে দিয়াছি—

নফর জানিবে, আসি ভ্রাতার কল্যাণে,

মাগিবারে মুক্তি তার—প্রাণের প্রার্থনা!

ডিউক। ভালো! ভালো! ভালো বুদ্ধি! উত্তম

কৌশল

মারিয়ানা-পাশে আমি কহি নাই কিছু—

ইঙ্গিতে ভঙ্গীতে আমি দিইনি আভাস  
আমাদের বাসনার ।...কিছু নাহি জানে ।  
মারিয়ানা, মারিয়ানা, এসো এইবার !

( মারিয়ানার পুনঃপ্রবেশ )

এই কিশোরীর সনে করো পরিচয় ।  
তোমার কল্যাণ-কল্লে এসেছে হেথায় ।  
ইশাবেলা । কয়ে-মনে আমি তব কল্যাণ-কামিনী ।  
ডিউক । শ্রদ্ধা ও সম্মম করি তোমারে—তা বোঝো ?  
সে শ্রদ্ধা-সম্মমে তব আছে কি বিশ্বাস ?  
মারিয়ানা । জানি তুমি শুভ-কামী—জানি  
ভালোমতে ;

শুভ কামনার তব বহু পরিচয়  
পাইয়াছি আমি, দেব, কহি অকপটে ।  
ডিউক । তবে এই কিশোরীর হাতে দাও হাত—  
এর পরে নির্ভর রাখিয়া অবিচল !  
যে-কথা বলিবে বালা—তাহে শুভ হবে ।  
সে কথা অন্তরে বুঝি করিয়া শ্রবণ !  
আসি আমি । দেখা হবে যোগ্য অবসরে !  
কিস্তি স্বরা করো—কাল-বিলম্ব না হয় !  
আসে ছায়াময়ী নিশি তিমির-বসনা ।  
মারিয়ানা । অন্তরালে আসিবে কি এই ঠাঁই ছাড়ি ?  
[ মারিয়ানা ও ইশাবেলার প্রস্থান

ডিউক । উচ্চ পদ ! হায়, তার গৌরব-গরিমা !  
অলীক মায়ার বশে কত লুপ্ত মন  
তোমারে কামনা করে ! তোমারে বিরিয়া  
মিথ্যা গল্প, জল্পনা কি ঘুরিছে-কিরিছে  
রচিয়া অযুত চক্র—মিথ্যা মোহ-ঘোরে  
কি স্বপ্ন দেখিছে লোকে—আকাশ-কুসুম  
কত বা রচিছে নিত্য ! শেষে মরীচিকা !

( মারিয়ানা ও ইশাবেলার পুনঃপ্রবেশ )

এসো দৌহে ! এ-কাজে স্বীকার আছো ? কহ !  
ইশাবেলা । তব অহুমতি পেলে অস্বীকার  
নহে—

এ কার্য-সাধনে বালা হবে অগ্রসর ।  
ডিউক । অহুমতি নহে বৎসে—এ মোর মিনতি ।  
ইশাবেলা । বলিবার করিবার নাহি সবিশেষ ।  
যখন আসিবে চলি—নম্র যুহু ভাবে  
তাহারে বলিয়া শুধু, ভ্রাতার জীবন—  
মনে রেখো তুমি, যেন না যায় হেলায় !  
মারিয়ানা । ভয় নাই—ভুলিব না । বলিব এ কথা ।

ডিউক । কোনো শঙ্কা নাই বৎসে ! বাক্য-দত্ত আমি  
সে তোমার । তোমাদের ছ'জনারে যদি  
কাছাকাছি পাশাপাশি পারি মিলাবারে,  
কোনো পাপ নাহি তাহে ; নহে অন্যচার ।  
তার উপেক্ষার লাগি বিচারের ভার  
তোমার আপন-হাতে ! হীন প্রতারণা,  
নীচ শাঠ্য—যে ছল্লত আচরণ তার—  
নিষ্ঠা তব তাহারে করিবে পরাভব !  
এসো, এবে যাই মোর ! যে শস্ত্র বপন  
করিয়াছি—কাটি তায় লবো লভ্য তার ।

[ সকলের প্রস্থান

## দ্বিতীয় দৃশ্য

কারা-কক্ষ

প্রহরী ও পম্পির প্রবেশ

প্রহরী । বলি, গুনচো ? এক জন মানুষের মাথা  
কাটে পারবে ?

পম্পি । যদি তার বিয়ে না হয়ে গিয়ে থাকে—  
পারুবো ।...বিয়ে হয়ে থাকলে মুন্সিল ! কেননা,  
তা'হলে তার ঘাড়ে তার মাথা আর থাকবে  
না—তখন তার ঘাড়ে চড়বে তার বোয়ের  
মাথা ! মেয়ে মানুষের মাথা কি বলে কাটি,  
বলো ?

প্রহরী । ও সব ছেঁদো হেঁয়ালি রেখে পট্টাপট্ট  
জবাব দাও । কাল সকালে জহ্লাদের হাতে  
মাথা যাবে কুড়িয়ার আর বার্গাডিনের । যে  
সরকারী জহ্লাদ আছে—তার এক জন দোসর  
চাই এ কাজে সাহায্য করতে ! তুমি যদি  
এ কাজ করো, তাহলে চাই কি, তোমার কণ্ডুর  
মাপ হয়ে যাবে—সঙ্গে সঙ্গে সাজা রেহাই ! যদি  
এ কাজ না পারো, তা'হলে পুরোপুরি জেল  
খাটা ! খালাশের দিন পিঠে দস্তরমত চাবুক !  
বুঝচো তো, তুমি হলে পাকা বদমায়েস !

পম্পি । বদমায়েসী ঢের করেচি, তা মানি, বাপু,  
সরকারী জহ্লাদ হতে রাজী আছি ।...কিস্তি সে  
কাজের হদিশ তো কিছু চাই !

প্রহরী । এই যে আভর্ষণ...ওখানে দাঁড়িয়ে করচো  
কি ?

আভর্ষণের প্রবেশ

আভর্ষণ । ডাকচেন ?

প্রহরী। এই লোকটিকে পেয়েচি—তোমার সাহায্য করবে। চাও, এর সঙ্গে এক-বছরের স্তব্ধ করে নাও। না চাও, এ কাজের জন্তেই ব্যবস্থা হোক! একে নিয়ে বেগ পেতে হবে না। এর হাড়ে হাড়ে পেজোমির ভেলুকি খেলে। যাকে বলে, পাজীর পা-ঝাড়া! মেয়ে-মানুষের দালালী করতে।

আভর্ষণ। মেয়ে-মানুষের দালাল! ছো! ব্যাটা ইতরের একশেষ! এ লোক নিয়ে কাজ চলবে না! ভিতরের ঝাঁৎঝাঁৎ পাঁচ জনের কাছে বলে বেড়াবে।

প্রহরী। তোমার যা পেশা, তাতে মিশ খাবে'খন। ওজনে এক তিল ফারাক নেই দু'জনের পেশায়!

পম্পি। গুনচেন মশাই—ওঃ...মশাইকে দেখলে বুক কেঁপে ওঠে! চোখ দুটি—যেন স্বপ্নের চোখের মত—ডাব-ডাব করচে!...তোমার পেশায় তা'হলে ঘোঁৎঘাঁৎ আছে?

আভর্ষণ। আছে বৈ কি!

পম্পি। রঙ-চঙের কাজ যারা করে, গুনি, তাদের কাজেও আছে ঘোঁৎঘাঁৎ। যে মেয়েমানুষ পেশা করে—তারা খুব রঙটঙ মাখে—তাদের রঙ-মাখাতেও ঘোঁৎঘাঁৎ আছে!...তাদের সে ঘোঁৎঘাঁতের মানে বুঝি। কিন্তু মশাই তো মানুষ মারেন গলায় ফাঁশ টেনে! মশাইয়ের কাজটায় কি ঘোঁৎঘাঁৎ আছে, বুঝলে না।

আভর্ষণ। আছে ঘোঁৎঘাঁৎ।

পম্পি। প্রমাণ?

আভর্ষণ। যার যা পেশা—দে পেশায় তার ঘোঁৎঘাঁৎ থাকে। পাহারাওয়ার থাকে উদ্দি—রাজার থাকে মটুক। পোষাক যেমন, সব কাজেও তেমনি ঘোঁৎঘাঁৎ! বুঝলে?

(প্রহরীর প্রবেশ)

প্রহরী। কি গো তোমাদের কথা হলো? রাজী?

পম্পি। রাজী। আমি এর তাঁবে কাজ করবো। দেখচি, মেয়ে-মানুষের দালালী করা কাজের চেয়ে ফাঁশি দেওয়ার কাজে ইজ্জৎ আছে। ফাঁশির দড়ি টানবার আগে এ মাপ চায়—বলে, দড়ির ফাঁশে যদি ব্যথা লাগে তো মাপ করো!

প্রহরী। তা'হলে হাড়কাঠ, খাঁড়া—এসবের জোগাড় রেখো, কাল সকালের কাজের জন্তে।

আভর্ষণ। এসো দালালটাদ, তোমার হাত পাকা-বার ব্যবস্থা করি। এতে তাকৎ আছে—সে তাকৎ শিখতে হয়।

পম্পি। শিখবো বৈ কি মশায়! এমন শেখা শিখবো যে, যদি পরে কখনো তোমার এমন ভাগ্য হয় ফাঁশি-কাঠে প্রাণ দেবার—তা'হলে দড়িতে এমন মোলায়েম টান দেবো যে, বুঝতেই পারবে না—গলার দড়িতে ফাঁশ আটকে মরে গেছ!...কষ্ট করে শেখাবে—এটুকু যদি না করি, আমার বেইমানী হবে যে!

প্রহরী। যাও—গিয়ে রুডিয়ো আর বার্গার্ডিনকে এখানে নিয়ে এসো।

[পম্পি ও আভর্ষণের প্রস্থান]

একজনে জাগে মায়ী—অন্যজনে নয়।

খুনী যে—হলেও ভাই—মায়ী নাহি হয়!

(রুডিয়োর প্রবেশ)

ছাখো এ হকুম-নামা তোমার মৃত্যুর।

গভীর নিশীথ এবে। কালিকে প্রভাতে

অষ্ট ঘটিকায়—হাঠিবে অমর ধামে!

কোথা বার্গার্ডিন?

রুডিয়ো। নিরীহ নির্দোষ যথা

শ্রমদল শ্রান্তি-বোরে ঘুমে অচেতন—

ঘুমায় তাদের মত নিশ্চিন্ত আরামে!

গাঢ় ঘুম—যেন আর জাগিবে না কভু!

প্রহরী। কে তাহারে দেবে বার্তা?...ভালো,

তুমি যাও।

মরণে প্রস্তুত হও।

(বাহিরে দ্বারে করাঘাত)

কে ডাকিছে? কে গো?

মধ্য রাত্রি! ভগবান করুন মঙ্গল!

[রুডিয়োর প্রস্থান]

তাই? তবে তাই?...হয়তো বা আসে হেথা

রুডিয়োর লাগি মার্জনা-আদেশ? কিম্বা

আরো রুদ্রতর কিছু রুডিয়োর লাগি?

(ছদ্মবেশী ডিউকের প্রবেশ)

এসো সাধু-বাবা—পেন্নাম হই।

ডিউক। রাজি-চর দেব-দেবী করুন মঙ্গল,

নিরাপদ স্নেহ-ছায়ে রাখুন তোমারে!

এত রাতে আর কে-বা আসিল হেথায়?

প্রহরী। প্রহর বাজার পরে কেহ আসে নাই।

ডিউক। ইশাবেলা আসে নাই ?

প্রহরী। আসে নাই, প্রভু।

ডিউক। অচিরে আসিবে তবে।

প্রহরী। রুডিয়োর লাগি

আছে শুভ সমাচার ? মিলেছে মার্জনা ?

ডিউক। অবশ্যই আছে।

প্রহরী। প্রতিনিধি যম যেন !

ডিউক। না—না, ভ্রান্ত তুমি ! বিচার কঠিন

কাজ। স্নেহ, দয়া, মায়া—এ সকলে দলি’

অসহ্য যাতনা সহি—দেয় যে আদেশ !

শক্তি সে অমোঘ, মানি। এই শক্তি যে-বা

পরের পীড়ন লাগি,—মিথ্যা মায়া-বশে,—

কিষা খ্যাতি-লোভে করে অপব্যবহার—

অমাহুষ সেই জন। শক্তি-দন্ত নাই,—

মায়া আছে, সাথে তার সত্য-স্মার-জ্ঞান—

এ তিনে মিশিয়ে ধরে বিচারের তৌল,—

সেই বীর বিচারক ! বিচারের ভ্রান্তি-

স্থালনেতে নাই দ্বিধা—সে স্মার-বিচারে।

(নেপথ্যে দ্বারে করাঘাত)

ওই বুঝি আসে তারা।

[প্রহরীর প্রস্থান

প্রহরীটি ভালো। সজ্জন, মমতা আছে প্রাণে।

বন্দী-জনে করে স্নেহ ! নাই দেখি এরে

কারার প্রহরী—ভীম-কুলিশ-পর্যাপ,

বর্বর পাষণ, যেন বন্দীদের যম !

(নেপথ্যে দ্বারে করাঘাত)

কেবা আসে ? করাঘাত-শব্দে মনে হয়,

আসিয়াছে গুরু কার্যে ; ক্ষিপ্র সমাধান

চাহে। বার-বার করিছে আঘাত।

[নেপথ্যে প্রহরী দ্বারপ্রান্তে কাহাকে উদ্দেশ

করিয়া কহিল,—

ঐ স্থানে রহিবে দাঁড়ায়ে—যতক্ষণ নাই

প্রহরী-অধ্যক্ষ জাগে ! বার্তা দেও তাঁরে]

(প্রহরীর পুনঃপ্রবেশ)

ডিউক। রুডিয়োর প্রাণদণ্ড নির্ণয় আদেশ—

প্রত্যাহার-সমাদেশ পাওনি তাহার ?

কালিকে মরিবে সত্য স্বাতকের হাতে ?

প্রহরী। প্রত্যাহার-সমাদেশ পাই নাই প্রভু।

ডিউক। রাত্রি শেষ হয়ে আসে—জাগিবে প্রভাত।

হয়তো প্রত্যুষে পাবে মার্জনা-আদেশ।

প্রহরী। কথা শুনি মনে হয়—জানেন রহস্য

কিছু ! তবু হায়, কোথা প্রত্যাহার ?

তেমন লক্ষণ কিছু নাই পাই প্রভু !

তত্পরি বিচারের আসনে বসিয়া

সর্ব্বজনে বারে-বারে শুন্মায় বলেছে

এঞ্জেলো ধর্ম্মের অবতার—নাই, নাই,

ক্ষমা নাই—এই অপরাধে !

(দূতের প্রবেশ)

এঞ্জেলো-প্রভুর দূত—তাঁর বার্তাবহ।

ডিউক। আনে বুঝি রুডিয়োর ক্ষমার আদেশ।

দূত। তোমার নামে প্রভু এই পত্রে আদেশ

জানিয়েছেন ; তা ছাড়া আমায় বলেছেন

তোমাকে জানাতে—তোমার উপর যে-আদেশ

আছে, সে আদেশ-পালনে যেন এক তিল

ব্যতিক্রম না ঘটে ! আমি আসি। ভোর

হয়ে এলো।

প্রহরী। তাঁর আদেশ অক্ষরে অক্ষরে আমি পালন

করবো।

[দূতের প্রস্থান

ডিউক। (স্বগত) মার্জনা আসিল তবে ! পাপ

মূল্যে কেনা !

মার্জনা করিল যে-বা তুল্য পাপে পাপী !

উচ্চপদ-মহাশক্তি ধরে অপরাধী—

যে-পাপে দিতেছে দণ্ড, সে পাপ করিতে

দ্বিধা নাই, নাই কুণ্ঠা—অন্ধান অটল !

পাপের প্রসার বিশ্বে তাই সোমাহান !

মোহ-পাপে পাপী নিজে—তুল্য পাপী তাই

প্রাণের বান্ধব আজি ! বিচার উদ্ভট !

কি সংবাদ এলো পত্র-মুখে ? কহ ভদ্র।

প্রহরী। যা বলেছি, বাবা। পাছে আমি মমতায়

গলে পাঁচজনের কথা শুনে একটু দেরী করি,

তাই আমাকে হুঁশিয়ার করেচেন ! না,—এমন

কাণ্ড আমি কখনো দেখিনি—এতদিন এই

চাকরি করচি...

ডিউক। কি লিখেচে,—শুনি।

প্রহরী। (পত্রপাঠ) “যে কথা যার মুখেই তুমি

শোনো, রুডিয়োর প্রাণদণ্ড আমি চাই। ভোর

রাত্রেই হবে—যেমন হুকুম দিয়েছি। বিকেলে

প্রাণ দেবে বারগাভিন। আমার তৃপ্তির জন্ত

আমার কাছে পাঠাবে তাদের ছিন্ন শির। ভোর

পাঁচটার মধ্যে রুডিয়োর মূণ্ড আমি দেখতে চাই।

এ হুকুম অতি অবশ্য তামিল করবে। এ কাজের উপর রাজ্যের মন্ত কর্তব্য নিবদ্ধ, জেনো। এ হুকুমে একটু দেরী হলে তোমার জান যাবে! মনে রেখো।”

হুকুম শুনলেন?...কি ভাবচেন?

ডিউক। এই বার্গার্ডিনটিকে—বিকেলে যার কাঁশি হবার কথা?

প্রহরী। সে একটা বদমায়েস। এই দেশে জন্ম—এই দেশেই মাহুষ। আজ ন’বছর ধরে জেল খাটছে।

ডিউক। আশ্চর্য্য কথা! ন’বৎসর জেলে আছে!

ডিউক বাহাদুর তাকে খালাশ দেননি? কিম্বা কাঁশি? যাদের মেয়াদ দীর্ঘ হতো—শুনেছি, তাদের সম্বন্ধে তাঁর এমনি ব্যবস্থা ছিল।

প্রহরী। এর জন্ত লোকে কত কথাই না বলেছে! এখন ন’বৎসর পরে বার্গার্ডিনের সব দোষের প্রমাণ মিলে গেছে—তাই এঞ্জেলার বিচারে তার হয়েছে কাঁশির হুকুম।

ডিউক। প্রমাণ মিলেছে?

প্রহরী। হাতে হাতে প্রমাণ। তার উপর বার্গার্ডিন নিজেও সব দোষ কবুল করেছে।

ডিউক। এতকাল জেলে বাস করলো চুপচাপ? হঠাৎ এমন অনুতাপ হলো—দোষ স্বীকার করে বসলো এত দিন পরে?

প্রহরী। এতকাল জেলের বদ্ধ বাতাসে থেকে থেকে তার আর ভয় নেই। সে বলে, মরণ-ঘুমের সামিল যে ঘুম, সে ঘুমে মাহুষ স্বপ্ন দেখে—আবার এমনিতেও স্বপ্ন দেখে—তফাত শুধু এই। আজ তার কোন-কিছুতে ভয় নেই, লজ্জা নেই, ঘৃণা নেই। সে একেবারে নির্লিপ্ত নিরীকার!

ডিউক। কিছু যুক্তি চায়।

প্রহরী। কারো কোনো কথা সে শুনতে চায় না। জেলে থাকলেও সে বন্দীর মত নেই। যা চাইছে, পাচ্ছে। মদ খায়—খেয়ে নেশায় বুদ্ধ হয়ে থাকে। তাকে কতবার বলেছি—কাঁশি-কাঠে মরতে চলো, এখনো এমন নেশার ঝাঁক! সে হাসে। সে কথায় তার ভ্রক্ষেপ নেই।

ডিউক। তার কথা পরে আরো শুনবো। তোমায় যত দেখছি, তত আমার ভালো লাগচে। তোমার কপালে লেখা আছে—সাধুতা, নিষ্ঠা, মমতা, বুদ্ধি। আমার মাথায় একটা মতলব জাগছে—যদি শোনো, সব দিকে ভালো হবে।

তোমার কাছে ক্লডিয়োর পরোয়ানা আছে। অথচ ক্লডিয়োর যা-অপরাধ—তার বিচার করেচেন যে-এঞ্জেলো, তাঁর অপরাধ ক্লডিয়োর অপরাধের চেয়ে এক তিল কম নয়। ব্যাপার-খানা তোমায় খুলে বলি, শোনো! শুধু চারটে দিন যদি সময় পাই,—তাহলে ক্লডিয়ো এ নির্ভর অবিচার থেকে রক্ষা পায়। কিন্তু এ কাজে তোমার সাহায্য চাই।

প্রহরী। কি করতে হবে, শুন।

ডিউক। ক্লডিয়োর মৃত্যু—এ কাজটিকে কোনমতে পিছিয়ে রাখতে হবে।

প্রহরী। কি করে তা সম্ভব হবে, বাবা? সময় ঠিক করে ধরে দেওয়া আছে পরোয়ানায়। শুনেচেন তো বিধি—তার মাথা নিয়ে এঞ্জেলো-হজুরের কাছে পাঠাতে হবে ভোর পাঁচটায়।...কি করে দেরী করবো?

ডিউক। এক কাজ করো। ভোরে ঐ বার্গার্ডিনের কাঁশি হোক—তারপর এই বার্গার্ডিনের ছিন্ন শির পাঠাও এঞ্জেলোর কাছে।

প্রহরী। কিন্তু এঞ্জেলো যে হুজুনকেই দেখেচেন, চেনেন। শেষে ধরা পড়ে যাবো!

ডিউক। মরণ বহুঙ্গামী, কে না জানে! মরণের পর মাহুষের চেহারা অনেকখানি বদলে যায়। এক কাজ করো—ওর মাথা দাও কামিয়ে, দাড়িগুলো দাও কাপড় দিয়ে বেঁধে! বলা, মরবার আগে এই ছিল তার মিনতি—লোকে যেন তার কলঙ্কী মুখ না দেখে!...এ কথায় তার অবিশ্বাস হবে না। কাজও সহজে হাসিল হয়ে যাবে। তবু যদি বেফাঁশ হয়, তুমি ধরা পড়ো, তোমার গদান্না নেবার হুকুম হবে—এই তো ভয়? আমি তোমায় বলছি, বিশ্বাস করো, আমি ভগবানের নাম নিয়ে বলছি, তোমার প্রাণের জন্ত আমি করবো প্রার্থনা। আমার সে প্রার্থনা নিফল হবে না।

প্রহরী। মাপ করো বাবা—এত বড় বিশ্বাস-ঘাতকের কাজ আমি করতে পারবো না।

ডিউক। কার বিশ্বাস তুমি ভঙ্গ করবে? এঞ্জেলোর? না, তোমার ডিউকের?

প্রহরী। ডিউকের। উনি যখন তাঁর প্রতিনিধি, তখন ঊঁরও।

ডিউক। ডিউক যদি তোমার এ-অপরাধের বিচার করেন, তিনি তোমায় কখনো দোষী সাব্যস্ত করবেন না।...

প্রহরী। তা হবার উপায় নেই, বাবা।

ডিউক। হবে না কি বলো? নিশ্চয় হবে, তুমি জেনো। কিন্তু এতেও যখন তোমার ভয় থাকে না—আমি মাধু-সন্ন্যাসী, আমার কথায় তোমার ভয় থাকা উচিত নয়। এই জ্ঞাথো—এ কার পাঞ্জা, জানো? ডিউকের তো? চেনো তুমি এই শীলমোহর?

প্রহরী। ইস, জানি বৈ কি! এ ডিউকের পাঞ্জা! তাঁর শীলমোহর।

ডিউক। এই থেকে বুঝে নাও—ডিউক আসচেন। হৃদিনের মধ্যে তিনি রাজ্যে ফিরবেন নিশ্চয়। একথা এঞ্জেলো জানে না। তা ছাড়া আজ সে এক অদ্ভুত চিঠি পাবে। সে চিঠিতে লেখা থাকবে...ডিউক মারা গেছেন—কোথাকার মঠে! সে কথা অবশ্য মিথ্যা।...ঐ জ্ঞাথো, আকাশে ভোরের গুঁকতারা! মনে সাহস আনো, ভদ্র...কোনো ভয় নেই—সব বাধা কেটে যাবে। ডাকো তোমার জ্ঞানদকে—সে বার্গার্ডিনের মুণ্ডচ্ছেদ করুক! আমি সব ব্যবস্থা করে দেবো—না হয়, অস্ত্র জায়গায় চলে যাবে—ভালো চাকরি পাবে! অবাক হয়ে দাঁড়িয়ে রইলো!...এতে অবাক হবার কিছু নেই। সব সমস্তা কেটে যাবে। মনকে চাফা করো। ভোর হয়ে এলো। যা বলি, শোনো,—সব দিকে মঙ্গল হবে।

[প্রস্থান]

## তৃতীয় দৃশ্য

কারাগৃহ—কক্ষান্তর

পম্পির প্রবেশ

পম্পি। এখানকার আনাচ-কানাচ আমার খুব জানা হয়ে গেছে। যে বাড়িতে বাস করেছি এত কাল—ওভারডন্ড ঠাকরুণের বাড়ী—তারি মত এখানকার হাডু-হুদুও আমার আর জানতে বাকী নেই! এমন জাঁনা জেনেছি যে,—মনে হচ্ছে, আমার সেই ঠাকরুণের বাড়ীতেই রয়েছি! তা ছাড়া পুরোনো খদ্দেরদের সঙ্গে দেখা হচ্ছে এখানে। ঐ তো একের নম্বর—আমাদের ছোকরা নবাব রায় সাহেব! টাকা ধার করেচেন ফুর্তির খরচ জোগাতে; সে টাকা আর ওগরাতে পারেন

নি! খং লিখে দিয়েছিলেন দিলদরিয়া মেজাজে টাকা ধার করবার সময়—হুঁ! কতই বা? লিখেছিলেন একশো সাতানকই পাউণ্ড! নগদ হাতে পেয়েছিলেন শ'খানেক! মদ চাই—ফুর্তি চাই—পকেট খালি! দে বাবা, সুই—যা পাই! বুড়ো দাগী মেয়ে-মানুষ...তার ফাঁদে পড়েছিলেন! সে আঠা-কাঠির ফাঁদ! এখন সে ফাঁদের ঠালায় শ্রীমন্দির ছেড়ে আস্তানা মিলেচে এই শ্রীঘরে! তারপর ঐ কেপার সাহেব—মেয়ে-মানুষের মন জোগাতে পীচ-ফল-রংয়ের স্যাটিন কাপড় কিনে তাতে দিলেন বানিয়ে চার প্রস্থ পোষাক। খীপাইলের দর্জী—নাহোড়বন্দা লোক—ব্যাটা ছিনে-জেক! সায়েবের পকেটে পয়সা তো কখনো থিড়তে পায় নি—ফুর্তির টানে খীপাইলের নালিশের খোঁচায় সায়েবকে তাই আমার সঙ্গে লোকালয় ছেড়ে এখানে এসে বাস করতে হয়েছে! তার পর এখানে দেখছি মৌখীন ছোকরা ডিজি সাহেবকে, ভীপড়াউকে, কপার-স্পারকে—পালোয়ান-চাঁদ ষ্টার্ভেলাকিকে! আরো দেখছি ড্রাক্সিয়ার সাহেবকে—মেয়ে-মানুষ নিয়ে রেবারেবি মারামারিতে হতভাগা পুডিং সাহেবকে মেরে কুপোকাং করে দিলে! ফ্রথ আছে, শোঁটী সাহেব আছেন! পটুশ্কে মেরে হাফক্যান্ সায়েবও এখানে মৌরুশী পাট্রা নিয়ে বাস করছেন। আরো প্রায় জন চল্লিশ আছেন—সব জানা ভদ্র লোক! কে নেই? ফুর্তির নেশায় আমাদের হাতায় যিনি-যিনি পা দিয়েছিলেন, সবাইয়ের দেখছি শেষ-গতি আর আশ্রয়—এই শ্রীঘর!

আভর্ষণের প্রবেশ

আভর্ষণ। বার্গার্ডিনকে বার করে আনো

তার ঘর থেকে।

পম্পি। বার্গার্ডিন! ওগো বার্গার্ডিন, ওঠো, জাগো—কাঁশি-কাঠে চড়ে তোমার বাড়ী করবার লগ্ন এসেচে! শুনচো?

বার্গার্ডিন। (নেপথ্যাস্তরাল হইতে) কে রে লক্ষী-ছাড়া চোঁচাচ্ছি? গলাবাজীর আর জায়গা পেলিনে? কে তুই?

পম্পি। তোমার প্রাণের ঝুঁ গো!—যে তোমার কাঁশিতে লটকাবে! সেই মহা-পথের ঝুঁ—তোমার ভব-সাগর পাড়ি দেবার নেয়ে! দয়া

করে বিছানা ছেড়ে এসো। তোমার গলায় দড়ি  
টেনে কাজ শেষ করে দম ফেলি।  
বার্ণার্ডিন। বেরো—ফ্যাচ-ফ্যাচ করিস নে। আমার  
চোখে এখনো ঘুম রয়েছে। আমি ঘুমোতে চাই।  
আভর্ষণ। ওকে বলো, ঘুমোলে চলবে না—উঠতে  
হবে এখনি।  
পম্পি। ও মশায়—শুনচেন? দয়া করে উঠুন—  
ফাঁশির কাজ চটপট সেরে নি। তার পর ফাঁশি  
হয়ে গেলে মনের আশ মিটিয়ে ঘুমোবেন—যত  
পারেন। এখন এরা ডাকাডাকি করচে।  
আভর্ষণ। তুমি যাও। ওর খোপ থেকে হিঁচড়ে ওকে  
বার করে আনো।  
পম্পি। আসচে—ঐ আসচে। বড় পোল!  
ষড়-ষড় শব্দ হচ্ছে, শুনতে পাচ্ছি।  
আভর্ষণ। তোমার খাঁড়া তোয়ের?  
পম্পি। ভয়ঙ্কর তোয়ের। শাণ দিয়ে নিয়েচি আর  
একবার।

#### বার্ণার্ডিনের প্রবেশ

বার্ণার্ডিন। কি, আভর্ষণ যে! খপর কি?  
আভর্ষণ। ভগবানকে ডাকতে-ডুকতে যদি হয় তো  
সেটা সেরে নিন, মশায়। আপনার গর্দানার  
পরওয়ানা এসে গেছে।  
বার্ণার্ডিন। তবে রে পাজী—তোর সময়-অসময়  
নেই! কাল সারা-রাত পেট ভরে মদ গিলেছি।  
এখন আমার মরবার ফুরসৎ হবে না।  
পম্পি। এই তাহলে ঠিক সময়, মশায়। সারা রাত  
মদ খাবার পর ভোরে যদি ফাঁশিতে চড়া যায়—  
তাহলে পরের দিনটে ঘুম হয় ভারী আরামে!  
আভর্ষণ। ঐ ছাখো মশায়—সাধু বাবাজী আসচেন।  
এ কি আমাদের তামাসা—এই মরণ নিয়ে?  
তাহলে উনি এ সময় আসবেন কেন?

#### ছদ্মবেশী ডিউকের প্রবেশ

ডিউক। শুনলেম, আপনাকে এখনি এ পৃথিবী থেকে  
বিদায় নিতে হবে। তাই আমি এসেছি  
আপনাকে ধর্ম-কথা শোনাতে—আপনার  
হয়ে ভগবানকে প্রার্থনা নিবেদন করতে!  
বার্ণার্ডিন। এ মাথা-বাখার দরকার নেই, সাধুজী।  
কাল সারা-রাত পড়ে মদ গিলেচি—একটু  
অবসর চাই মরণে তৈরী হবার জন্তে। না হলে  
মাথা ভোঁ-ভোঁ করবে। আজ আমি মরতে  
রাজী নই—এটুকু জেনে রেখো।

ডিউক। নিরুপায়! মরণ নিশ্চিত তব, জেনো  
কহি তাই যাত্রা-পথে চাহো সমুখেতে!  
বার্ণার্ডিন। যতই মিনতি করো বাবা, আজ আ  
মরবো না...কিছুতেই না! এ আমি দি  
গেলে বলচি।  
ডিউক। কিন্তু শোনো...  
বার্ণার্ডিন। একটি কথা শুনবো না। আমায় যদি বি  
বলতে চাও তো এসো আমার ঘরে। সে  
থেকে আজ আমি এক-পা নড়বো না!

[প্রস্থান

ডিউক। বাঁচা-মরা সমতুল! জ্বরের অযোগ্য।  
পাথর হয়েছে বুক...নাহিক চেতনা।  
যাও ওর পাশে দৌহে। আনিয়া উহারে  
আদেশ পালন করো—বিলম্ব করো না।

[পম্পি ও আভর্ষণের প্রস্থান

(প্রহরীর প্রবেশ)

প্রহরী। কয়েদীকে কেমন দেখলে বাবাজী?  
ডিউক। মরণের যোগ্য নহে—মরিবার লাগি  
প্রস্তুত নহেক মোটে। নির্জীব চেতনা!  
হেন হতভাগ্য জীব দেখে নাই কেহ!  
প্রহরী। বন্দিশালে আজ প্রাতে অর-রোগে পিতা  
ছুষ্ট জলদস্য এক—নাম রাগোজিন  
মারা গেছে—কুড়িয়োর বয়স তাহার।  
মুখ-চোখ শ্মশ্রু ঠিক কুড়িয়োর মত!  
এ মস্তপ ছুষ্টে রাখি—লভুক চেতনা।  
মৃত্যু কি, বুরুক ভালো! নেশা ছুষ্টে গেলে  
তখন মরিবে এটা,—এর পরিবর্তে  
রাগোজিন ছিন্ন-মুণ্ড লয়ে যাই যদি  
এঞ্জেলোর তৃপ্তি-তরে—হবে না সে ভালো?  
ডিউক। বটে! বটে! এ যে দেখি দৈবের ইঙ্গিত!  
এখন ব্যবস্থা করো—কাল বহে যায়।  
এঞ্জেলো আদেশ দেছে—পঞ্চম ঘটিকা!  
স্বরায় বিহিত করো—দাও পাঠাইয়া  
তার ছিন্ন শির তুমি এঞ্জেলোর পাশে।  
দেখি আমি, এ মস্তপে বুঝাই সকল—  
চেতনা ইহার যদি পারি জাগাইতে।  
প্রহরী। এ আদেশ শিরোধার্য—কারব পালন  
চক্ষের নিমেষে, পিতা! রহো দ্বিধাহীন।  
কিন্তু এই বার্ণার্ডিন অপরাহ্নে আজ  
প্রাণ দিবে! তার পরে কুড়িয়োর...কহ,  
কেমনে হেথায় রাখি? বাচিয়া সে আছে—  
এ বার্তা রটিলে মোর প্রাণ রাখা দায়!

ডিউক। করে—যা বলিছ। রাখো এই ছজনায়—  
 রুডিয়ো ও বার্গার্ডিনে—গোপন কক্ষতে !  
 ছটা দিন—স্বর্ঘ্যের ছবার পর্য্যটন  
 উদয়ান্ত-গিরি-পথে—তার মাঝে স্থির  
 জেনো তব প্রাণ কেহ নারিবে স্পশিতে !

প্রহরী : তব শ্রীচরণে আমি আজ্ঞাবহ দাস।  
 ডিউক। স্বরা করে—স্বরা ছিন্ন-শির সে মৃতের—  
 রুডিয়োর শির বলি এঞ্জেলোর কাছে  
 পাঠাও। বিলম্ব নয় !

[ প্রহরীর প্রস্থান

লিপিকা লিখিয়া

পাঠাই এঞ্জেলো-পাশে—নব বার্তা দিয়া।  
 সে লিপি লইয়া যাবে এ শিষ্ট প্রহরী।  
 লিখিব রাজ্যের অতি-সম্মিলকে আমি  
 আসিয়া পৌঁছেছি ; করে আয়োজন মোর  
 রাজ্যে-আগমন লাগি বিরাট উৎসব !  
 তাহারে অল্পজ্ঞা দিব—নগর-নিবাস—  
 তাহারি সম্মুখে আসি ভেটিবে আমারে !  
 সেথা হতে জনগণ-বাহিনী-সমেত  
 সমারোহে রাজ্যে আমি করিব প্রবেশ।  
 এঞ্জেলো রহিবে সাথী পাশ্বেতে আমার।

( রাগোজিনের ছিন্ন শির লইয়া প্রহরীর পুনঃপ্রবেশ )

প্রহরী। এই তার ছিন্ন শির। আমি লয়ে যাবো।  
 ডিউক। হবে তাহা সমুচিত। ফিরিয়ে স্বরায়।  
 তার পরে পরামর্শ আছে গৃঢ়, জেনো—  
 তোমারে কহিতে চাহি—সর্ব-অগোচরে।  
 প্রহরী। এখনি ফিরিব পিতা।

[ প্রস্থান

ইশাবেলা। ( নেপথ্য হইতে ) শান্তি ! শান্তি !

কে আছ ?

ডিউক। ইশাবেলা ! তার কণ্ঠ ! আসে আশা লয়ে।

ব্রাতারে তাহার বুঝি মিলেছে মার্জনা !  
 কিন্তু তারে কোন কথা বলিব না এবং—  
 স্নগোপন রাখি এই শুভ সমাচার !  
 গভীর নিরাশে যবে বেদনা-কাতর—  
 প্রকাশ করিব তবে ; আনন্দ তাহার  
 বহু গুণ হবে আশা,—নিরাশে পুলক !

( ইশাবেলার প্রবেশ )

ইশাবেলা। আসিয়াছি।

ডিউক। স্বপ্রভাত ! স্বাগত, কুমারি !

ইশাবেলা। সাধু-বাক্য নিষ্ফল না হবে ভাগ্যে মোর !

রাজ-প্রতিনিধি ক্ষমা করিয়াছে ভা'য়ে ?

ডিউক। মুক্তি দেছে ইশাবেলা, ধরা-ধাম হতে !

ছিন্ন শির গেছে তার এঞ্জেলো-সকাশে।

ইশাবেলা। না—না—না—না ! বলা, সত্য নহে  
 এই বাণী !

ডিউক। কঠিন নিশ্চয় সত্য ! হয়ো না চপল,

শোকে ধৈর্য্য ধর, স্নকল্যাণি !

ইশাবেলা। ধৈর্য্য ! ধৈর্য্য !

যাই...যাই, আমি যাই, চোখ ছটা তার

এ-নখে উপাড়ি লবো—উপাড়ি এখনি !

ডিউক। তার কাছে কেহ তোমা দিবে না পশিতে।

ইশাবেলা। হৃভাগা রুডিয়ো ভাই ! আমি হৃভাগিনী !

নিষ্ঠুর পৃথিবী ! ছুট এঞ্জেলো হৃদয় !

ডিউক। এ বিলাপে ফল কি-বা ? তার নাহি ক্ষতি,

তোমারো মঙ্গল নাই ! ধৈর্য্য ধরো, বালা !

মনোবাথা নিবেদন করো ভগবানে।

শোনো মোর বাক্য, যাহা বলিব তোমায়—

প্রতি বর্ণ সত্য তার অক্ষরে অক্ষরে।

ডিউক আসেন রাজ্যে কালিকে প্রভাতে ;

মোছো নয়নের জল ! সত্য এ সংবাদ।

মঠ-বাসী পুরোহিত মোর পরিচিত—

দিয়াছে এ বার্তা মোরে...জানে সবিশেষ

ডিউকের গতি-বিধি। আসিয়াছে লিপি

এঞ্জেলো ও এশকেলাশ, দৌহার সকাশে।

নগর-তোরণে তাঁর অভ্যর্থনা লাগি

উৎসবের আয়োজন চলিছে, দেখিবে।

সেথায় পুনর্যন্ত সর্ব-অধিকার

এঞ্জেলো করিবে জেনো, ডিউকের হাতে।

পারো যদি, মতি তব অবিচল রাখি

অবিবাদে, তোরণেতে রয়ো সে সময়,

তোমার যা অভিযোগ, কহিয়ো ডিউকে—

অন্তায়ের প্রতিশোধ লয়ো তুমি বালা !

তোমার সম্মুখ-মানে ইতর পীড়ন—

তোমার এ অপমান—তার শোধ হবে !

ইশাবেলা। এ আদেশ শিরোধার্য্য আমার, জানিবে।

ডিউক। এই পত্রখানি দিয়ো আচার্য্য পীটারে।

ডিউকের আগমন-বার্তা এতে লেখা !

এ পত্র তাঁহারে দিয়ো, জানায়ো মিনতি—

মারিয়ানা-গৃহে রাত্রে মাগি দরশন।

তার কথা, তব কথা বলিব তাঁহারে।

হবেন তোমার সাথী ডিউক-সকাশে

তিনিই—জানিয়ো, ভদ্রে ! এঞ্জেলো-সমুখে



স্পষ্ট ভাবে অভিযোগ করিয়ে তোমার।  
পণে আমি বদ্ধ, তাই নারিব রহিতে  
সে সময় এ নগরে। তাঁরে পত্র দিয়ে।  
শক্তি আনো প্রাণে, অশ্রুজলে করো রোধ  
কঠিন নিদ্রেশে, বালা। মিথ্যা নহে বাণী।  
কথা মোর সত্য যদি নাহি হয়, কভু  
সম্মাসীর বেশে আর করো না প্রত্যয়।  
কে-বা আসে?

(লুশিয়োর প্রবেশ)

লুশিয়ো। সাধু বাবা! গ্রহরী কোথায়?  
ডিউক। কারাগৃহে নাই!

লুশিয়ো। এ কি...তুমি কীদচো ইশাবেলা! তোমার  
চোখ রাঙা হয়েছে দেখে আমার বুক ব্যথায়  
ফেটে যাচ্ছে! ধৈর্য্য ধরো, অধীর হয়ো না। আমি  
মন্ত খপর পেয়েছি। সে খপরে ক্ষিধে-তেষ্ঠা ভুলে  
গেছি। কাল রাত্রে ফিরে আসচেন আমাদের  
ডিউক বাহাদুর। শোনো ইশাবেলা, তোমার  
ভাইকে আমি বড় ভালো বাসতাম! আমাদের  
এই খেয়ালী ডিউক বাহাদুর যদি রাজ্যে  
থাকতেন, তাহলে তোমার ভাই এ ভাবে কখনো  
প্রাণ দিত না—সে বেঁচে থাকতো।

[ইশাবেলার প্রস্থান]

ডিউক। আপনাদের কথাবার্তা শুনে মনে হয়,  
আপনাদের ডিউক একজন আশ্চর্য্য রকমের  
মানুষ! কিন্তু হুঃখ এই, আপনাদের কল্পনার  
মানুষটির সঙ্গে সে আসল-মানুষটির কোনো  
মিল নেই।

লুশিয়ো। তুমি তাঁকে জানো না সাধুজী, তাই এ  
কথা বলচো! তোমাদের দেবতার চেয়েও  
বড় দেবতা তিনি!

ডিউক। আচ্ছা, তিনি তো আসচেন! এলে এক  
সময় দেখে বুঝবো, তিনি কেমন...

লুশিয়ো। চললেন! না, চলুন—আমিও আপনার  
সঙ্গে যাবো। যেতে যেতে ডিউক বাহাদুরের  
গল্প শোনাবো আপনাকে।

ডিউক। অনেক গল্পই তো বলেচেন আমাকে।  
সে সব গল্প যদি সত্য হয়, তাহলে অবশ্য আর  
কথা নেই। যদি তা না হয়, তাহলে গল্প  
শোনবার দরকার এখনো আছে বটে!

লুশিয়ো। আমি একবার তাঁর কাছে গিয়েছিলেম,  
একটি সবৎস মেয়েমানুষ নিয়ে...

ডিউক। বটে। তুমি?

লুশিয়ো। হ্যাঁ। না গিয়ে উড়িয়ে দিতে পারতাম।  
ধরে বিয়ে দিয়ে দিত—কাজেই স্বীকার করলেম,  
আমার দোষ! স্বীকার না করলে বেশী আর  
কি হতো? কিছু না।

ডিউক। সত্যি তোমাকে আমার খুব ভালো লাগচে  
...তোমার মধ্যে কাপট্য নেই।

লুশিয়ো। চলো—এ মোড় পর্য্যন্ত তোমার সঙ্গে  
যাই। যদি এ সব বদ গল্পে রাগ করো, তাহলে  
থাক, বলবো না। কি জানো সাধুজী, আমি  
যেন চোর-কাঁটা—কাছাকাছি কাকেও পেলে  
তার গায়ে সেঁটে থাকি!

[উভয়ের প্রস্থান]

## চতুর্থ দৃশ্য

এঞ্জেলোর কক্ষ

(এঞ্জেলো ও এশকেলাশের প্রবেশ)

এশকেলাশ। যে চিঠি আসচে, সে চিঠিতে আগের  
চিঠি নাকচ হয়ে যাচ্ছে।

এঞ্জেলো। কুল-কিনারা পাওয়া যায় না! খেয়ালী  
ধরণের চিঠি। চিঠি পড়লে মনে হয়, তাঁর মতি  
বিভ্রম ঘটেচে! ভগবান না করুন—তেমন  
জরুরী যেন না ঘটে! তা ছাড়া এর মর্ম্ম তে  
বুঝি না—নগরের তোরণে গিয়ে দেখ  
করা চাই! সেইখানে তাঁর হাতে রাজ্য-ভাঃ  
প্রত্যর্পণ করতে হবে!

এশকেলাশ। কিছু বুঝি নে!

এঞ্জেলো। তা ছাড়া এ ইস্তাহারের মানে বুঝি  
না। তাঁর নগর-প্রবেশের এক ঘণ্টা পূর্বে রাজ্যে  
ঘোষণা দেওয়া হবে, কারো যদি কোনো নালিশ  
টালিশ থাকে তো সেইখানে যেন সে-নালিশে  
আজিঁতারা পেশ করে!

এশকেলাশ। এর মানে কতক বুঝি। মানে, কারে  
যদি নালিশ থাকে তো চট-পট করে তা বলো  
পরে শলা-পরামর্শ করে যদি কেউ মিথ্যা নালিশ  
দায়ের করে, তার কোনো সম্ভাবনা থাকবে না।

এঞ্জেলো। শুন কথা—ঘোষণা করিয়া দাও তুমি  
এই বার্তা—প্রভাতে ভেটিব ভব গৃহে—  
বার্তা দাও—যার বাহা আছে অভিযোগ,  
জ্ঞাপন করে তা যেন নির্দেশ-মতন।

এশকেলাশ। তাই হবে। আসি তবে।

এঞ্জেলো। বিদায় জীমান।

[এশকেলাশের প্রস্থান]

এঞ্জেলো। বুঝিতে না পারি মর্ম! সত্যই অক্ষম!

এ অপূর্ণ ব্যবস্থার কিবা প্রয়োজন?  
কুমারী কুসুম-কলি—আত্মদিত-মধু!  
কে নিয়েছে স্বাদ? শক্তির প্রধান যে  
এই রাজ্যে—রাজ-বিধি বিধান সাহার!  
কুমারীর ধর্ম-লোপ! কলঙ্ক-কাহিনী  
কুমারী কেনে কবে? লজ্জার কাহিনী!  
বুজি, বুজি—হেন মূঢ় আচরণ কত  
প্রকৃতি দিবে না তারে—নিবৃত্ত করিবে!  
তুঙ্গপরি খ্যাতি মোর—বিচার-মধ্যাদা—  
সেই দোষে ক্লান্ত চিন্তে করিয়। বিচার  
মায়ারীন প্রাণদণ্ড—আমার বিধান!  
কে আমারে দিবে দোষ! কে করে বিশ্বাস?  
হতো ভালো—যদি তার না হতো মরণ—  
বাঁচিয়া রহিত যদি! সংযম-বিহীন  
চপল ঘোবন কাল—কে জানে, কখন  
এই গ্লানি-অপমণ, অপমান সহি  
কখন হিংসার মাতি দিত এর শোধ!  
তবু মনে হয়, যদি রহিত বাঁচিয়া—  
হতো ভালো...হতো ভালো! ক্ষতি নাহি ছিল!  
এই বড় দুঃখ, হার, সত্য পথ হতে  
ভিল লুপ্ত হল—অভি-ছোট ক্রটি-বশে  
কোন্ রসাতলে যাই, কিছু ঠিক নাই।  
সে পতন রুধিব যে—সাধ্য নাহি থাকে!  
মনে হয়, সত্য পথে যাই পুনঃ কির—  
কিরিবার কিন্তু হার, থাকে না উপায়!  
[প্রস্থান]

### পঞ্চম দৃশ্য

নগর-বাহিরে মুক্ত প্রান্তর

(রাজবেশে ডিউকের প্রবেশ; সঙ্গে সাধু পীটার)

ডিউক। উপযুক্ত অবসরে এই পত্রগুলি  
দিয়ো মোরে।

(বহু পত্র প্রদান)

কারার প্রহরী জানে সব—  
কি উদ্দেশ্য, অভিসন্ধি কি কার্য-সাধনে!  
যে কাজ লয়েছি হাতে—রাখিয়ো স্মরণ—  
যথা রীতি আচরণ করিয়ো সাধক!  
কার্য-কালে প্রয়োজন-মত আচরণে  
ভেদাভেদ করে বুঝে—কি আর বলিব!

ফ্রেব্রিয়াস-গৃহে যাও সকলের আগে,  
বলো মোর অবস্থান, বার্তা দিয়ো তারে  
ভ্যালেন্টিনাশ-রোলাও-ক্র্যাশাসে অমনি—  
ভেরী লয়ে আসে যেন নগর-তোরণে।  
ফ্রেব্রিয়াসে সর্ব-অগ্রে করিবে প্রেরণ।  
পীটার। পাঠাইব তারে প্রভু, যত দূর পারি।

[প্রস্থান]

(ভেরিয়াসের প্রবেশ)

ডিউক। সাধুবাদ লহ ভেরি, আনিয়াছ দূর।  
এসো, দৌহে যাই একসাথে! আছে জেনো,  
বহু বন্ধু—অচিরে হেথায় আসি তারা  
মিলিবে মোদের সনে, হে বন্ধু সজ্জন।

[উভয়ের প্রস্থান]

নগর-তোরণ-পার্শ্বস্থিত পথ

(ইশাবেলা ও মারিয়ানার প্রবেশ)

ইশাবেলা। এমন অস্পষ্ট ভাব, আভাস-ইঙ্গিত  
ভালো নাহি লাগে মোর! সত্য কথা বলি,  
তার নামে অভিযোগ—এ তোমার কাজ!  
তথাপি নিদেশ, মোরে জানাইতে হবে  
অভিযোগ—কহে সাধু, অভীষ্ট মিলিবে।  
মারিয়ানা। সাধু-বাক্য শোনো, নাহি করিয়ো লজ্জন।  
ইশাবেলা। সাধুর নিদেশ পুনঃ, যদি দৈব-বশে  
আমারে নির্দায় তীব্র কটু বাক্য দহে,  
বিশ্বাস না মানি যেন সয়ে থাকি আমি!  
সহনে মিলিবে না কি অশেষ কল্যাণ।  
মারিয়ানা। আচার্য্য পীটার যদি...  
ইশাবেলা। কি আশ্চর্য্য! দেখি  
স্মরণে উদয় সাধু!

(সাধু পীটারের প্রবেশ)

পীটার। এসো দৌহে। পাইয়াছি যোগ্য পীঠ আমি—  
সেখানে বসিলে পাবে ডিউকের দেখা—  
পথ বাহি রাজ্যে যবে পশিবেন তিনি।  
ভেরী-রব নিনাদিত ছই-ছইবার—  
রাজ্যের সজ্জন, সাধু, বিজ্ঞ সুধী যত  
তোরণে আগত হবে। সমাগত দ্বন্দ্ব—  
ডিউকের রাজপুরে প্রবেশের লাগি!  
দূর করো, এসো দৌহে আমার সহিত।

[সকলের প্রস্থান]

## পঞ্চম অঙ্ক

## প্রথম দৃশ্য

নগর-তোরণের সম্মুখে মুক্ত অঙ্গন

[ কিছু দূরে অবগুষ্ঠিতা মারিয়ানা, ইশাবেলা ও আচার্য্য পীটার। এক দিক দিয়া ডিউক, ভেরিয়াস ও অমাত্যবর্গের প্রবেশ; অপর দিক দিয়া এঞ্জেলো, এশকেলাশ, লুশিয়ো, প্রহরী, কণ্ঠচারিগণ ও নাগরিকগণের প্রবেশ ]

ডিউক। হে সুযোগ্য ভ্রাতৃবর, শুভক্ষণে দেখা।

বিশ্বাসী পুরানো বন্ধু, তৃপ্ত দরশনে।

এঞ্জেলো।

ও  
এশকেলাশ

}। স্বাগত রাজন্ আজি! ধন্য রাজপুরী!

ডিউক। দৌহারে অন্তর হতে করি সাধু-বাদ।

দৌহার কুশল-কর্ষ—পেয়েছি বারত।

দিকে দিকে স্তুতি-বাদ! গুনি সর্ব-মুখে

আয়-নিষ্ঠা, সুবিচার, প্রীতি-মমতার

শত কথা! সর্বজনগণ-পক্ষে তাই

শত সাধুবাদ করি, কৃতজ্ঞ হৃদয়ে!

এঞ্জেলো। কর্তব্য-বন্ধন প্রভু হলো দৃঢ়তর।

ডিউক। মহৎ অন্তর তব—কর্তব্য-পালনে

নিষ্ঠা দৃঢ়তর...স্মরি আজ ধন্য আমি।

এ কর্তব্য পালনের স্তুতি করি আজি,

মনের গোপন তলে চাহি না রাখিতে—

বিশ্বাস্তি কখন তাহা ফেলিবে মুছিয়া!

দাও বন্ধু হাতে হাত—দেখুক সকলে

যে ব্রত পালন তুমি করো নিষ্ঠা-ভরে

গুরু স্তুতি-বচনেতে মূল্য নহে শোধ!

অন্তরের বন্ধু তুমি, নহে আজ্ঞাবহ—

অন্তরে অন্তর দিয়া মাগি হে মেলানি!

গুণের মর্যাদা জানি, বুঝিবে সকলে।

এশকেলাশ, এসো বন্ধু এই পথে তুমি—

এ রাজ্যের দুই তন্তু—তাহে ভর করি

রাজপুরে পশি আজি উল্লসিত মনে।

[ আচার্য্য পীটার ও ইশাবেলা সম্মুখে অগ্রসর  
হইয়া আসিল ]

পীটার। যোগ্য অবসর তব। উচ্চকণ্ঠে কহ—

জানু পাতি লহ ঠাই রাজার চরণে।

ইশাবেলা। বিচার! বিচার চাহি আজিকে রাজন্!

যে হীন আচার—যেই ক্রুর অপরাধ

কুমারীর 'পরে হয়—চাহি সুবিচার!

এ রাজ্যের রাজা তুমি—যোগ্য মহারাজা—

রাজ্যে করি পদার্পণ—জাঁথিরে করে না

কনুঘের ভারে কালো আর-কিছু দেখি,

আমার এ মর্শ্ব-ছেঁড়া অভিযোগ আছে—

তাহা গুনিবার পূর্বে! সুবিচার চাহি।

সুবিচার—সর্ব-কার্য্য-অগ্রে সুবিচার!

ডিউক। কিবা তব অভিযোগ, কহ প্রকাশিয়া,

কি অত্যাচার-ভারে তব হেন মর্শ্ব-ব্যাধা?

কে করেছে অপরাধ? কি-বা অপরাধ?

সংক্ষেপে প্রকাশ করো। আছেন হেথায়

আয়-নিষ্ঠ বিচারক এঞ্জেলো মহান্।

বিচার নিশ্চয় পাবে—বলো তাঁর কাছে।

ইশাবেলা। যে-চোর করিল চুরি—তার কাছে বলো,

হে রাজন্, সে চুরির হইবে বিচার?

অত্যাচারী অত্যাচার-প্রতিকার করে?

একান্ত মিনতি, প্রভু—নিজ কর্ণে শোনো

এ আমার অভিযোগ! অবিশ্বাস যদি,—

যেই শাস্তি অভিরুচি, তাই দিয়ো মোরে!

প্রতিকার চাহি আমি তোমার নিকটে—

তুমি শোনো প্রভু, মোর মর্শ্ব-অভিযোগ!

এঞ্জেলো। মনে হয়, নারী বুঝি জ্ঞানবুদ্ধি-হতা!

ইহার ভ্রাতারে আমি প্রমাণের 'পরে

প্রাণদণ্ড দিয়াছিহু; সেই দণ্ড-বলে

অভাগা সে প্রাণ দেছে। তাহার লাগিয়া

মার্জনা চাহিয়া নারী আসি মোর পাশে

নিরাশে ফিরিয়া গেছে—মেলেনি মার্জনা!

বিচারে হইল দণ্ড—মোর দেয়া দণ্ড!

ইশাবেলা। বিচারে হয়েছে দণ্ড! সে কি হে বিচার?

এঞ্জেলো। রূঢ় ভাষে বহু কথা বলিবে এ নারী—

অদ্বুত বিচিত্র বহু বিষয়-পূরিত!

ইশাবেলা। বিষয়-পূরিত! ঠিক! অপূর্ব বিষয়!

প্রকাশে বিষয়ে ভরা—কল্পনা অতীত!

তবু অতি-সত্য তাহা—বলিব সে কথা।

এঞ্জেলো বিশ্বাস-হস্তা—অদ্বুত এ বাণী?

এঞ্জেলো মানুষ-ঘাতী—অদ্বুত এ বাণী?

এঞ্জেলো এ অনাচারী—কামুক-লম্পট,

ভণ্ড সে—কুমারী-ধর্ম-নাশক, বর্বর—

এ বাণী অদ্বুত না কি? বিরাট আশ্চর্য্য!

ডিউক। অদ্বুত—অদ্বুত কথা লক্ষ কোটি বার!

ইশাবেলা। এ-জন এঞ্জেলো—যথা মহাসত্য এই—

তারো চেয়ে বেশী সত্য—এ আমার বাণী!

অতীব কঠিন সত্য! তেমনি অদ্বুত!

লক্ষ কোটি বার বলি এই মহা-সত্য—  
সত্য, এর সব সত্য—সত্য পরিমাপ  
কখনো হয়নি, তাহা হবে না কখনো !  
ডিউক। লয়ে যাও বালিকারে ! অতি হুঁভাগিনী !  
যে কথা কহিল, কহে উন্মাদনা-বশে !  
ইশাবেলা। হে রাজন্, শ্রীচরণে একান্ত মিনতি—  
এ কথা প্রত্যয় করো—নহি উন্মাদিনী !  
ইহলোক সব নয়—মাছে পরলোক—  
সেথায় পুণ্য ও শ্রীতি করিছে বিরাজ !  
আমারে করো না হেলা—দিয়ে না কিরায়ে—  
উন্মাদ-ধারণা-বশে ! যে কথা বলিলু—  
অদ্ভুত লাগিল কর্ণে—অসম্ভব বলি  
তুচ্ছ তারে করিয়ে না ! নহে অসম্ভব !  
কপট দুর্জন বহু দুষ্কৃতি করিয়া  
গম্ভীর সলাজ মূর্তি পারে না ধরিতে—  
এঞ্জেলোর মত হেন ! এই যে এঞ্জেলো—  
পদ আছে, ভূষা আছে, মর্যাদা সে আছে,  
গৌরব-গরিমা আছে—তবু মহাপাপী !  
ঐষ্ট অনাচারী দুষ্ট—তিল আন নহে ।  
প্রত্যয় করহ প্রভু—এঞ্জেলোর মত  
দুরাচারী পাপী কেহ নাহি ধরা-তলে ।  
ডিউক। গুনিয়া বিশ্বয় লাগে ! উন্মাদিনী যদি—  
অপূর্ব অদ্ভুত মানি এর উন্মাদনা !  
যে কথা বলিছে—তাঁহে যুক্তির সংযোগ !  
বচনে শৃঙ্খলা দেখি—অভেদ অন্ধান !  
হেন উন্মাদনা কভু প্রত্যক্ষ করিনি ।  
ইশাবেলা। হে করুণাময় রাজা—  
বারে-বারে আর  
উন্মাদ বলিয়া মোরে করো না ধারণা ।  
এঞ্জেলো সে গৌরবের উচ্চ-মঞ্চাসীন—  
আমি পথচারী নারী—নিভাস্তই হোন ।  
পদ-অসমতা ভাবি, চিন্তে নহে রোধ !  
বুদ্ধি আছে, আছে জ্ঞান । সে বুদ্ধির বলে  
রহস্ত-কুহেলি হতে সত্যের সন্ধান  
করো তুমি সত্যনিষ্ঠ, সংশয় নাশিয়া ।  
ডিউক। বিকল তো নয়, দেখি—নহেকো উন্মাদ ।  
অল্প-বুদ্ধি—যুক্তি হয়, পারে না বুঝিতে !  
হয়তো এমন কিছু !...বলো, কি বলিবে ?  
ইশাবেলা। রুডিয়োর ভগ্নী আমি । কুমারী-গমনে  
রাজ-বিশি-বশে ভ্রাতা অপরাধ করি  
বিচারে দিয়াছে প্রাণ—শির দেছে বলি  
এঞ্জেলোর স্মরণে । দণ্ডদেশে গুনি  
ভগ্নী আমি মঠ-বাসী সন্ন্যাসেতে ব্রতী—

ভ্রাতার ইচ্ছায় যাই মার্জনা-প্রার্থিনী ;—  
লুশিয়ো সে ভদ্র জন ছিল মোর সান্নী...  
লুশিয়ো। আমি সে লুশিয়ো, প্রভু । রুডিয়ো-নিদেশে  
ভগিনীকে ভেটি আমি তার মঠ-বাসে—  
এঞ্জেলোর পায়ে ধরি মাগিতে মার্জনা—  
অভাগার প্রাণ-রক্ষা হেতু ।  
ইশাবেলা। লুশিয়ো এ ।  
ডিউক। স্থির হও তুমি যুবা ।  
লুশিয়ো। কিন্তু প্রভু, জানি বাহা—কহিতে উৎসুক ।  
পারি নাই স্থির তাই রহিতে রাজন্ ।  
ডিউক। আমার আদেশ—তুমি বলিবে না কথা ।  
তোমার নিজের যদি কোনো সাধ থাকে—  
প্রার্থনা, মিনতি কিছু—তবে কথা কবে ।  
এখন নীরব রহ ।  
লুশিয়ো। রাজাদেশ শিরোধার্য ।  
ডিউক। মনে রেখো রাজাদেশ ! কোনো কথা নয় ।  
ইশাবেলা। লুশিয়ো আমারে দিল পরিচয় ।  
লুশিয়ো। ঠিক ।  
ডিউক। হোক ঠিক ! কথা বলা তোমার বেটিক ।  
আদেশ-বিশনে তুমি কহিবে না কথা !...  
বলো নারী...  
ইশাবেলা। আসি আমি এই দুষ্ট পাশে ।  
রাজ-প্রতিনিধি দুষ্ট—গরবে অধীর !  
ডিউক। বিশেষণ যোগ করা—উন্মাদ-লক্ষণ !  
ইশাবেলা। ক্ষমা করো এই স্পদ্ধা ! যাতনা-বিবশ  
এ চিত্ত রাখিতে নারে বচনে সংঘম ।  
ডিউক। তুণ্ড হবো ! বল পুনঃ তোমার কাহিনী ।  
ইশাবেলা। সংক্ষেপে করিব শেষ ! কাজ নাই বলি—  
কি মিনতি করিলাম—প্রার্থনা-আকুল  
নতজানু হয়ে পায়ে ; কি করুণ-ভাবে  
পাষাণে ছদয় বাঁধি করিল উপেক্ষা ;  
সকাতর সে মিনতি—তাঁহে কি বলিলু—  
সে কথা স্মরণ্য বড় । পরিণামে পাপ—  
যে কথা বলিল দুষ্ট—সে-কথা স্মরণে  
শিহরি উঠিছে অঙ্গ । লজ্জায় আমার  
ভূমে হুয়ে পড়ে শির—সে কথা রাজন্,  
এ মুখে বলিতে নারি ! মার্জনা করিয়া,  
কহিল দুর্জন—যদি লাগসা-অনলে,  
তার কাম-স্থতাপনে এ দেহ আমার  
বলি আমি দিতে পারি—ভ্রাতার মার্জনা,  
তবেই মিলিবে মুক্তি ! অসম্ভব যাতনা !  
মর্মে মর্মে অগ্নি-শিখা—কি স্তূত্র দাহ,  
কি জ্বালা যে—মহারাজ, পারি না কহিতে !

অবশেষে ভ্রাতৃ-মুখ স্মরিয়া কাতর—  
নারীর সর্বস্ব-দানে ছুটে তুফিগাম ;  
তবু ছুটে গুলিল না—মানিল না, প্রভু—  
কি মূল্য যে দিল নারা—সে কিসের লোভে !  
ভগু পাপী হীন ঘৃণ্য প্রতারণা বশে  
নারীর সর্বস্ব নিল ! প্রভাত-বেলায়  
গোপনে আদেশ দিল রাজ-ঘাতকেরে—  
ভ্রাতৃমুণ্ড ছিন্ন করো ! ওঃ, কি ভীষণ !  
ডিউক । এমনি ভাবিয়া ছিহু কাহিনীর শেষ ।  
ইশাবেলা । সত্য বলিয়াছি প্রভু—তিল মিথ্যা নয় ।  
ডিউক । হাস্য নারী, প্রগল্ভ রসনা ভব অতি !  
জানো নাকো, বোঝো নাকো—

কি কথা বলিছ !

জুর নীচ হিংসা-বশে ত্রায়-নিষ্ঠ জনে  
হেন পাপ-অপবাদ দিতে বাধিল না !  
জানো তুমি, এঞ্জেলোর নিষ্ঠা, ধর্ম, চিন্ত—  
নিষ্কলঙ্ক অকলুষ কতখানি তাহা—  
তার পরে তব বাক্য কত যুক্তিহীন !  
ক্ষণেকের মোহ-বশে তোমারে সম্ভোগ  
যদি বা করিয়া থাকে, হেন রক্ত চিতে  
ভ্রাতার প্রাণের পরে কেন এ আক্রোশ ?  
যেই মোহ-বশে তারে প্রাণদণ্ড দিল—  
সে মোহে আপনি পড়ি—প্রাণ লবে কেন ?  
মার্জনা করিলে তায়—কেবা বন্দী হতো ?  
বুঝিয়াছি—চক্রান্ত এ । পিছনে তোমার  
আছে সে চক্রান্তী কোনো ! বলো সত্য কথা—  
কার পরামর্শে এই মিথ্যা অভিযোগ ?  
ইশাবেলা । এই কি বিচার, রাজা ?

বেশ, তাই হোক !

স্বর্গবাসী দেবগণ—ধৈর্য্য করো দান—  
সহিব—সহিব সব । শুধু মনে রেখো,  
পীড়িতা রমণী ফেরে অতি নিরুপায়ে  
বিচার চাহিয়া লভি উপেক্ষা কঠিন !  
যে-পীড়ন সহিয়াছি—যেই নির্ধ্যাতন—  
আমারি রহক তাহা ! চলিলাম আমি ।  
ডিউক । যেতে পেলে খুশী হবে—জানি তাহা, নারি !  
কে আছে ? করহ বন্দী এই রমণীরে—  
লয়ে যাও কারাগৃহে ! হেন অপবাদ দেয় !  
হেন হীন অভিযোগ সম্ভ্রান্ত জনেরে—  
প্রধান পদস্থ রাজ্যে ! গুরু অপরাধ !  
বিনাদণ্ডে পরিভ্রাণ—হবে নাকো তাহা !  
অন্তরালে কি রহস্ত—চাহি জানিবারে ।  
কে তোমারে নিয়ে এলো হেথায় আজিকে ?

ইশাবেলা । সাধু মহাজন এক—নাম লোডোইক ।  
ডিউক । কে-বা এই লোডোইক ?

কে তাহার জানো ?

লুশিয়ো । আমি জানি, মহারাজ । কথা কয় বেনী—  
সকলের গায়ে পড়া—বিষম বাচাল !  
হুঁচোখে দেখিতে নারি ! না হলে সন্ধ্যাসী,  
দেখাতাম তারে আমি ! হেন স্পর্ধা তার—  
মহারাজে নিন্দা করে কুকথা বলিয়া !  
সে কথা শুনিয়া তার ষাড়ে হাত দিয়া  
শিক্ষা কিছু দিইয়াছি—ছাড়ি নাই আমি ।

ডিউক । আমাদের কুকথা কয় ! মোর নিন্দা করে !  
সাধু জন ! সাধুর মতন বেশ ! বুঝিয়াছি এবে ।  
অভাগিনী উন্মাদিনী এই রমণীরে  
নিন্দার বাহন করি—মোর পাশে ছুটে  
হেথায় পাঠায়ে দেছে ।...চাহি সে সাধুরে ।  
লুশিয়ো । কালি রাতে সে সাধুরে দেখিয়াছি আমি  
এই রমণীর সাথে কারাগৃহ-মাঝে ।  
বিষম বাচাল—মুখে কিছু নাহি বাধে—  
যেন সে রাজার রাজা ! বেজায় হুন্মুখ !  
পীটার । রাজন্, মজল হোক ! দাঁড়ায়ে গুলিল  
বহু কটু ভাষা—নিদা—শ্রুতির কলুষ—  
রাজার শ্রুতির যোগ্য নহে, হেন ভাষা !  
এ নারীর অপরাধ—নহে তুচ্ছ, লঘু ।  
স্পর্ধা বোর—রাজ-প্রতিনিধি মানী-জনে  
হেন পাণ-অভিযোগে করে কলুষিত—  
এ কলুষ পরশিতে নারিবে রাজন্,  
মানী-প্রতিনিধি-বরে—মিছা সে ভাবনা !

ডিউক । এ কথায় তিলমাত্র করি না প্রত্যয় !  
জানো তুমি লোডোইকে ? কেবা এই সাধু ?

পীটার । জানি, অতি-মহাজন, পুণ্যচিত সাধু ।  
বাচাল আদৌ নন—নন কটু-ভাষা ।  
এ-জন যে কথা বলে,—মানি না কো আমি ।  
জানি তাঁরে, চিনি তাঁরে—সুভদ্র স্তম্ভন  
দয়াক্রপী, কৃপাময়, মমতার খনি !  
তাঁরে বলে, কটুভাষী ! অপ্ৰত্যয় বাণী !  
লুশিয়ো । সত্য কহিয়াছি প্রভু । কি ছুটে রসনা !  
মিষ্ট শিষ্ট কথা—তার কিছু নাই জানা ।

পীটার । থাক তর্ক ! হয়তো সে

আসিবে হেথায়

নিজের চরিত্র-তত্ত্ব বুঝাবার লাগি !  
স্বাস্থ্য তার ভালো নয়—করে ব্যাধি-ভোগ ।  
সে বড় অপূর্ব ব্যাধি । তাঁর বাক্য মানি—  
তিনি এঞ্জেলো'পরে আছে অভিযোগ—

আমি আসিয়াছি হেথা তাঁর প্রতিনিধি,  
তাঁর বাক্য বহিয়া অধরে। সত্য-মিথ্যা—  
জানি না কহে আমি। বলছেন নিজে তিনি—  
সত্য প্রমাণের যদি হয় প্রয়োজন,  
নিজে তিনি আসিবেন জানাইতে তাহা।  
তাঁর কর্ণে এই নারী বলিয়াছে বাণী,  
এঞ্জেলোরে বহু দৃষ্টি, বহু অভিযোগ!  
এরি মুখে শোনো সব—করহ বিচার।  
এঞ্জেলো আছেন হেথা : নারীর বচন  
মিথ্যা প্রমাণিত হোক—যুচুক কলঙ্ক—  
সাধু প্রতিনিধি হোন্ কলুষ-বিহীন!

ডিউক। সাধু-বাক্য-লজ্জন—সে নহে সম্ভবিত !  
কোথা নারী ? শুনি তার কি-বা অভিযোগ।

[ প্রহরী-পরিত্যক্ত ইশাবেলার প্রস্থান ;  
মারিয়ানা সমুখে আসিয়া দাঁড়াইল ]

এ-কথায় হাসি নাই তোমার অধরে !  
এঞ্জেলো কহ তো সত্য—ভালো অভিনয় !  
ভগবান, যুচু জনে কত স্পর্ধা ধরে !  
মোদেরে আসন দাও। এসো শ্রীত্ববর,  
অমাত্য-প্রধান ধীর এঞ্জেলো সজ্জন !  
নিরপেক্ষ রবো আমি এবার বিচারে।  
তোমা পরে অভিযোগ। ইহার বিচার  
এঞ্জেলো, তুমিই করো !...এই সেই নারী,  
হে আচার্য্য ? গুণ্ডন মোচন করো নারী,—  
দেখি মুখ। পরিচয় আগে ; পরে কথা।  
মারিয়ানা। ক্ষমা করো প্রভু। আমি দেখাবো না  
মুখ

পতির আদেশ বিনা !

ডিউক। বিবাহিতা তুমি ?

মারিয়ানা। নহি বিবাহিতা নারী।

ডিউক। কুমারী কি তবে ?

মারিয়ানা। তাও নহি।

ডিউক। স্বামীহীন ? বিধবা রমণী ?

মারিয়ানা। তাও নহি প্রভু !

ডিউক। এ বড় অদ্ভুত কথা !

নারী তুমি—অথচ কুমারী, বিবাহিতা  
সধবা, বিধবা—কিছু নহি ! কি-বা তুমি ?

লুশিয়ো। বার-নারী হবে, প্রভু ! নারী-মাঝে আছে  
গুণ্ড এই এক জাত—নহে বিবাহিতা—

কুমারী, বিধবা কিবা। কিছু নয় তারা !

ডিউক। চুপ করো ! বাচালতা সাজে না হেথায় !

এর চেয়ে—আপনার অভিযোগ যদি

রহিত তোমার, তবে চলিত বকুনি  
অনর্গল—বাধাহীন স্রোতের মতন !  
লুশিয়ো। রবো চুপ ! কহিব না কোনো

কথা আর।

মারিয়ানা। রাজন, কহিব সত্য—হয় নি বিবাহ।

এ'ও সত্য হে রাজন, নহিক কুমারী ;

আছে স্বামী—জানি তারে। কিন্তু মোর স্বামী

আমারে জানিতে কিবা মানিতে না চাহে !

লুশিয়ো। তাহলে সে ব্যাটা মাতাল না হয়ে যায়

না হুজুর ! মাতাল না হলে এমন ভোলা মন !

ডিউক। রবে চুপ ? অথবা তোমার প্রগলভ

বচন হবে এই অস্ত্রে চুপ ?

লুশিয়ো।

করলাম চুপ।

ডিউক। এঞ্জেলোর পরে এর অভিযোগ নাই !

মারিয়ানা। বলি তবে সেই কথা। এই মাত্র হেথা

যে-নারী এখনি দিল স্বামীর বিরুদ্ধে

ধর্ম-নাশ-অভিযোগ নিশীথ প্রহরে—

সে সময়ে স্বামী মোর বাহুর বন্ধনে

গাঢ় প্রীতি-অমুরাগে ছিলেন বিভোর !

এঞ্জেলো। মোর নামে অভিযোগ ?

মারিয়ানা।

জানি না তা আমি।

ডিউক। তুমি যে বলিলে—স্বামী তব ?

মারিয়ানা।

স্বামী মোর—

এঞ্জেলো আমার স্বামী দাঁড়ায়ে সমুখে।

আমার এ দেহ হয়, না করি স্বীকার—

সে দেহ সম্ভোগ করে কাল নিশাযোগে—

জানেন সে-দেহ ছিল এ ইশাবেলার !

এঞ্জেলো। এ বড় অদ্ভুত অভিযোগ। দেখি মুখ তব।

মারিয়ানা। অনুমতি দেছে পতি। খুলিব গুণ্ডন।

( অবগুণ্ডন মোচন করিল )

এই...এই...সেই মুখ ! যে-মুখ নির্দ্বন্দ্ব

এঞ্জেলো, একদা তুমি মুগ্ধ যেই মুখে

শত বার শপথিয়া বলেছ—স্বন্দর !

এই সে কপোল—বাহা ধরি করপুটে

সত্যে বদ্ধ হয়েছিলে, করিবে গ্রহণ !

এই সেই অঙ্গ মোর—যে অঙ্গ-পরশে

পেয়েছ সুরস তৃপ্তি কানন-গৃহেতে—

ভাবি এই অঙ্গ—ইশাবেলার অঙ্গ—

বাসনার তৃপ্তি-সুখে হয়েছ বিভোর !

ডিউক। চেনো এ নারীরে ?

লুশিয়ো। বিলাস-সম্ভোগ—কহে নারী !

ডিউক। স্পর্ধা তব স্তন্য-সহ !

লুশিয়ো।

এই শেষ বার!

এঞ্জেলো। সত্য কহি প্রভু, আমি জানি এ নারীকে

পঞ্চ-বর্ষ পূর্বেরকার কথা... স্থির ছিল

দৌহার বিবাহ হবে। ভেঙ্গে গেছে কথা

প্রতিশ্রুত যৌতুকের অনাটন-হেতু;

প্রধান কারণ কিন্তু তাহা নয়, প্রভু।

বহু মুখে নিন্দা শুনি—চপলা রমণী,

লঘু চিন্তা, বিলাসিনী, সংযম-বিহীন—

যারে-তারে দেহ দেয় লালসা-লীলায়!

সে অবধি পঞ্চ বর্ষ হয়েছে অতীত...

ইহারে দেখিনি চক্ষে, কহি নাই কথা,

শুনি নাই বার্তা কভু এই রমণীর।

এ কথা পরম সত্য... তিল মিথ্যা নয়!

মারিয়ানা। হে রাজনু, কৃপাময় দেব-অবতার,

স্বর্গ হতে ঝলে যথা আলোক-কিরণ,

নিখাসে-প্রখাসে যথা ঝরে হে বচন,

সত্যে যথা যুক্তি, ধর্ম্মে নিষ্ঠা যথা রয়...

তেমনি কহি এ সত্য, আমি পত্নী এঁর—

সত্য প্রতিশ্রুতি যথা—তথা পত্নী আমি।

সেদিন মঙ্গলবার—নিশীথ-শয়নে

আপন কানন-গৃহে এই মোর স্বামী

পত্নীত্বে গ্রহণ, মোরে করেছে স্বীকার!

এ যদি হে মিথ্যা হয়—তবে এই জাহ্নু

মত যা হয়েছে প্রভু, তোমার চরণে—

সে জাহ্নু অটল হোক, পাষাণে রচিত—

গতি মোর রুদ্ধ হোক, পাষাণের মত!

এঞ্জেলো। এ-অবধি চিন্তে মোর যৌতুকের হাসি

পরিপূর্ণ ছিল, প্রভু—এবে যাহা শুনি...

হে রাজনু, প্রভু তুমি—স্ববিচার চাহি,

ধৈর্য্য মোর গেছে ভেঙ্গে। বুঝিয়াছি স্থির,

এই দুই নারী কার ক্রোড়ার পুতলি—

তাহারি চক্রান্তে আনে হীন অভিযোগ;

মোরে ভার দাও প্রভু—সন্ধানি বাহির

করিব এ চক্রান্তের মূলে কোন্ জন।

ডিউক। সর্ব-অন্তরেতে দিই এই ভার তোমা।

শুধুই সন্ধান নয়—যোগ্য শাস্তি-দানে

স্পর্ধিতের সর্ব গর্ব চূর্ণ করে দাও!

সেই মৃত সাধু—আর প্রগলভা রমণী

যোগাযোগে আনিয়াছে মিথ্যা অভিযোগ।

সর্ব শপথেরে এরা আনে রসনায়,

ভাবে,—সে শপথে মোর টুটিবে বিশ্বাস

তব পরে—যারে আমি জানি সবিশেষ,

যার পরে রাজ্যভার নিশ্চিন্তে অর্পিয়া

তীর্থ-পর্যটন লাগি হলাম বাহির।

স্পর্ধা বটে! রাজকার্য্য এমনি সহজ—

রসনার ভাষা-স্পর্শে টুটিবে বিশ্বাস,

সকল শৃঙ্খলা,—হায়, হেন অর্ধাটীন!

যার পরে ষে-কাজের রহিয়াছে ভার—

বিশ্বাসে নিষ্ঠায়, যদি তাহার মর্যাদা

সে নাহি রাখিত হায়, জলবিষ সম

রাজ্য কবে মিলাইত ছায়া-রূপ ধরি!

শোনো তুমি এশকেলাশ, এঞ্জেলোর সহ

একান্তে যুক্তি করো। মিথ্যা অভিযোগ—

মূলে কে-বা, চাহি আমি তাহার সন্ধান।

রাজ-গর্ব কারো দম্ব সহিবে না, জেনো।

প্রহরী পাঠাও। বন্দী চাহি তারে আমি।

পীটার। এখনি সে আসে যদি, বড় ভালো হয়

এ দুই নারীরে সেই পরামর্শ দেছে।

তাহারি চক্রান্ত—এতে কোনো ভুল নাই।

ভালো কথা—কারার প্রহরী এই জানে,

কোথায় নিবাস তাঁর, কোথা মিলে দেখা।

যোগ্য লোক সে প্রহরী আনিতে সাধুরে।

ডিউক। জানো তুমি? স্বরা তারে নিয়ে এসো হেথা।

[ প্রহরীর প্রস্থান

আর তুমি স্নেহাস্পদ ভ্রাতৃবর, শোনো,

এই অভিযোগে তুমি পাইয়াছ মনে

রূঢ় ব্যথা—সে ব্যথার কর প্রতিকার,

দুর্জনের যোগ্য শাস্তি করিয়া বিধান।

ক্ষণেক বিদায় চাহি। রহ সব হেথা—

আর কোথা যেয়ো নাকো—হোক স্ববিচার

দুর্জনের রসনার প্রগলভতার!

এশকেলাশ। দুর্জনের এ অপরাধের চূড়ান্ত শাস্তি

দেওয়া উচিত, মহারাজ!

[ ডিউকের প্রস্থান

লুশিয়ো, আপনি না বলছিলেন, এই সন্ন্যাসী

লোডোইক ভয়ঙ্কর বদমায়েস লোক?

লুশিয়ো। বেশে সাধু হলে কি হবে—আমাদের

ডিউক বাহাজুরের নামে কি নিন্দাই না

রটিয়ে বেড়াচ্ছিল!

এশকেলাশ। আপনি এখান থেকে যাবেন না।

সে আত্মক—তার সামনে এ কথা বলবেন।

এ কেমন সাধু—আসামী করে একবার তাকে

দেখতে চাই।

লুশিয়ো। সাধু আবার কেমন! ভিয়েনার সাধুর দল

যেমন হয়ে থাকে।

এশকেলাশ। সেই ইশাবেলাকেও এখানে আনতে পাঠাও—তার সঙ্গে অনেক কথা আছে।

[ জনৈক অনুচরের প্রস্থান ]

আমাকে অনুমতি দাও এঞ্জেলো,—আমি ওকে হুঁচারটে জেরা করবো। জ্ঞাথো, সে জেরায় তার কি হাল হয়!

লুশিয়ো। সে যা বলে গেছে—তাতে এঞ্জেলো-হুজুরের যে হাল দেখচি, এর চেয়ে বেশী আর কি হাল আপনি দেখাবেন?

এশকেলাশ। এমন কথা আপনি বলেন!

লুশিয়ো। আড়ালে গিয়ে যদি তাকে জেরা করেন, তাহলে হয়তো সত্য কথা কবুল করবে! সকলের সামনে কি গোঁ ছাড়বে? তাতে তার অপমান হবে—সজ্জা পাবে।

এশকেলাশ। তাহলে আড়ালেই জিজ্ঞাসা করবো'খন।

লুশিয়ো। তাই করবেন। মেয়ে-জাতটাকে রাগ্নেই শুধু বাগে পাওয়া যায়!

( ইশাবেলাকে লইয়া কর্মচারীগণের পুনঃপ্রবেশ )

এশকেলাশ। ( ইশাবেলার প্রতি ) এসো তো বাছা! এখানে এই যে মেয়েটিকে দেখাচো, এ তো তোমার কথা সব পার্টে দিলে!

লুশিয়ো। ঐ...ঐ সে পাজী আসচে। যার কথা বলছিলাম! ঐ...ঐ...প্রহরীর সঙ্গে।

এশকেলাশ। ঠিক সময় এসেচে! তা খবদার, আমরা না বললে আপনি ওর সঙ্গে কোনো কথা কবেন না'।

লুশিয়ো। বেশ—চোখ বুজো আমি এই চুপ করে রইলাম।

( সন্ন্যাসীর ছদ্মবেশে ডিউক এবং তাঁহার সঙ্গে প্রহরীর পুনঃপ্রবেশ )

এশকেলাশ। আসুন মশায়! আপনি এই মেয়ে-মাল্লুয় দুটিকে লেলিয়ে দেছেন—অমাত্য-প্রধান এঞ্জেলোর নামে মিথ্যাপবাদ দিয়ে অভিযোগ আনতে!...এ কথা তারা স্বীকার করেচে।

ডিউক। মিথ্যা কথা।

এশকেলাশ। মিথ্যা কথা! আপনি জানেন, আপনি কোথায় এসেছেন?

ডিউক। স্থান-গৌরবের আমি জানাই প্রণতি!

যে দানব রাজ্যাসন আনে বহি শিরে,

সেও যে সম্মান পায় আসন-গৌরবে!

কিন্তু কোথা মহারাজ? কারে কথা কবো?

এশকেলাশ। মোরা রাজ-প্রতিনিধি—শক্তির প্রতিভু।

কি বলিতে চাহো, বলো! সত্য কথা চাই।

ডিউক। নির্ভয়ে কহিব! কিন্তু ওরে অভাগিনী,

মেঘ-শিশু চাহো তুমি শৃগালের পাশে

পীড়নের প্রতিকার! কোথা আশা তার?

ডিউক এখানে নাই, গেছেন চলিয়া।

বিচারের আশা তবে দেখি তো নির্দুঃখ।

অন্ডায়, অন্ডায় তাঁর! না করি বিচার

এ অভিযোগের তব—দিয়াছে দৌহারে

বিচারের ভার—তাও নিজ-অভিযোগে!

রাক্ষসের মুখে হেন! নাহি বিবেচনা—

যার নামে অভিযোগ—সে করে বিচার!

লুশিয়ো। এই সেই ছুষ্ট সাধু। বলিয়াছি বাহা,

বর্ণে বর্ণে সত্য কি না—দেখুন সকলে।

এশকেলাশ। প্রত্নাহীন, পুণ্যাহীন সাধুবেশ দেখি!

ইহা কি প্রচুর নয়? হুই নারী-মুখে

গুণী মানী স্মৃধী এই অমাত্য-প্রধান

হীন কটু অভিযোগে কর নিন্দাবাদ,

অপবাদ-পঙ্কে নাম করিয়া কলুষ—

তবু তুণ্ডি মানো নাই? তাহারে তাজিয়া

রাজ্যেশ্বর মহারাজ—অকলঙ্ক-চিত—

অবিচারী-অপবাদে তাঁরে কহ কটু!

যাও, এরে লয়ে যাও! নিস্পীড়ন-যন্ত্রে

ফেলি এরে হাড়ে-হাড়ে বুঝাইতে চাই

রাজ্যেশ্বরে কটু বলা, কিবা তার ফল!

কিন্তু কি উদ্দেশ্য এর? কিবা অভিপ্রায়

এ কটু নিন্দায়? এই গুঁচ চক্রান্তের?

জানা সমুচিত! কি হে—রাজা অবিচারী?

ডিউক। রোষে এত তীব্র দাহ! ক্ষণ ধৈর্য্য ধরো—

আমার কেশাগ্র স্পর্শ করবে ডিউক,

হেন শক্তি নাহি তার! নিজেই যেমন

নিস্পীড়ন-যন্ত্রে ফেলি যাতনা সহিতে

অক্ষম ডিউক তব—তেমনি অক্ষম!

আমি তাঁর প্রজা নহি—নহি গ্রাম্যজন।

ভেনিসে কর্তব্য আছে—আসিয়াছি তাই।

আসিয়া দেখিতে পাই, পাপ-অনাচার—

দিকে দিকে উষ্ণ বাপ্পে তাহার নিঃশ্রাব!

বিধি আছে—দৃষ্ট বিধি! সে বিধির চেয়ে

বিধির পালন-ভার স্তম্ভ যার 'পরে,

আরো দৃষ্ট সেই জন! হায়, লজ্জা পাই!

আলো হেথা আলো নয়—গুধু বজ্রলম্বা!



এশকেলাশ ! হেন স্পর্ধা ! রাজ্যে হেন কটু বাণী  
কহে !

রাজদ্রোহী ! কারাগৃহে লয়ে যাও এরে ।

এঞ্জেলো । লুশিয়ো মশায়—তুমি করেছ শপথ—

এই সেই ছষ্ট-জন—যার কথা তুমি

ক্ষণপূর্বে করিয়াছ মোদের গোচর—

কটুভাবী—নিন্দাবাদী—করে অপমান !

লুশিয়ো । এই সে লোক, অমাত্যপ্রধান । কি গো  
সাধুজী, আমার চিনতে পারো ?

ডিউক । মনে পড়ে আপনাকে—আপনার গলার  
আওয়াজে । ডিউক বাহাদুর তখন রাজ্যে  
ছিলেন না—আপনার সঙ্গে দেখা হয়েছিল  
কারাগারে ।

লুশিয়ো । মনে পড়েছে তবে ! আরো মনে পড়ে—  
ডিউক বাহাদুরের নিন্দা-ছলে কি সব কথা তুমি  
বলেছিলে ?

ডিউক । খুব মনে আছে মশায় ।

লুশিয়ো । তা হলে স্বীকার করচো ! আমাদের ডিউক  
বাহাদুর মেছুনী—মেছোহাটার বাস করেন ?  
বটে ! তিনি নিরোধ ? ভীক ? কাপুরুষ ? এই সব  
কথা তুমি বলেছিলে—মনে আছে !

ডিউক । তা যদি বলেন, তাহলে আপনার সঙ্গে  
আমার অদল-বদলের দরকার আছে মশায় ।  
এ সব কথা আপনিও বলেছিলেন । শুধু এ কথা  
নয়—আরো অনেক কথা । সে সব কথা এর  
চেয়েও নোংরা !

লুশিয়ো । ওরে—এ কি শয়তান রে বাবা ! এ্যা !  
ওরে ও হতভাগা—ওরে ও বাচাল—আমি না  
এ সব কথা শুনে তোর নাক ধরে নেড়ে  
দিয়েছিলেম ?

ডিউক । মিথ্যা কথা ! ডিউককে আমি ভালোবাসি  
—নিজেকে যেমন ভালোবাসি, ঠিক সেই রকম ।

এঞ্জেলো । এ লোকটার এত বড় রাজদ্রোহিতা  
আমরা সহ করবো ?

এশকেলাশ । পথে-ঘাটে এর সঙ্গে বালাহুবাদ উচিত  
হবে না । ওকে কারাগারে পাঠানো হোক ।  
গ্রহরী কোথায় ? একে কারাগারে নিয়ে যাও ।  
কারাঘারে শক্ত ভালো আঁটো—কড়া পাহারা  
রাখো । কারো সঙ্গে যেন কথা কইতে না  
পারে !...এ ছটো মেয়েকেও কারাগারে নিয়ে  
যাও । শয়তানীতে তেরস্পর্শ যোগ হয়েছে এ  
তিন জনের কপায়, দেখচি ।

( ডিউকের সঙ্গে গ্রহরীর হস্তার্পণ-উদ্ভোগ )

ডিউক । একটু বিলম্ব করো...একটু !

এঞ্জেলো । কি ! গ্রহরীকে বাধা দিচ্ছে ! লুশিয়ো,  
গ্রহরীকে সাহায্য করো ।

লুশিয়ো । এসো হে সাধু—গুড়-গুড় করে চলে  
এসো ! হতভাগা বিটলে সন্ন্যাসী ! তোমার গায়ের  
ছাল ছাড়িয়ে নিলে তবে আমার রাগ যায় !  
ছাল ছাড়াতে তোমার স্বরূপ মূর্তি বেরিয়ে পড়বে—  
খন...কাঁশি কাঠ হলো তোমার ঠিক জায়গা !...  
ঐ মুখ...যে মুখে ডিউক বাহাদুরের নিন্দা  
করেছে, ঐ মুখখানা...

( মুখের ও মাথার আবরণ টানিয়া মুক্ত করিয়া  
দিল ; ডিউকের হৃদ-আবরণ মুক্ত  
হইল ; স্বমূর্তি প্রকাশ )

ডিউক । সেরা ছষ্ট তুমি—করো ডিউকে প্রকাশ !

তিন জনে আজ্ঞা আছে—গ্রহরী, এদের  
যাত্রাপথ রোধ করো...যেয়ো না চলিয়া ।

( লুশিয়োর প্রতি ) সাধু সনে আছে

তব বিতর্ক ! গ্রহরী,  
বন্দী করো ।

লুশিয়ো । কাঁশির উপর টেকা দেবে !

ডিউক । ( এশকেলাশের প্রতি )

তুমি বাহা বলিয়াছ—করিবু মার্জনা ।

বসো ধীর ! ( এঞ্জেলোর প্রতি )

অপরাধ লইয়ো না তুমি !

কোনো যুক্তি—কোনো কথা আছে কি তোমার,  
অপরাধ যাই তব হইবে লাবব ?

থাকে যদি হেন যুক্তি, বচন এমন—

এখনি প্রকাশ করো—বন্দিত্ব তোমার  
নিমেষে মোচন হবে ।

এঞ্জেলো । রাজ-অধিরাজ,

অপরাধ আরো গুরু হইবে আমার  
হেন অনুমান যদি করি এই মনে—

আমার গোপন-পাপ রবে অগোপন—

নিজ্ঞে তুমি মহারাজ, দেবতার মত  
সর্বভিতে আঁখি রাখি করেছ প্রত্যক্ষ

আমার সকল ক্রটি অপরাধ যবে ।

লজ্জা আর দ্বিগো নাকো রাজ-অধিরাজ,

বিচারের সমারোহে । করি হে স্বীকার

নিজ-অপরাধ মম, সকল দুষ্কৃতি ।

দণ্ড দাও—দণ্ড দাও এই দণ্ডে রাজা—

মৃত্যুদণ্ড স্ফুটন—সে হবে প্রসাদ !

চরণে মিনতি প্রভু, দণ্ড দাও মোরে !

পাপ-অপরাধ আমি করিহে স্বীকার।

দণ্ড দাও—প্রাণদণ্ড! করো না বিলম্ব।

ডিউক। হেথা এস মারিয়ানা!...এঞ্জেলো, চাহিয়া

জানো—এই নারী—বাগদত্তা বধুবব?

এঞ্জেলো। বিবাহের বাক্যদান হয়েছিল, প্রভু।

ডিউক। গৃহে এঁরে লয়ে যাও, সম্মানে সম্মে—

এখনি বিবাহ করো। আচার্য্য পীটার,

এ শুভ বিবাহে তুমি হবে পুরোহিত।

বিবাহ-বঁধনে বঁধি লয়ে এসো হেথা

এঞ্জেলো অমাত্যে পুনঃ। রক্ষী, যাও সাথে।

[ এঞ্জেলো, মারিয়ানা, আচার্য্য পীটার ও  
প্রহরীর প্রস্থান ]

এশকেলাশ। সত্য প্রভু, আচরণ বড়ই অদ্ভুত।

বিস্ময় তাহাতে নাই, যতেক বিস্ময়

অমাত্যের এই হীন ইতর আচারে!

ডিউক। হেথা এসো ইশাবেল। সে সাধু তোমার

এ রাজ্যের রাজা হবে। সাধুবশে যথা

ছিহ্ন আমি তোমার মঙ্গল-ব্রতী, জেনো,

সে বেশ বজ্রিয়া এই রাজ্যবশে তথা

তোমার সেবায় ব্রতী তেমনি সে আছি।

ইশাবেল। ক্ষমা করো অধীনীর স্পর্ধা মহারাজ!

অতি দীন প্রজা আমি,—কত ব্যথা দিছি,

না বুঝিয়া হে রাজন, সন্মম-গৌরব।

ডিউক। মার্জনা করেছি ইশাবেল। ভয় নাই!

পরম স্বচ্ছন্দ-মনে কহ যথা-খুণী!

ভ্রাতার মরণ-স্মৃতি বাজিতেছে বৃকে,

জানি আমি!...কিন্তু তুমি বুঝিতে কি পারো

কেন মোর ছদ্মবেশ? এত গোপনতা?

তার প্রাণ-রক্ষা হেতু—সতর্ক এমন?

নহে রূঢ় তিরস্বারে—কটিন আদেশ

শক্তি মোর সুপ্রকাশ—অসাধ্য ছিল না!

পাছে তাহে হানি হয়—ভীষণ অনিষ্ট—

তাই এত সন্তর্পণ—ছদ্ম বেশ মোর!

স্নেহময়ি মায়াময়ি, মমতার খনি—

তার মৃত্যু—ক্ষিপ্র পদে অগ্রসর দেখি

এতেক কৌশল-যুক্তি হয়েছে করিতে!

কিন্তু বিধাতার শুভ আশীর্বাদ-বশে

জীবিত তোমার ভ্রাতা। মধুর জীবন,

মৃত্যুভয়-লেশহীন সন্তাপ-রহিত।

পরম আরামে আছে তব সহোদর—

কোনো দুঃখ নাহি তার, সর্ব-সুখে সুখী।

ইশাবেল। মহারাজ! মহারাজ!

( এঞ্জেলো, মারিয়ানা, আচার্য্য পীটার ও  
প্রহরীর পুনঃপ্রবেশ )

ডিউক। নব-বিবাহিত এই আসিছে দম্পতী...

বিক্রমের বশে যেবা করে অপরাধ—

তোমার সম্মান-নাশ! ক্ষমা করো তারে

মারিয়ানা-মুখ চাহি। বিচারে ভ্রাতারে

যে-দোষে করিল দোষী, তাহার দ্বিগুণ—

রমণীর ধর্ম্মনাশ দোষ লাভসায়

করে ভ্রাত্ত এই মূঢ়; যেই অপমান—

বাগদত্তা বধু—তারে বাক্য ভঙ্গ করে।

বলেছিল স্পষ্টভাবে—পরিবর্ত্ত চাহে—

রুডিয়োর পরিবর্ত্তে অমাত্য এঞ্জেলো—

মৃত্যু-পরিবর্ত্তে মৃত্যু! থাক সেই কথা।

শঠে শাঠ্য—চিরদিন ধরণীর বিধি!

রুডিয়ো বেঁচেছে যদি, বাঁচুক এঞ্জেলো!

তোমার মার্জনা 'পরে ইহার জীবন।

এঞ্জেলো তোমার দোষ হয়েছে প্রমাণ—

এ দোষে রুডিয়ো 'পরে যে-শাস্তি দিয়াছ,

সে শাস্তি তোমার হবে। কাঁশি-কাঠে

প্রাণ দিবে—অপরাধে নাহি অল্প গতি।

মারিয়ানা। হে দেব করুণাময়—স্বামী দিয়া মোরে

তাহারে কাড়িয়া লবে! রূঢ় পরিহাস!

ডিউক। স্বামী তব স্বামিহে করিল পরিহাস!

তোমার সম্মান-হেতু বিবাহে সম্মতি

আমি দিইয়াছি ভদ্রে। নিশীথ শয়ন

পুরুষের সাথে! নহে কলঙ্ক সে দিত

তব পুণ্য-নামে—তাই বিবাহ-নির্দেশ।

যা কিছু সম্পত্তি আছে এই এঞ্জেলোর—

রাজবিধি-বশে তাহা যাবে রাজকোষে।

তোমার দুর্ভাগ্য স্মরি, সে সব সম্পত্তি

তোমাতে করিব দান। সম্পত্তির বলে

যোগ্য সে নবীন পতি তুমি লবে বাছি।

মারিয়ানা। না, না প্রভু, অল্প পতি—তাহে

নাহি রুচি।

ইনি মোর স্বামী! মোর অল্প স্বামী নাই!

ডিউক। এ স্বামারে ফিরে পাওয়া চাহিয়ো না নারী,

ইহারে ফিরায়ে দিব, হেন সাধ্য নাই!

বদ্ধ আমি বিধি-বশে—অতি-নিরুপায়!

মারিয়ানা। ( জাহ্নু পাতিয়া ) দয়া কর, দয়া কর

রাজ-অধিরাজ।

ডিউক। বুঝা এ মিনতি বালা! আদেশ অমোঘ—

টলিবে না। নিড়ে যাও বন্দী কারাগারে।

প্রাণ দণ্ড—অপরাধ হয়েছে প্রমাণ।  
 লুশিয়ো এ-বার তোমার পালা।  
 মারিয়ানা। প্রভু! প্রভু! ইশাবেলা, তুমি রক্ষা করো।  
 জাহ্নু পাতি তব পায়ে মিনতি আমার—  
 যত দিন রবো বাঁচি—রবো দাসী পায়ে—  
 সর্ব-কার্যে আজ্ঞাবহ—সেবিকা তোমার।  
 ডিউক। এ নহে উচিত তব—নহে সম্মতীন।  
 ইশাবেলা আজ যদি নত জাহ্নু হয়ে  
 তোমারে মিনতি করি—ফিরে দাও ভায়ে।  
 ইশাবেলা মোরে তুমি জানালে মিনতি,  
 ভ্রাতার প্রেতাশ্রা তব উঠিবে শিহরি—  
 লাঞ্ছনায় জর্জরিত করিবে সবারে।  
 মারিয়ানা। ইশাবেল, ইশাবেল, নতজাহ্নু হয়ে  
 কৃতজ্ঞিল রহ শুধু মোর পার্শ্বে আসি!  
 কোনো কথা বলিও না—কোনো কথা নয়—  
 বলিতে যা হয়, আমি সে-কথা বলিব।  
 গুনি, স্তম্ভাজন কহে—মুনিজন করে  
 মতিভ্রম—আমার স্বামীর হলো তাই।  
 ক্ষমা মহতের ধর্ম—মিলিবে না, হায়!  
 ইশাবেল, ইশাবেল—পাতিবে না জাহ্নু?  
 ডিউক। ক্লডিয়োর প্রাণ লাগি এঞ্জেলোর প্রাণ।  
 ইশাবেলা। দয়াময় তুমি প্রভু, হয়ো না বিরূপ।  
 দণ্ডিত এ অভাগার পানে তাকাও চেয়ে—  
 এ যেন আমার ভাই—মরণের মুখে!  
 ভায়ের বিচার যবে করিল এঞ্জেলো—  
 নিষ্ঠা ছিল অবিচল! আমারে দেখিয়া  
 বিভ্রম জাগিল মনে—তাই এ বিভ্রাট!  
 নিমেষের দৃষ্ট মোহ—করুন মার্জনা!  
 প্রাণে মারিও না দেব, দাও বাঁচিবারে।  
 বিচারে আমার ভ্রাতা হারিয়েছে প্রাণ।  
 এঞ্জেলো প্রধান—তার এই আচরণ—  
 যুক্তি-বুদ্ধিহারা সে যে নিমেষের ভ্রম!  
 সে ভ্রম ভুলিয়া যাও, কর হে মার্জনা।  
 দৃষ্ট এ বাসনা—তার উদয়ের সাথে  
 মিলায়ে গিয়াছে পুনঃ। চিন্তার খেয়াল!  
 কারো ক্ষতি করে নাই সে দৃষ্ট বাসনা।  
 মারিয়ানা। ক্ষমা কর—ক্ষমা কর!  
 ডিউক। ক্ষমা-ষোগ্য নহে  
 তার এই অপরাধ। ওঠো তুমি নারী।  
 আর এক কথা মোর পড়িয়াছে মনে।  
 প্রহরী, উত্তর দাও! ক্লডিয়োর দণ্ড  
 যে-ক্ষণে নির্দিষ্ট ছিল—পূর্বাহ্নে তাহার  
 কেন তার দণ্ড হলো? কি তার উত্তর?

প্রহরী। এমন আদেশ ছিল।  
 ডিউক। বিশেষ আদেশ?  
 প্রহরী। বিধি-শিষ্ট নহে সে আদেশ প্রভু, কহি।  
 অমাত্যের অমুচর দিল সে আদেশ  
 ক্ষুদ্র পত্রিকায় লেখা।  
 ডিউক। সে আদেশ পালি!  
 করিয়াছ অপরাধ! পদচ্যুত তুমি!  
 কারা-কুঞ্জি রাখো হেথা।  
 প্রহরী। ক্ষমা করো, প্রভু!  
 মনে ছিল অপরাধ, বুঝি নাই তাহা।  
 সে গ্লানি অন্তরে বহি—অমৃততপ্ত আমি।  
 মনে দিবা জাগে প্রভু, আর-এক পাণ।  
 করি নাই—পালি নাই আর-এক আদেশ—  
 প্রাণদণ্ড লেখা ভাগ্যে, মারি নাই তারে!  
 কারা-গৃহে বাঁচিয়া সে আছে, প্রভু।  
 ডিউক। কি নাম তাহার?  
 প্রহরী। বার্ণার্ডিন।  
 ডিউক। তারে না রাখিয়া যদি ক্লডিয়োর প্রাণ  
 রাখিতে প্রহরি, তুমি! যাও, আনো তারে  
 —তারে চাহি...স্বচক্ষে দেখিব তারে।  
 [প্রহরীর প্রস্থান]  
 এশকেলাশ। দুঃখ হয়...বিচক্ষণ জানী মতিমান  
 এঞ্জেলো, তাহার চিত্তে হেন মোহ জাগে!  
 বিচার-আসনে বসি প্রাণ লয়ে খেলা  
 নির্বিকারে খেলিয়াছে! এমন পতন!  
 এঞ্জেলো। সে পাপের গ্লানি-দাহে দহিছে অন্তর,  
 অনুতাপে জর্ণ মন—একান্ত কাতর।  
 ক্ষমা নয়!—মৃত্যু চাই—মৃত্যু আমি চাই।  
 মরণে জুড়াবে গ্লানি। মরণ বাঞ্ছব।  
 হেন পাপ-আবরণে বাঁচিতে চাহি না।  
 বাঁচিতে অক্ষম আমি—অসহ্য যাতনা!

(বার্ণার্ডিন, বস্ত্রাবরণে মণ্ডিত ক্লডিয়ো ও জুলিয়েতকে  
 লইয়া প্রহরীর পুনঃ-প্রবেশ)

ডিউক। কে বা সেই বার্ণার্ডিন?  
 প্রহরী। এই বার্ণার্ডিন, প্রভু!  
 ডিউক। সাধু এক—এর কথা বলেছেন মোরে।  
 শোনো তুমি,—এ জীবনে শঙ্কা তব নাই,  
 সাধ নাই। সমতুল জীবন-মরণ!  
 প্রাণদণ্ডে দণ্ডিত যে, তুমি তাহা জানো!  
 পূর্ব সে দৃষ্ট তব করিল মার্জনা।  
 ভালো হয়ো। ভ্রান্ত-পথে চলিও না আর,  
 শুভ হবে। সুখী হবে! আচার্য্য কোথায়?

হিত-উপদেশে চিত্ত পূর্ণ কর এর।  
তোমারে করিছ দান, এ জুর্ভাগা জীবে !  
কোন জন দেখি হেথা ? বস্ত্র-আবরণে  
আপনারে রেখেছে গোপন হেন ! নাম ?  
প্রহরী। বন্দী। এর প্রাণদণ্ড হয়েছে নির্দেশ।  
ইহারেও বাঁচায়েছি—যেই ক্ষণে প্রভু,  
কুড়িয়োর মৃত্যুকণ ছিল নিরুপিত—  
না বাঁচালে হতভাগ্য হারাইত প্রাণ  
কুড়িয়োর অম্বরূপ।

(কুড়িয়োর আবরণ উন্মোচন করিল)

ডিউক। (ইশাবেলার প্রতি)

যদি এরে ভ্রাতৃসম হয় তব জ্ঞান—  
তার পরিবর্তে এরে করিছ মার্জনা।  
ভালো তুমি, বড় ভালো। হাতে দাও হাত—  
বলো শুধু চারু ভাষে হইবে আমার !  
কুড়িয়ো আমার ভাই—বরি স্নগনে !  
কিন্তু পরে এই কথা—আরো কাজ আছে।  
কুড়িয়ো বাঁচিয়া আছে—মরে নাই যদি  
এঞ্জেলো পরাণ পাবে সুনিশ্চিত জেনো।  
মনে হয়, দেখি চোখে নবীন কিরণ !  
এঞ্জেলো, তোমার দৃষ্ট অভিশাপ-বশে  
মিলন মধুর হলো—দিব্য রমণীয়।  
এ তোমার প্রিয়তমা—স্বখে রেখো এরে !  
তার স্বখে তব সুখ—জীবনে জীবন।  
সকল অহিত গ্রানি—হলো তার শেষ।

(লুশিয়োর প্রতি)

শুধু এই মুঢ়জন ! কি বলিতে চাহো ?  
আমারে কহেছ মৃত, ভীক, কাপুরুষ !  
কি এমন আচরণ করিয়াছি, কহো—  
যার লাগি তোমো মোরে হেন মিষ্ট ভাবে ?  
লুশিয়ো। মাথার ফন্দী জেগেছিল, মহারাজ, তাই  
ও কথা বলেছিলেম। এর জন্ত ফাঁশি দিতে হয়,  
দিন। কিন্তু মনে হয়—যা-কতক চাবুক আমার  
পিঠে বসালে অশ্রু হইবে না।

ডিউক। বিচার সে পরে—পূর্ব ফাঁশি-কাঠে চড়ে।

প্রহরী, ঘোষণা করো সর্বত্র নগরে—  
কোনো নারী এর কাছে যদি অবহেলা  
কখনো সহিয়া থাকে নির্মম আচার—  
শুনিয়াছি—অনুচা কিশোরী এক আছে,  
গর্ভে তার পুত্র এক হয়েছে ইহার—  
তাহারে আসিতে বলো—করিবে বিবাহ।

বিবাহ হইয়া গেলে—শান্তি পাবে দ্রুত—  
পৃষ্ঠে শত কশাঘাত—পরে হবে ফাঁশি।  
লুশিয়ো। দোহাই মহারাজ, একটা বেস্তার সঙ্গে  
আমার বিয়ে দেবেন না। এখনি বলেছেন  
আপনি—আমি আপনাকে রাজা করে দিয়েছি।  
তার শোধ এমন ভাবে দেবেন না মহারাজ।  
দোহাই আপনার !

ডিউক। বিবাহ করিতে হবে সেই রমণীরে।

সর্ব নিন্দা-বাদ তব করিব মার্জনা।

যা কিছু দিয়াছি দণ্ড, সব ফিরে লবো।

লয়ে যাও কারাগারে এই দ্রুত জনে ;

আদেশ পালন করো এবে সর্ব ভিতে।

লুশিয়ো। বেস্তার সঙ্গে বিয়ে, মহারাজ !

ডিউক। রাজারে কাটব্য-কটু—যোগ্য প্রতিফল।

[লুশিয়োর সহিত কর্মচারিগণের প্রস্থান

(কুড়িয়োর প্রতি) কুমারীর অপমান করিয়াছ তুমি,

কুমারীর পাণি এবে করহ গ্রহণ।

কুমারীরে তব করে করিছ অর্পণ।

মারিয়ানা হাসো, করো আনন্দ, বালিকা !

এঞ্জেলো, বাসিয়ো ভালো—মারিয়ানা তব।

আমি ভালো জানি এরে—পুণ্যময়ী সতী।

এশকেলাশ প্রিয় বন্ধু, বহু ধন্যবাদ—

তোমার সাধুতা-নিষ্ঠা—সে মোর গৌরব।

একান্ত কৃতজ্ঞ আমি ; তবু তার পিছে

যা আছে, অন্তরে থাক—অন্তরের তাহা !

রক্ষী, লহ সাধুবাদ—স্বযোগ্য প্রহরী—

সংবাদ-গোপনে নিষ্ঠা—নাহিক তুলনা।

উচ্চতর পদে তব হইবে নিয়োগ।

এঞ্জেলো, মার্জনা করো সেই অভাগারে—

কুড়িয়োর ছিন্ন শির বলি যে আনিল

রাগোজিন-ছিন্ন-শির তোমার সকাশে !

সকলের অপরাধ করিয়ো মার্জনা।

ইশাবেলা চাকরীলা—মনে সাধ আছে—

তোমার মঙ্গলে জেনো, আমার মঙ্গল !

যদি তব অন্তিমতি মিলে সেই সাথে—

যদি না আপত্তি তব থাকে মোর হতে—

আমার যা কিছু আছে—সে তোমার হোক !

তোমার যা কিছু, সব হউক আমার !

চলো রাজপুরী-মাঝে—দেখিবে সকলে

মঙ্গলে মঙ্গল আজ কিবা রমণীয় !

[সকলের প্রস্থান

অবনিকা



# সিথেলিন্

উইলিয়াম সেক্সপীয়র প্রণীত

শ্রীমৌরীন্দ্রমোহন মুখোপাধ্যায় অনূদিত

## চরিত্র

|                     |     |                    |                         |       |                                                |
|---------------------|-----|--------------------|-------------------------|-------|------------------------------------------------|
| সিথেলিন্            | ... | ব্রিটেন-রাজ        | ফরাশী ভদ্রলোক           | ...   | ফিলারিয়োর বন্ধু                               |
| ক্লোটেন             | ... | রাণীর প্রথম-স্বামী | কেশাশ্চ লুশিয়াস        | ...   | রোমান্ সেনাদলের অধ্যক্ষ                        |
|                     |     | ওরসজাত পুত্র       | জর্নেক রোমান্ কাপ্তেন ; |       | হুজন ব্রিটিশ কাপ্তেন ;                         |
| লিওনেটাস্ পশ্চামাস্ | ... | ইমোজেনের স্বামী    | পিশানিয়ো               | ...   | পশ্চামাসের ভৃত্য                               |
| বেলারিয়াস          | ... | নির্কাসিত অমাত্য ; | কর্লেনিয়াস             | ...   | বৈদ্য                                          |
|                     |     | এখন ছদ্মনাম—       |                         |       | হুজন ভদ্রলোক ; হুজন কারাধ্যক্ষ ;               |
|                     |     | মর্গান             | রাণী                    | ...   | সিথেলিনের দ্বিতীয়া পত্নী                      |
|                     |     |                    | ইমোজেন                  | ...   | সিথেলিনের প্রথম                                |
|                     |     |                    |                         |       | রাজ্যীর গভজাতা কন্যা                           |
| গিদেরিয়াস্         | }   | ...                | সিথেলিনের পুত্রদ্বয়—   |       |                                                |
|                     |     | ...                | পালিডোর ও কডওয়েল       |       |                                                |
| আরভিরেগাস্          |     | ...                | নামে বেলারিয়াসের পুত্র | হেলেন | ...                                            |
|                     |     | ...                | বলিয়া পরিচিত           |       | ইমোজেনের সখী                                   |
| ফিলারিয়ো           | ... | পশ্চামাসের বন্ধু   |                         |       | অমাত্যগণ, পুরনারীগণ, রোমান অমাত্যগণ,           |
| আয়াকিমো            | ... | ফিলারিয়োর বন্ধু   |                         |       | হায়-মুর্গি, গণক, ডচ্ ভদ্রলোক, স্পেনিশ ভদ্রলোক |
|                     |     |                    |                         |       | বাত্তকরণ, কন্সচারিগণ, কাপ্তেনগণ, সৈ            |
|                     |     |                    |                         |       | দূতগণ ও অপর অনুচরবর্গ ।                        |
|                     |     |                    |                         |       | দৃশ্য-সংস্থান—ব্রিটেন ; এবং ইত                 |
|                     |     |                    |                         |       | রা ।                                           |
|                     |     |                    |                         |       | গ !                                            |

# সিঙ্গেলিন্

## প্রথম অঙ্ক

### প্রথম দৃশ্য

বুটেন। সিঙ্গেলিনের প্রাসাদ-কানন

হু'জন ভদ্রলোকের প্রবেশ

- ১ ভদ্র। যার সাথে দেখা হয়, ফিরায় নয়ন !  
তপ্ত রক্তধারা ! যেন দেবতারে আজি  
বিদ্রোহে ফুঁশিয়া চায়—না জানে সন্ত্রম !  
রাজ-সভাসদ বলো,—কিষ্ণা রাজা নিজে—  
কারো 'পরে নাহি আজ এতটুকু প্রীতি !
- ২ ভদ্র। হয়েছে কি ?
- ১ ভদ্র। কতটা তাঁর—এ রাজ্যের ভারী মহারানী,—  
চাহেন বিবাহ দিতে পুত্র সাথে রাজ্ঞী—  
বিধবা সে এ-রাজ্যের মহারানী আজি ।  
বিধবা নারীরে রাজা বিবাহ করিয়া  
রাজ্যসনে ঠাঁই দেন, করি মহারানী ।  
রাজকন্তা মানে নাই, শোনে নাই কথা ;  
আপনারে সমর্পণ করেছেন তিনি  
দরিদ্র কিশোর হস্তে ; যোগ্য পাত্র বটে,  
মানুষ হিসাবে যদি করহ বিচার !  
জামাতারে নির্বাসিত করেছেন রাজা,—  
কত্বারে বন্দি কী কী কক্ষে ! স্নান হুখে  
ছেয়ে আছে সারা রাজ্য ! রাজা নন সুখী ।
- ২ ভদ্র। সুখী নন ?
- ১ ভদ্র। কত্বা বিবাহিতা । ক্রুদ্ধা রাজ-রানী—  
প্রথম পক্ষের পুত্র—রাজকন্তা সাথে  
বিবাহে বাসনা তাঁর ! বিধ্ব কাতর  
সভাসদ ; মুখে কিছু করে না প্রকাশ  
রাজ-অসন্তোষ-ভয়ে ; সতত ব্যাকুল  
রাজার নয়নে হেরি ভাব-অভিনয় ।
- ১। কেন, শুনি ।  
রাজকন্তা-হারা যেই জন  
হুর্ভাগ্য, জেনো । পাইয়াছে যে-বা  
যে লভিয়াছে—শিষ্ট সেই জন—  
ফলে কিন্তু নির্বাসিত আজি )

এ-তিন ভুবনে তার সমযোগ্য বর  
মিলে কি না—আছয়ে সংশয় ঘোর, কহি ।  
বাহিরে দীনের বেশ—তবু মনে হয়,  
সামান্য সে জন নয় !

- ২ ভদ্র। অতুক্তি বচন ।
- ১ ভদ্র। অতুক্তি এ নয়, বন্ধু ! সবিস্তারে যদি  
তাঁর কথা বলিবারে পারিতাম আমি,  
তবু সে-কথায় তাঁরে নারিব বুঝাতে ।
- ২ ভদ্র। কি নাম ? জনম তাঁর কোন্ বংশে, জানো
- ১ ভদ্র। সঠিক জানি না কিছু । শুনিয়াছি তবে,  
রোমানের সনে যেই যুদ্ধ হয়েছিল,  
সে যুদ্ধে রোমানগণে তীব্র হানি দিয়া  
লভিল গৌরব সেই—নাম শিশিলাশ—  
তাঁহারি তনয় যুব ! যুদ্ধ হলে শেষ  
শিশিলাশ গেলো নব উপাধি-ভূষণ—  
'লিওনেটাশ' ! শুনি, ছিল আরো পুত্র দুই—  
সমরে দিয়াছে প্রাণ—হাতে তরবারি ।  
পুত্রশোক বৃদ্ধ পিতা নারিল সহিতে—  
পুত্র, পত্নী, গৃহ—সব গেল পরিহরি !  
এ-যুবা অনাথ হলো । তাই মহারাজ  
তাহারে আনিয়া হেথা করিল পালন  
পুত্রস্নেহে ; নাম তার দিল পশখামাস্ ।  
কাছে কাছে রাখি তাঁরে ভালো শিক্ষা দেন ।  
সে যুবা—তেমনি বুদ্ধি—শিখিল বিস্তর ।  
সভায় বসিল যুবা যেন শশধর—  
লভিল সবার স্নেহ, শ্রদ্ধা, সমাদর ।  
কিশোর-দলের শ্রেষ্ঠ—দীবা নিদর্শন,  
বৃদ্ধের গৌরব, জ্ঞান-গম্ভীর-জনের  
স্নেহের দ্রুতাল যেন ! রাজ্ঞীও তাঁহার  
কোনো অপরাধ কভু দেখে নাই চোখে !  
তবু আজ নির্বাসিত হতভাগ্য যুবা  
রাণীর খেয়াল-বশে । অতি-দুঃখী রাণী !
- ২ ভদ্র। আমরা জাগিছে শ্রদ্ধা শুনিয়া কাহিনী ।  
কিন্তু এক প্রশ্ন আছে, রাজার তনয়া—  
রাজার তিনিই না হে একক সন্তান ?
- ১ ভদ্র। তাই বটে ! রাজপুত্র ছিল দুই জন ।  
সে কথা শুনিতে ছাও ? শোনা। তবে বলি—

জ্যেষ্ঠের বয়স তিন—কনিষ্ঠ সে শিশু—  
শয়ন-মন্দির হতে করে কে হরণ।  
আজো দুজনার হায় মেলেনি সন্ধান—  
হরণ করিল কেবা? কোথা আছে? কিম্বা  
বেঁচে আছে কি না, তা'ও কেহ নাহি জানে!

২ ভদ্র। কতকাল হলো?

১ ভদ্র। বিশ বর্ষ গত-প্রায়!

২ ভদ্র। রাজার প্রাসাদ হতে রাজপুত্র চুরি!

শিখিল প্রহরা হেন! এতেক সন্ধান  
রাজপুত্রে পাওয়া নাহি যায়!

১ ভদ্র। অদ্ভুত!

অতীব এ হান্ডকর—তবু সত্য কথা!

২ ভদ্র। অপ্রত্যয় করি নাকো।

২ ভদ্র। চূপ করে আছি।

আসে ওই রাজকন্যা, রাণী, পশথামাস।

[ উভয়ের প্রস্থান

## দ্বিতীয় দৃশ্য

পূর্ব দৃশ্য

( রাণী, ইমোজেন ও পশথামাসের প্রবেশ )

রাণী। না, না, সত্য কহি,—মোরে ভাবিয়ে না তুমি  
অন্ত বিমাতার মত বিষ-দৃষ্টি থরা  
সপত্নী-কন্ডারে! বন্দী তুমি কারাগারে—  
কারা-চাবি জেনো কিন্তু দিবে হাতে তুলি  
কারাগার তব কারা-গৃহ-কক্ষটির।  
আর তুমি পশথামাস, স্থির জেনো মনে,  
বিরক্ত রাজার চিত্ত প্রশান্ত করিব  
বুঝিয়ে বিচার-তর্কে! এ নহে সময়!  
এখনো রোষের বহি জ্বলে তাঁর বৃকে!  
তাই বলি,—কিছুকাল দূরে রহো তুমি  
রাজদণ্ড নির্বাসন বহি নিজে শিরে—  
অবিচল রহো ধৈর্য্যে!

পশথামাস। তাই হবে মাতা।

আজ আমি যাবো রাজ্য ছাড়ি।

বিপদ বোঝো না তুমি!

দুজনে কাননে করো নিভৃত-আলাপ।

রাজা দিয়াছেন দণ্ড নিশ্চয় কঠিন—

তবু আমি স্নেহ-বশে পারি না সহিতে

দুজনার এই দুঃখ—চোখে জল আসে!

[ প্রস্থান

ইমোজেন। ভাগময়ী নারী—মুখে মধুর বচন!

ক্ষত যথা—আরো তথা বিপুল আঘাত

এ ছুটী কোঁশলে করে! হে আমার স্বামি,

পিতৃরোষে শঙ্কা মানি; কিন্তু সেই রোষ

আমার কর্তব্য কভু নারিবে ভুলাতে।

কি করিতে পারে মোর? তবু মাগু তুমি—

আমি হেথা রবো ঐ নয়নাগ্নি সহি।

স্নেহে থাকিব না, জানি—তবু মরিব না।

যে-মণি পেয়েছি—তাহা নারিব হারাতে।

পশথামাস। ওগো রাণী—দেবী তুমি,

সর্বস্ব আমার!

মোছো অশ্রু—নহে আমি হইব বিকল,

পুরুষ-পৌরুষ কিছু রহিবে না চিতে।

চিরকাল রবো আমি প্রেমে মুগ্ধ তব,

তোমার প্রেমেতে রাখি' অটল নির্ভর।

তুমিও নির্ভর রেখো এমনি বিশ্বাসে!

রোমে আছে পিতৃ-বন্ধু নাম ফিলারিয়ো—

তাঁর পাশে তাঁর গৃহে কাটাইব দিন।

পত্রে মাত্র পরিচয়—আর নাহি জানি।

আমারে সেথায় তুমি পত্র লিখো রাণী।

তোমার সে লেখা হবে নন্দনের সুখা—

আমার নয়ন-মনে—পাইব আরাম।

( রাণীর পুনঃপ্রবেশ )

রাণী। স্বরা করো। কথা শোনো। বিলম্ব হবে না।

রাজা যদি আসে,—হবে কত অসন্তোষ,

জানি না তা! (স্বগত) তাঁরে আমি স্নানিশ্চিত

আনি

এই খানে। কভু কারো মন্দ করি নাই—

তবু যদি আচরণ মোর ব্যথা দেয়—

সে ব্যথার মূল্য আমি দিব ভালোমতে!

[ প্রস্থান

পশথামাস। দীর্ঘ দীর্ঘ দিন মোরা চাহি বাঁচিবারে।

সে দীর্ঘতা মাপি যদি বিদায়ের ক্ষণে

দীর্ঘ করি—বিদায় কেমনে লবো তবে!

ইমোজেন। ক্ষণকাল! ক্ষণেক অপেক্ষা করো আর।

বায়ু-ভরে দূরে যদি চলে যাও তুমি,

এ বিদায়-ক্ষণ তবু অতি ক্ষণেকের!

শোনো নাথ,—এ অঙ্গুরী হীরক-খচিত

ছিল মার; হাতে রাখো যতদিন বাঁচি!

ইমোজেন মরে গেছে, কভু যদি শোনো,

বিবাহ করিবে পুনঃ যারে—তারে দিয়ো।

তার পূর্বে এ অঙ্গুরী করিয়ো না ত্যাগ!



পশথামাস। এ কি কথা কহ প্রিয়ে, বিবাহ আবার  
অন্য এক রমণীরে! জানেন দেবতা  
এই চিত্ত!...এই অঙ্গুরীয় ধরি হাতে  
তোমার পরশ-মাথা—কি মাধুরীময়!  
(অঙ্গুলিতে অঙ্গুরীয় ধারণ)  
রহো হেথা—প্রাণ মোর রহে যত দিন।  
এখন প্রেয়সি, অগ্নি অমৃতরূপিণি,  
এ অঙ্গুরীয়—মনে যথা মন-বিনিময়—  
তেমনি এ অঙ্গুরীর বিনিময়ে লহো  
এ-কঙ্কণ—প্রণয়ের হেম উপহার!  
মর্দর-বাহুতে ধরো—এ আমার স্মৃতি!  
না, না—মণি-বন্ধে আমি আপনি পরাই।

(ইমোজেনের মণিবন্ধে কঙ্কণ পরাইল)  
ইমোজেন। হায় বিধি, কবে দেখা পাইব আবার!

(সিথেলিন ও অমাত্যগণের প্রবেশ)

পশথামাস। এ কি! আসে মহারাজ!  
সিথেলিন। আরে দৃষ্ট জীব,  
যা রে, যা রে, চলে যা রে দৃষ্ট-পথ হতে!  
এ আদেশ না মানিয়া রহিলে হেথায়  
প্রাণ দিবি। চলে যা রে—স্বদরের বিষ!  
পশথামাস। দেবতা করুন রক্ষা তোমারে রাজন!  
রাজ-সভাসদ সব হউক কল্যাণ!  
আসি আমি। [প্রস্থান  
ইমোজেন। এর চেয়ে নহে ভীতর  
মরণ-যাতনা!  
সিথেলিন। বিশ্বাস-যাতিনী কথা!  
তুমি আনিয়াছ জরা এ আমার শিরে—  
আমারে করেছো তুমি আরো জীর্ণ, বৃদ্ধ!  
ইমোজেন। বৃথা এ ভৎসনা, পিতা—  
বিধিবে না মোরে।

তব রোষ-বহিস্পর্শ লাগে না আমায়।  
যে-পরশ পাইয়াছি আমি সারা মনে,  
সে-পরশ সব হৃৎ-যাতনা ভুলায়,  
সকল উদ্বেগ-ভয়!

সিথেলিন। সকল ভুলায়!

জনকের স্নেহ-প্রীতি?

ইমোজেন। নাহি প্রয়োজন।

সিথেলিন। রাজ্যের তনয় সাথে হইলে বিবাহ

সর্ব-স্বখে হইতিস স্মৃতি।

ইমোজেন। সে দুর্ভাগ্য

ঘটে নাই—সে আমার স্মৃতি। স্বামী মোর  
নহে অমায়ুষ—মায়ুষ সে।

সিথেলিন।

অতি দীন

ভিখারী সে। মোর এই পুণ্য-রাজ্যসনে  
নাহি তার স্থান।

ইমোজেন। হলে—দীপ্ত হতো রাজ্যসন।

সিথেলিন। নির্লজ্জা প্রগলভা তুমি!

ইমোজেন।

শোনো পিতা,

পশথামাসে বরিয়াছি—সে তোমার গুণে!

শৈশব হইতে তারে করে দেহ সাথী—

খেলা-ধুলা হাসি-গল্প—সব তার সনে।

কিশোর। কিশোরী আমি গুণ-মুগ্ধ তার!

সিথেলিন।

উন্মাদ হইলি, দেখি!

ইমোজেন।

উন্মাদ নিশ্চয়!

ভগবান, ভগবান, রাজগৃহে মোরে

রাজকন্যা করে' হায় কেন যে পাঠালে!

দরিদ্র রাখাল যদি হতো পিতা মোর—

পশথামাস হতো যদি রাখাল-তনয়,

আমাদের প্রতিবাসী!

সিথেলিন।

নির্কোষ বিমূঢ় বাল্য!

(রাণীর পুনঃপ্রবেশ)

(রাণীর প্রতি) এক সাথে—

এক সাথে ছিল দুই জনে

আমার নিষেধ ঠেলি এখানে আবার!

হেলা করিয়াছ রাণী আমার আদেশ!

যাও, এর নিয়ে যাও—রাখো বন্দী করি।

রাণী। ধৈর্য ধরো মহারাজ—মিনতি আমার!

আদরিণী কথা মোর, হয়ো না চঞ্চল!

মহারাজ, যাও তুমি। বুঝাবো কৃত্যারে।

ভয় নাই! বুদ্ধি আছে—এখনি বুঝিবে।

সিথেলিন। কি বলিব! যেই জ্ঞান

আমার অন্তরে,

সে জ্ঞান উহার হোক! সারাটা জীবন

এই মূঢ় কর্মফল করুক সন্তোষ।

[সিথেলিন ও অমাত্যগণের প্রবেশ]

পিশানিয়োর প্রবেশ

রাণী। স্থির হও! শোনো কথা।

হেথা ভূত ভব।

কি সংবাদ?

পিশানিয়ো।

পুত্র ভব প্রভুরে আমার

করেছিল আক্রমণ।

রাণী।

তার পরে? বলো।

পিশানিয়ো। আপনার তনয়ের মৃত্যু।

পাইয়াছে খুব রক্ষা! আমার মনিব  
হেলা-ভরে খেলা-ছলে করে তাহা রোধ।  
তবু তব তনয়ের কত সে হৃদয়—  
পাঁচ জনে আসি কষ্টে সরায় তাহারে।  
রাণী। কিছু হয় নাই তবে! বাঁচিলাম গুনি।  
ইমোজেন। পুত্র তব আমার পিতার বন্ধু, জানি—  
সর্বকারণে পিতৃপক্ষ লইয়া সে আছে!  
অস্ত্র হানে! প্রাণে দেখি প্রচণ্ড সাহস!  
ইচ্ছা হয়, এ বিরোধ ঘটলে সমুখে  
নিজে নথ দিয়া দুষ্টে আমি বিধিতাম!  
তোমার প্রভুরে ছাড়ি কেন তুমি এলে?  
পিশানিয়ো। তাঁহার আদেশে, দেবি।

বলিলেন তিনি,  
তাঁর সাথে যাইবার নাহি প্রয়োজন।  
এখানে রহিব আমি আপনার কাছে;  
যেমন আদেশ দিবে, করিব পালন।  
রাণী। বিখ্যাসী এ-জন। এরে কাছে রাখো বৎসে,  
পরম বিখ্যাসে তব আদেশ পালিবে।  
পিশানিয়ো। মহারানি, দীন ভৃত্য করিছে প্রণাম।  
রাণী। দূরে যাও ক্ষণ-তরে।  
ইমোজেন। পরে এসো, কথা হবে। প্রভুর নিকটে  
বার্তা আছে; লয়ে যাবে। অন্তরালে রহ।

[ সকলের প্রস্থান ]

## ঐ দৃশ্য

প্রান্তর

ক্লোটেন ও দুই জন অহুচরের প্রবেশ

১ম অহু। জামাটা বদলান্ হুজুর। যে রকম  
তোড়ে যুদ্ধ চলেছিল—মনে হলো, বুঝি বা, বলি-  
দান হয়ে গেলেন! কি জানেন—বাতাস যেমন  
বাইরে যায়, তেমনি আবার ভিতরেও সে  
আসে। অর্থাৎ আপনি যা করেছিলেন, তা—হেঁ  
হেঁ হেঁ...

ক্লোটেন্। জামায় যদি খোঁচা লাগতো, কিম্বা রক্ত  
লাগতো—তাহলে জামা বদলাতেম!—চোটটা  
ওকে খুব দিয়েছিলাম...না?

২য় অহু। (স্বগত) হুঁ, খুব চোট!...তিনি এক  
ভিল টলেননি।

৩য় অহু। চোট? সে-চোটে যদি সে না মরে থাকে  
...সত্য! জানবেন হুজুর, চোট খাবার আগেই সে ভয়ে

মরে ভূত হয়ে ছিল! না হয়, তার গা ইস্পাতে  
ভৈরী!

২য় অহু। (স্বগত) সে-ইস্পাতে ধার ভারী!  
ক্লোটেন। আমার সঙ্গে সে পাল্লা দিতে পারবে  
কেন?

২য় অহু। (স্বগত) নাঃ!—তাই তোমার দিকে  
মুখ করে সে তেড়ে পালিয়ে এলো!

১ম অহু। আপনার সঙ্গে পাল্লা! আপনার পায়ের  
নীচে দেদার জমি—মরে সে আরো খানিক  
জায়গা করে দিলে—আপনার খুশী হয়, শুতে  
পারবেন বলে!

২য় অহু। (স্বগত) ঠিক কথা!...ব্যাটা কুত্তা!  
ক্লোটেন। কেন যে পাঁচ জন লোক এসে দাঁড়ালো  
মারখানে! হুঁ! সব দিলে মাটি করে।

২য় অহু। (স্বগত) ভাগ্যে এসেছিল! নাহলে তুমি  
সেই মাটিতে পড়ে জমি মাপতে!

ক্লোটেন। অথচ রাজকত্তা চান্ ওঁকে—আমায়  
ছেড়ে!

২য় অহু। (স্বগত) ঠিক লোকটিকে বেছে নেওয়া যদি  
পাপ হয়, তাহলে রাজকত্তার কপালে নরক  
আছে, নিশ্চয়।

১ম অহু। বলেছি তো হুজুর—রাজকত্তার আছে  
শুধু ঐ রূপ—যটে বুদ্ধি এক ভিল নেই। দেখতে  
বেশ খাশা—কিন্তু ঐ যা বললেম, বুদ্ধি নেই  
এক ছটাক!

২য় অহু। (স্বগত) শালুক চিনেছেন গোপাল  
ঠাকুর!

ক্লোটেন। আমি এখন চললেম বিশ্রাম করতে!  
হায়রে, বেশ খানিকটা যদি চোট লাগতো!

২য় অহু। (স্বগত) ভাগ্যে লাগেনি। লাগলেই বা কি  
হতো—একটা নিরেট আহাম্মক কেটে মরতো!  
নিরেটের চোটে লাভ কি! লোকসানই বা কি!

ক্লোটেন। আসবে আমার সঙ্গে?

১ম অহু। নিশ্চয় আসবো, হুজুর!

ক্লোটেন। এসো। তিন জনে একসঙ্গে যাই।

২য় অহু। বহৎ আচ্ছা!

[ সকলের প্রস্থান ]

## চতুর্থ দৃশ্য

প্রাসাদ-কক্ষ

ইমোজেন ও পিশানিয়োর প্রবেশ

ইমোজেন। সাগর-পারের হাওয়া কেন নাহি হলে ?

তরলীর পালে পালে কত কথা তাঁর

নিশ্বাসে-প্রশ্বাসে মিশি' ওঠে উৎসরিয়া—

জানিতে সকলি তবে ! প্রতি বাক্য লাগি

প্রাণ বোর কি আকুল, কেমনে বুঝিবে !

...বলো, বলো শেষ কথা তোমার প্রভুর।

পিশানিয়ো। কণ্ঠে শুধু এক বাণী—“রাণী”,  
“মোর রাণী” !

ইমোজেন। তার পরে নাড়িল রুমাল ?

পিশানিয়ো। চুপি সে-রুমালে।

ইমোজেন। জ্ঞানহারা অচেতন রুমাল-বসন—

মোর চেয়ে তার ভাগ্য বড় !...তার পরে ?

পিশানিয়ো। জাহাজ ভাসিয়া যায়—

তীরে আমি স্থির—

তার পানে ছুঁচোখের দৃষ্টি—চিত্রে আঁকা !

জাহাজে কত সে লোক তাহাদের মাঝে

প্রভুর মতক কাল দেখিহু আভাসে—

দাঁড়ায় পুতলি-প্রায় থির অবচল—

কতু হাতে টুপি নাড়ে, কখনো রুমাল—

কতু গতিহীন ! বেশ বুঝিলাম তায়—

মন-প্রাণ কিছু নাই—রেখে গেছে হেথা—

শুধু দেখানা যায় তরলীর 'পরে।

ইমোজেন। যতক্ষণ দেখা যায়—ছিলেন এমনি ?

পিশানিয়ো। তাই, দেবি।

ইমোজেন। হায়, ক্ষুদ্র-দৃষ্টি নর, হায় !

দুরত্বের ব্যবধানে আপনা হারায় !

চির-প্রীতিময় জন, চির-পরিচিত

কোথা চলে যায়—চোখে রাখিয়া শূন্যতা !

কিন্তু ভালো কথা,—কবে পত্র তাঁর পাবো ?

পিশানিয়ো। যখন স্ত্রিবিধা হবে, লিখিবেন লিপি ;

তাহাতে নিশ্চিত থাকো।

ইমোজেন। বিদায় মাগিয়া

বিদায়ের বেলা হায় বিদায়-সম্ভাষ

কোথা হলো ! মনে মোর কত কথা ছিল—

একটি হলো না বলা ! কত কথা মনে।

ভেবেছিহু, দূরে গেলে কি কথা ভাবিব,

সে কথা শুনাবো তাঁরে ! তাঁর চিন্তা-ধ্যানে

আমার প্রহর-দিন কেমনে কাটিবে !

ভয় হয়—ইতালী-রূপসী যদি রূপে  
বিমুগ্ধ করিতে চায় ! যেন ভোলে নাকো !

ভেবেছিহু, বলে রাখি, সকালে-সন্ধ্যায়,

দ্বিবা দ্বিপ্রহরে—কিবা সকল সময়ে

আমারে স্মরিয়া যেন আকাশেতে চায়—

আমি চেয়ে রবো ওই আকাশের পানে

জাগ্রত কালের মোর পল-অল্পপল !

ভেবেছিহু—অধরের ছুটি মাত্র বাণী

চুষন-অমৃতে ভরি ঢালিব অধরে !

সে আশা বিফল হলো—দুর্ভাগিনী আমি !

পিতা আসি দিল দেখা। শীতের বাতাস—

তার সম তীব্র রুঢ় পরুষ পরশে

ঝরে গেল হায়, মোর আশার কুসুম !

( পরিচারিকার প্রবেশ )

পরিচারিকা। রাজকন্ঠা, মহারাণী দর্শন চান।

ইমোজেন। পাঠাতে বলেছি বাহা, দাও পাঠাইয়া।

শোনো পিশানিয়ো, চলো, গুনি কি বলেন।

পিশানিয়ো। চলো মহারাণী, এখনি পালিব আজ্ঞা

[ সকলের প্রস্থান ]

## পঞ্চম দৃশ্য

রোম—ফিলারিয়োর গৃহ-কক্ষ

( ফিলারিয়ো, আয়াকিমো, জনৈক ফরাশী,

ডচ্ ও স্পানিয়ার্ডের প্রবেশ )

আয়াকিমো। বিশ্বাস করো, তাকে আমি খিটে  
দেখেছি। খাটী মাল। তাতে অনেক কিছু গড়  
যেতে পারে, ভাবতেম। তারিফও করেছি—  
তাও আগাগোড়া তার পরিচয় না জেনে।ফিলারিয়ো। তখন তবু কি-বা সে ছিল ! অবঃ  
এখনকার তুলনায় !ফরাশী। ফ্রান্সে আমি দেখেছি। তার পানে চেয়ে  
থাকতেম আমরা—সূর্য্যের পানে মানুষ যেমন  
চেয়ে দেখে, তেমনি ভাবে। চোখ ঝলুশে যেতো।আয়াকিমো। কিন্তু এই রাজ-কন্ঠার সঙ্গে বিয়ে !  
রাজকন্ঠার মনের দাম আছে খুব নিশ্চয়—  
তাই। নাহলে...

ফরাশী। তার ফলে তো এই নির্বাসন !

আয়াকিমো। মোদ্রা, এখানে আসচে যে ! তোমার  
সঙ্গে বাস করতে ?...তোমাদের আলাপ  
হলো কোথায় ?

ফিলারিয়ো। ওর বাবা আর আমি—দুজনে এক-  
সঙ্গে এককালে কোঁজে লড়েছি। দুজনে খুব  
ভাব ছিল। ঐ সে আসছে। তোমরা বেশ  
ভদ্র ব্যবহার করো ওর সঙ্গে।

(পশথামাসের প্রবেশ)

এঁর সঙ্গে আলাপ করো সকলে। বড় স্বরের  
ছেলে। নিজেও খুব উঁচু দরের লোক। ও কত  
ভালো, কত বড়, তা আমি কথায় বলতে  
চাইনে—আলাপে তোমরা সে পরিচয় পাবে।  
ফরাশী। আপনার সঙ্গে আমার প্রথম আলাপ  
হয় অলিঙ্গে।

পশথামাস্। আপনার প্রীতির ঋণে আমি ঋণী  
আছি সেই অবধি!

ফরাশী। এ আপনার অভ্যক্তি! আমি যা  
করেছিলাম, মানুষ মাত্রেই তা করা  
কর্তব্য।

পশথামাস্। আমি তখন সামান্য একজন পথিক—  
অল্প বয়স...লোকে তুচ্ছ-তাচ্ছল্য করে।...কিন্তু  
বিবাদ যা বাধলো, তার হেতু নেহাৎ তুচ্ছ  
ছিল না।

ফরাশী। সে তর্কের স্রীমাংসা তা বলে তলোয়ারের  
ডগায়! দু'জনের মধ্যে একজন চোট খেতেমই  
—কিন্তু দুজনেই হয়তো প্রাণে মারা যেতেম।

আয়াকিমো। জিজ্ঞাসা করতে পারি—কি নিয়ে  
এমন তর্ক উঠেছিল?

ফরাশী। নিশ্চয়। তর্ক এমন কিছু কথা নিয়ে নয়!  
খুব মামুলি—তা অগ্রাহ্য করা চলে! কাল  
রাত্রে যে তর্ক চলেছিল, ঠিক তার জুড়ি!  
মেয়েদের কথা হচ্ছিল না? সেখানেও তাই।  
ইনি বলছিলেন, নারী-জাতি স্বভাবতই ভালো...  
তার উপর উনি বললেন,—ওঁর স্ত্রী যিনি—তাঁর  
গুণের তুলনা নেই—তিনি সকলের উর্দ্ধে! যেমন  
সতী, তেমনি স্তম্ভরী; তেমনি পুণ্যবতী; তেমনি  
রূপবতী! কারো সাধ্য নেই, তাঁকে কোনো  
প্রলোভনে প্রলুব্ধ করতে পারে। ফরাশী মেয়েরা  
তাঁর পায়ে নখের যোগ্য নয়!

আয়াকিমো। সে ভদ্রমহিলা নিশ্চয় আজ বেঁচে নেই  
—থাকলে উনি এমন কথা বলতেন না।

পশথামাস্। বেঁচে আছেন এবং তাঁর প্রেম, পুণ্য,  
ধর্ম—আমার চিন্তা-নিষ্ঠায় পরিপূর্ণ।

ফরাশী। ইতালীর মেয়েদের চেয়ে তিনি ভালো,  
সত্য তাই ওর প্রশংসা করেন না।

অপথামাস্। তুলনার কথা আমি তুলবো না।—  
আমি তাঁকে পূজা করি।

আয়াকিমো। তাঁকে দেখিনি—তাঁকে জানি না—  
তবু আপনার আংটিতে ঐ হীরের যে জেল্লা  
দেখিচি—আপনি যদি বলেন, এমন জেল্লাদার  
হীরে ছনিয়ার আর নেই—সে কথা আমি স্বীকার  
করতে পারবো না। কারণ, ছনিয়ার খুব জেল্লা-  
দার হীরে চোখে দেখিনি! তেমনি আপনার  
প্রেমসীকে যখন আমি দেখিনি, তখন তাঁর  
সম্বন্ধে আপনার উজ্জ্বলিত প্রশংসা গ্রহণ করতে  
পারছি না।

পশথামাস্। আমার এ আংটির হীরে—আমি  
বলবো, এ হীরের তুলনা নেই। ছনিয়ার সব  
হীরের সেরা হীরে যেমন এখানি, তেমনি আমার  
প্রিয়াও নারী-রত্ন।

আয়াকিমো। ছনিয়ার সেরা নারী?

পশথামাস্। নিশ্চয়।

আয়াকিমো। সে নারী বেঁচে নেই—যিনি এমন  
অতুলনা! নয় তাঁর নিষ্ঠা কিনতে হলে একটু  
চড়া দাম দিতে হয়।

পশথামাস্। দাম দিয়ে এরত্ন কেনা যায় না!  
এ রত্ন বিধাতার প্রসাদ।

আয়াকিমো। সে প্রসাদ দেবতার কাছে পেয়েছেন  
আপনি?

পশথামাস্। তাই। এবং এ প্রসাদ আমি শিরোধার্য  
করে রাখবো সারা জীবন-ভরে।

আয়াকিমো। মাথায় রাখুন বা যেখানেই রাখুন—  
ফেটে কোথা থেকে পঙ্গপাল এসে পড়ে, কেউ  
জানতে পারে না। আপনার ঐ আংটি—ও  
আংটি যেমন ঘে-সে চুরি করতে পারে, তেমনি  
আপনার প্রিয়ার দেহ-মনও চুরি যেতে পারে।  
চতুর চোর ছুটি জিনিষই অনায়াসে চুরি করতে  
পারে।

পশথামাস্। আপনাদের ইতালীতে এমন শক্তি কারো  
নেই যে আমার প্রিয়ার চিন্তা হরণ করবে! এ  
মল্লুকে চোর আছে বিস্তর—মানি। কিন্তু  
আমার প্রিয়া কিনা এই আংটি—এ ছুটি জিনিষ  
হরণ করবে, এমন শক্তি এখানকার কোনো  
চোরের নেই।

ফিলারিয়ো। এ আলোচনা এইখানে বন্ধ থাক্।

পশথামাস্। থাক্!...ইনি কথা তুললেন, তাই। এঁর  
সঙ্গে কোথায় যেন পরিচয় হয়েছিল—অচেনা  
নন।

আয়াকিমো। কথার মিঠে কথা বলছি, আপনার প্রেয়সীর চিত্ত—এই আমিই জয় করতে পারি—যদি কথা কবার তেমন সুযোগ কখনো মেলে!

পশথামাস্। অসম্ভব!

আয়াকিমো। ক্ষমা করবেন! আমি বাজি রাখতে রাজি—আমার অর্দেক সম্পত্তি! শুধু আপনার প্রিয়া কেন—হুনিয়ার সকল প্রিয়ার মন হরণ করবার বিজ্ঞা-বুদ্ধি আমার জানা আছে—এ কথা জোর-গলায় বলতে পারি।

পশথামাস্। নারীর মনের কোনো তত্ত্বই আপনি জানান না।

আয়াকিমো। নারীর মন!

পশথামাস্। তাই। এ-দর্পে আপনার লজ্জিত হওয়া উচিত। নারীর উপর এত বড় অসম্ম—শাস্তির যোগ্য!

ফিলারিয়ো। বান্দাহুবাদ যথেষ্ট হয়েছে। হঠাৎ এত বড় তর্ক! যেখানে এ তর্কের জন্ম—সেই-খানেই এর সমাধি হোক। অল্প কথাবার্তা কও।

আয়াকিমো। মানে, আমি যা বলেছি, তা সত্য। এ যদি প্রমাণ করতে না পারি, আমার সমস্ত সম্পত্তি আমি পণে হারবো—বাজি!

পশথামাস্। কোন্ নারীকে দিয়ে এ তত্ত্ব প্রমাণ করতে চান আপনি?

আয়াকিমো। আপনার প্রিয়াকে দিয়ে! যার নিষ্ঠা আপনি বলচেন দুর্ভেদ্য, নিরাপদ! শুধু তাঁর কাছে পৌঁছুতে পারি, এমন ব্যবস্থা আপনি করে দিন। প্রমাণ আপনার চোখের সামনে এনে ধরে দেবো।

পশথামাস্। এ আংটি আমি হারবো। বেশ, বাজি! এই আংটি আপনাকে দেবো। এটি দেখালে আমার প্রিয়া অসঙ্কোচে বজ্জুভাবে আপনাকে গ্রহণ করবেন।

আয়াকিমো। আমিও প্রমাণ আনবো। আপনি শুধু ব্যবস্থা করে দিন—অসঙ্কোচে আমার সঙ্গে যেন তিনি আলাপ করেন।

পশথামাস্। তাই হবে। যদি প্রমাণ দিতে পারেন, আমায় আপনার বজ্জু বলে জানবেন। যদি না পারেন, তাহলে জানবেন, আমি আপনার পরম শত্রু এবং এই অসম্মের জন্ত তলোয়ারের আঘাতে আপনাকে শাস্তি নিতে হবে।

আয়াকিমো। হাতে হাত দিন—চুক্তি হলো। কথাবার্তা কয়ে আমি বুটেনে যাবো। লেখাপড়া করবো—হুজনের যা সন্ত। তাতে সহি করা চাই।

পশথামাস্। এ সন্তে রাজী আছি।

[পশথামাস্ ও আয়াকিমোর প্রস্থান]

ফরানী। এ পণ সত্যই ওরা শিরোধার্য্য করবে না কি?

ফিলারিয়ো। আয়াকিমোর পণ টলবার নয়। এসো, দেখি, কি হয়।

[উভয়ের প্রস্থান]

## ষষ্ঠ দৃশ্য

বুটেন। সিংহলিনের প্রাসাদ-কক্ষ

রাণী, পরিচারিকাগণ ও কর্ণেলিয়াসের প্রবেশ

রাণী। শিশিরে থাকিতে সিক্ত তোলা ফুলদলে।

করো ত্বরা। নিদেশ দিয়াছি কারে?

১ পরি।

দেবি!

রাণী। যাও তবে। (পরিচারিকার প্রস্থান) ওষধি এনেছো তুমি বৈজ্ঞ?

কর্ণেলিয়াস। আনিয়াছি দেবি! অভীষ্ট ওষধি এই।

(ক্ষুদ্র পেটিকা দিল)

কিন্তু এ মিনতি মোর—কর্তব্য! দারুণ

উগ্র এই বিষ,—নিশ্চিত মরণ এতে।

কালকূট আদেশিলে কোন্ প্রয়োজনে?

রাণী। এ প্রাণে বিষয় মোর লাগে বৈজ্ঞরাজ।

এ বিজ্ঞা সাধনা করি দীর্ঘ-কাল ধরি।

জানো নাকি গন্ধ-বারি করি যে রচনা!

কত ক্রিয়া,—শোধন, গলন আদি ইথে।

নিজে মহারাজা—আনন্দ ইহাতে পান!

ওষধির গুণাগুণ—করি সে নিরীখ।

উগ্র এ বিষের ক্রিয়া নীচ পশু পরে

পরীক্ষা করিব—তায় কিবা ফল ঘটে!

অপর ওষধি জানি—দেখিব তা লয়ে

নষ্ট জীব প্রাণ পুনঃ দিতে পারি কি না!

এমনি করিয়া নিত্য নব-নব জ্ঞানে

হয়তো মরণ ক্রমে হবে বিদূরিত!

কর্ণেলিয়াস। কিন্তু দেবি, স্বভাব-কোমল তব মন।

উগ্র বিষ-ফলে নীচ পশুর যাতনা

মর্মান্তিক হবে। তাহা সহ হইল না সত্য ত্রাহু!

ও-বিষে দেবীর যেন অনিষ্ট না ঘটে !  
বড় সাবধানে বিষ করিবে ব্যাভার ।  
রাণী । ভয় নাই ! রহো বৈজ্ঞ ভাবনা-বিহীন !  
পিশানিয়োর প্রবেশ

( স্বগত ) মুখে মধু—তুষ্ট করে ! আসে তুষ্ট জন ।  
এরি'পরে এ বিষের প্রথম পরীক্ষা !  
বড় প্রভু-ভক্ত তুষ্ট—পুঞ্জের অরাতি !  
...কি সংবাদ পিশানিয়ো ? এসো বৈজ্ঞরাজ,  
প্রয়োজন নাহি আর । যাও, যথা ইচ্ছা ।  
কর্ণেলিয়াস । ( স্বগত : ) সংশয় জাগিল মনে !  
তাই এই বিষ

দিয়াছি এমন—প্রাণ হবে না কো নাশ ।  
রাণী । ( পিশানিয়োর প্রতি ) কথা শোনো...  
কর্ণেলিয়াস । ( স্বগত ) তুষ্টা নারী চোখের বালাই !  
বিষ লয়ে এই খেলা—এ তো ভালো নয় !  
জানি যে রাণীর মন স্বার্থ-বিষে ভরা—  
কি খল, কপট কত । হাতে বিষ দিয়া  
তোমারে বিশ্বাস নারী, করি না কখনো ।  
এ বিষে নিস্তেজ আঁখি, কষ্ট বাণী-হারী—  
চেতনা ক্ষণেক লুপ্ত—এই শুধু হবে ;  
তার বেশী কিছু নয় । কুকুর-মার্জারে  
প্রথমে পরীক্ষা-করি হইবে প্রত্যয়—  
তার পরে উচ্চ প্রাণী—চালাবে মানবে !  
বুঝেছি বাসনা তব । কিন্তু ভয় নাই ।  
মৃত্যু-ধন নীলিমায় বিরিবে শরীর !  
প্রাণহীন দেহ মনে হইবে ধারণা—  
চেতনা ক্ষণেক বলী বিভ্রম-বন্ধনে ।  
তোমারে রক্ষনা করি—তুষ্টা নারী তুমি—  
বাসনা সে যাই থাক, হবে তা নিষ্ফল ।  
রাণী । যাও বৈজ্ঞ, আপাততঃ নাহি প্রয়োজন ।  
প্রয়োজনে ডাকিব আবার ।  
কর্ণেলিয়াস । আসি দেবি ।

[ প্রস্থান

রাণী । এখনো নয়নে অশ্রু—বলিছ না তুমি !  
কালে অশ্রু শুকাবে না—বুঝিবে না তবে  
এ মৃত্যু ! কি তব ধারণা ? বলো মোরে ।  
কত্নারে বুঝাও তুমি ! মোর পুত্র 'পরে  
কত্নার মানস হলে রাগমুগ্ধ, প্রীত—  
ভৃত্য তুমি রহিবে না । তোমার প্রভুর  
সমতুল্য জন হবে—সম্মানে সম্পদে ।  
কিন্তু তার চেয়ে বড় । নির্দাসিত প্রভু  
রাজ্যে কখনো জেনো, ফিরিবে না আর

দাস্ত যাবে, দৈন্ত যাবে—মনে রেখো কথা ।  
আমার আদেশ শোনো, হইবে মঙ্গল ।  
প্রভু তব নির্দাসিত—কি দিবে তোমায় ?  
বন্ধুহীন বিগ্ন সে, অদৃষ্ট-লাঞ্চিত ।  
তার 'পরে কিসের নির্ভর রাখো আর ?  
বলো, কি করিবে সে-বা ? কি করিতে পারে ?

( রাণীর হাত হইতে পেটিকা পড়িয়া গেল ;  
পিশানিয়ো কুড়াইয়া লইল )

এ বস্তু—জানো না কি-বা ! বেশ, লহ তুমি ।  
অপূর্ণ ওষধি এক করেচি রচনা  
নিজ-হস্তে । এর শুণে জানো, পঞ্চ বার  
দারুণ পীড়ায় রাজা ফিরে পেলো প্রাণ ।  
অতুল অমৃত, যেন নন্দনের স্নেহ !  
লহো তুমি, কাছে রাখো । হইবে কুশল ।  
কত্নারে বুঝায়ে বলো, যে-দশা তাহার—  
এ তার স্বকৃত-কর্মে ! বুঝে রাখো নিজে,  
কি তোমার লাভ হবে, কি মহা সম্পদ,  
তোমার প্রভুর 'পরে হতে চিত্ত তার  
মোর পুত্র 'পরে যদি করো অতুরাগী—  
সম্মান সম্পদ পাবে—দাস্ত যাবে ঘৃতে ।  
মোর পুত্র—তোমারে সে করিবে বান্ধব !  
দাস তুমি, রাজ-জামাতার বন্ধু হবে !  
মনে রেখো ! ভেবে দেখো ! ছলভ সম্পদ !  
রাজ্যের কহিব আমি—যাহা তুমি চাও,  
এ তোমার সাধনায় যেই পুরস্কার—  
মিলাবে নিশ্চিত তাহা, কহি অকপটে ।  
যাও এবে । ডেকে দাও পরিচারিকারে ।  
বাক্য মোর বুঝে দেখো—ভালো করে বুঝো !

[ পিশানিয়োর প্রস্থান

তুষ্ট ভৃত্য ! বড় ধূর্ত, শঠ-শিরোমণি ।  
অবিচল—যত লোভ যে-ভাবে দেখাই !  
প্রভুভক্ত নীচ দাস—প্রভুর বাহন ।  
রাজকন্ঠা সমাদর করে স্মৃতি-সম  
প্রণয়-পাগল দীন স্বামীর তাহার !  
যে সামগ্রী দিছি আজ, যে কথা বলিয়া—  
প্রভুর পত্নীরে তাহা দিবে স্থনিশ্চিত ।  
—শ্রাস্ত চিত্ত, হৃৎ-ভার ঘূচাবারে তার—  
নব স্বাস্থ্যে ভরিবারে প্রভুর-মণীরে !

( পিশানিয়ো ও পরিচারিকাগণের পুনঃপ্রবেশ )

এই যে—অনেক কুল । কি চমৎকার !  
ভায়োলেট, কৌশলিপ, তাজা প্রিমরোজ—

নিয়ে যা আবার কক্ষে।—এসো পিশানিয়ো,  
বলেছি যা, ভেবে দেখো।

[ রাণী ও পরিচারিকাগণের প্রস্থান

পিশানিয়ো। ভাবিব নিশ্চয়।

প্রভুর বিশ্বাস-ভঙ্গ-কল্পনা-উদয়ে  
যেন মোর হয় মৃত্যু! এ ছাড়া বুঝি না,  
কি মোর বাসনা আছে, ওগো রাজরাণি।

[ প্রস্থান

### সপ্তম দৃশ্য

প্রাসাদের অপর কক্ষ

(ইমোজেনের প্রবেশ)

ইমোজেন। নির্মম জনক—বিমাতা কাপট্যময়ী!  
বিবাহিতা কামিনীরে মূর্খে করে স্ততি!  
নির্দাসিত স্বামী! ওগো, ওগো প্রিয় স্বামী—  
আমার চরম দুঃখ,—অসহ্য বচন  
বেদনার কাঁটা দিয়া চিত্ত বিদ্ধ করে!  
এর চেয়ে দশ্য যদি করিত হরণ  
সৌন্দর্য-দ্বয়ের সম—সে যে ভালো ছিল!  
এর চেয়ে কত সুখে তারা আজ সুখী,  
অতি দীন, পত্র-জীর্ণ কুটারেতে বাস!  
নাহি দ্বন্দ্ব, কোলাহল, বিরোধ-বিদ্বেষ!  
কে আসে এ? ভালো জালা!

(পিশানিয়ো ও আয়াকিমোর প্রবেশ)

পিশানিয়ো। রোম হতে এই  
আসিয়াছে হেথা ভদ্র, প্রভুর বাঙ্কব।  
পত্র আনিয়াছে; তাহে প্রভুর বারতা।  
আয়াকিমো। করুণ-কাতর মুখ!

কোনো চিন্তা নাই!

স্বামীর কুশল, জেনো। এই তাঁর পত্র।

(পত্র দান)

ইমোজেন। স্বাগত বাঙ্কব! লহ মোর নমস্কার।  
আয়াকিমো। অপূর্ণ সুন্দরী বটে! মানস-মোহিনী!

চিত্ত হলে এমন সুন্দর,—মানি ভয়,  
তর্কে হবে পরাজয়। কিন্তু না, সাহস!  
ওরে মন, নৈরাশ্রে আকুল নাহি হোস্—  
চিত্তে মোর দৃঢ় হোক অকুণ্ঠা, সাহস!  
নহে পরাজয়-কালি মাখিবার আগে  
হেথা হতে পলায়ন শ্রেয়।

ইমোজেন। (পত্রপাঠ) “ইনি খুব সম্ভ্রান্ত সুহৃদ।  
এঁর স্নেহ-ধ্বনি আমি আবদ্ধ আছি। এঁর সন্মান-  
মর্যাদা তুমি রক্ষা করিবে; কোনরূপ অমর্যাদা  
না হয়। এঁর সন্মানে আমার সন্মান জানিবে।  
লিওনেটাশ।”

উচ্চকণ্ঠ নয়।

যে-লেখা বহিয়া আনে এই ক্ষুদ্র লিপি—  
সমগ্র হৃদয় তাহে ছাপাইয়া ওঠে।  
এত কৃপা! এত স্নেহ! এ মোর সম্পদ!  
হে প্রিয়! হে প্রিয় মোর!...স্বাগত স্বজন!  
কি বলিয়া সম্ভাষিব, বাক্য নাহি জানি।  
সেবায় নেহারো যদি কোনো ক্রটি মোর—  
জানিয়ো, সে ক্রটি নয়—উচ্ছ্বাসে ভুলিয়া  
তাহা করিয়াছি; মোর ইচ্ছাকৃত নয়!

আয়াকিমো। কৃতার্থ হলেম আমি, জানিয়ো সুন্দরি!

পুরুষ উদ্ভাদ সত্য। বিধি-দত্ত আঁখি—  
সেই আঁখি দিয়া না কি প্রত্যক্ষ সে করে  
কি সবুজ ভূগে ছাওয়া বিশাল পৃথিবী—  
কত স্নিগ্ধ, প্রাণারাম! কত গিরি-বন—  
বিশাল সাগর কত—বসন্ত-মাধুরী—  
ও-দেহ ভরিয়া আছে চারু-স্বপ্নমায়!  
হেন দৃশ্য নাহি জানি, কোথা আছে আর!  
ইমোজেন। এ কথার অর্থ নাহি বুঝি হে স্বজন!  
আয়াকিমো। শুধু ও নয়ন নয়! কপোল—তা নয়!

রক্ত প্রবালের মত ও ছুটি অধর—  
মুক্ত-দন্ত, কেশরাশি চিকণ-কোমল—  
অঙ্গে অঙ্গে লাবণ্যের উছলিত স্রোত—  
যৌবন-নিটোল ছাঁদ—তাও নয়, বুঝি!  
এ মাধুরী—এ সুষমা—কিসের লাগিয়া

চিত্তে হেন মুগ্ধ করে এমন বিভল!

ইমোজেন। বাক্য তব বুঝি না কো!

কুশল তো?

আয়াকিমো। সম্পূর্ণ কুশল।

(পিশানিয়োর প্রতি)

অনুরোধ আছে,

আমার যে সাথী-ভৃত্য—তারে দাও তাঁই।

শ্রান্ত বড় পথশ্রমে—মনে তার ঝাঁজ।

পিশানিয়ো। বাই, তার বিশ্রামের করি আয়োজন।

[ প্রস্থান

ইমোজেন। কুশলে আছেন স্বামী?

আয়াকিমো। সম্পূর্ণ কুশল।

ইমোজেন। কাতর মলিন মুখ? কিবা ছাখো, বেশ  
হাসি-মুখে বস্তু-সহ করেন আলাপ?

এত অসুখ

আয়াকিমো। খুব হাসি-খুশী—খুব আরামেই আছে।

আরো দেখা আছে কত জন ; এঁর মত  
হাসি-খেলা কেহ আর জানে না করিতে।

‘ফুত্তিবাজ বুটন’—এ পরিচয় তাঁর।

ইমোজেন। হেথায় মলিন মুখ বিষয় কাতর—

সতত দেখেছি তাঁরে। কভু অকারণে!

আয়াকিমো। আমি কভু দেখি নাই সকাতর মুখ।

ফরাশী বান্ধব এক আছে—নিত্য সাথী।

প্রিয়র বিরহে স্নান, ফেলে দীর্ঘশ্বাস,—

কাতর বচন কহে ; তাহে স্বামী ভব

অজস্র কোঁতুকে সিক্ত করি তারে কয়,—

বিরহে আমোদ করো—মিছা দীর্ঘশ্বাস!

রমণীরে চেনো নাকো! বিরহের কালে

বেদনা তিলেক নাহি জানে কভু তারা—

নারী লাগি মৃত জন বিষাদে কাতর।

নারীর পিছনে থাকা—সে তৌ দাস্ত শুধু!

বিরহে দাসত্ব-হারা—মুক্তির পুলক!

ইমোজেন। এ মোর স্বামীর বাক্য?

আয়াকিমো। নিশ্চয়, সুন্দরি!

এ বাক্য যখন বলে, ছই চোখে তার

কোঁতুকের হস্ত বহে তুফান তুলিয়া!

এ বাক্যে ফরাশী-চিত্ত হাঙে বিদ্ধ করে—

অজস্র কোঁতুকে-ব্যঞ্জে বস্তু বহে যায়!

কিন্তু এও সত্য মানি, এমন পুরুষ

আছে বটে—বিরহেতে বুদ্ধিহারা যে-বা!

ইমোজেন। স্বামী মোর মূঢ় নয়!

আয়াকিমো। সে কথা মানিব।

তবু মনে হয়, এই বন্ধু পশুখামাস-

বিরহে কোঁতুক—তার সাজে না সুন্দরি!

তোমারে দেখিয়া তাই অঙ্গ মোর জলে—

ছটি প্রাণী’পরে জাগে অনুকম্পা বোর।

ইমোজেন। সে প্রাণীর এক জন

আমি—বুঝি? হায়,

এমন করুণ দৃষ্টি তাই মোর’ পরে!

কিন্তু কিসে ঠাখো-মোরে হেন হুর্ভাগিনী—

যাহে অনুকম্পা হেন?

আয়াকিমো। হুর্ভাগ্য অপার!

স্বর্ঘ্য রাজগ্রস্ত হলে খর দাঁপ্তি তার

স্নান, বিমলিন হয়, দেখে সর্বলোকে।

স্বর্ঘ্য কি করিতে পারে স্নানিমা গোপন?

ইমোজেন। মিনতি রাখো হে ভদ্র,—বাক্যের হেঁয়ালি

তার জালে বদ্ধ নয়—কহো স্পষ্ট ভাষে,—

স্বর্ঘ্য হুর্ভাগ্য—যাহে এ তব করুণা?

আয়াকিমো। সে নিষ্ঠুর বাক্য যেন শেল সম বাজে!

তোমারে দেখিয়া আমি...থাক্ সেই কথা—

না, না, মোর মুখে সেই বাক্য সরিবে না।

ইমোজেন। সে বাক্য আমার লাগি—

মোর ভাগ্য তায়!

হে ভদ্র, গুনিব আমি। হোক্ সে কঠিন,

পাষণের মত রুদ্ধ—নিশ্চয়-পুরুষ!

অনিশ্চিত সংশয়ের এ ভার-যাতনা—

তার চেয়ে ঢের ভালো নিশ্চিত বিপদ!

আয়াকিমো। ও-অধর-সুধা যদি করিতাম পান

আমার অধরে কভু! এই বাহু দিয়া

ও তন্তু-দেহের যদি পেতাম পরশ!

ও আঁখির দৃষ্টি যদি এই দৃষ্টি দিয়া

কখনো ধরিতে হায়, পারিতাম আমি!

ও মুখ-কমল হতে না ফিরে নয়ন!

এ কথা বলিতে পারি, তোমারে ছাড়িয়া

দূরে নাহি যাইতাম—পারিতাম না কো!

তোমা-ছাড়া মনে মোর হাসি-খেলা-সাধ

কখনো জাগিত না কো! স্মরিলে বিরহ

সারা চিত্ত কি বিরূপ উঠিত কুশিয়া!

ইমোজেন। স্বামী মোর ভুলেছে স্বদেশ?

আয়াকিমো। নিজেই। তোমারে।

হতভাগ্য মূঢ়! আজ তোমারে হেরিয়া

তার প্রতি-আচরণ কণ্টকের মত

এ মনে উদিয়া চিত্ত করে জর্জরিত।

সহস্র রসনা মেলি আচরণ-কথা

অগ্নিসম তীব্র হয়—বাহিরিবে বলি...

ইমোজেন। গুনিতে চাহি না আর।

আয়াকিমো। হায় রূপময়ি,

করুণা আমার চিত্তে করিছে বিকল!

এমন রূপসী হায়, বয়সে কিশোরী,

রাজপুত্রী,—হেন শঠ দীন নীচাত্মারে

চিত্ত দান করিয়াছ! এ কি অভিশাপ!

দুঃ-ক্লীড়া,—বিলাসের হেয় সৃণ্য লীলা—

লজ্জাহীন অতি-হীন নীচ অভিশার!

প্রতিকার করো। লহ তীব্র প্রতিশোধ।

না হলে এ নারী-জন্ম মিথ্যা সে তোমার!

ইমোজেন। প্রতিশোধ! কি করিয়া লব প্রতিশোধ?

এ কথা যদি হে সত্য—( কর্ণে যাঁহা গুনি,

চিত্ত তাহে এক তিল না মানে প্রত্যয়)—

যদি সত্য হয়—তবু কিসে লব শোধ?

আয়াকিমো। রূপসীর চিত্ত হেন করিয়া হরণ,

সেই চিত্তে রাখি নিজ-আসন অটল—



দুঃখী নারী সহবাসে নির্লজ্জ প্রমোদে  
মত্ত হয়ে এ-চিস্তের অপমান যদি  
করে সে এমন—তবে ধিক্, শত ধিক্ !  
একমাত্র প্রতিশোধ—যারে ভূমি পাও,  
শয্যা-সাখী করে মাতে নির্লজ্জ-প্রমোদে !  
বঞ্চনা করো না তব এই দেহ-মনে  
বাসনার পরিতৃপ্তি—সন্তোগ-বিলাসে !  
আর কারে নাহি পাও, আমি আছি পাশে !  
ইমোজেন । পিশানিয়ো...  
আয়াকিমো । ...চল-চল যৌবন বিহ্বল—  
ও-অধরসুধা-দানে তোষো লো স্তনুরি !  
ইমোজেন । দূর হও ! শ্রুতি মোর করো না কলুষ !  
তব সনে বাক্যালাপে চিত্ত কলুষিত !  
এ তোমার নিন্দা-বাণী অলীক,—এ ঘৃণ্য—  
আপনার পাপ-চিত্ত-পরিতৃপ্তি হেতু !  
এ যে পাপ ! এর চেয়ে ঢের বড় পাপ—  
নির্মল-নিষ্পাপ জনে হেন অপবাদ !  
শোনো নীচ, ঘৃণা...আমি ঘৃণা  
করি তোমা' ।  
কোথা গেল পিশানিয়ো ? পিশানিয়ো ? শোনো,  
পিতারে জানাবো আমি এই অপমান ।  
তোমার পাপের তবে যোগ্য শাস্তি হবে,  
সে শাস্তি গ্রহণে তুমি রহিয়ো প্রস্তুত !  
স্নেহহীন যত হোন—আমি কত্যা তাঁর—  
কত্যা মর্যাদা পিতা রক্ষা করিবেন ।  
পিশানিয়ো...পিশানিয়ো...  
আয়াকিমো । সুখী পশখামাস ।  
যে-নারীর প্রেম তুমি ভাগ্যে লভিয়াছ—  
সে নারী অতুল বটে—সাধবী—প্রেমময়ী !  
ধনু মিত্র, ধনু তব সফল জীবন !...  
ক্ষমা করো মোরে দেবি ! এ শুধু পরীক্ষা—  
এ তোমার ভালোবাসা—এ তোমার প্রেম—  
দুর্ভাগা দীনের 'পরে কত স্নগভীর—  
তাহারি পরখ শুধু করিবারে ছিহু ।  
দেবী তুমি, সতী তুমি, মহীয়সী নারী ।  
জেনো, স্বামী তব প্রেমে বিভোর তন্ময় !  
তোমার এ ভালোবাসা—এ তার গৌরব !  
ইমোজেন । ক্ষমা করিয়াছি আমি তব অপরাধ ।  
আয়াকিমো । স্বামী তব—মর্ত্যে যেন দেব-অবতার !  
হৃদয়ের গুণে সে যে পুরুষ-উত্তম !  
রোষ করিয়ো না দেবি,—অগ্নি তেজস্বিনি,  
অগ্নি রাজপুত্রি—আমি মিথ্যা বলিয়াছি ।  
এ তব প্রচণ্ড রোষ—এ তব ভৎসনা

চিত্তে মোর জাগায়েছে শ্রদ্ধা-ভক্তি কত—  
বুঝাতে নারিব তাহা ! ধনু মিত্র মোর !  
আমি তারে ভালোবাসি—তাই হেন বাণী  
দুর্বিনোত,—কহিয়াছি সঙ্কোচ-বিহীন !  
দেবতা বিরলে বসি গড়েচেন তোমা  
মহত্বে গৌরবে ভরি । পুনঃ মাগি ক্ষমা ।  
ইমোজেন । সুখী হনু । রহো হেথা অভিধি স্তজন ।  
আয়াকিমো । কৃতার্থ, কৃতার্থ আমি । নিবেদন আছে ।  
কথায় কথায় তাহা গিয়াছিহু ভুলি ।  
সে এক অভীষ্ট—তাহে বন্ধুগণ মম  
দিয়াছে সর্ধ যোগ—মাগি সহায়তা ।  
ইমোজেন । কি সে কথা ?  
আয়াকিমো । রোম-বাসী যত বন্ধু মিলি  
যুক্তি করেছিহু সবে, রোমের সম্রাটে—  
রোমে ফিরি দিব ভেট—মণি-রত্ন-খচা  
বহু উপহার । তাই সাথে আনিয়াছি ।  
বিদেশী হেথায়—পাছে চুরি যায়, ভাবি,  
সেগুলো রাখিতে চাই দিব্য নিরাপদে !  
তাহার ব্যবস্থা লাগি চাহি সহায়তা ।  
ইমোজেন । ভালো কথা । রবে তাহা দিব্য নিরাপদ ।  
রাখিব আমার নিজ-শয়নের গৃহে ।  
আয়াকিমো । স্তব্ধ হং পেটিকায় আছে—  
প্রহরা রেখেছি তায় । পাইলে আদেশ,  
তব শয্যা-গৃহে তাহা এখনি পাঠাই ।  
আজিকার রাজিটুকু নিরাপদে রাখা—  
কাল প্রাতে লয়ে যাবো ।  
ইমোজেন । কাল প্রাতে যাবে ?  
আয়াকিমো । ক্ষমা মাগি দেবি ! কাল  
যেতে হবে মোরে ।  
বড় লজ্জা পাবো নহে এ বাক্য-লজ্জবনে ।  
মাগর হইয়া পার গ্যালিয়ো হইতে  
হেথা এসেছিহু শুধু দেবীর দর্শনে !  
ইমোজেন । ধনু তায় ! কিন্তু কাল যাওয়া হইবে না ।  
আয়াকিমো । যেতে হবে । নিরুপায় ! একান্ত মিনতি,  
পত্র যদি দিতে চাও স্বামীরে তোমার—  
রাত্রে তাহা লিখে রেখো—দিয়ো কাল প্রাতে ।  
পথে বহু বিলম্ব ঘটছে । অনুমতি দাও ।  
সম্রাটের উপহার যথাকালে চাই  
রোমে পঁহছানো ! নয় সব পণ্ড হবে ।  
ইমোজেন । দিব পত্র । পেট তব দাও পাঠাইয়া ।  
নিরাপদ রবে পেটি—লয়ো কাল প্রাতে ।  
সত্য কহি হে বান্ধব, স্তম্ভাগত তুমি !

## দ্বিতীয় অঙ্ক

### প্রথম দৃশ্য

প্রাসাদ-সম্মুখস্থ অলিন্দ

(ক্লোটেন ও হুইজন অলুচরের প্রবেশ)

ক্লোটেন। এমন বরাতও মানুষের হয়! বাজি রাখলেম—দিব্যি গাললেম—তবু আমার কথা মানলো না! আমার সে দিব্যি মিথ্যা হলো!

১ অলু। তাতে তার কি লাভ হলো, শুনি? হুঁঃ!

২ অলু। (স্বগত) যেমন কবি কালিদাস, তেমনি জুটেচেন তাঁর মল্লিনাথ!

ক্লোটেন। আরে, একজন ভদ্রর লোক যখন দিব্যি গালচে, তখন চুপ করে তা মেনে নিতে পারিস না?

২ অলু। না! পারে না। (স্বগত) না হয় কাণজুটো কেটে নে, যদি চুপ করে না থাকতে পারিস!

ক্লোটেন। বাদীর বাচ্ছা! দেখিয়ে দিতেম মজা— যদি সে আমার সমযুগ্য লোক হতো!

২ অলু। (স্বগত) গায়ে বুঝি তার বোটকা গন্ধ নেই?

ক্লোটেন। ঐতেই তো সব চেয়ে আমি চটে যাই। আরে খেলে যা! ইচ্ছে হয়, তখন ভদ্রতার খোলাশ ছিঁড়ে ফেলি! জানি তো, আমার গায়ে হাত তুলতে পারবে না—আমি হলেম মহারাণী-মার ছেলে! যত বেটা পালায়ান আছে...বুঝলে কি না—সবার গায়ে পড়ে থাকা দিতে পারি হুধারি—যড়ির পেতুলামের মত। কারো সাহস হবে না যে, আমার কিছু করে!

২ অলু। (স্বগত) লড়ায়ে মেড়া!

ক্লোটেন। বিড়-বিড় করে বকছে কি?

২ অলু। তাই বলছিলাম হুজুর, তার সঙ্গে লড়াই কি আপনার সঙ্গে!

ক্লোটেন। তা তো জানি। কিন্তু অবস্থা এরা এমন করে তোলে যে, মনে হয়, দি হুঁ'বা বসিয়ে ঐ ছোট লোকগুলোকে!

২ অলু। তা যদি কেউ পারে তো হুজুরই শুধু তা পারবেন।

ক্লোটেন। কেন, বলো তো...

১ অলু। শুনেচেন হুজুর, এক বিদেশী এসেছে আজ রাতে রাজ-বাড়ীতে?

ক্লোটেন। এসেছে! সে কথা আমি জানি না!

২ অলু। (স্বগত) নিজেকে নিয়েই ভেঁ—জানবে কি করে!

১ অলু। ইতালী থেকে এসেছে। গুনচি, সে লিওনেটাসের বন্ধু।

ক্লোটেন। লিওনেটাস। সেই খেদানো কুকুরটা! ইনিও তাঁর জুড়ি...তা যিনিই হোন!...এ বিদেশীর কথা কে বললে?

১ অলু। আপনার এক নফর।

ক্লোটেন। আমার এখন কি উচিত? গিয়ে দেখা করবো? তাতে আমার অপমান হবে না?

১ অলু। আপনার অপমান, হুজুর!

ক্লোটেন। সে খুব সহজে হয়, জানি।

২ অলু। (স্বগত) মস্ত মানী লোক কি না!

ক্লোটেন। চলো—একবার দেখ, যাক সে ইতালীয়ানকে! ওখানে যে-হার হেরেছি—এর কাছে দেখো, সে-সব নির্ধাৎ জিতে নেবো! এসো...এসো...

২ অলু। হুজুরের তাঁবেদার হুজুরের পিছনে পিছনে যাচ্ছে।

[ক্লোটেন ও প্রথম অলুচরের প্রস্থান]

এমন প্রথর-বুদ্ধি—দর্পময়ী মাতা!

তার গর্ভে জন্মে হেন অকালকুমাণ্ড!

বুদ্ধি-বলে সর্ব নরে করে পরাজুত!

আর তার মুচ পুত্র—বিশ হতে দুই

বাদ দিলে কত থাকে—তাহাও জানে না!

অভাগিনী রাজপুত্রী! দেবী! নাহি জানি,

কত নির্ধাতন তুমি সহিছ নীরবে!

ক্রুর বিমাতার চক্রে আজ্ঞাবহ পিতা;

পলকে বিমাতা রচে অভিসন্ধি নব—

তার কর্ণে তোলে পুত্র হৌন প্রেম-কথা—

স্বামী দূরে নির্বাসিত বিনা-অপরাধে!

স্বর্গের দেবতা সবে রাখুন কুশলে!

ও মন-মন্দির থাক্ দৃঢ় অবিচল!

সে মন্দিরে স্বামী ভব দেবতার মত—

তাহার পূজায় প্রাণ থাক্ সঞ্জীবিত!

এ-রাজ্য-সম্পদ ভোগ—সে হোক তোমার!

[প্রস্থান]

## দ্বিতীয় দৃশ্য

ইমোজেনের শয়ন-কক্ষ

এক পার্শ্বে সুরহং পোটিকা সংরক্ষিত।

[ শয্যায় শায়িতা ইমোজেন পাঠ-রতা—  
পার্শ্বে আসীনা জনৈক দাসী ]

ইমোজেন। কে আছ? হেলেন হোথা?

দাসী। আমি আছি, দেবি।

ইমোজেন। রাত্রি কত?

দাসী। মধ্য রাত্রি।

ইমোজেন। তিন ঘণ্টা কাল

পাঠে রত। হ'নয়ন বড় ক্লান্ত তাই।

গ্রন্থ রাখো পৃষ্ঠা ভাঁজি। পড়েছি যেটুক—

নিশানা সে রবে ভবে। করিব শয়ন।

না, না, দীপ নিবায়ো না—জলুক অমনি।

ভোরে চারি-ঘটিকায় নিদ্রা যদি ভাঙ্গে,

আমারে জাগায়ে দিয়ে। বড় ঘুম চোখে।

[ দাসীর প্রস্থান ]

হে দেবতা, আপনারে সঁপি তব পায়ে।

তুমি রক্ষা করো মোরে নিশীথ-নিদ্রায়!

পরী-নিশাচরী কিষা হুঃস্বপন হতে,

সর্ব প্রলোভনে রক্ষা করো হে দেবতা!

নিরাময়, নিরাপদ রাখিয়ো, প্রার্থনা!

[ নিদ্রাগতা হইলেন; আয়াকিমো পোটিকা—

মধ্য হইতে বাহির হইয়া আসিল ]

আয়াকিমো। বিল্লী গায়! মানবের কৰ্মশ্রাস্ত মন

সকল চেতনা সাথে বিরামে ঘুমায়ে।

এমনি সময়ে সেই—এমনি নীরবে

তৃণ-গুচ্ছ-ছাওয়া পথে টার্কিন আসিয়া

বাসনা মিটায়—করে সতী-ধর্ম লোপ।

মরি মরি ভুবনমোহিনী শয্যাসীনা!

শয্যায় মাধুরী ঢালা! গুল শয্যাখানি

খেত অমলিন পদ্যে করিয়াছে স্নান!

পরশ...পরশ মাগি। বিমুগ্ধ নয়ন!

চুখন—চুখন মুহু ওই রক্তধারে—

প্রবাল জিনিয়া যার রক্তিম গৌরব!

নিখাস-বায়ুর স্পর্শে সুরভিত গৃহ!

ওই মুহু দীপশিখা হুয়ে হুয়ে পড়ে—

ও রূপ-মাধুরী—তারে জানাইতে নতি!

দুটি নিমীলিত নয়ন-পরশে

আঁখি-বাতায়ন মোদা—স্বধীরে তুলিয়া

অস্তর-সৌন্দর্য্যে চায় লভিতে আভাসে!

কিন্তু মোহ নয়—আমি যে-কাজে এসেছি।

গৃহ, ঘার, বাতায়ন, দেউল নিরখি'

লিখে রাখি তিল-তিল যাহা কিছু আছে!

ওই চারু-চিত্র আঁকা—কত রণ-হাঁদে

কত নব নব গাথা—কত দৃষ্টাবলী!

ওই বাতায়ন—ওই শয়নের সাজ—

মর্ম্মরে-পিতলে রচা কত না পুতলি—

পালঙ্কের কারু-চিত্র,—ওই, ওই সব!

তার পরে কম-তনু—এই রেখা, তিল—

গৃহ-সজ্জা চেয়ে বেশী অকাট্য প্রমাণ!

ওরে নিদ্রা, ঘন ছায়ে রাখ আবরিয়া

ভুবন-মানস-হরা সুর-সুন্দরীরে—

চেতনা হরিয়া রাখ নিশ্চল পাষণ!...

ভালো করে দেখি আমি অঙ্গের মাধুরী!

এই, এই সে কক্ষণ!

( সন্তর্পণে কক্ষণ গ্রহণ করিল )

বিজয়-ভূষণ

এ আমার...হাঃ হাঃ—এ যে দীপ্ত জয়-টীকা!

এই অভিযানে মোর জয়-নিদর্শন!

এ কক্ষণ দেখি' মিত্র হইবে উদ্যাদ!

...মরি, মরি, কি রূপ-মাধুরী! পদ্ম-কলি

সম বক্ষ—ফোট-ফোট রক্ত-স্বমায়!

বাম-বক্ষে কালো তিল...পাপড়ির 'পরে

কুসুম-পরাগ-বিন্দু যেন মনে হয়!

এ বড় গোপন-কথা—নহে জানিবার!

এ তিলের পরিচয়ে রবে না সংশয়।

এ কথায় বুঝাইব, কিশোরীর দেহ

পূর্ণ-অভিসারে আমি করেছি সন্তোষ—

সত্য অমূল্য নিধি মোরে দেছে তুলি!

কিন্তু না, না, আর নয়! কেন লিখে রাখা

এ গৃহের সজ্জা-কথা? ওই কালো তিল

অজস্র কথার ঝড় রুধিবে নিমেষে!

শয়নের পূর্বে ছিল গ্রন্থ পড়িবারে—

তেরিয়াস-কাব্য-গাথা! আধখানি বাকী—

ফিলোমেল চলে যায়—শেষ পড়ে নাই।

পৃষ্ঠা ভাঁজা। যাই এবে...না, না! হাঁ, হাঁ, যাই

পোটিকার মধ্যে পুনঃ রহিব গোপন।

পোহাও, পোহাও নিশা—এসো হে প্রত্যাষ।

নিশীথে সভয়ে রবো পোটিকার মাঝে।

দেবী...দেবী! জানি! কিন্তু এ-বুকে নরক!

তাই মন বিচলিত ভয়ে এতখানি!

( ঘটিকা-যন্ত্র বাজিল )

এক, দুই, তিন...রাত কতটুকু বাকী!

( পোটিকা-মধ্যে গচ্ছন )

## তৃতীয় দৃশ্য

ইমোজেনের কক্ষ-সংলগ্ন কক্ষ

(ক্রোটেন ও অনুচরগণের প্রবেশ)

অনু। হুজুরের মত ধৈর্য্য আর সহ্য কারো আর দেখলেম না! তা সত্যি কথা বলবো। কি ঠাণ্ডা মেজাজ! যত ভাতাও—গরম হতে জানে না! ক্রোটেন। আরে, মেজাজ তাতলেই তো গিয়েছি! অনু। তা বলে এমন ঠাণ্ডা মেজাজ! তবে হ্যাঁ, খেলায় জিতলে ভয়ঙ্কর তেতে ওঠেন! তা সত্যি কথা বলবো।

ক্রোটেন। আরে বাপু, খেলায় জিত হলে ছাতি ফুলে ওঠে কতখানি! এই যে ইমোজেন! ওকে যদি পাই—সেই সঙ্গে মৌতুক পাবো—খালা খালা মোহর—সোনার মোহর!...ভোর হয়ে এগে না?

অনু। ভোরের পরে দিন...দিন হয়েছে আবার,

ক্রোটেন। গান-বাজনার ব্যবস্থা কৈ? আমার মা বলে দেছে, ভোরে উঠে ইমোজেনকে গানে ঘুম ভাঙ্গাবার ব্যবস্থা করতে!...অর্থাৎ ঘুম ভাঙ্গবামাত্র তারকাণে সুর বাজবে—সেই সঙ্গে প্রাণে...বুঝলে কি না!

অনু। খুব বুঝেছি, হুজুর।

(বাগ্‌চরগণের প্রবেশ)

ক্রোটেন। এসো হে বাপু, এসো। তান ধরো—গান ধরো—গান ধরো! যদি এই বাজি-বাজনায় রাজকন্ঠার প্রাণে বাজনা জাগতে পারে, বুঝলে কি না—তা হলে মার দিস্‌কেল্লা! বেশ ভালো বাজনা—সেই সঙ্গে চাই খাশা একখানি গান! তার বোল হবে খাশা—সুর হবে আরো খাশা! বোলে ভাবায় যত গরম-মশলা দিতে পারবে, তত ভালো! বুঝলে কি না—উনি হলেন রাজার কণ্ঠে...

গান

আকাশ ভরে উঠলো পাখীর গানে-গানে—

শোনো, শোনো, শোনো কাণে!

ভাঙ্গলো গো ঘুম ঘুমের দেশে—

ভোরের বাতাস এলো ভেসে

কোন সাগরের পার হতে সে

সুরের মালা ছুলিয়ে বাণে!

জাগলো কুমুম ফুলের বনে

মাধুরী-বাস সমীরণে।

চাও রূপসি নয়ন মেলি—

এই সুখমা জাগাও প্রাণে!

ক্রোটেন। তোমরা এখন যাও, যাও! এ-গান শুনে যদি রাজকন্ঠা চোখ মেলে না চান, তাহলে তোমাদের তাড়িয়া দেবো। না হয় বলবো, রাজকন্ঠার কাণে হয়েছে ব্যাধি; সে ব্যাধি কিছুতে সারবার নয়।

[বাগ্‌চরগণের প্রস্থান]

২ অনু। মহারাজ আসছেন।

ক্রোটেন। ঘুম ভেঙ্গে খুব উঠেছি, বাবা! এই জগেই তো অত ভোরে উঠি। তাঁর যে-কাজ আজ করলেম—হ্যাঁ, বলবে, বাহাছুর ছেলে বটে!

(সিথেলিন ও রাণীর প্রবেশ)

নমস্কার মহারাজ! নমস্কার মা!

সিথেলিন। পাখাণী-কন্ঠার দ্বারে রয়েছ দাঁড়িয়ে!

জাগিল না?

ক্রোটেন। গান-বাজনায় আচ্ছন্ন করে দিয়েছি, মহারাজ। কিন্তু এদিকে তাঁর হাঁশ নেই!

সিথেলিন। স্বামি-নির্বাসন-ব্যথা বাজিছে এখনো!

পারে নাই ভুলিবারে! আরো কিছু কাল

প্রতীক্ষা করিতে হবে—তবে বিশ্বরণ!

তখন তোমার হবে, বর-মালা দিয়া।

রাণী। রাজ-আজ্ঞাবহ তুমি, রাজভক্ত, জানি।

রাজা তার মূল্য জানে—পাবে পুরস্কার—

পাবে রাজ-কন্ঠা বধু। ধীর, নম্র ভাষে

কন্ঠার মানস-সেবা করা তব ব্রত!

সখা-সম পাশে রহো—তৃপ্ত করো তারে।

সেবায় কন্ঠার মন পাইবে নিশ্চিত।

বোঝে যেন—এ তোমার স্নেহ প্রীতি তারে—

স্বতঃ-উৎসারিত হয় হৃদয়-নিব্বার!

কন্ঠার আদেশ সর্ব করিবে পালন—

কোনো হৃদ, কোন ভরু কভু ভুলিবে না।

দূরে যেতে বলে যদি—শুনো না সে-কথা—

চিত্ত-জয়ে হতে হবে চেতনা-বিহীন!

ক্রোটেন। চেতনা-বিহীন! তার মানে? সে কি তবে অজ্ঞান-অচেতন্য! তাই হবো? কি বলো?

(দূতের প্রবেশ)

দূত। রোম হতে রাজদূত এসেছে, রাজ্ঞ—  
কেয়াস লুথাস নাম।

সিথেলিন।

সুস্বাগত হেথা।

ভদ্র সে—যদিও জানি, উদ্বেগ বিরোধ।  
অপরাধ তার নয়। লবো সমাদরে;  
মাত্ত জন—সম্মানের নাহি হবে ক্রটি।  
পরিচর্যা হবে। ভদ্র, বরেণ্য অতিথি।  
হে বৎস ক্লোটেন—বন্দী তনয়ার সনে  
দেখা করো। গুরু প্রয়োজন আছে মোর,  
রোমানের সেবা-ভার দিব তোমা'পরে।  
এসো রাণী।

[ক্লোটেন ব্যতীত সকলের প্রস্থান]

ক্লোটেন। এখনো ঘুমায় মোর প্রিয়া?

যদি ঘুম ভেঙ্গে থাকে, কবো দুটো কথা।  
না ভাঙ্গিলে শুয়ে শুয়ে দেখুক স্বপন।  
বলি, বলি, শুনছো গা?

(দ্বারে করাঘাত)

ঘুম ভাঙ্গলো কি?

ঠিক! ঠিক! দাসীরা নিশ্চয় কাছে আছে!  
একটাকে ডাকি। তার হাতে তুলে দিই  
সোনার মোহর! জানি, সোনা হাতে পেলে  
ঘরে যেতে মোরে আর দেবে নাকো বাধা!  
মোহর সামান্য নয়—বাধা সাফ করে!  
সতী-রাণী ডায়ানার সহচরীদল  
এ-মোহর পেলে, পাণ-পুণ্য ঠেলে ফেলে  
ডায়ানারে এনে পারে হাতে সঁপে দিতে!  
মোহরের গুণে ভদ্র হারায় জীবন,  
চোর মুক্তি পায়। বাবা—কত গুণ এর!  
সাধু-চোর দুজনারে দিতে কাঁশি-কাঠে  
মোহরের তুল্য শক্তি কারো আর নাই!  
হয়কে এ করে নয়—নয়ে করে হয়!  
একটা দাসীরে আমি বানাবো উকিল—  
মোর সাথে ওকালতি করিবে প্রিয়ারে।  
যেহেতু জানি না ঠিক—দেখা হলে পরে  
কি কথা বলিব—তার কিছু বুঝিনাকো!

(দ্বারে করাঘাত)

(একজন দাসীর প্রবেশ)

দাসী। দ্বারে কে আঘাত করে?

ক্লোটেন। হেঁ-হেঁ, ভদ্র এক অতিথি সজ্জন।

দাসী। এই পরিচয়?

ক্লোটেন। আর—আর ভদ্রার তনয়।

দাসী। বড় বেশী পরিচয়। বহু লোক আছে—

দজ্জার পোষাকে তারা ভদ্র সেজে থাকে,—  
তাহাদের চেয়ে দেখি উচ্চ পরিচয়!  
প্রয়োজন? সুব্রাহ্ম!

ক্লোটেন।

হেঁ-হেঁ—রাজকন্যা...

ঘুম তাঁর ভাঙ্গিল না? এখনো ওঠে নি?  
দাসী। নিদ্রা ভাঙ্গিয়াছে, কিন্তু রবে গৃহমাঝে।  
ক্লোটেন। শোনো বাপু, হাত পেতে

লগ্ন দেখি এটা।

সোনার মোহর—এর ভারী চড়া দাম!

বিনিময়ে দাও মোরে ভালো বিবরণ।

দাসী। ভালো বিবরণ! সে কি আমার খবর?  
কিন্তু আপনার? যার চেয়ে নাই ভালো!  
রাজকন্যা...

[প্রস্থান]

(ইমোজেনের প্রবেশ)

ক্লোটেন।

হেঁ-হেঁ...নতি লহ লো ক্লপসি!

ভয়ী—দাও হাতখানি...

ইমোজেন।

হে ভদ্র, প্রণাম।

এত ক্রেশ কেন করো? শুধু বাখা দাও।

ধন্যবাদ দিব, মোর হেন ভাষা নাই—

ভাষা মোর হয়েছে বিলুপ্ত। আছে যাহা,

অপব্যয় করি তাহা—হেন সাধ্য নাই।

ক্লোটেন। তবু...তবু...ভালো বাসি—

ভালোবাসি তোমা।

শপথ করিয়া বলি।

ইমোজেন।

নিরুপায় আমি।

যতই শপথ করো, শুনে লাভ নাই।

ক্লোটেন। কি উত্তর?

ইমোজেন।

যদি রহি যৌন নিরুত্তর,

তাহে বোঝ, সম্ভ্রতি-লক্ষণ! তাই বুঝো।

ক্লপা করো, মোর আশা রাখিয়ো না মনে।

মুক্তি দাও, মুক্তি দাও মোরে হে, দোহাই!

তব ভদ্র আচরণ—অকপটে বলি,—

এক কথা জেনে রাখো—বলি সত্য কথা—

শেখো ধৈর্য্য—শেখো ভ্রান্তি।

ক্লোটেন।

এমনি উন্মাদ রবে!

এ দেখিয়া যদি সরে থাকি—পাণ হবে।

কেমনে রহিব চূপ?

ইমোজেন।

মৃত সে উন্মাদ নয়।

ক্লোটেন। আমাদের কহিলে—মৃত!

ইমোজেন।

আমি যে উন্মাদ!

তাই বলি, মৃত! যদি স্থির থাকো তুমি,

উন্মাদ হবে না আমি। সুস্থ হই জনে।

সত্য, মনে দুঃখ পাই, জেনো মহাশয়,

তব আচরণে ভুলি নারীর আচার—

নম্রতা, বিনয় সব—রূঢ় ভাষা বলি

(মধ্যে) এমনি উন্মাদ রবে!

শোনো পুনঃ বলি সার অকপট বাণী—  
আমার এ-মন আমি জানি ভালো মতে ।  
ভালো মোরে বাসো, কিছা নাহি বাসো তুমি,  
তাঁহাতে আমার কিছু এসে যাবে নাকো !  
তোমাতে অগ্রাহ্য করি, তুচ্ছ করি আমি ।  
আরো বেশী গুনিবারে চাও যদি, শোনো,  
ঘৃণা... ঘৃণা... ঘৃণা করি অন্তরের সনে !  
বুঝিতে পারিতে যদি তোমা 'পরে ঘৃণা  
এ আমার হৃদয়েতে কতখানি আছে !

ক্রোটেন । পিতৃবাক্য-লজ্বনের ফলে করো পাপ !  
যার কণ্ঠে বরমাল্য দিয়াছ সুন্দরি—  
দিয়া ভাবো, পরিণয় হলো তার সনে—  
( দীন-হীন পথের ভিখারী, ভিক্ষাজীবী,  
ভিক্ষা-অগ্নে পুষ্ট দেহ, জীর্ণ চীর-বাস ! )  
বিবাহ বলে না তারে ! বিবাহের ভাণ !  
গুনি নীচ-জনে হয়—নর নারী দৌছে  
নিজে নিজে আত্মদানে বিবাহের ঘট—  
( যার ফলে ভরে পৃথ্বী ভিখারী-জঞ্জালে ! )  
ভদ্র-ঘরে সে রকম আত্মদান-রীতি  
প্রচলিত নাহি—যারে বলিবে বিবাহ !  
দাসী-পুত্র—যার কোন পরিচয় নাই—  
তার পুত্র—ভাবো, হবে এ-রাজ্যের রাজা ?  
রাজ্যসনে বসিবে সে সম্মান-গৌরবে !  
সিংহাসনে শৃগাল বসিতে পারে ?

ইমোজেন । নীচ,  
ইতর, অভদ্র, পশু—এত দর্প কিসে !  
হতে যদি দেব-পুত্র সর্বগুণময়—  
বাহা আছ, তাহা নয়—সম্রাট-গরবী—  
তবু তাঁর ভৃত্য হবে—সে যোগ্যতা নাই !  
উচ্চ বংশে হতো জন্ম,—হৃদয় উদার,  
শিক্ষাদীপ্ত হতো মন—নম্র শান্ত মতি—  
তবু তার পাদুকায় যোগ্য নাহি হতে !

ক্রোটেন । পা-পা-পা-পাদুক ! মোরে এত অপমান !  
সর্বনাশ হবে তার—আমি রুষ্ট হলে ।  
ইমোজেন । তব রোষে টলিবে না কেশাগ্র তাহার !  
তোমার মাথার চেয়ে তার জীর্ণ চীর—  
মোর কাছে মণিতুল্য মহামূল্য, জেনো ।  
কি সংবাদ পিশানিয়ো ?

পিশানিয়োর প্রবেশ

ক্রোটেন । জী-জী-জী-জীর্ণ চীর ! সে-সে-সে শয়তান  
ই-মোজেন । দাসী মোর রয়েছে ডরোথি—  
তবে মোর... বলো তারে গিয়া ।

ক্রোটেন । জীর্ণ চীর ?  
ইমোজেন । মৃত মূর্খ ইতরের সনে  
হেন ভরু—ঘৃণা হয় ! ছি ছি, ক্ষোভ, রোষ !  
অপমান মানি ! যাও পিশানিয়ো তুমি,  
আমার দাসীকে কহো, বাহুর কঙ্কণ  
বাহুতে না দেখি ! বুঝি, আছে শয্যা 'পরে !  
তোমার প্রভুর দান—প্রীতি-উপহার ।  
রাজার রাজত্ব হতে তাঁর মূল্য বেশী ;  
রাজ্য-বিনিময়ে তাহা দিতে নাহি পারি ।  
প্রভাতে দেখেছি যেন ! ঠিক মনে আছে,  
কাল রাত্রে ছিল মোর দুই বাহু খেরি—  
শিরে ধরিয়াছি তার অমৃত পরশ ।  
ভয় হয়, সে কঙ্কণ গেল নাকি চলি  
তোমার প্রভুর কাছে মোর স্পর্শ লয়ে !  
পিশানিয়ো । না, না, হারাবে না ।  
ইমোজেন । আমরা বিশ্বাস, তাই ।  
যাও, করো এখন সন্ধান ।  
[ পিশানিয়োর প্রস্থান ]

ক্রোটেন । মোরে গালি দাও,  
জীর্ণ চীর আমি ?  
ইমোজেন । বলিয়াছি, অতি সত্য কথা ।  
তা লয়ে তুলিতে যদি চাহো অভিযোগ,  
ডাকো তব জননীকে ।  
ক্রোটেন । তোমার পিতারে কবো ।  
ইমোজেন । পারো যদি কবো তব মাতার শ্রবণে ।  
বড় ভালো রাণী-মাতা—করিবে শাসন ।  
আমি আমি । রোষে করো দস্ত-কিড়িমিড়ি ।  
[ প্রস্থান ]

ক্রোটেন । শোধ, শোধ, শোধ চাই । এর প্রতিশোধ ।  
সে-লক্ষ্মীছাড়ার আমি জীর্ণ চীর—বটে !  
[ প্রস্থান ]

চতুর্থ দৃশ্য

রোম—ফিলারিয়োর গৃহ-কক্ষ  
পশথামাস ও ফিলারিয়োর প্রবেশ

পশথামাস । কোনো ভয় নাই মহাশয় । জানি স্থির,  
সম্রাটের স্নেহ-লাভ যেমন নিশ্চিত—  
তেমতি নিশ্চিত মোর প্রেয়সীর মন ।  
ফিলারিয়ো । সম্রাটের প্রীতি-লাভ হলো কি উপায়ে ?

পশথামাস্। কিছু নয়। কাল, কাল—

কাল বলবান !

শীত আসে ধরনীতে কাঁপন তুলিয়া—

সহি তাহা,—অনাগত বসন্তে স্মরিয়া !

এমনি আশায়—তব স্নেহে শোধ দিব, ভাবি।

নৈরাশ্র যদি বা ঘটে—ঋণী সে মরিব।

ফিলারিয়ো। আমার স্নেহের ঋণ ?

চিন্তা করো নাকো !

তব সঙ্গ, শিষ্টালাপ—তাহে হবে শোধ।

ভালো কথা, সম্রাট শুনেছে নাম, জানো—

সু মহান্ অগষ্টাশ ! সেধা গেছে দূত

কুয়াস নৃশাশ তাই, রাজবার্তা লয়ে।

মনে হয়—দিবে কর সন্ধি-সর্ত্ত মানি—

অহেতুক এ বিরোধ ঘটাবে বুটেন ?

অমাত্য করিলে কথা, বাধিবে সমর ;

দে-সমর-স্বতি ভাবি—সুখ রহিবে না।

পশথামাস্। মনে হয়, অদৃষ্ট মানি না বটে আমি—

বাধিবে সমর। সংবাদ মিলিবে স্ৱরা,—

রোম-চমু দলে দলে নামিছে বুটেনে।

এক ক্রান্তি কর দিবে—মনে নাহি লয়।

মোর দেশবানী আজি সমর-কুশল।

অভিযানে গেল যবে জুলিয়াশ বীর,

সমরে নিপুণ তবে ছিল না এমন !

জুলিয়াস হেসেছিল রণে অকুশল

দেখি, বাখানিয়া ছিল শৌর্য্য-সাহসরে।

আজি রণে সুকুশল, একতায় গাঁথা—

অরাতি বুঝিবে কত বুটেন-বিক্রম।

আয়াকিমোর প্রবেশ

ফিলারিয়ো। আয়াকিমো আসে হেথা।

পশথামাস্। মুগ-গতি-বশে

স্থলপথে দ্রুত তোমা এনেছে বহিয়া ;

সর্ব্ব দিক-বাহী বায়ু পালে দেছে বেগ—

তরী তব এত স্ৱরা এনেছে ফিরায়ে !

ফিলারিয়ো। স্বাগত বান্ধব।

পশথামাস্। সংক্ষেপ উত্তর তব—তাই ফেরো

স্ৱরা।

আয়াকিমো। দেখিহু প্রিয়ারে তব—

সত্য কথা বটে !

এমন রূপসী আমি কভু দেখি নাই।

পশথামাস্। রূপসীর শিরোমণি ! সে রাজুল রূপে

লালাস-লোলুপ-আঁখি পুড়ে-হাই হয়।

আয়াকিমো। পত্র আছে তব তরে।

পশথামাস্।

শুভ বার্তা, মানি।

আয়াকিমো। সম্ভব।

ফিলারিয়ো। রোমান দূতে দেখিলে সেথায় ?

তুমি যবে ছিলে রাজপুরে ?

আয়াকিমো।

পৌছে নাই।

আসিবে, সংবাদ শুনি লয়েছি বিদায়।

পশথামাস্। সুমঙ্গল সমাচার। অঙ্গুরীর মণি

উজ্জ্বল দেখিছ তুমি ? অথবা মলিন ?

অঙ্গুলি-ভুষণ তুমি ভাবে। না ইহারে ?

আয়াকিমো। হারি যদি—তবে বটে দেখিব মলিন !

হারিলে আমার সব হারাযো, তা জানি।

কিন্তু ভালো কথা, আহা, যে যামিনী যাপি

ত্রিটেনে—সংক্ষেপ হোক—অপূর্ব্ব-মধুর !

আর এক রাজি যদি পারি যাপিবারে

বিলাস-সন্তোষে হেন—আরো দীর্ঘ পথ

কুঞ্জ চিন্তে পাড়ি দিতে হবো না কাতর।

শোনো বন্ধু, জয় মোর ! অঙ্গুরী আমার !

পশথামাস্। আমার অঙ্গুলি তাই দেখি যে শিথিল—

অঙ্গুরী খশিয়া পড়ে !

আয়াকিমো। নারী তব সুখলভা সহজ-সাধনে।

পশথামাস্। বাক্য-চাতুরীর নাহি কোন প্রয়োজন।

চাতুরী জানায় তব পরাভব-কথা !

কিন্তু আর রঙ্গ নয় ! জানো তুমি ভালো,

এর পরে সখ্য আর রহিবার নয়।

আয়াকিমো। তাই হোক ! শোনো মোর  
বিজয়-কাহিনী।

সর্ত্ত যদি রাখো, তবে বলি অকপটে।

তোমার প্রিয়ার সাথে হয়েছিল দেখা—

তাহার প্রমাণ, ওই পত্র আনিয়াছি।

কিন্তু শুধু পত্র নয় ! নারীত্ব তাহার,

যৌবন-মাদুরী-স্বধা—তারো স্বাদ জানি।

পশথামাস্। প্রমাণ ! প্রমাণ চাই !

বাক্য তুলে রাখো।

এক-শয্যা'পরে—তার বক্ষে বন্ধ রাখি

যৌবন-পুষ্পিত দেহ করেছ সন্তোষ—

তাহার প্রমাণ চাই ! এই অঙ্গুরীয়—

তোমার এ হবে জেনো—নত মোর শির।

প্রমাণ না দিতে পারো, যে-স্বখের ভাষে

তারে অপমান করো কদর্য্য ইঙ্গিতে—

তুচ্ছ তব ভু-সম্পদ—প্রাণ লবো তব।

চাহো যদি, অসি-মুখে ভেটিব তোমার—

হয় তুমি, নয় আমি—একের বিনাশ।

আয়াকিমো। আমার প্রমাণ সত্য—দ্যা

বচন-চাতুরী 'পরে করি না নির্ভর ।  
কি কথায় প্রত্যয় তা হবে নাহি বুঝি ।  
কতটুকু বলি, আর কতখানি রাখি !  
তবু বেশ, চাহো যদি, করিছ শপথ,—  
সত্য ভিন্ন মিথ্যা কভু বলিব না আমি ।  
যা বলিব—তাঁহে তব ভিন্ন অপ্রত্যয়  
রহিবে না, জানি বেশ ।

পশথামাস্ । বলো, বলো স্ত্রী !  
আয়াকিমো । সর্বপ্রাণে শয়ন-গৃহ—তার কথা বলি ।

( সত্য কথা—শয্যা'পরে রাখি নাই দেহ ;  
তবু সে ঘরের মত ঘর বটে, মানি !  
সজ্জিত অপূর্ব সাজে—আঁকা শ্রুতি-পটে )  
রেশমে রূপার কাজ—চারু শিল্প-রেখা—  
পটবাস দ্বারে-বাতায়নে,—বাসে আঁকা  
মিশরের রূপময়ী ক্রিওপেট্রা-মূর্তি—  
রোমানের সাথে দেখা প্রথম-নয়নে !  
নদী বহে ছুঁয়ে কূল—বুকে আঁকা তরী ।  
শিল্পীর মোহন তুলি বর্ণ-স্বয়মায়  
আঁকিয়াছে, মনে হয়—চিত্র অপকল্প !  
দেখিয়া বিমুগ্ধ হয়ে চাহি তার পানে ।

পশথামাস্ । সত্য । কিন্তু সর্বজন এই কথা জানে ।  
হয়তো হেথায় ভূমি গুনিয়া গিয়াছ  
মোর কাছে !

আয়াকিমো । আরো কথা আছে, বলি, শোনো ।  
তাহলে বুঝিবে সব ।

পশথামাস্ । কোনো কথা লুকোয়ো না । বলো সব ।  
আয়াকিমো । ধুম-নাঙ্গী আছে

কক্ষের দক্ষিণ প্রান্তে । সে নাঙ্গীর গায়ে  
স্নান-রতা মূর্তি রচা ডায়ানা সতীর ।  
অপকল্প সেই মূর্তি ! ধৃত শিল্পী বটে !  
কক্ষমাঝে হেথা-সেথা বহু মূর্তি আরো—  
মর্ম্মর, অপর ধাতু দিয়া তাহা রচা—  
সে মূর্তি জীবন্ত যেন—দেখি আশ্চর্য্যে  
বিমুগ্ধ বিষ্ময়ে আমি !

পশথামাস্ । মূর্তি-বিবরণ  
বুটেনে অজ্ঞাত কারো নয় । সব জানে ।

আয়াকিমো । কক্ষ-ছাদ-তলে আঁকা সোনার রেখায়  
অঙ্গুর-অঙ্গুরী মূর্তি ! হুটো মূর্তি তার  
হুই পার্শ্বে—পুষ্পধনু কুপিড দেবের ।  
তাহার রূপালি বাস—দাঁড়াবার ভঙ্গী ;  
পুষ্পশর ধনু'পরে টানিতে উজ্জত !

পশথামাস্ । ইহাতে সম্মান গেছে আমার প্রিয়র ?  
তবে মোরথা বাক্যে ভুলাইবি কত !

এই গল্পে চিত্ত মোর কভু টলিবে না—  
এ কক্ষের সজ্জা-কথা কে-বা নাহি জানে !  
চলিত গল্পের মত ঘরে ঘরে রটে ।  
আয়াকিমো । শোনো তবে—সত্য—

অতি প্রচণ্ড নির্দয়—

শেল সম বক্ষে তাহা বাজিবে বিষম ।  
বিমূঢ় প্রেমিক, নারী-প্রেমে আশ্বহারা,  
পারিবে রহিবে স্থির ? কাঁপিবে না ?

ছাখে

এ মণি-কঙ্কণ—ছিল মণিবন্ধে তার !

( কঙ্কণ বাহির করিয়া দেখাইল )

ছাখে তো কঙ্কণ এই ! তার হাতে ছিল ?  
না, এ গড়িয়াছি ? জাল ?

পশথামাস্ । দেখি, দেখি, দেখি !  
না—না—দেখিব না ! না, না, দেখি আর-বার  
এই তো ! এই তো ! ঠিক । এ ছই কাঁকণ  
পরাইয়াছিহু হাতে বিদায়ের কালে ।

আয়াকিমো । আঃ ! শুনে বাঁচিলাম ! ধন্যবাদ !

সুঠাম স্মৃগোল ছই মণিবন্ধ হতে  
এ কঙ্কণ নিজে খুলি দিয়াছে আমার !

এখনো নেহারি আহা, নয়ন-সম্মুখে  
তম্বর তনিমা—মুক্ত সর্ক-আবরণ—

রূপের লহরে যেন ঝলিছে বিভ্রাৎ !  
অধরে মধুর হাসি—চাহনি বিলোল !

হাতের কাঁকণ খুলি দিল মোর হাতে ;  
কহিল—লহো হে প্রিয় ! ছিল এককালে

এ কঙ্কণ বড় আদরের মোর ।

পশথামাস্ । বুঝি,  
আমারে পাঠায়ে দেছে—মাথায়ে পরণ ?

আয়াকিমো । পত্রে বুঝি লিখিয়াছে সেই সমাচার ?  
পশথামাস্ । না—না—তা তো লেখে নাই—

লেখে নাই হেন !

লহো তবে, লহো অঙ্গুরীয় । ( অঙ্গুরীয় দান )

চক্ষুশূল !

কণ্টকের মত বিঁধে আছে অঙ্গুলিতে !

এর 'পরে দৃষ্টি পড়ে—প্রাণ জ্বলে যায় ।

না—না—না—না ! নারী—নারী—

নারী পিশাচিনী !

সম্মান সস্ত্রম কোথা ? কোথা নিষ্ঠা ? প্রেম ?

রূপ যেথা—নিষ্ঠা নাই ! বিশ্বাস সে নাই !

প্রেম নাই ! সত্য নাই ! কিছু নাই দেখা !

ভালোবাসা'ভাগ সেথা—কি করিয়া রবে ?



একটি পুরুষ নয়—বেথা ছই জন—  
 সেথায় রমণী হায়, হবে দ্বিচারিণী !  
 একে তুষ্টা কভু নয়—চাহে অল্প জন !  
 শত-সহস্রে বিনা তুষ্টি নাই তার !  
 নারীর বেদনা, মান, প্রেম-কম্প বাণী,  
 পুণ্য, ধর্ম—সব মিথ্যা ! কিছু সত্য নয় !  
 ফিলারিয়ো ! শাস্ত হও ! ধৈর্য্য ধরো !

হয়ো না চঞ্চল !

অঙ্গুরী ফিরায়ে লও ! কোথা পরাজয় ?  
 হয়তো কঙ্কণ এই হারাইয়া ছিল !  
 কিবা কে বলিতে পারে—কোনো দাসী তার  
 উৎকোচের বশে তাহা করেনি হরণ ?  
 পশথামাস ! তাই ! তাই ! তাই বটে !

সত্য বলিয়াছ !

অপস্থিত এ কঙ্কণ—পেয়েছ কোঁশলে ।  
 দাও, দাও ফিরায়ে অঙ্গুরী ! কি প্রশংসা আছে  
 এর চেয়ে আরো সত্য ? অকাট্য কঠিন ?  
 এ কঙ্কণ—হরণের ধন ।

আয়াকিমো ! সত্য কহি,

তার সে মুগল ভুজ হতে পাইয়াছি ।  
 পশথামাস ! সত্য কহ ! ওরে মিথ্যাভাবী,

সত্য কি, তা

জানো কি কখনো ?...না, না, সত্য হবে ! সত্য !  
 লহো অঙ্গুরী ! সত্য, মোর এ কঙ্কণ  
 হারাতে পারে না কভু । দাসী যারা তার,  
 ভালোবাসে তারে—থুব সরল-বিশ্বাসী ;  
 উৎকোচের বশ হবে—সম্ভব তা নয় !  
 বিদেশীর বাক্যে তারা এ কাজ করিবে ?  
 না—না ! এষে প্রত্যয় না হয় ! বুঝি, সত্য কর—  
 তাহারে পেয়েছে ঠিক বাহর বাঁধনে—  
 নিগাজ শয্যায় রক্তে অভিসার-লীলা ।  
 নারীত্ব-হীনার হায়, নারীত্ব-বর্জন—  
 এ কঙ্কণ—তার পরিচয় ! কেন মিথ্যা কবে ?  
 চুরি নয় ! চুরি নয় ! স্বহস্তে দিয়াছে—  
 কামনার বাহু-ধারে সব দগ্ধ করি !

ফিলারিয়ো ! অধীর হয়ো না বৎস ! এ কথা আমার  
 বিশ্বাসের যোগ্য বলি হয় না প্রতীত ।

পশথামাস ! যাক ! আর চাহি না শুনিতে ।

বুঝিয়াছি,

নারীর সর্বস্ব নারী দেছে বিসর্জন !  
 আয়াকিমো ! আরো যদি চাহো তুমি অকাট্য

প্রমাণ—

তাও দিতে পারি, বন্ধু ! মধ্য বন্ধে তার

মুগল কমল-কলি—ফোটো-ফোটো দেখি !  
 বাম-বন্ধে কালো তিল—পরাগের গুঁড়া !  
 চুষনে চুষনে আমি সেই তিলটুকু  
 ছিনারে অধরে নিতে করেছি প্রয়াস !  
 ব্যর্থ সাধ—সে-আসন ছাড়িল না তিল ।  
 সে তিল—প্রত্যক্ষ তাহা করেছে নিশ্চয়  
 নিশীথ-মিলনে তুমি ! মনে নাই ?

পশথামাস !

চূপ !

সে তিল কলঙ্ক-রেখা—কালিমায় মাখা !  
 এত কালি নাই বুঝি নরকের হৃদে !  
 শুনিতে চাহি না আর ।

আয়াকিমো !

চাও, আরো বলি !

এ কথা কত যে দীর্ঘ—তার শেষ নাই !

পশথামাস ! থামো—থামো—দীর্ঘ কথা কে চায়  
 শুনিতে ?

একে লক্ষ শুনা হয় !

আয়াকিমো !

মিথ্যা নাহি বলি ।

শপথ করিতে পারি ।

পশথামাস !

কে চাহে শপথ ?

এ কথায় শপথিলে—মিথ্যা এ জামিন ।

মিথ্যা যদি বুঝি, তবে এখন বিধি ।

সত্য কথা—তাই তো বাঁচিলে প্রাণে, জেনো !

আয়াকিমো !

মিথ্যা কথা কেন-বা বলিব ?

লাভ তায় ?

পশথামাস !

আমি—আমি—আমি তারে

পাইলে হেথায়

এ ঘোর নয়ন-পাশে—হাতের নাগালে—

চূর্ণ করিতাম তার যৌবন-গরিমা—

সদর্পে সে-দেহ তার রাখিতাম নাকো !

তাই—তাই—তাই আমি করিব এখন ।

যাবো সেথা । যাবো তার পিতার নিকটে ।

তার পরে...করিব কি ?...কিছু করা চাই !

কিছু...কিছু...

[ প্রস্থান

ফিলারিয়ো ! মানিবে না কোনো কথা আর !

তোমার বিজয় বটে ! কিন্তু আমি যাই ।

নিজের উপরে রোষ—তীব্র অভিমান !

ভয় হয়, কি করিবে ! কি যে না করিবে !

[ প্রস্থান

আয়াকিমো !

আমি ! আমি ! কেন ?

কি আমার অপরাধ ?

[ প্রস্থান

পঞ্চম দৃশ্য

কক্ষান্তর

পশখামাসের প্রবেশ

পশখামাস। এ ধরায় পুরুষের অল্প গতি নাই !

নারী-পাশে লবে ঠাই—করমে সজ্জিনী।

জন্ম কারো শিষ্ট নয়—সকলে জারজ।

মোর পিতা—হৃদয়ের শ্রদ্ধা-ভরে যারে

নিত্য পূজা করিতাম—কে জানে, সে-পিতা

আমার জনক কি না ! যে-নাম প্রকাশ

আমার জনক বলি—সে কেবল কঁাকি !

অথচ জননী মোর গণ্য সাধবী সতী

সমাজে সবার কাছে ! হয়তো সে মিথ্যা !

চক্ষে দেখি—পত্নী মোর বিশ্বাস-বাতিনী !

কুষ্ঠাহীন, পরে করে নিজ-দেহ দান !

ইহার তুলনা নাই ! শোধ ! প্রতিশোধ

চাহি আমি ! নহে এ-জ্বালার নাহি শেষ।

অত প্রেম—সকলুগ বেদনার বাণী—

সেই আঁখি ছল-ছল—এমন কপট ?

ছলনার এত বড় কঁাদ পাতা শুধু ?

তাহারে ভাবিয়াছিল নিষ্পাপ নির্মল—

তুষারের মত চিস্তা শুভ-সুখমার !

ওরে, ওরে—দৈত্য-দান্য নারকীর চমু—

এ পামর আয়াকিমো—নিমেষ-মালাপে—

সত্য ? এ কি সত্য ?... হাঁ, হাঁ, সত্য এ নির্মম—

অভিক্রুর সত্য ইহা—কুর মিথ্যা চেয়ে !

রমণীর কাছে হেথা কি চাহে পুরুষ ?

কি-বা পায় ? মিথ্যাময়ী নারী—ছল-ভরা !

চাটু-বাক্য জানে নারী। স্তম্ভ-প্রবঞ্চনা—

লালসা, প্রমত্ত চিন্তা—নারী শুধু জানে !

হিংসা, লোভ, ঘেব, ঘৃণা, বাসনা-কামনা,

প্রতিহিংসা, দর্প, তেজ—সে-সব নারীর !

পথ চেয়ে বসে থাকে—বিহ্বল চাহনি—

অল্প শুধু—পুরুষেরে যুগয়ার লাগি !

কুবচন, পরচর্চা, ধ্বংস, পাপ, ক্রটি—

যা কিছু ধরায় ষটে—নারী তার মূলে !

নরক ভীষণ নয় নারী-চিন্তা হতে !

রমণীরে অভিশাপ দিব ; ঘৃণা-ভরে

নারীরে দেখিব আমি ! হৃষ্ট ভূত-প্রেত—

এত অত্যাচার—তার জানে না কখনো !

বিষময়ী নারী-সম নাহিক পাপিনী !

[ প্রস্থান

তৃতীয় অঙ্ক

প্রথম দৃশ্য

বুটেন—সিবেলিনের প্রাসাদ-কক্ষ

সিবেলিন, রাণী, ক্রোটেন ও অমাত্যগণের প্রবেশ ;

অল্প দিক দিয়া কেইয়াশ লুশিয়াস ও

অপর লোকগণের প্রবেশ

সিবেলিন। বলো এবে—সম্রাট সীজার কি-বা চায় ?

লুশিয়াস। জুলিয়াস সীজার যবে—(আজো তাঁর নাম

লোকের স্মরণে রাজে—সে কীর্ষি-কাহিনী

কণ্ঠে-কণ্ঠে উচ্চারিত পণে প্রতিমূলে)

ছিলেন হেথায়—এ রাজ্য করিয়া জয় ;

আপনার খুড়া-রাজ্য জীক্যাশিবিয়ান

(সীজারের স্ততি-গানে পঞ্চমুখ যিনি)

এ আসন পেয়ে তাঁরে জোগাতেন কর—

রোম-রাজ-কোষে বর্ষে সহস্র পাউণ্ড।

সে কর রাজনু, তুমি করোনি প্রদান।

রাণী। এ কর বুটেন কভু দিবে নাকো আর।

ক্রোটেন। লক্ষ সে সীজার যদি বসে রাজ্যসনে,

জুলিয়াস বসিবে না আর—বেশ জানি।

অর্থ বুঝিয়াছ দূত ? আমাদের নাক—

এ নাক আঁটিব মোরা—কেন দাম দিব ?

রাণী। সেবারে স্মরণে থব পেয়েছিল রোম—

সে স্মরণে নাহি আর। রণে স্কুশল

বুটেনের সৈন্য আজ—মনে রেখো দূত !

রাজনু, তোমার পূর্ব পিতৃ-পিতামহ

শৌর্য্যে দড়—সৈন্য ছিল সাহসে অতুল—

তবু সে ঝড়ের দোলা—সাগর-তরঙ্গে,

গিরি-গাত্রে বহু পোত আঘাত পাইয়া

জলমগ্ন হলো ; তাই লভিয়া স্মরণে

সীজার হেলায় রাজ্য করেছিল জয়।

সে আবার জয় কোথা ? সৈন্য জলে ডোবে—

বৃদ্ধ আর হলো কোথা ? গর্ব-ভরে কহো,

আসিলাম, দেখিলাম, জিতিলাম ! মরি !

হীন দর্প ! আমি নারী—শুনি লজ্জা হয় !

সেদিন নাহিক আর—কেন দিবে কর ?

তোমার পিতৃব্য ছিল বুদ্ধিতে নিপুণ—

কর-লোভে লুপ্ত করি তাড়ালো সীজারে—

স্মরণে দানিতে শুধু বুটেনের লোক

সমর-বিজ্ঞায় হতে তেজী স্ননিপুণ।

ক্লোটেন। শোনো বাপু, সে খাজনা জোগানো আর হবে না! খাজনা বন্ধ! তোমাদের চেয়ে আমাদের রাজ্য চের বেশী মজবুত। আর ঐ যা বলেচি, জুলিয়াস সীজার মরে গেছে—তার আর ফেরবার আশা নেই! এ কথায় তোমাদের নাক বাঁকা হতে পারে—কিন্তু আমাদের অস্ত্র-শস্ত্র ভারী সিঁধে—শাণানো!

সিঁধেলিন। রাজ্যের কহিতে দাও—যেই কথা আছে।  
ক্লোটেন। রাজা ক্যাশিবিয়ানের মত বুদ্ধি কি আর কারো নেই, বাপু? আছে! তা ছাড়া সামর্থ্য! সে লোক হেঁ হেঁ আমি—তা বলতে চাই না! তবে হ্যাঁ, আমরা দু-দুখানা হাত আছে। আর সে হাতে...বলো তো বাপু, কেন দেবো আমরা খাজনা? কেন দেবো? সীজার যদি ঐ স্থায়ীভাবে কঙ্কল-চাপা দেন, কিয় চাঁদকে বগল-দাবায় লুকিয়ে রাখেন,—তাহলে হ্যাঁ, আলোর জন্ত আমরা তাঁকে খাজনা জোগাতে বাধ্য হবো।...তাহলে খাজনা দেওয়া চলবে না বাপু—খাজনা বন্ধ!

সিঁধেলিন। জেনো সার—যে অবধি মোরা কর দিছি হরন্তু রোমানে—তার পূর্বে ছিহু মোরা সম্পূর্ণ স্বাধীন, মুক্ত! সীজারের সাথ (দর্পভরে স্কীত হয়ে ধরণীর কূলে) রুখেছিল প্রমত্ত বিক্রমে; স্পর্শে তার পরাভব মানি মোরা হয়েছিহু নত। আজ আর নতি নয়। বিক্রমে আমরা রোমানের প্রতিদ্বন্দ্বী—হঠিৎ না কভু। আজ মোরা মুক্ত—নহি রোমের অধীন। নিজ-শক্তি, রাধি মোরা তাহাতে নির্ভর—রোম যদি রুষ্ট হয়—তুচ্ছ করি রোষ! বুটেন মোদের—মোরা বুটেন-সন্তান!

লুশিয়াস। ব্যথা পাই—দুঃখ হয়—রাজা সিঁধেলিন, অগষ্টাস হলো অরি! (বহু বীর রাজা আজো নতশিরে মান প্রাধাত্য তাঁহার—আজ্ঞাবহ দাস-সম ভাবে আপনাতরে।) লহো তবে সমাচার—বাধিবে সময়; শান্তি ও শৃঙ্খলা সব হবে তাহে নাশ। সীজারের নাম লয়ে করি হে ঘোষণা—সময়—সময় হবে; নাহি হবে আন। এ মোর বচন—জেনো রোম-সম্রাটের আদেশ...সর্বথা তাহা শিরে ধরি মোরা।

সিঁধেলিন। তথাপি স্বাগত, বীর। সীজার আমারে বহু-মানে সম্মানিত করেছিল—জেনো।

আমার ঘোবনে বহু বহু বর্ষ-মাই তাঁর পাশে স্থখে মোর কাটিয়াছে, জানো? মর্যাদা-সম্মান-বোধ তাঁর পাশে শেখা। আজ সে মর্যাদা আমি করিব রক্ষণ। স্বাধীনতা লাগি আজি এই অস্ত্র ধরি—না ধরিলে কাণ্ডাকব হবো হেয় যুগ! সীজার করিবে যুগা হেন হেয় জনে!

লুশিয়াস। তাই হোক—যুদ্ধ হোক!

ক্লোটেন। মহারাজ কত মহৎ—দেখচো তো? তবু অতিথি এসেচো—ছাঁদিন আমাদের সঙ্গে আমোদ-আহ্লাদ করো! তার পর সম্পর্ক হবে জারক। লেবু—হজমের সুবিধা ঘটবে! আমরা যদি যুদ্ধে মরি—তোমরা আমাদের মাংস খাবে। আর তোমরা যদি মরো—বুটেনে শকুনি গৃধিনী আছে বিস্তর!

লুশিয়াস। আসি মহারাজ।

সিঁধেলিন। সীজার বুঝিবে ঠিক।

আমি তাঁরে বুঝি যথা—তথা মোরে তিনি।

তথাপি হে বীর দূত, স্বাগত ধীমান!

[ সকলের প্রস্থান ]

প্রাসাদের অভ্যন্তর

পত্র পড়িতে পড়িতে পিশানিয়োর প্রবেশ

পিশানিয়ো। কি! অসতী! বিশ্বাস-ঘাতিনী নারী!

কোন সে ছরুত দিল হেন অপবাদ?

হেন মিথ্যা—অসম্ভব! ধারণা-অতীত!

প্রভু! প্রভু! লিওনেটাশ! এ কথা শুনি

কার মুখে? সেই—সেই ইতালী বান্ধব!

(অরাতির জাতি, হৃষ্ট-জন মিথ্যাভারী!)

সে গিয়া দিয়াছে হেন মিথ্যা অপবাদ!

অসতী? না! শয়নে-স্বপনে তুমি ধ্যান—

তুমি চিন্তা—তুমি সব—নিজ-সত্তা নাহি!

তার লাগি এই শান্তি? পত্নী-সম নয়—

পত্নী—দেবী; তাই সহে এতেক লাঞ্ছনা!

তুমি পাশে নাই—আজি আছ নির্দাসনে!

দীন তুমি—তারো চেয়ে দীনা ভিখারিণী!

আমারে আদেশ দেহ হত্যা করিবারে!

পাশিনী সাপিনী নারী! আমি লসে...

কার প্রাণ ? দেবতার ! রক্ত নিতে হবে !  
প্রভুর আদেশ এই ! আদেশ-লজ্জনে  
পাপ হবে ! হোক পাপ ! না মানিব আমি ।  
না মানিলে যেই পাপ, সে পাপ করিব ।  
আদেশ-পালনে পুণ্য—সে পুণ্য চাহি না ।  
লিখিয়াছ—“হত্যা করো—রক্ত লয়ো তার ।  
তাহারে লিখেছি পত্র—পত্রে যে আভাস—  
তার ফলে হত্যাকাণ্ড সাধিবে সহজে !”  
ওরে লিপি লক্ষ্মীছাড়া, হতভাগা লিপি,  
যে-কালিতে লেখা তুই—তার চেয়ে কালো  
এত কালি মেখেছিস—চেতনা-বিহীন  
ক্ষুদ্র কাগজের খণ্ড !...ওই আসে দেবী !  
কি পত্র লিখেছে তুই—কিছুই জানি না ।

### ইমোজেনের প্রবেশ

ইমোজেন । কি সংবাদ পিশানিয়ো ?  
পিশানিয়ো । পত্র দেখে প্রভু ।

ইমোজেন । কার পত্র ? প্রভুর ? স্বামীর ?  
জ্যোতিবী ভে ঠিক বলেছিল—পত্র পাবো ।  
কুশল তাঁহার ? দাও, দাও । দেব-কৃপা !  
জানি, জানি—দেহে মনে স্মৃতি-স্মৃতি নাই !  
বিচ্ছেদ-বেদনা—জানি ! জানি তাঁর মন—  
কত সে কাতর !...দেখি, দাও পত্র তাঁর—  
আনন্দের কোন্ সুর আনিল বহিয়া !  
...হে দেবতা—কৃপা করো । কুশল...কুশল !

(পত্র পাঠ)

“কঠিন বিচার আর তোমার পিতার রুদ্ধরোষ  
আমার বুক তত বাজেনি, যতখানি বেজেছে  
তোমার অদর্শন ! হে আমার প্রিয়া, তোমাকে  
জানাইতেছি—মিলফোর্ড হাভেন প্রদেশে  
ক্যাশিয়ায় আমি আছি । তোমার প্রেম-সিক্ত  
মন তোমাকে যে ইঙ্গিত দিবে, তাহাই করিযো ।  
তুমি স্মৃতি হও—তোমার বিশ্বাস হোক অটল,  
আরো স্মরণীয় ।

লিওনেটাস পশখামাস”

ঘোড়া ! ঘোড়া ! পক্ষিরাজ ঘোড়া এনে দাও !  
পাখায় করিয়া ভর নিয়ে যাবে মোরে !  
পিশানিয়ো, গুনিয়াছ, কোথা তব প্রভু ?  
মিলফোর্ড হাভেন, জানো ? জানো কত দূর ?  
ছাখো, এই ছাখো, তাঁর পত্র পড়ে ছাখো ।  
গুনেছি সপ্তাহকাল ইঁটা-পথে যায় ।  
তবে—যদি তা পারে, আমিও পারিব !

এক দিনে—এক দিনে যাবো । যেতে পারি ।  
নিয়ে যাবে ? দেখো তুমি, এক দিনে যাবো ।  
চলো পিশানিয়ো, চলো । কেন বা নীরব ?  
চেয়ে আছ মুখপানে ? ভাবিতেছ, বৃষ্টি—  
এ আমার মিছা চিন্তা ! সত্য, তাহা নয় ।  
তুমিও আকুল, জানি, দেখিবারে তাঁর—  
কিন্তু কি বৃষ্টিবে তুমি মোর আকুলতা ।  
ঢের ঢের বেশী এ-যে—এর সীমা নাহি !  
কত দূরে বেলো ?...তুমি রহিলে চাহিয়া—  
মনে দিখা ! পারিব না ? ঠিক তা পারিব ।  
চলো, দৌঁহে যাত্রা করি—বিলম্ব সহ্য না ।  
পথে যেতে যেতে মোরে বেলো সব কথা !  
ওয়েলশ্বে এমন ঠাই—ছিল মিলফোর্ড !  
কিন্তু তার পূর্বে ভাবি—কেমনে বা হই  
প্রাসাদ-বাহির ! রক্ষী সতর্ক চৌদিকে ।  
কিসে ফাঁক পাই ? কোথা ? যদি ধরা পড়ি ?  
বলিব—‘আসিব ফিরে’ । কিন্তু হায়, ভাবি,  
প্রাসাদ-বাহিরে পথে কেমনেতে যাই !  
যদি প্রলম্ব ওঠে—তার কি দিব উত্তর ?  
কিন্তু সে পরের কথা—পরে তা কহিব ।  
কথা কও ! কথা কও ! এখনো নীরব !  
কত দীর্ঘ হবে পথ ? ক’পহরে যাবো ?  
পিশানিয়ো । জানি দেবি, চিন্ত-বেগ কত সে প্রবল !  
যত দীর্ঘ হোক পথ—যেতে পারো তুমি !  
ইমোজেন । চিন্ত-বেগ ! চিত্ত মোর গেছে সেইখানে  
চিন্তামাত্রো ! দেহ ভত দ্রুত নাহি চলে—  
সেই তো গভীর দুঃখ ! গুনিয়াছি আমি,  
অশ্রু চড়ি ক্রোড়া করে অশ্রুরোহী দল—  
কার অশ্রু কত দ্রুত চলে ! বাজি হয় ।  
সে অশ্রু বিদ্যুৎ-গতি ! সে অশ্রু পাবো না ?  
কিন্তু এ মৃত্যু মোর ! যাও, বেলো গিয়া  
দাসীরে করিতে ভাণ—যেন তার পীড়া !  
ছুটী তার তখনি মিলিবে । কোনো দায়  
থাকিবে না আমি চলে গেলে ! সেই ভালো ।  
চলো, চলো...আয়োজন চাই এই মত ।  
এনে দাও তুমি মোর অশ্রুরোহী-বেশ ।  
নারী আমি, সাজিবে না—সে কথা ভেবো না !  
পিশানিয়ো । যাহা ভালো বোঝো, দেবি, করো !  
ইমোজেন । বৃষ্টিয়াছি !  
বৃষ্টিয়াছি ! হেথা নয় ! আর হেথা নয় !  
তিলেক রহিতে নারি । এ-মন চঞ্চল !  
এখানে আকাশ শুধু কুয়াশায় ভরা—  
দৃষ্টি চলে না কো ! চলো, চলো পিশানিয়ো ।

যা হবার তাই হবে—সে কথা ভাবি না !  
 চলো ঘুরা—করো মোর আদেশ পালন ।  
 এ গৃহ ছাড়িয়া যাবো—ভূমি হবে সাথী ।  
 বেগী কথা বলিবার নাই ! শুধু জানি,  
 মিলফোর্ড...মিলফোর্ড ! সেখা পঁছঁহিতে  
 হবে। সে দুর্গম হোক ! তবু আমি যাবো ।  
 [ উভয়ের প্রস্থান ]

### তৃতীয় দৃশ্য

ওয়েলস্—গুহা-সমন্বিত পার্বত্য প্রদেশ

( বেলারিয়াস, গিডেরিয়াস ও আর্ভিরেগাশের প্রবেশ )  
 বেলারিয়াস । চমৎকার দিন । ছাদে মাথা ঠেকে ।  
 নীচু ছাদ !

এ সময় গৃহে থাকা অতি অসুচিৎ ।  
 মাথা নীচু করো বৎস, এসো বাহিরিয়া ।  
 কি শিখায় জানো এই ক্ষুদ্র ঘরখানি ?  
 প্রাতে নত শিরে স্বর্গে জানাও প্রণতি !  
 রাজ-প্রাসাদের দ্বার উচ্চ, অতি-উচ্চ—  
 মৈত্রেয়-দান-রক্ষ পারে করিতে প্রবেশ ;  
 উক্ষীষ, মুকুট শিরে চলে লোকজন ;  
 শিরে সূর্য্য দেখে নাকো উক্ষীষের ভারে ;  
 প্রণতি দূরের কথা ! স্বন্দর আকাশ,  
 দীন গিরি-বাসী—তবু পরুষ আচার  
 তোমারে করি না কভু দর্পী জন সম ।

গিডেরিয়াস । প্রণাম আকাশ ।

আর্ভিরেগাশ । হে আকাশ, নমো নমো !

বেলারিয়াস । মুক্ত এবে গিরি-বন ।

ওঠো গিরি'পরে—

তরুণ চরণ তব—আমি নীচে রহি ।  
 তুচ্ছ গিরিশৃঙ্গ হতে চা'বে যবে নীচে,  
 মনে হবে মোরে যেন অতি-ক্ষুদ্র পাখী !  
 ও গিরি—শিক্ষার পীঠ ! বলিয়াছি আমি  
 গিরিশৃঙ্গে বিচরিয়—স্মরিয়ো কাহিনী—  
 যে-কাহিনী বলিয়াছি নিত্য দৌঁধা পাশে—  
 রাজসভা,—রাজপুত্র—রণ-ফলী যত !  
 এই হাসিখেলা বৎস, হাসিখেলা নয়—  
 এ যে শিক্ষা তোমাদের তরুণ জীবনে ।  
 বিজনে যা কিছু জাখো—তাহে শিক্ষা মেলে ।  
 এ জীবন খুব বড়—রাজসভা-মাঝে  
 বাঁধা কথা, বাঁধা হাসি, চাটুবাণ্য হতে  
 অনেক সে বড়, জেনো । সম্পদ মহান !

ঋণে বিজড়িত—তবু সম্পদে-ভুক্ত  
 বড় বড় সভাসদ ; তাহাদের চেষ্টে  
 এ জীর্ণ চীরের মূল্য ঢের বেগী, জেনো ।  
 এ জীবন—এর বৎস, নাহিক তুলনা ।  
 গিডেরিয়াস । বহু দেখিয়াছ প্রভু—তাই এত জানো ।  
 মোরা ক্ষুদ্র বন-পাখী—জানি এতটুকু !  
 স্নেহে আছি—কোনো হুঃখ নাহিক হেথায় ।  
 হুঃখ কি—জানিনা তাহা । প্রশান্ত নির্মল  
 এ জীবনে অভাব কি ? তাহাও বুঝি না !  
 তুমি কত দেখিয়াছ—বিপুল জীবন !  
 সে জীবন ভালো হলে, এ জীবনে কভু  
 স্নেহে আছি বলিতে কি পারিতে কখনো ?  
 মোরা যুদ্র, দৃষ্টি চলে বনসীমাটুকু !  
 বনে ঘুরি—শয্যা'পরে পরম বিশ্রাম !  
 এর বেগী নাহি জানি ; তবু ভালো আছি ।  
 আর্ভিরেগাশ । কিন্তু যবে বৃড়া হবো, পক্ষ হবে কেশ  
 তোমার মতন—তবে কি কথা বলিব ?  
 কত কথা বলে তুমি—দেশ-বিদেশের—  
 কত না রাজ্যের, প্রভু, বড় ভালো লাগে ।  
 ভাবি আমি, বড় হলে এ সকল কথা  
 এমন করিয়া বলা—কেমনে বলিব ?  
 কিছু তার দেখি নাই—সব শোন কথা !  
 অপরের কাছে মুক, রহিব নীরব  
 শুনি, আছে ছটা ঋতু গ্রীষ্ম, বর্ষা, শীত ।  
 গ্রীষ্মে খুব দাহ ; শীতে প্রবল কম্পন ;  
 বরষায় বারিধারা ঝরে অবিরাম ।  
 আমরা হেথায় আছি, দেখি এক ভাব ।  
 কিছু আর জানিবার মেলে না স্মরণ !  
 জানি যুদ্ধ—ক্ষুধাতুর হিংস্র পশু যবে  
 মোদেরে গ্রাসিতে চায়, মোরা অস্ত্র হানি ।  
 শক্তি শুধু মুগয়ার চরম বিকাশ !  
 পিঞ্জর-পাখীর মত গুহা-বদ্ধ জীব ।  
 বেলারিয়াস । এ কি কথা ! নগর দেখিতে চাও তুমি ?  
 নগরের বায়ু—তার পরিচয় জানো ?  
 রাজসভা সে কি ঠাঁই—জানো কি স্বরূপ ?  
 সে সভায় থাকা দায়—ছাড়া আরো দায় !  
 উচ্চ পদ খুব কাম্য ; উঠিলে পতন ।  
 পিচ্ছিল—পিচ্ছিল বড় ! পদে পদে ভয়,  
 যত উঠি, তত ভাবি, পড়িলু এবার !  
 এ আতঙ্ক বৃকে রহে কাঁটার মতন !  
 যুদ্ধ—যুদ্ধ—যুদ্ধে জয়—বড় সে স্লাবার !  
 সে স্লাবার লোভে শুধু বিপদের পিছে  
 নিশা পঞ্জিয়া করা—কি যাতনা তাহা !

খ্যাতি-মান—তার লোভে সবে আত্মহারা !  
কেবল সাধনা চলে ; সেই খ্যাতি মান—  
জলবিষ সম খুঁজি ; নিমেষে মিলায় ।  
মৃত্যু আসে ; খ্যাতি যায়,—দেখে না সে চাহি ।  
মরণের পরে কারো অভীষ্ট কখনে  
ফলকে হুঁহু লেখা ! কি প্রকাণ্ড কঁাকি !  
এই শুধু ! ভালো করো, নিন্দা সে মিলিবে ।  
হায় বৎস, এ কাহিনী আমার জীবনে  
শিরায় শিরায় লেখা—লেখা মুখে-চোখে ।  
অঙ্গে মোর অন্তলেখা—প্রমত্ত যৌবনে  
আমার শৌর্যের খ্যাতি গাহিত সকলে ।  
সিবেলিন—কত প্রীতি ছিল মোর পরে !  
শৌর্য্য-বীর্য্য-সাহসের হলে প্রয়োজন  
আমার আহ্বান ছিল সকলের আগে !  
তখন ছিলাম আমি তরুণ পাদপ,  
শাখে শাখে ফুল-ফল অজস্র ফলিত ;  
পত্রে ছিল বন ছায়া ; বৈশাখের দাহ—  
মোর স্নেহ-তলে সবে মুছিত নিমেষে !  
তার পরে এলো নিশা ঝঞ্জাবায়ু সাথে—  
যেন সে প্রবল দম্ভ—যাহা খুঁজি, বেলো—  
দিল দোল, শাখে-শাখে উঠিল কম্পন !  
পত্রে ফুল-ফল সব ঝরিল কোথায় !  
শাখা-পত্রহীন শুষ্ক করিল আমারে,  
শূণ্য দীন—জীর্ণ, একেবারে ।

গিডেরিয়াস । হায় ভাগ্য !  
বেলারিয়াস । আমার কি অপরাধ ? কিছুই ছিল না ।  
( এ কথা বলেছি বার-বার ) মিথ্যাবাদী  
হুট হুটা সিমেলিনে কহিল গোপনে—  
আমি নাকি ষড় করিয়াছি—নীচ ষড়  
রোমানের সনে—তাদের রূপার প্রার্থী !  
অমনি আদেশ হলো—নির্কাসন ! ব্যস !  
যত সেবা, যত কাজ—সব ভুলে গেল ।  
বিশ বর্ষ...বিশ বর্ষ আছি এই বনে,  
এ গিরি-কন্দরে বৎস—এ মোর নিখিল—  
মুক্তির বাতাসে শুধু চাহিয়া আকাশে ।  
তার দান ও-আকাশ, এই বন, নদী—  
তাঁহার মহিমা-মুগ্ধ গাহি তাঁর গান !  
কিন্তু না—এ কথা থাক ! যাও গিরি'পরে—  
শিকারীর ভাষা নয়, কাহিনী এ নয় ।  
মারো যুগ—ভোজনের আরোজন করো !  
যার অঙ্গে যুগ-বধ—ভোজের সভায়  
রাজা সেই ; বাকী জন হবে সভাসদ ।  
অসুখে এই বন-রাজ্যে জেনো, ষড় নাই !

শলা, ফন্দা, অভিসন্ধি, গুপ্ত অসি, বিষ—  
রাজার সভায়—যাহা ভারী সুপ্রভুল !  
যাও দৌহে—ভূমিতলে পুনঃ দেখা হবে ।

[ গিডেরিয়াস ও আর্ভিগেরাশের প্রস্থান ]

জন্ম-বৃত্তি—কি কঠিন রোধ করা তায় !  
নিসর্গের প্রাণ-শিখা নিভে যাবে, ভয় !  
এরা দৌহে জানে নাকো—রাজপুত্র এরা !  
স্বপ্নে কভু সিমেলিন ভাবে নাকো, আজো  
জীবিত রয়েছে এরা ! হুজনেই জানে,  
আমার তনয় দৌহে । দীন-সম বনে  
লালিত হুজনে—গুহা-শিরে মাথা ঠেকে,  
তথাপি বাসনা ওঠে প্রাসাদ-চূড়ায় !  
প্রকৃতি টানিছে উচ্ছে, যত নীচে থাক !  
পলিডোর জ্যেষ্ঠ পুত্র—বুটেনের রাজা ;  
একদিন রাজ্যাসনে লবে রাজ্যভার—  
সিবেলিন রাখে নাম গিডেরিয়াস । বাঃ !  
শিলাসনে বসি কহি যৌবন-কাহিনী—  
কত যুদ্ধ, কি বীরত্ব করেছি একদা—  
সারা চিত্ত দিয়া শোনে, আমার সে-কথা  
বলি যবে—শত্রু-শির পাড়ি ভূমি-তলে,  
সে শিরে চরণ রাখি—রাজ-রক্ত কুঁশি  
ফুলিয়া বহিয়া যায় দু কপোল বহি—  
তেজে রক্ত দীপ্ত আঁখি দেখি জ্বল-জ্বল !  
হুই বাহ দৃঢ় হয়—কি দৃপ্ত-ভঙ্গিমা !  
কনিষ্ঠ কড়ওয়াল—( সত্য নাম তার  
আর্ভিগেরাশ )—আমার বচনে  
প্রাণ যেন দেয় ঢালি—উজল নয়ন !  
ঐ...ঐ খেলা শুরু ! হায় সিমেলিন,  
অন্তর্য্যামী দেব আর মোর চিত্ত জানে,  
অত্যাচারিয়া মোরে দেহ নির্কাসন ।  
তাই আমি রোষ-বশে—প্রতিবিধিৎসিতে  
শিশু-পুত্রদ্বয়ে তব করেছি হরণ ।  
আমারে সর্বস্ব-হার্য্য করেছ যেমন,  
রাজ্য-অধিকারী হতে তোমারে বঞ্চিত  
করেছি তেমনি আমি ! আমার পত্নীরে  
হুজনে জননী জানে ! সমাধির পাশে  
তাঁর—নিত্য রাখে পুষ্প-ভার হুইজনে ;  
স্মরে দেবতায়, তাঁর আত্মার কল্যাণে ।  
আমি বেলারিয়াস—নাম কেহ নাহি জানে ;  
নিয়াছি 'মর্গান' নাম—সেই পরিচয় ।  
আমি উহাদের পিতা !...খেলা হলো শেষ !  
[ প্রস্থান ]

## চতুর্থ দৃশ্য

মিলফোর্ড-হাভেন-সন্নিক্ত প্রান্তর

পিশানিয়ো ও ইমোজেনের প্রবেশ

ইমোজেন। যাত্রাকালে বলেছিলে—অতি-সন্নিকট

সেই স্থান। এ যে দেখি অফুরাণ পথ!

জানো কি, অধীর আমি কত, পিশানিয়ো?

মোর জন্ম-পূর্ব-ক্ষণে বুঝি মাতা মোর

আমারে দেখিতে এত হয়নি অধীর!

পিশানিয়ো! পিশানিয়ো! বলো, কোথা তিনি?

কি ভাবিছ? হেন দৃষ্টি কেন ও-নয়নে?

কেন ওই দীর্ঘশ্বাস? কেন বা নীরব?

বলো, বলো—চিত্ত মোর অতীব ব্যাকুল।

একে পথপ্রান্তর আমি—তব এই মূর্তি—

এ আবার কি-বা দাও? লিপি! এ কাহার?

ছল-ছল ছুই অঁখি—হাত কেন কাঁপে?

প্রগল্ভ বারতা যদি—কেন হাসি নাই?

অমঙ্গল বার্তা যদি—না, না, কাঁপিয়ো না!

এ যে প্রিয়-হস্তলিপি! ইতালীতে বুঝি?

কি কুহকে ইতালী সে ভুলাইল তাঁরে?

বিপদ ষটিল কিছ? বলো, কথা কও।

পত্র পড়িব না—বলো মুখের ভাষায়।

পিশানিয়ো। পড়ে দেবি পড়ে।

মুখে বলিতে নারিব।

বুঝিবে—কি দীন আমি, ভাগ্য কত ক্রুর!

ইমোজেন। (পত্রপাঠ) “আমার শয্যায় তোমার

প্রভু-পত্নী আমার মর্যাদা নষ্ট করিয়াছে—

বিলাসিনী বার-বনিতার আচরণে! তার প্রমাণে

আমার বক্ষ আজ রক্তাক্ত হইয়াছে। এ আমার

দুর্কল মোহ বা অলীক অনুমান মাত্র নয়—

এ পাপের অকাটা প্রমাণ পাইয়াছি। আমার

ব্যথার মত স্নগভীর সে প্রমাণ! সে প্রমাণ

আমার জিহ্বাসার মত স্ননিশ্চিত। সে

জিহ্বাংসা-সাধনের ভার—পিশানিয়ো, তুমি আমার

একান্ত ভক্ত—তোমার হাতে দিলাম। তুমি

যদি তার মত বিশ্বাস ভঙ্গ না করিয়া থাকো,

তবে এ কাজ নিশ্চয় করিবে। তোমার ঐ হাতে

তার প্রাণ লইবে! তার স্বযোগও তুমি পাইবে

মিলফোর্ড-হাভেনে। আমি তার ব্যবস্থা করিব।

সেজ্ঞ আমি তাহাকে পত্র লিখিয়াছি। যদি

তাহাকে বধ করিতে কশ্মিত হও, তবে বুঝিব,

তার এ দেহ-বিক্রয়ের ব্যাপারে তুমি সাহায্য করিয়াছ—এবং তুমিও তাহার মত বিশ্বাসঘাতক।”

পিশানিয়ো। কাহারে হানিব আমি! শানিত ও-লিপি

কণ্ঠ ছিন্ন করিয়াছে, হায়। মিথ্যা কথা!

মিথ্যা এই অপবাদ! ইহার আঘাত

ফুরধার অসির আঘাত হতে তীব্র—

তীক্ষ্ণতর! এর বিষে সর্ব-বিষ হারে।

এ লিপি-পরশ-বায়ু সমগ্র নিখিলে

বিষাক্ত জর্জর করি মৃত্যু দেয় আনি।

রাজা, রানী, সেনাপতি, সেনানী বা প্রজা,

দাস-দাসী, মাতা-কন্যা,—যে যেখানে আছে

সম্মিষ-শয়নে স্তম্ভ, মৃত—সর্ব প্রাণী

এ বিষের বাষ্পে কাঁপে মুচ্ছাহত হয়ে!

দৈর্ঘ্য হারায়ো না দেবি!

ইমোজেন।

কলঙ্কিনী আমি!

শয়ন-বাসরে তাঁর লেপিয়াছি কালি!

মিথ্যাময়ী নারী!...কলঙ্ক কাহারে কয়?

তাঁর শয্যা'পরে জাগা বিন্দ্র-ধামিনী

তাঁর ধ্যানে? তাঁরে স্বরি অশ্রু-ভরা অঁখি?

যদি নিদ্রা আসে, তবে নিদ্রা-বশে কভু

দৃঃস্বপ্নে তাঁহারে হেরি তীব্র আর্দ্রনাদ?

নিদ্রা-ভঞ্জে কেঁদে সারা?

এই কি কলঙ্ক?

তাঁহার বিশ্বাস এতে টোটে?

পিশানিয়ো।

দেবি!

ইমোজেন। কলঙ্কিনী আমি! অসতী তোমার প্রিয়া!

বুঝিয়াছি—ইতালী-বান্ধব আয়াকিমো—

এ তাহার কাজ। দেছে মিথ্যা অপবাদ।

তখনি দুর্জনে বলি হয়েছিল জ্ঞান!

এবে মনে লয়... ঠিক! ঠিক! আয়াকিমো!

কিসা ছলাময়ী কোন ইতালীর নারী—

সত্য বার সত্য নয়, শুধু পটে লেখা—

প্রতারিত করিয়াছে তাঁরে—মোর ছবি

তাঁর চিত্রে হতে চায় উপাড়ি ফেলিতে!

চূর্ণ করি দিতে চায়! সরল অন্তর

প্রিয়তম ভুলিয়াছে! তাই অভিমান!

পিশানিয়ো। কথা আছে, দেবি!

ইমোজেন। পূর্বে বটেছে এমন—

যুগে যুগে নারী-চিত্রে পুরুষের ভ্রম!

এনিশ পেয়েছে অবিশ্বাস; সাইনন

হেন দৃঃস্বপ্নে অশ্রুধারা ঢালিয়াছে কত!

একদিন প্রিয়তম বুঝিবে এ ভ্রম—

এই অপবাদে মিথ্যা জানিবে নিশ্চয়।

পিশানিয়ো, প্রভুভক্ত অল্পচর তুমি—

প্রভুর আদেশ তুমি করহ পালন।

দেখা হলে বলো তাঁরে, বহু মানে শিরে  
এ আদেশ ধরিয়াছি—অকম্প হৃদয়ে !  
দাও মোর করে অসি—হৃদয়-মন্দিরে  
যেথায় আসন তাঁর—কর হে আশাত !  
ভয় নাই ! প্রভু তব হেথা নাই ! দেখো,  
হেথায় শুধুই ব্যথা—শুষ্ক অশ্রুরাশি !  
হানো অসি । শক্তি ধরো, শক্তিমান তুমি—  
দুর্বল নহ তো, তবু কেন হাত কাঁপে ?

পিশানিয়ো । ওরে হীন অস্ত্র, তুই দূর হয়ে যা রে—  
এ হাত কলঙ্কে কালো করিসু নে তুই !  
মোজেন । মরিব । মরিতে চাই । অস্ত্র হানিবে না ?  
প্রভুর আদেশ নাই করিলে পালন,  
অবিশ্বাসী হবে, জেনো ! আজ্ঞহত্যা-পাপ—  
সেই পাপ হতে তুমি বাঁচাও আমারে !  
নফর, করুণা করো ! পাতিলাম বুক ।  
এ বুক—অসির জেনো, আনন্দ-আধার ।  
এ বুক কি আছে, জানো ? প্রিয়ের মুরতি !  
তাঁর ভাষা, তাঁর স্মৃতি—আর কিছু নাই !  
কিন্তু আর কেন ? এ যে মিথ্যা মরীচিকা !  
হা অবিশ্বাসিনো আমি ! পাষণ্ড নির্মম !  
ভরা করো—মেঘ আজি জানায় মিনতি  
ষাতকে,—কোথায় অস্ত্র ? কেন বা শিখিল  
প্লথ তব বাহ ! জানো, এই অস্ত্রে তব  
কোনো ক্ষোভ নাই মোর । রাখো হে বচন !  
পিশানিয়ো । হায় দেবি, তুমি নাহি জানো, দুই চোখে  
নিদ্রা নাই, স্বস্তি নাই—যে অবধি আমি  
পাইয়াছি এই পত্র !

ইমোজেন । . . . . . পালিয়া আদেশ  
নিদ্রা-স্ব্থ, স্বস্তি বৃকে লভিবে এখন ।  
পিশানিয়ো । তার পূর্বে দুই চক্ষু ফেলিব উপাড়ি ।  
ইমোজেন । কেন এ আদেশ-তবে লয়েছিলে শিরে ?  
মিথ্যা গল্পে দীর্ঘ পথ কেন বা আনিলে ?  
কেন, বলো ? . . . কেন মিছা দিলে মোরে ক্রেশ ?  
রাজগৃহে অকারণ জাগালে হুসিঙা—  
সেথা ফিরিবার মুখ রাখিয়া আসিনি !  
আশ্রয় যা ছিল সেথা, কেন কেড়ে নিলে ?  
মুগেরে বধিবে—তবু বিচলিত মন ?

পিশানিয়ো । সময় হরিতে শুধু—উপায়-সন্ধান ।  
ষাতকের ব্রত এই—অতি হীন হয় !  
বৈধ্য ধরো—শোনো দেবি !

ইমোজেন । . . . . . রমনা প্রথর !  
বেশ, বলো । শুনি । আমি শুনেছি অনেক !  
অসংগী গণিকা আমি—বার-বিলাসিনী—

অত্ন জনে দেহ দিই ! এ কথার চেয়ে  
তীব্রতর রুদ্রতর কি শুনিব আর ?  
আর কোন্ বাক্যে আছে হেন তীব্র শেল ?  
বলো—কি বলিবে !  
পিশানিয়ো । রাজগৃহে ফিরিও না !  
বুঝেছি, ফিরিবে না আর...  
ইমোজেন । . . . . . তাই হেথা আনো  
এ প্রাণ লইতে ?

পিশানিয়ো । . . . . . না, না । সে কারণ নয় ।  
জেনো, আমি নহি কভু অসাধু-দুর্জনে—  
বুদ্ধি যদি থাকে চিত্তে—তা হলে যা বলি,  
মঙ্গল হইবে তাহে । এ কথা নিশ্চিত—  
প্রভুরে অলীক বাক্যে ভুলায়েছে কেহ !  
সে-দুষ্ট তোমার আর আমার প্রভুর  
( বিকট তাহার বুদ্ধি ) দুর্গ্রহ বিষম !  
ইমোজেন । নিশ্চয় রোমের কোনো বিলাস-নারিকা !  
পিশানিয়ো । না, না—নয়,—ঐব এ বিলাস  
মোর, দেবি ।

যাই হোক—বার্তা দিব প্রভুরে আমার,  
হত্যা করিয়াছি আমি ; প্রমাণে তাহার  
রক্তমাখা নিদর্শন—তা'ও সে পাঠাবো ।  
রাজগৃহে তুমি নাই, এ বার্তা রটিবে—  
আমার কথায় তাঁর ষটিবে প্রত্যয় ।  
ইমোজেন । কিন্তু আমি যাবো কোথা ?

. . . . . কোথায় রহিব ?  
কি করিব ? কিবা লয়ে...কি স্মৃখে বাঁচিব  
প্রিয়-পাশে মৃত্যু হয়ে ?

পিশানিয়ো । . . . . . রাজগৃহে গেলে...  
ইমোজেন । সেথায় যাবো না ফিরে ।  
অকরুণ পিতা !

সেথা নয়—আছে সেথা হ্রস্ব ক্রোটেন—  
তার দুই নয়নের বিগোল চাহনি,  
মুখে শিষ্ট চাটু-বাণী, প্রেম-নিবেদন  
সহিবার নয়—তাহা পারি না সহিতে !  
পিশানিয়ো । রাজগৃহে যদি নয়—বুটেনও নয় ।  
ইমোজেন । কোথা তবে ? সূর্য্য নাই  
বুটেনের পারে ?

দিন-রাত্রি নাই কোথা এ বুটেন ছাড়া ?  
এ বিশ্ব বিশাল—ভায় বুটেন গোপ্পদ !  
বিপুল হ্রদের বৃকে মরালের নীড় !  
আর কোনো টাঁই চাই বুটেনের পারে ।  
পিশানিয়ো । সূর্য্য এই কথা শুনি ! রোমানের দূত  
লুশিয়াস কাল হেথা আসে মিলফোর্ডে ;



ব্যথা-মানি ভুলি যদি ছদ্ম-আবরণে  
গোপন করিতে পারো আপনারে, দেবি,  
নিরাপদ হবে—পথ মুক্ত সে অবাধ।  
চাহো যদি যেতে যথা বসতি প্রভুর,  
কাছাকাছি পারো যদি করিতে বসতি—  
আচার পরুষ হোক—পাবে পরিচয়  
প্রতি পদক্ষেপে তাঁর চিত্তের স্বরূপ।  
ইমোজেন। এ উপায়? নারী আমি

সহজে কুণ্ঠিতা—

পথে যেতে নত হই সরমের ভারে।  
তবু...তাই! তাই হোক! এই মোর পথ!  
শিশানিয়ো। ভুল যেতে হবে দেবি,  
তুমি সে রমণী!

রমণীর লাজ-লজ্জা, সরম-সঙ্কোচ,  
ষিধা, কুণ্ঠা, নত ভাব হইবে ভুলিতে।  
বৃকেতে সাহস চাই—তীর দীপ্ত ভাষা  
চকিতে অধরে জাগা! তীক্ষ্ণদৃষ্টি চোখে—  
বিরোধে নিপুণ—তর্কে বহিবে ঝটিকা—  
কপোলে দৃঢ়তা—আঁখি নহে ছল-ছল—  
বেদনার স্মৃতিজালে ছিন্ন করা চাই।  
পুরুষ পরুষ-চিত্ত, কোমলতা-হীন!  
ইমোজেন। এ ব্যথায় চিত্ত মোর এবে স্তব্ধ।

পুরুষের মত প্রাণ হয়েছে পাষণ।  
শিশানিয়ো। পুরুষ হইতে হবে হাবো-ভাবে, জেনো।  
লহো মোর এই বেশ—বর্ম, টুপি, জুতা—  
কুণ্ঠা, পীতালুন—তাও এনেছি বহিয়া।  
প্রভু-সনে দেখা হলে এই ছদ্মবেশে  
মিতালী করিতে পারো, যদি মনে লয়—  
ব্যথা-অভিমান-ভরে দূরে সরে থাকা—  
সে শুধু বেদনা-ভার স্নিবিড় করা!  
তার চেয়ে...

ইমোজেন। ভালো, ভালো, বড় ভালো কথা!  
তোমার মঙ্গল হোক!—সেনা সাজি আমি।  
সে-বেশে সেনার শক্তি পাবো মেহে-মনে;  
ভুলিব আপন সত্তা। এই বেশ ধরি—  
তাজি রমণীর বেশ। যাও অন্তরালে।  
শিশানিয়ো। বিলম্ব উচিত নয়—ত্বর করা চাই।  
বিদায় সম্ভাষ—তার নাহি প্রয়োজন।  
মোরে যেতে হবে ফিরে রাজগৃহে ত্বর—  
নহিলে সন্দেহ হবে! এই পেটি আছে—  
রাণী ঘোরে দেছে—বলে, পরম ওষধি।  
মেহ-মন-অবসাদে সেবন করিলে  
শক্তি, স্বাস্থ্য হবে লাভ—নূতন জীবন।

নব বেশে সাজো দেবি, বিদায় এখন।  
বিধাতা করুন সদা তোমার মঙ্গল।  
ইমোজেন। এসো। আমি ভুলিব না এই উপকার।  
[উভয়ের বিভিন্ন দিকে প্রস্থান]

## পঞ্চম দৃশ্য

সিথেলিনের প্রাসাদ-কক্ষ

সিথেলিন, রাণী, ক্লোটেন, লুশিয়াস, অমাত্যগণ  
ও অহুচরগণের প্রবেশ

সিথেলিন। এই স্থির। বিদায় এখন।  
লুশিয়াস। তাই হোক!

হে রাজন্ ধন্বাদ প্রদানি তোমায়।  
সম্রাট আদেশ দেন ফিরিতে অচিরে।  
ব্যথা পাই—তোমার এ শত্রু-পরিচয়  
সম্রাটের দিতে হবে।

সিথেলিন। বৃটেনের প্রজা  
অধীনতা-পাশ—তারা মানিবে না আর।  
অধীনতা শিরোধার্য্য করি যদি আমি,  
রাজা হয়ে রাজা রবো নাকো!

লুশিয়াস। নিবেদন,  
মিলফোর্ডে নিরাপদে যাহে যেতে পারি—  
সাথী যদি দাও পথে! আসি রাজ-রাণী।  
কুশলে রজন দেবি।

রাণী। হউক কুশল।  
সিথেলিন। রাজদূত লুশিয়াসে হে অমাত্যগণ,  
সম্মানে বিদায়-সম্ভাষো। তব হস্তে  
দিহু ভার—তাঁর মান-সম্মান রাখিবে।  
বিদায় হে রাজদূত!

লুশিয়াস। হাতে হাত রাখি।  
ক্লোটেন। বন্ধু—বন্ধু বলি মানি! তবু আজ হতে  
আমার এ হাত জেনো অরতির হাত।

লুশিয়াস। যুদ্ধ কল ভবিষ্যে নিহিত। আসি তবে।  
সিথেলিন। সেভার্ন নদীর পারে গৃহছায়ে দিয়ে  
রাজদূতে—তবে সবে আসিবে ফিরিয়া।  
নমস্কার রাজদূত! পথ তব শুভ হোক!

[লুশিয়াস ও অমাত্যগণের প্রস্থান]

রাণী। কুণ্ঠিত করিল ভুরু—সম্মান ইহাতে।  
স্বযোগ দিরাছি মোরা ভুরু-কুণ্ঠনের।  
ক্লোটেন। ভালো! খুব ভালো! মোরা ইহাই চাই।

সিঁথেলিন। সম্রাটে লিখেছে পত্র; দিয়াছে পাঠ্যে

লুশিয়াস—হেথাকার সর্ব সমাচার।

সমুচিত আশাদের—যত সেনাদলে

উত্তত প্রস্তুত করা—রথ-অখারোহী।

নিশ্চয় গালিয়া হতে অভিযান সুরু

করিবে সম্রাট; সেথা মজুত সেনানী।

রানী। এ নহে স্বপন-কথা—স্বরা করা চাই।

হুর্ভেত্ত অটল করো মোদের বাহিনী।

সিঁথেলিন। এমনি ভাবিয়াছিস! মোরা ঠিক আছি।

পূর্ব হতে আয়োজন করিয়াছি তাই।

কিন্তু রানী, ইমোজেন? তারে নাহি দেখি।

রোমান দূতেরে সে তো দেখা নাহি দিল!

এ তার উচিত ছিল! সবে তুচ্ছ করে!

বিরূপ হলেও চিত্ত—এ নহে উচিত,

কর্তব্যে এমন ক্রটি! লক্ষ্য করিয়াছি!

ডাকিয়া পাঠাও তারে। গুনিবারে চাই

এ তার হেলার হেতু!

[ জনৈক অনুচরের প্রস্থান

রানী। দেখি মহারাজ,

পশখামাস নির্কাসিত যে দিন হইতে

বিজনে লয়েছে ঠাঁই সবার আড়ালে।

এ রোগের প্রতিকার সাধিবে সম্বর।

রূপা করো মহারাজ, দাসীর মিনতি,

পক্ষ্য বচনে তারে করো না ভৎসনা।

কত্যা তব—মন তার বড়ই কোষল;

তব রোধ-অনলেতে শুকাবে লতিকা;

হয়তো মরিয়া যাবে—ভয় হয় বড়!

অনুচরের পুনঃপ্রবেশ

সিঁথেলিন। কোথা রাজকন্যা? বলো,

কি তার উত্তর?

অনুচর। আশ্চর্য্য ব্যাপার দেখি রাজ-অধিরাজ!

দ্বার বন্ধ—কোনো সাড়া, কোনো শব্দ নাই।

উচ্চে আহ্বানিয়া কেহ না পাণ্ড উত্তর।

রানী। মহারাজ, শেষ মোর সাক্ষাতের কালে

মিনতি জানায়েছিল—থাকিবে একেলা—

মোরা যেন নাহি ডাকি! দেহ স্তম্ভ নয়।

সে কারণে আপনারে দেয় নাই দেখা—

নিভাকার মত নতি দিতে পারে নাই।

আমারে বলিয়াছিল, এই নিবেদন

আপনারে জানাইতে! গুরু রাজ-কাজে

সে কথা ভুলিয়া ছিন্ন।

সিঁথেলিন।

দ্বার কেন বন্ধ?

কেহ তারে দেখে নাই? মনে যাহা জাগে,

হে দেবতা—মিথ্যা যেন, মিথ্যা হয় তাহা!

[ প্রস্থান

রানী। যাও পুত্র রাজার পশ্চাতে।

ক্রোটেন।

ভূতটোরে

ছই দিন দেখি নাই চোখে। সত্য কহি।

রানী। যাও, দ্বাখো গিয়া।

[ ক্রোটেনের প্রস্থান

প্রভু-ভক্ত ভূত্য বটে!

যে বিব তাহার কাছে, যদি লয়ে থাকে,—

তাহলে আপদটার হয়ে গেছে শেষ!

সে জানে, ওষধি বড়। কেন লইবে না?

কিন্তু এই ইমোজেন? গেল সে কোথায়?

নিরাশ-যাতনা-বশে গৃহ ছাড়িয়াছে—

কোথা স্বামী—চিত্তে নিষ্ঠা—তাহার উদ্দেশে?

তাহলে মরণ স্থির—নয় পথচারী

দুর্ভাগ্যের হাতে হবে কলঙ্ক-লাঞ্ছিত!

তা যদি—আরাম পাই! এই সিংহাসন

এ আমার; কারো নয়—রাজার মরণে।

ক্রোটেনের পুনঃপ্রবেশ

কি বার্তা তোমার, পুত্র?

ক্রোটেন।

সব ফকিরার!

নিশ্চয় ভেগেছে কোথা। যাও, ছুটে যাও—

রাজা গো—তোমার স্বামী চটে খুব লাল!

যারে দেখে, তারে বকে—বাপু রে আগুন!

কাছে যায়, কার সাধ্য! যাও মাগো, যাও,

বুড়া খেঁকি রাজাটার মাথা ঠাণ্ডা করো!

রানী। (স্বগত) শুভ বার্তা! সুপ্রভাত বুদ্ধি বা উদয়

চিন্তার তিমির-ঘেরা হৃৎ-নিশি 'পরে।

[ প্রস্থান

ক্রোটেন। ভালোবাসি! তবু কিন্তু রাগ ধরে মনে।

রূপসী সে রাজকন্যা—সুন্দর চেহারা!

এমন চেহারা মোদ্দা দেখি নাই কারো।

এত মেয়ে—পুর-নারী, এত সখী, দাসী—

এ চোখে তো দেখিলাম; এর জুড়ি নাই!

রঙ বা গড়ন দ্বার দেখানে যা ভালো,

চুনি-চুনি বিধি যেন এর গড়িয়াছে!

এদের সবার সেবা—যেন টেক্ষাখানি!

চেহারায় মঠের আঁচ—তাই ভালোবাসি!

কিন্তু ওই কি যে দোষ—যেই মোরে দ্বাখে,

নয়ন ফিরায়, তুরূ অমনি বাঁকায়,  
মুখে ভাষা তীব্র হয়—স্বপ্না-বিষ ঢালে !  
কোথাকার ছুঁচো এক ওই পশখামাস—  
চাল নাই, চুলা নাই—অন্নদাস বেটা—  
তার গলে দিল মালা ! আমি পাশে আছি,  
চেয়ে দেখিল না ! কিষা ভুলে গেল প্রেম !  
এ-দোষের ক্ষমা নাই—তাই আমি চটি ।  
না, এ স্বপ্নার শোধ আমি ঠিক নেবো,  
যেমন করিয়া পারি...

পিশানিয়োর প্রবেশ

কে আসে আবার ?

কি গো বাপু মিটি-মিটি দৃষ্টি কেন চোখে ?  
কাছে এসো—কথা আছে । ঘুরঘুরিছ কেন ?  
পাজী বেটা, বল—কোথা গেল রাজকন্ঠা ?  
শীঘ্র বল ! নয়, হেঁ-হেঁ যাবি জাহান্নমে ।

পিশানিয়ো । যুবরাজ...

ক্লোটেন । মিষ্ট ভাষে...হুঁ হুঁ...ভুলিব না ।  
বল, কোথা রাজকন্ঠা ? বলিবি না ? বটে !  
ও জিত উপাড়ি কথা করিব বাহির  
বুক হতে—তা জানিস্ ! বল, শীঘ্র বল—  
পশখামাসের কাছে দেছিস চালান !  
সত্য বল !

পিশানিয়ো । দেখানে কেমনে হয়, যাবে ?

কিন্তু এ কি কথা ! রাজকন্ঠা গৃহে নাই !  
কখন গিয়াছে ?...প্রভু মোর আছে রোমে ।

ক্লোটেন । প্রভু নয় ! প্রভু নয় ! রাজকন্ঠা কোথা ?  
চালাকি চলিবে নাকো,—বল শীঘ্র খুলে—  
কিবা তাঁর হলো—বল তাই ।

পিশানিয়ো ।

কি বলিব

হুজুর ?

ক্লোটেন । হুজুর রাখ ! বেটা ভারী ভণ্ড !  
না জানিস্, কর্বে বেটা তাঁহার সন্ধান ।  
মনিব—মনিব—তোর মনিবের জ্বর !  
বুকিলি আমার কথা ! যদি তাঁট নড়ে,  
জানিস্, এখন দেবো কাঁশির হুকুম !

পিশানিয়ো । দেখেছি তাঁহার গৃহে—তাঁরে দেখি নাই ।

( পত্র দান )

ক্লোটেন । পত্র ! দেখি । যেতে যদি হয় তার খোঁজে,  
যাবো আমি রোমে—ভাগ্যে যা হবার হোক !

পিশানিয়ো । ( অগত ) নাহলে মরণ ুফাথা পাবে ?  
তাই যাও ।

রাজকন্ঠা এতক্ষণে বহুকাল পথ

অতিক্রমি গিয়াছেন ! তাহে ভুল নাই ।

কি আর বিপদ ? ভয় ?

ক্লোটেন ।

চিঠি পড়িলাম ।

পিশানিয়ো । প্রভুরে লিখিব, বাক্য করেছি পালন ;  
রাজকন্ঠা প্রাণ দেছে । হবে নিরাপদ ।

ক্লোটেন । হ্যাঁ রে, এ চিঠি সত্যি ? জাল নয় ?

পিশানিয়ো । মনে হয়, সত্যি ।

ক্লোটেন । হাতের লেখা পশখামাসের বলেই মনে  
হচ্ছে । তার লেখা আমি চিনি । তা হ্যারে, যদি  
ছুষ্টুমি না করিস্ তো আমার একটা কাজ  
কর না ! বুঝলি, তোকে আর কখনো বকবো  
না, মারবো না—বখশিস দেবো । অনেক  
বখশিস ।

পিশানিয়ো । কি করতে হবে, বলুন ।

ক্লোটেন । আমার কাছে চাকরি করবি ? সে  
মনিবের কাছে কাজ করে মাইনে যা পেয়েছিল্,  
তা তো আর আমার বুঝতে বাকী নেই । স্মাথ,  
আমার কাছে কাজ করলে মাইনে পাবি । কি  
বলিস্ ? কাজ করবি ? শুধু একটা কাজ ।

পিশানিয়ো । করবো ।

ক্লোটেন । হাতে হাত দে—বৈঁচে থাক বাবা । এই  
নে বখশিস—টাকার খলি । শোনু, তোর  
মনিবের পোষাক-টোষাক কিছু তোর জিন্মায়  
আছে এখানে ?

পিশানিয়ো । আছে হুজুর । যাবার বেলায় যে  
পোষাক পরেছিলেন, সেই পোষাক রেখে  
গেছেন । আমার কাছে আছে । আমার ঘরে ।

ক্লোটেন । আচ্ছা, তাহলে প্রথম কাজ কর—আগে  
সেই পোষাক আমার এনে দে । "যা ।

পিশানিয়ো । এখন যাচ্ছি, হুজুর ।

[ প্রস্থান ]

ক্লোটেন । মিলফোর্ড-হাভেনে দেখা করতে বলেচে ।

আহা, একটা কথা ভুলে গেলাম ! আচ্ছা !

খেয়াল রাখবো, হুঁ হুঁ, সেই !...আগে তোমার  
প্রাণ নেবো পশখামাস ! আঃ, পোষাকটা যদি  
পাই ! রাজকন্ঠা এক দিন বলেছিল, আমার  
চেয়ে পশখামাসের ছেঁড়া পোষাকেরও তার  
আছে অনেক বেশী দাম ! সে কথা আমি ভুলিনি ।

ঐ পোষাক গায়ে চাপিয়ে...তাকে আমি ভোগ  
করবো ! ভোগ ! আগে তার চোখের সামনে  
পশখামাসকে করবো খুন ! তখন দেখবে  
আমার সাহস আর শক্তি ! পশখামাসের ছিন্ন  
মুণ্ড আমার পায়ের কাছে গড়াবে—তার পর

সেই কাটা দেহের সামনে তাকে নিয়ে মেটাবো  
আমার যাকিছু বাসনা। আঃ, চাই—রাজ-  
কণ্ঠকে আমার চাই! অমন চেহারা যদি ভোগে  
না এলো, তাহলে জন্মটাই যে বুখা হলো বাবা!

(পরিচ্ছদ-হস্তে পিশানিয়োর পুনঃপ্রবেশ)

এই পোষাক ?

পিশানিয়ো। এই পোষাক, হজুর।

ক্লোটেন। তোর মনিবনী কবে বেরিয়েছে রে  
মিলফোর্ডের দিকে ?

পিশানিয়ো। তিনি কি এখনো সেখানে আছেন ?

ক্লোটেন। আচ্ছা, ও পোষাক নিয়ে আয় আমার  
ঘরে। এই আমার হুঁনঘর হুকুম। তিন  
নঘরের হুকুম যা বলবো, নিঃশব্দে করবি। যদি  
কাজে খুলী করতে পারিস, তা হলে ভবিষ্যতে  
তোর ভয়ঙ্কর উন্নতি হবে জানিস। আমি  
এখনি যাবো—সেই মিলফোর্ড হাভেনে। আয়  
চটপট—আয়।

পিশানিয়ো। যাও তুমি মিলফোর্ড—দেখিবে সেখায়  
যারে চাও—সে বিহ্বল গিয়াছে উড়িয়া।  
হে বিধাতা, দেখো তাঁরে, রাখিয়ো কুশলে!  
এ দৃষ্ট না পায় তাঁর ছায়াও লখিতে!  
সর্ব্ব দৃষ্ট অভিসন্ধি যেন ব্যর্থ হয়!

[উভয়ের প্রস্থান]

## অষ্ট দৃশ্য

ওয়েলশ—বেলারিয়াসের গুহা-সম্মুখ

বালক-বেশে ইমোজেনের প্রবেশ

ইমোজেন। পুরুষের প্রাণ—যেন দুর্ব্বল এ ভার!

কি প্রয়াস করিলাম, কঠিন সাধন  
হুঁরাজি শয়ন করি মৃত্তিকার 'পরে—  
হুঁসহ হুঁচর—তবু মন সাধিয়াছে  
এ সাধন! মিলফোর্ড তুমি মোর স্বর্গ!  
পিশানিয়ো দেখাইল গিরিশৃঙ্গ হতে—  
মনে হলো, ছোট পথ! কিন্তু যত চলি,  
পথ তত দীর্ঘ হয়, তুমি যাও দূরে!  
দুজন ভিখারী সনে পথে দেখা হলো—  
তারা বলে দিল, পথ ভুল হয় নাই।  
দ্বিজ ভিখারী তারা—কেন মিথ্যা কবে?  
যারা ব্যথা জানে, তারা মিথ্যা জানে নাকো।  
মিথ্যা কপটতা—সে যে ধর্মীর আচার!

নীচ জনে মিছা কয়—তাহা সহ্য হয়;  
বড়র যে মিথ্যাচার—বড় তীব্র বাজে!  
প্রিয়তম, সেই মিথ্যা-আচারের দায়  
তোমারে লেগেছে আজ এ মোর কলঙ্কে!  
ক্ষুধা-ভুক্ষা এতখানি করে জর-জর—  
বেদনা তাহাতে কত! আর তাহা নাই!  
অভাবে শক্তি জাগে—প্রচুরে দুর্ব্বল।  
ও কে? ও কে যায় হোথা? কে গো?

কথা কও।

বনবাসী! ইতর বর্ষের বুঝি! যে হয়, দেখিব।  
একটু আশ্রয় চাই—পিপাসার বারি!  
চেয়ে যদি নাহি পাই—বলে নিতে হবে।  
আছে অসি, ভয় নাই! পশিব গুহায়।  
জবাব দিল না মোরে। দৃষ্ট জন যদি  
অসি দেখি নত শিরে মানিবে বচন।  
কে? কে হেথায় আছো?

(গুহামধ্যে প্রবেশ)

(বেলারিয়াস, গিডেরিয়াস ও আর্ভিগেরাশের প্রবেশ)

বেলারিয়াস। পলিডোর, তুমি  
মৃগয়ায় হুকুমশী! লক্ষ্য ব্যর্থহীন!  
ভোজ-সভাতলে আজি তুমি হবে রাজা!  
আমি, কড় ওয়াল—হবো ভৃত্য ও পাচক।  
এই সর্ব্ব ছিল। জেনো শ্রম-বরা জল  
নিমেষে শুকায়—তবু শ্রম-মূল্য এই।  
এসো, ক্ষুধা জাগিয়াছে—খাও প্রয়োজন।  
ভোজ-শেষে শয্যা 'পরে আরাম-বিরাম।  
এসো গুহা-গৃহে চির-নিরাপদ নীড়ে।

গিডেরিয়াস। শ্রান্ত আমি।

আর্ভিগেরাশ। শ্রমে দেহ দুর্ব্বল কাতর।

ক্ষুধা কিন্তু বড় তীব্র।

গিডেরিয়াস।

বাসি খাও আছে।

অগ্রে তাহা করিব ভোজন; পশ্চাতে নুতন;

পক্ষে বহু লাগিবে সময়।

আর্ভিগেরাশ।

সহিবে না দেবী।

বেলারিয়াস। (গুহামধ্যে লক্ষ্য করিয়া)

স্থির হও। প্রবেশ করো না গুহা-মাঝে।

শ্রান্ত পিপাসিত জানি, তবু দেখি

গুহামাঝে অপর-নির্মিত রূপ। কে এ?

গিডেরিয়াস। কি হয়েছে পিতা? কে?

বেলারিয়াস।

হুকুমার দেবশিঙ।

তা যদি নাই হয়—বুঝি রাজপুত্র কোনো!

বয়সে বালক—মরি, অপক্লপ রূপ!

## ইমোজেনের পুনঃপ্রবেশ

ইমোজেন। নমস্কার হে স্বজন ! হয়ো না কঠিন ।

গুহা-প্রবেশের কালে ডাকিয়াছি বহু—

ক্ষুধায় আতুর আমি—ভেবেছিলাম তাই,

ভিক্ষায় মাগিব অন্ন ; কিম্বা মূল্য দিব ।

হরণ করিনি অন্ন—কভু করিব না ;

যদিও দেখেছি, হেথা অন্ন রহিয়াছে !

মূল্য আছে ; মৃগ-মাংস মোরে কিছু দাও ।

তোমরা না আসিতে যদি—মিটাইয়া ক্ষুধা,

মুদ্রা রাখি আসিতাম শিলার উপর—

মূল্য বলি—বিধাতারে মাগিয়া কুশল ।

গিডেরিয়াস। মুদ্রা—মূল্য ?

সোনা ও রূপার মুদ্রা বুঝি ?

আর্ভিগেরাশ। সোনা-রূপা দুদিনের পরে হয় ধূলি !

কি মূল্য তাহার ? করে কুৎসিতের পূজা

যে-সব মানুষ, মূল্য তাহাদের কাছে !

ইমোজেন। ক্রোধ করিয়াছ সবে মোর অপরাধে !

প্রাণ যদি নিতে চাও, মানা করিব না ;

এ প্রাণ নিজেই দিতে রয়েছি প্রস্তুত ।

বেলারিয়াস। এ বনে কোথায় যাও ?

ইমোজেন। যাই মিলফোর্ডে ।

বেলারিয়াস। কি নাম তোমার ?

ইমোজেন। নাম মোর ফাইডেল ।

আমার আত্মীয় এক যায় ইতালীতে ;

মিলফোর্ডে ভরী-বক্ষে উঠিয়াছে আসি,

আমি তার সাথে যাবো । কিন্তু পথমাঝে

ক্ষুধায় কাতর হয়ে পশেছি হেথায় ।

বেলারিয়াস। হে বালক, জেনো মোরা নহি বন-বাসী,

ইতর, কঠিন দম্ভা—যদিও বসতি

কঠিন গিরির বুকে ! আমরা স্বজন ।

দেখা হলো, হলো ভালো—বড় সুখী তায় ।

রাত্রি সমাগত এবে ; পথ ভালো নয় ;

ক্ষুধায় কাতর তুমি । এসো, এক সাথে

সকলে ভোজন করি । যাবে অবসাদ ।

বালকে সাগরে লয়ে এসো পুত্রগণ ।

গিডেরিয়াস। তুমি যদি মেয়ে হতে, কঠোর সাধনে

লভিতে তোমার চিত্ত হঠিতাম নাকো !

এসো বন্ধ ।

আর্ভিগেরাশ। বাঁচলাম ! মেয়ে নও তুমি !

হুটি ভাই ছিলাম মোরা ; আরেকটি ভাই

আজিকে পেলাম পাশে ! এসো ভাই, এসো,

হৃদয়ের প্রীতি দিয়া রাখিব বিরিয়া—

বুকে বুকে রবো স্নেহে । এসো ভাই, এসো ।

হাসো, কথা কও তুমি, হয়ো না কাতর ।

আমরা তোমার বন্ধ ।

ইমোজেন ।

বন্ধ, ভাই—সব !

(স্বগত) হায়, আজি কোথা মোর সেই দুই ভাই ?

এরা যদি সেই ভাই হতো—কি সুন্দর !

এ ভুবন অল্প রূপ করিত ধারণ !

বেলারিয়াস। এ বয়সে পাইয়াছ বন্ধা !

গিডেরিয়াস।

যদি আমি

পারিতাম সে ব্যথা ঘুচাতে !

আর্ভিগেরাশ।

ঘুচাতেম,

যতই গভীর ব্যথা হোক—প্রাণ দিয়া !

কি সে ব্যথা ! কত সে গভীর, ভগবান !

বেলারিয়াস। শোনো বৎস—(কর্ণে কহিলেন)

ইমোজেন ।

মহাজন, স্তম্ভজ স্বজন—

ক্ষুদ্র গুহা, তবু মন উদার মহান !

স্নেহ প্রীতি ক্ষুদ্র-গৃহে পরিপূর্ণ রাখে ।

এ চিন্ত-সম্পদ-পাশে তুচ্ছ রাজকোষ !

মানুষ তোমরা নহ—দেবতা ! বুকেছি ।

কমা করে অধীনের স্পর্ধা হে স্বজন,

উদ্বেলিত চিত্ত মোর ! পুরুষের সাজ

দূরে ফেলি রমণীর মত কাঁদি আজ—

মনে হয়, এ ছলনা অতি অশুচিত ।

বেলারিয়াস। এসো সবে । মৃগ-মাংস পাক করা চাই ।

হে বালক, সাথে এসো । বাক্য-জাল রচা—

এ তার সময় নয় ! ভোজন চুকিলে

তৃপ্ত মনে শুনিব সে তোমার কাহিনী,

যেটুকু তাহার তুমি বলিবে আপনি ।

গিডেরিয়াস। এসো ভাই ।

আর্ভিগেরাশ।

গুহা ভরে আনন্দ-জ্যোৎস্না ।

ইমোজেন । ধন্যবাদ !

আর্ভিগেরাশ।

কথা নয় । এসো ।

[সকলের প্রস্থান]

## সপ্তম দৃশ্য

রোম—সাধারণ স্থান

দুই জন সেনেটর ও ট্রিবিউনগণের প্রবেশ

১ সেনেটর। সন্ধ্যার ইত্বাহার—তার মর্শ্ব শোনো !

পানোন-ডালমাটান যুদ্ধ রত সেনাগণ—

গ্যালিয়ায় সমবেত সেনাদল যত—

ব্রিটেনের সাথে যুদ্ধে নহে স্ত্রুচর—

শক্তিতে তাহারা—তাই যত ভদ্র আছো,  
সমরে যাইতে হবে, এ তাঁর বাসনা ।  
পরাজয়ে রোমানের লজ্জা হবে বড় ।  
লুশিয়াস এ সমরে প্রতিনিধি তাঁর ।  
হে মাগু ট্রিবিউনগণ, সম্রাট বলেন  
জাতির সম্মান আজি তোমাদের হাতে ।  
চলো । দীর্ঘজীবী হোন মোদের সম্রাট !

১ম ট্রিবি । লুশিয়াস সেনাপতি ?

২ সেনে । সেনাপতি তিনি

১ ট্রিবি । গ্যালিয়ায় লুশিয়াস ?

২ সেনে । সেখা যে সেনানী আছে,

তাহাদের সাথে তিনি যোগ দিলে পরে,

রোম-সৈন্য হবে দৃঢ় হৃর্ভেদ সমরে ।

২ ট্রিবি । কর্তব্য কঠোর—করি গৌরবে পালন ।

[ সকলের প্রস্থান ]

## চতুর্থ অঙ্ক

### প্রথম দৃশ্য

ওয়েলশ ; বেলারিয়াসের গুহা-সান্নিধ্য

ক্লোটেনের প্রবেশ

ক্লোটেন । পিশানিয়ো যদি ঠিক-ঠাক্ নিশানা দিয়ে থাকে, তাহলে কাছাকাছি পৌঁছেছি, মনে হচ্ছে—  
যেখানে ছুটিতে মিলন হবে, তারি কাছাকাছি ।  
পোষাকটা মোদা ভারী ফিট করেছে । তার জামা—তার দজীর তৈরী জামা যদি আমার গায়ে ফিট করে, তাহলে তার গিন্নিটিই বা কেন আমার সঙ্গে ফিট থাকবে না, বাবা !  
লোকে বলে, মেয়েমানুষ ফিট হয় ক্রমে ক্রমে—যে বেকিট, সেও একদিন ঠিক ফিট করে যায় । ফিট করে নেবার ভার থাকবে আমার উপর । আয়নায় নিজের চেহারা দেখি তো—ওঁর সঙ্গে চেহারায় আমার তফাৎ কোন্‌খানে ? আমার যা বয়স, ওঁরও সেই বয়স ! গায়ের জোরে আমি তাঁর চেয়ে খাটো নই—সমান-সমান । অদৃষ্ট ? ওঁর অদৃষ্টের চেয়ে কিসে নীরেস ? জন্মে, আমি অনেক উচু-ধাপে আছি । কাজে-কর্মে কিছুতে আমি কম নই । তবু মেয়েটা আমার ফেলে ভালোবাসবে

ওকে ? অসহ ! পশখামাস, তোমার ঘাড়ে যে মাথাটি গজিয়ে উঠেছে—ওটিকে টুক করে কাটবো কচাঙ্ করে ! তোমার গিন্নিকে নেবো পাঁজরার মধ্যে । আর তোমার পোষাক—তাকে কাটবো ছ্যাড্‌ড্যাং-ড্যাং—এ-সব হবে তোমার চোখের সামনে ! এ সব করে তোমার প্রেয়সীকে একটি লাথির বায়ে তার বাপের সামনে নিয়ে গিয়ে ফেলবো । এ ব্যাপারে তাঁর মেজাজ একটু টলতে পারে ! টলুক ! হুঁঃ, তাতে কিছু এসে যাবে না । সেখানে আছে আমার মা—সাক্ষাৎ জননী ! মা ভারী খুলী হবে । আর মায়ের যা ক্ষমতা, আমার মিলবে তারিফ । বোড়াটিকে ভালো জায়গায় বেঁধে রেখেছি । এখন তলোয়ারখানি খাপ থেকে বার করে উচিয়ে রাখি ষ্যাচাং-কোপের জ্ঞা । বুদ্ধির দৌলতে একবার যদি তাকে হাতে পাই ! এ যা জায়গা দেখচি, পিশানিয়োর কথা হুবহু মিলচে ! লোকটা—না, আমার ঠকায়নি ।

[ প্রস্থান ]

### দ্বিতীয় দৃশ্য

গুহা-সম্মুখ

গুহামধ্য হইতে বেলারিয়াস, গিদেয়িয়াস,

আর্ভিরেগাশ ও ইমোজেনের প্রবেশ

বেলারিয়াস । ( ইমোজেনের প্রতি ) স্তন্থ নহ, মনে লয় । ভূমি গৃহে থাকো ।

মৃগয়া করিয়া মোরা ফিরিব অচিরে ।

আর্ভিরেগাশ । ( ইমোজেনের প্রতি ) থাকো

ভাই লক্ষ্মীটি !

আমরা তিন ভাই—না ?

ইমোজেন । মানুষে মানুষে ভাই হয় ; শেষে ধূলা !

মাটিতে মাটিতে যত থাকুক বিভেদ !

স্বাচ্ছন্দ্য না করি অনুভব ।

গিদেয়িয়াস ।

মৃগয়ায়

যাও দৌহে—এর সাথে আমি গৃহে রবো ।

ইমোজেন । তেমন পীড়িত নহি ! তবে স্তন্থ নই ।

ভয় নাই, মরিব না । সকলেই যাও ।

নিত্যকার কাজে কভু করিয়ো না হেলা ।

সব পণ্ড নিঃস ভাঙ্গিলে ! মোর পীড়া—

তোমরা থাকিলে কাছে—সারিবে, তা নয় ।

কারো সঙ্গ ভালো মোর নাহি লাগে এবে ।  
সাধ, একা থাকি । তবে ইহা বুঝিতেছি,  
কঠিন পীড়া এ নয় ! শুধু অবসাদ !  
সত্য কহি । একান্তই যদি কিছু ঘটে,  
ছনিয়ায় কারো তাহে অনিষ্ট হবে না ।  
গিদেয়িয়াস । তোমারে বেসেছি ভালো—

সে কথা বলেছি ।

কত ভালো ? জানো ? যত বাসি রে পিতায় ।  
বেলারিয়াস । কি বলিছ ?  
আভিরেগাশ । সত্য সে আমারো কথা জেনো ।  
ভালোবাসি । কেন বাসি,

বুঝি না কারণ ।

কতটুকু পরিচয় ! নিমেষের দেখা—  
তবু মনে হয়, যেন আজন্ম বান্ধব !  
বেলারিয়াস । (স্বগত) উচ্চ মন ! বংশ-অনুরূপ  
উদারতা,

মহত্ব আপনি জন্মে, সূর্য্য-রশ্মি সম ।  
ভীকু খল কপটের পুত্র—ভীকু খল,  
নীচবংশে জন্মে নীচ ! নিসর্গের বিধি ।  
আমি পিতা নহি, তবু কত ভালোবাসে—  
এ কিশোর জানি না কে, তবু এত প্রীতি !  
(প্রকাশে) বেলা বাড়ে ।

আভিরেগাশ । আসি ভাই ।  
ইমোজেন । হইবে বিজয় !  
আভিরেগাশ । এসে যেন দেখি, তুমি স্তম্ভ হইয়াছ ।  
কেমন গো ?

ইমোজেন । (স্বগত) তাই হবে, ভদ্র প্রীতিময় !  
ভগবান, কত মিথ্যা গুনিয়াছি কাণে !  
সভায় সকলে বলে, বনবাসী-জন  
অভদ্র, ইতর অতি । কিন্তু এ কি দেখি !  
এত ভালো, এত বড় মন দেখি নাই !  
রাজদর্পে ক্ষীত সভা—সে যেন সাগর !  
হিংস্র জন্তু ফেরে তথা ; ছোট নদ-নদী—  
তথায় মৎস্তের বাস ।...আঃ, কি যাতনা !  
দেহে নয়—মনে এ যাতনা ! পিশানিরো !  
অসহ্য-যাতনা ! তব সে ওষধি সেবি ।

(পেট-মধ্য হইতে ওষধি সইয়া সেবন করিল)

গিদেয়িয়াস । এত বলি—তবু কিছু বলে না আমার ।  
বলে, শুধু মন্দভাগ্য ! বোর অবিচারে  
পথচারী, ব্যথায় কাতর ।  
আভিরেগাশ । এক কথা ।  
যত বলি, বলে, সব কবো অস্ত্র দিন ।

বেলারিয়াস । চলো বনে, ঘোর বনে !...  
আসি বৎস, তবে ।

ক্ষণেক একেলা রহা—করোগে বিশ্রাম ।  
আভিরেগাশ । বেশী দূরে যাবো না কো ।  
অস্থখ করো না ।

বেলারিয়াস । সাবধান ! আজ তুমি সাজিবে গৃহিণী ।  
ইমোজেন । স্তম্ভ বা অস্তম্ভ রহি—সাদিব সে কাজ ।  
বেলারিয়াস । তুমি আপনার জ্ঞান ।

[ ইমোজেনের প্রস্থান ]

যত দুঃখ পাক, এ কিশোর উচ্চবংশে লভেছে জনম ।  
আভিরেগাশ । কি স্তম্ভের গান গায় ।

রন্ধনে নিপুণ ।

গিদেয়িয়াস । আনাজ কোটায় বেলো—রান্নাবান্না এত  
কোথায় শিখিল, ভাবি । যাহা কিছু রাঁধে,  
খাবামাত্র পরিপাক ! ঘটে না বালাই ।

আভিরেগাশ । হাসি-মুখ সব-ক্ষণ—তবু হাসি ভেদি  
বেদনা খসিয়া ওঠে একান্ত নীরবে ।  
হাসিতে সে শ্বাস যেন ভারী লজ্জা পায় !  
স্বপ্নপট প্রকাশ—কিন্তু চকিতে মিলায় ।

বিধাতার অবিচার ! কিশোর ললাট  
যাতনার ঝড়ে হয় কুঞ্চিত মলিন !  
গিদেয়িয়াস । দেখিয়াছি, ব্যথা আর ধৈর্য্য দুই মিশি—  
কিশোর ও-চিহ্নটিকে করেছে মলিন ।

আভিরেগাশ । ধৈর্য্য তার সব ব্যথা লউক মুছিয়া !  
ব্যথার জীর্ণতা ঘুচি হউক নবীন,  
শ্রাম-কিশলয়ে পূর্ণ হৃদয় উহার !

বেলারিয়াস । এসো বৎস ! বেলা বাড়ে...

কে আসে হেথায় ?

ক্রোটেনের প্রবেশ

ক্রোটেন । কোথা গেল পলাতকগুলা ? সে দুর্জন ?  
পরিহাস করিল আমারে যেবা ? বড় ক্লান্ত !  
বেলারিয়াস । পলাতকগুলা ! সে কি মোরা ?

এ যে দেখি...

ঠিক, ঠিক, ভুল নাই, ঠিক চিনিয়াছি ।

ক্রোটেন ! ক্রোটেন ! রাজ্ঞী-পুত্র ! কি রহস্য  
নিহিত ইহাতে ।...বহুকাল দেখি নাই,  
তবু চিনিয়াছি । কেহ নয়, ক্রোটেন এ ।

মোদেরে ভেবেছে, বনচর দস্যু !...যাও ।

গিদেয়িয়াস । একা, দেখি । যাও দৌঁহে করহ সন্ধান—  
আরো কে কোথায় আছে সাথী । যাও, যাও...  
আমি একা লক্ষ্য রাখি ইহার উপর ।

[ বেলারিয়াস ও আভিরেগাশের প্রস্থান ]

ক্লোটেন। শান্ত, দেখি! কে হে বাপু, তাড়াইয়া ফেরে।  
মোর মত জনে হেন হেথা আর হোথা?  
এত স্পর্ধা বনবাসী ইতর জনের!  
এ সব ব্যাপার মোর জানা আছে চের।  
কে তুই দাসীর পুত্র?

গিদেদরিয়াস। বাক্যে পরিচয়।

ভাষায় উত্তর দিলে, আমি নীচ হবো।

ভাষা নয়—এ প্রশ্নের উত্তর আঘাতে।

ক্লোটেন। চোর তুই! দস্যু তুই! ভাস্কিস আইন!

ধরা দিতে হবে তোরে—জোড় কর হাত!

গিদেদরিয়াস। কে তুই—তা শুনি! হেন দর্পিত বচন!

কেন ধরা দিব? মোর আছে ছুই হাত—

তোর ও হাতের মত! সব সে সমান।

শুধু তোর কথাগুলো বড়-বড় শুনি।

বাক্য কহি না কো! বাক্য জানি নাকো বেশী।

কথা জানি নাকো আমি অজ্ঞবিজ্ঞা জানি।

অত বড় কথা—তার প্রদানি উত্তর

অস্ত্রে চিরদিন। মূর্থ, বলু, শীঘ্র বলু—

কে তুই—করিব তোরে আত্মসমর্পণ?

ক্লোটেন। কি! চিনিস না! পোষাক দেখিস চোখে!

গিদেদরিয়াস। দর্জীর তৈয়ারী উহা!

পোষাক দে রেখে!

কি নাম? কে তোর পিতা? কেবা পিতামহ?

কে দর্জী পোষাক এই দিয়েছে বানায়ে?

তোরে সে বানায় নিকো—এ কথা নিশ্চয়।

ক্লোটেন। এ পোষাক মোর দর্জী করেনি তৈয়ার।

গিদেদরিয়াস। ধার করা! বুঝিয়াছি।

যা এখন ফিরে।

যে তোরে পোষাক দেছে—তারে ধন্যবাদ

দ্বিগে ফিরে—এ পোষাক তোরে না মানায়!

বাক্যবীর খাড়ি বোকারাম!

ক্লোটেন। রে নফর,

নাম মোর যদি বলি—কাঁপিব ভীষণ!

গিদেদরিয়াস। কি নাম সে?

ক্লোটেন। ক্লোটেন—ক্লোটেন। শুনেছি?

গিদেদরিয়াস। ক্লোটেন! তাহলে আরো দুই, খুব দুই!

ও নামে কাঁপিব, হেন দেহ ধরি না কো!

এর চেয়ে নাম তোর হতো যদি ব্যাঙ—

মাকড়সা অথবা সাপ—তবে কাঁপিতাম!

ক্লোটেন। তবু ভয় নাই?

গিদেদরিয়াস। শ্রদ্ধা যাহাদের 'পরে—

তাহাদের করি ভয়—অন্ত জনে নয়।

তোর মত মৃত হেরি হাসি পায় মোর।

ক্লোটেন। মরু তবে! আগে তোরে মারি, তার পর  
হাসি-টিটকারী করে পলায়েছে যারা,  
তাদের দেখিয়া লবো! রাজার আশ্রয়  
আমি! মশ্‌করা করা—গাখ শান্তি তার।

[যুদ্ধ করিতে করিতে উভয়ের প্রস্থান]

বেলারিয়াস ও আর্ভিরেগাশের পুনঃপ্রবেশ

বেলারিয়াস। সাথী কেহ নাই?

আর্ভিরেগাশ। কেহ নাই—কেহ নাই।

আপনার ভুল হইয়াছে, পিতা।

বেলারিয়াস। হবে।

দীর্ঘকাল দেখি নাই। কিন্তু তবু ভাবি,

সেই সব রেখা—কাল মুছিব কি তাহা?

এমন জড়তা স্বরে! কথার ভঙ্গিমা—

নয়নের দৃষ্টি—না, না,—হেন ভুল হবে!

ভুল নয়—নিশ্চয় ক্লোটেন! সব সেই!

আর্ভিরেগাশ। হেথা হতে গেছে দৌহে! কি যে হবে!

দাদা তারে দিবে শিক্ষা—আস্পর্ধা যেমন!

তুমি না বলিলে,—ভারী হ্রস্ত!

বেলারিয়াস। পশু যেন!

বুদ্ধি নাই—যুক্তি নাই তাই! ভয় নাই—

বুদ্ধি-যুক্তিহীনে কোন শঙ্কা থাকে না তো।

এই হেথা আসে ভব লাভা!

ক্লোটেনের মৃগ হস্তে গিদেদরিয়াসের প্রবেশ

গিদেদরিয়াস। তার শির—

বাক্যের বৃদ্ধ—কাজে মহাশূন্য পুঁজি।

বীর হাকু লিশ হারে এর মাথা নিতে।

যেহেতু মাথটা এর—এ তো মাথা নয়—

শুধু বাক্যভাণ্ড! শির নাহি লইতাম!

মোর শির নিতে এলো—তাই এই গতি!

বেলারিয়াস। লবু পাপে গুরুদণ্ড! সে কি করেছিল?

গিদেদরিয়াস। অতি-স্পর্ধা—সহিতে না পারি তার।

রাজীর তনয়—তাহে ছিল নাকো ক্ষতি।

মোরে কয়, দস্যু আমি, বিশ্বাসঘাতক—

শুধু মোরে নয়, পিতা—তোমারেও কহে

এমন স্পর্ধিত বাক্য! করিছ নিষেধ

বার-বার—তবু দুই কথা না মানিল,

জীর কটুভাষে গালি দিল সর্বজন!

বলিল, কাটিবে শির—করিবে না ক্ষমা।

অমিতে লাগিল অসি—পড়িল চকিতে!

চোখের পলক-পাত—তাও সহিল না!

বেলারিয়াস। বিপদ ডাকিলে শান্তি-নীড়ে!



গিদেৱিয়াস।

কেন পিতা,

এত সকাঁতর ? এ ভয় কিসের লাগি, কহ !

হারাতে যত্নপি কিছু হয়—কি হারাবো ?

স্পর্ধা-ভরে কহিল সে—রাজদ্রোহী মোরা—

কাটিবে মোদের শির ! দিল আরো গালি !

হেন দুষ্টে কি বলিয়া করিব মার্জনা ?

মোদের বিচার-ভরে আসিয়াছে যেন—

বিচার ও দণ্ড—হুই দিবে নিজ হাতে !

কেন গালি ? কেন মিছা দিবে অপবাদ ?

আইন ভেঙ্গেছি কোথা ? কি করেছি দোষ ?

সঙ্গী-সাথী দেখিলে কোথাও ?

বেলারিয়াস।

কেহ নাই।

তবু মনে লয়, সাথী আছেয়ে প্রহরী !

কিন্তু ভাবি, কি উদ্দেশ্যে এ দূর বিজনে

এলো দুষ্ট কোন্ মন্ত কোঁতুল-বশে ?

আমি বেঁচে আছি—সেথা এ কথা হয়তো

রাজ্যমাঝে প্রচারিত। তা বলিয়া হেথা

এ বিজন গিরি-বক্ষে করিতেছি বাস—

এই বার্তা ভাবি, যাবে কেমনে সেথায় ?

যে বার্তা শুনিয়া দুষ্ট আসিল হেথায়

রাজার বিপক্ষ-জনে দণ্ড দিইবারে !

তবু কোনো বিপত্তি যদি বা ঘটে—

শির-হীন দেহ তার ! তাই ভয় হয়।

আর্ভিরেগাশ। কোনো ভয় নাই, পিতা।

পাপী প্রাণ দেহে।

উচিত—উচিত কার্য্য করেছি সাধন।

বেলারিয়াস। মৃগয়ায় রুচি আজি নাই মোর, বৎস।

হোথা পীড়িত সে ফাইডেল, ব্যথাতুর।

গিদেৱিয়াস। যে অসি আমার শির নিতে তুলেছিল,

সে অসিতে নিছি তার শির। এই শির

গিরি-বক্ষে ফেলি। নির্য্যতের জলে ভাসি

কোথায় নামিয়া যাবে ! মন্ত্রকুল সেথা

রাজ্যপুত্র ক্রোটেনের শির লবে লুকে।

[ প্রস্থান

বেলারিয়াস। ভয় হয়, এ সংবাদে আসে যদি রাজ্য

সশস্ত্র সেনানী লয়ে—বাধিবে উৎপাত !

না, এ অত্মায় নয়—সমুচিত কাজ !

পলিডোর, এই শৌর্য্য বাধানি তোমার।

আর্ভিরেগাশ। এ শৌর্য্যে হতেছে ঈর্ষা !

যদি মরিতাম,

আনন্দে-গরবে বুক হতো উজ্জ্বলিত !

রাজ্য যদি বনে আসে সেনা-বল লয়ে—

আমি আছি—মিটাইব সময়ের সাধ !

বেলারিয়াস। ভালো ! ভালো ! মৃগয়ায় ছুটী থাক আজ !

বিপদ খুঁজিয়া ফেরা—আজ আর নয়।

কোনো লাভ নাহি তার ! চলো গৃহ-গৃহে।

তুমি রাঁধো অন্ন আজ ফাইডেলের সাথে ;

আমি হেথা রহি—ফিরে আসুক গিদেৱি—

তারে লয়ে ফিরি—হবে একত্র ভোজন।

আর্ভিরেগাশ। ফাইডেল—পীড়িত সে।

আমি গৃহে ফিরি।

পাণ্ডুর আনন হয়ে, বিবর্ণ কপোল !

ক্রোটেনের রক্ত যদি ফিরে পাওয়া যেতো

কপোল-লালিমা তার—কত সুখ হতো !

[ প্রস্থান

বেলারিয়াস। হে দেবি বনানি—মরি, নিজ-হস্তে তুমি

কি অতুল স্খাময় চিত্ত গড়িয়াছ

হুই রাজ-কুমারের ! শাস্ত বীর ধীর—

ছুটি ভাই যেন তব বায়ুর দোলায়

কোমল-কুসুম ছুঁয়ে বর্ণ-সুসমায়

পরিমলে জাগায় তাদের ! মহাপাপী

দগ্ধিত সে মহীকূহে ঝটিকা তুলিয়া

নিমেষে সমূলে করে উচ্ছেদ-সাধন !

দেহে আছে রাজ-রক্ত ! নিজের গরবে

দাঁড়াইয়া আছে যেন দীর্ঘ দেবদারু

উচ্চশির, কি সরল—বাঁকা-চোরা নয়—

সারা উপত্যকা-ভূমি প্রপতি জানায় !

পরিচয় নাহি জানে—তবু এ কি মায়া,

অজানা শক্তি কি এ রাজ-মহিমায়

বিকশিয়া তোলে চিত্ত, গরিমার রাগে !

ভদ্র, শিষ্ট, সম্মম-মর্যাদা নিজ 'পরে—

আপনাতে এমন বিশ্বাস-নিরভর—

হেন শৌর্য্য ! স্পর্ধা হেরি বহিসম জলে !

তবু কি সমস্তা ঘোর—এ বিজন বনে

ক্রোটেন আসিল কেন, বৃথিতে না পারি।

কে জানে, উৎপাত কিবা আসে তার সাথে—

উপদ্রব, গুচ্ছ কোন বিপত্তি ভীষণ !

গিদেৱিয়াসের প্রবেশ

গিদেৱিয়াস। ভাই কোথা গেল ? ক্রোটেনের শির

ভীষণ গহবরে পিতা, করেছি নিক্ষেপ—

গেভুয়ার মত যাক জলশ্রোতে ভাসি

রাজ্যের নিকটে শির—পুত্র-বার্তা লয়ে—

স্পর্ধার কি পরিণাম, জানাইবে ভালো !

হুইতো দেহের বার্তা মাগিবেক রাণী !

( নেপথ্যে গম্ভীর বাতধ্বনি )

বেলারিয়াস। মোর বাজ—তাহারি নিরুণ গুনি এ যে !

কি আশ্চর্য্য পলিডোর, এ বাজ বাজায়  
কডওয়াল স্তম্ভিত ! কেন সে বাজায় ?

গিদেরিয়াস। সে কি গৃহে আছে ?

বেলারিয়াস। এইমাত্র গেছে গৃহে ।

গিদেরিয়াস। এ বাজের অর্থ কিবা ?

অস্তিম-বিদায়

মায়ের ষটিল যবে—সেই দিন হতে  
এ বাজ নীরব আছে—রব তোলে নাই !  
আজ পুনঃ বাজে কেন ? কি অর্থ ইহার ?  
যেদিন বিজয়-লাভ—কিষা বেদনায়  
আর্ত প্রাণ আকুল কাতর—সেই দিন  
বাজে বাজ—অর্থ বৃষ্টি । নহে অকারণ  
বাজের নিরুণ—মুচু খেলা অল্পমানি !  
কডওয়াল উন্মাদ হলো ?

[ মৃতবৎ ইমোজেনকে বহিয়া আভিরেগাশের  
পুনঃপ্রবেশ ]

বেলারিয়াস। এই হেথা আসে। ও কি—

কারে বহি আনে ?

বেদনার আর্তরব বাজে গুনি তাই !

আভিরেগাশ। পাখী নাই ! উড়ে গেছে !

কত কথা ভাবি,

এ মনে কত পে স্বপ্ন রচেছিল হায় !

বেলারিয়াস। এ দৃশ্য দেখার পূর্বে বৃদ্ধ আঁখি মোর,

দৃষ্টি মোর বিলুপ্ত হলো না কেন, হায় !

গিদেরিয়াস। ওরে গুপ্ত পদকলি, কেন বরে গেলি !

এ কি মূর্তি ! এই দৃশ্য কেমনে সহিব !

বেলারিয়াস। ছুঃখের কি সীমা আছে !

কোথা দিয়া আসে,

কখনু কি বেশে—তার কিছু বৃষ্টি নাকো !

তল নাই, কুল নাই—উত্তাল পাথার !

নিমেষ-বিরাম কভু দিবে না মানবে—

তরঙ্গে তরঙ্গে শুধু ধয়ে আসে বেগে—

চারি দিক হতে ছায়—সকলি ডুবায় !

এ বালক এত ভালো—হেন মধুময়—

কোথা গেল পাণ্ডু দেহ মরণে মলিন ?

আভিরেগাশ। জ্বাখো, জ্বাখো, জ্বাখো, মুখে

হাসির রেখাটি

অধর ছাপিয়া আছে ! সত্যই মরণ ?

না, না ! আরামে ঘুমায়। তাই ! নয় পিতা ?

ঘুমবোরে অচেতন দেখিছু শয্যায়।

গিদেরিয়াস। কোথা ?

আভিরেগাশ। ভূমি-পরে—হাত ছুটি বৃকে রাখা।

ভাবিছু, ঘুমায় বৃষ্টি। পাছে ঘুম ভাঙ্গে,

চরণ-পাছুকা খুলি আঁত ধীরে ধীরে

রাখিলাম এক পাশে ; তবু মনে হলো,

পাছুকা-রক্ষার ধ্বনি তীক্ষ্ণ—ভাঙ্গে ঘুম !

গিদেরিয়াস। ঘুমায় বালক ! কিন্তু বৃক কেন কাঁপে !

যদি সত্য তাই হয় ? যদি...যদি...পারিব না,

মাটি খুঁড়ি তার তলে রচিতে শয়ন !

ঘুমাবে বনের বৃকে আকাশের তলে—

বাতাস বহিয়া যাবে ও অঙ্গ পরশি—

নন্দন-অঙ্গরীদল আসিবে নামিয়া

এই বনে—এবে ঘিরি গাহিবে সঙ্গীত—

মাটির সে কালো কীট নারিবে স্পর্শিতে !

আভিরেগাশ। কত দিন বেঁচে রবো, ওরে প্রিয় সাথী,

নিমেষের-পাওয়া ভাই, তোর শয্যা'পরে

নিভা আনি বরষিব এ বনের ফুল—

যত পাবো, সব দিব ! তোর অঙ্গ ঘিরি

ফুলদল রবে সদা পরশিয়াতোরে !

ও মুখে, ও চোখে তোর দিব প্রিমরোজ—

মুখের মাদুরী তায় ! হের্যাবেল ঢালি—

ও তোর শিরার সম বর্ণের স্বধামা !

এগ্‌লানতি-পল্লব দিব অপূর্ব সুরভি—

তোমার নিখাস-বান্ধু-সম গন্ধবাহী !

আরো, আরো কত ফুল রাখিব ছাইয়া !

আনিব শৈবালদল শীতের সময়—

বনে ফুল যবে নাকি ফোটে !

গিদেরিয়াস। কথা রাখো।

মিছা স্তোক ! এ কথায় সাড়া নাহি দিবে।

মিছা মায়া—যত দেখি, তত ব্যথা বাড়ে।

চলো ! ভূমি-তলে পুপে রচিব শয়ন—

কবর-সমাধি—সেই যোগ্য নীড়, ভাই—

বৃথা-বাক্যে কাদক্ষেপ—এ যে অকারণ !

আভিরেগাশ। কবর রচিবে কোথা ?

গিদেরিয়াস। মার পাশটিতে।

আভিরেগাশ। তাই হোক ! মা যে দিন চলে যান,

ভাই,

সেদিন ব্যথায় খেঁচি গান গেয়েছিল

ছুটি ভাই—সেই গান গেয়ে নিয়ে যাবো—

শুধু মার নাম স্মরি, ফাইডেল-ভায়ে !

গিদেরিয়াস। আমি গাহিব না ভাই।

শুধু অশ্রু ঢালি।

ব্যথায় প্রাণের সুর—যদি মিথ্যা হয় !

আভিরেগাশ। গান নয়—কথা কহি—এর কথা কহি।

বেলারিয়াস। বড় ছুখ—বড় ব্যথা—ক্লোটেনের কথা

মন হতে করিয়াছে দূর। তবু মনে রেখো,

ক্লোটেন রাণীর পুত্র—শত্রু সে যতপি—

তার হইয়াছে শেষ। এখন সে শব—

ঘণার সামগ্রী নয়—সম্মান উচিত।

প্রাণ দেছে তব হাতে—লাঞ্ছিত সে প্রাণ

তবু মৃত্যু-পরে তার সমাধি বিহিত,

রাণীর পুত্রের যোগ্য—সম্মানের সহ।

সম্মানে কবরিত করো তার দেহ।

গিদেরিয়াস। হেথা—হেথা আনো দেহ—

করি সমাহিত।

যেথা হোক—মাটি-চাপা দিলেই চলিবে।

আর্ভিরেগাশ। তুমি দেহ আনো। পিতা, মোরা

গাহি গান।

ধরো দাদা...

[ বেলারিয়াসের প্রস্থান

গিদেরিয়াস। আমি বলি, পূরব-শিয়রী

উহারে শোয়ানো বাক! কিছু হেতু আছে—

পিতা ভাই বলিলেন।

আর্ভিরেগাশ। সত্য কথা, ভাই।

গিদেরিয়াস। এসো, নিয়ে যাই দৌড়ে।

আর্ভিরেগাশ। তুমি ধরো গান।

( গান )

গিদেরিয়াস। তপন-তাপে তব আজিকে নাহি ভয়,

শঙ্কা রহিবে না—তুষার-করকায়!

জীবনে যত কাজ আজিকে হলো সারা,

পাথের লয়ে চলো আপন-কুলায়!

রতন সোনা-মণি,—পাষণ যত কিছু—

শেবে সে জানি, সব মিলাবে ধূলায়!

আর্ভিরেগাশ। বড়র রোষে রাঙা আঁখিতে নাহি ভয়—

সেথা না পশে রোষ—চলিলে যেথায়!

ভোজন-বসন—কাতর করিবে না;

অসম গেছে মুছে তরুভে-লতায়!

মুকুট মণিময়—জ্ঞানের শিখা শিরে—

ইতর জন-সনে সমানে লুটায়!

গিদেরিয়াস। চপলা-শিহরণে আজিকে নাহি ভয়;

আর্ভিরেগাশ। কাঁপন জাগাবে না অশনি-ধ্বনিময়!

গিদেরিয়াস। শ্রানি ও কুৎসা—পরশিবে না;

আর্ভিরেগাশ। বিদায় দেহ তুমি পুলকে-বেদনায়!

উভয়ে। সরস প্রেমে প্রাণ,—তরুণ, নহে শ্রান,—

তারাও একদিন ঝরিবে এ-ধূলায়!

গিদেরিয়াস। অহিত-সাধনে শক্তি খর্ব!

আর্ভিরেগাশ। দলিত কুহকী মায়া'র গর্ব!

গিদেরিয়াস। ভূত-প্রেত পাশে আসিবে না কো!

আর্ভিরেগাশ। বিজনে শ্রীমল ছায়াতে থাকো!

উভয়ে। অমৃত লোকের তরুণ যাত্রী—

পূণ্য সমাধি হোক দিবস-রাত্রি!

( ক্লোটেনের দেহ বহিয়া বেলারিয়াসের পুনঃপ্রবেশ )

গিদেরিয়াস। সাধিত অস্তিম ক্ষুভা! সমাহিত দেহ।

বেলারিয়াস। ফুল আনি—মধ্য রাত্রে

আরো সে আনিব।

আরো ফুল, বহু গুচ্ছ শিশিরে ভিজিয়া

রাশি রাশি জাগায়ে তুলিবে—তাহা আনি।

কবরে দিব সে ফুল—আননের পরে।

ফুল সম ফুটে ছিল—গিয়াছে ঝরিয়া!

সে ফুল ফুলের মত রাখি এ তনুতে।

এসো, এসো—জানু পাতে—যে-ধরার বুক

প্রথম দেখিল দেখা—সেথায় বিরাম।

সুখ, ছুখ, ব্যথা, হর্ষ—আজি তার শেষ।

[ বেলারিয়াস, গিদেরিয়াস ও আর্ভিরেগাশের প্রস্থান

ইমোজেন। ( জাগিয়া ) হাঁ! মশাণ, মিলবেফার্ড—

কোন পথে জানো?

ধনুবাদ। ও-বনের পরে? কত দূর?

ঘন বন! তিন ক্রোশ হবে—তাই নয়?

সারা রাত্রি হাঁটিয়াছি।... চলে না চরণ।

মনে হয়, ভূমিতলে লইব শয়ন।

না, না, একা... ঘুমে ভরে আসে দুই আঁখি—

হেথা যদি নিদ্রা দিই... স্বর্গের দেবতা—

ফুল... ফুল... ধরণীর আনন্দ লহরী!...

রক্তমাখা কার দেহ... করে কলুষিত!

স্বপ্ন দেখিতেছি আমি! মনে হয় যেন,

গিরি-গুহা মাঝে বাস সৃজনের সাথে।

অন্ন পাক করা চাই! কিন্তু কই গুহা?

এ কি, এ গুহার স্বপ্ন কেন আমি দেখি!

মনে ভ্রান্তি! নয়নেও হেন ভ্রান্তি ঘোর!

কি জানি, কি ভয়ে যেন কাঁপে মোর প্রাণ!

স্বর্গে যদি এতটুকু করুণার রেশ

থাকে আজো, হে দেবতা, বরিষ এ শিরে।

এখনো স্বপ্নে যেন হয়ে আছি ভোর!

কিন্তু এ তো স্বপ্ন নয়... নয়নের আগে

এ কি এ! কাহার দেহ? শির নাহি দেখি!

এ কি বেশ! এ যে—এ যে আমার স্বামীর!

সে চরণ-ছাঁদ আমি—সে যে জানি ভালো।

এ-হাত তাঁহারি—তার কোন ভুল নাই!

এ চরণ—হা বিধাতা...মুখ নাহি দেখি !  
অপমৃত্যু দেবতার ! এই কি লিখন !  
নাই ! নাই ! নাই ! ওরে সব ব্যর্থ হলো !  
পিশানিয়ো, মিথ্যাবাদী, নির্ধূর নির্মম—  
মোর তপ্ত পরাণের রক্ত অভিষাপ  
লাগে তোরে ! বিশ্বাসবাতক—ক্রুর দস্তা  
ক্লোটেনের অর্থে বশ—প্রভুহত্যা তাই  
বাধে নাই ! চলনায় ভুলাইল মোরে !  
পিশানিয়ো, পিশানিয়ো, ওরে অরুতজ্ঞ—  
না, না, স্বামী, স্বামী, ওগো দয়িত আমার—  
বেশ ! এ কি শয্যা—কে ইহা রচিল !  
আমারে আনিল কেবা হেথা তব পাশে !  
সে ওষধি—সেই ! সেই ! দিল পিশানিয়ো—  
তার স্পর্শে এ ভুবন হারায় চেতনা !  
নিমেষে মিলালো কোথা ? সব বুঝিয়াছি ।  
পিশানিয়ো হইয়াছে ক্লোটেনের সাথী—  
হুই জনে সাধিয়াছে নারকীর কাজ !  
স্বামী ! স্বামী ! ওগো মোর জীবন-দেবতা !

( দেহের উপর পতিতা হইল )

( লুশিয়াস, কাপ্তেন, অল্প কর্মচারিগণ ও একজন  
গণংকারের প্রবেশ )

কাপ্তেন । গ্যালিয়ার সেনাদল প্রভুর আদেশে  
সমুদ্র উত্তরি আজি মিলিত হেথায়  
মিলফোর্ড হাভেনের এই ঘন বনে ;  
রণপোত সকলি প্রস্তুত ।

লুশিয়াস । রোমের সংবাদ কিবা ?

কাপ্তেন । কারাকুদ্ধ সর্বজননে মুক্তি দেছে সভ্য ।  
ইতালীর ভদ্রজন—সেনানী সকলে  
ইচ্ছা-বশে এ সমরে । আয়াকিমো আসে  
তাদের নায়ক সাথে—সিয়েনা-সোদর ।

লুশিয়াস । প্রত্যাশা কখন করো ?

কাপ্তেন । সুপবন-সাথে ।

লুশিয়াস । তাহাদের এ আগ্রহে আরো শক্তি পাই  
আশা আরো দৃঢ় হয় ! করহ আদেশ,  
অচিরে সকল সেনা হোক সমবেত ।  
যতেক নায়ক হোক কর্তব্যে জাগ্রত !  
হে গণক, এ যুদ্ধের কি ফল গণিলে ?

গণংকার । গত রাত্রে দেবগণ সবে দেখায়েছে—  
যা ঘটবে ; উপবাসী করেছি সাধন !  
দেখি পাখী—পশ্চিম প্রান্তে জলরাশি হতে  
উঠিল । জোভের পাখী—রোমান ঈগল  
তার রূপ ধরি—মিশে রবিছটা মাঝে !

তার অর্থ (মোহে জ্ঞান না হলে মলিন)  
বুঝিয়াছি, রোমানের জয় !

লুশিয়াস । সত্য স্বপ্ন ।

মিছা এ হবার নয় ! কিন্তু এ কি দেখি,  
শির-হীন মৃত দেহ—বৃক্ষকাণ্ড সম  
ভূমি-বক্ষে পড়ে আছে ! ভূষণ দেখিয়া  
অনুমানি, ছিল যেন রাজার প্রাসাদে !  
এ কি—সঙ্গে অনুচর ! দেহে শয্যা রচি  
সেথায় ঘুমায় এ যে ! এ এক বালক !

কাপ্তেন । জীবিত বালক ।

লুশিয়াস । সংবাদ মিলিবে তবে ।

হে বালক, ভাগ্য-কথা কহ তব, শুন ।  
রক্ত-মাখা কার দেহ ? কেবা এই জন ?  
বেশভূষা ভদ্র, দেখি ! কে তুমি ইহার ?  
কেমনে হেথায় এলে ? হেন দশা এর  
কি করিয়া ঘটিল বা ? কে এ ? কেবা তুমি ?  
ইমোজেন । আমি । কেহ নহি—কেহ নহি ।

ইনি প্রভু ।

বীর শূর—ব্রিটেনের গৌরব-ভূষণ !  
বড় বীর শাস্ত ভদ্র—গিরি-বাসী জন  
তুচ্ছ লোভে হরিয়াছে কি মহান প্রাণ !  
হেন প্রভু মিলিবে না—মিলে না কাহারো !  
পূর্ব হতে পশ্চিমেতে—সাগরে ভূধরে  
নগরে অথবা গ্রামে সেবকের কাজ  
সন্ধানি উতল যদি দিকে দিকে ঘুরি—  
হেন প্রভু মিলিবে না কভু । হায় ভাগ্য !

লুশিয়াস । ব্যথা লাগে তোমার কথায় । কিন্তু কহ,  
কি নাম প্রভুর তব ?

ইমোজেন । রিচার্ড দি শাম্প ।

(স্বগত) মিথ্যা কথা—ভগবান এ মিথ্যা ক্ষমিয়ো ।  
কারো কোনো ক্ষতি নাই এই মিথ্যা-ভাষে !...  
কি বলিছ ?

লুশিয়াস । তোমার কি নাম ?

ইমোজেন । ফাইডেল ।

লুশিয়াস । যোগ্য নাম । চিত্ত দেয় সেই পরিচয় !  
হেন ভক্তি, হেন নিষ্ঠা কভু দেখি নাই ।

এ নিষ্ঠা, এ ভক্তি লয়ে সেবিবে আমারে ?  
কাজ নয়—সাথে সাথে সদা রবে মোর ।

তোমার প্রভুর মত প্রভু হয়তো বা  
হবো না—তবুও স্নেহ দিব প্রাণ ভরি ।

সম্রাটের পত্র-বার্তা রবে তব পাশে—  
সে বার্তা বহিবে শুধু ! করিবে এ কাজ ?

ইমোজেন । করিব । তাহার পূর্বে দেহ রক্ষা করি—

কোট বা পতঙ্গ যেন না করে কলুষ  
পুণ্য দেহ! ভূমি খনি রাখিব সেথায়  
ধরণীর বক্ষ-তলে আপদ-বিহীন।  
বন-পল্লবেতে ছেয়ে রাখিব সমাধি;  
রৌদ্র-দাহে ক্লেশ হইবে না—রবে ভালো—  
সেথায় আমার দীন প্রার্থনা জড়ায়  
শত শত বরষের কুশল মাগিয়া!  
তবে মোর ছুটি হবে। নয়নের বারি—  
তা দিয়ে ধোয়ায়ে দিব বিমলিন ধূলি—  
তার পরে তব সাথে করিব গমন।  
লুশিয়াস। বেশ, বেশ, তাই করে। শোনো তবে বলি,  
ভৃত্য নহ—পুত্র সম পালিব তোমারে।  
করুণা জাগালে কিবা—মন শুধু জানে!  
বন্ধুগণ, এ বালক শিখালো আমারে  
মামুষের ধর্ম কিবা—পুণ্য কারে বলে!  
করহ সন্ধান সবে পুষ্পময় ভূমি—  
সুকোমল আশ্রয় অস্ত্রপাশে বিঁধি  
সে-ভূমি বিদীর্ণ করি রচহ শয়ন—  
বালকের প্রভু সেথা লভিবে বিরাম।  
শ্লাঘ্য প্রভু বন্দনীয়—এমন সেবক!  
হে বালক, সেনাদল রচিবে সমাধি—  
বীর-যোগ্য বীর-ভোগ্য মৃত্তিকার তলে।  
ধৈর্য্য ধরো—মোছ আঁখি—হয়ো না অধীর।  
এ মৃত্যু মরণ নয়—এ যে জাগরণ  
নবীন জনমে পুনঃ মহিমা-গৌরবে!  
[সকলের প্রস্থান]

## তৃতীয় দৃশ্য

সিথেলিনের প্রাসাদ-কক্ষ

(সিথেলিন, অমাত্যগণ, পিশানিয়ো,  
অমুচরগণের প্রবেশ)

সিথেলিন। যাও পুনরায়। বার্তা লয়ে এসো তাঁর  
[একজন অমুচরের প্রস্থান]

পুত্রে নাহি হেরি হন পীড়ায় কাতর!  
উন্মাদ কাহারে কয়—প্রাণ দিবে এতে!  
বিপদ, বেদনা আসে চারি দিক হতে।  
ইমোজেন—আমার আরাম! নাই—নাই!  
রাজ্ঞী পীড়া-শয়নে শায়িতা এ সময়—  
দ্রুত সমর হবে উত্তত ভীষণ!

রাজ্ঞীর তনয়—তারো নাহিক উদ্দেশ।  
থাকিলে এখন, সহায় হইত কাজে।  
আশার কিরণ-ভাতি—সে যেন মিলায়।  
—ভূমি—ভূমি জানো সে সংবাদ! বলো,  
কোথা গেছে ইমোজেন? এ মৌনতা ভাণ!  
হুজুনের অভিনয়! বলো, কোথা গেছে?  
সহজে না বলো যদি, ও কণ্ঠ নিষ্ঠাড়ি  
সে সংবাদ লবো, জেনো, 'কঠিন পীড়নে।  
পিশানিয়ো। আমি দাস। এ জীবন রাজার চরণে।  
কোথা আছে রাজকন্যা—আমি নাহি জানি।  
সত্য জানি নাকো তাহা, রাজ-অধিরাজ।  
ফিরিবেন কবে—হেথা ফিরিবেন কিনা—  
সে সংবাদ বিন্দুমাত্র আমি জানি নাকো।  
স্বরূপ-বচন কহি—রাজ-অধিরাজ।  
১ অমাত্য। রাজ-তনয়ার যবে না মিলে সন্ধান,  
তখন এ দ্রষ্ট ছিল প্রাসাদ-ভিতরে—  
আমি দেখিয়াছি প্রভু—কথা মিথ্যা নয়!  
ক্লোটেন কোথায়—তার সন্ধানের লাগি  
উদ্যোগের প্রয়োজন নাই! কোথা গেছে—  
আবার ফিরিবে ত্বর।  
সিথেলিন। কাল ভালো নয়।  
(পিশানিয়ো) বন্দী রবে!

সন্দেহ রয়েছে মোর মনে।

২ অমাত্য। গ্যালিয়া হইতে যত রোমান সেনানী  
ব্রিটেনের কূলে প্রভু, আসি পৌঁছিয়াছে।  
শুধু সেনাদল নয়,—রোম ভদ্র যত  
সেনাদলে যোগদান করেছে সকলে।  
সিথেলিন। রাজ্ঞী, রাজ্ঞী-তনয়ের লাগিয়া অধীর।  
আকুল আমার চিত্ত! বিশ্বয়ের কথা!  
১ অমাত্য। ব্রিটেনের আয়োজন—তাহা তুচ্ছ নয়।  
সমগ্র প্রজার দল স্বাধীনতা-কামী,  
ধন-মান-প্রাণ তুচ্ছ করিতে আকুল—  
দ্বিধাহীন, ভীতিহীন মাগিছে আদেশ।  
সিথেলিন। ধন্যবাদ প্রজাগণে। বিদায় এখন।  
সমর-উদ্যোগ চাই পূর্ণ মন-প্রাণে।  
রোমে নাহি করি ভয়—কি করিবে রোম?  
হেথা যা বটছে—তায় গণি অকুশল।

[পিশানিয়ো ব্যতীত সকলের প্রস্থান]

পিশানিয়ো। রাজ-তনয়ারে হত্যা! পালিত আদেশ—  
এ সংবাদ দিয়াছি প্রভুরে। সেই হতে  
বার্তা আর পাই নাই। এ বড় আশ্চর্য্য!  
দেবীসে সংবাদ নাই! কথা ছিল, তিনি

সংবাদ দিবেন মোরে । ও-ধারে ক্লোটেন—  
তার কি-বা হলো—তাও কিছু জানিনেকো !  
সমস্তা জটিল দেখি ! নিয়তির লেখা  
ফলিবে—মুহিতে তায় শক্তি কাহার !  
মিথ্যা কহি—ছল করি—পাপ করি নাই—  
আমার সাধনা তাই ! সম্মুখে সমর !  
দেশ আছে ; দেশ-মাতা—সন্তান তাঁহার ।  
সন্তানের ব্রত আমি করিব পালন ।  
দেশ ! ভালোবাসি—তার দিব পরিচয় ।  
রাজা রাজা—তাঁর রাজ-পতাকা বহিব—  
তাঁর অপরাধ-ক্রটি সকলি ভুলিয়া ।  
রাজার বিজয়ে জয়, পরাজয়ে হার ;  
জীবনে জীবন, তাঁর মরণে মরণ—  
আজি হতে এই ব্রত পালিব নিষ্ঠায় ।  
সংসার বিষয়-বাষ্প—রাখিব না মনে ।  
ঘে-ভরণী এলো আজি মানসের কূলে,  
তাহাই বহিব—দেখি, কোথা চলে ভাসি ।

[ প্রস্থান

## চতুর্থ দৃশ্য

গুহা-সম্মুখ

( বেলারিয়াস, গিদেরিয়াস ও আর্ভিরেগাশের প্রবেশ )

গিদেরিয়াস । চারিদিকে কোলাহল !  
বেলারিয়াস । দূরে...দূরে চলো ।  
আর্ভিরেগাশ । বিপত্তি-বিরোধ হতে দূরে সরে থাকা  
—জীবন তাহাতে হয় সুখহীন !  
গিদেরিয়াস । পিতা,  
কোথায় লুকাবে, বেলো ? নিশ্চয় এ পথে  
রোমান, ব্রিটন নয় হান। দিবে ভরা ;  
যে আসিবে, প্রাণ লবে ভাবি বন-চারী  
অথবা বর্ধর...নয় ভাবি রাজদ্রোহী !  
কোনো পক্ষ দিবে না ছাড়িয়া ।  
বেলারিয়াস । বৎসগণ,  
নিরাপদে রহিবে সেখানে । রাজা-সনে  
মিলন সম্ভব নয় ।...ক্লোটেনের হিন্ন  
শির—তার কৈফিয়ৎ দিতে হবে, জেনো ।  
হেথায় বিজন বনে কেহ নাই আর—  
ক্লোটেনের জীবনের দাম দিতে হবে  
তোমাদের প্রাণ-পুষ্প-বিনিময়ে বৎস,  
কত নির্যাতনে হবে সে মরণ, ভাবি !

গিদেরিয়াস । এ কথা তোমার যোগ্য নহে কদাচন ।  
এই গুপ্ত গৃহ-বাসে লজ্জা লাগে প্রাণে ।  
আর্ভিরেগাশ । রোমান সৈন্তের অধ-হেয়ারব-মাঝে  
অস্ত্রের বন্ধার তীর—সমর-ছন্দার—  
রাজ-সৈন্ত দিশাহারা ! এত কোলাহল—  
আর কোনো দিকে দৃষ্টি ফিরিবে না তার,  
কোথায় ক্লোটেন মরে—কে মারিল তারে—  
এত চিন্তা জাগিবে না । মিছা ভয়, পিতা !  
বুধা গিরি-শিরে চড়া আশ্রয়ের লাগি—  
সে-গুপ্ত সময়-ক্ষেপ । নাহি প্রয়োজন ।  
বেলারিয়াস । আমায় যে জানে সবে—চেনে সেনাদল ।  
ক্লোটেন বালক তবে—সে কথা ভুলিনি ।  
রাজা মোর পরিচয় জানে না সঠিক—  
নিরাসনে পাঠায়েচে ! তাই ভয় বাসি ।  
গিদেরিয়াস । মোদের জানে না কেহ ।

মিলি সেনাদলে

চলো পিতা—কেহ আজি চিনিবে না তোমা ;  
কোনো প্রশ্ন তুলিবে না ।

আর্ভিরেগাশ । যাবো, তাই যাবো ।  
সমর-উল্লাস করে বলে, দেখি, সাধ !  
অস্ত্রে অস্ত্রে প্রাণ যায়—না জানি কেমন !  
মুগয়া করেছি গুপ্ত বস্ত্র পশু লয়ে ;  
মানুষ-মুগয়া লাগি রক্ত নেচে ওঠে  
বীরের—গুনেছি পিতা, তোমার শ্রীমুখে ।  
বড় সাধ, করিব সমর । দাঁও, দাঁও  
অনুমতি, পিতা ।

গিদেরিয়াস । যাবো ছই তাই মিলি ।  
করো আশীর্বাদ পিতা, দাঁও অনুমতি ।  
রোমানে হারাবো, নয় রণে দেবো প্রাণ—  
জীবনে-মরণে পাবো বীরের গৌরব ।

আর্ভিরেগাশ । দাঁও, দাঁও অনুমতি ।  
বেলারিয়াস । এত যদি সাধ,  
বেশ, তাই হবে । আমি সূর্য সন্মতি  
দিলাম দৌহারে, বৎস ! স্বদেশের লাগি  
সমরে শয়ন যদি,—সে শয়ন মোর !  
বিজয়-গৌরব—হোক আমার গৌরব !  
( স্বগত ) রাজ-রক্ত—কে তাহারে

রাখিবে রুধিয়া ?

বীর-অভিमानে তাহা ধমনী বহিয়া  
উল্লাসে নাচিবে মত্ত দৃপ্ত মাভোয়ারা !  
বীর রাজপুত্র—তার পরিচয় রণে !

[ সকলের প্রস্থান

## পঞ্চম অঙ্ক

## দ্বিতীয় দৃশ্য

## প্রথম দৃশ্য

রুটেন—রোমান শিবির

( রক্তমাখা রুমাল হস্তে পশখামাসের প্রবেশ )

পশখামাস। রক্ত-মাখা এ বসন—সাথে সাথে রাখি !

পরিণীত হে পুরুষ, এ হেন আচার  
সবার বিহিত যদি বুঝিতে কখনো,—  
কত পত্নী হতো আজ এমনি নিহত !  
পিশানিরো, ধন্য তব প্রভু-ভক্তি মানি !  
কোন স্ত্রী পালে হেন প্রভুর আদেশ !  
হায় বিধি, এ দুর্যোগ ঘটবার আগে  
আমার পরাণ যদি নিতে—স্বথ ছিল !  
ইমোজেন বাঁচিত—বুঝিত অপরাধ—  
অমৃতাপে এ পাপের করিত লাঘব।  
ভালোবাসি। তাই বুঝি, যারে ভালোবাসি,  
তার এতটুকু কালি—বিষ লাগে হেন !  
ইমোজেন ! ইমোজেন ! না, না, নাই সে যে।  
বিধির বিধান ইহা ! ভেবে ফল নাই।  
ইতালী-আশ্রিত আজ আমি ইতালীর ;  
ব্রিটেনের ইমোজেন। ব্রিটেনের সাথে  
আজি এ বিরোধ মম ! সতাই অদ্বিত !  
ব্রিটেনের ইমোজেনে হত্যা করিয়াছি !  
কিন্তু না, না, রুটেন আমার শত্রু নয় !  
এই ইতালীর বেশ তাজিব এখনি।  
রুটেন রুটেন-বেশে বরিব রুটেনে—  
ইতালী আমার শত্রু ! আমি রুটেনের।  
ইমোজেন—রুটেন তোমার দেশ, রাজ্য—  
তোমার রুটেন লাগি দিব এ জীবন,  
তোমার লাগিয়া আমি বরিব মরণে।  
তুমি বিষ, তুমি মোর কলঙ্কের কালি—  
তবু তব তরে করি প্রাণ সমর্পণ  
এ আহবে। পরিচয় কেহ জানিবে না।  
তবু মরিবার আগে—বীরত্ব-সাহস,  
কি আছে আমার, তাহা দেখাবো সবায়।  
হে বিধাতা, শক্তি দাও...বিপুল শক্তি !

[ প্রস্থান

ব্রিটিশ ও রোমান শিবির-শ্রেণীর অন্তর্ভুক্ত রণস্থল

[ একদিক দিয়া লুশিয়াস, আয়াকিমো ও রোমান  
সৈন্যগণের প্রবেশ ; অপর দিক দিয়া ব্রিটিশ  
সৈন্যগণ ; তাহাদের পশ্চাতে দীন সেনাবেশে  
পশখামাস। রণাভিযানে, সকলে মঞ্চ ভাগ  
করিয়া গেল। পরে যুদ্ধ করিতে করিতে  
আয়াকিমো ও পশখামাসের প্রবেশ। পশখা-  
মাসের কোশলে আয়াকিমো নিরস্ত ও পরাভূত  
হইল ; পরে পশখামাসের প্রস্থান ]

আয়াকিমো। পাপ-ভারে লুপ্ত মোর সকল সাহস,  
সব বীর্য্য ! এই ভার অতি নিদারুণ !  
সতী নারী—নামে দিছি কলঙ্কের কালি !  
সে-নারী এ রাজ্যের কণা—রাজ-কণা সে যে !  
এ দেশের বায়ু—কেন সে পাপ ক্ষমিবে ?  
নহে এই ক্ষুদ্র সেনা, অতি হেয় জীব—  
আমারে পরাস্ত করে—হেন সাধ্য তার !  
যে শৌর্য্য বীরত্ব-বশে লভেছি সম্মান,  
খেতাব, উপাধি কত—অঙ্গে আজ বিধে,  
হ্রস্ব লজ্জার মত ঘিরিয়াছে মনে !  
ক্ষুদ্র সেনা অনায়াসে করে পরাভব !  
রুটেনের ভদ্রজন যদি বীর্য্য ধরে  
এ হীন সেনার মত—নাই, আশা নাই !

[ প্রস্থান

( যুদ্ধ চলিল। রুটেনগণ পলায়ন করিতে লাগিল ;  
সিথেলিন বন্দীকৃত ; অপর দিক দিয়া বেলারিয়াস,  
গিদেরিয়াস ও আর্ভিরেগাশের প্রবেশ )  
বেলারিয়াস। স্থির হও—দাঁড়াও সকলে !

শোনো কথা।

মোদের বিজয় ! পথে আমাদের সেনা  
রুধিয়াছে চারিধার ! এক পদ গেলে  
প্রাণ দিবে যতেক রোমান।  
গিদেরিয়াস ও আর্ভিরেগাশ। যুদ্ধ করো !

( পশখামাসের পুনঃপ্রবেশ ; সে ব্রিটিশ-পক্ষ  
লইয়া যুদ্ধ করিতেছে ; সকলে সিথেলিনকে উদ্ধার  
করিয়া প্রস্থান করিল। তার পর ইমোজেন সহ  
লুশিয়াস ও আয়াকিমো প্রবেশ করিল )

লুশিয়াস। যাও, যাও হে বালক—যাও হেথা হতে।  
নহে রক্ষা পাবে নাকো তুমি ! যাও স্বরা।  
কেবা অরি, কেবা বন্ধু—না হয় নির্ণয়।

### তৃতীয় দৃশ্য

রণস্থলের অপর পার্শ্ব

পশথামাস ও জর্নেক ব্রিটিশ লর্ডের প্রবেশ

লর্ড। শত্রু যেথা রয়েছে দাঁড়িয়ে—তুমি আসো  
সেথা হতে ?

পশথামাস। তাই আসি। মনে হয় মোর,  
পলাতক-দল হতে তব আগমন !

লর্ড। পলায়ে এসেছি। সত্য তাই।

পশথামাস। নিরুপায় !

অপরাধ নাই তব ! পরাভব স্থির।

এ বিজয়—এ কেবল বিধির রূপায় !

রাজ্য একা—সেনাদল বিপর্যস্ত হবে।

যতেক ব্রিটন, হায়, পৃষ্ঠ দেখা যায়—

পিছনে না চাহে, হবে সন্মুখে পলায়।

দুরন্ত গরবে অরি বলে দেয় হানা,

হু'পান্তে যাহারে পায়, করে অজ্ঞাঘাত।

প্রাণ লয়ে কি নির্ধূর নিশ্চয় সে খেলা !

কেহ অজ্ঞাঘাতে, কেহ ভয়ে বা কাঁপিয়া

প্রাণ দিল ব্রিটেনের সেনা অগণন !

বীর যারা মরণ তাদের ; বেঁচে রয়

পলাতক যত সব কাপুরুষ-দল—

লজ্জার কালিমা মুখে !

লর্ড। কোথায় পলাই ?

কোন দিকে ? কি আশায় কিছুই বুঝি না !

পশথামাস। রণস্থল-পার্শ্বে ক্ষেত্র তৃণ-সুশ্রামল—

কোথা থানা-ডাবা—এই সুবন্ধুর পথ—

জয়ের স্বযোগ শেষে দিল যে রচিয়া !

ও-দিকেতে ঘন বন গিরিতল-গামী—

সে বনের মধ্য হতে আসে বৃদ্ধ এক,

সাথে ছুই তরুণ যুবক...যেন বহি !

উচ্চ কর্তে পলাতক সেনাদলে ডাকি

হুকারি প্রমত্ত হবে কহিল ডাকিয়া—

“ফেরো, ফেরো, ভয় নাই ! ব্রুটেনের রবি

অস্তাচলে যাবে, যদি প্রাণে মায়া করো !

ব্রুটেনের বীরগণ, সমরে মরণ—

বীরের বাসনা সে যে, সে কথা ভুলো না।

ফিরিয়া মরণে রোধ করিবে কিরূপে ?

আঁধারে ফিরিহ কোথা—কি আশায় ? লোভে ?

রোমান বিজয়ী হলে সবে হানা দিবে,

প্রাণ রাখিবে না ! জেনো, পশুর মতন

অঙ্গে খুঁচি প্রাণ পাবে, মান চূর্ণ হবে !

এসো, এসো, বক্ষ দিয়া রক্ষা করো দেশ,

দেশের গৌরব, মান, কুলের রমণী !”

আশ্চর্য ঘটনা ঘটে ! ফিরিল সকলে,

প্রাণ পণ করি পুনঃ মাতিল সমরে।

অসতর্ক জয়-লাভে রোমানের সেনা

দলে দলে দিল প্রাণ। বিজয় মোদের !

লর্ড। অদ্ভুত কাহিনী, সত্য ! এ দুই তরুণ,

বৃদ্ধ ওই—কে তাহারা ? এলো কোথা হতে ?

তাদের এমন শক্তি ! এত শৌর্য ! তেজ !

পশথামাস। এত তেজ। এত শক্তি। তাদের রূপায়

ব্রিটিশের এই জয়, এমন গৌরব !

তবু তারা বনবাসী—রাজ-অঙ্গে দেহ

পরিপুষ্ট নহে কারো—নাহিকো খেতাব !

লর্ড। লজ্জা আর দিয়ে না কো ! কে তাহারা ?

পশথামাস। জানি না কো। সন্ধান মিলিলে শ্রদ্ধা-নতি

দিব পায়ে। ভয় হয়, বনবাসী জীব—

আমীর-ওমরা নয়—শ্রদ্ধা কি বুঝিবে ?

লর্ড। লজ্জা নয় ! লজ্জা দিয়ে না কো, কহি আমি।

পশথামাস। চলিলেন ? (লর্ডের প্রস্থান) ইনি

হন লর্ড বাহাজুর !

রাজার অমাত্য জন ! রাজ্যের বিরাট

স্তম্ভ ইনি ! রাজ্য-রক্ষা এঁদের রূপায় !

রণসাজে আসেন সমরে ; পলায়নে পটু।

আমারে কহেন ডাকি—“কি সংবাদ রণে ?”

আজ এই লক্ষাট-পটে-উপাধিতে

মণ্ডিত সম্ভ্রান্ত-জন কত শত শত

ভূচ্ছ অস্থি-পঙ্করের বোঝা বাঁচাইতে

উপাধি-ভূষণ, ভূমি—করিতেছে দান !

পলায়নে পটু নয়—তারা প্রাণ দেছে !

অঙ্গে নাই অস্ত্রপেখা—তবু আত্মনাদ !

কম্পিত—ত্রাসিত ! ভয়ে প্রাণ গেছে ছেড়ে !

এঁরা এসেছেন যুদ্ধে ! নাচের আসর !

ছি, ছি,—লজ্জা হয় আজি ব্রুটন বলিয়া



দিতে পরিচয়! না, না, আমি ইতালিয়ান।  
যুদ্ধ করিব না। তবে যদি বন্দী করে,  
ধরা দিব! চায় শির যদি—তাও দিব।  
জীবনে বাসনা নাই। প্রাণ—দিব প্রাণ।  
ইমোজেন প্রাণ দেছে—আমিও তা দিব।

(হুজন ব্রুটিশ ক্যাপ্টেন ও সৈন্যের প্রবেশ)

১ ক্যাপ্টেন। জয় জয় ভগবান! বন্দী লুশিয়াস।

বুদ্ধ—হুই পুত্র সাথে করিয়াছে বন্দী।

মানুষ, মানুষ নয়—দেবতা তাহারা!

২ ক্যাপ্টেন। সাথে ছিল দীন বেশে আরো এক জন!  
প্রথমে সে দিল হানা।

১ ক্যাপ্টেন। লোক-মুখে শুনি।

কিন্তু সে কোথায় গেল?...কে হেথায়? বেলো।

পশথামাস। রোম-বাসী। বিশ্রাম করিতেছিল।

২ ক্যাপ্টেন। রোমান! পামর! তুই ফিরিবি না দেশে!  
বন্দী করে। লয়ে চলো রাজ-সন্নিধান।

[সিথেলিন, বেলারিয়াস, গিদেরিয়াস, আর্ভি-  
রেগাশ, পিশানিয়ো, সৈন্যগণ, অনুচরগণ এবং রোমান  
বন্দীগণের প্রবেশ। হুজন ক্যাপ্টেন পশথামাসকে রাজ-  
পদে সমর্পণ করিল; সিথেলিন তাহাকে সেনাধ্যক্ষের  
হাতে অর্পণ করিলেন; তারপর সকলের প্রস্থান]

## চতুর্থ দৃশ্য

ব্রিটিশ কারা-কক্ষ

(পশথামাস ও হুজন কারা-রক্ষীর প্রবেশ)

১ প্রহরী। আর তোমার পালাবার ভয় নেই!...  
মাথায় ঝুঁটি বেঁধে দেওয়া হয়েছে। দেগে দিলেই  
হয়। এখন মনের স্থখে ঘাস-জল খাও বাছাধন।

২ প্রহরী। পেট ভরে খাও।

[উভয়ের প্রস্থান]

পশথামাস। স্বাগত বন্ধন! মুক্তির সোপান তুমি!

এ বন্দি চের ভালো—বাত-ব্যাদিগ্রস্ত

রুগ্ন জন হতে! দিবানিশি শয্যাঙ্গীন

নিষ্কাম নিস্পন্দ—সেই বৈজ্ঞের ওষধি!

রোগী শুধু পড়ে পড়ে তোলে আর্তনাদ;

রোগ নাহি সারে—নাই সারিবার আশা।

হাতে পায়ে এই যে বন্ধন, এর ব্যথা

তত নহে—উগ্র ব্যথা বিবেক-স্পীড়নে

মর্শে যেই ব্যথা-ভার! ক্ষম দেবগণ!

মৃত্যু দাঁও—এ ব্যথার হোক অবসান!

আমার এ মর্শ-দাহ—এ কি প্রায়শ্চিত্ত?

হায়, তাহে ভুলিবে দেবতা মুক্তি দিতে?

মানব-জনক, মানব-জননী ক্ষম—

দেবতা যে আরো ক্ষমায়—কারুণিক!

করিয়াছি যেই পাপ, যেই অপরাধ,

এ মর্শ-যাতনা—তায় ঘুচিবে সে কি রে?

ঋণ, ঋণ, মহাঋণ—তার পরিশোধ

এত ক্ষুদ্র-বিনিময়ে—সে নয় কামনা!

ইমোজেন-প্রাণ নিছি—তার বিনিময়ে

মোর প্রাণ তুমি লও! সে প্রাণের চেয়ে

আমার প্রাণের মূল্য বেশী, তা বলি না!

তবু এই প্রাণ—সাধ-আশা-বাসনায়

হিল্লোলিত—প্রমত্ত জীবন-ধারা এ যে!

এ প্রাণ তোমার দান! ধুলায় মলিন

করিয়াছি জানি, দেব—ক্ষিরে লও আজ!

পারি নাই শুভ রাখিবারে। পারিব না,

জানি।...শ্রান্ত শির, শ্রান্ত দেহ, শ্রান্ত মন।

নয়ন মূদিয়া আসে!...ইমোজেন, প্রিয়া—

তাই হোক—নিভে যাক নয়নে নিখিল!

নিদ্রার নীরব ছায়া ঘিরে থাক মোরে!

সেই নীরবতা-মাঝে এসো মোর মনে,

তোমারে শুনাবো কথা—যত কথা আছে!

(নিদ্রিত)

[করুণ গম্ভীর সুরে বাজধ্বনি। ছায়া-মূর্তিতে  
পশথামাসের পিতা সিসিলিয়াশ লিওনেটাসের  
আবির্ভাব—তাঁর যোদ্ধার বেশ; তাঁর বাজলগ্না পশথা-  
মাসের জননী। বাজসহ তাঁদের আবির্ভাব। তাঁদের  
পিছনে পশথামাসের হুই মৃত ভ্রাতা—ভ্রাতৃঘয়ের বক্ষে  
অস্ত্রলেখ। তারা যুদ্ধে প্রাণ দিয়াছিল। সকলে  
আসিয়া পশথামাসকে ঘিরিয়া দাঁড়াইল]

সিসিলিয়াশ। বজ্র, তোমার রক্ত অনল-বাণ

নর-পতঙ্গে হানিয়ো না—সম্বর!

আকাশের গ্রহে কত না উপগ্রহে

হিংসা-অনল ধু-ধু যথা সদা বহে—

সমরে ডাকিয়া হানো হে তীক্ষ্ণ শর।

অভাগা পুত্র—কখনো দেখিনি চোখে—

অহিত কাহারো সাধেনি—সাধেনি মন্দ,—

জঠর-বিবরে ছিল সে অন্তরালে—

মোর প্রাণ-ধারা হইল যেদিন বন্ধ।

কত না হুঃখ-ঝঙ্কার সঘরে শিরে—

স্নেহে তারে তুমি রাখো নাই প্রভু, ঘিরে?

পশ্চমাস-জননী। প্রসবি পুত্রে কত না যাতনা সহি,  
চাঁদমুখখানি তখনো দেখিনি চোখে—

বুক হতে তারে তখনি নিল রে কাড়ি—  
মায়ের সে সাধে বাদ সাধি যত লোকে !

অরাতির হানা রুদ্র হৃদ্বাকারে  
পুত্রে হেরিব—সে সাধ মিটল না রে !

সিসিলিয়াশ। পূর্ব-পুরুষ-গৌরবে ভরা মন—  
বাহুতে তেমতি অমিত পরাক্রম !  
ভুবন ভরিয়া খ্যাতির বারতা রবে—  
বাসনা মনের,—হইবে অরিন্দম !

জ্যেষ্ঠ সহোদর। কিশোর বয়স—

শৌর্য্যে তুলনা নাই,

বুটেন খুজিয়া হেন বীর কোথা পাই ?  
নহে ইমোজেন—রাজার দ্বালাই যে সে—

পরিচয় তার বুঝিল কেমনে ? শেষে  
উপেখি সবায়ে গলে দিল বর-মালা !

মর্যাদা তার রাখিল রাজার বালা !

জননী। বিবাহে রাজার রোষ হলো এতখানি—  
রাজ্য ছাড়িয়া পাঠালো নির্দাসনে !

বধু সে তাহার—প্রাণ হতে প্রিয়তমা—  
বিচ্ছেদ-বাথা কটক যেন মনে !

সিসিলিয়াশ। ইতালীর এক হীন-জন আয়াকিমো—  
তার সাথে তোলে তর্ক—কি হুম্মতি !

খল-নীচ, ক্রুর তার হিংসার বিষে  
বিচলিত মন—কি না হলো দুর্গতি !

হাসিল ছুট। সতীর বুঝিলে ভুল !

নিজে ব্যথা পাও—তারে দিলে ব্যথা কত !

প্রাণের কুসুম-দল সে ছিঁড়িয়া গেল—

বনস্পতি রে, হলো সে বজ্রাহত !

মধ্যম সহোদর। তাই রব-হীন বিজন প্রাপ্ত হতে  
আমরা ক'জনে মর্ত্যে এসেছি নামি ;

অদেশের তরে অরাতির সাথে যুঝি

মরণ-লোকের হয়েছি পথ-গামী ।

তোমার পানেতে গৌরবে চেয়ে আছি—

বংশ-গরিমা তুমি সে রাখিবে—যাচি !

জ্যেষ্ঠ সহোদর। নৃপতির মান রক্ষা করেছে তুমি,  
ছায়া সম রহি নৃপতির পাশে পাশে ;

তথাপি হে দেব জুপিটার, নাহি বুঝি,

কেন যে ভ্রাতারে রাখো এ বিজন-বাসে !

করুণা তোমার কেন না ঝরিতে দেখি ?

কেন অকরুণ ? পুণ্যের ফল এ কি !

সিসিলিয়াশ। চিত্তের দ্বার মুক্ত করো গা প্রভু—  
বক্ষ-পাষণ ক্ষণেক সরাও দূরে !

বীরের আদর তুমি হায়, করিবে না ?

বেদনায় হায়, বীরের নয়ন বুঝে !

জননী। হে দেব, পুত্র স্বর্গীর শাস্ত—

যাতনার তার মিলাও প্রাপ্ত !

সিসিলিয়াশ। পাষণ-মন্দির হতে করুণা-নয়নে

হে দেব বারেক চাহো ; হয়োনা নিষ্ঠুর !

নহে অন্ত্যোবাসী মোরা ছায়াময় প্রেত

তোমার দ্বারে তুলি ক্রন্দনের সুর

বিরাম দিব না দেব,—এ আর্ন্ত রোদন

বিচলিত করে কি না, দেখিব এখন ।

দুই সহোদর। রক্ষ রক্ষ দয়াময় করুণা-আধার !

সুবিচার না করিলে—কলঙ্ক অপার !

[ বজ্র-বিদ্যুৎ সহ ঈগল-পৃষ্ঠে উপবিষ্ট জুপিটারের  
আবির্ভাব। তিনি বজ্র নিক্ষেপ করিলেন, ছায়া-  
মুষ্টিগণ নতজানু হইল ]

জুপিটার। স্থির হ'রে প্রেতদল নীচ-লোক-বাসী—

বিচার করিস মুঢ় স্বর্গ-দেবতার ?

ধরণীর যত পাপ বিরোধ-বিপ্লব—

বজ্র তাহা চূর্ণ করে—সে কাজ তাহার !

ছায়াময় প্রেত সব, যা রে নিজ-বাসে,

অমলিন পুষ্প-দলে কবুগে শয়ন—

মর্ত্তা-মানবের দুঃখে বিচলিত হওয়া—

সে তোদের কাজ নয়। আছে দেবগণ।

দেবতার প্রিয় যারা—দুঃখ পায় তারা ;

অভীষ্ট তাদের হয় বিলম্বে সফল ;

দীন এই পুত্র তোর বৃণায় শায়িত—

মানব-গৌরব সে যে করিবে উজ্জ্বল !

সুখী হবে, শান্তি পাবে, ঘৃচিবে যাতনা ;

জন্মরাশি-স্থিত আমি ; মোর দৃষ্টি-ছায়

শুভ পরিণয় করে রাজ-তনয়ারে—

বুঝিলি ? এখন সব মিলা রে ছায়ায় !

প্রিয়া ইমোজেন সাথে হইবে মিলন !

অবিচ্ছেদ সে মিলন ; টুটিবার নয়।

ভাগ্যফল কি হইবে ? তাহার ইচ্ছিত

এ লিখন বুক রাখি—বিপত্তির ক্ষয় !

দূর হ রে ছায়াদেহী,—রথা অধীরতা—

নহিলে আমার বৈর্য্য টলিবে অচিরে !

রে ঈগল ফিরে চল, নিয়ে চল মোরে—

স্বর্গেতে আমার সেই ফটিক-মন্দিরে !

সিসিলিয়াশ। বজ্রাঘি-উদয় ! তাঁর স্বর্গায় নিখাস

গন্ধকের গন্ধ তায় ! নামিল ঈগল

মোদেরে আশ্রিত দিতে। উহার উদয়

আমাদের আগমন হতে শ্রেয়তর।  
বাহন-ঈগল ওই নাড়ে পক্ষ তার—  
বাঁকাইল চক্ষু। বুঝি, প্রসন্ন দেবতা!

সকলে। ধৃত দেব জুপিটার!

সিসিলিয়াশ। পাষাণ-দেউল

আবার আবদ্ধ হলো! স্বর্গের দেবতা  
স্বর্গে ফিরিলেন পুনঃ। এসো, মোরা গাই—  
দেবাদেশ শিরে ধরি করিব পালন।

(ছায়া-মূর্তি অদৃশ্য হইল)

পশথামাস। (জাগ্রত হইয়া) নিদ্রা! অগ্নি স্তব-  
প্রসবিনি! এ কি দিলে!

পিতৃহীনে পিতা! মাতা! সঙ্গ ছই ভাই!

কিন্তু হা, কোথায় সব মিলালো চকিতে!

উদয় ত্বরিতে যথা—অস্তও তেমনি!

আজ জাগিয়াছি—স্বপ্ন গিয়াছে মিলায়ে।

দীন অভাজন যথা মহতের কুপা

স্বপনে দেখিয়া জাগে, মিলায় স্বপন—

তার মত এ স্বপন মিলালো আমার!

জেগে দেখি, চিহ্ন তার নাই!...কিন্তু কেন

এই বিহ্বলতা? বিভ্রম সে আনে স্বপ্ন,

ফলে না কখনো! মোর স্বপ্নে কি-বা হবে!

স্বপনের এই স্তব নহে মিলিবার—

যোগ্য নহি, সেই স্তব করি উপভোগ!

কিন্তু এই কারা-গৃহ—দেবতার স্থান!

কি কথা শুনিব স্বপ্নে—কি সে আশা-ভাষা!

এ কি দেখি! লিখন যে! কার? দেখি, দেখি—

আর যাই লেখা থাক, মিথ্যা-ভাষ নয়

সভাসীন চাটুকার-চাটুবাণী সম!

(পাঠ) “সিংহ-শিশু নিজের অজ্ঞাতে অপরের  
সহায় ব্যক্তিরেকে বীর্য্যে আপনাকে যেমন পরিপূর্ণ  
করে, সিডার তরুর শাখা-ছেদনেও সে তরু  
যেমন বিগুস্ত বা জীবনহীন হইবার পরিবর্তে দেহ-  
রসে নিজেকে আবার জীবনে বিভূষিত করে—  
তেমনি পশথামাস, তুমি হুঃখ ভোলো! তোমার  
জাগরণে ব্রিটেনের বিজয় হইবে; শান্তি-সম্পদে  
ব্রিটেন বিভূষিত হইবে!”

এখনো এ স্বপ্ন দেখা! নহে, এ বচন—

বাতুল প্রলাপ সম অর্থ-যুক্তিহীন,

অসম্বদ্ধ! এ বাণীর কোনো অর্থ নাই!

যাই হোক,—তবু আমি বহু মানে শিরে

লবো এই বাণী। অজ্ঞ হেতু নাই থাক,

প্রাণের দরদ-বশে! এ মোর কবচ!

(কারাধ্যক্ষদ্বয়ের প্রবেশ)

১ কারাধ্যক্ষ। কি মশায়, মরবার জ্ঞাত তৈরী  
হয়েছেন তো?

পশথামাস। মরে বলশে আছি বহুক্ষণ থেকে।

১ কারাধ্যক্ষ। বলশানো নয়! বলুন, কুলচেন! কেন  
না, কাঁশির দড়িতে কুলতে হবে কি না! বলশানো  
থাকলে রান্নার সুবিধে হয়, বটে!

পশথামাস। লোকজন যদি সে দৃশ্য দেখতে আসে,  
তাহলে যে-ভোজ পাবে, তাতে সকলে খুশী হয়ে  
যাবে।

১ কারাধ্যক্ষ। লাগবে মোদা! তা লাগুক—আর  
এক দিক দিয়ে মস্ত সুবিধে ঘটবে! প্রথমতঃ  
পাণ্ডনাদারের জ্ঞাত হাত বার করে পয়সা দিতে  
হবে না মশায়কে—সরাইওয়ালার বিলের ভয়  
বেবাক ঘুচে যাবে! খাওয়া-দাওয়া আর ফুর্তির  
সময় দেদার ফরম্যাশ চালাই—তার পর যখন সে  
বিল ধরে দেয় চোখের সামনে,—তখন ফুর্তির মূর্তি  
কি কালো না হয়ে ওঠে! ক্ষিদের জ্বালায় খেতে  
এলেম, বেরুবার সময় খালি পকেট চেপে কাঁপতে  
কাঁপতে বেরিয়ে আসা!...মাথা করে ভোঁ-ভোঁ।  
—পয়সার খলি হয় খালি, মন ভারী, পকেট  
শূন্য! সে দশা থেকে রেহাই পেয়ে যাবেন  
জন্মের মতো! এক পয়সা দামের দড়ি—তাতে  
ফল পাওয়া যায় চতুর্ভুজ! হাজার হাজার টাকা-  
দামের সোয়াস্তি মেলে! পাণ্ডনাদারের হুমকি  
কোনো দিন দেখলেম না, খামলো!, কবে  
কি ধার করেছি—নিক্তি ধরে ব্যাটা তার হিসাব  
কবে চোখের সামনে ধরে তায়! যদি বলো,  
এ আবার কি হিসেব হে? অমনি খাতার  
পাতার পর পাতা খুলে দেখাবে; বলবে, এই  
জ্বাখো—টোকচা খাতা; এই জ্বাখো জাবদা;  
এই জ্বাখো রোকড! মশায় যা হোক এ জন্মের  
মত এ সব ঝঞ্ঝাট থেকে ছুটি পেয়ে গেলেন! তবে  
হুঃখ এই, বাঁচা চলবে না, মরে যাবেন।

পশথামাস। বাঁচতে তোমাদের যে আনন্দ, তার  
চেয়ে অনেক বেশী আনন্দ পাবো আমি এই  
মৃত্যুতে।

কারাধ্যক্ষ। বটে! বটে! হবে বা! ঘুমোলে কি  
মানুষ দাঁতের ব্যথা টের পায়! কিন্তু এই ধরুন  
—আপনি! যে লোক আপনাকে কাঁশি-কাঠে  
ঝোলাবে, তার আর আপনার মধ্যে ভালো দশা  
কার? যে ঝোলাবে। কেন না, কাঁশির দড়ি  
টানবার পর কোথায় সে থাকবে, তা তার

জানা আছে ; সে সম্বন্ধে তাকে ভাবনা-  
করতে হবে না। কিন্তু আপনাকে করতে হবে  
ভাবনা-চিন্তা ; কেননা, আপনি জানেন না,  
ঐ দড়ি গলায় বাধলে তারপর আপনার কি  
হবে—কোথায় আপনি যাবেন ?

পশখামাস। আমি জানি, কোথায় যাবো।

১ কারাধ্যক্ষ। জানেন ! আপনার চোখের জোরে  
তাহলে দেখছি খুব বেশী।...তবে ফিরে এসে সে  
পথের কাহিনী তো বলতে পারবেন না—এই যা  
হুঃখ !

পশখামাস। যে পথে চলেছি, সে পথ দেখিয়ে দেবার  
জন্তু কারো সাহায্য দরকার হবে না। সে পথে  
চোখ বুজে যাওয়া চলে।

১ কারাধ্যক্ষ। বটে ! এতো ভারী আশ্চর্য্য কথা !  
চোখ চেয়ে এখানকার পথে চলতে পদে পদে পথ  
ভুলি ! আর সে পথে চোখ বুজে চললেও পথ  
হারাবার ভয় নেই ! বাঃ !

( জনৈক দূতের প্রবেশ )

দূত। শীঘ্র শৃঙ্খল মুক্ত করো। বন্দীকে নিয়ে এসো  
মহারাজের কাছে।

পশখামাস। স্বসংবাদ এনেচো, মনে হচ্ছে। আমার  
মুক্তি ?

১ কারাধ্যক্ষ। তাহলে কি আমি ফাঁশি-কাঠে চড়বো ?  
পশখামাস। তা চড়তে পেলে যে চাকরি করচো,  
তা থেকে মুক্তি পাবে—মরা লোকদের জেলের  
সংস্কার থাকতে হবে না।

[ প্রথম কারাধ্যক্ষ ভিন্ন সকলের প্রস্থান

১ কারাধ্যক্ষ। লোকটা মোদ্ধা খাশা ! যত বড়  
শরতানই মানুষ হোক, বাঁচতে চায় না, মরতে চায়  
—এমন মানুষ বাপের জন্মে আমি দেখিনি।  
মরতে ইচ্ছে—না বাবা, সে ইচ্ছে আমার মোটে  
নেই। বিশেষ ফাঁশি-কাঠে চড়ে মরা, নিজের  
অনিচ্ছায়—সে ভারী বিস্ত্রী !...এ লোকটা...  
সত্যি, ভাবিয়ে দিলে !

[ প্রস্থান

পঞ্চম দৃশ্য

সিহেলিনের শিবির

( সিহেলিন, বেলারিয়াস, গিদেরিয়াস, আর্ভিরেগাশ,  
গিশানিয়ো, অমাত্যগণ, কণ্ঠচারিগণ ও  
অনুচরগণের প্রবেশ )

সিহেলিন। এসো, মোর পাশে এসো, বিধাতা-প্রেরিত  
রাজ্যের রক্ষক মম। বেদনা রহিল,  
জীর্ণ বাস-পর্য্য সেই দীন সেনা লাগি ;  
অদম্য বিক্রমে সে যে করিল সংগ্রাম—  
জীর্ণ দীন বাসে তার ভূষা লজ্জা পায়—  
বক্ষ তার অস্ত্র-মুখে হলো অগ্রসর,  
ভিলেক না হলো ভীত ! না মেলে সন্ধান !  
দেখা পেলে যথাসাধ্য করিতাম খুশী।

বেলারিয়াস। দীন বেশে হেন শক্তি কভু দেখি নাই !  
কার্য্য দেখে অনুমানি, ভিখারী সে নয়।

সিহেলিন। সংবাদ না মিলিল তাহার ?

গিশানিয়ো। সব ঠাই

করেছি সন্ধান—জীবিত-মৃতের দলে ;

তবু কোনো বার্তা নাই।

সিহেলিন।

হরিষে বিষাদ !

( বেলারিয়াস, গিদেরিয়াস ও আর্ভিরেগাশের প্রতী )

যেই প্রাণ-শক্তি' পরে বুটন-জীবন,  
সে শক্তি তোমরা বহি এনেছো বুটনে—  
বুটনের মান-প্রাণ তোমরা রাখিলে।  
তার পূর্বে কহ মোরে পরিচয় তব।

বেলারিয়াস। হে রাজন, ক্যান্ডিয়ার জন্ম আমাদের।

ভদ্র মোরা। গরু নয়, বাঘ তথাপি—

অসাব্যুত-পাপে লিপ্ত কভু নহি মোরা।

সিহেলিন। কেন নত জাহ্নু ? ওঠো রণজয়ী বীর !

আজি হতে পার্থক্যী অনুচর মোর—

উপাধি-সন্ধান পাবে মর্যাদা-উচিত !

( কর্ণেলিয়াস ও পুরনারীগণের প্রবেশ )

এ কি ! মুখে শত প্রশ্ন—বারতা-আভাস।

কেন সবে স্নানমুখ বিজয়ের দিনে ?

মুক্তি হেরি মনে হয়, বিজিত রোমান—

তাদের বরের নারী ! নহ বুটনের !

কর্ণেলিয়াস। মহারাজ, রাজ-অধিরাজ, জানে দাসী,

বিজয়-উৎসব আজি আনন্দের দিন !

তবু সে আনন্দ-মাঝে যে-বাবতা আনি—

তাহে এ আনন্দ চূর্ণ—নিরানন্দ পুরী !  
মহারানী-রাজ্যেখরী—বৈচে নাই আজ !  
সিঁথেলিন । এ বার্তা তোমরা বহ ! বৈদ্য  
কোথা আছে ?

জীবনে ওষধি করে দীর্ঘ নিরাময়—  
তবু সে বৈদ্য যে মরে,—এ বড় কৌতুক !  
কিন্তু এই মৃত্যু অকস্মাৎ ! কারণ কি ?  
কর্ণেলিয়াস ! জীবন সে ঝড় যেন !—ঝড়ের মতন  
উন্মাদ প্রলাপ মাঝে মৃত্যু দিল দেখা !  
ক্রুর হিংসা মূর্তিমতী ধরণীর বুকে—  
তেমনি নির্ধূর মৃত্যু ! মরণের কালে  
যে-কথা সব্বারে ডাকি কহিল চীৎকারি,  
আদেশ পাইলে তাহা নিবেদি চরণে ।  
তঁার দাসী-সহচরী—সবে-শুনিয়াছে ।  
যদি মোর ভুল হয়, সে কথা বলিবে ।  
এখনো এদের চোখে অশ্রু লেগে আছে !  
রানীর মরণ-কালে সবে ছিল পাশে ।  
সিঁথেলিন । বলো সেই কথা ।

কর্ণেলিয়াস । কহিলেন সহচরীগণে,  
মহারাজে কোনো দিন বাসি নাই ভালো !  
ভালোবাসা ছিল তাঁর অভিনয়, ভাণ—  
রানীর মর্যাদা-লাভ,—তাহার কারণ !  
রাজ-সিংহাসনে-সন ছিল পরিণয়—  
মহারাজ-সনে নয় ! পত্নীর আসনে  
আপনারে ঘৃণা শুধু করেচেন বসি !  
সিঁথেলিন । তাঁর মন—তিনিই তা জানিতেন ! তবে  
মৃত্যু-কালে এই কথা ! বাঁচিয়া বলিলে  
কে জানে, হয়তো মোর হতো না প্রভায় !  
যাক, তুমি বলো আর যাহা বলিবার ।  
কর্ণেলিয়াস । রাজকন্যা—মুখে ছিল স্নেহ তাঁর প্রতি,  
বাহিরেতে ভাণ শুধু ! অন্তরের মাঝে  
ক্রুর হিংসা জাগিত সে সর্পের মতন !  
ছ' চোখের বিষ,—তাই প্রাণ নিতে তাঁর  
জগ্ৰত প্রয়াস সদা ! পলায়েছে তাই,  
বিষ-দানে নহে তাঁর লইত জীবন ।

সিঁথেলিন । কোমলতা-আবরণে ভীষণা রাক্ষসী !  
ওরে ওরে ছুটো নারী !...রানীর সে মন—  
কে তার স্বরূপ জানে ! আরো কথা আছে ?  
কর্ণেলিয়াস । আছে কথা—আরো সে অপ্রিয় !

বলে রানী,

তব লাগি উগ্র খনি-বিষ ছিল পাশে ;  
সে বিষে জীবন দহে তিল-তিল করি—  
পরে হয় ভাষ্যশেষ ! সে বিষ-পরশে

জর্জরিত হেরি আপনারে, মহারানী  
অশ্রু-বাস্পে, রুদ্ধ ভাষে, ভাণ-মম-ভাষ  
নিজের বেদনা-লীলা করিবে প্রকাশ,  
তাহে মুগ্ধ তুমি এই রাজ্যের আসনে  
পুত্রে তাঁর বসাইবে, মাথায় মুকুট,  
রাজ-অভিষেক হবে মহা-সমারোহে !  
পুত্র সে ক্লোটেন আজ—নাহি তার দেখা—  
রাজ্য ছাড়ি নিরুদ্দেশ ! তাইতো কাতর,  
অঘটন ঘটলো এমন মহা-দায়ে !  
বাতুল রমণী—নিরাশার তীব্র দাহে  
সর্বজননে কহিল ডাকিয়া এই বাণী—  
নিলাজ পাণের কথা ! কদর্য্য বাসনা !  
সে বাসনা মিটিল না ; তাহার লাগিয়া  
কতই সে হা-জুতাশ ! নিরাশার দাহে  
জলি শেষে প্রাণ দিল !

সিঁথেলিন । শুনেচো তোমরা ?  
১ নারী । শুনিয়াছি মহারাজ ।  
সিঁথেলিন । এ মোর নয়নে,

নয়নের মোহ নয়, ছিল সে রূপসী !  
শ্রবণ ভুলিয়াছিল চাটু-বাক্যে তার !  
মনে জাগে নাই কভু তিল অবিশ্বাস !  
ভাবিতাম,—মন তার মুখের মতন  
অমনি স্তম্ভর ! তারে অতরূপ ভাবা  
অসম্ভব ছিল—তাহা হতো অস্বচিত !  
কিন্তু ইমোজেন ! কন্যা মোর...! মৃত আমি,  
কন্যার ব্যাথায় তাই ছিন্ন উদাসীন !  
গ্লান-মুখী মাতৃহারা !...বুঝিবে না কেহ  
অন্তর্গত সে বেদনা ! জানেন নিধাতা !

[ প্রহরী-বেষ্টিত লুশিয়াস, আয়াকিমো, গণক,  
অপর রোমান বন্দিগণ ; পশ্চাতে পশ্চামাস  
ইমোজেন প্রবেশ করিল ]

রাজ-কর করিতে গ্রহণ—লুশিয়াস,  
আজ তবে নহে আগমন ! সেই সাধ  
ব্রিটন মিটায়ে দেছে প্রাণ-অংশ দিয়া !  
রণে যারা প্রাণ দেছে—তাদের বান্ধব,  
আত্মীয়-আত্মীয় যত চাহে প্রতিকার—  
বন্দি-রক্তে ধৌত করে বিধাদের কালি !  
এ প্রস্তাব জানায়েছে । কি তার উত্তর ?

লুশিয়াস । ভাগ্যচক্র ঘুরে গেছে ! আজ তুমি জয়ী  
মোরা জয়ী হলে জেনো এ কথা নিশ্চিত,  
বন্দী লয়ে বীরত্বের হেন আফালন  
কখনো না করিতাম ! পরাজিত আজ !

আমাদের প্রাণ লয়ে তৃপ্তি যদি হয়,  
হোক তাই ! সে আদেশ করহ প্রদান ।  
রোমান মরণ-ভয় কভু নাহি রাখে ;  
মৃত্যু গণে বহু-শ্রেয় পরাজয় হতে !  
তবে এক নিবেদন আছে মহারাজ,  
এ বালক—এ আমার প্রিয়-অনুচর,  
বড় শাস্ত । জন্ম এর ব্রিটনের দেশে ।  
এরে শুধু মুক্তি দাও । নাহি অপরাধ ।

সিথেলিন । দেখিলু বালকে বটে ! মনে হয় দেখি,  
পরিচয় আছে যেন ! চিত্তে মায়া জাগে !  
পাশে যদি রহো, হবো সুখী । নাহি জানি,  
কেন মায়া ! বলি শুধু—হও দীর্ঘজীবী !  
তোমার প্রভুর বাক্যে এ মমতা নয়—  
কহ বৎস—কোনো সাধ থাকে যদি মনে,  
পূর্যবো সে সাধ তব—না হবো অত্যাধ ।  
বন্দীদের মাঝে যদি মুক্তি চাও কারো,  
বলো, তারে মুক্তি দিব ।

ইমোজেন । ধন্য আমি প্রভু !  
অন্তরের কৃতজ্ঞতা নিবেদি চরণে ।  
লুশিয়াস । না বৎস, আমার প্রাণ ভিক্ষা চাহিয়ে না ।  
সে-কথা বলি না । জানি, মোর মুক্তি চাবে !  
ইমোজেন । না দেব, তাহার পূর্বে অণু কাজ আছে ।  
সে ব্যথা মৃত্যুর চেয়ে তীব্র হয়ে বাজে ।  
আপনার প্রাণ-ভিক্ষা—পিছে সে চাহিব !  
লুশিয়াস । এত শীঘ্র ভুলে গেল ! বালকের রীতি !  
হাসি বলো, ব্যথা বলো—ক্ষণেকে মিলায় !  
কিসের উদ্বেগ এত ? কাতর বালক ?  
সিথেলিন । কি চাহো বালক ? কহ, শুনিব  
সে কথা ।

যত দেখি, তত আমি ভালোবাসি তোরে ।  
মনে হয়, কিছুই অদেয় নাই ! কহ ।  
চাহো ও-বন্দীর পানে—বাঁচাইতে চাও ?  
ও তোমার আত্ম-জন ? অথবা বান্ধব ?  
ইমোজেন । রোম-বাসী এ রোমান ; নহেকো আত্মীয় ।  
সিথেলিন । ওর পানে কেন চেয়ে আছো ? কি  
দেখিছ ?

ইমোজেন । বলিব সে কথা । কিন্তু গোপনে রাজন্,—  
যদি পাই অনুমতি !

সিথেলিন । তাই হবে । এসো ।

মন দিয়া শুনিব—বা চাহো বলিবারে ।

কি তোমার নাম ?

ইমোজেন । ফাইডেল ।

সিথেলিন । যোগ্য নাম ।

হে বালক, আজ হতে প্রিয় অনুচর  
পাশে পাশে র'বে সদা । এসো মোর সাথে ।  
মুক্তকণ্ঠে বলিয়ো, যা বলিবার আছে ।

( সিথেলিন ও ইমোজেন অন্তরালে গিয়া  
কথোপকথন-রত )

বেলারিয়াস । মরণের পথ হতে ফিরিল বালক ?  
আভিরেগাশ । বালুকা হইতে যদি বালুকায় ভেদ  
সম্ভব কখনো হয়,— এ বালক সেই !  
তার সনে এর ভেদ পারে না থাকিতে !  
ফাইডেল—বলিল নাম । তুমি কি-বা বলো ?  
গিদেরিয়াস । মৃতের জীবন-লাভ—নাহিকো সংশয় !  
বেলারিয়াস । আমাদের পানে এ তো কিরিয়া না চায় !  
মিছা তর্ক । না, না, সে নয়—এ অল্প জন ।  
আকৃতি-সাদৃশ্য হেন নহে অসম্ভব ।  
সে যদি, মোদের সনে করিত আলাপ ।  
গিদেরিয়াস । স্বচক্ষে দেখেছি মৃত—প্রাণহীন দেহ !  
বেলারিয়াস । স্থির হয়ে দেখি আরো ।  
পিশানিয়ো । (স্বগত) কোনো ভুল নাই !

নিশ্চয়, রাজার কণ্ঠ । এসেছেন যদি,  
বৈধব্য ধরি দেখি । জর্দন হয়েছে গত ।

( সিথেলিন ও ইমোজেন সম্মুখে আসিলেন )

সিথেলিন । এসো, মোর পাশে রহ কি চাহো,  
তা বলো  
উচ্চকণ্ঠে সব্বারে শুনায়ে ( আয়াকিমোর প্রতি )  
এসো হেথা,

এ বালক যে প্রণয় করিবে—তুমি তার  
এখনি উত্তর দিবে—সত্য, স্পষ্ট কথা ।  
যদি মিথ্যা কহ, তথা রহ নিরুত্তর—  
নিষ্ঠুর কঠিন মৃত্যু—জেনো পরিণাম ।

ইমোজেন । জানিবাবে চাই আমি, ওই মণিময়  
অঙ্গুরী কোথায় পেল এই ভদ্র-জন ?  
পিশানিয়ো । (স্বগত) অঙ্গুরীতে কি-বা এর প্রয়োজন ?  
সিথেলিন । এই

হীরা-মণি-খচিত অঙ্গুরী অঙ্গুলিতে—  
বলো, কোথা পেল ? পেল কি করিয়া তুমি ?  
আয়াকিমো । নিরুত্তরে পাবো আমি কঠিন যাতনা—  
উত্তরে যাতনা আরো !

সিথেলিন । যাতনা তোমার !  
আয়াকিমো । তবু তা বলিব আমি । না বলিয়া তাহা  
গোপন রহিলে মনে—অসহ্য যাতনা !  
এই অঙ্গুরীয় পাই কপট মিথ্যায়,

দারুণ দ্রুত সম আচরণ করি ।  
এ মণি—এ মণি ছিল পশখামাসের—  
যারে তুমি নির্কাসন দেছ মহারাজ ।  
তদুপরি আরো ব্যথা পাবে মহারাজ,  
সে ব্যথা আমিও সহি—জানিবে যখন,  
কত সে মহৎ জন—কত সে উদার !  
তার তুল্য ভদ্র নাহি অবনীর 'পরে !  
আরো কি শুনিতে চাও ?

সিবেলিন । অঙ্গুরী-বারতা ।  
আয়াকিমো । সে তোমার কন্ঠার কাহিনী,  
মহারাজ ।

যার ব্যথা স্মরি মোর বক্ষে রক্ত বুঝে !  
আমার অসত্য ভাষা—তীক্ষ্ণ অসি চেয়ে  
সে-আঘাত আরো তীব্র সারা চিতে বাজে !  
সিবেলিন । কন্ঠা ! মোর কন্ঠা ! তুমি জানো  
তার কথা ?

বলো, বলো,—না, না, তুমি নহ নিশ্চয়ন—  
না বলিলে—জেনো মৃত্যু নিশ্চয় কঠিন ।  
কিন্তু না, না—মৃত্যু নয় ! বলো, বলো স্ত্রী—  
বিলম্ব সহে না মোর—বলো সেই কথা ।

আয়াকিমো । এক দিন—কি ভীষণ সে দিন,  
সে ক্ষণ !

রোমে বসি গৃহ-মাঝে—অভিশপ্ত গৃহ !  
বুঝি সে উৎসব-ভোজ ! সেই ভোজে যদি  
বিষ কেহ মিশাইয়া দিত, ভালো হতো !  
তাহলে যাতনানলে দগ্ধ না হতাম !  
সেই ভোজ-সভামাঝে পশখামাস ধীর  
—কি বলিব ? হেন ভদ্র দেখি নাই কভু !  
বসেছিল স্নান মুখ, ব্যথায় কাতর !  
আমাদের তর্ক চলে—ইতালীর নারী—  
তার রূপ, তার ভালোবাসার কাহিনী—  
সতীত্বে তাদের তুল্য নারী কোথা নাই,  
এমনি বলিতেছিলাম ! পুরুষ যা চায়,  
রূপ-গুণ, যে-স্বপ্নমা—সে আছে কেবল  
ইতালী-নারীর দেহে ; মনে মনোরমা  
ইতালীর নারী শুধু ।

সিবেলিন । ঐর্ষ্যা নাহি সহ ।

ভূমিকা রাখিয়া বলো সেই কথাটুকু—  
যে-কথার লাগি প্রাণ অধীর, আকুল !

আয়াকিমো । রসনা জড়িত হয় সে বাক্য-ভাষণে !  
ব্যথা পাবে মহারাজ । কি-ব্যথায় জ্বলি !  
তবু তা বলিব আমি ! এই পশখামাস—  
পত্নীপ্রেমে ঢল-ঢল—মোদের কথায়

তোলে প্রতিবাদ—কহে প্রেয়সীর কথা—  
রূপে অতুলনা প্রিয়া, গুণে বিভূষিতা,  
রাজার তনয়া—নাহি ঐর্ষ্যা-কামনা,  
দীন-স্বামি-সেবা তাঁর জীবনের ব্রত !  
স্বামিময় চিন্ত—আর কিছু নাহি জানে !  
কথায় কথায় হলো তর্কের সৃজন ।

সে তর্কের পরিণাম—এ মোর যাতনা !  
সিবেলিন । বলো, বলো...সব কথা ।  
আয়াকিমো । তর্ক শেষে বিধে

আপনার তনয়ার সতীত্ব-ধরমে !  
বন্ধু কহিলেন—প্রিয়া সতী-শিরোমণি,  
ডায়ানার সহচরী প্রণয়-নিষ্ঠায় !  
আমি কহিলাম হাসি—অলীক স্বপন !  
রাজবালা...দীন এক স্বামীর লাগিয়া  
দেহ-মন গুরু তপে রাখে না মগন !

তর্ক হলো ; শেষে পণ ! বন্ধু কহিলেন,—  
প্রমাণিতে পারো যদি, অসতী প্রেয়সী—  
যদি তার কর্তৃ হতে পারো আনিবারে  
মোর-দেওয়া মণি-হার, তবে তা বুঝিব ;  
পারো যদি,—অঙ্গুরী করিব তোমা দান ।  
বন্ধুর সে মুখচ্ছবি প্রদীপ্ত গরবে,  
গভীর বিশ্বাসে পূর্ণ—দেখে চাপে রাখ !

কহিল—প্রমাণ আনি বুঝাইব বন্ধু,  
তোমার প্রিয়ার প্রেম চটুল, ভঙ্গুর !  
আসিলাম বুটেনেতে । রাজ-সভা-মাঝে  
নতি-নিবেদন করি' দাঁড়াইলুম আমি ;  
সেখায় দেখিলুম তব রূপসী কন্ঠারে—  
সতীত্ব মহিমা-দীপ্তি করে নাই স্নান,  
পাণ্ডু তার মুখ-ছবি, বিরহ-বেদনে !  
পুণ্যবতী কারে বলে—চকিত-বুঝিলুম ।  
পরান্নব স্মরি হই নিমেষে ক্ষুণ্ণিত !

কিন্তু কি দানবী হিংসা—কি সে উদ্ভাদনা—  
হারাই সকল জ্ঞান, ভদ্রতার রীতি !  
মনে মনে পণ করি—বিজয়, বিজয়—  
ছলে-বলে সুরকোশলে চাহি সে আমার !  
আচারে কৌশল ধরি শয্যা-গৃহ-মাঝে  
লভিলুম প্রবেশ—রাজ-কন্ঠার অজ্ঞাতে ।  
নিশীথিনী হলো ঘোর—সুপ্তি-ভরা দিক,  
সরলা কিশোরী আহা, ঘুমে অচেতন,  
গোপন বিবর হতে আসিলুম বাহিরে—  
সে কক্ষ করিলুম লক্ষ্য মনোযোগ দিয়া ;  
নিদ্রিতা রূপসী সতী-কণ্ঠে মণি-হার—  
করিলুম হরণ । কি সে পিশাচ-উল্লাস !

পশথামাস। (অগ্রসর হইয়া আসিয়া) পামর  
ইতাল তুই...এমনি করিয়া...

কিন্তু আমি মৃত...আমি নির্দম, নির্ধর,  
আরো সে দুর্জন! পাণ্ডু! যাতক আমি!  
দাও, দাও, দণ্ড দাও। অসি বা কুপাণ,  
কিন্তু রজ্জু; পাপ-প্রাণ—হোক তার শেষ!  
মহারাজ, রাজ-অধিরাজ—হত্যা, হত্যা,  
হত্যা করো মোরে! নির্ধর নির্দম হত্যা!  
আমি...আমি...আমি দুষ্ট পশথামাস...  
হত্যা করিয়াছি আমি রাজ-তনয়ারে!  
সরলা সে দেবী—তারে করিয়াছি পূজা—  
সে পূণ্য-মন্দির চূর্ণ আমি করিয়াছি!  
ধর্ম...ধর্ম...পূণ্য...সব করেছি উচ্ছেদ!  
লহ শির। দাও শূলে। মৃত্তিকা-প্রোথিত  
করিয়া কুকুর দিয়া খণ্ড-খণ্ড করে।

এ আমার সারা দেহ! পাষণ্ড-আঘাতে  
চূর্ণ করো, চূর্ণ করো এই পাপ-দেহ!  
ধরায় নারকী কেহ নাহি মোর চেয়ে!  
মহারাজ, মহারাজ—মৃত্যু দাও মোরে!  
ইমোজেন! ইমোজেন! নারী-শিরোমণি!

আমার হৃদয়-রাণী! প্রিয়া! দেবি! দেবি!  
হা আমার ইমোজেন! ইমোজেন! প্রিয়া!  
ইমোজেন! হয়ো না অধীর, ভদ্র! শান্ত হও! শোনো!  
পশথামাস। অগ্রগল্ভ বালক-ভূতা—কি বুঝি তুই?  
উপদেশ দিস, দেখি! হেন স্পর্ধা! বটে!

(চপেটাঘাত; ইমোজেন গড়িয়া গেল)

পিশানিয়ো। কি করো-কি করো প্রভু!  
চিনিতে না পারো!

দেবীরে কহেনি হত্যা—করিলে এখন!

দেবি...দেবি...

সিষেলিন। পৃথিবী কি পদ-তল হতে  
গিয়াছে সরিয়া? অথবা...

পশথামাস। কি বলিতে চাও?  
পিশানিয়ো। ওঠো দেবি, ওঠো। চেয়ে ছাখো,  
কথা কও।

সিষেলিন। তবে কি...তবে কি...ভগবান্, অল্পমান  
সত্য প্রভু! আনন্দ অসীম!

পিশানিয়ো। আঁখি মেলি ওই চায়!  
দেবি! দেবি! দেবি!

ইমোজেন। চলে যা সম্মুখ হতে দ্রুত নফর।  
বিষ দিয়াছিল মোরো...দূর হ'রে তুই!  
রাজগৃহে ঠাই ভোর নাহি হবে আর।

সিষেলিন। সেই কণ্ঠস্বর! ইমোজেন...ইমোজেন!  
পিশানিয়ো। বিধাতা জানেন দেবি, মোর দোষ নাই!

যে-পেটিকা দিয়াছিল, কি ছিল তাহাতে,  
আমি তাহা জানি নাই! রাণীর সে-দানে  
অমূল্য সম্পদ ভাবি...

সিষেলিন। নব-তম্ব গুনি।

ইমোজেন। বিষ...সে-বিষে আমার

চেতনা বিলুপ্ত হলো—মৃত্যু-হতা-প্রায়!  
কর্ণেলিয়াস। হায় বিধি! এক কথা ভুলেছি রাজন্,  
রাজ্ঞী বলেছিল আরো—পিশানিয়ো যদি  
যে-পেটি তাহারে দিছি, দেয় ইমোজেনে  
ওষধি ভাবিয়া, তবে অতি-সুনিশ্চিত  
সে পেটি-পুঞ্জিত বিষে মরেছে বালিকা!

সিষেলিন। এ কথার অর্থ কি-বা?

কর্ণেলিয়াস। বিষ-তম্বের রাণী

নিপুণা ছিলেন অতি। বিষ লয়ে খেলা!  
নীচ প্রাণী 'পরে তাঁর চলিত পরীক্ষা—  
কোন্ বিষ কত উগ্র—কিসে প্রাণ হরে  
চকিতে, বিলম্বে কিসে—তীব্র আলা সয়ে  
দগ্ধে দগ্ধে মরে প্রাণী, তিলে তিলে ক্ষয়!  
ভেমনি সে কোনো বিষ ছিল পেটি-মাঝে!  
কে জানে রহস্য তার! করেছিলে পান  
সে বিষ কি রাজবালা?

ইমোজেন। হয়তো করেছি!

নহে মৃত্যু-হিম কেন পরশিবে মোরে?  
বেলারিয়াস। তবে সে মোদের বুঝিবার ভুল, বৎস!  
গিদেরিয়াস। আমাদের ফাইডেল! ঠিক!

ইমোজেন। বিবাহিতা পত্নী—তারে করিলে বর্জন  
এমন অকুণ্ঠ চিন্তে—অনায়াসে! কেন?  
আজ...আজ...গিরি-শৃঙ্গে অবস্থান তব!  
আমারে ফ্যালো তো দেখি!

পশথামাস। না, না, ফেলিব না। চাহে

কে ফেলিতে—বলো?

লগ্ন থাকো, লগ্ন থাকো। এমনি আমাতে—  
তরুণাথে ফল-ফুল লগ্ন থাকে যথা,  
যত দিন বাঁচে তরু, বাঁচে তত দিন—  
আত্মায়-আত্মায় লগ্ন রহো অবচ্ছেদ!

সিষেলিন। কত্যা...কত্যা মোর!...ওরে,

ওরে আদরিণি,

আমারে কিছু না ক'বি? কোনো কথা নাই?  
কোনো সাধ?

ইমোজেন। (নতজানু হইয়া) তোমার আশিষ  
মাগি, পিতা।



বেলারিয়াস। (গিদেরিয়াস ও আর্ভিওরেগাশের প্রতি)

এ বালকে এত স্নেহ—অপরাধ নাই।

এ স্নেহের ছিল হেতু।

সিথেলিন। পুণ্য-অশ্রু চোখে!

ইমোজেন, শুনিয়াছ—রাণী প্রাণ দেছে?

ইমোজেন। ব্যথা পাই মনে সত্য এ মৃত্যু-স্মরণে।

সিথেলিন। না, না, ব্যথা নয়। ছিল অতি-দুষ্টি নারী।

ভাগ্যে প্রাণ দেছে রাণী, তাই এ আনন্দ!

পুত্র তার নিরুদ্দেশ। কোথা, নাহি জানি।

শিশানিয়ো। সত্য তবে বলি মহারাজ! নাহি ভয়!

রাজবালা প্রাসাদ করিল যবে তাগ—

অসি-হস্তে আমারে হাঁকিল যুবরাজ,—

রাজকন্ডা কোথা গেছে, বার্তা নাহি দিলে

দ্বিখণ্ড করিবে শির! সদয় বিধাতা

বুঝি—জাল পত্র ছিল কাছে—প্রভুর লিখন।

দেখাইলু তাঁরে। ছিল সে পত্রে কঠিন

প্রভুর আদেশ, যেন সেই পত্র পেয়ে

রাজবালা যান্ ত্বর মিলফোর্ডে চলি;

সেখায় সাক্ষ্য হবে—প্রভুর রবে সেখা।

সে বার্তা পাইয়া দৃষ্ট হরষিত মন,

প্রভুর পুরানো বেশ লইল চাহিয়া

আমা হতে; বাহিরিল সেই বেশে মাঝি

মিলফোর্ড-অভিমুখে—পাপ-ইচ্ছা মনে।

তার পরে কি যে হলো, নহি তা বিদিত।

গিদেরিয়াস। এ গল্পের শেষ আমি জানি। প্রাণ দেছে

সে দৃষ্ট আমার করে।

সিথেলিন। না, না, অসম্ভব!

বলো যুবা, সত্য নহে, মিথ্যা বলিয়াছ!

তোমার সাহস-বীর্যে দিব পুরস্কার

আমার বাসনা যবে, এ কথা তখন!

কোন প্রাণে দিব দণ্ড? বলো—মিথ্যা কথা!

গিদেরিয়াস। সত্য কথা, তারে আমি বধ করিয়াছি।

সিথেলিন। সে যে রাজপুত্র—

গিদেরিয়াস। অভদ্র ইতর অতি। আচার-ব্যভার

রাজপুত্র-যোগ্য নহে। অকথ্য ভাষায়

গালি দিল অকারণে—কিছু না বলিল!

আঘাত করিল শেষে। সেই অপমান

আমার অসহ্য হলো! তার অঙ্গ লয়ে

—যে-অঙ্গে আমার বধে ছিল সমুত্তত,

সে অঙ্গে নিলাম শির। অমৃতপ্ত নহি—

স্পর্শের উচিত শাস্তি দিয়াছি তাহারে।

বড় স্নেহী! আজ হেথা নাহি উপস্থিত

জীবন্ত সে পাপ-মূর্তি!

সিথেলিন।

কিন্তু তুমি নিজ-মুখে করিছ স্বীকার।

এ হত্যার দণ্ড পাবে। প্রাণ-দণ্ড তবে।

ইমোজেন। শিরোহীন দেহখানা, সে তবে তাহার

বন-মাকে বেশ দেখি—ভেবেছিলাম মনে,

স্বামী মোর—

সিথেলিন।

বন্দী করো এ যুবারে

লয়ে যাও হেথা হতে।

বেলারিয়াস।

সম্মর রাজ্য

মহারোষ! কারে দণ্ড দিতেছ, তা জানো?

যুবা যার প্রাণ নেছে—তার চেয়ে জেনো,

কুলে হীন নহে এতটুকু! শুধু তাই?

লক্ষ সে ক্লোটেন-প্রাণ—তার চেয়ে মূল্য

এ-প্রাণের চের বেশী! (প্রহরীর প্রতি)

ছেড়ে দাও হাত

এই হস্ত বন্ধনের নহে!

সিথেলিন।

হে প্রবী

যাহে তব অধিকার বিন্দুমাত্র নাই,

তাহে হস্তক্ষেপ করি, কেন এ মৃতা?

কেন আলো রোষ-বাহু?...বেশ, কহ, শুনি—

কোন উচ্চ কূলে জন্ম লয়েছে যুবক?

ক্লোটেনের সমতুল্য—কি সাহসে কহ?

আর্ভিওরেগাশ। এ কথায় বিনয়-প্রকাশ, মহারাজ!

সিথেলিন। এই স্পর্ধা—

তার শাস্তি তোমার মরণ।

বেলারিয়াস। মরিতে কাতর মোরা নহি, মহারাজ!

তাই দাও—মৃত্যু-দণ্ড লবো শির পাতি।

মরণের পূর্বে শুধু বুঝাইয়া যাবো—

কোন কুল ছই যুবা করেছে উজ্জ্বল!

ক্লোটেন হইতে কত মহৎ দুর্জনে

অপূর্ব সে কথা, যেন কল্পনার রচনা!

বৎসগণ, ক্ষণেক নীরব রহ দাঁড়ে,

মোর লাগি রাজরোষ করো না পুঞ্জিত।

আর্ভিওরেগাশ। তোমার বিপদে পিতা মোদের বিপদ।

গিদেরিয়াস।

কুশলে কুশল।

বেলারিয়াস।

বেশ, তাহা মানিলাম।

মহারাজ, মনে পড়ে—বহু বর্ষ আগে

প্রজা এক ছিল তবে—নাম বেলারিয়াস?

সিথেলিন। তার কথা কেন? নির্বাসিত

অবিধাসী।

বেলারিয়াস।

সে আজ প্রাচীন,—এই

তোমার সম্মুখে। নির্বাসিত বটে,

কিন্তু নহে অবিধাসী!

সিঙ্গেলিন ।

লয়ে যাও এরে,

ধরণীর কোনো শক্তি পারিবে না এরে  
আজিকে করিতে রক্ষা ।

বেলারিয়াস ।

ধীরে প্রভু, ধীরে !

তব পুত্রদ্বয়ে আমি করেছি পালন  
এত কাল । মহারাজ, তার মূল্য দাও...  
সে অর্থ হরণ করে মোর দণ্ড-হেতু—  
কোনো ক্ষোভ নাই তাহে !

সিঙ্গেলিন ।

পুত্রের লালন !

বেলারিয়াস । মহারাজ, বুদ্ধ আমি, অক্ষম প্রগল্ভ ।

নতজানু করি আজ করুণা প্রার্থনা—  
আমার এ দুই পুত্রে একান্ত বধিবে  
যদি, তার পূর্বে লহ এই বৃদ্ধের জীবন ;  
তার পরে দুজন্য ১০০০কি সে কাহিনী  
অদ্ভুত, অপূর্ব—শুন, সভাজনসহ ।  
এ দুই কুমার—এই দিব্য যার ত্রী—  
আমারেই পিতৃ-জ্ঞানে পিতৃ-সম্বোধনে  
কৃত্যর্থ করেচে মোরে—মোর পুত্র নয় ।  
মহারাজ, এরা দুটি রাজপুত্র ! তব  
প্রতিবিম্ব প্রভু,—তব শোণিতে গঠিত,  
তোমার তনয় দৌহে ।

সিঙ্গেলিন ।

আমার তনয় !

বেলারিয়াস । সত্য কহি । মোর নাম জানিয়ো

মর্গান—

সেই বেলারিয়াস—যারে নির্বাসন দেছ !  
তব ইচ্ছা-অনুমানে অপরাধ মম ;  
সত্য অপরাধী নহি : তব অভিলাষে  
হলো মোর গুরুদণ্ড । কি প্রচণ্ড দাহ  
অন্তরে করেছি ভোগ, জানে অন্তর্যামী !  
এরা দুই রাজপুত্র । বিশ বর্ষ ধরি  
সলসল করেছি দৌহা ; শিখায়েছি প্রভু,  
ঐশ্বর্য যাহা কিছু ছিল মোর জানা ।  
য়ুরিফিলা ধাত্রী ইহাদের ; তারে  
বিবাহ করিয়াছি—লালনের লাগি ।  
মিথ্যা-অপরাধে যবে শাস্তি দিলে প্রভু,  
আক্রোশে জ্বলিল তনু ! ধাত্রী যুরিফিলে  
মিনতি-শাসনে আমি ভুলায়ে সম্মত  
করেছিল রাজপুত্রে হরণের লাগি ।  
সে মিনতি রাখিল সে ; করিল হরণ  
রাজপুত্রে ; আনি দিল আমার এ হাতে ।  
সে অবধি শিরে বহি এদের কল্যাণ ।  
এরা মোর ধ্যান-জ্ঞান, সাধনা, সর্বস্ব !  
কি করিব ? ক্রোধে, শুধু আক্রোশের বশে

হরিয়াছি রাজপুত্রে—শুরু অপরাধ ।

রাজভক্ত—ওচরণ বিনা নাহি জানি,  
তারে মিথ্যা অপবাদে হেন শাস্তি দিলে !  
বিবেক, বুদ্ধি, সে-মন—হারানু নিমেষে !  
যে-শাস্তি আমারে দিবে, লব শির পাতি ।  
এখন তোমার হাতে দিলাম ফিরায়ে  
এ তোমার দুই পুত্রে—নয়নের মণি,  
আমার সর্বস্ব । আজ তাহে হই হারা !

স্বর্গের দেবতা দৌহে করুন আশিষ—

কল্যাণ, কল্যাণ-চির হোক দৌহাকার !

যোগ্য এ তনয় তব—রাজ-অধিরাজ,  
মহারাজ, প্রভু, মোর দেবতা মহান !

সিঙ্গেলিন । চোখে অশ্রু দেখি, কণ্ঠে গদগদ ভাষা ।

এই বৃদ্ধে তুমি আর দুই শিষ্য তব  
ব্রিটেনের মান রাখি যে ব্রত সাধন  
করিয়াছ, ধন্য তায়, কৃত্যর্থ সকলে !  
সে বীর্য, সাহস মানি ! যোগ্য এ তনয়—  
ব্রিটেন-মর্যাদা-মান-রক্ষক সূজন ।

বেলারিয়াস । আর কিছু কথা আছে । এই পলিডোর—

মোর দেওরা নাম তার—গিদেয়িয়াস ;  
যারে ডাকি কঙওয়াল, সে আভিরেগাশ ।

এতটুকু ছোট শিশু লয়েছিল বৃকে

রাণী-মার পাশ হতে ধাত্রী যবে আনে ।

যে-বসনে শিশু-তনু ছিল আবরিত,

আজো মোরে কাছে আছে—পারি তা আনিতে

সিঙ্গেলিন । গিদেয়িয়াস ! বৃদ্ধে তার ছিল যে জড়ণ—  
রক্ত-তারকার চিহ্ন, সবার বিস্ময় !

বেলারিয়াস । এহি ছাখো, মহারাজ, সে রক্ত-তারকা

বিধির হাতের চিহ্ন ! তৃপ্ত নিদর্শনে ?

সিঙ্গেলিন । ধন্য আমি ! ফিরে পাই পুত্র-কথা তিনে ।

কোনো মাতা পুত্র-মুখ নেহারি এমন

পারিতৃপ্তি পায় নাই—আমি যথা আজ ।

সাধু বেলারিয়াস ! এই রাজ্যের গগনে

প্রদীপ্ত ভাস্কর সম তিনের উদয়—

মানির ত্রিমির দিলে নিমেষে ঘুচায়ে ;

তেমনি আমরা এই অন্তর-আকাশে

যে-আধার ছিল ঘন, করিলে হরণ !

এ চিত্ত-আকাশে রাজ্যে দীপ্ত মহিমায়

প্রদীপ্ত ভাস্কর সম—নাশ-দিন মনে ।

ইমোজেন—তুমি কিন্তু হলে রাজ্য-হার ।

ইমোজেন । না পিতা, এ দুই রাজ্য, দুটি ভাই মোর

দাদা, দাদা—বনে পুন্নে হয়েছিল দেখা—

আমারে বধিলে, ভাই হই ! ভাই নই,

ভগিনী যে আমি। আমি ভেবেছিলাম, ভাই।  
কে জানিত, সভ্য-ভাই, মিথ্যা-ভাই নহ!  
সিথেলিন। দেখা হয়েছিল পূর্বে?  
আর্ভিগেগাশ। হয়েছিল বনে।  
গিদেরিয়াস। প্রথম সে দেখা। কত...সে দেখায় কত  
ভালোবাসি—সীমা তার ছিল না কোথেন!  
নয়ন মুদিলে যবে, কত যে কাঁদিল!  
কর্ণেলিয়াস। রাজ্যের পেটের বিষ করেছিলো পান!  
সিথেলিন। কিন্তু...কিন্তু প্রাণ মোর একান্ত অধীর!  
ভাগ্য-চক্র—এই যদি আবর্তন তার—  
ধনী ও দরিদ্রে তবে কেন করি ভেদ?  
ভালো কথা, কোথা ছিলে এত দিন তুমি?  
রোমান বন্দীর কিসে হইলে নফর?  
কেমনে বা?...ভায়েদের সাথে যে-মিলন—  
সে মিলন ছিন্ন কেন? কেমনে বা দেখা?  
রাজপুত্রী ছাড়ি মাগো কেন বনে গেলি?  
কোথা গেলি? একা মেয়ে! তার কত পরে  
সমরে মিলিলি সবে কোথা হতে পুনঃ?  
কত, কত, কত প্রশ্ন উচ্ছসিছে মনে—  
কোন্টা যে কহি আগে, না পারি বুঝিতে!  
এবে দেখি, পশথামাস মিলে ইমোজেনে!  
নয়নের দৃষ্টি ফিরে চপলা-চমকে  
কতু স্বামি-মুখে, কতু সহোদর দোহে!  
এসো সবে—মন্দিরে মন্দিরে দিব পূজা।  
রাজ্য-জয়! মহালাভ! উৎসব-আচারে  
সারা রাজ্য মগ্ন হোক আনন্দ-পুলকে!  
(বেলারিয়াসের প্রতি) আজি হতে তুমি মোর  
ভ্রাতা—

এ বক্ষে রাখিব বন্দী—মুক্তি নাই ভায়!  
ইমোজেন। পিতৃসম! পিতা তুমি! শুধু ভব স্নেহে  
সঞ্জীবিত ছিহু পিতা! এ স্মৃতি-প্লাবন  
উচ্ছসিত আজি তাই!

সিথেলিন। সবে পুলকিত,  
আজি এ আনন্দ-দিনে; বন্দিদল শুধু  
বিষম কাতর মূর্তি! না, না, বন্ধুগণ,  
এ দিনে বিষাদ নয়! আনন্দ! আনন্দ!  
সকলে আনন্দ করে! বন্ধন-মোচন!  
মুক্ত সবে! যথা ইচ্ছা করহ গমন।  
ইমোজেন। (লুশিয়াসের প্রতি)

দীন আমি সেবক তোমার।  
লুশিয়াস। কল্যাণ, কল্যাণ হোক তব রাজপুত্রি!  
সিথেলিন। একটু ছাড়ার রেখা মনে রহে গেল।  
রিক্ত দীনবেশী সেনা করিল সময়

বিপুল সাহসে যে-বা, সে যদি আসিত  
পাশে আজ; রাজা আমি,—নিজ হস্তে তারে  
পুরস্কার, আনন্দে দিতাম—চাহিত বা।  
পশথামাস। সে দীন—এ ভ্রাতা তব সহচর-বেশে  
রাজপুত্রবয়সিছে করি বিচরণ!  
সহসা বিপৎ-পাতে মিলিল স্মরণ!  
সমরে দিলাম হানা—ভয় নাহি মনে।  
আয়াকিমো, কথা কও। পাড়িল তোমারে  
এ আমার ভূজ-বলে, মারিলাম নাকো!  
তোমার জীবন-মৃত্যু ছিল মোর হাতে।  
আয়াকিমো। (নতজাহ্ন) নত শির আর একবার।  
হে মহানু,

কত উচ্ছে, কত উচ্ছে তোমার আসন!  
মিথ্যা ভাষে বুকে তব জ্বালাই অনল,  
সতীরে কালির বর্ণে আঁকিলাম! ধিক!  
রূপা নয়, ক্ষমা নয়, সঁপিহু এ প্রাণ  
তোমার চরণে আজি...দাও, দণ্ড দাও...  
নিষ্ঠুর কঠিন মৃত্যু, প্রায়শ্চিত্ত হবে।  
এই তব অঙ্গুরীয়, এই মণি-হার—  
একনিষ্ঠ প্রণয়ের জীবন্ত মহিমা—  
অকলঙ্ক অমলিন দিলাম ফিরিয়ে!  
পশথামাস। কেন নতজাহ্ন? ওঠো। করায়ত্ত তুমি,  
প্রাণ লবো, সে তো আজ নহেকো কঠিন!  
আরো একবার প্রাণ পেয়েছিহু হাতে,  
লই নাই! বাঁচিয়েছি!...লবো না ও-প্রাণ।  
ক্ষমা...ক্ষমা! অন্তরের ক্ষমা লহ আজি।  
বিধিদত্ত প্রাণ-পুষ্পে রাখি অমলিন  
সবার কল্যাণ করো—ছাড়ো হিংসা-দ্বेष।

সিথেলিন। মহত্ব-গরিমা বটে! সবার আদর্শ!  
ক্ষমা...ক্ষমা! মার্জনা সবার হোক আজি!  
আর্ভিগেগাশ। এসো ভাই, বুকে এসো—হে বী-সজ্জন,  
ভগিনীর স্বামী তুমি—আমাদের ভাই।  
আজিকার এ আনন্দ, তার সীমা নাই।

পশথামাস। আমি ভব অহুচর। হে রোমান বীর,  
কোথা তব সে গণক? তারে ডাকো হেথা।  
বনমাঝে নিদ্রামগ্ন ছিলাম যখন,  
মনে হলো, স্বপ্নে যেন আসে জুপিটার  
ঈগলের পৃষ্ঠে চড়ি—আসে তাঁর সাথে  
স্বর্গগত মৌর যত আশ্র-বন্ধজন!  
জাগিয়া দেখিহু বুকে এ লিখন আছে;  
অর্থ বুঝিবারে নারি। এ যেন হেঁয়ালি!  
সে লিখন গণকে দেখাই, অর্থ যদি  
বলিবারে পারে—বুঝিব, কুশলী বটে!

লুশিয়াস। ফিলার মোলাশ...

গণক। দাস হেথা আছে প্রভু।

লুশিয়াস। এ লিখন করো পাঠ—অর্থ দাও বলি।

গণক। (পাঠ) সিংহশিশু নিজের শক্তিতে অশ্রু কাহারো

সাহায্য-ব্যতিরেকে বীর্যে আপনাকে যেমন পরি-  
পূর্ণ করে ; সিডার তরুর শাখা—ছেদনেও সে তরু  
বিগুঞ্চ বা জীবনহীন হইবার পরিবর্তে যেমন  
নিজেকে অমব জীবনে বিভূষিত করে—তেমনি  
পশখামাস, তুমি হুংথ ভুলিয়া জাগো ! তোমার  
জাগরণে বুটেনের হইবে বিজয়। শান্তি-সম্পদে  
বুটেন ভূষিত হইবে।

সিংহ-শিশু—এ তব অভিজ্ঞা বীর।

বিক্রম-সাহস তব বিপুল সমরে।

তব জাগরণে দেশ হইবে জাগ্রত !

( সিঙ্গেলিনের প্রতি )

এ তোমার কন্ঠা, মহারাজ—সতী-রাণী ;

রেবতী নক্ষত্র যথা চন্দ্রের প্রেয়সী,

চন্দ্রের স্তম্ভার উৎস অমৃত-জ্যোছনা—

সিদ্ধ ধ্রুপকান্তি-বিভা উজ্জলিয়া রাখে,

সতীত্ব-সুধায় তথা বিশ্ব সিদ্ধ করে।

ভাগ্যবতী ইন্দি সতী। এঁর ভাগ্যগুণে

স্বাধীনতা ফিরে গেলে, হারা-পুলে গেলে !

সিঙ্গেলিন। অপ্রত্যয় কথা নয়, মানি তা অন্তরে।

গণক। লিখনে সিডার তরু ! এ তরু সে তুমি,

মহারাজ। শাখা—ছই পুত্র তব, বোঝো।

বেলারিয় ছই শাখা করিল ছেদন ;

এখন এ শাখা-লাভে বুটেনের জয়,

চির শান্তি-সুখে রাজ্য হবে বিভূষিত !

লিখনের অর্থ এবে পাইলে মিলায়ে !

সিঙ্গেলিন। বিচিত্র কাহিনী ! শান্তি...শান্তি...

শান্তি হোক !

লুশিয়াস, জয়ী মোরা ; তবু সীজারে

নতি করি নিবেদন। ধার্য ছিল কর...

সে কর তাঁহারে দিব। ছুটা রাজ্যী দিল

ছুষ্ট পরামর্শ, তাই বাধিল সমর।

সে ছুষ্ট মন্ত্রের যোগ্য পেলো প্রতিকূল ;

হিংসা-বিষে প্রাণ দিল হয়ে আত্মঘাতী।

গণক। শান্তি বিধাতার স্পষ্ট, উজ্জল ইঙ্গিত !

হেন ছুষ্ট পরামর্শ রাণী নাহি দিলে

এ সমর বাধিত না ; সমর নহিলে

হারা পুত্রদ্বয়ে প্রভু, পাইতে না ফিরে ;

পাইতে না তনয়ারে ; রাজ-জামাতারে !

নিয়তির চক্র এ যে—টলিবার নয়...

রাজ্যী সে নিমিত্ত মাত্র—তুচ্ছ উপলক্ষ !

ভবে স্মৃথ, বড় স্মৃথ ! থেমেছে সমর !

রোমে ও বুটেনে আজ পরাণে মিতালি !

বিজয়ী বুটেন-রাজ মহত্বে আপন

গরিমা-কিরণে কীর্তি করে সমুজ্জল !

সিঙ্গেলিন। দেবতারে প্রণতি জানাই...তাঁর ইচ্ছা !

যজ্ঞ-ধূমে আকাশ প্লাবিত কর আজ।

সে ধূম মোদের পূজা বহিয়া চলিবে

উদ্ধে নিখিলের সামা ছাড়ি স্বর্গ-লোকে

দেবতা-চরণে ! সন্ধি-বার্তা রাজ্যময়

প্রচারিত করো। আজ বুটিশ-পতাকা

রোমের পতাকা সহ উড়াও গগনে !

জুপিটার-মন্দিরেতে হই সমবেত...

শান্তির সঙ্গীত গাহি উৎসব-মঙ্গল !

ভোজ-সমারোহ...হলো রণ অবসান—

এমন গৌরব-দৌণ্ড স্মহান্ স্মখে

কভু কি হয়েছে আর !...রক্তমাখা কর

প্রীতির-বীধন মাগি আজিকে অধীর !

শান্তি...শান্তি...চির-শান্তি হেরি দিকে দিকে !

[ সকলের প্রস্থান ]

স্ববনিকা







